

Koita Ga: Bible for 1 Corinthians, 1 John, 1 Peter, 1 Thessalonians, 1 Timothy, 2  
Corinthians, 2 John, 2 Peter, 2 Thessalonians, 2 Timothy, 3 John, Acts, Colossians,  
Ephesians, Galatians, Hebrews, James, John, Jude, Luke, Matthew, Philemon,  
Philippians, Revelation, Romans, Titus  
Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



# Matthew

## 1

<sup>1</sup>Ora Iesu Keriso ġuruane au tene ramu David renu Abraham iaue au tene raki oroġanu. <sup>2</sup>Abraham ra Issac mamera, renu Issac ra Jacob mamera, renu Jacob ra Judah mamera mati au ġoġuħe ruġa yau mamera, <sup>3</sup>Judah ra Perez mati Zerah yau mamera, yau neinera Tamah, Perez ra Hezron mamera, renu Hezron ra Ram mamera, <sup>4</sup>Ram ra Amminadab mamera, renu Amminadab ra Nahshon mamera, renu Nahshon ra Salmon mamera. <sup>5</sup>Salmon ra Boaz mamera au neinera Rahab, renu Boaz ra Obed mamera, au neinera Ruta, mati Obed ra Jesse mamera. <sup>6</sup>Jesse ra Davida Rohi koita au mamera. Ora Davida uiege uhura Isaraela ġahava iauki idigei Babulonia otinu, iau tene aukamu onu: Davida ra Solomona mame, au neine ra Uriah, <sup>7</sup>Solomon ra Rehoboam mamera, Rehoboama ra Abijah mamera, renu Abijah ra Asa mamera, <sup>8</sup>Asa ra Johoshaphat mamera, Jehoshaphat ra Joram mamera, renu Joram ra Iahu vara Uziah vahiera, <sup>9</sup>Uziah ra Jotham mamera, Jotham ra Ahaz mamera, Ahaz ra Hezekiah mamera. <sup>10</sup>Hezekiah ra Manasseh mamera, renu Manasseh ra Amon mamera, Amon ra Josiah mamera. <sup>11</sup>Josiah ra Jechoniah ra vahiera mati au ġoġuħe ruġa, nega ei yauki idigei Babulonia otinu. <sup>12</sup>Yau ei idigei Babulonia otine itaharaħe: Jechoniah ra Shealtiel mamera, renu Shealtiel ra Zerubbabel vahie bera. <sup>13</sup>Zerubbabel ra Abiud mamera, renu Abiuda ra Eliakim mamera, renu Eliakim ra Azor mamera. <sup>14</sup>Azor ra Zadok mamera, Sadoka ra Achim mamera, renu Achim ra Eliud mamera, <sup>15</sup>Eliud ra Eleazar mamera, Eleazor ra Matthan mamera, Matthan ra Jacob mamera. <sup>16</sup>Jacob ra Joseph mamera, Maria mobore ra, ausenige Iesu raki varavanu, au iħe yauki ronu Keriso. <sup>17</sup>Eige Abraham au tene urimi Davida auge taura ramu utube ġakira ababu ġera; renu Davida tene au urimi ate iau idigei Babulonia oti ġurahane, taura ramu utube ġakira ababu; mati iau idigei Babulonia otine urimi Keriso ġuruane taura tage utube ġakira ababu ġera. <sup>18</sup>Ora Iesu Keriso ġuruane aukamu onu. Au neine, Mary ra yauki ronu auka Iosepa mobo ġahisa. Eduge yauka so ġuragu kobuġa veite, auka Horu Aena hedokeħe auki detu ġoinu auki so ġami be misa. <sup>19</sup>Au mobore Iosepa, tage anana maġe koita vara eige auki ura veite orogo Maria variva ġahisa, edube auka norena kisa. <sup>20</sup>Au anana viege uhuraħe, Rohi Bauge aneruve raki iaġo uhura kironu, “Iosepa, Davida moe, a negu siġoime Maria mi ai mabare ġiare, ora Horu Aena ausenige ġami o raki oroġima. <sup>21</sup>Auka ġami be mimi vara, au iħe Iesu ana rosa, makava ramu auka koita iau daureve inuħati maġe ġahi ġeige vara.” <sup>22</sup>Onaki ġuma ora Dirava ġare peroveta ġahi rone riaġa ġahiġa vara, <sup>23</sup>“Eraġiaħe, maeaġo bera detu ġoi ġami be mimi vara, renu yauka ihiva rosa Emmanuela,”-makava ramu, “Dirava ra no ruta ġera.” <sup>24</sup>Joseph raki ġaġoħi raġi urimi, Dirava aneruve iaġo ġirone ġumaħe; Maria mi au mabareni ġinu, <sup>25</sup>eduge iauka so iau abu iaġia kobuġa veite uhura auki ġami manu; eige Iosepa raki ihiva ġinu Iesu.

## 2

<sup>1</sup>Iesu ramu Betelehema Iuda eige auki ġuruanu. Heroda Iudea rohiva ġoine uhura, uhuvaka ġaha bea vani ġadiġa kasiva seni Ierusalem ooroġanu, <sup>2</sup>berabe raġi, “Ama ġami ġaruka be ġuruane Iudea ġaha iau rohiva na oreigenu? Vava ġe noki koro abaga eraġi, noka maġe ġahisa rome noki oroġanu.” <sup>3</sup>Heroda iau Rohite ġava ihinei, au soruħe raki ġuhunaġi, renu Ierusalem uiege ġahava dadaġa ġainage uħu ġuħu raġanu. <sup>4</sup>ġerege auki dubu bauea mati aena ġahava ia inuħati iħirogei boue beragei, “Negu iau Keriso roiare na oreigena au ġuruħa vima?” <sup>5</sup>Iauka roia, “Betelehema Iudea uhura; ora peroveta ġaha rone ġava vara: <sup>6</sup>Koita iai boue, Betelehema, Iudea mata uhura, iaka Iudea mata ketake roħi ġahare uhura iau vaġa oġo avie bera, iai vaġotoni roħi koita vana oroġisa, <sup>7</sup>Eige Heroda raki ġoġoħu deivaia vani ġadiġava oroġane norena iħirogei beragei negu koro ena vaisu ġena au ġaġae ġoinu. <sup>8</sup>ġerege auki besugei, roeġe, “Oħiaħe Betelehema negu ġami ġaruka iama reġunaki iaġoħa, ia behuġeġe, iama da vasiba ġaħeġe da tage dama oti maġe ġahisa.” <sup>9</sup>Iauki oġo roħi e ġare ihare, iauki ġareħare otinu, renu iau ġumaġa otege uhura iauki ġaitana koro vani ġadiġava seni urigatugei eraġanu, auki ġami ġaruka variada ġe auki daivanu. <sup>10</sup>Iau koro eraġane era daivi iauki ġeġiri raġoħeġe. <sup>11</sup>Iauki iaġa uhura siri raġi, negu ġami ġaruka au neine Maria ġore eraġe; iauki komuħo daivi maġe ġahigei. Renu koba koba ġami ġaruka eni iaġa maġe idigei oro ġevene, ġolo, muraka ġutika maġete, mati idi vadaka aħata roiro iaġava, idigei moimanu. <sup>12</sup>Renu Dirava raki iaġo ġoriti ġahigei iauka beta ġoiraġoħi Heroda ġasina otisa, eige iauki ġuma nune bei ġoiraġoħi iau matameħe otinu. <sup>13</sup>Siviġoro raġi Aikupito otinu Negu deivaia otine itaharaħe, Rohi Bauge aneruve raki iaġo Iosepa ġasina ġaġae ġoi, kironu. “Urimi ġami ġaruka au neine ġoreħe idigei siviġoro raġi Aikupito otiaħe. Iama ei ġurahi ate da ia ġiro ġevēe, badiva Heroda ra ġami ġaruka ora auki iaġoħa, auka ġami ġoħekisa roma.” <sup>14</sup>ġerege Iosepa raki ġaġoħe raġi urimare, ġami ġaruka mati au neine ġore vahi uhura, idigevare Aikupito otinu, <sup>15</sup>eige iauki ġurahi ate Heroda raki hoġe raġanu. Onaki ora Rohi Bauge ġare riaġa ġahi peroveta ġahi ronu, “Aikupito ġe daki di moe iħiromonu.” <sup>16</sup>Eiġera Heroda uhure raki baoraġanu deiva vani ġadiġa seni oroġone iabaki taraġanu. Eige auki hoġoi, ġa maemi ġanito ġahigei ronu, oti Betelehema mati au oriġi oġova iau, ġami mo iau taue abu mati ġarukare inuħati iama ġahigei hoeki ġeħa. <sup>17</sup>Eige otavado ana peroveta koita Ieremia rone ġava raki riaġa ġoinu Eno bera iauki ihinu Rama seni, <sup>18</sup>aħamu nivi ġariri vima renu nina ava dahida, Reisel raki au ġamuħe iau ninave vima; auka besibe vima bera vaġahu ġahisa, badiva iakamu hoġe raġanu.” <sup>19</sup>Heroda hoġe raġeġe, Iosepa Aikupito uiege uhura Rohi baue aneruve raki iaġo au ġasina ġaġae ġoħare kironu, <sup>20</sup>“Urima, ġami ġaruka renu au neine ġore idigei ġoiraġi Isaraela matava ote, badiva oġore iana ġami ġaruka e ġamisa roiare ġahava iabaramu buda raġoħanu. <sup>21</sup>Eige Iosepa raki urimare ġami ġaruka au neine ġore idigei ġoiraġi Isaraela otinu. <sup>22</sup>Eduge Iosepa raki iħeġe Arkelas raki au mame Heroda vataġe mi Iudea roħi ġoinu, eige auki mata ei otito

sigovanu. Auka iaḡo ge Dirava raki ḡanito ḡahanu, eige iauki urihi Galileia kasi bei otinu.<sup>23</sup> Eige auki iau guragu oḡe kinu ihivara Nasareta. Gerege otavado ana peroveta ḡahaia ro maemanu ramu riaḡa ḡahanu, “Auka Nasareta koita vara.”

**3** <sup>1</sup>Ioane Babatiso nega ei Iudea mata ḡaḡaeva hakivi Dirava hari maḡeve ro ioavege, roege,<sup>2</sup> “Tama iai daure ḡumave ḡare geisa, badivara va Basileia ramu hugure.”<sup>3</sup> Oramu Isaia peroveta koita gavane au rone, “Koita be raki mata ḡaḡaeva gure to roma: Rohi Bauge ḡumaḡe baoviahe, au ioavare ḡumava ieriri ḡahisa.”<sup>4</sup> Ioane ogonave ramu kamela homoka ge auki kiege renu vadaka ge auki au negotane bodivi vanu. Au demaka ramu iso iso mati umuko idi.<sup>5</sup> Gerege koita iabaraki Ierusalemata seni renu Iudea uhura au ḡasina otege, mati Ioridana iaro hakira oḡo ḡahava ia,<sup>6</sup> eige auki babatiso ḡahigei Ioridana iarova iau daureve rogei keto gevege.<sup>7</sup> Eduge auki Faresia mati Sadukea ḡahava au ḡasina babatiso oroḡonu, auki kiro gevege, “Inuhu ḡamika ma ḡahanu! Unuhuna roma iaka Dirava hedokehe siviḡoro raḡohisa?”<sup>8</sup> Oti me maḡe be kiogeisa eramu ia maḡuri maḡe mane ḡaḡae kisa.<sup>9</sup> Ia negu rome iaka ḡuma daure vara ia ḡare gevenu, Noka Aberahamo ramu ni tene; iakera daki ia kirogeima, Dirava vara riaḡahe muni o idigei Aberahamo vahiruhe kiogei gevara.<sup>10</sup> ḡuma ra bao bao vera aka idi umukahe dodo geisa; idi inuhati iau madika maḡe kiki veite era iaka dodovare mi vene uhura kiraki vara.<sup>11</sup> “Daka eiava ge daki koita babatiso ḡahi gevenu, iau daureve ḡare gevare ḡahavaia. Eduge koita be di itahe oroḡare au hedoke ra raho ketake; eige daka au vaḡotoni maḡe veite renu ḡereḡere veite au vasi iaḡane agoḡhisa. Auka Horu Aena mati hedo ruta gera auna ia babatiso ḡahigeisa.”<sup>12</sup> Auka riaḡahe koita maḡe kasagei daure ḡaha iau, erehuta negu ḡeḡe kiki koita naḡate, au me kiare auriva miare au demaka iaka maḡe kasai daureva iau. Gerege ḡeḡe kiki koita vana maḡeva idigei au demaka reḡui bougevare iaḡahe ḡosiḡei, eduge daureve iabara auka idigei vene raḡare uhura kira geige vara.”<sup>13</sup> Gerege Iesu raki Galileia seni urimi Ioane ḡasina Ioridana otinu, Ioane so babatiso ḡahisa.<sup>14</sup> Eduge Ioane raki imiḡi, roege, “Akena da babatiso ḡahisa, esemena a di ḡasina oroḡi roma daka a babatiso ḡahisa?”<sup>15</sup> Iesu raki kironu, “Da roiare so negubutu kisa. ḡuma onaki ora noka Dirava roiare inuhati riaḡa ḡahisa.” Gerege Ioane raki itonu.<sup>16</sup> Gerege auka Iesu babatiso ḡahanu, auka eiava seni hakivanu, va uduani iabaraki au baoraḡohi, auki Dirava Horu Aenave eraḡage auki uguhi erehuta uguha naḡate abaga vara au ada.<sup>17</sup> Gerege eno be raki vava seni uguhi onaki ronu, “Ora di Moera, di soruke, auge di heḡirive ra raho ketakera.”

#### 4

<sup>1</sup>Gerege Horu Aena raki Iesu nisiḡami mata ḡaḡaeva otinu diaboloto so tohoḡisa.<sup>2</sup> Iesu raki vani utu-ababu mati vahi utu-ababu tamuta veite eige auki ḡubu raḡanu.<sup>3</sup> Eige diaboloto raki au ḡasita otare kironu. “Ana Dirava Moe ḡoiege, ama muni o ḡanito ḡahigei iau tamuta demaka ḡahi goiraḡohe.”<sup>4</sup> Edube Iesu raki ronu, “Buka Aenava ramu ronu, koita bera beta demaka eiḡuge auna maḡuri visa, eduge Dirava avavege ga inuhati haki raḡare au gera.”<sup>5</sup> Gerege diaboloto raki Iesu nisiḡami oti oḡo aena Ierusalemata otime auki dubu ḡurida ramanu,<sup>6</sup> auki kiroege, “Akamu Dirava Moe ra, aso oi geroi uguha; edube Buka ramu ronu, Dirava raki au aneruve ḡanito ḡahi gevege iauna a nitabata ḡahisa, renu Iauna ai adahe ami iagemisa, eige ai vase na beta muni ḡadimisa.”<sup>7</sup> Iesu raki kironu, “Buka ramu ḡaitana ronu, A negu Dirava ai Rohite tohoḡime.”<sup>8</sup> Gerege diaboloto raki ḡaitana Iesu nisiḡami nimu vava bei ḡadimare, auki vata ketake basileia erara vaḡa maḡe inuhati ḡaḡiromi;<sup>9</sup> mati diaboloto raki kironu, “Iaḡa o inuhati daka idigei a moimo vara, a komuko daivi guramare renu da maḡe ḡahege.”<sup>10</sup> Eige Iesu raki kironu, “Oheseni geahu ote, Satan! Yaukamu torevanu 'Ai Rohite guge ana riaga ḡahisa, renu augugena ana au meve kisa,”<sup>11</sup> Eige Dibolo varaki garemanu, a aneru yabera rogi yaheganu.<sup>12</sup> ḡamana veite, Iesu raki ihege aena ḡahe iabeki Ioane mi vadibu iaḡava maemanu, ḡereḡe auki Iudea ḡaremi Galileia otinu.<sup>13</sup> Auki Nasareta garemare otime auki Kaperanamu guramege, Galileia gohu ḡaika, Sebulono mati Naptali iau matame uhura,<sup>14</sup> eige otavado ana peroveta koita Isaia rone eramu riaḡa ḡoisa.<sup>15</sup> “Sebulono mati Naptali mata ḡahava ia, Galileia gohu ḡaika ḡahava oti Ioridana iarova,<sup>16</sup> koitava iabera vadibu uhura ḡurahegeiauki abaga ketake be eraḡanu, renu oḡore iana mata ei gurahi mati hoḡe uhura uiege Dirava abage ramu idigevenu.”<sup>17</sup> Nega eige Iesu raki au hari maḡe roege, “Tama iai ḡuma daureve ḡare geisa, badiva va basileia vara hugure.”<sup>18</sup> Iesu Galileia gohu ḡaika oḡi otege uhura, eige auki niḡahi Simona, au ihe bera Petero, au ḡoḡe Anderea iau abu era gevege, iauka iau rekeve eve maemi. Iauka eve ḡahe iabera.<sup>19</sup> Iesu raki kiro gevenu, “Di itahe oroḡiahe, dakena koita iagoia ḡumava ia ḡaḡiro geisa.”<sup>20</sup> Gerege iauka iau rekeve ḡare gevare urihi au ruta otinu.<sup>21</sup> Au ei urihimi otege, auki ḡami abu era gevenu, Sebedeo au ḡamuhe abu ruḡa, Iakobo mati au ḡoḡe Ioane, iauka iau mame ruta iauki vanaḡiva iau rekeve reḡu gevege, gerege Iesu raki ihiro gevenu.<sup>22</sup> Iauki vaina iau vanaḡive ḡarehi mati iau mame iauki au itahe otinu.<sup>23</sup> Iesu raki Galileia uhura oti ioavege, iau dubu uhura basileia badi maḡe gava viege, renu oḡore iana dika raḡohi mati dika nune nune koita iau vaḡotoni inuhati auki maḡuri ḡahi gevege.<sup>24</sup> Eige auki au badine ro ioa raḡi Siria matava inuhati iau. Gerege iauki koita dika raḡohi, huhu nune nune, sua daure idigei, oḡiḡi veite, ihiko veite, inuhati idigei Iesu ḡasina oroḡege, gerege auki maḡuri ḡahi gevenu.<sup>25</sup> Mati koita dadaḡava raki Galileia seni au orei otege au itahe oḡiege, mati Oḡo Utube, Ierusalemata, Iudea mati Ioridana mata hakirahe.

#### 5

<sup>1</sup>Iesu raki koita dadaḡa era gevare auki nimu ada ḡadimi guramanu; itaharahe au ḡamituhe iabaraki au ḡasina otinu.<sup>2</sup> Gerege auki urimi gavi, mati uguro ḡahigei, roege:<sup>3</sup> “Goroa ḡahe iaberamu heḡiri raḡisa, badiva va basileia vara iau era.<sup>4</sup> “Niḡo raḡohare iaberamu heḡiri raḡisa, badiva iauka uhudau ḡahigeige vara.”<sup>5</sup> Uhu maḡe ḡahava iaberamu heḡiri raḡisa, badiva iauka vata o mimi vara.<sup>6</sup> “ḡuma maḡe ḡubuva raḡare mati eia hoḡeva raḡare iaberamu heḡiri raḡisa, badiva iauka de bubu raḡira vara.”<sup>7</sup> “Vaḡahu ḡahava iaberamu heḡiri raḡisa, badiva iauka uhudau ḡahigeige vara.”<sup>8</sup> “Iau soruke inuhati

Dirava moimare iaberamu hegiri raġira vara, badiva iauka au udume mimi vara.<sup>9</sup>“Mai kiare ġaheva iaberamu hegiri raġira vara, badiva Dirava ra idigei au ġamuhe ro geige vara.<sup>10</sup>“Iana oġore iana iau ia besibe ġahigeva ia di dainehe ġuma maġe kiare, va basileia vara iai era.<sup>11</sup>“Di dainehe ge koita iaberamu ia daure ġahigei renu iai ada ga avauage raġi renu ia huhu ġahigei, badiva iaka di itahe oġiare ġahava iabara.<sup>12</sup>Iama hegiri raġohisa, badiva iai damune vava gera raho ketakera, eige ġuma kobuġa oige iauki peroveta uridane onaki besibe ġahi gevege.<sup>13</sup>“Iakamu vata ketake o damena vara, eduge damena au mamine kosavare, nona orenaki au mamine ki ġoiragohisa? Auka bina beta iaġa be maġe ġahiġa vara, edube iauka mi ġeahu kira vare renu vasi au ada rahi ioa raġira vara.<sup>14</sup>“Iakamu vata ketake o uhugati abaga vara. Oġo be nimu ada kiare era beta ġoġohu ġoiġoara.<sup>15</sup> Bera beta lamepa iahure mare mi maua derikahu maema vara, eduge au maema gabuhe maemege auma iaġa ġahava inuhati abaga mohigeisa.<sup>16</sup> ġuma kobuġa ei iai abage ramu urigo koita iau ġaruisa, gerege iauma iai me maġeve eragei mati iai Mame vava motea ġahisa.<sup>17</sup>“Ia negu anai rome da oroġane ra Mose aenave se peroveta ġaha sebogeisa; da oroġane beta sebogeisa edube iau gare riaġa ġahiġa vara.<sup>18</sup> Gerege riaġa vara daki a boriti ġahima, oti va o mati vata ketake ora veite ġahisa, aena ga kobabe se uhura gava kobabe tage beta aena oi veite ġahiġa vara, ate aena o maka riaġava inuhati geramu ġaġae ġahisa.<sup>19</sup> Gerege unuhuna aena avie o be dodoi, renu koita be ġanito ġahigei iauka ġuma kobuġe kisa, iauka va basileia uhura ihie koita ġoiġo vara; eduge unuhuna aena riaġa ġahi mati koita be iaheġi ugoro ġahima auka va basileia uhura au ihe ra raho ġoiġo vara.<sup>20</sup> Iakera daki ia kirogeima, oti iana iai uhure inuhati Dirava meve kiki veite beta Aena kiare ġaha mati Faresia ġaha iau naġate, Dirava ra beta riaġahe ia idigei au va basileia uhura siri raġira vara.<sup>21</sup>“Iakamu ihege koita iabaramu subuta roege, Ia negu ġa kime; mati ana unuhuna ġa kiare koita vanu iauka aenava a maema vara.<sup>22</sup> Eduge akera daki aki roma ana ai nane se ai amakine a hoġa geima, iauka ami kotava a maema vara; mati ana ga daure vima ai nane se ai amakine, iauka ami aena ġaha mohi gei gevara; renu a roiare, Uhura veite, iauka ami vene uhura a kira kira vara.<sup>23</sup>Eige ana dubu Dirava moimisa roege, edube ama anana visa ai oġo nane tage ramu ai uhu huhu tera,<sup>24</sup> ama a Dirava moimare mi pata aenava so maema veite; eduge ama urigo oti ai oġo nane ġore bebe vasi maġe kiare, gerege ana ġoiragi oti a Dirava moimo rone maemisa.<sup>25</sup> Ana koita be ami kotava otege ama vaina au ruta bebe maġe ġahigeisa, edube a negu ei tiare au ami aena ġaha mohigei, iauka ami vadibu iaġava a maema vara.<sup>26</sup> Riaġa vara daki aki roma, eige ana gurami ate a moni damuna inuhati ana kiogeisa.<sup>27</sup>“Iakamu ihege iaukamu ronnu, ia negu ni muduka raġime.<sup>28</sup> Eduge daki iaki rogeima, unuhuna maġi be eraġi ġamana ġahare au uhure au ġahara vima aukamu au sorukehe ni muduka vanu.<sup>29</sup> Gerege ai vamaġa kasiva nie ġuma daure kiege ama ġiroi hakivare mi negevisa. Badi vara ai ahata make tinabe dauġare eramu maġera, a beta maġe a ai ahata make inuhati mi vene uhura kira vare.<sup>30</sup> Ai ada vamaġe ġuma daure kiege ama dodovare mi negevisa. Badi vara ai ahata make tinabe dauġare eramu maġera, a beta maġe ai ahata make inuhati vene uhura kira vare.<sup>31</sup>“Mati onakime iauki ronnu, Unuhuna au mabare betia ġahima, auma au ġaremare pepava maemane moimisa.<sup>32</sup> Eduge iakera daki ia kirogeima; ata be au mabare ġaremare, beta auka ni muduka maġi dainehe, eduge unuhuna maġi au mobore ġaremane auka ni muduka maġi vara; mati maġi e mare atava tage ni muduka ata vara.<sup>33</sup> Akamu ġaitana ihinu iaukamu subuta ġahe iabara iauki boriti ġahi gevenu, Ia negu ia ominue raġohane e hosagime, eduge otavadoana a ominue ġahanu Rohi Bauge vaġotoni ronnu ama meva kiogeisa.<sup>34</sup> Eduge akera daki aki roma, ia negu ominue raġohime, va ihiva rome, badi vara era Dirava terona vera,<sup>35</sup> se vata o ihe tage beta rosa, badi vara ora au vase maema gabu vara, se beta Ierusalemia ihehe, badi vara era Rohi bauge oroġane oġo vara.<sup>36</sup> Renu a negu ai omotehe ominue vime, badi vara aka beta riaġahe omo hanaka kobabe mi kae se dubu ġahiġa vara.<sup>37</sup> Edube ai gare ramu rosa Riaġa, Riaġa, se Veite, Veite; ana mati iaġa bena a roma era diablo seni ge auki oroġima.<sup>38</sup>“Iakamu ihege iauki ronnu; Ana koita be nie kiege au ġiroi hakivanu ama ai nie tage ġiroi hakivisa, renu ana koita be eġie kiege au kokivanu ama ai eġie tage kokivisa.<sup>39</sup> Eige daki ia kirogeima, ia negu ġuma daure kiare koitava daure kiogevare damunava kime. Edube koita be ai vamaġa tihie madavege, ama aniġoi ge auma ai vaġa tihie tage madavisa;<sup>40</sup> mati koita bena a mi kotava a maemi ai ahata oġonave iau dainehe, ama uhura oġonava tage mi moimisa;<sup>41</sup> renu koita be ġumaġa a ġanito ġahi aka iaheġi au iaġane agogei tinabe ġamana otisa, ama agohi tina kibeta ġamana ġahi otisa.<sup>42</sup> Koita be ai iaġa be imimiva viege ama moimisa; mati koita bena ai iaġa be mare ihie auna damunava kiki roma, ama moimisa.<sup>43</sup>“Iakamu ihege iauki ronnu, Ama ai vasire ġahara visa, a enana ġahare ama betia ġahisa.<sup>44</sup> Eige daki ia kirogeima, iama ia enana ġahi gevare iama iau ġahara raġisa, mati iai ġuma daure kiogevare iau ada iama imimi raġisa,<sup>45</sup> eige iana iai Mame vava uiare au ġamuhe ġahisa; badiva auki vani kiege auki ġaruima koitaia daure mati maġe iau ada, mati auki veni no mohigeima ġuma maġe renu ġuma daure kiogevare iau ada.<sup>46</sup> Eige ana ai ġahara raġare eġuge iau ġahara vima, ana otavado damu be mimi vanu? Gerege moni gogoare ġahava ġaitage enakime iauki kia iau moni gogoare ġahava eġu iauki ġahara raġa? <sup>47</sup>“Mati ana ai oġo nanuhe eġu maġe ġahigeisa, ana negu orenaki koita nubagha iau kisa? Gerege Dirava riaġa ġahiġa veite ġaitage enaki ġuma kobuġa ena iau kia? <sup>48</sup>Eige ama heroġu kisa, ġuma kobuġa ei Dirava ni Mame vava uiare era ieriri vera.

## 6

<sup>1</sup> Iama eraġi maġe ġahisa ia negu ia Vesioka meve kiogevare ġumava koita be iabera erageisa; gerege iaka beta maġe be iai Mame vava uiare au ġasina mimi vara.<sup>2</sup> “Eige ana koita be iaheġi iaġa be moimima, ia negu bitivakava kime, erehuta tarata ġahaia dubu uhura mati orogo kiare naġate, gerege koita iabara motea geisa. Riaġa vara daki ia kirogeima, iaukamu subuta ibinava manu.<sup>3</sup> Eduge a koita be iaheġi iaġa be moimare ġoiġe, ai ada vaga negu dibana ġoime otavado ai ada vamaġave kima,<sup>4</sup> eige a ġoġohu ai iahe iaheve kiare, renu ai Mame iorena a eraġare auna ibinava a moimisa.

<sup>5</sup> “Renu ia imimi raġege, ia negu be iau naġate rahi imimi raġime. Iauka ura raġi dubu uhura rahi imimi raġisa mati ġuma

egiahu rahi imimi raġisa, gerege koita iabara so erageisa. Riaġa vara daki roma, iaukamu subuta ibinava manu.<sup>6</sup> Eige a imimi visa roege ama oti ai daituhe sirivare udua iaevi kouare ana ġoġohu ai Mame imiġisa. Gerege ai Mame iorena a eraġare auna ibinava a moimisa.<sup>7</sup> “Renu a imimi viege ia negu ga maka veite ro geime, Dirava dibane veite ġahava kiare naġate; iau anavare auka iau gare ihima badiva iauka ga dadaġa roiare dainehe.<sup>8</sup> Ia negu iau imimi raġare naġate kime, badiva iai Mame ramu aka so imimi veite auka subuta ge auki dibana ana otavado a ġahara vima.<sup>9</sup> “Eige onakime iana imimi raġisa:Dirava ni Mame vava uma,ai ihera aena vara.<sup>10</sup> Ai basileia ramu oroġisa.A ġahara vare noma kisa,vata ketake o ada kisa vava kiare naġate.<sup>12</sup> Mati ni daureve vahu geve,no be iau daureve vahu gevare naġate,<sup>13</sup> A negu daure uhura no idigei otime,eduge daure uhura ama no iahe geisa. Badiva basileia renu hedo renu eravaġa maġe iabara aiera negu oti behi behi. Amen.<sup>14</sup> Gerege ia bebe iau daureve vahu gevege, iai Mame vava ramu iai daureve tage vahugeige vara;<sup>15</sup> eduge ia be iau daureve vahugeige veite ġahare, iai Mame vava gera beta iai daureve au ia vahugeige vara.Tamuta veite aenava<sup>16</sup> “Renu a aena vi tamuta veite ġoiege, a negu ni berabe vime, erehuta avaunaġe ġahaia kiare naġate. Iauka iau eravaġe ena kiege koita iabara rosa iauka vaġoro raġime iauki. Riaġa vara daki ia kirogeima, iaukamu subuta iau damune manu.<sup>17</sup> Eduge a tamuta veite ġoiege, ama ai nie ketovare renu ai omote tage kisa,<sup>18</sup> gerege be iabara beta dibana ġahiġa vara a vaġoro vare, edube ai Mame ġoġohu a kiare eraġare auna damunava a moimisa.<sup>19</sup> “Ia negu vata ada oi gure iai kohue bougeime, gerege pitoroka ramu iogeisa mati vaho ġahe iabara iaga hosaġi vaho raġira vara;<sup>20</sup> eduge iama vava iai kohue bouge vare, iaġa daure be se vaho ġaha ġaitage beta iaga hosaġi vaho raġira vara.<sup>21</sup> Gerege oreigena a ai kohue bougeima, ai soruke tage ramu eiger.<sup>22</sup> “Ni ahata make ramu erehuta ni ni abagera. Eige ai nie maġe ġahare, ai ahata make inuhati geramu abaga ġahiġa vara;<sup>23</sup> eduge ai nie daure ġahare, ai ahata make inuhati ramu vadibu ġahiġa vara. Gerege negu abaga e ai uhurehe vadibu ġoiare, ai uhure vadibua ramu raho ketakera.Ahata maka mati horu<sup>24</sup> “Koita bera beta bia abu iau besu besu koitave ġoiġo vara; badiva auka be betia ġahisa mati bera ġahara visa; se auka be maġe ġahisa, bera auka daure ġahisa. Eige aka beta Horu mati ahata maka abu ruġa iau besu besu meve kobuġa ġahi kiki vara.<sup>25</sup> “Eige daki ia kirogeima, ia negu maġuri anana raġime, iana otavado demaka se eia iogeisa, se ana otavado ogona be bodibo vanu. Maġuri vana a demaka iare eġu, renu ahata maka vana a ogona gahara viare eġu se?<sup>26</sup> Ana niġahi uguha vava erageima, iauka beġi-beġi veite, taboro veite se bougeige veite, eduge iai Mame vava uiare eraki vasi geima. Edube iakamu beta uguha vire ruġa geregereve iabara?<sup>27</sup> Renu ia bena beta anana vanu iai guragu maġurive tinabe ġamana ġahiġa vanu?<sup>28</sup> Esemena ia gure ogona uhu anana korahiva raġa? Ama iana idi eravaġa maġe kobo raġoha eraġa, orenaki ge iau kobo raġanu; iauka me veitera se ogona tigu-tigu veitera,<sup>29</sup> eige daki roma, riaġa Solomona au iaġa dadaġa uhura au ogonave ra idi eravaġa maġe vire naġate veitera.<sup>30</sup> Eduge Dirava ġati kobo raġare ġodo gevare, orena negu gera maġurive edube vahiġu gera iauka mi vene kira kira vara, eige auna beta enaki ogonava a ġodoġo vanu. otavado ihihi avieva ianu.<sup>31</sup> Gerege ia negu anana raġi, roege, Nona otavado demaka be isa? se Nona otavado eia isa? se Nona otavado be bodibo vanu?<sup>32</sup> Eige iaġa o iabara Dirava riaġa ġahiġa veite ġahava iaberaki nega inuhati anava; mati riaġa iai Mame vava gera dibana ia ġahara raġoha iaġaniva inuhati.<sup>33</sup> Eduge iama Dirava basileiave uriġoi iaġoisa mati au guma ierive iaġoisa, gerege iaġa o inuhati ġaitage auna ia mohigeisa.<sup>34</sup> “Eige ia negu vahiġu anaime, badiva vahiġu tage avagu au huhuve auna anaisa. Negu vani o huhu vara geregere vera noka beta mati nu iaġa mi adahe maema vara.

## 7

<sup>1</sup> “A negu be iau daureve gava vime, ġuma kobuġa ei Dirava ra beta ai daureve gava vivi vara.<sup>2</sup> Eige Dirava ramu ġuma kobuġa eige auna a be iau daureve gava vane ai kisa, renu Dirava ramu aena kobuġa eige auna a be iau daureve gava vane ai kisa.<sup>3</sup> Esemena a idi tarana ai oġo nane niehe gava vima, eduge aka ai niehe idi bauge era aka erara veite?<sup>4</sup> Se ana orenaki ai oġo nane kirosa, Da ai niehe idi tarana e ariġima, a aka idi bera ai niehe?<sup>5</sup> Tarata koitaia, uriġoi ai niehe idi tarana e ariġare, gerege ana reġunaki niġa niġa viare, ihie ana ai oġo nane niehe idi tarana e ariġisa.<sup>6</sup> “Ia negu aena iaġa be mi totoka mohi geime; renu ia negu iai aġevade idigei oho iau vaġotoni kira geime, iau negu adahe rahare renu aniġahare renu ia mato geime.<sup>7</sup> A imimi viege auna a moimisa; a iaġoiege ana behuġisa; a pidi-pidi viege auna ai uduane bao visa.<sup>8</sup> Gerege unuhuna imimi vima auka moimo vara, mati unuhuna iaġoima auka au ġaġae kiki vara, mati unuhuna pidi-pidi vima auka au uduane bao bao vara.<sup>9</sup> Unuhuna iai vaġotoni, bena au moe parao imimi viege, auna muni be mi moimo vanu?<sup>10</sup> Se ana riaġahe au karava roege, inuhu mi moimo vanu?<sup>11</sup> Gerege iana negu, uhu anana daure ġahava ġaitage dibana iauna orenaki iaġa maġe idigei iau ġamuhe mohigeisa, eige iai Mame vava uiare eramu iaġa maġe dadaġa mohigeige vara ia imimi raġare negahe!<sup>12</sup> “Eige ia iaġa inuhati ġahara raġi be iau kiare naġate iauna so ai ġasina tage kiare; oramu aena mati peroveta ġaha iau uguro garera.<sup>13</sup> “Ġuma avieva sirivisa; au uduane ramu radarade mati ġuma vara aġeraġira vera, ġuma era daure uhura ge auki otima, renu ġuma ei otare ġahava iabara dadaġa vara.<sup>14</sup> Edube ġuma avie eramu bereberera, eramu maguri ġuma vara, renu koita rora beġuge raki behuġanu.<sup>15</sup> “Iama peroveta avaunaġe ġahava iau gabide misa, iauka mamoe eravaġa naġate ororo vara, edube iau uhure iabera ura totoka daure iau naġatera.<sup>16</sup> Eige ġuma kobuġa ei iana au make eraġisa. A idi madika maġe ena idi garanate auge iau mia, se idi maġe ena maha garanate uhura au madika kiki veite?<sup>17</sup> Idi maġe vara maka maġe kiki vara, eduge idi daure vara maka daure kiki vara.<sup>18</sup> Idi maġe vara beta maka daure kiki vara se idi daure vara beta maka maġe kiki vara.<sup>19</sup> Idi be maka maġe kiki veite, iauma dodovare vene uhura kira visa.<sup>20</sup> Eige iana au make riaġava erageisa.<sup>21</sup> Beta koita inuhati dai roia, di Rohite, di Rohite, iana va basileia uhura siri raġisa, eduge oġoreana di Mame vava uiare meve kiare ġahava eġu.<sup>22</sup> Vani eige koita dadaġava ramu daki roro vara, di Rohite, di Rohite, nona ai ihehe peroveta raġira veitenu, renu ai ihehe sua daure oia geige veitenu, renu ai ihehe noki me bauge dadaġa kiogevunu?<sup>23</sup> Gerege dana kiogei rosa, daka a erara veitera; ġeahu

otiahe, guma daure kiare gahava maġahanu.<sup>24</sup>“Gerege oġoreana di gare ihare renu meva kiare gahava iabera erehuta uhu anana maġe koitava naġate au iage mi muni ada kisa.”<sup>25</sup>Veni ġoromare, eia abata orogi, renu nono ġugui iaga ei ġadimi, eduge iaga era beta desuraġira vara, badiva auka muni ada ge auki ġonu.<sup>26</sup>Renu oġoreana di gare ihare, edube auka me ġahiġa veite auka erehuta atabe ga ihihhi veite oti au iage siġu ada ġonu.<sup>27</sup>Veni ġoromare, eia abata ġadimi renu nono ġugui iaga ei ġadimi, iaga eramu desuraġira vara, auka desuraġi dudu ketake ruta!”<sup>28</sup>Iesu ga o rogevene itaharahe, koita iaberaki ġaġu raġohi au uguro viege ġumahe,<sup>29</sup> au uguro viege erehuta auka hedokate ga o riaġa ġahi geisa, renu beta aena ġahava uguro raġare naġate.

## 8

<sup>1</sup>Iesu nimu seni uguhi oroġoge uhura koita dadaġava raki au ruta otege; <sup>2</sup>renu dika koita be raki au ġasina orogi, au vaġotoni komuko daivi, roege, “di Rohite, akera daki a imiġima, ana beta da maġe ġahiġa vanu.” <sup>3</sup>Iesu raki au ade inuġi kamui, roege, “Riaġa daka a maġe ġahiġa vara. Maġe ġoisa!” Gamana veite au dikave raki ġaremanu.<sup>4</sup>Gerege Iesu raki kironu, “A negu koita be kirome; eduge ote, dubu aena ġaha iau ġaġae ġoisa, renu Mose aena maemane iauma eraġare riaġa ġahisa, era koita iabaramu riaġa ġahisa.”<sup>5</sup>Iesu raki Kaperanamu sirivare, Roma koita bauge be raki au ġasina oroġime auki imiġi <sup>6</sup>roege, “di Rohite, di besubesu koitave ramu dikai iagahu vaġava veite, huhu raho ketake ruta.” <sup>7</sup>Iesu raki kironu, “Dakena ai iagehe oroġime dana au dikave maġe ġahisa.”<sup>8</sup>Eduge Roma koita bauge eraki kironu, “Di Rohite, daka ai vaġotoni beta maġe koitava ge aki roma aka di iagehe oroġisa; eduge ana beta gavaġu roege gerege di besubesu atave ramu maġe ġoiahe.”<sup>9</sup>Da tage, bia bauge be iau hedoke derikahe, ġarara ġami ġaitage di derikehe; renu da be kiroiare, Ote, auka otito vara, se da mati be kiroiare, Oroġo, auka ororo vara, renu da di meve kiare koitava kiroiare, Me o kisa, renu auka kiki vara.”<sup>10</sup>Iesu ga e ihinei, auki au itahe oġine kiro gevenu, “Riaġava daki ia kirogei roma, dakamu beta Isaraela uhura onaki ihihhi be eraġanu.”<sup>11</sup>Dakamu o roma, koita dadaġa vani ġadimare renu vani ughare oroġisa iauna vava gurahi Aberahamo, Isako renu Iakobo ruġa tamuta raġisa, <sup>12</sup>edube vava gurahare ġahava iabara itahe iauna vadibua iauna kiragei otisa, eige iauna niġo raġohi renu huhu naġohi iau eġie ginono ġahigeisa. <sup>13</sup>Renu Iesu raki Roma ata bauge kironu, “Ote; enakime ana a imimi vane naġate ai ihihive dainehe ana oti eraġisa.” Nega kobuġa ei Roma ġarara koita eraki maġe ġoinu.<sup>14</sup>Iesu raki Petero iagehe sirivane, auki au vare maġiva dikai iaġiaġe eraġa. auki au adehe kamui, negu komata eraki ġaremanu, auki urimare au demake kinu.<sup>15</sup>Vahi eige iauki koita dadaġa sua daure idigevene au ġasina idigei oroġanu; auki au ga hedokehe sua daure oiagei hakivi, renu dika raġane inuhati maġe ġahi gevenu. <sup>17</sup>Oramu peroveta Isaiia gare riaġa ġahiġa vara, “Auki ni isuke inuhati noi ari gevenu renu ni daureve maġe ġahi gevenu.”<sup>18</sup>Iesu raki koita dadaġa au oriġi eraġei, auki au ġamituhe boriti ġahigei iauka hakirahe otisa. <sup>19</sup>Gerege aena koita be raki au ġasina oroġime auki ronu, “di Biage, ana orei otare dakamu ai itahe ororo vara.” <sup>20</sup>Gerege Iesu raki kironu, “Ura totoka iabera muni vaka uia, renu uguha iabera idi ada iau iage; eduge Koita Ġamika vara au omote maemi vaġa roro taru veitera.”<sup>21</sup>Au ġamite be raki kironu, “Di Rohite, da so oti di mame abatemima.” <sup>22</sup>Eduge Iesu raki kironu, “Di itahe oroġo, renu hoġe raġohane ġare geve iaukena iavaġu iau hoġeve abate geisa.”<sup>23</sup>Iesu raki vanaġiva ġadimege, au ġamituhe iaberaki au itahe oti ġadihi. <sup>24</sup>Tutube veite nono ketake veni ruta geraki koa uhura seni hakivi renu iau vanaġive eiava raki ġadimi; eduge Iesu ra iaġiaġe. <sup>25</sup>Au ġamituhe iaberaki oti ġuthi, roege, “Ni Rohite, no maġuri ġahigeve! Nokamu negu hoġe raġohira vara.”<sup>26</sup>Auki kiro gevenu, “Esemena ia siġo raġoha, kava ihihhi ġamikava ianu?” Gerege auki urimi nono mati eve gaġa gevege; iauki ġoiragoi vea raġanu. <sup>27</sup>Au ġamituhe inuhati geraki ġaġu raġohi roege, “Ona otavado ata bena onu, nono mati eve ġaitage au gare iha.28 Iesu raki koa hakirahe otinu mata be ihiva Gadarene ei haki raġanu, ata abu gera midava seni iauki haki raġi Iesu eraġare au ġasina otinu. Iauka sua daure iabaraki iau uhurehe eige iauka daure guma kiare eige koita iabera guma ei ioa raġira veitera. 29 Tutube veite iauki bara raġohi, Dirava Moe, ana otavado bena a noi kisa roma? Ana ni vani vera so mimi veite aka no huhu ġahigeisa rome a oroġonu?”<sup>30</sup> Ġamana veite oho teri bauge be iabara tamuta raġohege. 31 Negu sua daure e iabaraki Iesu imiġanu, “Ana negu no oia hakiha vanu, ama no besugei oho teri vire iau uhura.” 32 Gerege Iesu raki kiro gevenu, “Otiahe!” Iauki haki raġare oti oho iau uhura siri raġanu; renu ġamana veite, negu oho teri e iabaraki siviġoro raġime iauki nimu uguraġohi eve uhura hoġe raġohi veite ġahanu.33 Negu oho narigevege e yabeki ruru raġohi ogo bauge uhura oti, iaga aubouġi tironu. 34 Gerege oġo e ġahava inuhati geraki Iesu erara oroġonu; yauki eraġane, yauki imiġanu auka yau oġe ġaremi ġeahu otisa.

## 9

<sup>2</sup> Gerege koita be iaberaki ata be oġiġi veite iagahu ena iaġare hirivi mi Iesu ġasina oroġonu. Auki iau ihihive eraġare auki ata oġiġi veite kironu, “Hero kisa di moe; ai daureve Dirava ramu vahu gevenu.”<sup>3</sup> Gerege aena ġaha be iaberaki iorena iavaġu ga raġi onaki ronnu, “Ata oramu ga vime auki Dirava daure ġahima.” <sup>4</sup> Edube Iesu raki iau uhu ananave eraġei, auki ronnu, “Esemena ia iai sorukehe gure uhu anana daure raġa? <sup>5</sup> Dana rosa, Ai daureve aumu vahuganu, se dana rosa, Urimare renu oġi. Orena ageraġirave?” <sup>6</sup> Eduge iama anaisa, Koita Ġamika vara hedokate vata ketake o ada, auka daure vahugeige vara, gerege auki oġiġi veite atava kironu, “Urima, ai iaġia gedave mare renu oġo ote.”<sup>7</sup>Ata eraki urimare au yagehe otinu. <sup>8</sup> Koita iabaraki eraġare iauki ġaġu raġohanu, mati Dirava mote ġahege, au hedo ona kikive koita mohi gevare.Iesu raki Mataio ihiromonu<sup>9</sup> Iesu oġi otege uhura auki niġahi ata be eraġanu ihivara Mataio, auka gura gurave au me mare iagahe; renu Iesu raki Mataio kironu, “Di itahe oroġo.” Gerege Mataio raki urimare au itahe otinu.<sup>10</sup> Iesu raki iagahu tamuta viege uhura, Mataio ruta me mi moni gogoare gahava mati be iabera guma daure kiogevare iaberaki oroġi Iesu mati au ġamituhe ruġa gurahanu tamuta patava. <sup>11</sup> Faresia ġaha be iaberaki eraġevare, iauki Iesu ġamituhe bera

gevenu, “Esemena iai biage koita vire ruḡa tamuta vima?”<sup>12</sup> Eduge Iesu raki ihare auki ronū, “Ogore iana komata veite iauka beta iahe iahe koita iaḡoia vara, eduge dika raḡare eḡu gena.<sup>13</sup> Oti iaḡoiahe otavado Dirava buka aenave roma, Daka vaḡahu daki roma, beta iauka da maḡe ḡahisa. Da oroḡane ra beta ḡuma ieriri ḡahe eḡu ihirogeige vara, eduge daure ḡahe iau dainehe.<sup>14</sup> Gerege Ioane itahe oḡiare gahava iabaraki oroḡi Iesu beraḡi, roege, “Esemena no mati Faresia ḡaha aena raḡohi vani be iau tamuta veite, eduge ai ḡamituhe iabera aena raḡira veite?”<sup>15</sup> Iesu raki kiro gevenu, “Deiva iabena negu maḡi e mobore iau ruta gerege iau heḡiri raḡa, iauka beta niḡo raḡira vanu? Vaniva oroḡege negu ata era iauna mi ḡeahu otege, gerege iauna aena raḡohisa.<sup>16</sup> Koita bera beta ogona isaḡe be miare ogona emene ruta baniba vara, enaki kiare ogona emene eramu dariḡohi ketake ḡoiḡoara.<sup>17</sup> Mati bera beta ḡadiki isaḡe be mi ḡadiki emene vadaka uhura bohobo vara; enaki kiare vadaka emene eramu dariḡohiḡo vara, gerege ḡadiki ḡavaḡa ramu hakivima, renu vadakava ramu daure ḡoima; eduge ḡadiki isaḡe mi vadaka isaḡeva bohūḡege, auka beta daure ḡoiḡo vara.”<sup>18</sup> Iesu gure gavege uhura, dubu iau biage be raki au ḡasina otime auki au vaḡotoni komuko daivare, ga ḡahi roege, “Di mae ramu negubutu ge auki hoḡe raḡanu; edube ana beta oroḡi ai ade mi au ada maemege, gerege auna maḡuri visa.”<sup>19</sup> Gerege Iesu raki urimi au ḡamituhe ḡainage au itahe otinu.<sup>20</sup> Gerege maḡi be tage tau utube hakira abu auki taḡo eraḡanu eraki Iesu itahe oroḡime auki au ogona bisuke kamuanu,<sup>21</sup> negu maḡi eraki au uhurehe onaki ronū, “Da enaḡu au ogonave bisukava kamuare, dakamu maḡe ḡoiḡo vara.”<sup>22</sup> Iesu raki aniḡoi eraḡare auki kironu, “Hero kisa di mae; ai ihihive raki a maḡe ḡahanu.” Tutube veite maḡi eraki maḡe ḡoinu.<sup>23</sup> Gerege Iesu raki ata bauge iagehe sirivare eige auki niḡahege abate abate koitava iaberaki noḡo raḡi mati niḡo raḡohege era gevenu.<sup>24</sup> Iesu raki boriti ḡahigei ronū, “Iai bouge haki raḡiahe; maiāḡo ora beta hoekera edube iaḡime auki.” Gerege iauki iau bouge ehaihia ḡahi tati ḡahege.<sup>25</sup> Eduge koitaia iaberaki hakiraḡi itahe otinu, Iesu raki sirivare auki negu maiāḡo adakahe mi iagemege auki urimanu.<sup>26</sup> Renu badi oramu rome iauki ioa raḡohege mata inuhati iau.<sup>27</sup> Iesu ei urimi otege, ata abu ni veite e iaberaki au itahe otime iauki niḡo raḡi bararaḡi roege, “Davida Moe no vaḡahu ḡahigeve!”<sup>28</sup> Iesu raki oti uduani sirivanu, ni veite abu ruḡa geraki au ḡasina otinu; gerege auki bera gevenu, “Iana da riāḡa ḡaha dakamu ia maḡe ḡahigeige vara?” Iauki kironu, “Erege, Rohi Bauge.”<sup>29</sup> Gerege Iesu raki iau nie kamui gevare renu ronū, “Iaka da riāḡa ḡahare eige auka enaki iai ḡoiḡo vara.”<sup>30</sup> Renu iau nie iaberaki bao raḡohanu. Gerege Iesu raki uagatugei ronū, Eraḡege ia negu koita be kirome.”<sup>31</sup> Eduge iauki otime iauki Iesu badine rome iauki mata e oḡova iau rogei oriḡi kouanu.<sup>32</sup> Iauka urihī ḡeahu otinu, be iabera ata ga veite be nisiḡami Iesu ḡasina oroḡonu.<sup>33</sup> Iesu raki negu sua daure oiahane itaharahe, ata ga veite eraki gavege koita iaberaki ḡaḡu raḡohime iauki roege. “Nokamu beta ḡuma ona kikive be erara veite Isaraela uhura.”<sup>34</sup> Eduge Faresia ḡaha iabaraki ronū, “Eramu sua daure iau biage hedokehe ge auki sua daure oia geima.<sup>35</sup> Gerege Iesu raki oti deiva viege oḡo bauge mati avie iau. Auki koita iau dubu uhura uguro ḡahigei renu va basileia badi maḡe ḡava ro gevege, mati dika nune nune mati komata ḡaitage maḡe ḡahi gevege.<sup>36</sup> Auki koita oro gevene era gevare auki uhudau ḡahigei. Badivara iauki anana dadaḡa raḡohi mati iau ahatane ḡaitage hero veite, erehuta mamoe nitabata ḡahiḡa koita veite naḡate.<sup>37</sup> Gerege auki au ḡamituhe kiro gevenu, “Taboro meva ramu ketakera, eduge me ḡahiḡa iabara rore beḡu gera;<sup>38</sup> eige iama taboro Rohiva imiḡege aukena me koitatuhe besugei iauna taboro meva kisa.

**10** 1 Iesu raki au ḡamituhe utube abu ihirogei bouge vare mati hedo mohigei, iauka sua daure oiageisa mati dika nune nune mati huhu nune nune inuhati maḡe ḡahi geisa. 2 Au apostolo utube abu ihiva iaukamu onu: urīḡoi. 2 Au apostolo utube abu ihiva iaukamu onu: urīḡoi geramu, Simona, au ihe bera Petero, mati au ḡoḡe Anderea; Iames renu au ḡoḡe Ioane iau mame ramu Sebedeo. 3 Filipi mati Batelomeo; Toma mati Mataio auka moni gogo koitava; Iames auka Alepeo moe, mati Tadeos. 4 Simona auka Kanana koita vara, mati Iuda Isakariota auki Iesu bive kinu. 5 Iesu raki ata utube abu besugei hakivare auki ḡanito ḡahi gevenu: “Otiahe ia negu koita nune nune iau ḡasina oti geima, mati ia negu Samaria ḡaha iau oḡe bei siri raḡohime, 6 eduge iama Isaraela mamoe dauraḡohane iau ḡasina otisa. 7 ia otare uhura iama hari maḡe gava boriti ḡahigeisa, va basileia ramu hugure raki. 8 Iama dika ḡaha maḡe ḡahigeisa, hoḡe maḡuri ḡahigeisa, dika nune nune maḡe ḡahigeisa, sua daure oia geisa. Eige otiahe daka beta di damune roro vara, eige otiahe ḡuma kobuḡa ei kisa ia negu iau damu rome. 9 Ia negu muni tahaka be mi otime, 10 koita be negu ioa oi au iagode mime, se ogona abu, se vasi iaḡa, se oḡiḡi besoke; edube me ḡaha iabara iau de bubu iaḡane auka mimi vara. 11 Iana oroḡi oḡo bauge bei se avie bei ia siri raḡoha, oti iaḡo iaḡo raḡisa unuhuna iai ḡahara vare e ruta iana gurahi ate ia oḡo e ḡarehisa roege. 12 Ia iaga ei oti siri raḡohege iama maḡe ḡahi geisa. 13 Iaga e ḡahava ia maḡe ḡahi gevege, iama Dirava maive iau ada maemisa. Eduge iau ia maḡe ḡahiḡa veitenu ia negu maḡe ḡahigeime. 14 Mati koita be ia maḡe ḡahiḡa veite se iai gare ihihī veitenu, iama iai vasi souke ei iei gevare iana ḡaregeisa. 15 Riaḡa vara daki ia boriti ḡahi geima, berabe vani eige aukamu Sodoma mati Gomora mata koitava vaḡahu ḡahi geige vara. 16 “Ihiahe, dakamu koita iau uhura ia besugei hakiha erehuta mamoe besugei ura totoka daure iau uhura; eige iama uhu anana maḡe ruta gurahisa mati ḡuma ieririve maḡuri raḡisa. 17 Iama uhuimisa, iaukamu ia idigei aena ḡaha mohi gevare mati iauka iau dubu uhura ia hodi geige vara; 18 renu koita iaberamu ia di itahe oḡiare dainehe ia idigei oti Roma rohiva ia mati aena ḡaha iau vaḡotoni otito vara, iaka di badi maḡeve rone riāḡa ḡahisa. 19 Iau ia idigei otege, ia negu anana raḡime iana orenaki ga raḡira vanu se otavado roro vanu; ni Mame vava uiare eraki mi iai ḡaḡae kisa iana otavado roro vanu. 20 Eige beta aki ga visa vima, eduge iai Mame vava uiare Horuve aukena iai uhurehe ga visa. 21 Oḡo nana bera avāḡu au oḡo nane hoḡe kisa, mati mama iabera iau ḡamuhe iaeu kiogeisa, mati ḡami iaberamu iavaḡu iau iahuve iau hoḡe ḡumaḡe kiogeisa; 22 renu koita inuhati gena ia betia ḡahigeisa di ihe dainehe. Eduge unuhuna uhu berebe kiege oti netu netua koita vara maḡuri vara. 23 Iana oḡo bei otege iau ia betia ḡahigeiva, iama ḡarehi bei otisa; eige riāḡa vara daki ia boriti ḡahi geima, Koita ḡamika vara Dirava

maḡeve ruta ororo vara, edube iaka au meve kiogei kosako veite Isaraela oḡo inuhati uhura.<sup>24</sup> “Ġami bera beta au biage variada gera, se besu besu koita be tage beta au biage variada; <sup>25</sup> edube au ḡamite eramu au biage naḡate ḡoisa, renu besu besu koita tage au biage naḡate ḡoisa. Eduge iau iaga e biava ihiva Belsebulo roiare, iauna orenaki au iaga ḡahetuhe ḡaitage ihi daure iauni ro geige vanu!<sup>26</sup> Eige ia negu siḡa ḡeime; iaḡa be iau ḡodomare auna beta ḡaḡae ḡahiḡa vanu, mati iaḡa be ḡoḡohu iauna beta ro ḡaḡae ḡahiḡa vanu. <sup>27</sup> Otavado ana da vadibua aki roma, ama vani abagava ro geisa; mati otavado a ga ḡamikava a ihi gevenu, ama mata ketake oi gava rogei raho ḡahisa.<sup>28</sup> Ia negu siḡo raḡime oḡore iana ahata maka ḡami hoeka eduge iauka beta horu ḡamiḡa vara; eige iama Dirava siḡamisa. Aukena ahata maka hoekare mati ai horuve vene uhura daure ḡahisa. <sup>29</sup> Ana riagahe moni kusinaike bei uguha abu hae geige vanu? Eduge bera beta desuraḡira vata ada edube iai Mame roiare eḡu gera. <sup>30</sup> Eige iai omo hanake inuhati tagera aukamu dahi gevenu. <sup>31</sup> Gerege ia negu siḡo raḡohime; au ia ana gevare ramu raho ketake beta uguha dadaḡa iau naḡatera.<sup>32</sup> “Eige oḡore iana uriḡoi di ihe koita iau vaḡotoni roia, da tage onakime dana di Mame vava uiare vaḡotoni rosa; <sup>33</sup> eduge oḡore iana da betia ḡaha koita iau vaḡotoni, da tage betia ḡahiḡa vara di Mame vava uiare vaḡotoni.<sup>34</sup> Ia negu anai rome da oroḡane daka mai mi oroḡanu vata ketake o ada; veite da oroḡane ra beta mai, eduge eḡi daki mi oroḡanu.<sup>35</sup> Da oroḡane ra ḡami ramu au mame enana ḡahisa;renu ḡami maḡi vara au neine enana ḡahisa;varu maḡi vara au vare maḡive enana ḡahisa; <sup>36</sup> eige iakamu iai iaga ḡahetuhe iavaḡu enana raḡira vara.<sup>37</sup> Oḡore di ḡahara veite edube au mame se neine ḡahara raḡi ketake ḡaha, iauka beta daie ḡahiḡa vara; renu oḡore iana iau ḡami move se ḡami maḡive ḡahara raḡohi ketake ḡaha, iabera beta daie ḡahiḡa vara; <sup>38</sup> renu iana unuhuna au sataurove hirivi veite renu au itahe oḡiḡi veite iabera beta daie ḡahiḡa vara. <sup>39</sup> Oḡore iana iau maḡurive kamui uia, iauka dauda vara, eduge oḡore iana iau maḡurive mi vata maema di dainehe iauka maḡuri riaga mimi vara.<sup>40</sup> “Unuhuna a maḡe ḡahima da tage auki maḡe ḡahima, mati unuhuna da maḡe ḡahanu auka di Mame da besuḡane e tage auki maḡe ḡahima. <sup>41</sup> Unuhuna Dirava peroveta koitave maḡe ḡahima auka peroveta koita maḡe ḡahane au tage mimi vara; mati unuhuna Dirava meve kiare koitava maḡe ḡahima, auka koita maḡe ḡahane auka maḡeva mimi vara;<sup>42</sup> mati unuhuna di itahe oḡiare dainehe eia ribike be mi koita kusinaike o moimare; riaga vara daki roma, auka Dirava maḡeve riagaḡava mimi vara.”

## 11

<sup>1</sup> Iesu au ḡamituhe utube abu ḡanito ḡahigei kosaima auki mata e ḡaremare oti oḡo koba koba iau badi maḡe koita hugure ḡahi gevege. Ioane Babatiso besu besu ḡamituhea<sup>2</sup> Ioane Babatiso vadibu iagava uiege uhura auki Keriso me kiare gava ihinu, gerege auki au enoḡe au ḡamituhe iau besuḡanu Iesu ḡasina, <sup>3</sup> renu Iesu beraḡi ronu, “Ana iau koita rone auka oroḡisa, se koita vana so e oroḡima?”<sup>4</sup> Iesu raki boriti ḡahi gevenu, “Gerege ḡoiragaḡohi oti Ioane kirosa iana otavadoana ia koita iau iha mati ia iavaḡu era gevenu; <sup>5</sup> niḡa niḡa veite iaberamu niḡa niḡa raḡa, oḡiḡi veite iaberamu oḡia, dika nune nune iaberamu maḡe ḡahanu, ihiko veite iaberamu ga iha, koita hoḡe raḡohane maḡuri ḡahigei mati koita goroa iaberamu badi maḡe iha. <sup>6</sup> Renu iana unuhuna iai ihihive dai nune veite iabera heḡiri raḡira vara.”<sup>7</sup> Ioane ḡamituhe urihi otege, Iesu raki Ioane badine koita boriti ḡahi gevege. “Ia mata ḡaḡaeva otine iana otavado vana ia eraḡisa rome ia otinu? Nono ḡugui tiru hanaka desuraḡi erageisa rome ia otinu?”<sup>8</sup> Gerege otavado ana ia eraḡisa rome ia otinu? Ata be ogona dedika kine enu? Ihiahe, ogona dedika kiare ḡahava iabara rohi iau iagehe ge iauki guraha.<sup>9</sup> Gerege unuhuna ia oti eraḡisa? Peroveta koita benu? Otavado peroveta koita be iana eraḡisa? Riaga vara, daki roma auka peroveta ḡaha inuhati aukamu soi gevenu. <sup>10</sup> Ioane ramu buka aena uhura rone koita vara, ‘Eraḡiahe, dakamu e di besu besu koitave uriḡatu besuḡima, aukena uriḡoi oti ai ḡumaḡe baovisa.’<sup>11</sup> Riagavara Daki ya boriti ḡahigeima maḡi yai tanahegera, bera beta John Baptist koita nagatera. Eduge koita ihi veite va uhura koitavara au variadagera. <sup>12</sup> John Baptist koita vanivahe ate negu, va uhura huhuvara rahora, renu huhu kiare atava yaberaki yau herovehe kia.. <sup>13</sup> Ioane so au meve kiki veite uhura, Mose aenave mati peroveta ḡaha iaberamu Dirava aenave gava raḡohege; <sup>14</sup> mati koita iana roia Ioane ramu Elia, gerege iama riaga ḡahisa, koitaia peroveta ḡahe ia rone auka ḡoiragaḡira vara. <sup>15</sup> Ana ihikotenu ama ihisa!<sup>16</sup> “Eduge negu tau o koitavaia dana oḡore ruḡa ia geregere ḡahisa? Iakamu erehuta ḡami ḡamika ia orogo gurahi bebe bara gevare naḡatera, <sup>17</sup> Noka iani heḡiri noḡo maḡe rogei, edube iaka iavea veite; noki niḡo raḡoha, eduge iaka niḡo raḡira veitera.<sup>18</sup> Eige Ioane oroḡane negahe auka tamuta veite renu eia daure tage mimi veite, renu koita iaberaki roege, ‘Auka sua daureva raki au uhura’.<sup>19</sup> Koita ḡamika oroḡane aukamu tamuta viege renu eia iege, renu koita iaberaki roege, ‘Eraḡiahe, ata oramu tamuta momo vima renu eia daure momo ima, auka moni idigare ḡahava mati ḡuma daure kiare ḡahava iau vasire. Edube Koita ḡamika meva kiare era Dirava uhuvake riaga vara auki me maḡeva kima.’<sup>20</sup> Gerege Iesu raki au hedo meve dadaḡa kiogevene oḡo ḡahava iau ḡoiragaḡi oti namigei, badiva iauka iau maḡuri daureve ḡare geige veitera. <sup>21</sup> “Uhudau vana ianu, Korasin mati Betsaida. Negu hedo me iai oḡo ḡahatuhe iau kiogevene, ena so Taire mati Sidion iau uhura kiare, iauka subuta iau ogona daure kiogei mati ḡuma daure uhura gurahege iauka maḡuri daureve ḡarehi ḡoiragaḡohanu. <sup>22</sup> Iakera daki ia boriti ḡahi geima, berabe vaniva Dirava ramu Tiare mati Sidion ḡahavaia iahe geige vara edube iaka veitera.<sup>23</sup> Edube, Kaperanamu, ai anana aka avaḡu ḡadimi vava otito vara? Veitera, auka ami vene uhura a kira kira vara. Makava ramu hedo me iai uhura kine ena so Sodoma uhura kiare, auka ei ate vane o manu. <sup>24</sup> Eduge daki a boriti ḡahima, berabe vani eiger a Dirava ramu Sodoma iahe iahe vara, edube aka veitera.<sup>25</sup> Iesu raki au Mame maḡe ḡahanu Gerege Iesu raki imimivi ronu, “Di Mame, va mati vata ketake o Rohiva, akera daki a maḡe ḡahima, aka uhu anana maḡe raḡare mati uhuvaka ḡaha iau iaḡa o reḡunaki ḡaḡae ḡahiḡa veite, edube amu koita ia uhu anana mati uhuvaka veite iauge iauka eraḡisa ḡaḡae kinu; <sup>26</sup> riaga vara, Mama, ora ai uhu anana maḡe ḡumava aki ḡahara kisa. <sup>27</sup> Di Mame ramu iaḡa inuhati idigei da moimanu; renu bera au Moe riaga ḡahiḡa veitera edube au Mame auvaḡu gera, mati bera au Mame riaga ḡahiḡa veitera

au Moe auvaḡu gera. Renu oḡore iana au Moe ro gevare ḡahava auna iau ḡaḡae kisa.<sup>28</sup>“Iai bouge di ḡasina oroḡiahe, iana oḡore ia huhu naḡoha renu isuka ketake agoha, dakena vaḡaroro ia mohigeisa.<sup>29</sup>Di isuke mi agoha, renu ama di uguro gare anaisa; daka di soruke ramu maḡe mati heḡiri ḡuma vara, renu iaka vaḡaroro maḡe mimi vara.<sup>30</sup>Eige di huhuve mati di isuke ramu aḡeraḡirave iabara.”

## 12

<sup>1</sup>Vani aena beige Iesu mati au ḡamituhe ruḡa geraki koni ḡeḡe uhura oḡi otege; au ḡamituhe iaberaki ḡubu raḡohime iauki koni koboka kinivi iogevege. <sup>2</sup>Faresia ḡaha iaberaki eragei, iauki Iesu kironu, “Eraḡa, ai ḡamituhe iabara sabadi vani aena ora iauki hosāḡi onaki kia.”<sup>3</sup>Iesu raki boriti ḡahigei ronu, “Iana dahida veitenu Davida mati au ḡamituhe ruḡa ḡubu raḡohi kinu? <sup>4</sup>Aukamu otime auki dubu uhura sirivare auki parao aena mi inu, eramu aena vara au se au ḡamituhe iabera beta ivara, edube dubu biava iana iavaḡu isa.<sup>5</sup>Se iana aena dahida veitenu dubu biava ḡainage aena hosa gevenu eduge iauka iaḡa be iau ada roro veitera. <sup>6</sup>Dakamu iaki roma, iaḡa aena ketake be ramu oiḡera beta dubu ra. <sup>7</sup>Eduge iana buka aena Dirava gare rone maka riaḡava manu, koita iaberamu vaḡahu raḡisa beta de bubu dainehe, aka beta maḡe koita be mi iau daureve roro vara. <sup>8</sup>Maka vara Koita Gamika vara vani aena rohi vara.”<sup>9</sup>Iesu raki ei urimime auki iau dubuve otinu; <sup>10</sup>eigera ata bera adakava ra hoeke, gerege koita iaberaki beraḡanu, “Ona beta aena vanu a sabadi vaniva dika maḡe ḡahare?” gerege iauka au aena dodo vane eige iauka mi aena ḡaha mohigeisa.<sup>11</sup>Iesu raki boriti ḡahigei ronu, “Iana be na au mamoe kobuḡave sabadi vaniva oti aba uhura ariraḡare auna beta ada inuḡi mi butui hakiha vanu? <sup>12</sup>Koita be maḡurive ramu beta mamoe ruta ḡereḡere veitera! Eige ḡuma ora beta sabadi vani aenava auki dodo vima edube ḡuma maḡe koita bei kiare eramu maḡera.”<sup>13</sup>Gerege Iesu raki ata e kironu, “Ai ade inuḡa.” Auki au ade inuḡare, gerege au ade raki ḡoirāḡi maḡe ḡoinu, erehuta au ade hakirava naḡate. <sup>14</sup>Eduge Farisea ḡaha iaberaki hakiraḡi otime iauki Iesu ḡamiḡa ḡumava iaḡovege, iauna orenaki ḡami hoekisa.<sup>15</sup>Iesu raki iau uhu anana iauka au ḡamiḡa ḡumava iaḡova gava ihinu, auki ḡare gevare ḡeahu otinu. Edube koita dadaḡava raki au itahe otinu, gerege auki iau dikave inuhati maḡe ḡahi gevege, <sup>16</sup>mati auki ḡanito ḡahigei iauka beta koita be iau au gare raḡisa. <sup>17</sup>Eige au onaki rone era Dirava gare rone Isaia peroveta koitava raki riaḡa ḡahanu:<sup>18</sup>“Thiahe, ora da di besubesu koitave rone era, ora di moera, di soruke ra au maḡera. Daka di horuve mi au ada maemisa, gerege auka mai ḡuma gava koita nune nune inuhati boriti ḡahi geisa.<sup>19</sup>Auka beta enana visa se bara visa, se bera beta orogo au enoḡe ihisa. <sup>20</sup>Auka beta tiru adaka be bokobo varase vene agota beta ḡodo ḡahiḡa varaenakime auna ate mai ḡuma riaḡa koita iau mi oroḡisa. <sup>21</sup>Renu koita inuhati gena uhu anana maḡe riaḡa au ihehe misa.”<sup>22</sup>Gerege iauki Iesu gasina atabe sua daure au uhura nisiḡami oroḡanu auka ni veite mati ga veite; gerege auki maḡe ḡahanu, eige ga veite raki gavi renu niḡa niḡa vima. <sup>23</sup>Koita inuhati oroḡane iaberaki ḡaḡu raḡohanu mati roege, “Ora mena Davida Moera?”<sup>24</sup>Eduge Farisea ḡahavaia gava ihine, iauki ronu, “Ora sua daure iau baugete Besebulo avāḡu gena sua daure oiagei hakivisa.” <sup>25</sup>Eduge Iesu ra yau uhure dibanara eige auki kirogevenu, “Ogo bauge aubougi yavahu bebe hogagevege yauka beta kobabera, ogobe se yagabe avahu hogoiare era beta ramira mege Vivira.”<sup>26</sup>Satan avahu Satan besibe gahege, auka beta kobabera. Au negu baugevena negu orenaki ramira berebe vanu. <sup>27</sup>Gerege ia roiare daka sua daure oia geima Besebulo hedokehe. Ama ia iavaḡu gena iana unuhu hedokehe gena ia oia geve? Eige ia au itahe oḡiare iai gare ramu iai ḡumaḡe ḡaḡae kisa iaka beta ieriri vera.<sup>28</sup>Eduge riaḡa vara daka Dirava Horu hedokehe daki sua daure oia gevenu. Eige noma eraḡisa Dirava basileiave ramu subuta ge auki oroḡonu. <sup>29</sup>Se koita bera beta riaḡahe ata herote be iage hosāḡi sirivi au kohue vahoro ididi vara, se auna beta urigoḡi ata e raroḡi maema vanu? Gerege auna au iage kohue vahoro idiḡisa. <sup>30</sup>Unuhuna da itaḡatuima auka dakera auki da betia ḡahima, mati unuhuna da iaheḡi bougeige veite auka Dirava auge auki oia geima. <sup>31</sup>Eige daki ia boriti ḡahigeima, koita iabera iau ḡuma daureve mati ga daureve vahuḡeige vara. Eduge unuhuna Horu aena ga daure ḡahima auka beta vahu vahu vara. <sup>32</sup>Koita be na Koita Gamika ḡasina ga daure roma auka vahu vahu vara, eduge unuhuna Horu Aena ga daure ḡahima auka beta vahu vahu vara, negu tau oi oti behi behive. <sup>33</sup>“Ana idi be na idi maḡe vanu, renu au madike maḡera; se auna idi daure vanu, renu au madike tage daure; badivara idi ramu au madike maḡeva ge ana eraḡisa. <sup>34</sup>Iakamu inuhu naḡate iabera! Ana orenaki iaḡa maḡe gava rosa, a ai uhure ra daure? Otavado ana ai uhure tobo raḡi uiare era aki gava roma. <sup>35</sup>Koita maḡeva ramu au uhurehe iaḡa maḡe uiare idiḡei ororo vara. Edube koita daure vara iaḡa daure au uhura uiare idiḡei ororo vara. <sup>36</sup>Edube iakera daki ia kiro geima, berabe vaniva koita iaberamu Dirava vaḡotoni oroḡi iau ga maka veite ro gevenu kiroro vara; <sup>37</sup>eige ai gare raki a maḡe ḡahisa, mati ai gare raki a daure ḡahisa.”<sup>38</sup>Gerege aena ḡaha be ia mati Faresia ḡaha iaberaki kironu, “Ni Biage, noka ḡahara raḡohi akai iaḡa be kiege noma eraḡisa. <sup>39</sup>Eduge Iesu raki kiro gevenu, “Eige ḡuma daure kiare mati ga ihihhi veite tau o ḡahava iabera ḡahara raḡa iauka toa be eraḡisa. Eduge Dirava vara beta eravaḡa nune be kiki vara kobabe au peroveta Iona au ḡaḡae kine eḡu gera. <sup>40</sup>Gerege ḡuma kobuḡa eige Iona ramu vani abigaḡa mati vahi abigaḡa ge auki karava ketake vaḡatane uhura, e naḡate Koita Gamika tage ramu vani abigaḡa vahi abigaḡa ge auna vata uhura guramisa. <sup>41</sup>Eige Nineva koitavaia mati negu tau o ḡahava iaberamu berabe vaniva urihi ia toho geige vara. Maka vara iauka Iona peroveta viege iauki iau daureve uhura ge iauki ḡoirāḡohanu. Renu eraḡiahe, oroḡare iaḡaniva ramu raho ketakera Iona variada gera!<sup>42</sup> Mata ḡamana iau rohi maḡiva ramu ḡamanava urimi berabe vaniva oroḡi tau o ḡahava ruḡa ia toho geige vara, badiva auka mata ḡamana auki oroḡonu auka Solomona uhuḡake gava ihisa. Renu eraḡiahe, iaḡa raho ketake be Solomona variada geramu onu!<sup>43</sup>“Sua daure be koita be ḡaremare, auka eia veite matahe ioai au vaḡaroro taruhe iaḡoia vara, eduge auka beta be behube vara. <sup>44</sup>Gerege auki roma, Daka ḡoirāḡi da guramege oḡohe. Auka ḡoirāḡi oḡova eraḡeḡe ahake, momo veite, renu iaḡa inuhati ḡosigei maḡe ḡahanu. <sup>45</sup>Gerege auna oti sua daure iatiriḡa au naḡate veite nisigei oroḡisa iauka au ruta ei gurahisa; renu negu ata e au urigoḡi daureve ramu avie edube ihie oramu raho ketake. Eige negu

tau oi guma daure oramu raho goigo vara beta urigoi nagate.<sup>46</sup>Iesu gure koita gağa gevege uhura, au neine mati au goğuhe iabera itahe rahirahe, iauki imimi rađi iauka ga ğahisa. <sup>47</sup>Gerege koita be raki kironu, “Ni ğaha ai neine mati ai goğuhea vire itahe rahane, iaukamu a ga ğahisa.”<sup>48</sup>Eduge Iesu raki boriti ğahane kironu, “Unuhuna di neine, renu oĝorea iana di goğuhea?” <sup>49</sup>Gerege auki au au ğamituhe iau ada susutemi, ronu, “Eraĝiahe o iaberamu di neine mati di goğuhe iabara!”<sup>50</sup>Ana unuhuna di Mame vava guramare, roiare meva kiare iaberaki riaĝa di goĝe mati di amakine, mati di neine.”

### 13

<sup>1</sup>Vani kobuĝa eige Iesu raki iaga ğaremi oti gohu ğaika guramanu. <sup>2</sup>Koita dadaĝava raki au ğasina oti bouraĝohi ge auki urimi vanaĝi ada ğadimi guramanu, koita iabara iau bouge gohu ğaika rahirahe. <sup>3</sup>Auki iaĝa dadaĝa badigomu va boriti ğahigei, roege: “Thiahe! Nega beige ata be raki au ĝeĝehe beĝi beĝi otinu. <sup>4</sup>Auka beĝi beĝi viege, iaka be iabara guma eĝiahu desuraĝohi, uguha iabaraki uguraĝi iogei. <sup>5</sup>Be iabara vateta munima ada desuraĝi, vateta raho veite eige ğamana veite iauki kobo raĝohanu. <sup>6</sup>Eduge vani ğaravane negahe, vani hedokava raki inuhati gabu gevege iauki hoĝe raĝohanu. <sup>7</sup>Iaka be iabara ğati uhura iauki desuraĝanu, gerege ğati raki kobo raĝohi ketake ğahima iauki daure ğahanu. <sup>8</sup>Eduge iaka be iabera vata maĝe ada ge iauki desuraĝanu eige iauki maka kia, be iabara tinahuva, be iabara utu agorokiva, be iabara utu abigaĝa. <sup>9</sup>Iana oĝoreana iana ihikotenu ihiahe!”<sup>10</sup>Gerege Iesu ğamituhe iabaraki au ğasina oroĝime iauki beraĝanu, “Esemena a koita o badigomua gaĝa geima?” <sup>11</sup>Iesu raki kiro gevenu, “Dirava ramu va basileia uhuvaka iai iorena ğaĝae kinu, eduge koita be iauege so veitera. <sup>12</sup>Eige iana eraĝa, ana unuhuna uhuvaka manu, Dirava ramu dadaĝa ğahi moimo vara, mati auka raho ğahi moimo vara: eduge unuhuna veitenu, auna tina beĝu gena Dirava ra au mi goiraĝira vara. <sup>13</sup>Da badigomu tahu gaĝa gevare maka vara, iaukamu niĝa niĝa raĝa eduge iauka erara veite, mati iauka ihikote eduge iauka ihihhi veite se iau uhure ra bao raĝira veitera. <sup>14</sup>Eige iauka Isaia peroveta ğahi gavi rone:Iaka riaĝa ihisa, eduge iau uhure beta bao raĝira vara,mati iaka niĝa niĝa raĝohisa, eduge iaka beta erara vara. <sup>15</sup>Eige koita iau soruke ramu vadibu ğahanu,renu iau ihikoke iabara toĝeve ğahanu,renu iaukamu iau nie kumu gevenu;eige iauka beta iau niehe niĝa niĝa raĝisa,renu iau ihikokehe ihisa,mati iauma iau sorukehe anavare renu goiraĝohisa,gerege dana maĝuri ğahi geisa. <sup>16</sup>Eige Dirava maĝe ğahisa iai nie, iamu niĝa niĝa raĝa, renu iai ihikoke, iamu iha. <sup>17</sup>Riaĝa vara daki ia boriti ğahi geima, peroveta ğaha mati koita maĝe dadaĝa ğahi ia eraĝane iauna so eraĝare, eduge iauka erara veite, mati iauna ia ihine ihare, eduge iauka ihihhi veitera.”<sup>18</sup>“Gerege iama ĝeĝe kiki koitava badigomuve ihisa. <sup>19</sup>Iana oĝoreana ia basileia ga ihinu eduge iai uhurera bao raĝira veite, diaboloto raki oroĝare iau sorukehe uiare vahoro mi ĝeahu otito vara, eramu guma eĝiahu desuraĝane naĝatera.”<sup>20</sup>A muni ada desuraĝane iabara Dirava gare ihare renu iauki heĝirita manu; <sup>21</sup>eduge koita be umuka veite, edube nega tina beĝu auna kamuisa, gerege koitaia daure ğahi mati huhu ğahi ga o iau dainehe, koita eramu inono veite au ihihive ramu avie goigo vara. <sup>22</sup>Be iana ğati uhura desuraĝane, o iabara au gare ihinu, eduge ahata maka iaĝaniva mati maĝuriva raki au gare daure ğahege auki madika veite. <sup>23</sup>Edube negu iaka vata maĝe ada beĝene iabara, oĝoreana ga ihinu mati uhu kinu, oĝoreana riaĝa madike ĝosiĝanu, bera tinahu be, bera utu agorokiva, renu bei gera utu abigaĝa.”<sup>24</sup>Iesu raki badigomu be mati boriti ğahi gevenu: “Va basileia vara erehuta ata be demaka iaka maĝe au ĝeĝehe beĝi gevenu; <sup>25</sup>eduge vahi beige koitaia iaĝohane uhura, koita be raki ğati daure idigei oroĝi koni ĝeĝe uhura beĝare auki ĝeahu otinu. <sup>26</sup>Eige ĝeĝe kobo raĝohi maka kiege, gerege ğati daure tage iau uhura kobo raĝohege. <sup>27</sup>Gerege ĝeĝe iahe iahe vare koitava raki au ğasina oti kironu, Di biage, akamu iaka maĝe eĝuge aki ĝeĝe beĝi gevenu? Orehe genu, ğati daure o iau uhura kobo raĝoha? <sup>28</sup>Auki boriti ğahigei, Koita daure be raki onaki kinu. Au iahe iahe atave raki kironu, Gerege ana roma nona oti ğati daure raka geisa?”<sup>29</sup>Eduge auki boriti ğahigei, Veitera; ia negu ğati rakai demaka iaka ğainage raka geime. <sup>30</sup>Ĝare geve iau kobuĝa ğahi kobo raĝohe ate taboro negava; renu taboro nega miege dana me ğaha boriti ğahi geisa, Uriĝahi ğati bougei irosi koba koba idigei vene kisa, edube koniva bougei idigei di demaka iagehe ĝosiĝisa.”<sup>31</sup>Iesu raki badigomu ğaita kiro gevenu: “Va basileia ramu erehuta idi tahaka kusinaike naĝate gerege ata be raki mi au ĝeĝehe beĝenu; <sup>32</sup>auka idi tahaka kusinaike vara, eduge au kobo raĝane auki idi ketane goinu, eige uguha vava huruĝohi iabara au ada iaga kisa.”<sup>33</sup>Iesu raki ğaitana badigomu be boriti ğahi gevenu: Dirava aenave rone be tage ramu erehuta maĝi be parao souka mi raho ğahiĝa ğadikiva ruta mi kobuĝa ğahi degide ğahi gerege parao ramu uhu raho goima.”<sup>34</sup>Iesu raki au gare inuhati badigomua koita boriti ğahi gevege; auka iaĝa be ena roro kava veitera. <sup>35</sup>Onaki ora peroveta ğaheva iau gare riaĝa ğahiĝa vara:“Daka badigomu tahu ge dana ga visa;Daka badigomua ge dana vata ketake o ganai kine iaĝa ğaĝae ğahiĝa veite dana gava rosa.”<sup>36</sup>Iesu raki koita ğare gevare auki iagahu otinu. Gerege au ğamituhe iabaki au itahe otime iauki beraĝi roege, “So negu a badigomu ğati ĝeĝe uhura makava no kirogeve.” <sup>37</sup>Iesu raki boriti ğahigei ronu, “Negu iaka maĝe beĝene era Koita Ĝamika vara; <sup>38</sup>ĝeĝe ra vata ketake ora, mati iaka maĝe vara koita Dirava aenave riaĝa ğahare ğahavaia; ğati ra koitaia Dirava betia ğahare ğahavaia, <sup>39</sup>eige diaboloto raki daure beĝene ğahava iabara; taboro vara vata o netu netua gera, renu Dirava aneru iabaraki meva kikiva.”<sup>40</sup>Negu ğati daure idigei bouge vare kiragei vene raĝohisa, guma e naĝate vata ketake o netu netua tage ena goigo vara. <sup>41</sup>Koita Ĝamika ramu au anerve beŝugei, gerege iauna Dirava vaĝotoni oĝoreana guma daure mati maĝuri daure raĝohare kasa geisa au koitatuhe iau, <sup>42</sup>Mati iauna idigei vene bubuka uhura kira gevege, eige iauna niĝo raĝohi iau eĝie iana gi raĝohisa. <sup>43</sup>Gerege koita maĝe iana vani naĝate abaga ğahisa erehuta iau Mame va oĝova abage naĝate. Ia ihikote ğahege ihiahe!”<sup>44</sup>Va basileia vara erehuta iaĝa maĝe be vata uhura abatemeni, koita be raki behuĝare; gerege auki heĝirita oti inuhati haevare mati goiraĝi oti negu mata e haevisa. <sup>45</sup>“Riaĝa, va oĝo vara erehuta me maĝe ata be gure muni damu ketake iaĝoi haevisa; <sup>46</sup>gerege auki be behuĝare auki oti au ğasina iaĝaniva inuhati haevare renu auka negu muni damu ketake auka”<sup>47</sup>“Riaĝa, va oĝo vara erehuta reke naĝate mi eve kirai karava nune nune reke butugei; <sup>48</sup>gerege reke tobo raĝege, iauki butui oti gohu

gaika gurahi, renu karava maḡeva idigei boteka bei ḡosigei edube daureva iabara idigei ḡeahu kira gevenu.<sup>49</sup>Eige onakime iauna netu netua kisa. Aneru iana ugu raḡohi oroḡime iauna koita maḡe iau uhura ḡuma daure ḡahavaia kasa geisa<sup>50</sup>renu iauna idigei vene bubuka uhura kiragei, iauna niḡo raḡohi iau eḡie gi raḡohisa.<sup>51</sup>Iesu raki au ḡamituhe beragei, “Iana iaḡa o inuhati iai uhure iana bao raḡohanu? Iauki ronu, ‘Erege.’ ”<sup>52</sup>Eige auki boriti ḡahigei ronu, “Gerege ia aena ḡaha iau ia uguro ḡahigei va basileia aena iakamu erehuta iaga biava au iaḡa maḡe ḡosiḡare ei oreana isaḡe mati oreana emene idigei hakivi ororo vara.”<sup>53</sup>Iesu raki badigomu rogei kosavare, auki ḡare gevenu.<sup>54</sup>Iesu raki ḡoiraḡi au oḡehe otime auki dubu uhura koita uguro ḡahi gevege, iauki ihi ḡaḡu raḡohi mati berabe raḡohi, “Oreigena ata o uhuvaka o mati hedo o idigevenu?”<sup>55</sup>Ona beta iaga ḡoiare atava moenu? Au neine ihe na Maria? Mati au ḡoḡuhe iabara Iakobo, Iosepa, Simona renu Iuda? <sup>56</sup>Renu ona au amakine iana o no ruḡa? Gerege oreigena ata o iaḡa o inuhati idigevenu?”<sup>57</sup>Gerege iauki besibe ḡahanu. Eduge Iesu raki boriti ḡahigei, “Peroveta ḡahava iauka matau ḡahi gevara eduge iau oḡo riaḡahe mati au iaga ḡahatuhe iau gera veitera.”<sup>58</sup>Iauki ei riaḡa ḡahiḡa veite, eige auki hedo me dadaḡa kiogeige veite.

## 14

<sup>1</sup> Nega ei Galileia ni tabata ḡahege rohiva Heroda raki Iesu gare raḡege gava ihinu; <sup>2</sup> gerege auki au ḡamituhe boriti ḡahigei ronu, “Ora Ioane Babatiso; aukamu hoḡe uhura ge auki urimi ḡoiraḡanu, eige auki hedo ruta me onaki kikive kima.”<sup>3</sup>Edube Heroda ramu uriḡoi Ioane mi vadibu iagava maemanu, au ḡoḡe Filipi mabare, Herodias dainehe, <sup>4</sup>badiva Ioane raki Heroda boriti ḡahege, “Ni aenave ra roma aka beta Herodias mi ai mabare kisa.” <sup>5</sup>Renu Heroda auna roma auka ḡami hoekisa, eduge auki koita iau siḡore vanu, badiva auka koita iaberaki riaḡa ḡaha roia auka peroveta koita vara. <sup>6</sup>Eduge Heroda ḡuruane heḡiri vanihe, Herodias mae raki koitaia iau vaḡotoni iavea vi Heroda tage heḡiri ḡahanu <sup>7</sup>eige Heroda raki maiḡo e ominue ḡahi auna otavado iaḡa vana au ḡahara vima auka mi moimo vara. <sup>8</sup>Au neine raki uriḡoi uhuḡatu, gerege auki ronu, “Daka imimi vima aka Ioane Babatiso omote mereki ada maemi mi oroḡi da moimisa.” <sup>9</sup>Negu iau rohiva uhure tage huhu naḡanu, eduge auki ominue vanu au deiva tuhe iau vaḡotoni, eige auki au ḡamituhe ḡanito ḡahigei iauka maiḡo imimi vane mi moimisa;<sup>10</sup>auki besugei iauki oti vadibu iagava Ioane omote dodoanu. <sup>11</sup>Iauki au omote dodoi mereki ada maemare iauki mi oroḡi negu maiḡo e moimege, auki mi oti au neine moimanu. <sup>12</sup>Ioane ḡamituhea iaberaki oti au ahata make miare iauki abatemare; iauki oti Iesu boriti ḡahanu.<sup>13</sup>Iesu negu Ioane badine ihine negahe, auki vanaḡi ḡaremi avaḡu tana koita veite gabuhe otinu. Eduge koita iaberaki ihare, iauki oḡo ḡarehime iauki au itahe vasi oḡi otinu. <sup>14</sup>Iesu raki tana hakivare, auki koita dadaḡa eragei; auki uhudau ḡahi gevare renu dika raḡane maḡe ḡahi gevege.<sup>15</sup>Va hiriḡomege, au ḡamituhe iaberaki au ḡasina otime iauki kironu, “Ora mata ḡaḡae vara, mati va ramu hiriḡoromanu; no koita besu geva iau oḡo oti geve mati iavaḡu iau debubu iaḡane hae geisa.”<sup>16</sup>Iesu raki kiro gevenu, “Iauka beta otito vara; iakena iaḡa be mohi gevege iauna isa. <sup>17</sup>Iauki kironu, “Ni ḡasina gera iaḡa veite eduge parao adakasiva mati karava abu gera.” <sup>18</sup>Auki kiro gevenu, “Idigei oi di ḡasina oroḡiahe.”<sup>19</sup>Auki koita kirogei iauka isu ada gurahisa. Gerege auki parao adakasiva mati karava abu idigevare, auki vava gagai Dirava maḡe ḡahare auki parao rehaḡare, auki idigei au ḡamituhe mohigei, iauki idigei koita mohigeisa. <sup>20</sup>Iauki iau bouge tamuta raḡohi kosai itaharahe; au ḡamituhe iabaraki iau tamuta raḡane momonoa idigei iauki boteka utube abu toboḡa gevenu. <sup>21</sup>Gerege koitaia tamuta raḡohane iaberamu daha adakasiva naḡate, maḡi mati momono iabera iauka dahi geige veitera.<sup>22</sup>Gerege auki au ḡamituhea besugei iauka uriḡahi vanaḡiva gohu hakirahe otisa, auka so koita inuhati besugei oḡo oti geisa. <sup>23</sup>Auki koita inuhati besugei otare, auki nimu ada oti auka avaḡu imimi visa. Va ra hiriḡoromanu auka auvaḡu eigeru. <sup>24</sup>Eduge au ḡamituhea vanaḡiva gera hurehure oroḡi vanaḡiva ḡadimege, badivara nono raho tinabe raki ḡuguige.<sup>25</sup>Renu va tahi oroḡege uhura Iesu raki eia ada oḡi iau ḡasina otege. <sup>26</sup>Eduge au ḡamituhe iaberaki eraḡege au eia ada oḡi oroḡoge, iauki siḡo raḡohi, roege, “Vire ramu sua ra!” Iauki siḡo raḡohi bara raḡohi. <sup>27</sup>Eduge Iesu raki vaina gavi roege, “Uhu berebe kiahe, ora dakaki; ia negu siḡo raḡime.”<sup>28</sup>Gerege Petero raki gavi kironu, “Rohi Bauge, ona riaḡa akenu, da ḡanito ḡaha da eia ada oḡi ai ḡasina oroḡima.” <sup>29</sup>Iesu raki kironu, “Oroḡo.” Gerege Petero raki vanaḡi ḡaremi eia ada oḡi Iesu ḡasina otinu. <sup>30</sup>Eduge auki nono ḡugui berebe ḡahane eraḡane, auki siḡo vanu, auki tabe-tabe eve uguhi otege, auki nivi ronu, “Di Rohite, da iaheḡa!”<sup>31</sup>Iesu raki vaina au ade inuḡi mi kamui, kiroege, “Kava ihihia avie vana anu, otavado uhu korahiva a vima?” <sup>32</sup>Iauka iau abu vanaḡiva ḡadihanu nono raki veavi kosavanu. <sup>33</sup>Gerege au ḡamituhea vanaḡi ada e iaberaki au vasi ḡaika ḡoru raḡohi, boriti ḡahi roege, “Riaḡa aka Dirava Moera.”<sup>34</sup>Iauki koa hakirahe otinu, Genesareta matava haki raḡohanu. <sup>35</sup>Koita iaberaki ihie au toaḡe kiare, gerege iauki ga besuḡi mata e inuhati iau boriti ḡahigei iauka dikave idigei au ḡasina oroḡisa, <sup>36</sup>mati dika koita iaberaki imiḡi roege, maḡenu iau au ogona bisuke tage kamuisa; gerege kamuare ḡahava ḡaitage maḡe ḡahanu.

## 15

<sup>1</sup>Gerege Faresia mati aena hadiba ḡahava iabaraki Ierusalemata seni oroḡime iauki Iesu beraḡanu, <sup>2</sup>“Otavado beigena ai ḡamituhe ia ni tenetuhe iau aenave dodova? Iau uriḡahi tamuta raḡoha iau ade ketogeige veite.” <sup>3</sup>Iesu raki kiro gevenu, “Gerege otavado dainehe ia Dirava aenave hosaga iai tene ḡumaḡe kia?”<sup>4</sup>Eige Dirava raki ronu, Ai mame mati ai neine ama matau ḡahi geisa, mati, Ana unuhuna au mame se au neine iau ada ga daure raḡa iauka riaḡa hoḡe raḡohira vara. <sup>5</sup>Eduge aka roma maḡera koitaia iau iahuvea kiro gevare, Otavado iahe iahe da iani ronu daka ia mohi gevare, era daka mi Dirava moimoara, <sup>6</sup>Eige, tene ḡuma iau dainehe, iaki Dirava ga aenava matau ḡahiḡa veite.<sup>7</sup>Tarata ḡaha ma ḡahanu! Ora riaḡa vara Isaiiah raki Dirava gare peroveta ḡahane, kironu: <sup>8</sup>Koita o iabara iau avagehe ge iauki da maḡe ḡaha,eduge iau soruke ra dai ḡamana vara; <sup>9</sup>iau da maḡe ḡahare ra maka veitera,iauka koita iau aena gare iaue iauki hadibava

raġoġa.<sup>10</sup> Gerege Iesu raki koita ihirogei au ġasina oroġare auki kiro gevenu, “Di gare ihare iama uhu maemisa: <sup>11</sup> era beta ai avagehe uguhare e raki ai uhura daure ġahima, eduge ai uhurehe hakivare e raki a daure ġahima.”<sup>12</sup> Gerege au ġamituhea iabaraki au ġasina oroġime iauki kironu, “Ana dibana Faresea ġahaia ai gare ihine eramu iau uhure huhu ġahi gevenu?”<sup>13</sup> Iesu raki kiro gevenu, “Idi inuhati di Mame vava uiare beġibe veite iabara auka ġaikahe raka geige vara.”<sup>14</sup> Ena ġaregeve; iauka ni veite be raki ni veite be nisigamima. Gerege ni veite au vasire ni veite be nisigamare iauka iau abu dahana desuraġira vara.”<sup>15</sup> Eduge Petero raki kironu, “Aso a badigomu rone makava no boriti ġahigeve.”<sup>16</sup> Gerege Iesu raki ronnu, “Ia ġainage iai uhure iana so bao raġohira veitenu?”<sup>17</sup> Iana dibana veite koita be iaġa be mi iare ra au avagehe uguhi au vaġatanehe, mati auna au ahatanahē hakivisa?<sup>18</sup> Eduge otavado au avagehe hakivare era au sorukehe eige auki orogonu, gerege e raki daure ġahima. <sup>19</sup> Badiva otavado anana daure vana ai sorukehe anavare, koita ġahigei, ni muduka, ġuma daure, vaho, tarata, koita be iau ihe daure ġahi geisa. <sup>20</sup> Ġuma o iabaki koita daure ġahi geisa, eduge ada ketoke veite tamuta raġohare era beta a daure ġahiġa vara.”<sup>21</sup> Iesu raki mata e ġaremi Tiro mati Sidono iau kasihe otinu. <sup>22</sup> Tutube viege Kanana maġi be ei uiare raki hakivi gure barai roege, “Di Rohite, Davida Moe; da uhudau ġaha, di mae ra sua daure raki au uhurehe uguhanu.”<sup>23</sup> Eduge Iesu ra au ġasina ga be roro veite. Renu au ġamituhea iabaraki au ġasina otime iauki imiġi roege, “Besuġa au ġahe ote, auka ni itahe ge auki gure barai oroġima.”<sup>24</sup> Iesu raki kiro gevenu, “Au da besuġane ra Isaraela ġahavaia dauraġohane iaġo geige vara.”<sup>25</sup> Eduge negu maġi e raki oroġi au vaġotoni komuko daivi, roege, “Rohi Bauge da iaheġa.”<sup>26</sup> Iesu raki onaki ronnu, “Beta maġera a momona iau iare demakava miare mi totoka mohi gevara.”<sup>27</sup> Maġi e raki ronnu, “Rohi Bauge, era riaġa vara, totoka ġaitage au biage tamuta viare momona desuraġane iogei gevara.”<sup>28</sup> Gerege Iesu raki kironu, “Maġi bauge, aka ihihia riaġa maġi vara! A ġahara vane era aka mimi vara.” Tutube veite au mae raki maġe ġoinu.”<sup>29</sup> Gerege Iesu raki ogo e ġaremi Galileia koa eġiahu oġi oti, auki nimu be ġadimi adahe guramanu. <sup>30</sup> Koita dadaġava raki iau dika nune nune, vasi dauretea, ni veite, ga veite, ada dauretea, nisigeime iauki au ġasina oroġanu. Iauki idigei au vasi ġaika ġosigei, auki maġe ġahi gevenu, <sup>31</sup> eige koita iabaraki ġaġu raġohanu badiva iauki eraġege ga veitea ga raġohi, vasi dauretea oġigei, ni veitea niġa niġa raġohi. Gerege iauki Isaraela Dirava va maġe ġahi motea ġahege.”<sup>32</sup> Gerege Iesu raki au ġamituhea ihirogeime auki kirogei, “Daka koita o iabara daki uhudau ġahi geima, badiva iauka vani abigaġa gera iauki oi da ruta renu iauka tamuta veite; mati daka beta ġubuta besugei gevara, iau negu ġumaġa manori raġohime.”<sup>33</sup> Au ġamituhea iabaraki beraġanu, “Nona mata ġaġae oi orei demaka miare koita o vasi geisa?”<sup>34</sup> Iesu raki bera gevenu, “Iai ġasina gena parao esebugenu?” Iauki kironu, “Parao iatiriġava, mati karava kusinaike rorebe.”<sup>35</sup> Gerege Iesu raki koita gaġagei iauka vata gurahisa,<sup>36</sup> auki parao iatiriġava renu karava tage idigei; Dirava maġe ġahare auki rehagevare idigei au gamituhe mohi gevege iauki idigei koita mohi gevenu. <sup>37</sup> Iau bouge tamuta raġohi kosai; au ġamituhea iabaraki demaka momona idigei boteka iatiriġava toboġa gevenu. <sup>38</sup> Koitaia tamuta raġohane atava iau ate ramu daha ababu gera, maġia mati momono iabara iauka dahi geige veitera. <sup>39</sup> Iesu raki koita inuhati kirogei iauka oġo otisa. Auka vanaġiva guivare auki hakirahe Magadan matahe otinu.

## 16

<sup>1</sup>Farisea mati Sadukea ġahava iaberaki Iesu ġasina oti iauki tohoġi beraġanu auka vava hedo ġuma be iau vaġotoni ġaġae kisa. <sup>2</sup>Eduge Iesu raki kiro gevenu, “Ana eraġege va kerekare ġoiare aka roro vara, ‘Vahiġu vaniva ramu maġe ġoiġoara eige va ramu kerekare ra.’ Mati va tahi vagutu ġoiage, ‘Negu vani oramu veni raki ġoromisa vima, badiva va ramu kerekare mati girigire ra.’ Iaka riaġahe va toaġava kiare roro vara, eduge iaka beta riaġahe negubutu iaġa eragevare toaġava kiki vara. <sup>4</sup>Dirava riaġa ġahiġa veite taua raki toa berabe raġa, edube toa bera veitera eduge peroveta Iona au ġaġae ġoine eġugera.” Gerege auki ei rahirahe gare gevare ġeahu otinu. <sup>5</sup>Iesu ġamituhe oti gohu hakirahe hakiraġi, iauka vava raġanu iauka demaka be mimi veitera. <sup>6</sup>Iesu raki kiro gevenu, “Iama Farisea mati Sadukea ġaha uaġatu geisa, iau gare mati iau ġumaġe erageisa. <sup>7</sup>Iauki bebe kiro gevege, “Era noki demaka be mi ororo veite eige auki enaki roma.” <sup>8</sup>Renu iau gava raġege uhura Iesu raki ronnu, “Iakamu iai ihihive ramu raho veitera, esemena ia demaka be mi ororo veite gava raġoġa? Iana iai uhure so bao raġohira veitenu? Iana anana veitenu ia parao adakasiva koita daha adakasiva vasi gevenu, renu boteka esebu gena ia makava kiogevenu?” <sup>10</sup>Se ia parao tina iatiriġava ata daha ababu vasi gevenu, renu boteka esebu gena ia maka kiogevenu?” <sup>11</sup>Esemena iai uhure bao raġohira veite daka beta demaka gava daki roege? Edube da rone iama Farisea mati Sadukea uaġatu geisa, iau gare mati ġumaġe erageisa!” <sup>12</sup>Gerege iau uhure raki bao raġanu auka beta parao muraka gava ge auki uaġatu gevenu, eduge Farisea mati Sadukea ġaha ia uguro raġare gava. <sup>13</sup>Iesu raki Kaisara Filipi oġo hakivi, auki au ġamituhe bera gevenu, “Koita iana esegena iau roia Koita Ġamika vana unu hunu?” <sup>14</sup>Renu iauki ronnu, Be iabera roia Ioane Babatiso, edube be iabera roia Elia, be iabera roia Ieremia se peroveta koita bera. <sup>15</sup>Iesu raki bera gevenu, “Eduge dana unuhuna ia roia dana unuhunu?” <sup>16</sup>Simona Petero raki ronnu, “Aka Keriso ra, maġuri Dirava Moera.” <sup>17</sup>Gerege Iesu raki kironu, au maġeve ra aigera, Iona moe Simona! Beta ahata maka auge auki ai ġaġae kinu, eduge di Mame vava uiare eraki a moimanu. <sup>18</sup>Renu akera daki aki roma, aka Petero, renu aka muni ora, au ada ge daki di dubuve ġoġo vara, renu hoġe iaġa bera beta vaġava ġahiġa vara. <sup>19</sup>Dakena va basileia kiva mi a moimisa, gerege otavado a vata ada oi bodibo vanu vava tage auki bodibo vara, mati otavado a vata ada oi baovare vava tage auka bao raġira vara.” <sup>20</sup>Gerege auki au ġamituhe ġanito ġahigei ronnu ia negu koita be boriti ġahime auka Keriso. <sup>21</sup>Gerege Iesu raki au ġamituhe kiro gevege auka Dirava rone eige auka so Ieruselema otito vara. Eigera dubu bauge ia mati dubu biava ia, renu aena kiare ġahava iabera so mi iaġa be iau dainehe da huhu ġahi mati daka hoġe raġira vara. Eduge daka vani abigaġa itaharahe daka urimi ġoiragiara vara. <sup>22</sup>Gerege Petero raki Iesu nisigami ġeahu otime auki namiġi, roege, “Dirava vaġahu ġaha, di Rohite! Ġuma roiare o negu riaġa ġoime.” <sup>23</sup>Eduge Iesu raki aniġoiare Petero kironu, “Oi ġeahu ote,

Diabolo! Akamu di ogigi ġumaġe aki daure ġahima, ai uhu ananave iabera ahata maka iaġa iauge aki anana vima, beta Dirava au gera.”<sup>24</sup> Gerege Iesu raki au ġamituhe kirogei, “Ana unuhuna di ġahara vi di itahe orogisa, ama avaġu ai sataurove agohare renu ana di itahe oġisa.”<sup>25</sup> Mati oġoreana iau maġurive biava raġisa iauka ġatugeige vara, mati oġoreana iau maġurive di dainehe ġatua iauka mi ġoiragohira vara.”<sup>26</sup> Koita be vata ketake o uhuġatu ġahuare auna otavado maġe be mimi vanu, edube iau maġurive ġatuisa? Se iauna otavado iaġa be mi mohigei iau maġuri riaġa mi ġoiragohisa?”<sup>27</sup> “Eige Koita Ġamika ramu vava seni au aneruve ruġa au Mame maġeve mi orogisa, gerege auna koita koba koba iau me mane damuna mohigeisa.”<sup>28</sup> Riaġa vara daki roma, ia be ia rahirahe iabera so beta hoġe raġohira vara ate Koita Ġamika vara vava seni uguhi ororo vara.”

## 17

<sup>1</sup> Vani agorokiva itaharahe, Iesu raki Petero mati Iakobo au ġoġe Ioane ruta nisigei iavaġu ġadihi nimu ada. <sup>2</sup> Iau niġahege uhura Iesu eravaġe raki iau vaġotoni nune ġoinu, renu au nie raki vani abaga naġate ġoi, mati au ogona kaeve ġaitage vani abaga naġate. <sup>3</sup> Tutube viege Mose mati Elia iaberaki ġaġae ġahanu, iauki Iesu ruta garaġohege. <sup>4</sup> Gerege Petero raki Iesu ga ġahi ronnu, “Rohi bauge, no oroġane ramu maġe riaġa vara; a maġe roege, dana oi dubuka abigaġa ġosa, bera aie, bera Mose, mati bera Elia.”<sup>5</sup> Auka ġavege uhura, va abaga ketake be raki iau ada ġaruanu, mati eno be raki ori uhura hakivi ronnu, “Ora di Moe riaġa vara; di sorukera; dakamu heġiri ġahima; iama au gare ihisa!” <sup>6</sup> Au ġamituhea vava seni eno e ġavege ihine, iauki siġo raġohi iau nie vata ada ġoru raġohanu. <sup>7</sup> Eduge Iesu raki iau ġasina oroġare auki kamui ġevare, roege, “Urihiahe renu ia negu siġo raġohime.” <sup>8</sup> Gerege iauka ni iagemi auhe niġahi, iauka koita be erara veite eduge Iesu auvaġu ge iauki eraġanu. <sup>9</sup> Iauka nimu seni ugu raġohege, Iesu raki ġanito ġahigei, “Ia negu ia iaġa eraġane koita be kirome ate Koita Ġamika hoġe uhura urimi ġoiragare.” <sup>10</sup> Gerege au ġamituhea iabaraki beraġanu, “Gerege otavado beigena aena ġahavaia roia Elia aukena uriġoi orogisa?”<sup>11</sup> Iesu raki kiro gevenu, “Riaġa vara Elia raki uriġoi orogisa mati aukena iaġa inuhati ġumava kiogeisa; <sup>12</sup> eduge daki ia kiro geima Elia ramu subuta gera auki oroġonu, eduge koita iabara au toaġe kiki veite, edube iauki au vaġotoni iau ġahara raġeġe ġumava kiogevege. Eige Koita Ġamika tage ġuma kobuġa eige iauna huhu ġahisa. <sup>13</sup> Gerege au ġamituhea iau uhure raki bao raġohanu auka Ioane Babatiso ġare ra auki roege. <sup>14</sup> Iauki ġoiragohi koita iau vaġotoni, ata be raki au ġasina otime, auki komuko daivi guramare, <sup>15</sup> auki kironu, “Rohi bauge, di moe vaġahu ġaha, auka omo daure viare mati huhu vara rahora; auka nega dadaġa vara auki au mi vene uhura au kirai se eia uhura au kiraima. <sup>16</sup> Renu daki nisiġami ai ġamituhea iau ġasina otinu, eduge iauka maġe ġahiġa veitera.”<sup>17</sup> Iesu raki ronnu, “Iakamu ihih ġamika mati tau berebe ġahavaia, dana iai ġasina gurami ate vaisu? Daka beta iai uhu berebe raġare ate nega orei? Ġami e mi di ġasina oroġiahe.” <sup>18</sup> Renu Iesu raki sua daure e ġanito ġahege, auki ġami e ġaremanu, gerege ġami e raki inono veite maġe ġoinu. <sup>19</sup> Gerege Iesu ġamituhea iabaraki iorena au ġasina otime iauki beraġanu, “Esemena no sua daure e oiaha veite?” <sup>20</sup> Iesu raki boriti ġahi gevenu, “Badivara iai ihihive ra raho veitera. Riaġa vara daki ia kirogeima, iana iai ihihive na idi tahaka kusinaike naġate ġoiare, akamu nimu o ga ġahi rosa, Oi vaġava vi virei ote, auka rakaġohi otito vara; eige iaġa bera beta ai berebe ġoiġo vara.” <sup>21</sup> Edube a imimivi mati tamuta aena viege ana sua daure onaki koita bei oiahi hakivisa. <sup>22</sup> Iesu mati au ġamituhe iau bouge raki oroġi Galileia bouraġohi, eige auki boriti ġahi gevenu. “Koita Ġamika vara koita iau adahe ġadimi iau aena derikehe ġoiġo vara, <sup>23</sup> renu iaukena ġamisa, eduge vani abigaġa ġahiġahe auka urimi ġoiragira vara.” Iauki iau bouge au gare ihinu iauki uhu huhu raġohanu. <sup>24</sup> Iesu mati au ġamituhe ruga Kapernamu hakiraġi, eige dubu damu idigare ġahava iabaraki roġahi Petero ġasina beraġanu, “Iai biage na dubu damu mae mima?” <sup>25</sup> Petero raki ronnu, “Erege, aukamu kima.” Petero raki Iesu otine iagahe sirivi, gerege auki uriġoi beraġeġe, “Simona, ai uhu ananave na otavado anu? Oġore iau gena vata ada rohiva iau damune mia? Iau ġamuhe iau se ġeahu koita be iau?”<sup>26</sup> Petero raki ronnu, “Ġeahu koita iau,” Iesu raki kironu, “Gerege ni ġamuhe iabara beta dubu damu maema vara. <sup>27</sup> Eige, noka beta namigei roro vara, eve oti karava iaġova, ġanai karava vara; a negu au avaġe baovi, aka muni tahaka be behu behu vara; ama miare mi mohigeisa aġore ni ihehe.”

## 18

<sup>1</sup> Iesu ġamituhea iabaraki oroġi beraġanu, “Unuhuna bauge va basileia uhura?” <sup>2</sup> Gerege Iesu raki ġami ġamika be ihromi auki orogi iau vaġotoni ramanu, <sup>3</sup> auki boriti ġahigei ronnu, “Riaġa iakera daki ia kirogeima, ia iai ġumaġe nune ġahigei ġami ġamika o naġate ġahege, veite ġahare iaka beta va basileia uhura otito vara. <sup>4</sup> Eige ana unuhuna avaġu au mi ġami ġamika o naġatenu aukamu va basileia uhura baugera. <sup>5</sup> Unuhuna ġami ġamika o maġe ġahima di ihehe auka da tagera auki da made ġahima. <sup>6</sup> “Koita be momona onaki da riaġa ġahare iau ada daure ġuma kiare, au maġeve ramu muni ketake be mi au enokehe raro vare mi eve do bukehe kira visa. <sup>7</sup> Uhudau vana vata ketake ona otavado ana daure ġahima! Ġuma daure o iabara onaki ġaġae ġahiġa vara, eduge daure kiare koitava bu uhudau bena anu!”<sup>8</sup> Ana ai ade be se ai vase be ai ihihive avie ġahima, ama dodo vare mi ġeahu kira visa; au maġeve ramu ama maġuri maġe uhura guramisa daure ai ada abu se ai vase abu iau dainehe ami vene uhura a kiravime. <sup>9</sup> Mati ai nie ai ihihive daure ġahege ama ġiroi raka vare mi negevisa; au maġevera ama ni kobabei maġuri uhura sirivisa beta maġe iau ai nie abu dainehe ami vene uhura a kiravime. <sup>10</sup> “Ia negu momonaike o betia ġahi geima; iakera daki ia rogeima, iau aneruve ra nega inuhati ge auki di Mame vava uiare ġasina ġaġae ġaha. <sup>11</sup> Badivara Koita Ġamika oroganera koita dauraġohane ġahavaia maġuri ġahigeisa. <sup>12</sup> Orena kimena ia anava? Ata be au mamoe ve tinahu be, gerege be dauraġare, auka sokovaia utu iġaġu veite hakira iġaġu veite nimu ġareġei oti mamoe dauraġane e iaġoisa? <sup>13</sup> Au behuġare negahe, iakera daki iaki rogeima, au heġirive ramu negu mamoe kobuġa ei raho ketake ġoiġoara a utu iġaġuveite hakira iġaġu veite e iau gera au heġirive ra aviera. <sup>14</sup> Ġuma

kobuğa eige di Mame vava uiare eraki gahara veite mamoe bera daurağisa.<sup>15</sup> Eduge ai oğo nane be a daure gahege, ama oti ia abu gurahege ama au daure kine kirosa. Eige au ai gare ihege, iamu iai abu oğo nana mağe rağı goirağoha.<sup>16</sup> Eduge au ai gare ihahi veite goiege, ama koita abu gaitage idigei aruta otisa, au gare rogevene iauma riağa ġahi geisa.<sup>17</sup> Ai oğo nane gahara veite iau gare ihisa, ama dubu biava kirogeisa; edube au dubu gaheva gaitage iau gare ihahi veite goiege, iauka itahe gaheva iabaki.<sup>18</sup> Riağa vara daki aki roma, otavado ia vata ada oi kiego bodivanu vava tage auka bodibo vara, renu otavado a vahe ġima oi vata ada vava tage auka vahe vahe vara.<sup>19</sup> Mati, riağa vara daki ia boriti ġahi geima, iana oğoreana iai vata ada oi iai abu ia imimi rağoha, di Mame vava gera iani kiki vara.<sup>20</sup> Eiger a oreigena abu se abigağa ia di ihehe bourağoha, dakamu iai vağotoni.<sup>21</sup> Gerege Petero raki au ġasina oroğare ron u, “Rohi Bauge, erege ekalesia be se di oğonane be dai daure ġuma kiarena, dana nega esebu au daurehe uhudau ġahisa? Nega iatirigava se?”<sup>22</sup> Iesu raki kironu, “Daka beta onakime daki roma nega iatirigavağ u, eduge, ama uhudau ġahisa nega utu iatiriga hakira iatiriga vağ u.”<sup>23</sup> “Eiger Dirava au Basileiave kinera erehuta rohi be raki oroğı au me ġahatuhea au kohuve ni tabata ġahi gevege ġahave erageisa.<sup>24</sup> Au gure berabe viege uhura iauki ata be mi roğahanu auka moni domaga bera auki au man u; <sup>25</sup> mati, auka beta riağahe ibinava kiki vara, gerege auki boriti ġahi roma au, au mabare mati iau ġamuhea mati iau kohuvea inuhati gaitage haegeisa.<sup>26</sup> Gerege negu besubesu koita eraki au vağotoni komuko daivi guramare auki imiğanu, Nega tinabe da moima, gerege dana iağa inuhati ibinava kisa.<sup>27</sup> Rohi eraki uhudau ġahare, renu besuğı roma aukamu iağa inuhati vagua ġahi gevenu.<sup>28</sup> Gerege ata eraki itahe hakivi au besubesu bamode be behuğanu subuta au moni tinahu be mane era auki enokahe gigivare, kiroma, A dai moni mane ibinava ama kisa.<sup>29</sup> Au bamode raki komuko daivi guramare auki imiğanu, So nega tinabe da moimege, gerege dana ai moni ibinava kiego goirağisa.<sup>30</sup> Eduge auki besibe vare auki mi vadibu iağava maiami atete au moni mane ibinava kisa.<sup>31</sup> Au sokuhea iabaraki otavado iau erağanu e uhu huhuava rağare iauki oti badiva iau Rohive boriti ġahanu.<sup>32</sup> Gerege auki besubesu koita e ihiromi kironu, Aka besubesu koita daure vara! Daka a imimi viege daki a uhudau ġahi akai beta a moni mane ibinava kiki ron u.<sup>33</sup> Ana so ai bamode uhudau ġahare da a uhudau ġahane nağate?”<sup>34</sup> Eduge auki hoğoime auki negu besubesu koita emi iauka ġamisa ate auka moni mane ibinava kiki kosaisa.<sup>35</sup> Gerege di Mame vava tage koba koba onaki iai kisa, eduge iama iai soruke inuhati be iau daureve gaitage vagua ġahi geisa.”

## 19

<sup>1</sup> Iesu raki iağa inuhati rogei kosavare auki Galileia ġaremi Iudea oğo kasihe otinuu Ioridana iaro hakirahe. <sup>2</sup> Koita mudağo iabaraki au itahe otege auki gure iau dikave mağe ġahi gevege.<sup>3</sup> Faresia ġahava bea iabaraki au ġasina oroğime iauki tarata ġumava berabe rağanu, “Ona ni aenave na ata be ieriri moimege auna ġuma be iau dainehe au mabare besibe ġahiğa vanu au itoeege?”<sup>4</sup> Iesu raki ron u, “Iana dahida veitenu ġanai ġanai Dirava kiogevene eram u ata be mati mağı be,<sup>5</sup> mati roma, Eiger a ata ra au Mame mati au neine ġare gevare au mabare ġore bourağare, renu iauka iau abu ahata maka kobabe ġahiğa vara?”<sup>6</sup> Eige iauka beta abu gera, eduge ahata maka kobabera. Eiger a Dirava bouğahi gevene, koita bera beta kasagei gevara.<sup>7</sup> Faresia ġaha iabaraki kironu, “Otavado beigena Mose ron u aenava ata be au mabare ġaremisa roare auka au betia ġahare pepava kiare moimare auna ġaremisa?”<sup>8</sup> Iesu raki boriti ġahigei roma, “Iaka soru berebeta iabara eige Mose raki enaki ron u, eduge sina sinava gera beta enaki goiğovera.<sup>9</sup> Iakera daki ia kirogeima, ata be au mabare ġaremare, eduge auka ni muduka veite, eduge auka betia ġahare mati mağı be mare auka ni muduka ata vara.”<sup>10</sup> Au Gamituhea iaba raki kironu, “Enaki atabe au mabare ġore kiare au mağeve ra iauka beta bebe idigei gevara.”<sup>11</sup> Eduge auki kiro gevenu, “Koita inuhati gera aena o beta riağa ġahi vara, eduge Dirava mohi gevene ġahavağ u gera.<sup>12</sup> Badivara be iabara onakime iauki ġuru rağanu, mati be iabara koita iabaraki aena ġahi gevenu, be iabara beta mağı idigei gevara badivara iaukera iauki aena ġahi gevenu va basileia dainehe. Unuhuna a riağa ġahima koitava aukena riağa ġahisa.”<sup>13</sup> Koita be iabaraki iau ġamuhe idigei Iesu ġasina otinu iau urave aukai au ade iau ada maemare iauni imimi visa. Eduge au ġamituhea iabaraki iau ġamuhe idigei oroğane e nami gevenu;<sup>14</sup> eduga Iesu raki roma, “Momono ġarire geiahe iau di ġasina oroğe, ia negu oia geima; onaki o iabara va basileia vara iauera.”<sup>15</sup> Auki au ade mi iau ada maemare mağe ġahigei itaharahe auka ġaregei otinu.<sup>16</sup> Nega beige ata be raki Iesu ġasina roğime auki berağanu, “Hadiba koita, dana otavado iağa be kiare guragu behi behive mimi vanu?”<sup>17</sup> Gerege auki kironu, “Esemena a gure da berağima otavado vana mağe? Koita Kobuğa beğ u geraki mağe. A guragu behi behive ġahara viege, ama aenave badina ġahisa.”<sup>18</sup> Ata eraki Iesu berağı roma, “Otavado aena vanu?” Iesu raki roma, “A negu ġa kime; A negu ni muduka vime; A negu vahoime; A negu be iau ġasina tarata ga rogeime;<sup>19</sup> Ama ai Mame mati ai neine matau ġahigeisa; renu, Ama ai ġaika ġahatuhe iau ġahara visa a avahu ai ġahara vare nağate.”<sup>20</sup> Ġami eraki kironu, “Dakamu e inuhati kiogevenu; mati otavado da so kiki veite?”<sup>21</sup> Iesu raki boriti ġahi roma, “Ana urai akai mağe riağa goiege, ote, oti ai iağane inuhati haegei kosai, moni va idigei iağa veite ġahava mohigeisa, eige ana vava ai damune misa; ame goirağı di itahe oğisa.”<sup>22</sup> Ġami isağe eraki au ġare ihare, uhu huhuta ġahe otinu, badivara auka ada bubu koitavara.<sup>23</sup> Iesu raki au gamutuhea boriti ġahigei roma, “Riağa vara daki iaki rogeima, ada bubu ġahava iabara vava otitoara iau gera bere berera.”<sup>24</sup> Gaitana daki roma, kamela vara nila vakava riağahe siri sirivara eduge ada bubu atavara Dirava basileia ve uhura otitoara bere berera.”<sup>25</sup> Au ġamituhea au gare ihine negahe, iauki ġağ u rağohime iauki berabe rağohi onaki ron u, “Gerege unuhuna bina mağuri vivi vanu?”<sup>26</sup> Iesu raki niğahi era gevare auki ron u, “Koita iabara beta riağahe kiogei gevara, eduge Dirava aige iağa inuhati gevara auki kiogei gevara.”<sup>27</sup> Gerege Petero raki boriti ġahi roma, “Erağa, nokamu iağa inuhati ġare gevare noki ai itahe oğia. Nona mati otavado be mimivanu?”<sup>28</sup> Iesu raki boriti ġahigei ron u, “Riağa vara daki ia boriti ġahigeima, iağa inuhati isağe ġahi gevare negahe, Koita Ġamika au teronave adahe guramare, ia di itahe oğiare ġahavaia ġainage terona utube abu iau ada gurahare, iana

Isaraela iau tene utube abu e iana nitabata ġahigeisa.<sup>29</sup> Mati iana oġoreana ia di dainehe iai matame se iai oġo nanuhe se ai amakine se Mame se neine se iai ġamuhea, ia ġare gevenu, iaka nega tinahu be se maġuri behi behive mimivara.<sup>30</sup> Eduge oġoreana uriġaha iauka ihie ġahiġa vara, renu ihie ġahava iabara uriġahiġa vara.”

## 20

<sup>1</sup>“Va Basileia vara erehuta mata bia be raki vagutu maġa urimi otime auki koita be idigevege iauka au ġeġehe me misa.  
<sup>2</sup>Auki gaġagei aukena vani be me kiare damua mohigeisa, enaki kiroge vare auki besugei ġeġe iauki otinu.<sup>3</sup>Auki vani iaġa iġaġu veite uhura hakivi otinu, ata be eragevege iauki ena rahira kava me veite.<sup>4</sup>Gerege auki gaġagei, ‘Ta ġainage oti ġeġe me miahe, dakena damu kobuġa e ia mohigeisa.’ Iauki bina otinu.<sup>5</sup>Auki vani ububu kasiva mati vahiġeta vani iaġa abigaġa otinu, ġuma kobuġa e kinu.<sup>6</sup>Nega tina kibe vani iaġa adakasiva uhurahe auki mati hae kiare gabuhe otege ata be iabaraki rahege auki eragevenu; auki bera gevenu, ‘esemena ia vani o uhuġati iaġa be kiki veite?’<sup>7</sup>Iauki boriti ġahi ronu, ‘Bera no gaġa geige veitera noka oti ġeġe me misa.’ Auki kiro gevenu, ‘Ta ġaitage otiahe ġeġe me miahe.’<sup>8</sup>Vani ugugua ge, ġeġe biava raki au ġeġe nitabata ġahare atava ihiromi kironu, ‘Me ġaha ihirogei iau damune mohigeve, ihie roġahi me mane e iaue ana uriġoi mohigeisa ihiege ana uriġahi orogi me mane iaue kisa.’<sup>9</sup>Negu vani iaġa adakasiva me manu e iabaraki oroġi, iau damune ra erehuta vani uhuġatu me raġara iau damune naġate.<sup>10</sup>Eige uriġahi me mohigevene ġahava iabaraki iau damune misa ro oroġonu, ge iau anavane iauka iau damune tinabe rahogahi mohigeisa; eduge iau ġaitage damu kobuġe iauki mohigevenu.<sup>11</sup>Iauki iau damune mare itaharahe iauki ġeġe biava hoġahi,<sup>12</sup>roege, ‘Ata oia ihie me mohi gevene e iabara vani iaġa kobuġa kibera iauki me manu, eduge amu iau damune mohi gevene erehuta iauka vani uhuġae no ruta me miage vani hedo uhura naġate.’<sup>13</sup>Eduge auki iau be kironu, ‘Vasi, daka beta akera daki a daure ġahanu; nona beta riaġa ġahanu noka vani be me miare damunava misa?’<sup>14</sup>Negubutu ai damune mare bina ote; daka urai negubutu ata oreana ihie me manu e damune beta rahogahi moimisa ia mane ada..<sup>15</sup>Dana bina riaġa davahu di moni vehe beta di urave be kikivanu? Se mama raġohimena badivara di ade ra baobao vera koita iau.<sup>16</sup>Eige Iesu raki netu netua onaki ronu, oġore iana ihie iaukena uri ġahisa oġore iana uriġahanu iauka ihie ġahisa.’<sup>17</sup>Iesu Ierusalemia ġadimi otine, auki au ġamituhea utube abu nisigei ġeahu otime, auki iau oġiege uhura norena gaġa gevenu,<sup>18</sup>‘Thiahe, noka Ierusalemia ge noki ġadihi ota, renu Koita Ġamika varamu eige iauna mi aena kiare ġahava mohigeisa. Iaukena au hoġe ġumaġe riaġa ġahege iauna hoekisa;’<sup>19</sup>oige iauna mi ġeahu ġaha mohigevege iauna eha iahe ġahi mati hodivi atete iauna satauro ġahisa; eduge vani abigaġa itaharahe auna urimi maġuri vi ġoiragiisa.’<sup>20</sup>Oige Sebedaio mabare raki Iesu ġasina otinu au ġamuhe abu ruġa tage, gerege auki uriġoi ġorumu maġe ġahare auki imiġanu.<sup>21</sup>Iesu raki beraġanu, ‘Otavado ġahara gena a vima?’ Auki kironu, ‘Ana beta riaġa ġahi roroanu di ġamuhe abu ruġa bera ai vamaġahe bera ai vagadahe iauna gurahisa.’<sup>22</sup>Eduge Iesu raki ronu, ‘Iaka dibana veite otavado ġahara gena ia raġoha. Da huhu evia isa roiare iana riaġahe ivanu?’ Iauki kironu, ‘No tagera ivara.’<sup>23</sup>Iesu raki kiro gevenu, ‘Iaka riaġahe ivara di kapusihe, kobuġa berege unuhuna di vamaġahe se di vagadahe guramisa, era beta daki rosa vima, eduge oġore iana di Mame riaġa ġahigeima e iau iera.’<sup>24</sup>Iau ate utube ga o ihire, iauki ġami aburuġa ho ġahi gevenu.<sup>25</sup>Eige Iesu raki iau bouge ihirogei bougeime auki kirogevenu, ‘Iaka dibana daure iau hedoke raki idigeima mati urigatu gevare ġahava tage hedo inuhati iaugera.’<sup>26</sup>Eduge era beta ġuma vara; ia negu iai e anaime iai be aukai urai ihi rahote ġoisa auka iai besu besu koitave ġoigoara,<sup>27</sup>mati bena urai aukai uriġatuġa koita ġoisa era auka ġoiragi iai bouge iai besu besu meve ena kiogeige koitava ġoigoara;<sup>28</sup>erehuta Koita Ġamika oroġone naġate auka beta koita be iabara au meve kiogeisa eduge aukena bunu iau besu besu meve oġiġiva viogeisa, mati au maġurive mi maiamisa koita inuhati iau dainehe.’<sup>29</sup>Iesu mati au ġamituhea ruġa Ieriko ġarehane, koita dadaġava raki iau itahe otinu.<sup>30</sup>Ata abu ni veite iabaraki ġuma ġaika gurahege uhura iauki ihinu Iesu raki oġi hanevege, iauki bara raġohi, ‘Ni Rohite, Davida Moe, no uhudau ġahigeve!’<sup>31</sup>Koita iabaraki namigei roege keru ġahiahe; eduge iauki ġaitana bara raġi roege, ‘No uhudau ġahigeve, ni Rohite, Davida Moe!’<sup>32</sup>Iesu raki ramare auki ihirogei, roege, ‘Iana otavado ia ġaharahe raġoha dakai iai kisa?’<sup>33</sup>Iauki kironu, ‘Ni Rohite, nokamu uraraġi akai ni nie baogeisa.’<sup>34</sup>Gerege Iesu raki uhudau ġahigei iau nie kamugei. Tutube viege iauki niġa niġa raġohare iauki au itahe oġinu.

## 21

<sup>1</sup>Iesu mati au ġamituhe ruġa oti Ierusalemia kahika ġahare iauki oti Betefage hakiraġi, Oliva nimu ġaika, eige Iesu raki au ġamituhe abu besugevenu,<sup>2</sup>auki kirogevege, ‘Oti iai vaġotoni oġo be ramu enu, iaka negu doniki bera raro rarove behube vara, ġamikave ġore; vahege vare iama nisigei oroġisa.’<sup>3</sup>Koita bea iaġa be roege, iama kirosa, ‘Rohi bauge eraki ġaharahe viogeima gerege auma vaina ġarire geisa.’<sup>4</sup>Guma oramu ġaġae ġoinu peroveta koita e ġare bina riaġa ġahiġa vara, roege,<sup>5</sup>‘Ierusalemia oġo ketake e boriti ġahiahe, Eraġiahe, iai rohite ramu e oroġima, manauve, renu auka doniki ada ge auki ġuivanu, renu doniki ġamika dehiehe gera.’<sup>6</sup>Au ġamituhea iabaraki au boriti ġahi gevene ġumahe kiogevenu; Iauki doniki mati ġamikava nisigei roġahege iauki ogona idigei iau ada ġosi gevege, Iesu raki ġadimi adahe guramanu.<sup>8</sup>Koita dadaġa iabaraki iau ogonave idigei ġumaġa tatagei, mati be iabara idi hanaka bokogei ġumaġa tatavare gevege.<sup>9</sup>Koita dadaġa au vaġotoni uriġahi otege be iabara au itahe oġiege iauki bara raġohi roege, ‘Davadi Moe Maġe ġahi iahe! Maġe ġahiahe auka Rohi Bauge ihehe ge auki oroġima! Aumi no vava Moteaha!’<sup>10</sup>Iesu raki Ierusalemia hakivi, koita iabaraki kou kiege heġiri raġohi, berabe raġi roege, ‘Ona unu hunu?’<sup>11</sup>Koita iabaraki to raġohi roege, ‘Ora Iesu peroveta koita era, Nasareta Galileia ge auki oroġanu.’<sup>12</sup>Iesu raki dubu ġadimi time auki hae kiege ġahavaia inuhati oia gevenu, mati moni senisi ġahegare patava renu uguha haevege ġahava iau guragu iaġane inuhati iagegei bohu gevenu.<sup>13</sup>Auki boriti ġahigei ronu, ‘Dirava ra onakime auki ronu, ‘Di iagera imimi iaga vara’; eduge iaka mime iaki ia vaho ġaha iau hata gabune kia.’

<sup>14</sup>Koita ni veite mati vasi daurete ġahava iabaraki au ġasina dubu otege, auki maġe ġahi gevenu.<sup>15</sup>Eduge dubu baugea mati aena kiki ġahava iabaraki au me maġe kiege koita maġe ġahi gevege eraġei, mati iauki ihege momona iabaraki bara raġohi roege, “Davida Moe Maġe ġahiahe,” iauki ho ġahanu <sup>16</sup>gerege iauki beraġi ronnu, “Ana ihima otavado iau roia?” Iesu raki kirogevenu, “Erege; iana buka aena dahida veitenu, ‘Iakamu momona ia mati karukarea iau avaġehhadiba ġahigei ġuma maġe kiogeva mati noġova tage?’” <sup>17</sup>Iesu raki ġare gevare, auki urimi otinu Betani vahi kobabe ei iaġanu.<sup>18</sup>Va tahege Iesu raki oġi ġoiragi Ieruselema otinu. Au ġumaġa ge auki ġubu raġanu. <sup>19</sup>Auki suke idibe ġuma ġaika eraġanu, gerege auki erarava tiege maka veite hanaka unaġe. Gerege auki idi eki ronnu, “Aka beta ġaitana makate ġoiġoara!” Tutube veite suke idi era hoġe raġanu.<sup>20</sup>Au Gamituhea iabaraki eraġare iau bouge ġaġu raġohi, roege, “Orena kimena suke idi e vaina hoġe raġanu?” <sup>21</sup>Iesu raki kirogei, “Riaġa vara daki roma, iai ihihive ia riaġa ġahare mati uhu abu veite ġoiare, se beta da suke idi virei kine naġate, mati beta oġu geraki eduge iaka nimu o tage ga ġahege, ‘Oi rakahogġi eve uguha,’ auka auvahu rakahogġi eve uguguara.” <sup>22</sup>Ana riaġa iaġa bena a ġaharahe imimiva kima, aka iaġaniva mimivara.”<sup>23</sup>Iesu raki ġoiragi dubu otinu uhura, dubu baugea mati koita baugea iabaraki au ġasina time iauki beraġanu, “Otavado hedo beigena a me o kiogei, mati unuhuna ieriri a moimanu?” <sup>24</sup>Iesu raki kirogei roma, “Berabe kobabera daki ia mohigeima; ia makava da boriti ġahege, gerege dana ia boriti ġahigeisa unuhu hedokehe gena da me o kiogei.” <sup>25</sup>Oreigena Ioane ieriri marena au babatise viege, Dirava ai gena se koita iau gena?” Iauki iavahu gure bebe bera gevege iauna kiege eseki roroanu, “No negu roare, ‘Dirava ai gera,’ auka noki rogei gevare, ‘Menu gena ia Ioane riaġa ġahiga veite?’” <sup>26</sup>Eduge no mati roare, ‘koita iau gera,’ noma koita iau siġore raġohisa; badivara iauka iau uhuġati gera Ioane ra iauki riaġa ġaha auka peroveta koita vara.” <sup>27</sup>Gerege iauki Iesu kironu, “Noka dibana veitera.” Iesu raki mati boriti ġahigei ronnu, “Da tage beta ia boriti ġahi geige vara dana ieriri oreigena da ġuma o kiogei.”<sup>28</sup>“Otavado ana ia anava? Atabe au ġamuhe mo abu; auki oti ġami bauge besugime auki ronnu, ‘Di moe negubutu oti ġeġe me ma.’” <sup>29</sup>Auki besibe vi ronnu, ‘daka be otitoara’; eduge auki ihie ananavi ġoiragare auki otinu. <sup>30</sup>Iau Mame raki ġami abu ġahigava ġasina otime auki ga kobuġa e kironu, auki itonu, ‘da kena otisa, mama’; eduge otito veitera.” <sup>31</sup>Iau abu iau uhura unuhuna iau Mame rone meva kinu?” Iauki ronnu, “ġami bauge.” Iesu raki kirogevenu, “Riaġa vara daki ia boriti ġahi geima, takisi gogoare ġahava mati ni muduka raġare iaba ramu Dirava basileiave uhura ia urigatugei otitoara.” <sup>32</sup>Ioane iai ġasina orogone ra ġuma ieririva ge auki orogonu eduge iaka riaġa ġahiga veitera, edube takisi gogoare ġahavaia mati ni muduka ġaha iabara iaka riaġa ġahanu; renu ia ihie eraġane tage iakamu beta anana raġohi ġoiragare riaġa ġahanu.”<sup>33</sup>“Badigomu be mati ihi iahe. Nega beige mata bia be raki ġeġe be kinu, auki ġarava kiare, au make kiki abava tage, renu ġeġe nitabata ġaheva iau niġa niġa iagava tage ġonu. Gerege auki ġeġe nitabata ġahi gevare iau ada uhura maemare auki oġo ġaremi mata bei otinu.” <sup>34</sup>ġeġe taboro ġahiga negava raki kaeuege, auki au me ġahatuhe besu gevenu ġeġe nitabata ġahare iau ġasina au ġahune mimiva otinu.” <sup>35</sup>Eduge ġeġe nitabata ġahava iabaraki au me ġahatuhe oiagei, be hodivi hoekare, mati muni tahu ġahi gevege. <sup>36</sup>Auki ġaitana au me ġahatuhe dadaġa besu gevenu, urigoi besu gevene era avie; eduge iauki urigoi ġuma kobuġa e iau kinu. <sup>37</sup>Netunetu ge auki au moe besuġanu iau ġasina, roege, ‘Iauka negu di moe matau ġahiga vara.’”<sup>38</sup>Eduge ġeġe nitabata ġahare ġahavaia au moe eraġane, iauki onaki ronnu, ‘Oramu ġeġe o biava moera; no ġami hoekare noma au ġeġe noni misa.’” <sup>39</sup>Gerege iauki ġami hoekare, miare ġeġe itaharahe kiravanu.” <sup>40</sup>Gerege negu ġeġe biava orogare na otavado auna kikivanu ġeġe nitabata ġahare ġahava iau?” <sup>41</sup>Iauki boriti ġahi ronnu, “Auka negu koita daure inuhati ġahigei hoeki gevare, auna ġeġe emi koita be mohigeisa, gerege iauma au ġeġe make kiki negahe au ġahune tage anavisa.”<sup>42</sup>Iesu raki kirogevenu, “Iana Buka aenava dahida veitenu: ‘Muni bera iaġa ġovare ġahava iabara besibe ġahamuni eramu au ġaikera; Ora Rohi bauge au kikivera, renu eramu heġiri erara vaġa maġe vara?’”<sup>43</sup>Eigera daki iaki rogeima, Dirava basileia vera auka iai mi ġoiragare mati mi oġore iana madika maġe kiare e mohigei gevare. <sup>44</sup>Unuhu na muni ada desuraġi ġohima auka hosaraġi tina tina ġoiġo vara; mati koita be ada gena au desuraġi ġohima auka ġami hoeki kivara.” <sup>45</sup>Haroro baugea mati Faresia ġahaia au badigomuve ihine negahe, iauki dibana ġahanu auka iaukera auki iau gare vima. <sup>46</sup>Gerege iauki au ni taġotaġo mimiva ronnu, eduge koita dadaġa eige iauki siġo raġohanu, badivara iauki roia Iesu rai peroveta koita ġoisa.

## 22

<sup>1</sup>Iesu raki ġaitana badigomua koita gaġa gevege roege: <sup>2</sup>“Va Basileia vara onaki ġoiġovera rohi be au moe maġi mare rigiva kiare naġatera.” <sup>3</sup>Auki au besubesu ġahatuhe besugei iauki oti au ihiro gevene ġahavaia au moe maġi mare rigiva kinei, eduge iauki besibe raġi ororo veite.” <sup>4</sup>Gerege auki ġaitana au besubesu ġaha be mati besugei, roege, “Da ihiro gevenu ġahava boriti ġahigeisa: Eraġiahe, da rigi o kina, di ada vasi vasive iaġani ġainage damu ġahi gevenu, renu iaġa inuhati gera netu raġanu; orogġiahe,” <sup>5</sup>Eduge au ihiro gevene ġahava iabara au totovehe otito veite, bera ġoiragi au ġeġehe otinu, bera au meve kikiva otinu, <sup>6</sup>be iabara au besubesu ġahava kamugei, ġoġai ġahigei, renu ġahi hoeki gevenu. <sup>7</sup>Negu iau rohite raki hoġoi. Auki au besubesu ġahatuhe inuhati besugei, iama oti ġa kine koitava ġahigei hoekigei renu iau oġe tage iama gabuisa.” <sup>8</sup>Eige auki au besubesu ġahatuhe boriti ġahigei ronnu, ‘Rigi meva ramu netuanu, eduge da ġanai ihiro gevene dakamu beta ihirogei gevare. <sup>9</sup>Otiahe oġo uhura, oġoreana ia eragevare iama ihirogei iauma rigi demaka oi orogġisa.’” <sup>10</sup>Gerege au besubesu ġamituhea iabaraki oti ġumaġa koita maġea se daure ia inuhati bougevare, iauki nisigei oti rigi me iagava tobo ġahanu.” <sup>11</sup>“Eduge iau biage raki orogi iau ihiro gevene ġahavaia erageisa, edube auki atabe eraġege auka ogonava nune vara auki kinu, <sup>12</sup>gerege auki beraġi ronnu, ‘Vasi, esemena a ogona maġe be kiki veite, renu orena kimena a sirivanu?’ Eduge ata era ga be roro veite.” <sup>13</sup>Eige iau biage raki au ġahatuhe kirogei, ‘Au vase mati au ade raro gevare, iama mi itahe vadibua kiravisa, eige auna nivi atete au egie iana gi raġohisa.’” <sup>14</sup>Dadaġa vara auki ihiro gevenu, eduge roro kibeġu gera auki idigevenu, oġoreana au totove ihine.” <sup>15</sup>Faresia ġaha iabaraki bouraġohi tarata ġuma bei iauka beraġisa

ronu. <sup>16</sup>Gerege iauki iau gamituhe bea mati Heroda koitatuhe ruġa besugei au ġasina otinu, roege, “Hadiba Koita, noka dibana aka ga riġa koita vara, mati aka Dirava ġumaġe riġa vara aki kirogei, renu aka be nune ġahiġa veitera; aka anana veite auna koita bauge vanu se veitenu. <sup>17</sup>No boriti ġahigeve, orena kimena a anaima. Aena ona riġa vanu, noma Kaisara tax moimisa, se veite?”<sup>18</sup>Eduge Iesu ra dibana iau tarata gare, eige auki kirogevenu, “Iaka avanaġe ġaha iabara, otavado beigena ia gure da taraġisa roia? <sup>19</sup>Aso negu muni tahaka be mi da ġaġiromiahe.” Gerege iauki be mi moimanu. <sup>20</sup>Gerege Iesu raki beragei, “Ona unuhu vari vade mati ihe iana onu?” <sup>21</sup>Iauki ronu, “Kaisara iera.” Gerege Iesu raki boriti ġahigei ronu, “Eige Kaisara ienu iama mi moimisa, mati Dirava ienu iama mi Dirava moimisa.” <sup>22</sup>Iau au gare ihine, iauki ġaġuraġohi; eige iauki ei ġarehi ġeahu otinu.<sup>23</sup>Vani kobuġa eige Sadukea ġaha be iabaraki Iesu ġasina oroġime, iauki boriti ġahi ronu koita bera beta hoġe raġare mati urimi ġoiraġira vara; renu iauki beragi, roege, <sup>24</sup>Hadiba koita, Mose ra onakime auki ronu, ‘Ata be ġamika veite hoġe raġare, au ġoġe ra au ġobuve miare, gerege iauna iau ġamuhe raho ġahigei erehuta ata hoġe raġane au ġamuhea.<sup>25</sup>Negu oġo nana iau ate inuhati iatiriġava gera iauki uiege; ata bauge raki maġi mare, auki ġamika veite hoġe raġanu, gerege au ġobue ġaremanu au ġoġe ġasina. <sup>26</sup>Au ġoġe abu ġahigava ġuma kobuġa ei, mati abigaġa ġahigava tage, oti netunetua iau ate iatiriġava iau. <sup>27</sup>Netunetua, maġiva tage raki hoġe raġanu. <sup>28</sup>Maġurivi ġoiraġira vara, gerege, auna iau ate iatiriġava unuhu mabare renu? Iaukamu iau bouge maġini kinu.”<sup>29</sup>Iesu raki boriti ġahi gevenu, “Iaka otito daure vara iaki raġoha, badivara iaka Buka aena se Dirava hedoke tage iaka dibana veitera. <sup>30</sup>Hoġe koita urimi ġoiraġare iabara beta maġite se mabate ġahiġa vara, eduge iauka vava aneru naġate ġahiġa vara. <sup>31</sup>Gerege hoġe uhura maġuri raġohare, ana buka dahida veitenu otavado Dirava ia boriti ġahi gevenu, <sup>32</sup>Dakamu Aberahamo, Isako, renu Iakobo iau Dirava vera? Auka maġuri ġahe iau Dirava vera, beta hoġe ġahe iau iera.” <sup>33</sup>Ġaru ġahaia iabaraki au gare ihime iauki ġaġu raġohanu.<sup>34</sup>Faresia ġahava iabaraki ihege Iesu raki Sadukea ġahavaia kou kiege avigahanu, gerege iauki iau bouge bouraġohi, <sup>35</sup>mati iau bera aena hadiba koita vara, eige auki tohogi beraġani. <sup>36</sup>“Hadiba koita, aena uhura orena aena bauge?”<sup>37</sup>Iesu raki kironu, “Ama Rohi Bauge ai Dirava ve ġaharahe visa, ai soruke inuhati, mati ai suare inuhati, mati ai uhure inuhati.’ <sup>38</sup>Ora sina sinava oroġi negu aena ketake riġa vara. <sup>39</sup>Renu aena ketake abu ġahigava aukamu onu: ‘Ai ġaika koitave ama au ġahara visa a avahu ai ġahara vare naġate.’ <sup>40</sup>Mose aenave inuhati mati peroveta ġaha iau hadiba ġumaġe iabaramu aena o abu ro gevene iau gena iana iahe iahe misa.”<sup>41</sup>Faresia ġaha be iabaraki bouraġege. Iesu raki bera gevenu: <sup>42</sup>“Iana orena kimena ia Keriso anava? Auna unuhu moenu?” Iauki kironu, “Auka Davida moera.”<sup>43</sup>Auki kiro gevenu, “Orena kimena Horu Aena Davida uhurehe ga gahe gena au ronu, Rohi Bauge, <sup>44</sup>“Rohi Bauge eraki di Rohi kironu,“Di vamaġa kasihe gurama,atete dana ai enana ġahatuhe idigei ai vasi derikehe ġosigeisa.” ”<sup>45</sup>“Ama Davida ra roma Rohi bauge, orena kime auka au moe?” <sup>46</sup>Koita bera mati au berabeve makava roro veitera. Vani eiger a bera mati au berabebe vivi veitera.

## 23

<sup>1</sup>Iesu raki ġaru ġahaia mati au gamituhea gaġa gei ronu, <sup>2</sup>“Iana Aena ġahaia renu Faresia ġahaia aumu hedo mohi gevenu iauka Mose ga hane ġahiġa ġahatuhe iabara; <sup>3</sup>eige, iama iau gare ihigevare mati ġumahe oġigeisa, edube ia negu iau kiogevare tohogime, badivara iauka iau ga raġohare ġumahe oġiġi veitera. <sup>4</sup>Iauka iaġa isukate, mati berebere ra iauki ruhiġa, mati iauki mi koita be iau ada ġosigei, eduge iauka beta riġahe iau ada kakunehe beta iahegei gevara. <sup>5</sup>Iaġa inuhati gera iauki kiogevanu koita iabara erageisa; edube iau gera iauki idigei iau varikehe mati iau adahe rarogei mati tinabe ketake ġahi koita iabara erageisa iauka Dirava kamui berebe ġahava iabara. <sup>6</sup>Iauka gabu maġeva iauki ġaharahe raġoha rigi negava mati dubu uhura iauka guragu gabu maġeva gurahisa, <sup>7</sup>Iau urave koita iabara hae kiare gabuhe mataua maġe ġahigeisa, mati rosa hadiba koitaia. <sup>8</sup>Eduge bea negu ia idigei hadiba koita rogeime, badivara hadiba koita vara kobabera, iaka iai bouge gere gereve iabara. <sup>9</sup>Mati ia negu vata ketake o ada be mi rome mama, badivara iai Mame ra kobabera--vava uiare. <sup>10</sup>Se ia negu ia bebe idigei uriġatuġa koita rogeime, badivara iai utiġatuġa vera kobabera, auka Keriso ra. <sup>11</sup>Iai uhura be iau mi raho ġahare auka ia besubesu koitave ġoġoara. <sup>12</sup>Unuhuna auvahu aumi raho ġahima, auma manau visa, mati unuhuna manau vima auka raho ġahiġa vara. <sup>13</sup>“Aena ġahaia mati Faresia ġahaia, tarata ġahaia! Iaka koita iau basileia otito ġumava iaki koua. Edube ia iavahu ġaitage uhurahe otito veitera, eduge be iau otito ġumaġe iaki kougeve. <sup>14</sup>“Aena ġahaia mati Fariea ġahaia, kava tarata vane ianu. Badivara iaka ġobu taragei iau iage kohuve idigei, mati ġuriġuri eige rogei be iabara ia erageisa; eiger a Dirava ra iau kiare gahuara isukate ġoġoara. <sup>15</sup>Kava tarata vane aena hadiba ġahaia mati Faresia ianu. Badivara iaka eve mati vata ketake ora iamu ioa ġahanu iakai koita kobabe maġuri ġahisa, renu iaka mi auka ia bei ġoisa, eige iai ġaitage iau daure ġahune tage mi vene uhura ia kira geige vara. <sup>16</sup>Kava uriġatuġa ġaha daure ia, iana niġa niġa veitenu ia gure roia, ‘Unuhuna dubu aena ihehe be ominue varera maka veitera, eduge unuhuna Dubu aenava ominue viege auka au gare riġa ġahiġa.’ <sup>17</sup>Iakamu ni kopute mati omoto veitea! Orena ihi rahote, negu golo vanu se, Dubu uhura golo aena ġahare enu?”<sup>18</sup>Onakime iaki roia, ‘Koita be pata o ġaika ominue vare ra iaġa be veitera, eduge au iaġa be pata ada ei ominue ġahege auka e badina ġahiġa vara.’ <sup>19</sup>Kava ni kopu ana ianu! Orena ihi rahote, iau mohimohi raġare enu se aena iaġa be iau aena ġahare pata vanu?”<sup>20</sup>Gerege unu huna ominue vima pata aena e ihehe, e aukena pata aena e mati pata ada iaġaniva inuhati iau ominue visa; <sup>21</sup>mati au negu Dubu ei ominue vareva, auka Dubu ei mati Dubu e uhura uiare Diravava auge auki ominue vima; <sup>22</sup>mati koita be va ihehe ominue vare, auka ominue vara auki vima Dirava terona vehe mati ġaikahe unuhuna au ada ġuramima.<sup>23</sup>Kava tarata vana aena ġahaia mati Faresia ġaha ianu! Badivara iamu demaka maġe ġahiġa madikava tinatina iaki boubou naġate mi Dirava moima, eduge aena ga baugea iaka matau ġahiġa veite: aena bauge o iabara iana idigei koita bea mati vaġahu ġahi geisa. <sup>24</sup>Kava uriġatuġa ġaha daure ia! Iakamu iaġa kusinaike be ai eia uhura ariraġare iamu kokiva, edube iaka kamela ketake erara

veite iara soneva!<sup>25</sup>Kava tarata vana aena ġahaia mati Faresia ġaha ianu! Iaka iai tamuta kohue itahara vaġu ketova, eduge uhurava vara ididi kava ġumaia mati ġuma daure ia iabaraki tobo raġohanu.<sup>26</sup>Iaka ni koputea Faresia ġahaia! Otavado vanu kapusi uhura e urigahi ketoviahe, gerege itaharava tagena maġe ġoisa.<sup>27</sup>“Kava tarata vana aena ġahaia mati Faresia ġaha ianu! Iaka erehuta hoġe ġaha iau midavave itaharava iau regui kae ġahare, eduge uhura vara hoġe ita mati miro raki tobo ġahanu.<sup>28</sup>“Ia ġaitage koita itahe ia eragevare iaka maġe iabara, eduge iai uhure iaka tarata mati ġuma daure raki ia toboġa gevenu.<sup>29</sup>“Kava tarata vana aena ġahaia mati Faresia ġaha ianu! Iaka peroveta ġaha mati Dirava riaġa ġahege ġahava iau abate gevene gabua reġugei mati herati ġahigeva,<sup>30</sup>mati iaki ronu, ‘No ni tenetuhe iau ġuru raġane negahe ġoinebe, iau peroveta ġaha ġahi gevene noka beta iah gevenu.’<sup>31</sup>Eige iaki iavahu ia ġaġae ġahigei iaka peroveta ġaha iau ġahigei hoeki gevene iau tenetuhe iabara.<sup>32</sup>Oti kiege netu netua tiahe, iai iahuvea sina sinava kinehe.<sup>33</sup>Inuhu daure ma ġahanu! Iana negu vene ia besugevare iana orenaki siviġoro raġira vanu?<sup>34</sup>Eigera daki negu peroveta ġahaia, uhuvaka ġahaia, mati aena kiki ġahavaia, iai ġasina besu gevenu. Eduge iaki be ġahigei hoeki mati satauro ġahigei, renu dubu uhura be hodigei, iaogei oġo bei oti oġo bei,<sup>35</sup>gerege ġuma maġe kiogevare ġahava ġahi gevene ġahuara iai ada gera. Abela ġuma ieriri koita mati Barakia moe Sakaria ia pata aena padahege iaki ġami hoekanu.<sup>36</sup>Riaġa vara daki ia boriti ġahigeima, negu tau o ġahava iaukena ġahua misa.<sup>37</sup>“Ierusalem, Ierusalem, iaki peroveta ġaha ġahigei hoekigei mati Dirava besu besu ġahatuhe muni tahu ġahigei! Dana nega esebu da urai iai ġamuhe idigei di ġaika bougeisa, erehuta uguha au ġamuhe inuhati au akahanehe baku gevare naġate, eduge iaki besibe raġanu.<sup>38</sup>Eige iai Dubu vera koita veite mati ahake ġoigoara.<sup>39</sup>Iakera daki ia boriti ġahi geima, iaka beta da eraġi ġoiraġohira vara atete ia rosa, ‘Rohi bauge ihehe oroġare koitava iama maġe ġahisa.’ ”

## 24

<sup>1</sup>Iesu raki Dubu uhura hakivi itahe otege, au ġamituhea iabaraki au ġasina oroġime iauki uhuġatu aukai otavado iau Dubu kiogevare e erageisa.<sup>2</sup>Gerege Iesu raki bera gevenu, “Iana iaġa inuhati erageva se veitenu? Riaġa vara daki ia kirogeima, muni kobuġa be tagera beta uara au gabunehe; iauka inuhati dede raġohira vara.”<sup>3</sup>Iesu Oliva nimu ada ġuramane uhura, au ġamituhe iabaraki ġoġohu au ġasina otinu, iauki beraġi ronu, “No boriti ġahigeve, a rogevene o inuhati gena vaisu ġaġae ġahiġa vanu, mati otavado toavana ġaġae ġoigoanu a ġoiraġi oroġare renu vata ketake o netunetua?”<sup>4</sup>Iesu raki boriti ġahigei roma, “Iama iavahu iai ġabide reġugeisa bea negu ia tarageime.<sup>5</sup>Badivara koita dadaġa iabara di ihehe oroġi roroara, ‘daka Keriso ra!’ mati iauka koita dadaġa tarageige vara.<sup>6</sup>Eduge iaka ġarara kerike ihigei gevara mati ġarara badia; eduge ia negu anana momo raġohime; onaki o iabara ġaġae ġahiġa vara, eduge beta netu netua raki kauanu.<sup>7</sup>Iaka ihege mata be iaugera iaukame bebe ġoġai ġahigei mati ġarahi, mata au bouġige ramu ġubu raġohi mati vata vaġava ia kauka vara: <sup>8</sup>Iaġa o inuhati geramu erehuta ġami karuka ġaneganei ġuruare huhua naġatera.<sup>9</sup>“Eige iauna ia idigevare ia daure ġahigei mati ia ġahigei hoeki geisa, renu mata o koitava inuhati gena ia betia ġahi geisa di dainehe.<sup>10</sup>Renu koita dadaġa iabaramu negu iau ihihive ġaregei, bebe daure ġahigei gevara renu bebe betia ġahigei gevara.<sup>11</sup>Gerege koita iabara roġahi peroveta avanaġe raġisa mati ia taragei ġeahu ota..<sup>12</sup>Badivara ġuma daure tage ramu iau hakiraġi, koita maġe iau ihihive renu iau bebe ġaharahe raġohare ġainage ribiribe ġahiġa vara.<sup>13</sup>Eduge unuhuna uhu berebe vima auka netu netua maġuri mimi vara.<sup>14</sup>Gerege badi maġe o koita iabaramu vata ketake o ada ro ioa raġisa, Dirava gare noma ni bouge ihisa mati riaġahisa; ihiege netu netuana kauisa.<sup>15</sup>“Iaka negu dubu aenava iaġa daure be ramare erara vara, peroveta koita Daniela raki badiva ronu (ga o dahare ġahavaia makava na otavado vanu),<sup>16</sup>gerege oġore iana Iudea uhura iama siviġoro raġi nimu otisa;<sup>17</sup>koita bena iaga ada gena auma ġoromi oti iaga uhura au kohue idigeisa;<sup>18</sup>unuhuna itahe me mimare au negu au ogonave mimiva ġoiraġime.<sup>19</sup>Kava uhudau veitenu vana vani ei maġi oreana detu mati oreana ġami karukate ianu!<sup>20</sup>Iama ġuriġuri kisa Dirava ġasina iaka beta riaġahe siviġoro raġira vara au veni se ribiri negava se sabadi vaniva tage.<sup>21</sup>Badivara nega ei huhu raho iabara ġaġae ġahiġa vara, huhu ona kikivera vata ketake o kine negahe ġaġae ġahiġa veite atete negu, eduge negahie huhu o naġate bera mati beta ġaġae ġoigoara.<sup>22</sup>Eduge Dirava ramu subuta vani tua ġahi gevenu, au kiki veite goinebe bera beta maġuri vane; eduge koita be iau ġutiġuti gera Dirava na vani e tua ġahigeisa.<sup>23</sup>Gerege koita be aki roare, ‘Eraġa! Oramu Keriso ra!’ se ‘Vieramu aukaki!’—a negu riaġa ġahime.<sup>24</sup>Badivara Keriso tarata raġare mati peroveta tarata raġare ġahava iabara urihi toa bea mati ġaġu raġira iaġa be ġaġae kiogevare vara. Mati Dirava genenge idigevare e ġainagera iauki daure ġahi geisa roia.<sup>25</sup>Ihiahe, iakera daki urigo i boriti ġahigeima.<sup>26</sup>Se, iana aki roege, ‘Eraġiahe! Aukame mata ġaġaeva gera,’ a negu ei otime. Eduge iau rosa, ‘Eraġiahe! Aukame iaga uhura hataima,’ ia negu riaġa ġahime.<sup>27</sup>Badivara Koita Ġamika orogarera, erehuta va gibaruvi vani ġadiġa kasihe oti vani uguhare ei.<sup>28</sup>Hoġe ġaha iau ahata make iaġohare gabuhe gera, gaioka iabaramu ei bouraġoha.<sup>29</sup>“Negu nega daure e itaharahevani ramu vadibu ġoigoara,mati bata tage beta abaga ġoigoara;hisiu iabara vava desuraġohisa,mati hedo vava uiogevare e iabaramu vaġava vaġava raġira vara.<sup>30</sup>Gerege koita iabaramu vava Koita Ġamika toaġe ġaġae ġoiaere eraġi, renu vata ada o koitava inuhati geramu siġoraġohi niġoraġi, iauki ‘Koita Ġamika vava ori uhura uguhi oroġare’ au Dirava hedoke mati au erara vaġa maġeve erara vara.<sup>31</sup>Gerege auna au aneruve besugei bitivakava ruta, iauna au koitatuhe vata ada o ihinahe oti ihinahe au gene gevene ġahavaia inuhati bougeisa.<sup>32</sup>“Noma dibana ġahisa idi oi: au adakehe kobokava hakiraġohe hanaka kiege, iama dibana ġahisa iaha nega vara kahikarera.<sup>33</sup>Ġuma kobuġa ei a iaġa o inuhati eragevare, ama dibana ġoigoara negara hugurera, ġaġae ġoisage auki.<sup>34</sup>Riaġava daki roma, iaġa o inuhati negu tau oi urigahi ġaġae ġahigevara iauna erageisa.<sup>35</sup>Va mati vata ketake oiana dauraġohisa, edube di garera beta dauraġira vara.<sup>36</sup>“Edube vaniva mati negava bera dibana veitera, renu va aneru mati Koita Ġamika tage dibana veitera, edube Mamakava raki avvahu dibana.<sup>37</sup>Koita Ġamika oroġare toaġava ramu erehuta, Noa negahe otavado

ana gāgae goine e naġatera.<sup>38</sup>Subuta vani e iau etaġo so roġiro veitehe koita iaba ramu tamuta raġohi mati eia daure iogevege, heġiri raġohi ata maġi headava raġohege, atete vani rone kauane Noa ramu iagatoiva guivanu,<sup>39</sup>eduge koita iau uhure iabara bao raġohira veite eige etaġoa ramu hoeki gevenu, gerege Koita Ġamika oroġare ġumava ramu enaki ġoiġoara.<sup>40</sup>Gerege nega e kaege ata abu ġeġe me miege; bera iaumum i mi ġeahu ota a bera iaumum ġareha.<sup>41</sup>Maġi abu ġaitage iau abu parao kiare ġabuhe, bera iaumum i mi ġeahu ota a bera iaumum ġareha.<sup>42</sup>Ia negu vagua guragu raġohime badivara iaka dibana veite Rohi bauge ena vani orei ororoanu.<sup>43</sup>Eduge iama uhu maemisa: iaga bia dibana ġoiare vaho koita vahi oroġare negava, auka beta iaġia vara gerege vaho koita era beta oroġi au iage hosa hosa vara.<sup>44</sup>Gerege ia ġainage ia negu vagua raġohime, badivara Koita Ġamika oroġare negava iaka beta dibana ġahiġa vara.<sup>45</sup>“Besubesu koita orena ihihi te mati uhu vakate, unuhuna au mi biava maemanu, au besubesu ġamituhea iau demaka damune kiogevare negahe?”<sup>46</sup>Kava heġiri vana besubesu koita e visa vima au biage ġoiragi roġi behuġi au me o gure kiogevare.<sup>47</sup>Riaġa vara iakera daki ia boriti ġahigeima, au biage raki mi au kohue inuhati nitabata ġahi geige biava maiamisa vima.<sup>48</sup>Eduge au besubesu koita daure be ġoinebe auka auvahu rone, ‘Di biagera negu nega ġamana tinabe beta ġoiragi ororoara,’<sup>49</sup>mati auki urimi au besubesu sokuhea hodigei ġahigei, renu eia daure iogevare ġahava ruġa gurami muraka isa mati tamuta raġisa,<sup>50</sup>gerege negu besubesu koita e biage ra vani bei ġoiragira vara auka dibana veite vaniva mati negava tage.<sup>51</sup>Gerege au biagera dodoi tina tina ġahisa renu mi tarata ġaha iau vaġotoni maiamisa, eige auna nivi au eġie iana ġi raġohisa.

## 25

<sup>1</sup>“Nega ei va basileia varamu onaki ġoiġoara. Mabi utube iana iau lamepave idigei geta maġi mare atava ruta ada mimi otinu.<sup>2</sup>Adakasiva gera uhu vaka veitea, mati adakasiva gera uhu vakatea.<sup>3</sup>Negu uhu vaka veite e iabaraki iau lamepave idigevenu, eduge iauka oela tina beta mimi veitera;<sup>4</sup>edube uhu vakate e iabara oela tinabe tage iauki idigei geta otinu.<sup>5</sup>Maġi mimi atava tage au ororove raki isuhanu, eige iau nie raki iaġohi iauki iaġohanu.<sup>6</sup>Eduge vahi nemhege be raki bara ronnu, ‘Maġi mimi koitava ramu oroġima! Oroġi auruta ada miahe.’<sup>7</sup>Gerege negu maeaġo iabaraki urihi iau lamepave reġu gevege.<sup>8</sup>Gerege uhu vaka veite e iabaraki uhu vakate e kirogevenu, ‘So noni oela tinabe kiahe, ni lamepave iabaramu ġodo raġoha.’<sup>9</sup>Eduge uhu vakate e iabaraki boriti ġahigei, ‘Veite riaġa vara! noka beta ni bouge riaġahe geregere raġira vara; maġe vanu oti oela haevare ġahava iau haegeiahe.’<sup>10</sup>Gerege uhuvaka veite mabiva iabaraki oela haeha otinu, iau itahege maġi mimi atava raki roġonu, negu mabi uhurate adakasiva ruġa iabaraki auruta au rigi iaġahe siri raġanu; renu iauki udua kouanu.<sup>11</sup>Sokova iabaraki ihie roġahime, iauki ninatata roeġe, ‘Ata bauge, ata bauge, udua baoviahe no siri raġoha.’<sup>12</sup>Eduge auki boriti ġahigei roma, ‘Riaġa vara daki iaki roma, daka iai dibane veitera.’<sup>13</sup>Gerege Iesu raki netunetua roma, iama uhuiahuia raġisa, badivara iaka vaniva mati negava dibana veite au Moe ororove.<sup>14</sup>Va Basileia varamu onaki kivera, ‘Erehuta atabe au ioave otisa roma, auki au besubesu ġahatuhe ihirogeime auki kirogei iauka au kohue nitabata ġahi geisa;’<sup>15</sup>auki moni daha adakasiva be moimanu, mati tau utube akira adakasiva damua naġate auki mi abu mohigevenu, be ni abu, be ni kobabe, iau herove ġere ġereve. Gerege auki bina au ioave otinu.<sup>16</sup>Be moni daha adakasiva moimane eraki au monive mime auki be iau me ġahi, gerege auki mati daha adakasiva adahe manuu.<sup>17</sup>Ġuma kobuġa eige, besubesu ata daha abu mane auie tage daha abu adahe manuu.<sup>18</sup>Eduge besubesu ata daha kobabe mane eramu oti vata rohare auki au biage monive huni vanuu.<sup>19</sup>Nega tinabe ġamana goine itaharahe iau biage raki ġoiragi auki au besu besu ġahtue au kohue nitabata ġahi gevene berabeva vanuu.<sup>20</sup>Negu besubesu koita daha adakasiva mane eraki oroġi, daha adakasiva adahe tage moroġi, roeġe, ‘Ata Bauge, aka daha adakasiva aki da moimanu; eraġa, daka daha adakasiva tage daki adahe kinuu.’<sup>21</sup>Au Biage raki kironu, ‘Aka me maġe vara aki kinuu, mati besubesu koita maġe vara; amu ġuma ieririvage aki iaġa avie nitabata maġe ġahima, eige daka negu ami iaġa bauge nitabata ġahigeige biava a maema vara; oroġo daġore no heġiri raġoha.’<sup>22</sup>Gerege besubesu koita moni daha abu moimane eraki oroġi, roeġe, ‘Ata Bauge, aka moni daha abu ge aki da moimanu; eraġa, daka daha abu tage daki adahe kinuu.’<sup>23</sup>Au Biage raki kironu, Aka me maġe vara aki kinuu, mati besubesu koita maġe vara; amu ġuma eiririvage aki iaġa avie nitabata maġe ġahima, eige daka negu ami iaġa bauge nitabata ġahigeige biava a maema vara, oroġo daġore no heġiri raġoha.’<sup>24</sup>Gerege besubesu koita moni daha kobabe mane tage raki oroġi, roeġe, ‘Ata Bauge, daka dibana aka koita bere berera, a beġi geige veite iaġanivaia amu dodo geima, mati a iaġa iaka be ieie veite e iabara amu bougeima;’<sup>25</sup>eige daki siġoime daki ai monive mi vata uhura hunivanuu. Eraġa iaġaniva one, ma ora aiera.’<sup>26</sup>Au biage raki boriti ġahi ronnu, ‘Aka besubesu koita daure mati hero veite! Aka dibana ani, da beġibe veite iaġanivaia amu dodo geima, mati amu da ieigege veite iaġaniva amu bougeima.’<sup>27</sup>Menugena akamu di monive mi be iau me ġahi, gerege da ġoiragege iauka daie ada tinabe maemare mi da moimisa.<sup>28</sup>Negubutu moni e au mare, mi oti unuhuna daha utube koitava moimiahe.<sup>29</sup>Badivara iana unuhuna ia aute, iauka dadaġa mohigei gevara, renu iauka vani inuhati dadaġa mimi vara; eduge iana unuhuna iau ġasina iaġa veite, iau ġasina uiare iauka kokikoara.<sup>30</sup>A besubesu koita daure vara, iama mi itahe vadibua kiravisa, ei auma nivi au eġie ramu ġi raġohisa.’<sup>31</sup>“Eige Koita Ġamika oroġare ra hedo mati maġe ruta auna au aneruve inuhati ruġa, gerege auna au guragu gabu aenave guramisa.<sup>32</sup>Koita inuhati vata ada oi gera iau bouge oroġi au ġasina bouraġira vara, gerege auna koita kasagei erehuta mamoe ni tabata ġahare kiare naġate,<sup>33</sup>gerege auna koita ieririve idigei au vamaġahe gosigeisa.’<sup>34</sup>Gerege negu rohi ena au vamaġahe e boriti ġahi geisa, ‘Oroġiahe, di Mame ramu ia maġe ġahi gevenu, auki urigo i vata ketake o kinei iani ro maemanu;’<sup>35</sup>badivara da ġubu raġanei amu daie kinuu, da eia hoġeviege amu eia da moimanu, daka koita ġaita eduge amu ai iagehe dami otinu,<sup>36</sup>daka bututabue amu oġonava da ġodomanu, da komata viege amu da reġuanu, da vadibu iaġava amu da deiva ġahanuu.’<sup>37</sup>Gerege ġuma ieririve ġahava iana rosa, ‘Rohi bauge, vaisu gena no a eraġege na

gubu raḡage no a vasiḡanu, se a eia hoḡe viegena no eia a moimanu? <sup>38</sup>Se vaisu gena no a eraḡege koita ḡaita gena no ami iaga otinu, se bututabue gena no ogona ai kinu? <sup>39</sup>Renu vaisu gena no a eragene a komata vanu se vadibu iagava uiege no a deiva ḡahanu? <sup>40</sup>Gerege negu rohi eraki boriti ḡahigei roma, “Riaḡa vara daki roma, ia be iau naḡate ia di oḡo nane bei kiare, eramu daigera iaki kia.” <sup>41</sup>Gerege auna au vagadehe e boriti ḡahi geisa, ‘Dai ḡahe otiahe, iai ḡahune rone iauka vene raḡira uhura ge auki ro maemanu diaboloto mati au anerue ruḡa iauni; <sup>42</sup>da ḡubu raḡege iaka da vasiva veitera, da eia hoḡe viege iaka eia da moimo veitera, <sup>43</sup>daka koita ḡaita eduge aka da mi ai iagehe otito veitera, daka bututabue iaka dani ogona kiki veitera, daka komata vi renu vadibu iagava uiege iaka da deiva ḡahiva veitera.” <sup>44</sup>Gerege iauna boriti ḡahi rosa, ‘Rohi bauge, vaisu gena no a eraḡege aka ḡubu raḡanu se eia hoḡevanu se koita ḡaita se bututabue se komata se vadibu iagava, gerege no a iahea veite?’ <sup>45</sup>Gerege auna kirogeisa, ‘Riaḡa vara daki roma, ia be iau naḡate da besibe ḡahi dami ia oḡo nane kiki veite, eramu beta daigera iaki kia.’ <sup>46</sup>Gerege Dirava ramu besugei otitoara huhu behi behive gabuhe, eduge ḡuma ieriri ḡahava iabara maḡuri behi behive oḡohe otitoara.”

## 26

<sup>1</sup>Iesu iaḡa inuhati hadiba ḡahige netuare auki au ḡamituhe kiro gevenu, <sup>2</sup>“Iaka dibana vani abu uhura Edoredore rigi vara, mati Koita ḡamika vara iauka mi mohi gevege iauka satauro ḡahiḡa vara.” <sup>3</sup>Gerege aena ḡaha iau bauge tuhea mati oḡo ata baugea iabaraki iau bouge aena ḡahe iau biage iagehe bouraḡohi. Au ihera Kaiafa, <sup>4</sup>mati iauna orenaki norena Iesu mare iauna ḡami ga vanu. <sup>5</sup>Eduge iauki roege, “Noka beta rigi uhura kiki vara, koitaia negu iau vaḡa ḡarahime.” <sup>6</sup>Iesu ra Betania oti, Simona lepera koita e iagehe gera, <sup>7</sup>au tamuta viege uhura maḡi be raki muraka ḡutika maḡete damuna ketakete, au ḡasina otime auki au omotehe bohuḡanu. <sup>8</sup>Eduge au ḡamituhea iabaraki eraḡare iauki ho ḡahi roege, “Esemena au virena kima? <sup>9</sup>Dehoro damu ketake oramu haevi moniva mare mi koita goroa mohigeige vara.” <sup>10</sup>Eduge Iesu ra dibana iauna otavado ana iau roia, gerege auki kirogei, “Esemena ia gure maḡi oi uhu korahi raḡoha? Au dai kine oramu ḡuma maḡe vara auki kinu. <sup>11</sup>Iaka vani inuhati goroa o iabara ia ruḡa, edube iaka beta vani iau bouge daḡore gera. <sup>12</sup>Au onaki dehoro o mi di ahatane dahu ḡane oramu di hoḡe ḡumava auki kima. <sup>13</sup>Riaḡa vara daki ia boriti ḡahi geima, oreigena ia vata ada oi iau badi o ro ioa raḡare, otavado maḡi o au kine era beta vagua ḡahiḡa vara.” <sup>14</sup>Gerege au ḡamituhea utube abu iau vaḡa be ihiva Iuda Isakariota raki aena ḡaha iau ḡasina otinu <sup>15</sup>eige auki beragei, “Iana otavado da moimoanu da Iesu mi ia mohi gevege?” Iauki moni utu abigaḡa mi au damune kinu. <sup>16</sup>Nega ei Iuda raki orenaki auna Iesu mi mohigei gevanu. <sup>17</sup>Vani ḡaneḡane iau parao Rigi kisa rome Iesu ḡamituhea iabaraki au ḡasina otime iauki beraḡanu, “Nona orei Edoredore demakava kiki vanu?” <sup>18</sup>auki kirogei, “Otiahe oḡo uhura gera ata be ḡasina iama kiroa, ‘Hadiba koita e raki roma, ‘Di negave raki kahika ḡoima; daka di ḡamituhea ruḡa Edoredore me vara ai iagehe nona misa’” <sup>19</sup>Au ḡamituhea iabaraki au kiro gevene e kiare, gerege iauki edoredore demakava reḡui maemanu <sup>20</sup>Vahiḡeta mane negahe, auki au ḡamituhea ruḡa gurahi; <sup>21</sup>gerege iau tamuta raḡege uhura, Iesu raki ronu, “Riaḡa vara daki roma, ia be ramu negu di taove toretoara.” <sup>22</sup>Au ḡamituhea iabaraki uhuhu raḡime iauki gure koba koba beraḡime iauki roege, “Rohi bauge, ona beta dakenu?” <sup>23</sup>Iesu raki ronu, “Unuhuna daḡore naḡu kobabe au ade taḡoima eraki di taove torevisa. <sup>24</sup>Koita ḡamika vara hoḡe raḡira vara buka aena rone naḡate, eduge unuhuna ḡuma daure o kinu Koita ḡamika taove torevanu! Au maḡevera auna so beta guruare.” <sup>25</sup>Iuda taotore vane koitava raki beraḡi ronu, “Di Biage, ona beta dakenu?” Iesu raki ronu, “Auka amu e roma.” <sup>26</sup>Iau tamuta raḡegare uhura, Iesu raki parao tinabe mi, maḡe ḡahare auki barai au ḡamituhe mohi gevare, mati ronu, “Mare mi iahe; ora di ahatana makera.” <sup>27</sup>Auki mati kebe be mi iagemi, maḡe ḡahare auki mohigei roma, “Iai bouge iahe; <sup>28</sup>ora di taokera, Dirava ominue kine, koita dadaḡa iau dainehe auki bohu raḡanu iau daureve inuhati ketogeige vara. <sup>29</sup>Iakera daki ia boriti ḡahi geima, daka beta ḡaitana vine eia o ivara atete da di Mame basileia isaḡeve uhura dana ia ruta isa.” <sup>30</sup>Gerege iauki noḡo be rorota haki raḡohi otege Oliva nimu, <sup>31</sup>Gerege Iesu raki boriti ḡahigei roma, “Negu vahi oi iaka urihi dai ḡahe otitoara; Buka aena rone naḡate, Dirava ra mamoe nitabata koitava ḡahi geige vara, gerege mamoe iabara siviḡoro raḡohi ḡeahu oti geige vara. <sup>32</sup>Eduge da urimi ḡoiragaḡare itahare, daka uriḡoi Galileia otitoara.” <sup>33</sup>Petero raki kironu, “Orenaki gena iau bouge ai ḡeahu ota, daka beta a ḡareḡa vara.” <sup>34</sup>Iesu raki boriti ḡahanu, “Riaḡa vara daki aki roma, negu vahi oi, kokorogu vara so nina veite, aka nega abigaḡa da ḡore ḡore ḡahiḡa vara.” <sup>35</sup>Petero raki kironu, “Daka beta enaki roroara, edume dana ma aḡore hoḡe raḡare tage, daka beta a ḡore ḡore ḡahiḡa vara.” Gerege au sokuhea ḡaitage eno kobuḡa e ronu. <sup>36</sup>Gerege Iesu raki iau ruḡa gabube ihiva Getesemane otinu; mati auki au ḡamituhea boriti ḡahigei, “Oi gurahiahe dakamu hoivirei oti imimi vima.” <sup>37</sup>Auki Petero mati Sebedio ḡamuhe aburuḡa nisigei, au uhure raki isuhanu mati au soruke taḡe huhu naḡanu. <sup>38</sup>Gerege auki kiro gevenu, “Di soruke huhuara raho ketakera, tutube vanebe daka hoḡe raḡanu; oi gurahiahe daḡore no niḡa niḡa raḡoha.” <sup>39</sup>Auki tinabe ḡaregei otare, aumi vata au kiravi ḡorumare imimivi roege, “Di Mame, au ḡumate ḡoinu, huhu o dai kokiva; beta di uravera edube ai uravera.” <sup>40</sup>Gerege auki ḡoiragi au ḡamituhe abigaḡa iau ḡasina otege iauki iaḡiaḡea, gerege auki Petero kironu, “Orenaki gena ia daḡore guragu ḡamana veite? <sup>41</sup>Ena gure niḡa niḡaḡu raḡisa mati Dirava ai imimi raḡisa ia negu daure uhura siri raḡime; ai horu vera uraima, eduge ahata makava ra hero veitera.” <sup>42</sup>Auki ḡaitana nega abu ḡahiḡava ḡeahu oti imimi viege, “Di Mame, ḡuma bera mati veitera, eduge da ieye, ai uravemu riaḡa ḡoisa.” <sup>43</sup>Auki ḡaitana ḡoiragi tiege iauki iaḡohiave, iau nie baogeige veite. <sup>44</sup>Auki ḡaitana ḡaregei oti imimi viege nega abigaḡa ḡahi gava, ga kobuḡa e ro gevege. <sup>45</sup>Gerege auki ḡoiragi au ḡamituhe iau ḡasina oroḡi renu kiro gevege, “Iana so gure ona iaḡoha? Ni ḡahiahe, nega ramu tuakera, renu Koita ḡamika au bive kine ḡahava iabara e mi koita daure mohigeisa. <sup>46</sup>Urihiahe, nota. Iana eraḡe, di bive kine atava ramu oroḡanu.” <sup>47</sup>Iesu gure gavege uhura, Iuda, au ḡamite utu abu uhura eraki roḡonu, koita dadaḡava raki au ruta oroḡi iau vaigadea mati iau garevea ruḡa, renu aena biavaia mati oḡo ata baugevaia. <sup>48</sup>Au bive kine atava raki kiro

gevenu, “Da ata be anogare era; iama misa.”<sup>49</sup> Iuda raki Iesu ġasina time auki ronnu, “Au maive ma, di Biage!” roare auki anogānu.<sup>50</sup> Iesu raki boriti ġahi ronnu, “Vasi, rogi a kisa roare iaġaniva kisa.” Gerege iauki roġahi Iesu adahe kamui berebe ġahanu.<sup>51</sup> Tutube viege, iau be Iesu ruta geraki au kaiade mi iau haroro koitave besubesu ġamive ihikokova dodoi turuhanu.<sup>52</sup> Iesu raki boriti ġahi roma, “Ai kaiave mi ġeahu maema; oġore iana kaia idigevenu iauka kaia eige iauna hoġe raġohisa.”<sup>53</sup> Iana dibana veite ianu da negu di Mame ġasina iahe iahe imimi vare, auka negu ġarara aneru utube abu besugeige vara dani?<sup>54</sup> Eduge au ena ġoiare buka aena vana orenaki riaġa ġoigoanu, badivara ġuma ora iaumu ronnu auka varavisa?”<sup>55</sup> Gerege Iesu raki koita dadaġa e gaġa gevenu, “Koko ia oroġi kaia mati vaiga ruga da misa roia erehuta daka vaho koita be naġate. Daka vani inuhati dubu uhura gurami hadiba eduge ia beta da manu.”<sup>56</sup> Eduge iaġa inuhati geramu vara raġanu, gerege peroveta ġahaia buka aena roege eramu riaġa ġoisa.” Eige au ġamituhe iabaraki ġarehi siviġoro raġanu.<sup>57</sup> Oġoreana Iesu mane e iabaraki nisiġami haroro bauge Kaiafas iagehe otinu, eiger aena kiare ġahaia mati oġo ata baugea iabaraki bou raġohanu.<sup>58</sup> Eduge Petero raki au itahe tabe tabeki oġi otege, haroro bauge e iaga ġaika time auki maġu uhura sirivi; gabu ni tabata gahava ruġa ġurami auna otavado ihihi vanu.<sup>59</sup> Haroro baugea mati kansolo inuhati geraki orenaki iauna ga tarata bei Iesu ada roege iauna au hoġe ġumaġe kisa,<sup>60</sup> eduge iauka iaġa be erara veitera, be ġaitage raki roġahi tarata ga be au ada raġohege. Ata abu geraki netu netua roġahi<sup>61</sup> mati roege, “Ata oraki ronnu, ‘Daka riaġahe Dirava dubue seboġare renu vani abigaġa uhura dana ġo ġoiraġisa.’”<sup>62</sup> Haroro bauge eraki urimi rami mati roege, “Ana ga veitenu? Oiau ai gare raġohane?”<sup>63</sup> Eduge Iesu raki kerigo. Gerege haroro bauge eraki kironu, “Maġuri Dirava ihehe daki a ga ġahima, no boriti ġahigeve ana ni Maġuri ġahigave nu, Dirava Moe nu?”<sup>64</sup> Iesu raki boriti ġahi roma, “Auka amu e roma. Eduge iakera daki ia boriti ġahigeima, Negu oi oti iaka Koita ġamika eraġegeauka hedo Dirava vamaġa kasihege auna ġuramisamati vava seni auna oroġisa.”<sup>65</sup> Gerege haroro bauge eraki au oġonave darivare auki ronnu, “Auka Dirava daure ġahiġa ga vara auki rogevenu! Nona otavado ga be auseni ihisa? Iakamu au ga daure rone ihi gevenu.”<sup>66</sup> Iana otavadoana ia anava?” Iauki ronnu, “Auka hoġe raġira vara.”<sup>67</sup> Gerege iauki au nie sabaki ġahi mati hodivege; mati be iabara au tihie madavege,<sup>68</sup> roege, “Ana Keriso nu, no peroveta ġahigeve, unuhuna a hodivanu?”<sup>69</sup> Petero ra maġu itahe auki guramanu. Besu besu maġive be raki au ġasina time auki ronnu, “Ataġe Iesu Galileia koita e ġore gera.”<sup>70</sup> Eduge auki iau bouge iau vaġotoni ġoreġore vanu, roege, “Daka dibana veite otavado ana ia roia.”<sup>71</sup> Auki urimi itahe otege, besu besu maġi be raki eraġare, mati koita rahi gevene boriti ġahi gevege, “Ata oramu Iesu Nasareta koita e gore hegera.”<sup>72</sup> Auki ġaitana gore gore vi roege, “Daka ata vire dibane veitera.”<sup>73</sup> Nega tinakibe uhura koita rahi gevene iabaraki Petero ġasina oti ronnu, “Era riaġa vara aka iau bera, badivara ai ġare raki a ġaġae kima.”<sup>74</sup> Gerege Petero raki ġavi roege, mati ominue vi roege, “Daka ata vire dibane veitera!” ġamana veite kokorogu vara nivinu.<sup>75</sup> Gerege Petero raki anavanu otavado vanu Iesu boriti ġahi ronnu: “Kokorogu so nina veite aka nega abigaġa da ġore ġore ġahisa.” Auki itahe time auki nina raho viege.

## 27

<sup>1</sup>Va tahi vagutu, haroro bauge inuhati mati ata baugea iabaraki bouraġohi Iesu ġamiġa ġumava gava raġohege. <sup>2</sup>Gerege iauki adakava raroare, iauki nisiġami Pilato gavana ata e ġasina otinu. <sup>3</sup>Iuda taotore vane koitava raki dibana ġoinu Iesu ra hoġe raġira vara, gerege auki aukine ġumava ananai ġoiraġare au muni tahaka utu abigaġa idigei otime auki haroro baugea mati ata baugea mohigei ġoiraġanu. <sup>4</sup>Auki kirogevenu, “Daka ġuma daure vara daki kinu, daki daure be kiki veite koitava hoġe ġumaġe kinu.” Eduge iauki kironu, “Noka e anana veitera? Era avahu ai tohidera.” <sup>5</sup>Iauki negu muni tahaka e idigei dubu uhura kirage vare, auki hakivi otare avahu au enoke raroi hoġe raġanu. <sup>6</sup>Edube haroro baugea iabaraki negu muni tahaka e idige vare iauki ronnu, “Ora taġote muni tahaka vara, beta maġera no mi dubu moni maemare ei maemisa.” <sup>7</sup>Iauki iau bouge ga raġohi, iauki muni tahaka emi hodu kiare koitava vateta tinabe haevi, ġeahu ġaha iau abate abate gabune. <sup>8</sup>Enaki eige iauki mata e ihiva kinu Taġo Mata oroġi negu. <sup>9</sup>Gerege peroveta koita Ieremia gare raki riaġa ġoinu, roege, “Iauki siliva muni tahaka utu abigaġa, au damune Isarela ġahaia au ibine rone era, <sup>10</sup>renu iauki moni e mi hodu kiare koitava matame haevi, era Rohi bauge da ġanito ġahane dodihe.”<sup>11</sup> Iesu raki Roma gavanava vaġotoni rami; gerege gavana raki beragi, “Ana Iuda ġaha iau Rohi venu?” Iesu raki ronnu, “Auka amu e roma.” <sup>12</sup>Eduge auka ga be roro veitera, haroro baugea mati oġo ata rahoia iabaraki auka daure kinu. <sup>13</sup>Gerege Pilato raki boriti ġahi roma, “Ana iau ai ġuma daure kiege gava raġohare ihi geima se?” <sup>14</sup>Eduge auka iau gare be dodo veitera; eige gavana raki dauraġi badiva Iesu ra ga kobabe tage roro veitera. <sup>15</sup>Edoredore heġiri nega inuhati gera gavana ra vadibu iagava uiare bera koita iabana roege iauna mi hakivisa. <sup>16</sup>Nega ei vadibu uiege bera koita inuhati gera au dibane, au ihera Barabasi. <sup>17</sup>Gerege koita bou raġane eige Pilato raki bera gevenu, “Orena ia gahara raġohi dana iani vaheġisa, Barabas se Iesu ihiva rone Keriso?” <sup>18</sup>Auka dibana riaġa vara Iuda ġaha iau aenave ge iauka Iesu mi moimo vara. <sup>19</sup>Au kota kiare gabuhe guramege uhura au mabare raki au enoġe besuġanu, “A negu ġuma ieriri koita ei iaġabe kime, dakamu vani uhuġae daki huhu naġanu da iaġo be au vane.”<sup>20</sup> Haroro baugea mati ogo ata rahoia iabaraki ġaru ġaha kiro gevenu iauka Pilato kiroege aukai Barabasi vaheġisa a Iesu ra iauma ġami hoekisa. <sup>21</sup>Eduge Pilato ġaitana bera gevenu, “Unuhuna ia iau abu iau uhura gahara raġohi dakai vaheġisa iani?” Iauki roege, “Barabasi.” <sup>22</sup>Pilato raki kirogei, “Gerege dana orenaki Iesu iau au ihe rone Keriso kiki vanu?” Iauki iau bouge ronnu, “Mi satauro ġaha.”<sup>23</sup> Edube auki berabe vanu, “Otavado dainehe, auna otavado ġuma daure bena au kinu?” Eduge iauki bara raġohi roege, “Mi satauro ġaha.” <sup>24</sup>Pilato raki eraġege maġe bera veitera, eduge ġoġai dudu vara hakivege, gerage auki koita iau vaġotoni eia mime auki au ade ketoare, roma, “Daka ata o hoġeve beta di kiki vera; edube era ia iavahu iai gera.”<sup>25</sup> Koita iabaraki iau bouge roege, “Hoġe ora isukava inuhati ni ada mati ni ġamuhea iau ada gera!” <sup>26</sup>Gerege Pilato raki Barabasi vaheġare, renu iauki Iesu hodivare, auki mi mohigevenu iauka satauro

gahisa.<sup>27</sup> Gerege gavana garara gahatuhe iabaraku Iesu mare iauki mi au gabunehe otinu, eige au garara gahatuhe inuhati raki bouraḡohi.<sup>28</sup> Iauki au ogonade kokivare iauki ogona kerekare be mi au kinu,<sup>29</sup> gerege iauki ḡati garanate mi au omotehe maemanu, mati idi be mi au ada vamaḡahe maemanu. Iauki ehaiahia ḡahi ḡoru raḡi renu komuko dairaḡare, kiroege, “Maḡuri, Iuda iau Rohive!”<sup>30</sup> Iauki sabaki ḡahare, mati idi mi omotova hodivanu.<sup>31</sup> Iau ehaiahia ḡahi itaharahe ge, iauki au ogonave darivi kokivare iauki au ogona riaḡava mi au kinu, gerege iauki nisiḡami satauro ḡahisa ro mi otinu.<sup>32</sup> Iau hakiraḡi otine, eige iauki Kurene atabe eraḡanu, ihivara Simona; gerege garara ḡami iabaraku kiroege auki Iesu satauro ve agohanu.<sup>33</sup> Iauki oti gabu be ihiva Golgota (makava ramu Omo kouka mata vara),<sup>34</sup> iauki vine muraka mi eia ruta kobua ḡahi; mi moimi auki tohoḡare besibe ḡahanu.<sup>35</sup> Iauki mi satauro koko ḡahare, au ogonade idigei iau vaḡahe harivege;<sup>36</sup> gerege iauki ei gurahare gure ḡaru ḡahege.<sup>37</sup> Au omote variada ge iauki torei onaki ronu, “Ora Iesu ra, Iuda ḡaha iau Rohivera.”<sup>38</sup> Gerege vaho koita abu ḡainage Iesu ruta iauki satauro ḡahi gevenu, bera au vamaḡa kasihe mati bera au vaḡa kasihe.<sup>39</sup> Koita oti oroḡege e iabaraku iau omote davegei<sup>40</sup> mati roege, “Aka vani abigaḡa uhura dubu seboḡare mati kiege ḡoirāḡira vara, avahu a maḡuri ḡaha! A Dirava Moe ḡoenge, menugena satauro ei ḡoroma.”<sup>41</sup> ḡuma kobuḡa ei haroro baugea, renu aena kiki ḡahaia mati ata baugea, iabaraku ehaiahia ḡahege, roege,<sup>42</sup> Auka be iabara auki maḡuri ḡahi gevege; menugena au beta auvahu au maḡuri ḡahima? Auna Isaraela Rohivanu; eramu au satauro ada ḡoromege nona au riaḡa ḡahisa.<sup>43</sup> Aukamu Dirava riaḡa ḡahima; edumena Dirava urai negubutu maḡuri ḡahare, mati roma, ‘daka Dirava Moe ra.’ ”<sup>44</sup> Vaho ḡahaia au ruta satauro ḡahi gevene e ḡaitage ramu enakime iauki ḡuma kobuḡa ei ga ḡahege.<sup>45</sup> Vani omo ada roḡone uhura ge vadibua raki vata ketake inuhati bakuanu atete vahigeta vani iaḡa abigaḡa.<sup>46</sup> Vani iaḡa abigaḡa uhura Iesu raki nivi baravanu, “Eloi, Eloi, lama sabatani?” makava ramu, “Di Diravate, di Diravate, esemena a da ḡare manu?”<sup>47</sup> Koita be ei rahi gevene iabaraku iahare, iauki ronu, “Ata ora Elia auki ihiromima.”<sup>48</sup> Iau be raki rurui otime auki dabua tinabe mare, vine uhura taḡoare, auki mi idiva raroanu, gerege auki mi au susutemenu auka isa.<sup>49</sup> Eduge be iabaraku onaki ronu, “Soso, noso eraḡa edumena Elia roḡi maḡuri ḡahare.”<sup>50</sup> Gerege Iesu raki ḡaitana nivi bara vare auki hoḡe raḡanu.<sup>51</sup> Gerege iau dubu uhura dabuava raki dariḡohi abu goinu, auhe uguhi derihe tinu. Vata vaḡava vi, mati munio ḡaitage reha raḡohi gevenu.<sup>52</sup> Hoḡe aba bao raḡohi, mati Dirava koita tuhea hoḡe ragohane e iabaraku urihi maḡuri raḡohi ḡoirāḡohanu hanu.<sup>53</sup> Iesu hoḡe uhura urimi ḡoirāḡane itaharahe iauki midava ḡarehi oḡo aena ei otege koita dadaḡa iau ḡaḡae ḡoige.<sup>54</sup> Garara ḡaha bea iau biage ruta gera, iauki Iesu eraḡege iabaraku vata vaḡava viege eraḡi mati iaḡa inuhati vara raḡane erageime, iauki siḡo raḡohi mati onaki ronu, “Riaḡa vara ata oramu Dirava Moera!”<sup>55</sup> ḡaru maḡi dadaḡava raki ḡamanahu rahi niḡahege; iauka Galileia ge iauki Iesu itahe oroḡege mati iaheḡege maḡiva iabara.<sup>56</sup> Iau uhura gera Maria Magadala, renu Maria, Iakobo mati Iosepa iau neine, renu Sebedeo mabare<sup>57</sup> vahigeta ḡoine eige, ada bubu ata be raki Arimatea seni orogonu, au iheramu Iosepa, au tage Iesu gamite bera.<sup>58</sup> Auki urimi oti Pilato ḡasina Iesu ahata make imimiva vanu; gerege Pilato raki hedo mohi gevege iauki mi moimanu.<sup>59</sup> Gerege Iosepa raki mare ogona isaḡe maḡe bei ḡodomanu<sup>60</sup> mati auki au avahu muni uhura aba rohona ei maemanu. Gerege auki muni abata be kureime auki aba udua kouare bina otinu.<sup>61</sup> Maria Magadala mati Maria be iau ḡainage ei, aba hakirahe gurahege.<sup>62</sup> Va tahi ḡoirāḡane ei, Sabadi vani vara, haroro baugea mati Farasea ḡaha iabaraku Pilato ḡasina bouraḡanu<sup>63</sup> mati ronu, “Rohi bauge, noka tarata koita e au maḡuri vehe au gare rone, ‘daka vani abigaḡa itaharahe maḡuri vi ḡoirāḡira vara.’ ”<sup>64</sup> Eige ama roege au abave iauma nitabata ḡahi atete vani abigaḡa rone ei; veite ḡoiege au ḡamituhea negu oti au ahata make vahoro mime, mati koita boriti ḡahi rosa, ‘Aukamu maḡuri vi ḡoirāḡanu,’ mati nega ihie tarata ḡuma oramu uriḡoi tarata iaḡaniva soiso vara.”<sup>65</sup> Pilato raki boriti ḡahigei roma, “Iaka nitabata ḡahate iabaraku; otiahe, midava vire iai herohe iama nitabata ḡahisa.”<sup>66</sup> Gerege iauki oti midava kouko muniva reḡunaki maemi berebe ḡahanu.

## 28

<sup>1</sup> Sabadi itaharahe, pura vani uridane va tahege, Maria Magadala mati Maria be ḡore midava eraḡisa rome iauki otinu.  
<sup>2</sup> Tutube viege vata raki vaḡava ketake vanu; badiva Rohi bauge aneruve raki vava seni uguhi oroḡi muni kurevi ḡeahu maemare auki adahe guramanu.<sup>3</sup> Au eravaḡe ramu erehuta va gibusu vare abagatera, mati au ogonave tage kae abaga vera.<sup>4</sup> Nitabata ḡaha ḡainage siḡo raḡohi ḡabubu raḡi iauki erehuta hoḡe ḡaha iau naḡate ḡahanu.<sup>5</sup> Eduge aneru eraki maḡi e kiro gevenu, “Ia negu siḡo raḡohime; daka dibana iaka Iesu iau satauro ḡahane era iaki iaḡoa.”<sup>6</sup> Auka oigera veitera, aukamu urimanu au rone naḡate. Oi oroḡi iau maemane gabuva eraḡiahe.<sup>7</sup> Gerege vaina ḡoirāḡohi oti au gamituhea boriti ḡahi geisa, ‘Aukamu hoḡe uhura urimanu, renu aukame uriḡoi Galileia otima; eige iana eraḡisa.’ Ora di gare daki ia kiro gevenu.”<sup>8</sup> Gerege iauki vaina midava ḡarehi siḡo mati heḡiri ruta ruru raḡi oti au gamituhe boriti ḡahigeisa.<sup>9</sup> Tutube veite Iesu raki iau ḡaḡae ḡoicare auki kirogei, “Mai miahe!” Iauki oroḡi au ḡasina, au vase hodohare, iauki ḡoru raḡohi maḡe ḡahanu.<sup>10</sup> Gerege Iesu raki boriti ḡahigei roma, “Ia negu siḡo raḡime; oti di nanuhe kiro geisa iauma Galileia otisa; eige iauna da eraḡisa.”<sup>11</sup> Maḡi iau ḡumaḡa otege, nitabata ḡaha be iabaraku ḡoirāḡohi oḡo otime iauki dubu baugea boriti ḡahi gevenu iau era gevene iaḡaniva inuhati.<sup>12</sup> Dubu baugea iabaraku oḡo ata baugea ruḡa bouraḡohi, iauki ga raḡohi iauka moni raho tinabe mi nitabata ḡaha mohigeisa,<sup>13</sup> iauki boriti ḡahi gevege, “Iama kiro geisa, ‘Au gamituhe iabaraku vahi oroḡime iauki au ahata make vahoro manu noka iaḡohege uhura.’ ”<sup>14</sup> Edumena gavana ihare ḡoiege, nokena au uhure maḡe ḡahi mati auka beta iaḡa be iai kisa.”<sup>15</sup> Gerege iauki moniva miare iauki iau boriti ḡahi gevene ḡumahe kinu. Gerege badi ora Iudea ḡaha iaberamu ro ioa raḡa oroḡi negubutu.<sup>16</sup> Au gamituhe utube hakira kobabe iaberaki Galileia otinu, iauki nimu be Iesu boriti ḡahi gevene iauka otisa.<sup>17</sup> Iau Iesu eraḡane negahe, iauki maḡe ḡahi, eduge be iabera uhu abu.  
<sup>18</sup> Iesu raki iau ḡasina oroḡare auki kiro gevenu, “Di Mame ramu hedo inuhati vava mati vata ada aukamu da moimanu.  
<sup>19</sup> Eige otiahe mata o koitava inuhati hedoka ḡahigei, mati babatiso ḡahigeisa Dirava ni Mame mati au Moe Iesu mati Horu

Aena iau ihehe,<sup>20</sup> mati hugure gahigeisa iauma iağa inuhati da ganito gahi gevene iauma riaga gahisa. Mati ia negu vague rağohime, daka nega inuhati ia ruta, negu oti netu netua.”

## Luke

### 1

<sup>1</sup> Di vasire Theophilus, Koita dadağava raki subuta iau vağotoni kiego meva eragevene iauki idigei reğunaki bukava maemanu.<sup>2</sup> Erehuta au gare ganai mi ioa gahege renu erağane ghava iaberaki mi no mohi gevenu.<sup>3</sup> Da tage dakamu ananai, da ganai iağo iağo vane itaharahe, daka bukava reğunaki ani maemisa, Teofilas di rohite,<sup>4</sup> eige ama anaisa, otavado na a koita iau ihinu renu dibana goinu iabera riaga vara.<sup>5</sup> Heroda nega ei Iudea iau Rohive, aena atabe ihiva Sakaria, auka Abiah dubu aena gaha iaugera auki oroğanu. Au mabare ihiva Elisabeta, auka Arona varavege auki oroğanu.<sup>6</sup> Iauka Dirava vağotoni iau abu ieriri gaheva iabaki, iau mağurive rağoha iauka Rohi Bauge aenave renu au gumağe iauki gurahege.<sup>7</sup> Eduge iauka gamika veite, badiva Elisabeta ra gabani dainehe, edube iaukamu iau abu ate iahu gahanu.<sup>8</sup> Sakaria nega ei dubu ghava iau ruğa Dirava vağotoni iauki me miege,<sup>9</sup> gerege iauki iau bouge manu, iauka dubu aena gaha kiego gumahe, ana dubu aenava gena a sirisi vanu aka meva tage kikipara, iağa gutika mağe be mi Dirava moimisa.<sup>10</sup> Negu me aena kiare, koita dadağa gainage, itahe ge iauki imimi rağege.<sup>11</sup> Gerege Rohi Bauge aneruve be raki gağae goi, terona vamağa kasihe ramirame.<sup>12</sup> Sakaria raki niğahi eraği soru raka; mati sigoi.<sup>13</sup> Eduge negu aneru eraki ga gahi ronu, “Sakaria, a negu siğoime, ai imimive aukamu ihinu. Ai mabare Elisabeta so gami be mimi vara, renu ama ihivami Ioane rosa.<sup>14</sup> Iaka heğiri rağira vara, renu koita dadağa gainage au guruane heğiriva rağira vara,<sup>15</sup> badivara auka ihite goiğo vara Rohi Bauge vağotoni. Auka beta gadiki berebe misa; mati auka so vağatani, Horu Aena vara au ruta.<sup>16</sup> Aukena Isaraela koita dadağa idigei goirağisa, Rohi Bauge iau Diravate gasina.<sup>17</sup> Auka Elia hedokehe auna Rohi Bauge vağotoni oti, iahu iabera iau gamuhe ruğa kobua gahisa, renu anana daure gahaia iabera anana mağe misa, mati koita be iau gumağe mağe gahisa Rohi Bauge uhurehe.”<sup>18</sup> Sakaria raki aneru berağanu, “Dana orenaki riaga gahisa? Da di mabare gore nokamu iahu gahanu.”<sup>19</sup> Aneru raki kironu, “Daka Gabriela, Dirava ihehe daki oroğanu, renu aukaki da besuği daka hari mağe a boriti gahisa.”<sup>20</sup> Aka di gare riaga gahiğa veitera, eduge vaniva riaga miare, aka kerigo, mati aka beta ga be roro vara, ate iağa o iabera gağae gahiğa vara.”<sup>21</sup> Koita inuhati dubu itaharahe Zechariah uhuiami gurahege auka aneru ruga ge auki dubu uhura ga ragege.<sup>22</sup> Au hakiha vane, auka gağa geige veitera, gerege iauki dibana gahanu auka niğa niğa bera auki vanu. Auka dağedağe ga veitera, eduge ada tahu ge auki gağa gevege.<sup>23</sup> Au meve basu basuva miege, auki bina dubu garemare au iagehe otinu.<sup>24</sup> Negava gamana veite au mabare Elisabeta ra detu goinu, gerege auki bata adakasiva hatai guramege.<sup>25</sup> Auki onaki ronu, “Onakime Rohi Bauge dai kinu, au da mağe gahi au koita iau vağotoni di varivave ariğanu.”<sup>26</sup> Bata agorokiva miege, Dirava raki aneru Gabriela besuğanu Nasareta oğo gamika be Galileia otinu,<sup>27</sup> auki mabi be gasina auka imiğisa auka atabe ihiva Iosefa mobo gahisa, auka iau vahie Davida tene ge auki oroğanu. Negu mabi e ihiva ramu Maria.<sup>28</sup> Negu aneru eraki au gasina gağae goiare auki kironu, “Au maive ma, akera auki a mağe ghahima! Rohi Bauge ra aigera.”<sup>29</sup> Maria au gare ihinei au uhure raki isuhanu renu ananavi ona otavado mağeve au roma.<sup>30</sup> Eduge negu aneru eraki kironu, “Maria a negu siğoime, Dirava mağeve aigera auki maemanu.”<sup>31</sup> Aka so detu goi gami be mimi vara, renu ama ihiva rosa Iesu.<sup>32</sup> Auka baugera mati iauka ihiva roro vara auka Dirava Vava Vava uiare Moe. Auka Dirava ni Rohite ena mi au koitatuhe iau Rohite kisa au tene David nagate.<sup>33</sup> Auka Jacob gamuhe urigatugei oti behi behi. Auka rohi goi oti behi behi!”<sup>34</sup> Gerege Mary raki aneru kironu, “Ona negu orenaki goigo vanu, dakamu so mobo veitera?”<sup>35</sup> Aneru raki kironu, Horu Aena vana ai gasina orogisa gerege Dirava hedokena a godomisa. Eige a gami karuka miare eramu aena vara, renu ama rosa Dirava Moe.<sup>36</sup> Elisabeta ai tate tage ramu iahu uhura gera gami be mimi vara, renu auka roma auka gabani edube au batak ramu agorokiva gera.<sup>37</sup> Dirava augera iağa bera beta berebere ra.<sup>38</sup> Gerege Maria raki kironu, “Dakamu Rohi Bauge besu besu maği vera, au enaki kikive goiege a rone nağate.” Gerege aneru eraki gare manu.<sup>39</sup> Maria raki vane ei urimi auki Iudea nimu gaika oğova bei otinu,<sup>40</sup> eige auki Sakaria iagehe gadimi auki Elisabeta mağe gahanu.<sup>41</sup> Elisabeta raki Maria mağe ghane gava ihine negahe, au gami karuka raki vağava vanu au vağata uhura. Horu Aena tage raki tobo gahanu,<sup>42</sup> renu nivi barai roege, “Dirava mağeve ra aigera maği iau bouge iau vağa, renu ai vağata make ramu mağera.<sup>43</sup> Renu esemena au onaki dai kima, riaga di Rohite neine goiğo aumu dai roğanu?”<sup>44</sup> Badiva daka ai ga enoğe mağeva ihinu, gami karuka di vağata uhura vağava vanu.<sup>45</sup> Maria ra Rohi Bauge raki mağe gahanu badiva au rone gava aukamu riaga gahisa.<sup>46</sup> Gerege Maria raki ronu: “Di soruke ra Rohi Bauge auki motea ghahima!”<sup>47</sup> Renu di uhure tage Dirava daki heğiri ghahima, auka ni maguri gahiga vera.<sup>48</sup> Badiva daka au besubesu mağine auki goroa uhura da vague gahiga veite. Eige riaga negu oti tau inuhati uhura koita iabera roro vara Dirava raki da mağe gahanu.<sup>49</sup> Eige iauka roro varà, badiva auka iaga ketake kiogevene Dirava vara, auka Hedoka Kobuga, raki iağa ketake dai kinu. Au ihe ra aena!<sup>50</sup> Au vağahuve ra siğamare ghavaia inuhati iaugera negu tau oti behi behive.<sup>51</sup> Aukamu au herove au adehe gağae kinu; iau uhurehe uhu anana nune rağare ghavaia iaukamu kobakoba gahanu.<sup>52</sup> Aukamu iau biaguhe baugeva iau guragu gabuhe vağava gahi gevenu, renu goroa idigei iage gevenu,<sup>53</sup> aukamu gubu rağohare toboğa gevenu iağa mağe iau, mati iağate ghavaia aumu ada unağe geahu besu gevenu.<sup>54</sup> Aukamu Isaraela au besubesu ghahatuhe auki iahe gevenu, au vağahu gahi gevene iauki anavava,<sup>55</sup> renu au ominue kine ni vahiruhe iau, Aberahamo renu au vahiruhe iau oti behi behi.”<sup>56</sup> Gerege Maria raki Elisabeta gasina bata abigağa gurami ihiege auki goirağanu. Ioane Babatiso Guruane<sup>57</sup> Elisabeta huhunaği gami misa vanihe, auka gami bera auki manu.<sup>58</sup> Au origi uiare ghava renu au oğo nanuhea iaberaki ihinu Rohi Bauge eramu mağe gahanu, iauki au ruta heğiri rağohag<sup>59</sup> Vani agorokiva gahiğahe iauki

bouraġohi ġami karuka ihiva kisa, renu iauka mi au mame ihigote kisa Sakaria rosa. <sup>60</sup> Eduge au neine raki ronnu, “Veitera; au ihera Ioane ra.” <sup>61</sup> Iauki kironu, “Ora beta ai oġo nane be ihera.” <sup>62</sup> Gerege iauki au mame ada tahu beraġi auna ġami karuka ihivana unuhu roro vanu. <sup>63</sup> Auki kirogei iauka iaġa be moroġoge auka ihiva maemisa, “Au ihera Ioane.” Gerege iauki iau bouge ġaġu raġohanu. <sup>64</sup> Tutube viege au avaġe raki baoraġi renu au meine tage maġe ġoi, gerege auki gavare, Dirava motea ġahege. <sup>65</sup> Au oriġi ġahava iau bouge siġo raġi, badiva iaġa oramu iauumu gava raġege Iudea matava oġova inuhati iauki ro ioa raġege. <sup>66</sup> Badi o ihine ġahava iau bouge ga raġi roege, “Gerege ġami karuka ona orena kikivenu?” Riaġa vara, Rohi Bauge ade ramu au ada renu au ġasina tagera. <sup>67</sup> Gerege Horu Aena raki ġami karuka mame Sakaria au avaġehe gavi roege. <sup>68</sup> Rohi Bauge Isaraela iau Diravate noma maġe ġahisa, O badiva aukamu au koitatuhe maġe ġahi gevare mati maġuri ġahi gevenu, <sup>69</sup> aukamu koita be noni raho ġahanu Davida au besu besu atave iagehe, <sup>70</sup> auki subuta maġuri raġege peroveta aena iau avaġehe gavi roege, <sup>71</sup> eige noka no enana ġahare renu besibe ġahare, iau adehe maġuri raġira vara. <sup>72</sup> Eige auki au vaġahu ominue vane ni vahiruhe iau ġaġae kinu, mati auki au ominue aena kine anavanu, <sup>73</sup> au ominue rone ni tene Aberahamo ġasina, auka no mohigeisa <sup>74</sup> eige nona, iau no besibe ġahi gevare iau adehege noki maġuri raġanu, eige noka au meve kisa, <sup>75</sup> aena mati ieriri ruta au vaġotoni ni maġuri vaniva inuhati. <sup>76</sup> Renu di moe, akera iauka rosa vava vava uiare peroveta koitava; badiva aka uriġoi Rohi Bauge vaġotoni oti au ġumaġe kiki vara, <sup>77</sup> maġuri ġuma uhu vaka koita mohigeisaiu ġuma daureve iau keto geisa, <sup>78</sup> Badiva ni Diravate vaġahu maġeve dainehe, aumu vava seni baoraġi uguhi ni ada. <sup>79</sup> vadibu uiare ġahava abaga ġahi geisa mati hoġe uhura uiare iau, mati no nisigei otisa mai ġumava.” <sup>80</sup> Gerege negu ġami eraki raho ġoi renu herote ġoinu; mati auka mata ġaġaeva auki gurami ate iau vani ronei auki Isaraela iau ġaġae ġoinu.

## 2

<sup>1</sup>Nega eige Kaisara Augusto raki aena be besuġi akivi roege, vata ada koitava inuhati ge ramu iau ihe bukava ġosiġisa. <sup>2</sup>Ihi maema vani ġanaiva Kurenio gure Siria rohi ġahege negahe gera. <sup>3</sup>Koita inuhati geraki iau ihe bukava ġosiġo dainehe iauki ġoiragaġohi iau oġehe oti gevenu. <sup>4</sup>Iosef tage Nasareta Galilea uhura auki hakivi otinu Iudea, auki hakivi Davida matamehe ihiva Betelehema, badiva au tene guruane ra Davida au gera. <sup>5</sup>Auki Maria tage iauki ei otinu iau ihe bukava ġosiġeisa, badiva auka Maria manu au mabareni kinu, renu auka ahatate ġoinu. <sup>6</sup>Iauka iau abu so ei uhurage, auki huhunaġi auka ġami misa. <sup>7</sup>Auki marai au moe hama ġamiva manu, gerege auki ogonava ġodomi, renu gami karuka miare iauki boromakau iau tamuta patavehe kurei, badiva guragu iaga inuhati tobo raġohanu. <sup>8</sup>Mata eigerata iabera iau mamoe ġosiġare eige iauki gurahare, iauki iau mamoe terive ni tabata ġahigeva. <sup>9</sup>Gerege Rohi Bauge anerue raki iau vaġotoni rami, au abage raki oriġiġei, renu iauki siġo raġohege. <sup>10</sup>Eduge aneru raki boriti ġahigei ronnu, “Ia negu siġo raġime; iana eraġa—daka koita inuhati iai bouge ianige daki hari bauge maġe bera daki moroġanu: <sup>11</sup>negu vani oi Davida oġehege iai maġuri ġahiġa atava be ramu varavanu, auka Keriso, Rohi Bauge vara. <sup>12</sup>Oramu au toaġera: aka ġami karuka be ogonava ge iauki ġodomi renu boromakau iau tamuta patavehe iaġiaġe ana behuġisa.” <sup>13</sup>Ġamana veite iau ruġage va aneru iaberaki ugu raġohi, Dirava moteġahi mati roege, <sup>14</sup>“Dirava vava vava uiare no Moteġaha, mati vata ada oi au maive koita iai bouge misa!” <sup>15</sup>Aneru iaberaki ġaregei vava ġoiragaġohi otinu, gerege mamoe ni tabata ġahava iabera bebe gaġagei, “No ota Betelehema otavadoana Rohi Bauge no kirogeima noka oti eraġisa.” <sup>16</sup>Gerege iauki vaina otime iauki Maria renu Iosepa, mati ġami karuka vara boromakau iau tamuta patavehe iaġiaġe. <sup>17</sup>Iauki ġami karuka eraġare, iauki au badine iau ihine gava raġi ioa raġohege, <sup>18</sup>renu koitaia badiva mamoe ni tabata ġahava iau gava ihinei iauki ġaġu raġohanu. <sup>19</sup>Eduge Maria iaġa o inuhati uhu maemi renu au uhurehe anana viege. <sup>20</sup>Mamoe ni tabata ġahava iabaki ġoiragaġohi, iauki Dirava maġe ġahi renu moteġahi iau ga ihine mati era gevene, aneru kiro gevene inuhati ge ramu riaġa vara. <sup>21</sup>Vani abuġu veite kosavege, iauki ġami karuka ihiva kikivara; iauki ihiva ronnu Iesu, au so au neine vaġatanihe aneru raki ihiva ronnu. <sup>22</sup>Iauki Mose aena rone, reġureġu vaniva miege, iauki ġami karuka mi Ierusalemata otime iauki Rohi Bauge vaġotoni ġaġae kinu. <sup>23</sup>(Dirava aenave uhura maemane onakime auki ronnu, “Hama ġami mo ġahare iabera Rohi Bauge vaġotoni inuhati aena iabera”), <sup>24</sup>mati iauka boubou iaġa naġate Rohi Bauge aenave rone, “ġero ġamika abu se uguha ġamika abu.” <sup>25</sup>Ierusalemata uhura gera atabe ihivara Simeona, auka ieririve mati Dirava siġamare atava. Auka Dirava auki uhuiami orenaki auna Isaraela huhu naġare maġe ġahiġa eragisa, renu Horu Aena tage au ruta gera. <sup>26</sup>Auka Horu Aena raki au ġaġae kinu auka so beta hoġe eragisa, edube uriġoige auna Rohi Bauge besu besu atave eraġisa. <sup>27</sup>Simeona ra Horu Aena raki nisigami dubu sirivi; gerege ġami karuka Iesu iahuve iaberaki mi orogime iauka iau tene aenava au kisa, <sup>28</sup>Gerege Simeona raki iau miare auki mi hodohare auki Dirava moteġahi, roege, <sup>29</sup>“Di Biage, ama bina ai besubesu atave besuġisa ai maive ruta, ai gare rone naġate;” <sup>30</sup>badiva di nie ramu ai maġurive eraġanu, <sup>31</sup>akamu kinu koita iau bouge iau vaġotoni, <sup>32</sup>ai abage ramu hakivanu koita inuhati iaurenu ai maġeve ramu ai koitatuhe Isaraela ġaha iau. <sup>33</sup>Negu ġami e mame au neine ruta iauki ġami e badine ihinei iauki ġaġu raġohi. <sup>34</sup>Gerege Simeona raki abu ruġa maġe ġahi gevare, renu auki au neine Maria kironu, “Gami ora Isaraela koita dadaġa iau ugu raġare renu idigei iageige vera, mati auka koita iabena eraġi au gare raġi besibe ġahisa. <sup>35</sup>Eige koita dadaġa iau uhu ananave iabera ġaġae ġahiġa vara—renu a tage avaġu ai soruke eġiva bisa.” <sup>36</sup>Peroveta maġi be tage, ihivara Ana, auka Fanuela maera, Asare toneta maġi vara. Aukamu bina maġi iahu ġoinu, auka mobore ruta tau iatiriġaġu ge iauki ġurahanu, <sup>37</sup>gerege au gobu ġoi gurami ate au maguri taue ate utu iatiriġava akira ababu ġoinu. Auka guragu vaniva inuhati auka dubu ġareġa veite, edube oti Dirava maġe ġahege renu aena viare tamuta ġaremi vani mi vahi mi imimi viege. <sup>38</sup>Vani ei iau Iesu mi dubu aenava mi orogane, Ana tage raki orogime auki Dirava maġe ġahi renu ġami karuka e gare vi roege auka Ierusalemata maġuri ġahiġa vara. <sup>39</sup>Iauki Rohi Bauge aena meva kirogei kosai, iauki ġoi raġohi Galileia oti, iau oġe riaġava Nasareta. <sup>40</sup>Ġami eraki bauge ġoi, mati herote renu uhu vaka

ruta; renu Dirava maŕeve au ada gera.<sup>41</sup> Tau inuhati au iahue iabaki au tage iauki mi Ierusalemata otege, iau Eodoro-edoro rigi vaniva dainehe.<sup>42</sup> Iesu taue utube hakira abu ŕoine, iau tau inuhati kiare naŕate, iauki Ierusalemata otinu rigi dainehe.<sup>43</sup> Rigi meva kosavege iauki ŕoi raŕohege, edube Iesu ra Ierusalemata ge auki gurami, eduge au iahuve iabera dibana veite.<sup>44</sup> Iau ananave auka koita ŕoi raŕohare iau vaŕa, vani uhuŕae iau oŕine. Tutube viege iauki iaŕovege iau oŕo nanuhe renu vasiruhe iau berabe raŕege.<sup>45</sup> Iauki behube veite, eige iauki ŕoiaraŕohi Ierusalemata iaŕoisa ro otinu.<sup>46</sup> Vani abigaŕa itaharahe iauki dubu uhura behuŕanu, auki dubu ŕaha iau vaŕa gura gurave, iau gare ihege mati berabe viege.<sup>47</sup> Gerege au gare ihege ŕahava inuhati geraki ŕaŕu raŕohi au ga uhu vake mati au berabehe.<sup>48</sup> Au iahue iabaki eraŕi heŕiri raŕi; gerege au neine raki kironu, Di Moe, esemena a onaki no kiogevenu? Eraŕa, da ai mame ŕorehege anana hoŕeva raŕime noki a iaŕova.”<sup>49</sup> “Esemena ia da iaŕoa?” auki bera gevenu. “Iana dibana veitenu dakamu di Mame iagehe uvava?”<sup>50</sup> Eduge iau uhurera bao raŕira veite auna otavadoana au roege.<sup>51</sup> Gerege auka iau ruŕa Nasareta otime renu auki matau ŕahigei. Eduge au neine ra iaŕa inuhati ge auki au sorukehe ŕosigevenu.<sup>52</sup> Gerege Iesu raki baugae ŕoi mati uhu vaka maŕe ruta, renu Dirava mati koita iabaki au ŕahara raŕege.

**3**<sup>1</sup> Tiberia rohi taue utube hakira adakasiva uhura, Pontia Pilato ra Iudea gavana ŕahege, mati Heroda ra Galilea rohi ŕahege, renu au ŕoge Filipino ra Ituraea mati Trakonitois mata e iau rohi ŕahege, mati Lisania ra Abilene rohi ŕahege,<sup>2</sup> Ana renu Kaifa iau dubu aena biava raŕege, Sakaria moe Ioane mata ŕaŕaeva ge Dirava gare raki au ŕasina roŕonu.<sup>3</sup> Gerege auki hakivi oti Ioridana matava inuhati iau, badi maŕe ro ioai, iama babatise raŕare iai ŕuma daureve ŕare geisa,<sup>4</sup> iau ga bukava maemi Isaia peroveta ŕahane gava, “Eno be ramu mata ŕaŕaeva toma: Rohi Baugae ŕumaŕe kisa, au ŕumaŕe iama kiege ieriri ŕahisa.”<sup>5</sup> Koura inuhati gera tobo raŕohisa, renu nimu ketake mati avieva inuhati iama dodoi ieriri ŕahisa renu keukare iama ieriri ŕahisa, mati ŕuma daure iama maŕe ŕahisa;<sup>6</sup> eige koita inuhati ge ramu Dirava maŕurive iauma eraŕisa.”<sup>7</sup> Ioane raki koitaia hakiraŕi auka babatise ŕahigeisa kiro gevenu, “Inuhu ŕamika maŕahanu! Unuhuna iaki rogeima iaka siviŕoro raŕisa daure oroŕare ei?”<sup>8</sup> A ai maŕuri daureve ŕaremege akamu maka maŕeva erara vara. A negu avau anana vi rosa, Nokamu Aberahamo ramu ni baugetera; eige daki aki roma, Dirava ra hedokate au muni o rogevara iauka Aberahamo ŕamuhe ŕahiga vara.<sup>9</sup> Eige negubutu ŕuma be ramu idi ŕaika; idi orena makida maŕe veitenu iauki dodovare mi vene kira visa.”<sup>10</sup> Gerege koita iabaki beraŕanu, “Gerege nona bina otavado kisa?”<sup>11</sup> Auki ŕoiaraŕi boriti ŕahigei ronu, “Ana ai ogonave abu genu ama au veite koitava be moimisa; mati unuhuna demakate ama ŕuma kobuŕe kisa.”<sup>12</sup> Takis gogoare ŕahavaia ŕainage oroŕi babatise misa rome, iauki beraŕanu, “Ni biage nona otavado kisa?”<sup>13</sup> Auki kiro gevenu, “Iama iau rone iaŕaniva eŕu iana misa ia negu ketake ŕahime.”<sup>14</sup> ŕarara atavaia ŕainage raki beraŕanu, “Ama nona otavado kisa?” Auki kiro gevenu, “Ia negu koita be iau vaho raŕime se avanaŕe ŕumava iau moni rome, edube iai meve damunava ŕu heŕirita misa.”<sup>15</sup> Koita iaberaki iau bouge anana raŕi, renu iau sorukehe Ioane berabeve raŕi, ora mena Keriso ra,<sup>17</sup> Auka erehuta atabe au iaŕe ada kamui; au koni momonava desuraŕane gabua reŕuare mati au konive bougei idiŕi au ŕosiŕo iaŕahe ŕosiŕisa; eduge koni maka veite iabera idigeime auki vene ŕodoŕo veite uhura ge auki kirageima.”<sup>18</sup> Eige, au uguro ŕuma dadaŕave iau, auka koita iauni tage hari maŕe auki moroŕonu.<sup>19</sup> Eduge Heroda iau biage, au tage auki namiŕanu badiva au nane mabare Herodia dainehe, mati ŕuma daure Heroda kiogevene dainehe,<sup>20</sup> ŕuma daure o inuhati iau dainehe Ioane auki mi vadibu iaŕava maemanu.<sup>21</sup> Gerege koita inuhati babatise raŕege, mati Iesu tage iauki babatise ŕahi mati auka imimi viege, va iduaniva raki baoraganu,<sup>22</sup> gerege Horu Aenava raki vava seni uguha nagate uguhi au ada. Gerege eno be raki vava seni uguhi, “Aka di Moera, Maŕe vara; dakamu ai heŕiri vima.”<sup>23</sup> Iesu tau utu abigaŕa ŕoige auki au meve kinu. Be iau ananave auka Iosefa moe. Iosefa mame Heli tene,<sup>24</sup> Mata, Levi, Meleki, Iana, Iosepa moe,<sup>25</sup> Matias, Amos, Nahumu, Esli, Nagai<sup>26</sup> Maat, Matatia, Adi, Kosam, Elmadam, Ere,<sup>27</sup> Ioanan, Resa, Serubabele, Sealtiele, Neri,<sup>28</sup> Melki, Adi, Kosam, Eldamadam Ere,<sup>29</sup> Iosua, Eliesere, Iorim Matata, Levi,<sup>30</sup> Simona Iudea Iosefa, Ionam, Eliakim,<sup>31</sup> Melea, Mena, Matata, Natan David,<sup>32</sup> Iese, Obed, Boa, Salmon, Nason,<sup>33</sup> Aminadab, Admin, Areni, Hesron, Perese, Iuda,<sup>34</sup> Iakob, Isaak, Abrahamo, Terah, Nahoro,<sup>35</sup> Serug, Reu, Pelege, Ebere, Sela,<sup>36</sup> Keine, Afasad, Sam, Noa, Lamek,<sup>37</sup> Metusele, Enok, Iared, Mahalalel, Kainan,<sup>38</sup> Enos, Seti, Adam, Dirava.

## 4

<sup>1</sup> Iesu Ioridana seni ŕoiaraŕane, Horu Aena raki tobo ŕahi ge auki nisiŕami mata ŕaŕaeva otinu,<sup>2</sup> Iesu ra vani utu-ababu diabolotohoŕanu. Auka vani eiau uhura tamuta veite, ia<sup>3</sup> Gerege diabolotohoŕi kironu, “A Dirava Moe ŕoigege, ama muni o kiro gevege iauma tamuta maka ŕahisa.”<sup>4</sup> Iesu raki kironu, “Buka ramu ronu, Koita bera beta ahata makaŕu ge auki maŕuri vima.”<sup>5</sup> Gerege diabolotohoŕi nisiŕami auhe otare auki mata ketake inuhati ŕaŕiromi.<sup>6</sup> Renu diabolotohoŕi kironu, Ana mata o dainakehe mati hedova inuhati dana mi a moimisa; badiva iaŕa o inuhati ge daiera, eige daka hedo mi unuhuna da ŕahara viare dana moimisa.<sup>7</sup> Eige, a komuko daivi da maŕe ŕahege, ora inuhati aie ŕoiŕoara.”<sup>8</sup> Iesu raki kironu, “Iaukamui buka maemanu, Ama Dirava ai Rohite maŕe ŕahisa, mati auŕu au meve kisa.”<sup>9</sup> Gerege diabolotohoŕi nisiŕami otinu Ierusalem, dubu aena adahe ramege, auki kiroge, “A Dirava Moe ŕoigege, ama oi geroi uguhisa,<sup>10</sup> Iaukamui buka maemanu, Auka au anerutuhe ai dainehe kirogei gevara, a nitabata ŕahisa,<sup>11</sup> mati Iauka iau adahe a mi iaŕeia vara, eige aka beta muni ai vase ŕamiŕa vara.”<sup>12</sup> Iesu raki ronu, “Aukamu ronu, A negu ai Rohite Dirava tohoŕime.”<sup>13</sup> Diabolotohoŕi ŕumave kosaraŕege, auki Iesu ŕaremege ate mati vani bei.<sup>14</sup> Gerege Horu Aena hedoke ra Iesu uhura eige auki ŕoiaraŕi Galilea otinu, iauki au badine ro ioa raŕege mata e inuhati iau.<sup>15</sup> Auki oti hadiba vi ioavege iau dubuve iau gerege koita iabaki motea ŕahege.<sup>16</sup> Gerege auki Nasaret oti au ŕurui ŕadimane matahe hakivi, sabadi vanihe

auki dubu otinu, iau tene kiego ġumahe. Auki urimi rami auka buka dahisa,<sup>17</sup> renu iauki Isaia peroveta koitava bukave moimanu. Auki buka baovi oti iau maemi rone:<sup>18</sup> Rohi Bauge Suare ra di ada gera, badiva aukamu da aena ġahanu daka hari maġe mi oroġisa goroa iau. Auki da besuġanu daka hari maġe ro ioaisa dauraġohane iau renu ni tubukate iabera niġa niġa raġisa, mati daure ġaha maġuri ġahigeisa,<sup>19</sup> mati Rohi Bauge uhu maġe taua badi maġeva rosa.”<sup>20</sup> Gerege auki buka kuivi ġoiragare, auki mi au reġure koitava moimare, auki ġuramanu. Dubu uhura ġahava iau bouge iauki niġahi auġu eraġege.<sup>21</sup> Gerege auki gavi kirogei, “Vani oigera iakamu ihinu buka aenava ramu riaġa gahanu.”<sup>22</sup> Iauki iau bouge au gare raġi renu motegahege au avaġehe ga maġe ga maġe hakivege. Iauki roege, “Ona beta Iosefa moe enu?”<sup>23</sup> Iesu raki kiro gevenu, “Eige iakamu daki rorovara iau ga raġi roiare naġate, Dika maġe ġahiġa, iavahu ia maġe ġahisa! Mati amu roma, Ama oi ai oġehe tage no badi ihigevene a Kaperanamu kiego naġate kisa.”<sup>24</sup> Mati auki ronnu, “Riaġa vara daki a boriti ġahima, peroveta koita bera au oġehe iauka beta riaġa ġahiġa vara.”<sup>25</sup> Eduge riaġa vara, Elia negahe ġobu dadaġa vara Isaraela ge iauki gurahege, veni raki tau abigaġa bata agorokiva ġoroġo veite, gerege doe raki mata e uhuġatu manu;<sup>26</sup> eige Elia ra Isaraela ġobua be iau ġasina otito veitera edube ġobu be Sarefa oġova Sidiona uhura au ġasina ge auki otinu.<sup>27</sup> Peroveta Elisa negahe tage, Isaraela gera lepera ġaha dadaġa gainage ei uiege, eduge dadaġa vara maġe ġahiġa veitera, edube Namana auka Suria atavara auki avaġu maġe ġoinu.”<sup>28</sup> Koita iabaki dubu uhura badiva ihare iauki iau bouge ho ġahanu.<sup>29</sup> Iauki urihare, oġo seni oiahi haki raġohi, iauki nisiġami otinu iau oġe nimu eġiahu kine, eige iauna dorivi kiravisa.<sup>30</sup> Eduge auki koita dadaġa iau vaġa auki oġi hakivanu.<sup>31</sup> Auki uguhi Galileia oġo be Kaperanamu otinu, eige auki sabadi vaniva hadiba viege.<sup>32</sup> Iauki au hadiba viege gava ihi moteġahi, badiva au gavege gava iabera hedo ruta ge auki roege.<sup>33</sup> Dubu uhura ge ata bera sua daureva raki au uhura, gerege auki nivi baravege,<sup>34</sup> “No garegeve! Iesu Nasareta koita, ana otavado a noi kisa roma? Ana no ġahigeige romena a oroġanu? Daka dibana ana unuhunu, aka Dirava Aena ġahane koitavara.”<sup>35</sup> Eduge Iesu raki namigi roege, “Kerigo, mati ata ei itahe hakiva!” Negu sua daure eraki iau vaġotoni mi vata kira vare, gerege auki ata ei hakivi auka huhu ġahiga veite.<sup>36</sup> Iauki iau bouge gagu raġohi renu bebe beragei roege, “Ona otavado ga vanu? Auka aena mati hedo rutage auki sua daure ġanito ġahi iauka itahe hakiraġisa!”<sup>37</sup> Gerege iauki au badine ro ioa raġege mata ketake oġova iau.<sup>38</sup> Auki dubu ġaremi Simona iagehe otinu. Simona raki boriti ġahanu au vare maġi vara komata raho tinabe auki manu.<sup>39</sup> Auki maġi e omote ġaika ramare auki komata e namigege auki ġaremanu. Tutube viege auki urimare mati iahe gevege.<sup>40</sup> Vani uguhi otege uhurage, koitaia komata nune nune inuhati iauki idigei Iesu ġasina oroġanu; gerege auki au ade mi iau ada kamugei iauki maġe ġahanu.<sup>41</sup> Sua daure ġainage koita dadaġa iau uhura haki raġohi, to raġi, “Aka Dirava Moera!” Eduge auki namigei iauka beta ga raġisa, badiva iauka dibana auka Keriso.<sup>42</sup> Va tahege auki urimime auki kerike veite matahe otinu. Gerege koita iabaki iaġoi ioa raġege; iauki behuġare iauki rugui auka beta ġare geisa.<sup>43</sup> Eduge auki kiro gevenu, “Dama Dirava basileia hari maġe gava mata be iau oti rosa; badiva au da besuġane meve aukamu ora.”<sup>44</sup> Gerege auki Dirava hari maġeve behi Iudea dubu iau ro ioavege.

## 5

<sup>1</sup> Iesu raki vani bei Ġenesareta gohu ġaika ramege, koita iabaki bebe sedegei auka Dirava gare roege iauka ihisa,<sup>2</sup> auki vanaġi abu eve ġaika eragei; ġami iabera iau rekeve reġugei keto gevege.<sup>3</sup> Auki Simona vanaġihe ġuivare, auki boriti ġahigei iauka tinakibe doġoi eve hakiraġisa. Gerege auki guramare vanaġiva seni koita gaġa gevege.<sup>4</sup> Auki koita gaġagei kosavare, auki Simona kironu, “Tinabe virehe dobukehe otare renu reke maemiahe noma ei karava be misa.”<sup>5</sup> Simona kironu, “Di Biage, nokamu vahi ketake oige noki korahi raġohi iaġa be mimi veite. Edube a roiare, daka oi reke ġaġiremire vara.”<sup>6</sup> Iauki au rone kiego, karava dadaġava raki iau rekehe uguhi gerege iau rekeve tage isukahe dariġohege.<sup>7</sup> Gerege iauki iau soukuhe iau vanaġihe ihirogei iauka iahe geisa. Iauki vanaġi abu ruġa karava udai toboġagei, vanaġiva ġainage isukahe eve uguraġege.<sup>8</sup> Edube Simona Petero raki eraġare, auki ġorumi ate Iesu komukone ġereġere ġahi, gavi roege, “Dai seni veite ġoi, Rohi Bauge, daka daure koita vara!”<sup>9</sup> Badiva au mati oġoreana iau ruġa ge iauki ġaġu raġohi iau negu karava ġamane eraġane;<sup>10</sup> renu iau ruġa ge ramu Sebedaio ġamuhe, Iakobo mati Ioane, iauka Simona vasiruhe iabaki. Gerege Iesu raki Simona kironu, “A negu siġoime, negu vani otare iau aka koita ididi vara.”<sup>11</sup> Iauki iau vanaġive abu ruġa idigei gohu ġaika ġosigare, iaġa inuhati ġaregevere iauki au itahe oġinu.<sup>12</sup> Vani beige auka oġo bei, ata bera lepera raki ahataniva uhuġatu ġodomanu. Au niġahi Iesu eraġane, auki au vaġotoni edemi ġorumare auki imiġanu, “Di Rohite, ana da maġe ġahiġa vanu, akaki avaġu hedokate ana kisa.”<sup>13</sup> Gerege Iesu raki au ade inuġi kamuare, auki kironu, “Eige daki aki ronnu aka maġe ġoiġo vara.” Tutube viege negu lepera eraki ġaremanu.<sup>14</sup> Mati auki kironu auka beta koita be kirosa. “Ote,” auki kironu, “oti dubu ġahe iau ġaġae ġoisa, mati, Mose aena rone, iama badiva koita boriti ġahigeisa akamu maġe ġoinu.”<sup>15</sup> Eduge Iesu badine raki hakivime mata inuhati iau; koita iabaki iau bouge bouraġohi au gare ihisa mati iau dikave maġe ġahigeisa.<sup>16</sup> Edube auka ġaregei hakivi oti kerike veite matahe auna imimi otisa.<sup>17</sup> Vani bei, Iesu gure hadiba viege uhurage, Faresea mati aena ġahava iabaki gura gurave (iauka Galileia renu Iudea oġova inuhati seni iauki oroġi, mati Ierusema seni); gerege Rohi Bauge hedoke ra au uhurehe ge auki koita maġuri ġahi gevege.<sup>18</sup> Gerege koita be iabaki atabe ahataniva hoeke au iaġia gedake ruta hirihita mi oroġonu. Iauki mioroġisa Iesu vaġotoni maemisa;<sup>19</sup> eduge koita dadaġa iau dainehe iauka ġuma veite siri raġira, gerege iauki mi iaga ġurida ada otare iauki vakava kiare iauki mi koita dadaġa iau vaġa mi uguraġohi Iesu vaġotoni maemanu.<sup>20</sup> Auki iau ihihive renu herove eraġare, auki ronnu, “Di Vasiruhe, riaġa vara daki roma, Dirava ramu iai daureve keto gevenu.”<sup>21</sup> Gerege dubu biava mati Faresea ġahava iaberaki bebe beragei, “Ona unuhuna onaki Dirava gare vima? Koita bera beta riaġahe ni daureve ketogei gevare, eduge Dirava avaġugera?”<sup>22</sup> Eduge Iesu raki iau uhurehe berabe raġohi, auki kiro gevenu, “Esemena ia berabe ona kikive raġa

iai sorukehe? <sup>23</sup> Orena berebe veite, auna rosa, Ai daureve aumu keto gevenu, se auna rosa, Urimi ramara oġi? <sup>24</sup> Eduge ama dibana ġoisa Koita Ġamika vara hedokate vata ada oi auna ai daureve ketoisa”—auki ahataniva hoeke boriti ġahanu —“akera daki aki roma, urimi ramare renu ai gedake miare ama bina ai iagehe otisa.” <sup>25</sup> Inono veite auki iau vaġotoni urimare, au adahe iaġare gedava miare au iagehe otinu, Dirava gure motea ġahege. <sup>26</sup> Iauki iau bouge heġiriva raki idigei, renu iauki Dirava moteġahi mati soru hiroro raġi, roege, “Nokamu vani oigera no ġuma erageige veite noki eraġevenu.” <sup>27</sup> E itaharahege auki hakivi otime auki tax idigare atava be, ihivara Levi, auka au me iagahe gura gurave eraġanu; auki kironu, “Di itahe oroġo.” <sup>28</sup> Gerege auki urimi iaġa inuhati garegevare, au itahe oġinu. <sup>29</sup> Gerege negu Levi ata eraki au iagehe Iesu ni demaka ketake be kime; eige au me soukuhea mati koita be ġainage iau ruġa tamuta raġege. <sup>30</sup> Eige Faresea ġaha renu iau dubu ġahatuhe iabaki namina raġi au ġamituhe iau, roege, “Otavado dainehe au gure tax ididi ġaha mati daure ġaha ruġa au tamuta vima?” <sup>31</sup> Iesu raki ronnu, “Oġoreana iana maġe ianu iaka beta iahe iahe iaġoia vara, eduge dika raġare ġahava iavahu gena; <sup>32</sup> Da oroġane ra beta maġe koita iau gera eduge daure koita au ġuma daureve ġaremi ġoirāġane iau gera.” <sup>33</sup> Gerege iauki kironu, “Esemena ioane ġamituhe, renu Faresea koitavaia iau ġainage, tamuta veite iauki imimi raġa, edube ai ġamituhe iabera tamuta raġoha.” <sup>34</sup> Iesu raki kiro gevege, “Ana riaġahe ata isaġe be maġi mane au deiva tuhe kirogei iauka beta tamuta raġisa, se? <sup>35</sup> Vani be orogare eige ata isage maġi mane iauka so mi ġeahu otito vara, gerege vani eige iauna tamuta veite gahisa.” <sup>36</sup> Auki mati badigomu be boriti ġahi gevenu: Koita bera beta riaġahe ogona isaġe baraka be miare ogona emene be bani bani vara; ena ġoiare isaġe era dariġoġoġo vara, renu isage baraka era emene ġorehe beta ġere ġereve raġira vara. <sup>37</sup> Mati koita bera beta ġadiki isaġe mi vada emeneva bouhubo vara; veite ġoiare ġadiki isaġe vadakava dariġohare renu bohu raġira vara, mati vadakava tage daure ġoġoara. <sup>38</sup> Eige iama ġadiki isaġe mi vadaka isaġeva bohuġisa. <sup>39</sup> Mati bera beta ġadiki emene iare itaharahe ġadiki isage maġeva rosa, edube auka roro vara, Emene eraki maġe riaġa.”

## 6

<sup>1</sup>Sabadi vani beige Iesu raki koni ġeġe oġi otege uhura, au ġamituhe iabera koni omoto ada butugei idigi iege. <sup>2</sup> Eduge Faresea koita be iaberaki beraġanu, “Esemena ai ġamituhea aena dodoi sabadi vaniva ġuma vire kia?” <sup>3</sup> Iesu raki ronnu, “Iana Davida au soukuhe ruġa ġuburaġoġi kine dahida veitenu?” <sup>4</sup> Aukamu Dirava iaga aenave otare auki parao Aena ġahi maemane auki idigi iege, parao era aena vara koita nune bera beta isa edube dubu bauge iana iavahu isa, mati be idigime auki au soukuhe mohigei iauka isa?” <sup>5</sup> Gerege auki boriti ġahigei ronnu, “Koita Ġamika vara sabadi roġivara.” <sup>6</sup> Auki sabadi vani bei dubu otime auki Dirava gare viege, atabe tage uhurahe gura gurave auki au ada vamaġa vera hoekera. <sup>7</sup> Dubu biavaia renu Faresea ġahava iabaki eraġege auna negu ata e maġe ġahiġa vanu sabadi vaniva, gerege iauka kirosa aukamu ni aenave auki dodoanu. <sup>8</sup> Edube Iesu ra iau uhu ananave dibana, eige auki ata ada hoekete kironu, “Urimi oroġi oi rama.” Auki ei urimi ramanu. <sup>9</sup> Gerege Iesu raki kiro gevenu, “Iake daki ia berageima, auna aena vanu no maġe kiare se nona sabadi vaniva daure kisa, se nona koita be maġuri ġahisa se nona daure ġahisa?” <sup>10</sup> Auki niġahi inuhati eragei oriġare, auki ata e kironu, “Ai ade inuġa.” Auki au ade inuġege au ade raki maġe ġoinu. <sup>11</sup> Eduge iauki hoġahi mati bebe gaġagei iauna orenaki Iesu kisa. <sup>12</sup> Auka vani eiau gera nimu ge auki otime auki imimi viege; renu auka vahi uhuġatu ge auna Dirava ġasina imimi visa. <sup>13</sup> Va tahege, auki au ġamituhe au utube-abu idigevene ihirogei, auki aposetolo rogei ihiva iaukamu onu. <sup>14</sup> Simona, auki ihiva ronnu Petero, renu au ġoġe Anderea, renu Iakobo, renu Ioane, renu Filipino mati Batolemeo, <sup>15</sup> renu Mataio, renu Toma, renu Iakobo auka Alfeos moera, mati Simona, auki ihiva kinu Selota, <sup>16</sup> mati Iuda auka Iakobo moera, mati Iuda Isakariota auka bi kiki koita. <sup>17</sup> Auki iau ruġa uguhime auki vata ieririva rami, au ġamituhe dadaġa ruġa renu koita dadaġa ġainage Iudea uhuġatu, Ieruselema seni, mati Taire renu Sidiona eve kasiva oġova iau. <sup>18</sup> Iauki oroġi Iesu gare ihare renu iau dikave maġe ġahigei; mati bea sua daure idigevenu auki maġe ġahi gevenu. <sup>19</sup> Mati koita inuhati iauki gahara raġi kamuisa, eige au hedoke raki au seni hakivime auki dika koita inuhati maġuri ġahi gevenu. <sup>20</sup> Gerege auki au ġamituhe eragevare auki ronnu: Goroa ġaha iabera maġera, badiva Dirava basileia vera iau era. <sup>21</sup> Iana negubutu ġuburaġoha iabera maġera, badiva iai dera bu raġira vara. Iana oġoreana ia huhu naġoha iabera maġera, iaka heġiri raġira vara. <sup>22</sup> Koitaia iana a enana ġaha, iau a besibe ġaha, mati a namiġa, renu iai ihe daure ġahi besibe ġaha, badiva Koita Ġamika Moe dainehe, ama heġiri visa. <sup>23</sup> “Ama vani ei heġiri raġisa, badiva damuna ketake vara vava gera; eramu iau vahiruhe peroveta ġaha iau kiege naġatera. <sup>24</sup> “Eduge uhudau ana ada-bubu koita vanu, eramu ai damune aki manu. <sup>25</sup> Iana negubutu iai de na bu raġanu, iaka so ġubu raġohira vara. Iana negubutu gena ia tati raġa, iaka so huhu naġoġi niġo raġira vara. <sup>26</sup> “Iana Koita iana ia maġeve gava raġa, eramu iau tene gahatuhe peroveta avaunaġe ġaha iau kiege naġatera. <sup>27</sup> “Eduge da uhuamare ġahavaia iama ihisa, iama ia enana ġahavaia iama maġe ġahigeisa, ia besibe ġahi gevare iama maġe ġahigeisa, <sup>28</sup> iai ġuma daure kiare ġahavaia iama maġe ġahigeisa, daure kiare ġahava iau ada ama imimi visa. <sup>29</sup> Edube koita be ai tihie madavege, ama hakirava tage moimisa; mati iau bena ai ahatane ogonava idigima a negu ruġugei ġoirāġime. <sup>30</sup> Koita bea ai imimi raġa ama moimisa; mati koita bea ai iaġane idigevare, a negu iau ro ġoirāġime. <sup>31</sup> Ġuma kobuġa a kiare naġate iauna so enaki ai kiare. <sup>32</sup> “Iana ia maġe ġahi gevare ġahava ia maġe ġahigeva, ena otavado maġe be mi ororo vanu? Daure ġahava ġainage maġe ġahi gevare maġe ġahigeva. <sup>33</sup> A koita be maġe ġahare ai maġe damune, ena otavado maġe be mi ororo vanu? Daure gaha gainage ġuma kobuġe iauna kisa. <sup>34</sup> Ana koita be iauena a mohi gevare iauka a moimi ġoirāġohisa, ena otavado maġe be mi ororo vanu? Daure ġahava ġainage daure ġaha iaue kia, iauka so tinabe mi ġoirāġohisa. <sup>35</sup> Eduge ama a enana ġahare maġe ġahi geisa, renu aue kisa, edube a negu damuna anaime. Ai damune ra ketakera vava, erehuta Rohi Vava uiare au ġamuhe ġahiga vara; aukamu enana raġare mati daure ġaha auki maġe ġahigeima. <sup>36</sup> Ama vaġahu visa, negu ai Mame vaġahu viare naġate. <sup>37</sup> A negu berabe vime, eige

iauka beta a berabe vara; renu a negu be sine kime, badiva iau negu ai sine kime. Ama vague gahigeisa, gerege iauna aie vague gahisa;<sup>38</sup> moima, eige auna a moimisa. Ai guma maģeve, ama kamui kobuģa ġahi vaģava gahisa, auna tobo raģisa, iauna mi ai ada maemisa; eige a miare eramu a moimane era.”<sup>39</sup> Eige auki mati badigomu be kiro gevenu: Riaģahe koita be ni kopute bena au naģate ni kopute be nisiģami ġamiģa vanu? Iauna beta iau abu aba uhura desuraģi raģira vanu?<sup>40</sup> Ģami bera beta au biage variada ġoiģo vara, eduge unuhuna uhuvakate koita vanu eramu au biage naģate ġoiģoara.<sup>41</sup> Esemena ai oģo nane niehe idi tarana eraģima, eduge aka ai niehe aie era aka erara veite?<sup>42</sup> Se orenaki gena a ai oģo nane kiroma, Vasi, da ai niehe idi tarana emi hakivima, aka ai niehe era aka erara veite? Tarata ġahaia, uriģahi ai niehe idi tarana mi hakivare, gerege ana reģunaki niģa niģa viare ana ai oģo nane niehe aue mi hakivisa.<sup>43</sup> “Idi maģe bera beta madika daure kiki vara, se idi daure tage beta madika maģe kiki vara; <sup>44</sup> eige idi inuhati ge au madikehe ana dibana ġahisa. Aka beta idi tahaka be ġati daure iau mimi vara, se aka beta idi madika maģe be gahara uhura mimi vara.<sup>45</sup> Koita maģe be au soruke maģenu auka iaģa maģe kikivara, mati koita daure be au soruke daurenu auka daure kikivara; eige ai soruke uhuģatu maemare era aki gavi roma. Iaģa Ģaika Abu<sup>46</sup> “Esemena a daki roma Rohi Bauge, Rohi Bauge, eduge aka da aki roiare kiki veite? <sup>47</sup> Daka koita be di ġasina oroģare, di gare ihare, mati ġumahe maģuri viare, dana a ġaģiromisa.<sup>48</sup> Eramu erehuta ata be au iage ġone naģate, auki aba rohi dobuke ġahare muni ada ġaikava kinu; ei taģo raki ġadimi auhe au iage vaģava ġahi, eduge auka vaģava veite, badiva au ġaikera muni ada ge auki ġonu.<sup>49</sup> Eduge unuhuna ihinu edube auka maģuri ġahiģa veitenu, era erehuta negu ata be au iage vata ada ġone ġaikava berebe veite. Eiga eia taģo oroģane, ġamana veite au iage desuraģi renu iaģa inuhati daure ġahanu.”

## 7

<sup>1</sup> Iesu koita gagagei kosavane itaharahe, auki Caperanaum otinu.<sup>2</sup> Tuari biava besubesu ġamive au ġahara viare ġami maģeva bera. Auki dikai ġamana veite auki ni kumuisa vima.<sup>3</sup> Negu tuari bia eraki Iesu harike ihime, gerege auki Iuda ata bauge be besugei Iesu ġasina, iauka imiģege auka oroģi au besubesu ġamive maģuri ġahisa.<sup>4</sup> Iauki Iesu ġasina haki raģi iauki imiģanu, “Ata ora koita maģe bera ana beta iahe iahe vanu,<sup>5</sup> badiva auka ni koita tuhe iau ġahara vima eige auki ni dubuve oi ġonu.”<sup>6</sup> Eige Iesu raki iau ruga otinu. Auka ġamana veite au iage tuari baiva raki au vasiruhe besugei iauka kirosa: “Rohi Bauge, a negu ai uhure huhu ġahime, daka maģe veite ai vaģotoni a di iagehe ġadimare.<sup>7</sup> Eige daka anana veite daka ai ġasina oroģisa badiva daka maģe veite ai vaģotoni. Eduge gaģuva, gerege di besu besu ġamive ramu maģuri visa.<sup>8</sup> Da tage koita be aena derikehe daki me mima, besu besu ġamituhe ġainage di derikehe. Daki boriti ġahigeima, Ote, gerege auna otisa; mati au tage, Oroģo, gerege auna oroģisa. Damu di ġamituhe boriti ġahi, Ama o kisa, gerege auna kisa.”<sup>9</sup> Iesu au gare ihine negahe au soruke raki au iage mi, auki aniģoi koita au itahe ioa ragege, boriti ġahigei, “Iakera daki ia kirogeima, daka koita be au ihihive onakikive Isaraela uhura se be behube veitera.”<sup>10</sup> Gerege au ġami besugevene iaberaki ġoiraģohi iaģahu oroģime iauki negu dika ata eraģege auka maģe ġoinu.<sup>11</sup> Ģamana veite, Iesu au ġamitue renu koita dadaģa ġainage iau ruģa, oģo be ihivara Nain otinu.<sup>12</sup> Iauka oģo hakiraģi siri raģisa roege, koita iabera hoģe ata be hirivi haki raģohi—negu ata era maģi ġobu be moe kobuaģa vara. Oģo ġaha dadaģa ġainage maģi e ahata moimi iau ruta.<sup>13</sup> Rohi Bauge eraki niģahi eraģege, au sorukehe vaģahu ġahare, auki kironu, “Nivisa ġarema.”<sup>14</sup> Gerege auki oģi otime auki hoģe ata udavane mauava kamuare, renu hirivane ġahava iabera rahi rahe. Auki ronu, “Di oģo nane, daki roma, urima!”<sup>15</sup> Negu hoģe ata eraki urimi guramare renu ga vege, gerege Iesu raki ġami emi au neine moimi ronu, “Ai moe one.”<sup>16</sup> Iauki soruraka raģi renu Dirava moteģahi, roege, “Peroveta bauge be raki o ni vaģotoni ġaģae ġoinu!”<sup>17</sup> Iauki au gare ro ioa raģi Iudea matava inuhati mati au oriģi matava iau ġainage.<sup>18</sup> Ioane ġamituhe iabeki iaģa inuhati boriti ġahi. Gerege Ioane raki au ġamituhe abu ihirogei gaģagei<sup>19</sup> mati besugei iauka oti Rohi Bauge beraģisa, “Ana iau koita roiare auka oroģisa, se nune bena oroģisa vima?”<sup>20</sup> Negu ga roro atava abu ruģage raki Iesu ġasina otime, iauki beraģanu, “Ioane Babatise raki no besugei noka a beraģisa, Ana iau koita roiare auka oroģisa, se nune bena oroģisa vima?”<sup>21</sup> Iesu ra negubutu koita dadaģa maģuri ġahigei iau dika nune nuneve iau, dika daure koita huhu ġahigei, renu koitaia sua daure idigei, mati koitaia ni tubukate iau nie baogei.<sup>22</sup> Gerege auki boriti ġahi gevenu, “Otiahe iama Ioane kirosa ia eraģane renu ihine: koita ni kopute ramu niģa niģa raģa, oģiģi veite ramu oģia, lepera koitava ramu maģe ġoinu, ihiko veite ramu ga iha, hoģe koitava ramu urimanu, koita goroa iaberamu hari maģe ihinu.<sup>23</sup> Ana unuhuna ana da daure ġahiģa veitenu ama heģiri visa.”<sup>24</sup> Ioane ġamituhea otege, Iesu raki koita gaģagei Ioane badine roege: “Ana otavadoana a mata ġaģaeva oti eraģanu? Ana nono ġugui idi hanaka vaģa viege ena a oti eraģanu?”<sup>25</sup> Veite tage, otavadoana a oti eraģanu? Se atabe ahatane ogona maģe kine enu? Veitera, oģoreana oģona damu ketakete kiare ġahava iaberamu rohi iau guragu maģe maģurihe ge iauki ġuraha.<sup>26</sup> Eduge otavado erarava na otinu? Peroveta benu? Riaģava daki roma, mati auka beta peroveta eģugera gera.<sup>27</sup> Oramu iau ro maemane auka onu: “Dakamu uriģatu di besubesu koitave besuģi otima, aukena uriģoi oti au ġumaģe kisa.”<sup>28</sup> Iakera daki ia kirogeima, iai vaģotoni iana koita ġamika ianu bera beta Ioane variada gera; eduge koita goroa be Dirava basileiave uhura eraki au variada.”<sup>29</sup> (Gerege koita inuhati au gare ihine, tax gogoare ġahava ġainage ihinu, iauki Dirava moteģahi, badiva iau ġainage Ioane raki babatise ġahi gevenu.<sup>30</sup> Eduge Faresea mati aena ġahava iabera Dirava iau meve rone besibe ġahime, iauki au babatise ġahigeige tage besibe raģanu.)<sup>31</sup> “Gerege dana negu orenaki tau o ġahavaia ġereģere ġahiģa vanu, renu iauna orena raģira vanu?”<sup>32</sup> Iaukamu momona iau naģate oroģo ġurarahere gure bebe eragei to raģoha, Noka noģo raģa, edube aka iaveia veite; noka niģo raģa, edube aka nina veite.<sup>33</sup> Edube Ioane Babatise oroģane auka demaka renu ġadiki be i veite, mati aka roma, Auka sua daure raki au uhura; <sup>34</sup> Koita Ģamika oroģane ra auka tamuta vima mati eia ima, aka roma, Eraģiahe, tamuta niģu be renu ġadiki daure iare koitava, tax gogoare iau

vasire mati daure gahaia!<sup>35</sup> Eige, uhuvakava orogane au gamuhe inuhati gainage iau gera.”<sup>36</sup> Faresea ata be raki Iesu beraḡi auna beta au ruta oti au iagehe tamuta raḡira vanu, gerege auki ata e ruta au iagehe otime auki tamuta patava gurahanu.<sup>37</sup> Oḡo eige maḡi bera, auka ḡuma daure maḡi vara, auki ihinu Iesu ra Faresea ata be iagehe auki tamuta vima, gerege auki dehoru ḡutika maḡete be mimita otinu.<sup>38</sup> Auki oti Iesu vasi ḡaika ḡorumime, auki nivige, au nemotane ra au vase degide ḡahege gerege auki au omo hanakehe dahuḡi koriko ḡahege. Mati au vase anoḡei dehoru ḡutika maḡeva dahu ḡevege.<sup>39</sup> Negu Faresia ata ihiromone eraki eraḡare au uhuruhe roege, “Ata ona peroveta koita vanu, auna dibana veitenu ona maḡi orena gure kamuima—auka beta maḡi maḡe vara.”<sup>40</sup> Gerege Iesu raki gavi kironu, “Simona, daka iaḡa be aki roro vara.” Auki ronu, “Di Biage, gava, otavado a da kirosa roma.”<sup>41</sup> Ata abuge ra ata be moni ni tabata ḡahare au ḡasina; bera tinahu adakasiva manu, mati bera utu adakasiva.<sup>42</sup> Eduge iauki damuna ki ḡoiragohira veite, gerege auki uhudau ḡahigeime auki iau abu moni mane sebo gevenu. Eige orena raho ḡahi maḡe ḡahisa vima?”<sup>43</sup> Simona raki ronu, “Daka roma moni ketake mane atava.” Gerege Iesu raki kironu, “Aka riaḡa vara aki ronu.”<sup>44</sup> Auki aniḡoi maḡi e eraḡare, auki Simona kironu, “Ana maḡi o eraḡima? Da ai iagehe ḡadimi, aka eia be kiki veitera di vase ketoisa, eduge auka au ni nemotahe auki di vase keto vare auki au omo hanakehe dahuḡi koriko ḡahanu.”<sup>45</sup> Aka da oroḡi ḡadimi akamu da anoano veitera, eduge auka da ḡadimi aukamu di vase anoḡi netu netu veitera.<sup>46</sup> Aka di omote dehoru ḡahiḡa veite, eduge aukamu di vase auki dehorova dahuḡi.<sup>47</sup> Eiger, daki aki roma, au daureve iana dadaḡa vanu, aukamu keto gevenu; badiva au maḡeve ketake auki ḡaḡae kinu. Eduge daure avie ḡahi ketovare, au maḡeve aviera.”<sup>48</sup> Gerege Iesu raki negu maḡi e kironu, “Ai daureve aukamu keto gevenu.”<sup>49</sup> Edube au ruta tamuta patava gurahane iabeki iavahu bebe beragei, “Ona unuhunu koita iau daureve ḡainage auki maḡe ḡahima?”<sup>50</sup> Gerege auki maḡi e kironu, “Mai ruta ote; ai uhu berebeve ramu a maḡuri ḡahanu.”

## 8

<sup>1</sup> ḡamana veite Iesu raki oḡo bauge mati avie iau otime, auki Dirava basileia hari maḡe badiva ro ioavege. Au ḡamituhe utube-abu ḡainage au ruta,<sup>2</sup> maḡi bea sua daure mati dika nune nune iau uhura Iesu maḡe ḡahi gevene ḡainage: Maria, auka Maḡadala maḡi vara, auka au uhura sua daure iatiriḡa oiagei haki raḡi,<sup>3</sup> mati Iona, auka Heroda ḡami baugeve be Kuisa mabare, mati Susanna, renu be ḡainage oroḡi iau iahe geisa.<sup>4</sup> Koita dadaḡava raki oḡo bauge mati oḡo avie iau Iesu ḡasina oroḡi, gerege auki badigomua gaḡagei roege:<sup>5</sup> “ḡeḡe kiki koita be raki au demaka iaka beḡibeve otime; gerege au beḡi beḡi viege uhura, iaka be iabera ḡumaḡa desuraḡohi koita iabera adahe oḡi, renu be iabera uguha vava ioa raḡare iabera iogei.<sup>6</sup> Be iabera muni ada desuraḡi; auka koboraḡi ḡadimi auki mae raḡohi badiva degide veite dainehe.”<sup>7</sup> Be iabera ḡati uhura desuraḡohi, renu ḡati raki au uhura kobo raḡi ḡadimi hoeki gevenu.<sup>8</sup> Be iabera vata maḡeva desuraḡohi, iauki kobo raḡohi, au madike dadaḡava maka kinu.” Auka enaki gavi, mati to gavi roege, “Ana ihikotenu ama ihisa!”<sup>9</sup> Gerege au ḡamituhe iaberaki beraḡanu au badigomu rone makava.<sup>10</sup> Iesu raki ronu, “Aukamu Dirava basileia gare iorena ia mohi gevenu; eduge be iaugera daka badigomua roege, eige iauka iaḡoisa edube iauka beta erara vara, mati iauka ihisa edube iau uhure beta bao raḡira vara.”<sup>11</sup> “Badigomu makava ramu onu: Dirava gare ramu demaka iaka vara.<sup>12</sup> Tahaka bea ḡumaḡa desuraḡane iabera au gare ihine; edube diabolohi raki oroḡi iau sorukehe idigei ḡeahu otinu, eige iauka beta riaḡa ḡahiḡa mati maḡuri raḡisa.”<sup>13</sup> Tahaka muni ada desuraḡohi iabera koitaia au gare ihare, mati heḡirita ge iauki manu. Eduge iau ḡaikera berebe veite; eige iauka negubutu au gare iha edube iau tohogei ḡamana veite iauka desuraḡa.<sup>14</sup> Tahaka bea ḡati uhura desuraḡohi, iauka au gare ihinu; eduge iau otege uhura, iauka ahata maka uhu korahi renu maḡuri raki idi gevenu, eige iau madike ra berebe veite.<sup>15</sup> Eduge vata maḡeva desuraḡohi iabera, au gare ihine, iauki riaḡa ḡahi renu soru maḡe ruta kamui berebe ḡahanu, eige auki madika maḡe dadaḡa kinu.<sup>16</sup> “Koita bera beta lamepa raḡare mi iaḡa bei baku baku vara, se mi au iaḡia gedake derikahe maemisa, eduge auka mi auhe ge auna maemisa. Eige koita bea siri raḡa iauma abagava eraḡisa.”<sup>17</sup> Eige ḡoḡohu iaga bera beta ḡaḡae ḡoḡo vara, se iorena iaga benu aka beta ihihhi vara mati beta erara vara.<sup>18</sup> Gerege ama reḡunaki ga ihisa; aute koitava, auka dadaḡa moimisa; renu aue veite koitava, otavado iau ḡasina auka so iau mimi vara.”<sup>19</sup> Gerege Iesu neine mati au ḡoḡuhe ruḡa iauki au ḡasina otinu, eduge koita dadaḡa iau ḡumaḡehe dainehe iauka au ḡasina otito veite.<sup>20</sup> Renu iauki boriti ḡahanu, “Ai neine renu ai ḡoḡuhe iauka me itahe a eraḡisa roia.”<sup>21</sup> Eduge auki kiro gevenu, “Di neine mati di ḡoḡuhe iabera Dirava gare ihare mati meva kiare ḡahava iabera.”<sup>22</sup> Iesu vane beige auki au ḡamituhe ruḡa vanaḡiva gurahi, auki kiro gevenu, “Noka gohu hakirahe otito vara.” Gerege iauki eve doḡoi otege,<sup>23</sup> edube iau eve otege uhura ge auki iaḡanu. Nono ketake gugui veni ruta, mati eia gure vanaḡiva tobo raḡi ḡadimi, mati iauki siḡo raḡohege.<sup>24</sup> Iauki au ḡaika otime iauki ḡutihi, roege, “Ni Biage, ni Biage, nona negu hoḡe raḡohira vanu!” Gerege auki urimi nono mati eve namigei; iauki netu raḡi, keru ḡahi kosai.<sup>25</sup> Iesu raki kiro gevenu, “Iana da riaḡa ḡahi veitenu?” Iauki siḡo raḡi mati ga raḡi bebe beragei, “Gerege auna unu hunu, au nono mati eve gaḡa geima, iau ḡainage au gare iha?”<sup>26</sup> Gerege iauki Galileia gohu hakirahe oti ḡeresene vata haki raḡohi.<sup>27</sup> Iesu raki vanaḡiva ḡoromi vata ada rami, auki ata be sua daure mane eraki oḡo seni oroḡi eraganu. Auka va ḡamana ge auki ogona veite ioavege renu iagahu guragu veite, eduge midava ge auki uiege.<sup>28</sup> Auki niḡahi Iesu eraḡare auki nivi au vasi ḡaika ḡorumime, gavi barai roege, “Iesu, Dirava Vava Vava au Moe, ana otavado a dai roma? Akeru daki a imiḡima, a negu da huhu ḡahime!”<sup>29</sup> Badivara Iesu raki sua daure ata e uhurehe oiahi hakivanu. (Vani dadaḡa sua daure eramu au uhura uguhi se auka omo daureva ḡoi; renu iauka mi auriva raro maemi nitabata ḡahisa, eduge auka bokoi renu sua daure eramu mi otima vata ḡaḡae hakivima.)<sup>30</sup> Gerege Iesu raki beraḡanu, “Ai ihena unuhu?” Auki onaki ronu, “Teri teri”; badiva sua daure dadaḡava raki au uhura ugu raḡanu.<sup>31</sup> Eige iauki imiḡanu au negu oiagei vata derikahe otime.<sup>32</sup> Eiger oho teri bera nimu hedikava iauki tamuta raḡa; renu iauki Iesu imiḡanu auka besugei iau uhura ugu

raġisa. Eige auki ei besu gevenu.<sup>33</sup> Gerege negu sua daure eraki ata ei haki raġare iauki oho teri iau ugu raġare iauki kekerava ugu raġi gohu uhura eia ime iauki hoġe raġanu.<sup>34</sup> Negu oho nitabata ġahare ġahava iabaki sivigoro raġime iauki oġo otime iauki iau eraġane iaġaniva gava raġege.<sup>35</sup> Gerege koita iaberaki erarava iauki otinu Iesu gasina, iauki negu ata sua daure mane eraġege, auka Iesu vasi ġaika gura gurave, renu au ahatane ogona kinu mati au omote tage maġe ġoi; eige iauki siġo raġanu.<sup>36</sup> Renu eraġane ġahavaia ġainage boriti ġahigei negu sua daure mane atava maġuri ġahane ġumava gava raġege.<sup>37</sup> Gerege koita inuhati Ġeresene matahe gurahi iaberaki Iesu imiġanu auka ġaregei; badiva iaukamu siġo raġoha; eige auki vanaġiva ġoirāġanu.<sup>38</sup> Auki negu ata sua daure au haki raġane eraki imimi viege auka Iesu ruta otisa; edube auki besuġi, roege,<sup>39</sup> “Goiraġi ote ai iagehe, mati ama kiro geisa otavado Dirava ai ġasina kinu a maġe ġoine ama rosa.” Eige auki au oġehe otare, auki badi maġe ro ioavege mata inuhati auna orenaki Dirava au maġurive maġe ġahane.<sup>40</sup> Iesu raki ġoirāġi, koita inuhati geraki heġiri raġi, badiva iauka au oroġare iauki uhuiamege.<sup>41</sup> Gerege ata be ihiva Iairos, auka dubu bauge bera. Auki oti Iesu vasi ġaika ġorumi renu imiġi auka au iagehe otisa,<sup>42</sup> badiva au mae kobuġava, au tau era utube-abu, auka au dikave raki isuke ġoinu. Gerege Iesu otege uhura, koita dadaġava au oriġi ge iauki au haiāġohi.<sup>43</sup> Eiger maġi bera taġo auki tau utube-abu man; mati au ġasina muni tahaka tinabe auki mi iahe iahe ġaha iau damune kiege, eduge bera maġe ġahiġa veite.<sup>44</sup> Negu maġi eraki Iesu itahe seni otime auki au ogona bisukahe kamui, ġamana veite au taġo hakivege eraki netuanu.<sup>45</sup> Gerege Iesu raki berabe vanu, “Unuhuna di ogonave kamuanu?” Iauki iau bouge ġore ġore raġi, Petero mati au soukuhe iaberaki kironu, “Ni Biage, koita dadaġava raki ai ġaika a oriġi mati ai haiāġoha.”<sup>46</sup> Eduge Iesu raki ronnu, “Koita be raki da kamuanu; daka dibana negu hedo eramu dai hakivanu.”<sup>47</sup> Negu maġi eraki dibana ġoinu auka beta ġoġohu ġoiġo vara, auki siġota orogi; au vaġotoni ġorumi, auki koita inuhati iau vaġotoni gavi ronnu otavado dainehe ge au kamuanu, mati ġamana veite auka maġe ġoinu.<sup>48</sup> Iesu raki kironu, “Di mae, ai ihihive ramu a maġuri ġahanu; mai ruta ote.”<sup>49</sup> Au so gave ge uhura, koita be raki dubu biava iagehe oroġi ronnu, “Ai mae ramu hoġe raġanu; a negu bina ni biage korahi ġahime.”<sup>50</sup> Iesu au gare ihine, auki kironu, “A negu rabura vime. Ama riaġa ġahisa, auka maġuri vara.”<sup>51</sup> Auki ġoirāġi iagahu otime, auki koita bera beta au ruta sirivisa, edube Petero, Ioane, renu Iakobo, mati maiāġo e mame renu au neine iavaġu.<sup>52</sup> Iauki iau bouge maiāġo e nina ġahi, iau ġahigei; eduge auki kiro gevenu, “Ia negu niġo raġime; auka beta hoġe raġime auki eduge auka iaġiarera.”<sup>53</sup> Iauki tati ġahi, iauka dibana maiāġo ora subuta ge auki hoġe raġanu.<sup>54</sup> Eduge auki adakahe mi iagemi to barai ronnu, “Di mae, urima!”<sup>55</sup> Maiāġo e suare raki ġoirāġi, auki maġurivi. Gerege Iesu raki boriti ġahigei iauka demaka be kiage auka isa.<sup>56</sup> Maiāġo e iahuve iaberaki soru raka raġohi; eduge auki boriti ġahigei iauka beta koita be kiro geisa otavado iau eraġanu.

## 9

<sup>1</sup> Gerege Iesu raki au ġamituhe utube-abu inuhati ihirogei renu hedo mohigei iauka sua daure oiageisa mati dika raġare maġe ġahigeisa,<sup>2</sup> eige auki besugei haki raġi iauka Dirava basileia hari maġeve rosa, mati dika maġe ġahigeisa.<sup>3</sup> Iesu raki kiro gevenu, “Ia negu ioa oi iaġa be kime, iago be, se demaka be, se mame tahaka be, se ogona ġaita be misa.”<sup>4</sup> Ana iaga oreigena a ġadimi, ama ei guramisa, renu eige ana urimi otisa.<sup>5</sup> Iana oġo oreigena iau a heġiri ġahiġa veitenu, a iau oġe ġaremi ama ai vase dahuġi eramu iau ġumaġe ġaġae kisa.<sup>6</sup> Iauki ei urimi oġo inuhati iau otime, iauki mata e iau uhura hari maġe ro ioa raġege mati dika maġuri ġahi gevege.<sup>7</sup> Heroda iau biage raki Iesu kine gava ihine, au soruke raki hirorovi, badiva be iau ge auki ihinu Ioane hoġe urimi ġoirāġanu,<sup>8</sup> be iabera roia Elia raki ġaġae ġoinu, mati be iabera roia subuta peroveta be raki urimi ġoirāġanu.<sup>9</sup> Heroda raki ronnu, “Ioane ramu daki omotova dodo vanu; eduge ona unuhuna ia au gare raġa?” Auna so ġuma bei oti eraġisa.<sup>10</sup> Apostolo iabera ġoirāġohi iau kine inuhati Iesu boriti ġahi. Auki ġoġohu nisigei oġo be ihiva Bethsaida otinu.<sup>11</sup> Koita iaberaki ihinu auka otinu, iauki au itahe otime; mati auki heġiri ġahigei, renu Dirava basileia gava iau roege, renu dika ġaha maġe ġahi gevege.<sup>12</sup> Vani uguhu otege, Iesu ġamituhe iabera au ġasina oroġare iauki kironu, “No koita o besugei iau oti oġo hugure iauni demaka iaġoisa mati iaġohisa; badiva oigera iaġa be veitera.”<sup>13</sup> Eduge auki kiro gevenu, “Iaki iaga be mohi gevege iauna isa.” Iauki kironu, “Ni ġasina gera parao adakasiva mati karava abu—iauna oi demaka haevare ġahege nona oti koita o inuhati iauni demaka haevisa.”<sup>14</sup> Badiva iau ate ramu daha adakasiva naġatera. Gerege auki au ġamituhe boriti ġahigei, “Iauka iau ate utu-adakasiva gurahisa.”<sup>15</sup> Iauki ġosigei kosavare auki gurahi.<sup>16</sup> Gerege auki parao adakasiva mati karava abu, idigei vava gagai maġe ġahare auki bokoi tina tina, renu idigei au ġamituhe mohigei iauka idigei koita inuhati mohi geisa.<sup>17</sup> Iauki iau bouge tamuta raġi kosai, renu demaka momonava ġare gevene au ġamituhe iabeki bouge vare, boteka utube-abu maka kinu.<sup>18</sup> Vani bei Iesu raki avaġu imimi viege, au ġaika gera au ġamituhea, auki bera gevenu, “Koita iana otavado iau roia dana unuhunu?”<sup>19</sup> Iauki kironu, “Ioane Babatiso; eduge be iabera roia Elia; mati dadaġa ġainage roia, peroveta emene be raki urimi ġoirāġanu.”<sup>20</sup> Gerege Iesu raki kiro gevenu, “Edube iana otavado ia roia dana unuhunu?” Petero raki kironu, “Keriso Dirava iera.”<sup>21</sup> Auki gavi aena ġahi gevare roma iauka beta koita be boriti ġahisa,<sup>22</sup> roege, “Koita Ġamika so huhu naġina vara, mati koita baugea, dubu biavaia, mati aena kiare ġahevaia iauka besibe ġahiġa vara. Mati iauka ġami hoekisa, eduge auka vani abigaġa ġoiege auka urimi ġoirāġira vara.”<sup>23</sup> Gerege auki inuhati kiro gevenu, “Ana unuhuna di itahe oroġima, iama iaġa inuhati ġaregei mati vani inuhati au satauro agohare di itahe ama oġisa.”<sup>24</sup> Iana oġoreana iai maġurive kamua iaka dauda vara, eduge iana di dainehe iai maġurive dauġa iaka maġuri raġira vara.<sup>25</sup> A mata o uhuġatu miare ana otavado maġe be misa, eduge ana dauraġisa se ana veite ġoisa?<sup>26</sup> Oġoreana di dainehe se di gare dainehe variva raġa, Koita Ġamika tage au maġe ruta oroġare au variva vima, mati au Mame vava uiare au aneru aenave ruġa au maġeve.<sup>27</sup> Eduge riaġa vara daki roma, koita bea oi rahirahe beta hoġe raġira vara, edube urigahi ge iauna Dirava basileia eraġisa.<sup>28</sup> Vani abuġu-veite itahe, auki Petero, Ioane mati Iakobo nisigei iauki nimu ġadihi imimi otinu.<sup>29</sup> Au imimi viege uhura,

au eravaḡe raki nune ḡoi, mati au ogonave tage kae abagave ḡoinu.<sup>30</sup> Ḡamana veite iauki ata abu eragei, Mose mati Elia au ruta ga raḡege.<sup>31</sup> Iauka iau abu eravaḡa maḡe ruta ḡaḡae ḡahi. Au hoḡeve gava raḡege, au oti Ierusalem a basu basu.<sup>32</sup> Petero mati au soukuhe ruḡage iaḡohiave; eduge iau iaḡohia veite uhura iauki Iesu eravaḡa maḡeve renu ata abu au ruta rahane era gevenu.<sup>33</sup> Iauki garehisa rome Petero raki Iesu kironu, “Ni Biage, maḡera noki aruta oi oroḡanu; eige no dubuka abigaḡa kia, bera aie, bera Mose ie, mati bera Elia ie”—auka anana veite auna otavodo au ronnu.<sup>34</sup> Au onaki gavege uhura, ori bera iau variada bakugei; iauki siḡota ori uhura siri raḡohi.<sup>35</sup> Gerege eno be raki ori uhura seni oroḡi roege, “Ora di Moe, da rone Ḡami vara; iama au gare ihisa!”<sup>36</sup> Eno e gavi kosavege, Iesu ra avagu rami rame. Iauka gava koita be kiego roro veite vani ei iau iaḡa eraḡane.<sup>37</sup> Va tahege Iesu mati au gamituhe abigaḡa ruḡage iauki nimu seni ugu raḡohi, koita dadaḡava raki erarava oroḡonu.<sup>38</sup> Gerege koita dadaḡa iau uhura ata beraki to ronnu, “Di Biage, akera daki a imiḡima so di moe eraḡa; auka di moe kobuḡa vara.<sup>39</sup> Auka sua daure raki au uhura sirivare aukamu barai; aumu vata kiravi ate au avagehe saba ramu hakivi, mati auka beta vaina ḡareḡa ate aukamu rabura ḡoima.<sup>40</sup> Daki ai ḡamituhe imi gevenu iauka sua daure oiaḡa, edube iauka kiki veitera.”<sup>41</sup> Iesu raki ronnu, “Iakamu tau oi ihihi ḡamika ḡamika mati ga ihihi veitera, dana ia ruḡa onaki guragu ḡamana vanu mati iai maḡuri ona kikivenu? Ai moe mi oi oroḡo.”<sup>42</sup> Negu ḡami oḡi otege uhura, sua daure eraki vata kirai auki ḡabubu viege. Eduge Iesu raki sua daure e namiḡi oiahi hakivare, auki ḡamiva maḡe ḡahare mi au mame moimanu.<sup>43</sup> Iauki iau bouge Dirava hedoke eraḡime iauki ḡaḡu raḡohi. Iesu raki au Hoḡeve Gava vanu. Koita inuhati gure heḡiri raḡohege, Iesu raki au ḡamituhe kiro gevege,<sup>44</sup> “Tama iai bouge da gavare uhu maemisa: Iauka Koita Ḡamika bive kiare iauna miare koita mohigeisa.<sup>45</sup> Eduge au ga rone iau uhure so bao raḡira veite; au makera iau ḡoḡohu gera eige iauki erara veite. Mati iauki siḡo raḡime iauki au gavane berabeve veite.<sup>46</sup> Iauki iau vaḡa heḡade raḡohi unuhuna iau vaḡotoni bauge?”<sup>47</sup> Eduge Iesu ra iau uhu ananave dibana eige auki ḡami gamika be mi iau origi maemare,<sup>48</sup> auki kiro gevenu, “Ana unuhuna ḡami ḡamika o maḡe ḡahima di ihehe era daige auki kima, renu unuhuna da maḡe ḡahima auka da besuḡane koitava auki maḡe ḡahima; eige iai vaḡa unuhuna avienu eraki bauge.” Unuhuna a besibe ḡahiḡa veitenu auka aigera<sup>49</sup> Ioane raki ronnu, “Ni Biage, nokamu atabe noki eraḡege auki ai ihehe sua daure oiaḡe hakivi, gerege noki boriti ḡahi auka beta kisa, badiva auka beta no ruḡage auki oḡima.”<sup>50</sup> Eduge Iesu raki ronnu, “Ia negu besibe ḡahime, unuhuna ia betia ḡahiḡa veitenu, auka iai gera.”<sup>51</sup> Au ḡadimi vava vaniva kahika ḡoiege, auki uhu kinu auka Ierusalem otisa.<sup>52</sup> Gerege auki urigatu au ga ḡahatuhe besugei. Iau ḡumaḡa otege uhura iauki Samaria ḡaha iau oḡehe siri raḡohi boriti ḡahigei Iesu ororove iauna uhuimisa;<sup>53</sup> eduge iauka au ororove heḡiri ḡahiḡa veite, badiva Iesu ramu uhu kinu auka Ierusalem auna otisa.<sup>54</sup> Au ḡamituhe Iakobo mati Ioane iabaki eraḡari, iauki ronnu, “Rohi Bauge ana esegena a roma, nona roege vava seni venena uguhi oroḡi iauna raḡohisa, Elia kine naḡate?”<sup>55</sup> Eduge auki aniḡoiare nami gevenu.<sup>56</sup> Auki namigei ronnu, “Iana dibana veite iai suarena oreigenu, edube Koita Ḡamika oroḡane ra beta koita daure ḡahigeisa edube maḡuri ḡahigeisa.” Eige iauki urihi mati ogo bei otinu.<sup>57</sup> Iau ḡumaḡa oḡi otege uhuraḡe, ata be raki Iesu kironu, “Ana oreigena a otima daka ai itahe ororo vara.”<sup>58</sup> Gerege Iesu raki kironu, “Gahara to iabera muni vakahaḡu, mati uguha auhe huragare iabera idi hisuhe guraha; eduge Koita Ḡamika vara au omote maemi uguhi iaḡa taru veitera.”<sup>59</sup> Bera Iesu raki kironu, “Di itahe oroḡo.” Eduge auki kironu, “Rohi Bauge, da so urigatu oti di mame abatemima.”<sup>60</sup> Eduge Iesu raki kironu, “Ḡaregeve iau iavaḡu iau hoḡeve abate; edube ai gera, ote Dirava basileia ama gava ro ioavisa.”<sup>61</sup> Be raki mati kironu, “Daka ai itahe oroḡisa, edube Rohi Bauge; da so urigatu otima di iaḡa ḡahatuhe vasiba ḡahigeima.”<sup>62</sup> Iesu raki kironu, “Koita be au adehe ḡeḡe kiare mati gure ni ḡahi ḡoiraḡare auka ḡereḡere veite Dirava basileia eraḡisa.”

## 10

<sup>1</sup> Iaḡa e iau itaharahe Rohi Bauge eraki ata utu-iatiraḡa hakira-abu idigevare abu abu uriḡoi besugei otinu. Iauki au uhurehe anai auka ihie mata e oḡova eiau otisa, oḡova inuhati iauki otinu.<sup>2</sup> Auki boriti ḡahigei ronnu, “Ḡeḡe demaka vara dadaḡa vara, eduge me ḡaha iabera dadaḡa veite; eige taboro Rohiva imiḡa au me ḡahe be besugeve au ḡeḡe taboro ḡahe.<sup>3</sup> Otiahe da rone matahe. Eraḡa, dakamu erehuta mamoe ḡamika besu gevare gahara totoka iau uhura.<sup>4</sup> Ia negu iago ḡamika be miare, se iago bauge be, se vasi iaḡa be, mati a negu ḡumaḡa koita be ga ḡahime.<sup>5</sup> Iaga oreigena a ḡadimanu, ama uriḡoi maḡe ḡahigei rosa, Dirava mai maḡeve Iai iagehe misa!<sup>6</sup> Eige bena mai uhura gurami, ai maḡeve ramu koita e iau ada ḡoisa, eduge veite ḡoiege, auka ḡoiraḡi ai ḡasina.<sup>7</sup> Ama iaga kobuḡa ei guramisa, demaka se eia iau a moimare ama misa, badiva me koitava enaki kime iauki au damune kia. A negu iaga bei oti iaga bei enaki kime.<sup>8</sup> Ana oḡo oreigena a sirivima mati koitavaia a maḡe ḡaha, iau ai vaḡotoni demaka maemare ama isa;<sup>9</sup> ama ei dika raḡare maḡuri ḡahigeisa, mati kiro geisa, Dirava basileia ramu ai ḡaika oroḡonu.<sup>10</sup> Edube a oḡo bei oti mati iauna a maḡe ḡahiḡa veite, ama oroḡi hakivare gavi rosa,<sup>11</sup> Noma iau oḡe soua ni vasehe, noma dahu gevare eramu iau besibe ḡumaḡe. Eige iama ihisa: Dirava basileiave ramu ai ḡasina.<sup>12</sup> Akera daki a boriti ḡahima, berabe vani miare Sodomu koitava iau isuke ra avie eduge oḡova ra huhu naḡina vara.<sup>13</sup> Uhdau vanu ianu, Korasini mati Betasida! Badiva hedo me iai kine iauna so Taire mati Sidono iau meva kiare, iauka subuta iau maḡuri daureve ḡaregei, iauka beta onaki ogona emene kiego buibu uhura guragu vara.<sup>14</sup> Eduge berabe vaniva Taire mati Sidono iau isuke ra avie edube iai gera veitera.<sup>15</sup> Mati ia, Kaperanamu, iana vava ḡadiḡa vanu se? Veitera, iaka ugu raḡohi vata uhura.<sup>16</sup> “Unuhuna ai gare ihima era di gare auki ihima, mati unuhuna a besibe ḡahima auka da auki besibe ḡahima, renu unuhuna da besibe ḡahima auka da besuḡane koitava auki besibe ḡahima.”<sup>17</sup> Iau ate utu-iatiraḡa hakira abu heḡirita ḡoiraḡohi, roege, “Rohi Bauge, nokamu ai ihe roege sua daure ḡainage ni gare ihinu!”<sup>18</sup> Auki kiro gevenu, “Dakamu satani eraḡege auki vava seni moruḡohi erehuta va gibaruva naḡatera.<sup>19</sup> Eraḡa, dakamu hedo ia mohi gevenu iaka inuhu renu mato mato raḡare iau ada oḡi duhageisa, mati enana raḡare iau

hedoke gainage; edube iağa bera beta ia huhu ġahigei gevara.<sup>20</sup> Eige, ia negu heġiri raġi roia sua daure iai gare ihinu, eduge bu heġiri raġisa iai ihe iaukamu vava ġosiġanu.” Iesu Heġiri vanu<sup>21</sup> Vani kobuġa eige Iesu raki Horu Aena heġiri ġahi ronnu, “Riaġa, di Mame, va mati vata o iau Rohive, akera daki a maġe ġahima, badiva aki iaġa o inuhati uhu vaka ġahe mati uhu anana ġahe iau ġaġae ġahiga veite eduge karukare iauge aki ġaġae kinu; riaġa, Mama, onaki ora ai uhu anana maġe vera.”<sup>22</sup> Gerege auki koita ġaġagei ronnu, di Mame ramu iaġa inuhati da moimanu; eduge koita bera dibana veite au Moe edube au Mama avaġu, se au Mame tage iauka dibana veite edube au Moe avaġu gera, eige au Moe avaġu unuhuna au miare ena au ġaġae kisa.”<sup>23</sup> Gerege iau iavaġu ġahege Iesu raki aniġoi au gamituhe iorena ġaġagei ronnu, “Iama heġiri raġisa iai niehe otavodoana ia eraġa! ”<sup>24</sup> Eige daki roma peroveta dadaġa mati oġo rohivaia iau uhure iauna so ia eraġane eraġare, eduge iauka erara veite, mati iauna so ia ihine ihare, eduge iauka ihihhi veitera.”<sup>25</sup> Gerege Aena koita be raki urimi rami Iesu beraġanu, “Di Biage, dana orenaki maġuri behi behi misa? ”<sup>26</sup> Iesu raki kironu, “Otavado aenava iau bukava maemanu? Daka otavado iau maemane roma?”<sup>27</sup> Auki dahi ronnu, “Ama Dirava ai Rohi Bauge maġe ġahisa ai soruke uhuġatu, ai uhure uhuġatu, renu ai herove uhuġatu, renu ai ananave uhuġatu; mati ama avaġu a maġe ġahare naġate ai oriġi koitava ama maġe ġahisa.”<sup>28</sup> Iesu raki kironu, “Aka ga riaġa aki ronnu; onaki kiare, ana maġuri behi behive misa.”<sup>29</sup> Eduge auki avaġu au ġumaġe ieriri ġahisa rome, auki Iesu beraġanu, “Gerege di oriġi koitava na unuhunu?”<sup>30</sup> Iesu raki kironu, “Ata bera Ieruselema ge auki urimi Ieriko otege uhura auki vaho ġahe iau uhura uguhanu, iauki au ogonave darivi, ġami hodivi hoekisa raġare iauki ġumaġa ġarehi.”<sup>31</sup> Ġamana veite dubu koita be tage ġuma kobuġa ei otege uhura; auki niġahi ata e eraġare, auki ġuma hakirahe otinu.<sup>32</sup> Levi koita be tage ġuma kobuġa ei otege, auki niġahi ata eraġare, auki mati soiġi hakirahe otinu.<sup>33</sup> Eduge Samaria ata bera au ioave auki ġuma kobuġa ei otege uhura; auki niġahi eraġare auki vaġahu ġahi.<sup>34</sup> Auki ġoromi au ġasina otare auki au beroġe ġadiki eiava keto gevare auki ġodoge. Gerege auki mi au donikihe ada maemare, auki guragu iaga bei mi otare ei nitabata ġahege.<sup>35</sup> Va tahege auki moni be mi iaga bia moimare, kironu, Ama oi nitabata ġahisa; da ġoiragege, ana otavado a au kinu dana damuna kisa.”<sup>36</sup> Gerege iau ate abigaġa uhura, ana unuhuna a roma vaho ġahe iau uhura uguhi atava oriġi koita vanu?”<sup>37</sup> Auki ronnu, “Vaġahu ġahane koitava.” Iesu raki kironu, “A tage ote au kine naġate ama kisa.”<sup>38</sup> Iau otege uhura, Iesu raki oġo bei hakivi, eiger maġi be ihivara Mareta auki Iesu maġe ġahare auki nisiġami au iagehe otinu.<sup>39</sup> Mareta ġoġe avieva ihivara Maria, auki Iesu vasi ġaika gurami au gare ihege.<sup>40</sup> Eduge Mareta ra iaga uhura meva uhu korahiva auki kiege; gerege auki au ġasina otare kironu, “Rohi Bauge, dakamu davahu ge daki me inuhati kima di ġoġe na beta da iaheia vanu me be kiki vanu? Kiro au oroġi da iaheġe.”<sup>41</sup> Eduge Rohi Bauge raki kironu. “Mareta, Mareta, akamu ahata maka iaġaniva iauge aki uhu korahi vima; ”<sup>42</sup> edube iaġa kobabeġu, iaganiva Maria raki maġeva manu, eige koita bera beta mati au mimi vara.”

## 11

<sup>1</sup> Iesu au imimive vi kosai, itaharahe au ġamite be raki kironu, “Rohi Bauge, vesioka imimive gava no kirogeve, Ioane au ġamituhe kiro gevene naġate.”<sup>2</sup> Iesu raki kiro gevenu, “Ia imimi ragege, iama rosa: Ni Mame vava uma ai ihera aena. Ai basileia ramu oroġisa. Ai meve noma vata ada kisa, vava kiare naġate.”<sup>3</sup> Noie negu vani oi no mohigeisa<sup>4</sup> Ama ni daureva ketogeisa, no be iau daureve vagua ġahi gevare naġate. Ai ġuma maġeve no ġaġiro geisa.” Eduge daure uhura ama no vaġahu ġahigeisa.<sup>5</sup> Gerege auki kiro gevenu, “Iana bena nemehe au vasire ġasina otare, renu aumu imiġi roma, Di Vasire, so hauhaka ġodo abigaġa mi da moima; ”<sup>6</sup> di vasire be raki negubutu auki roġonu, edube dana otavado auni kiege auna isa.<sup>7</sup> Eduge auki uhurahe seni gavi roege, A gure di iaġiave daure ġaharena; udua damu kouanu, renu di ġamuhe gainage iaġohanu; eige daka beta urimi iaġa be mi a moimoara.<sup>8</sup> Eiger daki roma, auka mena beta iaġa be mi moimoara eduge era au vasire renu au negu ġoirageime dainehe auka urimare au imimi vane iaġaniva idigei moimoara.<sup>9</sup> “Eige daki aki roma, A imiġege, auka mi a moimoara; a ioġovege, amu ġaġae kima, a toege, aumu au uduane ani bao visa.<sup>10</sup> Eige iana unuhuna ia imimi raġa iauka mimi vara, renu iana unuhuna ia iaġo iauka behu behu vara, mati iana unuhuna to au ihe roma, au uduane ra boaraġira vara.<sup>11</sup> Iai vaġotoni bena au moe avieva be roġi parao roege, ana muni mi moimoanu; se auna roġi karava roege, ana inuhu mi moimo vanu?”<sup>12</sup> Se avie bena roġi koro unika roege, ana ġoa be mi moimoanu?<sup>13</sup> Eige, iana koita daure ianu, edube iakamu iai ġamuhe iaġa maġe mohigeva, eige ni Mame vava guramare au imimi raġare auka Horu Aena noi besube vara!”<sup>14</sup> Auki negu sua daure ga veite ata ei oiahi hakivege; .negu ata eraki gavege, koita iabeki ġaġu raġohi.<sup>15</sup> Eduge koita be iaberaki roege, “Auka Belsebula auka sua daure iau biagera, au hedokehe auki sua daure oiageima.”<sup>16</sup> Be gainage, Iesu hedoke tohogisa rome iauki ga raġi auka hedo be vava seni ġaġae kisa.<sup>17</sup> Eduge auka iau uhu ananave dibana eige auki kiro gevenu, “Vata o inuhati koitava iabera bebe kasa gevare mata vara daure ġoiġoara, ġahava iabera bebe iau ada desu raġira vara.”<sup>18</sup> Eige satani tage iavaġu bebe kasa gevare, iau matame na orenaki ramisa? —iaka roia daka Belsebula hedokehe sua daure oiageima.<sup>19</sup> Dana Belsebula hedokehe da sua daure oiagei hakivima, ama iana unuhu hedokehe gena ia oiagei hakiraġa? Eige berabe vaniva iauka ia namigeige vara.<sup>20</sup> Eduge dana Dirava ada hedokehe da sua daure oiageima, eiger Dirava basileia ramu ai ġasina roġonu.<sup>21</sup> Ata bera hero koitavara, auka ġarara iaġate, renu au guragu iage nitabata ġahima, eiger bera beta au matame daure ġahiġa vara.<sup>22</sup> Eduge koita be au heroġera ketake renu hedo ruta oroġare, auna au hero ġahare kohua idigevare, auna au soukuhe koba koba mohigeisa.<sup>23</sup> Ana unuhuna di ġasina veitenu auka dakera iauki da besibe ġaha, renu iana di ġasina bouraġira veitenu iauka koba koba ġahiġa vara.<sup>24</sup> “Sua daure be koita bei hakivare, auka eia veite matahe ioavi au guragu taruve kisa, eduge auka be behube veite, eige auka roro vara, Daka da oroġane iagehe ġoiragei otitoara.<sup>25</sup> Auki ġoiragei oti iagava eraġege iauki iagava didi vare renu kohua ġainage reġunaki ġosi gevenu.<sup>26</sup> Gerege auki otime auki sua daure riaġa iatiriġava nisigei oroġonu, iauki iau bouge iaga ei siri raġi uiege; eige negu ata e guragu maġurive tage daure riaġa ġoinu beta ġanai

naġate.<sup>27</sup> Iesu gavege uhura, maġi be raki koita dadaġa iau uhura au enoġe raho ġahi to roege, maġi oreigena a guruanu renu a raho ġahanu maġiva maġe ġaha!<sup>28</sup> Eduge Iesu raki ronu, "Riaġa Dirava gare ihare mati maġuriva raġare ġahava iana maġeva raġisa!"<sup>29</sup> Koita dadaġa ġahege, Iesu raki gavi roege, "Negu tau ora beta maġera; iauka toa be eraġisa ro berabe raġira, eduge bera beta iau ġaġae ġoisa edube Iona ieġu gera."<sup>30</sup> Eige Iona eravaġe ramu Neneva ġahe iau ġaġae ġoinu, edube negu tau oigera Koita Ġamika vara iauna eraġisa.<sup>31</sup> Edube berabe vaniva Sheba seni rohi maġi be oroġane ena urimi negu tau o ġahavaia namigeisa, auka mata hakirahe seni oroġane ra Solomona uhuvaka gare ihisa, mati eraġisa, iaġa ketake be tagera auka beta negu Solomona naġatera!<sup>32</sup> Nineva koitava ġainage negu tau o ġahava ruġa berabe vaniva urihi namina raġisa, badiva iauka Iona ġarehe iauki iau ġuma daureve ġaregei, mati eraġisa, iaġa ketake be tagera auka beta negu Iona naġatera!<sup>33</sup> "Koita bera beta lamepa be hala ġahare mi iaga dokohu maema vara, eduge mi auhe maemare eige iagahu siri raġare iaberamu abagava eraġisa."<sup>34</sup> Ai nie ramu ai ahatane abaga vara. Ai nie na maġenu, ai ahatane uhuġatu ge abaga ġoiġoara; eduge au daure ġoiare, ai ahatane uhuġatu ge vadibuve ġoiġoara.<sup>35</sup> Eige ama ai uhurehe anavisa abaga ai ahatehe negu vadibu ġoime.<sup>36</sup> Gerege ai ahatane uhuġatu gena abaga ġoima, tina bera vadibu veite, au abage ramu ai ahatane tobo ġahi erehuta lamepa raġare abagava naġatera."<sup>37</sup> Iesu gure gavege uhura, Faresea koita be raki ihiromi iauka au iagehe oti tamuta raġisa; gerege auki au ruta au iagehe otime auki tamuta patava oti guramanu.<sup>38</sup> Gerege Faresea ata eraki eraġi ġaġu raġanu badiva auka uriġoi gena auna ada ketovare auna ihie tamuta visa.<sup>39</sup> Gerege Rohi Bauge raki kironu, "Iaka Faresea ġahe iaka kebe mati naġu itaharava ġuge iaki keto geva, eduge iai uhurera ga ihihhi veite mati anana daureva raki ia toboġa gevenu."<sup>40</sup> Iana uhura veite ianu! Iana dibana veitenu itaharava kine eraki uhurava tage auki kinu?<sup>41</sup> Eige iai ġuma maġeve iai uhura; mati eraġisa, iaga inuhati ge ramu ai maġe ġoima.<sup>42</sup> "Edube Faresea ġahaia uhudaunu ianu! Iakamu idi nune nune kobo raġare iakamu Dirava ie moimoara, mati aena besibe ġahi renu Dirava maġeve tage iaki vagua ġaha; oramu ia kiare mevara, iaka beta be ġainage vagua ġahigei gevara."<sup>43</sup> Uhudaunu ianu Faresea ġahavaia! Iai urave iaka dubu uhura guragu iaġa maġeva uriġoi gurahige koita iabera ia maġe ġahigeisa, iau orogo bouraġohi ia maġe ġahi gevare naġate.<sup>44</sup> Uhudaunu ianu! Iakamu midava toaġa kiki veite, renu koita iabera toaġa veite eige iauki adahe oġi ioa raġa."<sup>45</sup> Aena koita be raki ga ġahi ronu, Di Biage, a ga rogevare oramu no ġainage aki no nami geima."<sup>46</sup> Gerege Iesu raki ronu, "Aena ġahaia ia ġainage uhu dauanu ianu! Ia ġainage isuka ketake iaki koita mohigeva, renu iaka beta riaġahe ia adehe iahegei iau arigei gevara."<sup>47</sup> Uhu dauanu ianu! Iakamu Peroveta ġahaia iai tenetuhe hoeki gevare iau midavave iaki ġo gevenu."<sup>48</sup> Eige iakamu era gevenu mati iai tene tuhe iau kine riaġa ġahi; iauki hoeki gevenu, renu iaki iau midavave ġo gevenu."<sup>49</sup> Eiger a iakamu Dirava uhuvake gava onakime auki ronu, Dakamu peroveta mati apostolo besugeima, be iabera iaka hoeki geisa mati be iabera iaka iaġoġei ġahi geisa,<sup>50</sup> eige iaukamu negu tau oi ramu mata o guruane peroveta gaheva iau bouge iau taoke bohu raġane aena ramu damuna roro vara,<sup>51</sup> eige Abela taoke oroġi Sakaria taoke, iauka dubu terona mati pata aena nomuaka auki veite ġoinu. Riaġa, daki iaki roma, negu tau ona isukava misa."<sup>52</sup> Uhu dauanu ianu aena ġahaia! Badiva iakamu uhuvaka ġaika man; ia iavaġu ġainage iaka isiri raġira veitera, renu iaka siri raġege ġaheva iaki kou gevege."<sup>53</sup> Iesu itahe otege, dubu ġaha mati Faresea ġaha iabaki ho ġahi namigege mati iauki renaki eraġisa au iaġa dadaġa ro gevare beraġisa,<sup>54</sup> iauki gurahi uhuimege, auna beta ga be ro nune ġahiġa vanu.

## 12

<sup>1</sup> Koitaia dadaġa gure bouraġohi, renu bebe iau haiġahege uhura, Iesu raki au ġamituhe uriġoi uguro ġahigei, "Iama Faresea ġahe iau ga ġumaġe eraġisa, eramu iau tarata ġumaġe iabera, ia negu iau itahe otime."<sup>2</sup> Iaga be ġoġohu gena iau maemanu auka ġaġae ġoiġoara, renu iorena iaġa be tage auka ġaġae ġoiġoara.<sup>3</sup> Eige ana vadibua otavado a ronu auka vani ihihhi vara, renu ana iorena iaga uhura otavado a ronu iauka iagahu rahi gava raġira vara.<sup>4</sup> "Riaġa vara di vasiruhea, ia negu hoeke gurahare siġa geima, iauka beta iaġa be ihie kiki vara."<sup>5</sup> Eduge iakera daki ia huguro ġahigei iana unuhu siġamisa: auka hedokate koita be maġurive misa, renu mi vene uhura kiravisa. Riaġa vara, daki roma, iama siġamisa!<sup>6</sup> Gerege iauna uguha adakasiva beta damunava toea abuva haevisa? Edube Dirava vaġotonihe auka beta be vagua ġahiġa vara.<sup>7</sup> Edube iai omo hanakava ġainage aukamu dahi gevenu. Ia negu siġo raġime; iaka au vaġotoni iaġa raho vara beta uguha iau naġatera."<sup>8</sup> "Eige daka roma, iana koita be iau gena ia da riaġa gaha, Koita Ġamika tage Dirava aneruve iau vaġotoni ia riaġa ġahiġa vara; <sup>9</sup> edube iana unuhuna da riaġa ġahiġa veitenu koita iau vaġotoni, ia ġainage Dirava aneruve iau vaġotoni daka beta ia riaġa ġahiġa vara."<sup>10</sup> Renu unuhuna Koita Ġamika ga daure ġahima auka au daureve vagua ġahiġa vara; eduge unuhuna Horu Aena ga daure ġahima auka beta vaġahu ġahiġa vara."<sup>11</sup> Eige iauna ami orogi dubu biava iau renu aena ġaheva iau vaġotoni, a negu uhu korahivi ana orenaki ga visa se ana otavado rosa; <sup>12</sup> edube Horu Aena vara a huguro ġahi ana vani ei otavado roro vanu."<sup>13</sup> Koita be raki koita iau nomuaka gavi kironu, "Di Biage, di ġoġe kiro au ni mame niabu noni iaġa ġare gevare kasave."<sup>14</sup> Eduge Iesu raki kironu, "Vasi, unuhuna roma daka iai berabe koitava se iai kohue biava ġoisa?"<sup>15</sup> Mati auki kiro gevenu, "Iama eraġisa ia negu ahata maka iaġa nune nune raho ġahi maġe ġahime; badiva koita bera beta au ada bubu maġe maġuriva auki vima."<sup>16</sup> Gerege auki badigomu be kiro gevenu: "Ata bera ada bubu mati makava maġeva tage dadaġa auki kinu."<sup>17</sup> Gerege auki au uhurehe anana viege, Dana otavado kisa, di demake ramu ġosiġo iaga veitera?"<sup>18</sup> Gerege auki ronu, "Daka onaki kiki vara: daka demaka iaga o seboġare dana ga vara vake iaga ketake be ġosa, eige dana di demake mati di kohue inuhati ġosigeisa."<sup>19</sup> Renu dana di sorukehe onaki anai rosa, "Dakamu tau dadaġa otine iaġa maġe dadaġa daki ġosiġanu; eige dana deġaia guramare, dana heġirita iogei."<sup>20</sup> Eduge Dirava raki kironu, Ana kavadinu! Negu vahi oi dakamu ai maġurive ai ariari vara. Renu a iaġa bougevene, auna negu unuhu ie ġoiġo vanu?"<sup>21</sup> Eige a iaġa maġe bougevene era iavaġu aiera edube era beta Dirava auni

gera."<sup>22</sup> Iesu raki au gamituhe kiro gevenu, "Eige daki roma, ia negu maḡuri dainehe uhu korahi raḡime, ana otavado isa, se ana otavado bodivisa.<sup>23</sup> Badiva maḡuri vara iaḡa raho vara beta demaka, matir ahatatane ra aena beta a ogona bodivare era.<sup>24</sup> Iama gaioka eraḡeisa: iauka beḡibe veite mati rohiro veite, renu iauka demaka ḡosiḡo iaga veite, eduge Dirava ramu vasi geima. Akamu iaga raho vara beta uguha iabera!<sup>25</sup> Iana bena uhu korahi vima au maḡuri tuake uhura so tinabe ege ḡahisa?"<sup>26</sup> Gerege ana beta riaḡahe iaḡa avie be vire nagate kiare, esemena a gure iaḡa be iau uhu korahiva vima?<sup>27</sup> Ana madika maḡe vire eraḡima, orenaki gena iau raho ḡahanu: iauka vaḡava veite se me be kiki veite; eduge dakamu ia kiro geima, Solomona tage au guragu maḡe inuhati uhura auka ogona eravaḡa onakikive be bodibo veitera.<sup>28</sup> Edube Dirava negu vata ḡati o maḡuri ḡahi gevare, auka neguge maḡurive mati vahiḡu gera auka mi vene uhura kiravisa, aka auna orenaki a maḡe ḡahisa. kava ihihi avie ianu!<sup>29</sup> Eige a negu uhu korahi vime ana otavado iare se ana isa, renu a negu gure uhu korahiva vime.<sup>30</sup> Era vata ada o ḡaheva iabera iaḡa o inuhati iaḡogeva, eduge iai Mame ra dibana ora ia uhu korahiva raḡare iaḡani vara.<sup>31</sup> Edube iama Dirava basileiave iaḡoisa, gerege iaḡa o inuhati gainage auna a moimisa.<sup>32</sup> "Koita avie ia, ia negu siḡo raḡime, badiva ora iai Mame raki riaḡa ḡahanu au maḡeve ia mohigeisa.<sup>33</sup> Iama iai kohue haegesa, renu damunava mi goroa be mohigeisa. Iama maema iago maḡe kisa au negu dariḡohime, erehuta vava kohu ḡosiḡare iau naḡate, eigera vaho koita bera beta sirisi vara, renu pitoroko beta daure ḡahiḡa vara.<sup>34</sup> Eige oreigena ai kohue a ḡosiḡanu, ai soruke ramu eigera.<sup>35</sup> "Ama ai vaḡatane berebe ḡahisa renu ai ni abage ramu raḡiraḡe ḡoisa;<sup>36</sup> erehuta iau biage uhuiami headava rigiva seni ḡoirāḡare, eige au oroḡi uduani rami toege iauna au uduane baovisa.<sup>37</sup> Eige ni tabata ḡahevaia iaḡohia veite iau biage uhuiami gurahare iabera maḡera; riaḡa daki roma, auka so au vaḡatane berebe ḡahare iau oriḡi gurami iau ruḡa tamuta vara, renu auka roḡi iaue tage kiki vara.<sup>38</sup> Auna nemehe se vagutu kasihe gena au oroḡimena au era gevenu, iauka maḡeva mimi vara.<sup>39</sup> Edube iama eraḡisa: iaga biava dibana vaho koita oroḡare dibananu, aukamu au iage eraḡi eige vaho koita vara beta au iage hosāḡi ḡadiḡa vara.<sup>40</sup> Eige ia negu vagua raḡime, iama gurahi Koita ḡamika oroḡare vaniva iama uhuiamisa."<sup>41</sup> Petero raki beraḡanu, "Rohi Bauge, ana nonige a badigomu oroma se koita iau bouge gainage?"<sup>42</sup> Rohi Bauge raki kironu, "Gerege unuhuna ihihi mati ni tabata koita maḡe vanu eige au biage raki maemi auka au me ḡahetuhe ni tabata ḡahigeisa, renu vani inuhati iau damune demakava mohigeisa?"<sup>43</sup> Negu ni tabata koita eramu au me miare uhura au biage ramu oroḡi eraḡare auna maḡe ḡahisa.<sup>44</sup> Riaḡa daki roma, enaki era auka maemi au kohue inuhati ni tabata ḡahiḡa vara.<sup>45</sup> Eduge negu ni tabata koitava raki au uhurehe roege, Di biage ra so beta vaina ḡoirāḡira vara, gerege aumu urimi au me ḡahetuhe ḡahigei, atavami renu maḡiva ia, mati iaumu tamuta raḡi renu ḡadiki daure tage iare ate omo daureva ḡahisa,<sup>46</sup> auka dibana veite vaniva mati negava au biage ḡoirāḡare, eige auna gami dodoi abu ḡahi, auna miare ihihi veite ḡaheva iau ḡasina maemisa.<sup>47</sup> Eige negu ni tabata koita vara au biage ḡahara viare iaḡani dibanara, edube auka uhuiamia veite, eige auka huhu raho mimi vara.<sup>48</sup> Eduge koita be dibana veite edube au kine huhuva mane auka huhu avieva auna misa. Eige iana unuhuna ia tina beḡu au ia mohigevenu, iaka tina beḡuge iana misa; mati unuhuna au riaḡahi dadaḡa moimanu, auka tinabe dadaḡava auna misa.<sup>49</sup> "Da vata ada oi oroḡane ra vene daki moroḡanu, renu auna so raḡi bubu naḡare!"<sup>50</sup> Daka so babatiso mimi vara, renu daka beta guragu maḡe ate meva kosaveḡe!<sup>51</sup> Iai ananave da vata ada oi oroḡane iai maive da moroḡanu? Veite, daka roma, kasa kasava daki oroḡanu!<sup>52</sup> Negu oti iaga beige koita adakasiva gurahare iauki kasagei, abigaḡa gera abu enana ḡahisa renu abu gera abigaḡa enana ḡahisa;<sup>53</sup> onakime iauna kasageisa: mama ramu au moe enana ḡahisa mati ḡami mova au mame enana ḡahisa, neina ra au mae enana ḡahisa renu ḡami maḡi vara au neine enana ḡahisa, varu maḡiva ramu au vare maḡiva enana ḡahisa renu varu maḡi avie ramu au vare maḡiva enana ḡahisa."<sup>54</sup> Auki koita gaḡagei ronu, "Ia negu va eraḡi au vani uguhare seni dubuiamege, iaka inono veite roro vara, Veni ramu ḡoroḡo vara; gerege aumu ḡoro mima.<sup>55</sup> Se ia eraḡi eve seni nono ḡuguima, Vani ramu hedoka ḡoiḡoara; gerege vani ramu hedokate ḡoima.<sup>56</sup> Tarata ḡaheial Iaka riaḡahe va mati vata ada o toaḡava eraḡare gava raḡira vara, eduge esemena ia negu nega o toaḡava gava raḡira veite?"<sup>57</sup> "Renu esemena ia beta iavaḡu berabe raḡi orena ieririve?"<sup>58</sup> Eige, a enana ḡahare koitava ruta berabe koitava ḡasina otare, iama ḡumaḡa otare iai gare ieriri ḡahisa, se veite goiege iauka ami berabe koita vaḡotoni oroḡi, veite ḡoioe iauka ami vadibu iaḡava a kira kira vara.<sup>59</sup> Eige daki a boriti ḡahima, aka beta vadibu iaḡava hakiha ate a damuna inuhati kiege kosaveḡe."

## 13

<sup>1</sup> Nega kobuḡa eige koita bea eige iaberaki Iesu boriti ḡahanu, Galileia ḡaheva bea Pilato ḡahi gevene iau taoke ramu iau aena ḡahane e ruta ge iauki kobuḡa ḡahanu.<sup>2</sup> Iesu raki bera gevenu, "Ia anavare Galileia ḡaha onaki huhu mane eige iauka iavaḡu daure ḡahe iabera edube iaka veite?"<sup>3</sup> Akera daki aki roma veitera; eduge iama iai ḡuma daureve ḡare geisa, veite ḡoiare iakamu iau kine naḡate iai bouge veite ḡahiga vara.<sup>4</sup> Se koita utube hakira abuḡu veite hoḡe raḡohane Siloama iaga ada desu raḡohane, ia anavare iauka Ierusalemah uhuḡatu uhura iau iavaḡu gera daure ḡahaia?<sup>5</sup> Akera daki aki roma veitera; eduge iama iai ḡuma daureve ḡare geisa, veite ḡoiare iakamu iau kine naḡate iai bouge veite ḡahiḡa vara.<sup>6</sup> Gerege Iesu raki badigomu be kiro gevenu: Ata be raki au ḡeḡehe idi be beḡenu; renu auki oti eraḡi auna madika kinu edube auka so maka kiki veite.<sup>7</sup> Gerege auki ḡeḡe kiki koitava kironu, Eraḡa! Dakamu tau abigaḡa ge daki oroḡi idi o eraḡi auna madika kinu, edube auka maka kiki veitera. Ama dodovisa! Esemena auka maka veite auka mata tobo ḡahi ramima?<sup>8</sup> Auki kironu, Di Biage, da so tau kobabe tage ḡaremi, dakena ḡaikava rohi oriḡare dana vateta isaḡe be mi ḡaikaha bohugisa.<sup>9</sup> Au tau isaḡeva maka kiege, era maḡera; eduge au maka veite goiege, iama dodovisa."<sup>10</sup> Iesu raki sabadi vani bei dubu haroro viege.<sup>11</sup> Gerege maḡi bera oḡiḡi maḡe veite tau utube hakira abuḡu veite. Auka ḡorumime auka oḡiege auka ḡereḡere veite urimi ramisa.<sup>12</sup> Iesu raki niḡahi eraḡare auki ihiromare kironu, "Di mae, ai dikave ramu

maḡe ḡoinu.”<sup>13</sup> Auki au ade mi au ada maemi, auki inono veite urimi ramare auki heḡiri vi Dirava maḡe ḡahege.<sup>14</sup> Eduge dubu biava iabeki, hoḡahi badiva Iesu raki sabadi vaniva dika maḡe ḡahi, edube iauki gure koita gaḡagei roege, “Noka vani agorokiva ge nona me misa; vani eiau gena iana oroḡege auna ia maḡe ḡahigeisa, edube beta sabadi vaniva.”<sup>15</sup> Eduge Rohi Bauge raki ga ḡahi onaki ronū, “Avaunage ḡahavaia! Iana beta sabadi vaniva iai ada vasivave nisigami otito vanu eia moimisa?”<sup>16</sup> Eige maḡi ona, auka Aberahamo maera satani raki bodivanu tau utube hakira abuḡu veite, nona beta bodivi uiare iaḡaniva sabadi vani oi au vahe vanu?”<sup>17</sup> Iesu onaki roege, namina raḡege ḡaheva inuhati iabeki variva raḡohi; renu koita inuhati gera heḡiri ḡahege au gure me maḡe kiege dainehe.<sup>18</sup> Auki onaki ronū, “Dirava basileiave na orena kikivenu? Renu dana negu otavado iaḡa be ruta ḡere ḡere ḡahiḡa vanu?”<sup>19</sup> Auka idi tahaka kusinaike naḡatera koita be ramu miare mi ḡeḡe beḡima; aukamu kobo raḡi idi ketake ḡoima, renu uguha vava huragohare iabera atiahe iau guragu iage kiki vara.”<sup>20</sup> Gerege auki ḡaitana ronū, “Dana otavado be mi Dirava basileiave ruta ḡere ḡere ḡahisa.”<sup>21</sup> Auka maḡi beraki bega parao ḡadikiva mi parao souka uhura bohūḡi kobuḡahi atege aumu omo raḡima.”<sup>22</sup> Iesu raki Ierusalemata otisa rome auki oḡo inuhati iau sirivege hari maḡe ro otege.<sup>23</sup> Koita be raki beraḡanu, Rohi Bauge, ona koita rore beḡu gena maḡuri raḡisa?” Auki kiro gevenu,<sup>24</sup> Ama hero kime ana ḡuma kibobove ei sirivisa; dadaḡa iau gera, daki roma, iauka hero kisa eduge iauka beta riaḡahe siri raḡira vara.<sup>25</sup> Negu iaga biava urimi udua kouare, aka itahe rami to rosa, Di Rohite, ni uduane baova, gerege auka ia kiro geige vara, Daka dibana veite iana orei gena ia oroḡonu.<sup>26</sup> Gerege iauka aki roro vara, “Nokamu aruta ge noki tamuta raḡohi, renu amu badi maḡe ni orogohe roege.”<sup>27</sup> Eduge auka aki roro vara, Daka dibana veite iana oreigena ia oroḡanu; oi ḡeahu otiahe, iaka ḡuma daure kiare ḡahava iabeki!<sup>28</sup> Iakamu negu Dirava basileia uhura Aberahamo, Isako, renu Iakobo mati peroveta ḡaha iau bouge eragevare, iakamu niḡo raḡi mei matoge, edube iaka iavaḡuge iaki itahe raha.<sup>29</sup> Gerege koitaia vani ḡadiḡa mati vani ugugu oroḡare, mirigini mati iaha kasiva oroḡare, iauka Dirava basileia uhura tamuta raḡira vara.<sup>30</sup> Riaḡa, ia be ihie ḡahare iabera uri ḡahisa, renu bea uri ḡahare iabera ihie ḡahisa.”<sup>31</sup> Vani eige Faresia koita be iabeki Iesu ḡasina roḡahare kironu, “Ama oḡo o ḡaremi otisa, Heroda ramu a ḡami hoeki uhuvu auki kima.”<sup>32</sup> Iesu raki kiro gevenu, “Oti di gare kiro iahe, Eraḡa, daka negu mati vahīḡu dana di meve kisa sua daure oiageisa mati dika maḡe ḡahi geisa, vani abigaḡa ḡahiḡahe dana di meve kiege kosa visa.”<sup>33</sup> Eige negu, vahīḡu mati vahīḡu tahege dana di ioave otisa, badiva peroveta koita bera beta so Ierusalemata hakiha veite auka itahe hoḡe raḡisa.<sup>34</sup> Ierusalemata, Ierusalemata, peroveta ḡaha ḡahi hoeki gevege ḡahavaia, renu besu gevege ḡahavaia muni tahu ḡahigei oia gevege! Dana so iai ḡamuhe inuhati bougevare erehuta uguha au akahinehe bouge vare, eduge iaka enaki roro veitera!<sup>35</sup> Eraḡa, akamu avaḡu iaga tera. Mati daki roma, aka beta da erara ate vani be roḡege ana rosa, Dirava ihehe oroḡare vire maḡe ḡahi iahe.”

## 14

<sup>1</sup> Sabadi vani beige, Iesu raki Faresia iau biage be ruta au iagehe tamuta otinu, iauka gurahi gure eraḡege.<sup>2</sup> ḡamana veite, au oriḡi gera dika ata bera au ahatane inuhati uhu raḡohi.<sup>3</sup> Gerege Iesu raki aena kiare mati Faresia ḡaheva bera gevenu, “Ona beta aena vanu no sabadiva dika maḡe ḡahi gevare, se veitenu?”<sup>4</sup> Eduge iauki keru ḡahi kosai. Gerege Iesu raki maḡe ḡahare auki besuḡege auki otinu.<sup>5</sup> Gerege auki kiro gevenu, “Iana bena au moe be se au ada vasiva be sabadiva eia abatava ari raḡare, iana vani aena ro beta vaina butui haki raḡira vanu?”<sup>6</sup> Edube iauka ga be roro veite.<sup>7</sup> Iesu raki iau deiva ḡosi gevege niḡahi eraḡime, auki badigomu be kiro gevenu.<sup>8</sup> “Koita be a ihiromi rigihe ketake bei, a negu guragu seha maḡeva guramime, iauka mena koita ihi raho be tage ihiromonu;”<sup>9</sup> renu a ihiromone ḡaheva iabera oroḡi aki roro vara, Koita oḡu a guramane ei gurame, gerege amu uhu huhuta urimi oti itahe sehava iau guramima.<sup>10</sup> Eige iau a ihiromege, ama oti itahe sehava iau guramisa, eige a ihiromone ḡaheva iana oroḡi ei a eraḡare iauna aki rosa, Vasi, urimi oroḡi uriḡoi sehava gurama; gerege amu uhu maḡe ruta koita iau vaḡotoni urimi au ruta oti gurami tamuta vima.<sup>11</sup> Unuhuna aumi raho ḡahere auka avi ḡoiḡoara, renu unuhuna au avie ḡahare auka raho ḡoiḡo vara.<sup>12</sup> Iesu raki au ihiromone koitava tage kironu, A negu rigi be kiare, ai vasiruhe se ai oḡo nanuheia se ai iaga ḡahetuhea se ai ḡaika ada bubu ḡaheva ihiromege, iaukamu damuna kiege mati a ihiromiro vara.<sup>13</sup> Eduge ana rigi bena a kisa roma, ama goroa ḡaha, daure ḡaha, ga veite ḡaha, renu ni veite ḡahevaia, ihiro geisa.<sup>14</sup> Renu aka maḡeva mimi vara, badiva iauka beta ai maḡeve damuna riaḡahe kiki vara, eduge Iesu urimi ḡoirāḡane maḡeva auna misa.”<sup>15</sup> Iau ihiromone deiva be raki au gare ihare, kironu, “Dirava maḡeve misa ana unuhuna au ruta tamuta visa au basileiave uhura!”<sup>16</sup> Gerege Iesu raki kironu, “Koita be raki rigi ketake be kiare auki koita dadaḡa ihiro gevenu.”<sup>17</sup> Tamuta negava miege, auki au besu besu koitatuhe besugei iauka oti negu ihiro gevene kirogeisa, “Oroḡiahe; roḡi tamuta raḡiahe rigi demakava ramu raḡohanu.”<sup>18</sup> Eduge iauki iau bouge iau gare besuḡi iauka me be iau dainehe beta otitoara. Ata ḡanaiva raki kironu, Daka mata tinabe haevane dainehe, daka so oti eraḡisa; eige daka beta ororo vara.<sup>19</sup> Be raki ronū, Daka vasiva iaḡa adakasiva ge daki haevanu, eige daka so oti tohoge, gevara; eige daka beta ororo vara.<sup>20</sup> Be raki ronū, Daka negubutu ge daki di mabare manu, eige daka beta ororo vara.<sup>21</sup> Gerege au besu besu gamituhea iabeki ḡoirāḡohi iau biage boriti ḡahi. Gerege iaga biava raki hoḡoiare auki au ḡamituhe kiro gevenu, Negubutu otiahe ḡumaḡa se oḡo uhura goroa ḡaha, daure ḡaha, ga veite ḡaha, renu ni veite ḡahevaia, eraḡe iama nisigei oroḡisa.<sup>22</sup> Gerege au ḡamite raki kironu, Di biage, a rone meva nokamu kinu, edube iaga uhurava daḡe daḡe rahora auka so tobo raḡira veitera.<sup>23</sup> Gerege iaga biava raki ḡaitana au ḡamite besuḡanu, Otiahe ḡumaḡa se oḡo itahe uiare ḡaheva, iama hotiti ḡahi gevege iauma oroḡisa, iaga ramu tobo raḡisa.<sup>24</sup> Eige iaga biava raki ronū, da koita ihiro gevene iabera beta da demaka kino mamina kiki vara.”<sup>25</sup> Koita dadaḡava raki Iesu itahe otege uhura; auki aniḡoiare kiro gevege,<sup>26</sup> Ana unuhuna di ḡasina oroḡima, a negu ai mame renu ai neina, ai mabare renu ai ḡamuhe, ai nanuhe renu ai amikinuhe, riaḡa, renu ai maḡurive tage, besibe ḡahigeima, aka beta di ḡamite

goigoara.<sup>27</sup> Ana unuhuna satauro ago-ago veite renu di itahe oḡiḡi veitenu auka beta di ḡamite goigoara.<sup>28</sup> Ana unuhuna anai aka iaga be ḡoḡo roege, aka uriḡoi gurami damunava na esebugenu, se eraḡisa ana geregereve kiego kosako vanu?<sup>29</sup> Veite ḡoiege, auna iaga ḡavaradiva kinu eduge auka beta riaḡahe kiego kosako vanu, koita iabera gure tati ḡahiḡa vara.<sup>30</sup> Iauka gure roro vara, Ata ora iaga o kiare edube auka ḡereḡere veite kiego kosa visa.<sup>31</sup> Kava rohiva onu, auka ḡarara mi rohi bei otisa, edube auka uriḡoi gurami anana veite auna riaḡahe iau ate daha utu-abu vire ruga ḡarara vanu iau ate daha utubeḡu?<sup>32</sup> Auna ḡereḡere veitenu, gerege iauna so ḡamanahu, auma au ḡamituhe be besugeisa iau ḡasina oti imigeisa mai gava kisa.<sup>33</sup> Ḡuma kobuḡa eige, iama iai ahata maka maḡuriva ḡaregeisa veitenu, iaka beta di ḡamite ḡahiḡa vara.<sup>34</sup> “Damenā vara maḡera; edube au heḡe kosavare negahe, nona orenaki au heḡe maḡeve mi ḡoirāḡohisa?”<sup>35</sup> Auka bina beta maḡera se beta vateta maḡe ḡahisa ro bouvi maemane; iauka miare ḡeahu kiravisa. Eige iama ga ihisa ia ihi kote ḡaheḡe!”

## 15

<sup>1</sup> Vani beige tax idigare ḡahavaia mati ḡaru ḡaha ruḡage iauki Iesu gare ihisa rome iauki kahika ḡahi au ḡasina otege.  
<sup>2</sup> Gerege Faresia ḡaha mati aena ḡaha iabeki namina raḡi roege, “Koita oramu daure ḡaha ihirogei iau ruḡa tamuta vara.”<sup>3</sup> Gerege auki badigomu be boriti ḡahi gevenu: <sup>4</sup> “Tana bena, mamoe tinahu bera auki nitabata ḡahima, edube kobabe raki dauraḡanu, gerege auna beta utu-igaḡu hakira igaḡu ena ḡare gevare auna kobabe dauraḡane iaḡoisa ate auna behuḡisa. <sup>5</sup> Auki behuḡare, heḡirita mi iagemi au bagunehe maemare mi ogo otito vara. <sup>6</sup> Auki oḡo hakivi, au vasiruhe mati au oḡo nanuhe ihirogei kiro gevege, Oroḡi da ruta no heḡiri raḡa, badiva dakamu di mamoeve dauraḡane behuḡanu. <sup>7</sup> Eige, daki a boriti ḡahima, iaukamu vava heḡiri raḡa badiva koita kobabe au daureve ḡaremi eduge negu utu-igaḡu hakira igaḡu iau ananave iauka maḡe iabeki eige iauka beta iau ḡuma daureve ḡaregeisa. <sup>8</sup> “Se maḡi bena au muni tahakave na utubenu, erehuta koita be vani be me miare damunava, gerege auki kobabe dauḡanu, auna beta lamepa miare abaḡahe, iaga uhura didivare, negu muni tahaka e iaḡoi ateme auna behuḡisa?” <sup>9</sup> Auna behuḡanu, aukamu au vasiruhe mati au oḡo nanuhe ihirogei kirogei gevara, Oroḡi da ruta no heḡiri raḡa, badiva dakamu di muni tahaka be dauraḡane behuḡanu. <sup>10</sup> Ḡuma kobuga eige, daki aki roma, vava gera Dirava aneruve iabe ramu heḡiri raḡa badiva koita be au ḡuma daureve ḡaremane dainehe.”<sup>11</sup> Gerege Iesu raki ronū, “Ata bera au ḡamuhe iabera ḡami mo abu gera, <sup>12</sup> Ḡami avieva raki au mama kironu, “Mama, a di ḡahune rone emi da moima. Gerege iau mame raki au kohue abu ruḡa iau vaḡa kasa gevenu. <sup>13</sup> Vani rorebe itahe, ḡami avie raki au kohuve idigei bougevare auki au ioave mata ḡamana bei otinu. Eige auki au ahata maka maḡuriva ḡuramime auki au kohue rokoru ḡahi kosavanu. <sup>14</sup> Auki au kohue inuhati rokoru ḡahi kosa vege, ḡamana veite mata e inuhati doe raki manu, gerege auki ḡubu raḡi iahe iahe iaḡovege. <sup>15</sup> Gerege auki otime auki mata e koitava bei me iaḡoi, auki besuḡanu auka oti au ohe ni tabata ḡahigeisa. <sup>16</sup> Auki heḡirita oti badiva auka oho iare damakava iare au dera bubu vara; renu bera iaḡa be moimo veitera. <sup>17</sup> Eduge au uhure raki bao raḡi gerege auki avāḡu anai ronū, Di mame ramu au ḡasina me miare ḡahava iabera damu miare renu iau ade ra ḡere ḡereve, edube daka oi gurami ḡubu raḡima! <sup>18</sup> Daka urimare di mame ḡasina otisa, renu dana kiroso, Mama, dakamu ḡuma daure kinu ai mati Dirava ai iai vaḡotoni; <sup>19</sup> daka ai vaḡotoni maḡe veite ana da mi ai moe rosa; eige ama da mi ai me miare koitava be naḡate kisa.”<sup>20</sup> Gerege auki urimare au mame iaḡoi otinu. Edube auka ḡamanahu oroḡege uhura, au mame raki ni ḡahi eraḡare au soruke raki hosa raḡanu. Auki rurui oti au moe hodohare auki mi anoḡanu. <sup>21</sup> Gerege au moe raki kironu, Mama, dakamu ḡuma daure kinu ai renu Dirava ai iai vaḡotoni; daka ḡereḡere veite a da mi ai moe rosa. Da mi ai me koita be kisa. <sup>22</sup> Eduge au mame raki au me ḡahatuhe kiro gevenu, Vaina, ogona maḡe be mi oroḡi mi au kiare, renu ada iaga be mi au adehe maemisa renu vasi iaga be tage au kisa. <sup>23</sup> Renu oti mamoe ḡamika maḡe be mi ḡamare, noma iare heḡiri raḡisa; <sup>24</sup> badiva di moe ramu hoḡe raḡare edube auki maḡuri vi ḡoirāḡanu; aukamu dau raḡanu edube damu behuḡanu! Eige noma heḡiri raḡisa. <sup>25</sup> “Au moe baugeva auka mamoe ni tabata ḡahi gevege auki ḡoirāḡi iaga otege; au oḡi iaga kahika ḡahi otege uhura, auki koitaia gure noḡo raḡohi renu iavea raḡi heḡiri raḡohege enoḡava ihinu. <sup>26</sup> Auki iau ḡamite be ihiromi beraḡanu, virena otavadoana iau kia. <sup>27</sup> Auki kironu, Ai ḡoḡe raki oroḡonu, eige ai mame raki roege iauki mamoe ḡamika be ḡamege iauki heḡiri raḡa, badiva auki ḡoirāḡanu maḡurive mati maḡe. <sup>28</sup> Gerege au moe baugeva raki hoḡoi renu iagahu ḡadiḡa besibe vanu. Au mame raki itahe hakivare auki imigege auka iagahu sirivisa. <sup>29</sup> Eduge auki au mame kironu, Eraḡa! Tau dadaḡava daki ai meve kiego erehuta koita nune naḡate, renu daka ai gare dodo veite; edube aka vani bei so roro veite mamoe ḡamika be ḡami au vasiruhe ruḡa heḡiri raḡisa. <sup>30</sup> Edube ai moe ora ai kuhu hakirava mi oti ni muduka maḡuriva ioge kosavare auki ḡoirāḡanu, aka auni mamoe ḡamika be ḡamanu!”<sup>31</sup> Gerege au mame raki kironu, Di moe, aka vani inuhati da ruta gera, renu di kohue inuhati ḡainage aiera. <sup>32</sup> Eige noka heḡiri raḡohisa, badiva ai ḡoḡe ramu hoḡe raḡaranu edube auki maḡuri vanu; aukamu dauraḡanu edube nokamu behuḡanu.”

## 16

<sup>1</sup> Gerege Iesu raki au ḡamituhe kiro gevenu, “Ada bubu ata be raki au kohue ni tabata ḡahiḡa rome auki biava be manu, edube koita iabeki oroḡi boriti ḡahege au koita mane eramu au kohue auki rokoru ḡahima. <sup>2</sup> Gerege auki ihromare kironu, Ona otavado da koitaia iau ihima? Ama ai meve kine bukava maemane mi da moimisa, badiva aka beta negahie di kohuve ni tabata ḡahi ḡoirāḡira vara. <sup>3</sup> Gerege ni tabata koitava raki auvaḡu au uhurehe berabe vi, Dana negu otavado kiki vanu, di biage ramu di meve mi ḡoirāḡima? Daka hero veite aba be rohisa, renu dakamu imimi variva vima. <sup>4</sup> Dakamu anai dana otavado kisa, di biage di mevehe da ariḡege, koita iana di ḡahara raḡi iau iagehe. <sup>5</sup> Auki au biage kohue idigevane ḡahava koba koba ihirogei, auki koita ganai beraḡanu, Ana di biage kohue idigane damunava

esebugenu? <sup>6</sup> Auki kironu, Daka oliva oila maġima iaġaniva tinahu bera, Auki kironu, Damunava one, guramare renu vaina utu-adakasiva maema. <sup>7</sup> Auki mati abu ġahigava beraġanu, Ama aie damunava esebugena? Auki kironu, Daka demaka puse ketake tinuhu bera. Auki kironu, Aie damunava one miare mi utu-abuġu veite maema. <sup>8</sup> Eige au biage raki au avaunaġe motea ġahi badiva au tarata ġumaġe dainehe; renu negu tau o momona iabera avaunaġe meva ge iauna maġuri raġisa, edube beta momona Dirava abage uhura maġuri raġare iabera. <sup>9</sup> Renu Iesu raki gavi oti ronu, eige daki roma, ahata maka iaġaniva ruġa vasi kiahe, au kosavege, iauka maġuri behi behive oġova a ihiromiro vara. <sup>10</sup> "Unuhuna iaġa avie riaġa ġahima auka iaġa raho riaġa ġahigava vara; renu unuhuna iaġa avieva avaunage vima auka iaġa raho. <sup>11</sup> Gerege aka beta ahata maka iaġaniva riaġahe nitabata ġahisa, ana unuhuna a riaġa ġahisa aka iaġa dadaġa ni tabata ġahisa? <sup>12</sup> Renu aka koita be kohue reġunaki ni tabata ġahigava veitenu, ana orenaki iauna aie a moimisa? <sup>13</sup> Besu besu koita bera beta bia abu iau meve kiki vara, bera auka besibe ġahisa mati bera auka maġe ġahisa. Aka beta Dirava meve mati ata maka meva abu ruġa kiki vara." <sup>14</sup> Faresia ġahava iabera ahata maka kohua iauki ġaharava raġa, eige iauki Iesu gavane ihare, iauki ho ġahi namigege. <sup>15</sup> Gerege Iesu raki kiro gevenu, "Ia iavaġu gera koita iabera ia eragei iai maġeve rosa; eduge Dirava ramu iai soruke eraġima; eige koitaia eraġi iaġa maġe vanu Dirava vaġotoni gera beta maġera. <sup>16</sup> Eige aena renu peroveta iau bukava maemane era iamu me ġahi ate Ioane Babatiso negahe; eiger a Dirava basileia hari maġeva iauki roege, renu koita inuhati ge iauki hero ġahigei iauki oroġisa. <sup>17</sup> Eige va mati vata ora dauraġohisa, edube orenki aena ġamika ora veite ġoisa. <sup>18</sup> Eige bena au mabare besibe ġahima mati maġi ġaita mima auka ni muduka auki kinu, mati unuhuna au moborena ġaremane maġiva mima auka ni muduka auki kinu. <sup>19</sup> Ada bubu ata bera vani inuhati ge auki ogona damu rahote kima mati demaka maġe iare eige auki maġuri maġeva guramege. <sup>20</sup> Renu au iaga uduanehe gera atabe ihiva Lasaro raki ei guramege, au ahatane uhuġati gera kuhiku tobo ġahanu, <sup>21</sup> auki anana viege auna so au ġubuve aviġahi ada bubu ata e tamuta viare demaka momonova desuraġare mi iare; auka anana veite totokaia au kuhive teraġare. <sup>22</sup> Negu ata goroa eraki hoġe ragege aneru iabeki mi agohi otinu Aberahamo ġasina. Negu ada bubu ata etage raki hoġe raġage iauki mi oti abatemenu. <sup>23</sup> Auka hoġe oġova uhura auki huhunaġi ġanaġa viege, renu auki ni baovi ni ġahege Aberahamo eraġi ġamanahu Lasaro ra au ġaika. <sup>24</sup> Auki toege, Aberahamo di mame, da vaġahu ġaha, renu Lasaro besuġa au oroġi au ade mi eiava taġoare di meine degide ġahe; daka vene hedoka uhurage daki huhu naġima. <sup>25</sup> Eduge Aberahamo raki kironu, Di moe, ana anavima akamu ai maġurihe iaġa maġe dadaġava aki idi gevege, edube Lasaro maġurihe auka iaġa maġe be mimi veitera, eige auki negubutu oi maġeva mima, mati aka huhu naġima. <sup>26</sup> Renu beta eġu gera, a mati no ni nomuakehe geramu keker a ketakera, gerege oġoreana oi urihi hakirahe ai ġasina otisa roia beta riaġa kiki vara, mati bera beta ei urimi ni hakirehe oroġisa. <sup>27</sup> Auki ronu, Gerege, mama, akera daki a imiġima so besuġa au so di mame iagehe ote. <sup>28</sup> daka di nanuhe iabera adakasiva gera, auma so oti vasiba ġahigeisa, iau negu oġo oi oroġi huhu naġohime. <sup>29</sup> Aberahamo raki kironu, Iauka Mose mati peroveta ġaha iaberamu enu, iaukamu iau gare ihisa. <sup>30</sup> Auki ronu, Veitera, di mame Aberahamo; eduge koita be hoġe uhura iau ġaġae ġoiege, iauka iau ġuma daureve ġaregeisa. <sup>31</sup> Aberahamo raki kironu, Gerege iau negu Mose mati peroveta ġaha iau gare ihivi veite ġahege, iauka koita be hoġe uhura maġuri viare tage beta au gare ihivi vara."

## 17

<sup>1</sup> Iesu raki au ġamituhe boriti ġahigei ronu, "Me ona raġirave iaue daure iaġa ġainage ororo vara, eduge oġoreana ġuma o mi oroġa uhuduanu ianu! <sup>2</sup> Au maġeve ramu iauna so muni raho be mi ai enokehe raroare miare eve kiravisa gerege ġuma onakikive beta momono daure ġahigeisa. <sup>3</sup> Eige ama uhuia misa! Ġami bena daure kima, ama daure kine namiġisa, renu au daure kine ġaremege, ama maġe ġahisa. <sup>4</sup> Renu koita kobuġa ena vani bei nega iatiriġava ai ġasina daure goiege, renu nega iatiriġava ġoiragi ai rosa, dakamu di daureve ġaremanu, ama da vaġahu ġahisa." <sup>5</sup> Apostolo iabaki Rohi Bauge kironu, "Ni ihihive raho ġaha!" <sup>6</sup> Rohi Bauge raki gavi ronu, "Ai ihihive na idi tahaka kusinaike naġatenu, aka riaġahe idi ketake okiroro vara, Ai umuke rakavare renu oti eve kobo raġa, auka ai gare ihivi vara." <sup>7</sup> "Iai vaġa unuhuna au me ġamite negubutu ġeġe seni me mi kosai se mamoe ni tabata ġahigei ġoiragi oġo oroġi ana kiroro vanu, Negubutu oi oroġi daġore gurami tamutava?" <sup>8</sup> Se ana beta kiroso, Oti ai ogona maġeve bodivare, roġi di demake kiege dama tamuta visa; ihie gena ana tamuta visa? <sup>9</sup> Ana ai ġamite maġe ġahigava vanu au a rogevene meva kine dainehe? <sup>10</sup> Eige a tage, au aki rone meva inuhati gena ana kinu, ama rosa, Noka beta me ġahe maġeva iabaki; noka no kiro gevare mevaġu ge noki kia! <sup>11</sup> Iesu au gamituhe ruġa iau ioave Ierusalem otisa, auki Samaria mati Galileia iau origige iauki otinu. <sup>12</sup> Auka oġo bei sirivege, lepera koita utube raki behuġanu. Iauki ġamanahu ge iauki rahanu, <sup>13</sup> iauki to raġi, roege, "Iesu, ni Biage, no vaġahu ġahigeve!" <sup>14</sup> Iesu raki erage vare, auki kiro gevenu, "Otiahe dubu ġahe iau ġaġae ġahiahe iau ia erageve." Iauki oġi otege uhura, iauki maġe ġahanu. <sup>15</sup> Gerege be raki, au ahatane eraġi auka maġe ġoinu, auki ġoiragi otime, auki heġirita to Dirava motea ġahege. <sup>16</sup> Auki oti Iesu vasi ġaika ġorumare auki maġe ġahi mati aukamu Samaria koita vara. <sup>17</sup> Gerege Iesu raki berabe vanu, "Iakamu iai ate ramu utube raki maġe ġahanu? Eduge ame negu sokovaia igaġu-veite, iauna oreigenu? <sup>18</sup> Esemena iau bea ġoiragi oġore Dirava motea ġahigava veite edube koita nune o avuġu oroganu? <sup>19</sup> Gerege Iesu raki kironu, "Urimi ramare renu iaga ote; ai ihihive ramu a maġe ġahanu." <sup>20</sup> Vani beige Faresia beraki Iesu beraġi vaisu gena Dirava basileiave oroġisa vima, gerege auki ronu, "Dirava basileia vera beta ororo vara edube iai vaġotoni iana eraġisa; <sup>21</sup> se iauka beta roro vara, Eraġa, aukamu onu! se Au virena! Eduge, riaġa, Dirava basileiave ramu iai vaġotoni." <sup>22</sup> Gerege auki au ġamituhe gaġa gevege, "Vani be oroġare iaka roro vara iana so Koita Ġamika eraġare, eduge iaka beta erara vara. <sup>23</sup> Iauka onaki aki roro vara, Vireni ni ġaha! se Ohe ni ġaha! Ia negu otime, ia negu iau itahe oġime. <sup>24</sup> Eige va gibaru viare au abagera va hakirahe oti hakirahe, e naġate Koita Ġamika tage enakime au abagena ġaġae ġoisa. <sup>25</sup> Eduge auka so uriġoi

huhu naġina vara renu negu tau o ġahava iabera besibe ġahiġa vara.<sup>26</sup> Erehuta Noa negahe naġatera, eige Koita Ġamika tage au negavehe auka enkikive ġoiġo vara.<sup>27</sup> Iauka tamuta raġi eia iege, mati mobo kiere renu au mabare kine riaġahi, ate Noa vani ei iaġatoi sirivanu, eia abatava oroġi inuhati hoeki gevenu.<sup>28</sup> E naġate eramu oroġi Lota negahe tage ena kikivera: iauka tamatu raġi eia iege, hae kiege se haevege, beġi beġi raġege renu iaga ġo gevege,<sup>29</sup> eduge Lota vani ei Sodoma ġaremege, vene hedokate veni naġate vava seni uguhi koita inuhati hoeki gevenu<sup>30</sup> —aukamu enki kikive ġoiġo vara Koita Ġamika ġaġae ġoiare vanihe.<sup>31</sup> Vani e miege, koita be iaga ġurida uiare beta uguhi iaga uhura au kohue ididivara; renu e naġate ramu koita be ġeġe me miare beta ġoiaraġira vara.<sup>32</sup> Lota mabare iama anaisa.<sup>33</sup> Iana oġoreana iai maġurive kamua iaka dauda vara, eduge unuhuna di dainehe iai maġurive dauġa iaka maġuri raġira vara.<sup>34</sup> Iakera daki ia kirogeima, vahi eigera ata abu gera geda kobabeige iauna iaġohisa, bera aneru iabera misa bera iauka ġarehisa.<sup>35-36</sup> Maġi abu ġainage koni iauki tutuġege; bera iauka misa bera ġarehisa."Ata abu ġainage ġeġe me miare; bera iauka misa mati bera ġarehisa."<sup>37</sup> Gerege iauki Iesu beraġanu, "Rohi Bauge, oreigenu? Auki kiro gevenu, "Oreigena ahata makava iaġima, eigera gaioka iabera bouraġira vara."

## 18

<sup>1</sup> Gerege Iesu raki badigomu be boriti ġahigei roma iama vani inuhati imimi raġisa ia negu vagua guragu raġime.<sup>2</sup> Iesu raki ronu, "Ogo beige berabe koita bera auka Dirava siġamiġa veite renu koita ġainage siġa geige veite.<sup>3</sup> Ogo ei tage maġi ġobu bera vani inuhati au ġasina otare renu kiroma, Da iaheġi di ġumaġe maġe ġaha da enana ġahare koitava ġasina.<sup>4</sup> Auka so uriġoi besibe viege; eduge auki ihie anai roma, Eduge dana Dirava siġami renu koita siġa geige veitenu,<sup>5</sup> edube ġobu oramu vani inuhati ge auki di ġasina dodo vima, daka au ġumaġe maġe ġahiġa vara, eige auka beta ġaitana da dodo ġahi ġoiaraġira vara."<sup>6</sup> Gerege Rohi Bauge raki kironu, "Iana berabe koita vire avanaġe gare iana iha.<sup>7</sup> Gerege ia anavare Dirava na beta au koitatuhe vani mi vahi mi niġo raġare iau maġeve mohigeige vanu? Auna uhu berebe vi so beta vaina iahe geige vanu?"<sup>8</sup> Dakamu roma, auka vaina iau ġumaġe maġe ġahiġa vara. Eige, Koita Ġamika oroġare iana riaġahe vata ada oi riaġa ġahare erara vanu?"<sup>9</sup> Iesu raki badigomu be boriti ġahigei koita bea iavaġu roia iauka maġe edube be iabera iauka iaġa be veite.<sup>10</sup> "Ata abu ge imimi raġisa eige iauki dubu otinu, bera Farisea mati bera teks idigare koitavaia.<sup>11</sup> Negu Faresia ata era avau ġeahu rami, onaki imimi viege, Dirava, akera daki a maġe ġahi badiva daka beta koita be iau naġate: vaho koita, ġuma daure kiare, ni muduka, se beta teks idigare koitava iau naġatera.<sup>12</sup> Daka pura be uhura vani abuge daki aena vi tamuta veite, renu di damune miare inuhati dakamu aie tage daki maemi.<sup>13</sup> Eduge teks idigare atava vire ġamana rami, auka beta riaġahe vava gagai ni ġahiġa vara, edube au dokane auna ġami rosa, Dirava, da vaġahu ġaha, daka daure koita vara!"<sup>14</sup> Daki aki roma, ata ora au iagehe otare auki uhu maġe ruta ġoiaraġanu edube bera veitera; eige iana unuhuna ia heġiri raġa iaka maġe ġahiġa vara, eduge iana unuhuna maġe ianu iaka heġiri raġira vara."<sup>15</sup> Koita iabeki iau ġamuhe idigei Iesu ġasina otege auka kamui geisa; eduge au ġamituhe iabeki eraġi, iauki namigei roege iauka beta otisa.<sup>16</sup> Eduge Iesu raki ihiro gevare kiro gevenu, "Momonu ġaregeve iau di ġasina oroġe, momono enaki kikive iabera Dirava basileia vera iau era.<sup>17</sup> Riaġa vara daki roma, Unuhuna Dirava basileiave riaġa ġahiga veitenu momono o iau naġatenu auka beta sirisi vara."<sup>18</sup> Koita bauge be raki beraġanu, "Di Biage maġeva, dana otavado kiare maġuri behi behive misa?"<sup>19</sup> Iesu raki kironu, "Esemena a roma daka maġe? Noka bera maġe veitera eduge Dirava avau gera.<sup>20</sup> Ana aena dibana veitenu: A negu ġuma daure kime; A negu ni muduka vime; a negu vaho vime; a negu avanaġe vime; Ama ai mame mati ai neine maġe ġahi geisa."<sup>21</sup> Auki kironu, "Dakamu aena o inuhati ge daki di kusinaike kiege."<sup>22</sup> Iesu raki au gare ihare, auki kironu, "Iaġa kobabe aki kiki veite. Ai kohue inuhati hae vare renu damunava mi ama goroa iahe geisa, vava eige ai damune ramu enu; gerege di itahe oroġo."<sup>23</sup> Eduge au Iesu gare ihine negahe, au uhure raki huhu naġi; badiva auka ada bubu koita vara.<sup>24</sup> Iesu raki niġahi eraġare kironu, "Uhudau bena ianu ada bubu ġahavaia Dirava basileiave sirisi vara iai bere berera!"<sup>25</sup> Riaġa, kamela vara riaġahe kobi nika ġamikava sirisi vara, edube ana unuhuna ada bubu koita vanu beta riaġahe Dirava basileiave uhura sirisi vara.<sup>26</sup> Au gare ihine ġaheva iabeki beraġanu, "Gerege unuhuna maġuri misa?"<sup>27</sup> Iesu raki kiro gevenu, "Koita iana iaga be ġereġere veite kiki vanu Dirava augera riaġahe kiki vara."<sup>28</sup> Gerege Petero raki ronu, "Eraġa, noka ni bouge ni iage ġarehare noki ai itahe oroġanu."<sup>29</sup> Renu auki kiro gevenu, "Riaġa vara daki roma, koita be ramu so beta, au iage se au mabare mati au ġamuhe se au nanuhe se au iahuve ġare gevenu, Dirava basileiave dainehe."<sup>30</sup> Unuhuna roma auka beta iaġa be mi ġoiaraġisa negu tau oi, renu ihie tau oroġare ei maġuri behi behive misa."<sup>31</sup> Gerege auki au ġamituhe utube hakira abu idigei ġeahu otime auki kiro gevenu, "Eraġa, noka Ierusalemata otito vara, renu Koita Ġamika iau peroveta ġahi inuhati maemane eramu ei basu basu vara."<sup>32</sup> Badiva iauka mi aena ġahe mohigeige vara; eige iauna ġami hodivi mati au ada tage saba raġohisa.<sup>33</sup> Iauka hodivare itaharahe, iauka ġami hoeki vara, edube vani abigaġa ġahi ġahe auka urimi ġoiaraġira vara.<sup>34</sup> Eduge iauka Iesu gare makava mimi veitera; riaġa vara, au rone gava iau uhure ra bao raġira veite, eige iauka au gare uhu maema veitera.<sup>35</sup> Iesu ra Ieriko kahika ġahi otege, auki niġahi ata bera niġa niġa veite auki ġumaġa gurami imimi vima.<sup>36</sup> Auki ihige koitaia iabeki oġi otege, auki berabe viege.<sup>37</sup> Iauki boriti ġahi, "Iesu Nasareta koita eraki oroġima."<sup>38</sup> Gerege auki to barai ronu, "Iesu, Davida Moe, da vaġahu ġaha!"<sup>39</sup> Koita bea uriġahi rahirahe iabeki namina raġi roege auka keru ġoisa; eduge auki to barai roege, "Davida Moe, da vaġahu ġaha!"<sup>40</sup> Iesu raki ramare auki kirogei iauka nisigami au ġasina kahika ġahi otisa; gerege auki beraġanu,<sup>41</sup> "Ana otavado a roma daka ani kisa?" Auki ronu, "Rohi Bauge, dana so niġahi ġoiaraġare."<sup>42</sup> Iesu raki kironu, "Ai nie ramu baoraġanu; ai ihihive raki a maġuri ġahanu."<sup>43</sup> Ġamana veite au ni eraki baoraġi auki niġahi ġoiaraġanu renu Iesu itahe oġinu, auki Dirava maġe ġahi; renu koita inuhati eraġane, iau bouge ġainage Dirava motea ġahege.

## 19

<sup>1</sup> Iesu raki Ieriko ogo seni auki ogi otege. <sup>2</sup> Eigera ata be ihivara Sakaio, auka teks idiġare iau biagera, mati ada bubu koita vara. <sup>3</sup> Au uravera auka Iesu eraġisa, eduge koita dadaġa iau dainehe auki erara veite, badiva auka koita tuake vara. <sup>4</sup> Gerege auki uriġoi rurui otime auki ioġo idi bei ġadimi auka Iesu eraġisa, badiva auka ġuma ei otito vara. <sup>5</sup> Iesu raki mata ei hakivare, auki ni iagemi eraġare auki kironu, “Sakaio, vaina ġoroma; daka negu vani oi ai iagehe oti guragu vara.” <sup>6</sup> Gerege auki vaina ġoromare renu heġirita mi au iagehe otinu. <sup>7</sup> Koitaia eraġane iabeki mudumu raġi roege, “Aukamu otime auki daure koita vire iagehe au deivave ġoinu.” <sup>8</sup> Sakaio raki ramare auki Rohi Bauge kironu, “Eraġa, di kohue hakirava, di Rohite, daka idigei goroa mohigeige vara; mati dana be iau iaġa be idiġanu, daka damuna kisa nega ababu dana mohigei ġoirāġisa.” <sup>9</sup> Gerege Iesu raki kironu, “Negu vani oigera maġuri raki iaga oi roġonu, badiva au tage Abarahamo moera. <sup>10</sup> Koita Ġamika oroġane badivara koita dauraġohane iaġogeisa mati maġuri ġahigeisa.” <sup>11</sup> Iauka Iesu gare ihige uhura, auki mati badigomu be ronnu, badiva auka Ierusalem kahika ġahege, renu iau ananave iauka Dirava basileiave iau ġaġae ġoisa. <sup>12</sup> Gerege auki ronnu, “Ata bauge bera au ioave oġo ġamana bei otisa au Rohive hedokava miare mati auna ġoirāġisa.” <sup>13</sup> Auki au besu besu ġahetuhe utube ihirogei, auki muni tahaka koba koba mohigei, erehuta bata abigaġa damunava naġate, mati kiro gevenu, ‘Iama me ġahigeisa ate dana ġoirāġisa.’ <sup>14</sup> Eduge au oġo ġahetuhea iabera besibe ġahi renu iauki oġo koita bea au itahe besugei, roege, ‘Noka ġahara veite ata ora ni Rohive ġoisa.’ <sup>15</sup> Eige au rohi hedo mane auki ġoirāġi, auki au besu besu ġahetuhe ihirogei, au muni tahaka mohigevene, iauka boriti raġisa renu iauna muni tahaka kiego auna raho ġoinu. <sup>16</sup> Uriġoi koitava raki ronnu, ‘Di rohite, dakamu utube adahege daki utube mati kinu.’ <sup>17</sup> Auki kironu, ‘Maġera, aka ata maġe vara! Badiva aka iaga avie ni tabata ġahi maġe ġahanu, daka ami oġo utube aka ni tabata ġahiġa vara.’ <sup>18</sup> Gerege abu ġahiġava raki oroġi, roege, ‘Di rohite, dakamu ada kasiva daki adahe ada kasiva kinu.’ <sup>19</sup> Auki kironu, ‘Renu aka mata o oġova ada kasiva ana ni tabata ġahisa.’ <sup>20</sup> Gerege be raki oroġime, auki roege, ‘Di rohite, ai muni tahaka kobabe da moimane iaġaniva one. Miare daki ogona tina bei ġodomi maemanu, <sup>21</sup> akera daki a siġami, badiva aka ata bere berera; aka a maema veite iaġaniva aki manu, renu aka a beġibe veite iaġaniva aki dodo vanu.’ <sup>22</sup> Auki kironu, ‘Daka avaġu ai garehege dana a beraġisa, aka besu besu koita daure vara! Aka dibana, daka koita bere berera, daka da maema veite iaġaniva misa renu beġibe veite iaġaniva dana dodo visa? <sup>23</sup> Gerege otavado dainehe a di muni tahakave mi koitaia moni maemare maema veite? Eige daka ġoirāġi, dakamu tinabe iau adahani maemane mimi vara.’ <sup>24</sup> Auki koitaia rahirahe kiro gevenu, ‘Muni tahake miare oti moni utube kine moimiahe.’ <sup>25</sup> (Iauki kironu, ‘Ni rohite, auka utube bera auki manu!’) <sup>26</sup> Riaġa daki roma, unuhuna iau ġasina dadaġa vanu, auka dadaġa mimi vara; eduge oġoreana iau veite, iau ġasina iaġaniva tage auka mimi vara. <sup>27</sup> Eduge da enana ġahare ġahavaia da besibe ġahi daka beta iau rohite ġoisa—idigei oi di vaġotoni oroġare iama ġahigei hoeki geisa.’ <sup>28</sup> Iesu gavane itaharahe, auki uriġatugei, Ierusalem ġadimi otege. <sup>29</sup> Auki ogi Betafage mati Betani kahika ġahi otege, oġo ihiva Oliva nimu, auki au ġamituhe abu besugei, <sup>30</sup> roege, “Otihahe oġo be iau vaġotoni, ia ei siri raġege iaka doniki ġamika bera iauka me raroi maemane erara vara, bera so au ada guragu veitera. Iama vahegare mi oroġisa. <sup>31</sup> Bea ia bera gevege, ‘Esemena ia doniki ġamika e vaheġa?’ Enaġu kiro geisa, ‘Rohi Bauge eraki besu besu vanu.’” <sup>32</sup> Gerege au besu gevene ġahava iabaki otime iauki au kiro gevene ġumahe eraġanu. <sup>33</sup> Iauka doniki ġamika vaheġege uhura, biava raki beragei, “Esemena ia doniki ġamika e vaheġa?” <sup>34</sup> Iauki ronnu, “Rohi Bauge eraki ġahara vima.” <sup>35</sup> Gerege iauki doniki ġamikava mi Iesu ġasina otinu; iauki iau ogona adareva idigei doniki ada tatavare vare, iauki Iesu iaheġi auka adahe guramisa. <sup>36</sup> Iauka ġumaġa otege, koita iabera iau ogonave idigei ġumaġa tatagei otege. <sup>37</sup> Auka Oliva nimu seni uguhi Ierusalem hakivisa, au itahe oġiare ġaheva dadagava iabeki iau bouge heġirita to raġi gure Dirava motea ġahi au hedo meve kiego iau era gevege dainehe, <sup>38</sup> roege, “Ni Rohite maġe ġahiahe aukame Rohi Bauge ihehe oroġima! Au maive vava gera, mati vava vava motea ġahisa!” <sup>39</sup> Farisea ġahe bea koita dadaġa iau vaġa geraki kironu, “Ni Biage, ai ġamituhe namigeve iau kerri ġahe.” <sup>40</sup> Iesu raki kiro gevenu, “Take daki iaki roma, iau negu kerri ġahare, muni o iabera to raġira vara.” <sup>41</sup> Auka oġo hugure ġahi oroġoge auki niġahi eraġare, auki vaġahu ġahi, <sup>42</sup> roege, “Edube ia ġainage iana so negu vani oi dibana ġahare mai oroġare ġumava! Eduge iauka iai ġoġohu ġahiġa vara. <sup>43</sup> Riaġa, vaniv a ai roġare, ai enana ġahatuhe iabemu ai ġamiġa ġumava kiego a oriġare, aka beta hakiha vara. <sup>44</sup> Iaukamau ai ġamuhe ruġa ia ġahigei hoekigei, mati iauka beta muni be tage ġareġa vara; badiva iaka Dirava deiva viare vaniva iaka uhiamia veite. <sup>45</sup> Gerege auki dubu sirivare auki koitaia hae kiego ġaheva oiagei hakivege. <sup>46</sup> Renu roege, “Iaukamau ro maemanu, ‘Di iagera imimi iaga vara’; eduge iakaki mi vaho ġahe iau guragu iage kia.” <sup>47</sup> Auka vani inuhati ge auki dubu oti badi maġe koita bauge iau roege. Dubu biavaia, aena ġaheia, renu oġo koita baugea iau bouge au ġamiġa ġumava iaġova; <sup>48</sup> eduge iauka ġumava be behube veite, edube koita iabera daġe raġi au badi maġeve ihisa.

## 20

<sup>1</sup> Vani bei, auka gure dubu badi maġe koita boriti ġahi gevege, gerege dubu biava renu aena ġaha iabeki koita bauge ruġa au ġasina otinu <sup>2</sup> renu beraġanu, “No kirogeve, unuhu hedokehe gena a me o kima? Unuhui gena a hedo manu?” <sup>3</sup> Iesu raki kiro gevenu, “Da tage ia beragei gevara, renu iama da boriti ġahisa: <sup>4</sup> Ioane babatiso mane na vava seni ge au oroġanu, se koita iau seni?” <sup>5</sup> Iauki iavaġu bebe gaġagei, roege, “No negu rosa, ‘Vava seni,’ auka roro vara, ‘Esemena ia riaġa ġahiġa veite?’” <sup>6</sup> Eduge no negu rosa, ‘Koita iau seni,’ koita iabera muniva no ġahigei hoekigei gevara; badiva iauka onakime iauki roia Ioane ra peroveta koita vara.” <sup>7</sup> Gerege iauki kironu iauka dibana veite oreigenu au oroġonu. <sup>8</sup> Gerege Iesu raki kiro gevenu, “Da tage beta ia boriti ġahigei gevara unuhu hedokehe gena da me o kima.” <sup>9</sup> Gerege auki badigomu be koita boriti

gahi gevege: “Ata be raki demaka ġeġe be kiare, auki koita be idigei iauka ni tabata ġahisa, auka so mata nune bei nega tinabe ġamana ioa otisa. <sup>10</sup>Rohirohi nega miege, auki au ġamite be besuġi au ġeġe ni tabata koitava iau ġasina au ġeġe makava misa; eduge ni tabata ġaheva iabeki ġami oiahi auki adaunaġe ġoiragānu. <sup>11</sup>Auki ġaitana be besuġanu; au tage iauki ġami oiahi mati adaunaġe besuġanu. <sup>12</sup>Auki mati ġaitana abigaġa ġahiġava besuġanu, iauki ġami daure ġahi mi itahe kirai haki raġanu. <sup>13</sup>Gerege ġeġe biava raki onaki ronū, ‘Dana otavado kisa? Daka di moe kobuġava dana besuġisa; iauka mena beta iaġa be au kiki vara.’ <sup>14</sup>Eduge negu ni tabata ġahe iabeki iavaġu gaga raġi ronū, ‘Oramu kohu biava moera; noma ġami hoekare gerege noma ġeġe o noni misa.’ <sup>15</sup>Iauki mi ġeġe itahe butui haki raġare iauki ġami hoekanu. Eige ġeġe biava negu orenaki kiogeige vanu? <sup>16</sup>Aukamu negu orogare ni tabata koitava ġahigei hoeki gevare auna ġeġe mi koita be mohi geisa.” Ihine ġahava iabeki onaki ronū, “Veite! beta enaki ġoiġo vara!” <sup>17</sup>Eduge Iesu raki era gevare ronū, “Gerege bukava maemane makava na otavado: ‘Iaga ġoġo koitavaia besibe ġahane munivaeramu iaga kamui berebe ġahare muni vara?’ <sup>18</sup>Muni vire ada moruġohare ġahava iabera mumu raġohira vara, mati koita be ada moruġohare koita era mumu raġira vara.” <sup>19</sup>Negu aena gaha mati dubu biavaia iabeki dibana ġahanu badigomu ora iauge auki roma, eige iauka ġamiġa ronū, eduge iauki koita iau siġore raġohanu. <sup>20</sup>Eige iauki eraġanu mati avanaġe niġa niġa koita besugei, au gare dainehe iauka kamuisa, gerege iauka mi oti gavana aenava renu au hedoke derikehe. <sup>21</sup>Eige iauki beraġi ronū, “Ni Biage, noka dibana ai gare renu ai uhuvake, renu aka koita be ga nune ġahiġa veitera, eduge Dirava uhuvaka garehege aki gaġa geima. <sup>22</sup>Kaisara taks monive no moimare se veitenu, aena vanu?” <sup>23</sup>Auka iau taratave dibana dainehe, auki kiro gevenu, <sup>24</sup>“Moni be mi da moima. Unuhu omote renu unuhu ihena adahe?” Iauki ronū, “Kaisara ihera.” <sup>25</sup>Auki roma Kaisara aue Kaisara iama moimi, Diravaie, Dirava iama moimisa. <sup>26</sup>Aru koitai iau vairanea au gare ehe iauka idoa ġahiga veite, au gare ragadiha, iauka ga veite. <sup>27</sup>E itarahe Sadukea koita beabe au ġaika oti; ore a earoia hogera beta irimi goiragarihe; iauki beraġi, roia, <sup>28</sup>Hadiba koita, Mose ni taravatu no mohigei, roma, ata be hogeraġi mati gobua gurami gami veite, gobua sibakava na mati mabakisa, gamikava aune havaragahigei hoġe atavaie. <sup>29</sup>Benaini ogo nama iatiriava gura gurave, ata bauge kiege maġi be maba kinu to auka gami veite auki hogeraganu. <sup>30</sup>Abu ġahigava mati abigaġa ġahiġava iauki negu maġi e mabakinu <sup>31</sup>ototo iatiriava iauki manu, to iau bougei hoġe ragohanu iauki gami veite <sup>32</sup>ihie maġi tage hogeraganu. <sup>33</sup>Uriri ġoiragira negavahe maġi ena unuhu mabarenu? Badiva iatiriava iauki mabakinu. <sup>34</sup>Iesu ito roma, o tanobada koita iau maġi idigeve, mati mabakiogevane <sup>35</sup>a au orogare basileiave kara ieriri koita iaune urihi goiragohi; iauka beta hadava ragohiava, <sup>36</sup>mati iauka beta hogeraġi goiragahui iauka aneru rua geregere rairavara mati Dirava moteahi, badiva iauka toreiſi-lou koitaia. <sup>37</sup>Hogeve urihi goiraga ga vara Mose kiege idi garanate uhura no boritigahigevenu rohi bauge bina ronū Aberahamo Diravave, Isako Diravave, Iakobo Diravave. <sup>38</sup>Ena ronū auka beta hoġe koita iau Diravave, to maguri koita iauie, badinava koita aubougei iau dainehe iauki maguriragaha. <sup>39</sup>Itorena koita beabeki roia, Hadiba koita ga riaga menu. <sup>40</sup>E dainehe iauka beraġi goiragira veite; bina sigoragianu. <sup>41</sup>A auki beragei roma, badiva na otavado koitaia roia Keriso ra Davida moe ie? <sup>42</sup>Davida Salamo uhura roma Rohi Bauge kiege di rohi kiege boritigahi roma daka vamaġahe dane gurai <sup>43</sup>ototo inai tuhea aubougei ai vase vatava iaganiva aune otigei. <sup>44</sup>Davida avagu roma ? Rohi Bauge roia orena kiki vanu, auka au moe. <sup>45</sup>Koita aubougei vagatoni auki au hadiba tuhe boritigahigei roma, <sup>46</sup>Taravatu toreto diba koitavaia nahuava iam tohoge. Iauka urarai dabua eige getegei, iauka ioaioa, hae gabua koita iabeta maġe ġahigeisa mati dubua mati anibouva gabu maġeva iauka gurahi. <sup>47</sup>A iauka gobu iau iagehe ogogami ġahigei: iau gurigurive gamanagahi koita taragei. Iaka damu isukate iaune so misa.

## 21

<sup>1</sup>Ia e roha isi, taga koita eragevenu iau boubou monive maua uhura udagei. <sup>2</sup>Gobu ogogami be erai, au monive kusi kusike abu uda gevenu. <sup>3</sup>Ge auki roma, daki ia boritigahigei riaga, o gobu udavane iagadiva kiege iau bougei iau here ġahigevenu. <sup>4</sup>Badiva iauka iau taga uhura tina kibe boubou mauava iauki udageve; to auka au ogogami uhura au iagane uhuġatu au maġurive iagane auki udavanu. <sup>5</sup>Beaberi kiege deubu aena gavarai munimuni maġe mate herahia iaga aena gava kinu a auki roma, <sup>6</sup>nega ia eraġi iagadiva aubougei va ihiehe auni roho rai; muni be muni ada aukabeta uirihe. <sup>7</sup>Ge iauki beraġi roia, Hadiba koita, va orei iaga ena varai? Mai au varavare negava toavana otadoanu? <sup>8</sup>Auki roma iai nahuave iama tohoi, iau ia taragevare sigovara badinava hutuma di ihie, oroſi rosa “atava o da” mati negavara bina hugu-hugu to iau itahe iama otisa garehi. <sup>9</sup>Tuari mati helogo-helogo hariva iane ihisa, iama siġo raisagarehi badiva o iaga so urigatu varai, a dokonava so vairava. <sup>10</sup>Mati roma, bese be bese iaurua iaune heala-ala heheni mati basileia be basileia be ruta tuari raisa. <sup>11</sup>Gabu nune nune au vatana laga; dove mati dai-hanai dikavana varai, siġo iaga mati va toavaia rahova vararai. <sup>12</sup>A iaga e iabera so varaiava. Iau ia dabaimui tao iaune ia huhugahigei dubua mati vadibu iagava iaune ia dorigei siriraisa; pavapava mati gavana vaġotoni iaune nisigei oti di ihe dainehe. <sup>13</sup>A unu iaga e iai riagagahigeve iaganiva aune otisa. <sup>14</sup>Ai uhure hadai iai itoto gavadiva amaso urigatu anaſa, <sup>15</sup>badiva daka roma ga mati aonega dane iamohigei, iai inaive aubougei iaune gwau-tubumui mati laoahumui iauka beta goadava. <sup>16</sup>A iaimame, neine, nanuhe, vara varatuhe, vasiruhe iau bive torei ia begaita iaune iagahigei hoekigeisa. <sup>17</sup>Koita aubougei iaune ia inai ġahigei <sup>18</sup>to iu omote hanakava kobua bera beta daure goiarihe. <sup>19</sup>Iai berebe dainehe iai suare na maguri visa <sup>20</sup>Tuari oreava Ierusalem aune kouviri oriġi ene erai, aune dibanavisa au dokone bina hugu-hugoi. <sup>21</sup>E negahe iane Iudea iaune gurami koitava ia nimua rururai oti, mati ogo uhura iaune gurahi koitaia iaune rururai hakiragohisa, mati urada iaune gurahi koita vana ogo beta ogi vareivarihe. <sup>22</sup>Badinava damu kiki negavara menu; torei subuta gavadiva aubougei riagagahiga vanivara menu. <sup>23</sup>E negahe detu magia mati mara roto magia madi ihabaidia badiva huhu raho o vata aune varai mati ho bese koita ada aune kauvi. <sup>24</sup>Beabera dove negava iaune hogeragohi, beabera iauna idigei maguri ġahigei ogo nunebe ogo nunebe iaune

idegei otisa. Idau bese koitaia Ierusalemah duhai gurahi ototo bese nune iau negahe aune kosaisa.<sup>25</sup>Vani, bata, hisiu toana varaisa; mati tanobada besevaia huhu i soru hiroro na butudia tao eve enoga mati hurehure tage raho goisa.<sup>26</sup>Koita sorukavana hirorovisa, daravaia iaune dokorai; iau vara iaganiva sigova iaune sigorai dainehe badiva va hedokava na marere marere visa.<sup>27</sup>Iaune koita gamika iaune eraisa ori ada aune oroisa hedo raho ruta mati haira ruta.<sup>28</sup>Iağa o iabara gağae gahi, urimi ramare ai omote mi iagemi, badiva iai mağuri gahiğa vera huguro gera.<sup>29</sup>Gerege auki badigomu be boriti gahi gevenu, “Idi o erağiahe mati idi o inuhati;”<sup>30</sup>koboka gadimi a eraganu ama dibana iaha bina hugu-huguvima.<sup>31</sup>Aukamenu, ia gaita iaga o varavare iama eraisa, iama dibana gahisa, Dirava basileiave bina hugu-hugugoima.<sup>32</sup>Da boritigahigeima riağa, o uru oia iauka beta koisaia, iaga oaubougei so vararai ihie.<sup>33</sup>Va mati tanobada iaune pukirai a di garera beta pukivarihe.<sup>34</sup>Iai nahuave iama tohoisa, tamuta mudago mati kekero gadiki mati tanobada au lalo hagui iagadiva na au uhure isuka isuka gahiga siğo vara, ge vani ena a ragadiga gahisa, idoa hairanite.<sup>35</sup>Badiva vani ena tanobada guragu koita iaubougei iau aune kauvisa.<sup>36</sup>Taunabunai ama gimaisa, va aubougei ama gurigurivisa, ga negu daure uhura ane magurivisa koita gamika vağotoni ane ramisa.<sup>37</sup>Huivie vahe ane Iesu au avanivi auka vani dubu aenava hadibavi a vahi aubougei auka hakivi, oliva nimua auki guramige.<sup>38</sup>Va sobosobova iaubougei dubu aenava hebouraege, au gare ihih.

## 22

<sup>1</sup>Asie hatubua flaoana ariana, ladana lagau-hanai bina huguhu goinu.<sup>2</sup>Ge aena koita mati itorena koita iaui gamiga guma iagoanu, badiva iauka aru koita iau sigore rağoha.<sup>3</sup>E negahe satani kiego Iuda Isakariota uhube hakira abu ata boloa.<sup>4</sup>Ge auki oti hahelaga koita mati dubu aena biavaia iaurua vahekinu, Iesu auna orena kiego mohigeisa.<sup>5</sup>Iauki bina hegiri raganu, iau gwau-hamata gahanu, moni iaune moimisa.<sup>6</sup>Auki roma, magera auki va narivanu aru koita veite au aune Iesu mohigei.<sup>7</sup>Iau begibe veite flaoava boua vaniva, lagau-hanai mamoe gahigeige vaniva kauanu.<sup>8</sup>Iesu raki Petero mati Iaone besugei roma oti lagau-hanai kiego inono-gadi gahisa ge none isa.<sup>9</sup>Iau abu roea orehe nona kiego hegae-gae gahisa?<sup>10</sup>Ge auki boritigahigei roma, ogo raho va ogi sirirai, ata be hodu ehea iama eraisa au gadimare iagahe iane gadihi.<sup>11</sup>Iane iaga bia gagahi, rosa, “hadiba ataroma dei daiutu na orenu, di ahediba rua lagau-hanai none isa?”<sup>12</sup>Auki auhe daiutu raho be ia gahino geisa vada e iravaia vaitani, ikehegena iane hegae-gahisa.<sup>13</sup>Ge iau abu oti, au urigatu rone iagadiva behugei; lagau-hanai iaui dabara gaha.<sup>14</sup>Negava bina kauanu, auka au apositolo atave rua eige diho.<sup>15</sup>Ge auki gağa gei, roma, daka gahara raho negu o lagau-hanai noka bourai isa, itarahe huhu dane isa.<sup>16</sup>Badiva daka ia boritigahigeima, daka beta lagau-hanai beta igoragarihe ototo maka koriko aune gagae-goisa Dirava basileiave<sup>17</sup>Auki kebe be mi auki magegahi roma o miahe; iau bougei iahe.<sup>18</sup>Badiva daki ia boritigahigei; daka beta vine e ii goiragarihe ototo Dirava basileiave kauvi.<sup>19</sup>Bena flaoa atagana be mi, magegahi, bokoi mohigei, roma di ahatane monu, iai dainehe bina moimonu, onaki me iane kiego, da anaisa.<sup>20</sup>Tamuta rai dokari, auki kebe mati mi roma o kebe ora herohe-maino isaganigane di taokehe iai dainehe aune bohuragisa.<sup>21</sup>Di bive kine koitava adakava pata ada o di isinika.<sup>22</sup>Riagavara koita gamikava bina otitivara au rone gere-gereva, a biva kine atava madi ihabaina.<sup>23</sup>Bena iavagu berabe bebe iau unuhu na ena kisa.<sup>24</sup>Mati iavagu hepa-pahuahu iavagu iauna unuhu na herea.<sup>25</sup>Auki boritigahigei, roma bese nune-nune iau pavapave ia rohi gahigei mati ogo nune-nune koita iau rohi moteaha.<sup>26</sup>To iaka beta ena kikive, iai nomuaka ata baugera ata avie otisa mati hakau ata tage hesiai atava aune oti.<sup>27</sup>Hereavana otavado tamuta gabua gorurai atava se hesiai ata? Tamuta gabua edemi gorumane atava ani? Daka iai nomuaka hesiai atava hairanite.<sup>28</sup>A iaka da dibaganigu negahe di origi gurahi tarika-tarikava koitavaia.<sup>29</sup>Tauna-bunai di Mame au basileiave be daie bina rone gere-gereva da tage basileia be iaga ronu.<sup>30</sup>Ge di baseleiave uhurahe di patavehe iane tamuta raisa mati inuinu raisa mati teronava iane gurahi; Isaraela iduhu utube hakira abu iani hahemaoro henidia.<sup>31</sup>Simona e Simona e da boritigahigei satani kiego iai bougei bina ia roiage vanu, aune ia tapogei uit hairanite.<sup>32</sup>A daka iai guriguri, ia gabi dadamave beta darerevara, iai uhure aune goiraisa negahe ai ma tadikakamu ama hero gahigeisa.<sup>33</sup>Au roma rohiraho e, dana a bamoisa ototo vadibu iagava ototo hoğe.<sup>34</sup>A Iesu roma Petero daki a boriti gahima, kokoruku so nina veite aka nega abigağa da gorei, rosa daka dibana veite au.<sup>35</sup>Mati roma, daki ia besugevene negahe iaka iago veite, iaka moda veite tamaka oğinu, iana iaga bei gena ia daburaganu? Iauki roia veite.<sup>36</sup>Auki kiro gevenu, “Eduge ana negubutu iago aviete ama misa, se iağa be. Renu unuhuna eği veitenu, auma au ogonave haevare mati be haevisa.<sup>37</sup>Badiva da ia boriti gahi geima onaki ga maemi makava dai aune varaia roma, auka kara havara-havara koitava rua dahigei bouvi. Riağa egera dai gen aune guguru visa.<sup>38</sup>Iauki roia Rohi Bauge e dare idi abu monu, auki roma bina gere-gerevara.<sup>39</sup>Bena auki ogi hakivanu, vaia au karave oliva nimua oti; au hadiba rua au itahe oğinu.<sup>40</sup>Gabu ei kauvi; auki boritigahigei roma, iama guriguri, hedibagani ia butumui tao na garina.<sup>41</sup>Auki avagu ogi gaise, muni be kiravare nagate; auki hetuitui auki guriguri vanu,<sup>42</sup>roma Mama ai ihure geregere vare o kehere dai seni boma abia oho to beta di uravera, to ai urave hari.<sup>43</sup>Bena aneru be vava seni au kauanu goada gahiga dainehe.<sup>44</sup>A huhu raho herea kiego uhura guguba gahanu, ge auki guriguri goada goada vanu ototo vagotoniva vata morugohonu, tağo komuta hairanite.<sup>45</sup>Guriguriva auki urimi hahediba iau gaika goirai oti, iagiahe behugeve darana auki dokoane dainehe.<sup>46</sup>Bena auki namigei, roma otavado be dainehe ia iagoha? Uriahe guriguri raiage, hedibaganiva ese baine butumui tao na garina.<sup>47</sup>Au ga uhura, hutuma bina ginidae; Iuda, utube-hakira abu atava be auki urigatu gevenu; auki Iesu anoisa ro ogi hugahi otinu.<sup>48</sup>A Iesu roma Iuda e, koita gamika anoanova amo be revaia a?<sup>49</sup>Au gaika rahane koitaia iaui erai otadoana varai, au beragei roma Rohi Bauge dareva dane dapa-dapa ie?<sup>50</sup>Iau beki hahelaga ata raho au hesiai atava ihikohe vamagava dapai kokivanu.<sup>51</sup>A Iesu roma iakoso, bena ihikohe kamo i auki bina magoinu.<sup>52</sup>Bena Iesu kiego dabai-taona otine koitavaia hahelaga koitaia mati dubu aena biavadiva mati ogo ata rahoia ga gei roma, iaka

erehuta dadidadi ata be idabai taona hairanite, mai daremui mati mai karevanui ie? <sup>53</sup>Vani aubougei dubu aena uhura no rahi bouraege, eseragohi mena beta da dabai tao gahanu to ora bina iai negavera; vadibu au hedoke negavara. <sup>54</sup>Ge iauki dabaia-tao, hahelaga ata raho au iagehe nisigami siri raḡoha. Petero tage au itahe ogi, to padate. <sup>55</sup>Beabeki maḡu uhura vene gomoi iauki gurahi origi; Petero tage iau itahe ḡaika guramanu. <sup>56</sup>Bena hesiai magibe vene abagava auki erai; auki hohoagahi, roma ata era au bamode bera. <sup>57</sup>To auki gore-gorevanu, roma maḡi e daka diabene veite au. <sup>58</sup>Vanaha veite be raki erai, roma a tage iau bamode be a Petero roma ata e daka veite. <sup>59</sup>Hora be geregereva bina otinu be raki ga goada goada, roma rigavara o ata o au bamode bera badiva auka Galileia atava. <sup>60</sup>A Petero roma ata e ai garera di uhure so baoragira veitera. Bena garehe kokorogu nivinu <sup>61</sup>Bena Rohi Bauge kiego Petero anigoi nigahi hohoagahi. E negahe Petero Rohi Bauge au are anai roma kokorogu beta so nivarehe ane da goreisa. <sup>62</sup>Bena Petero bina ogi hakivanu nina raho vanu. <sup>63</sup>Iesu kamoane koitaia kiego gonagona ḡaha. <sup>64</sup>Nika tage dabuave godomanu, pata berai roia a patavane koitava ro unuhu nu. <sup>65</sup>Mati ga daure mudago iauki boritigahanu. <sup>66</sup>Va sobosobo ogo ata rohia hebou, hahelaga koitaia mati itorena koita rua ben kanisolo vaḡotoni iauki nisigi oti, roia, <sup>67</sup>No boritigahigeve ana Keriso se? Auki roma daka ia boriti gahigeisa, to ia ihiveite; <sup>68</sup>mati da ia beragei, to ia haere. <sup>69</sup>A negubetu oti, koita gamikava Dirava hedoke mimi vamaga hakira au gurame. <sup>70</sup>Ge iau bougei roia ge ana Dirava moenu? Auki roma o ae roiarena. <sup>71</sup>Iauki roia otavado dainehe habade ga no iagova? O au avagu avagehe roiarena no iharena.

## 23

<sup>1</sup>Bena hebou koita iabougei urihi, Pilato origi nisigani oti. <sup>2</sup>Iauki habadegahi matama, roia, o ata o no behuane, ni bese koitatuhe uhuradiva iogeima, Kaisara au tax monive moimiahe gwau-tao mati avagu au roma auka Keriso pavapava be. <sup>3</sup>Ge Pilato kiego berai, roma, ana Iudea koita iau pavapava ie? Iesu kiego ito, roma a ebina roiarena. <sup>4</sup>Pilato kiego hahelaga koita mati aru koita boritigahigei, roma, kerere be daka behube veite o ata oi. <sup>5</sup>To iauki ga goada-goada, roia, auka au hadiba gavehe roma Iudea aubougei bina neru raḡoha, Galileia au matamavi oriori ogoi. <sup>6</sup>Pilato kiego ga e ihi, ge auki berabei roma ona Galileia atavanu? <sup>7</sup>Iauka dibana auka Heroda kasiva koita vera dainehe, iau besui Heroda ḡaika besui oti, badiva vani ei auka Ierusalemia gera. <sup>8</sup>Heroda kiego Iesu erai, auki hegirivanu, badiva va ḡamana Iesu hariki ihige, au urave aune erai mati Iesu so toa be aune kiare ge aune eraḡare roma, <sup>9</sup>ga mudago auki beraege to Iesu ra itoto veite. <sup>10</sup>Hahelaga koitaia mati itorena koita ikehe rahane habade ḡahi goada goada gahanu, dabua maḡe here be au hadokilaia iauki Pilato ḡaika besui goiragohi oti. <sup>11</sup>Heroda mati au tuari koita tuhe iau tatigahi gona-gona ḡahi; dabua maḡe herea be hadokilai gai, iauki Pilato gasina besui goiragohi oti. <sup>12</sup>E vanihe Pilato mati Heroda bina here-maino, badiva subuta iauk iabu bebe betia gahigevege. <sup>13</sup>Bena Pilato kiego hahelaga koita mati ogo rohi mati ogo koita ihirogei. <sup>14</sup>Auki boriti gahigei, roma o ata o ia moroi iai vaḡotoni ia habade gahane gavadiva da iagonae, au kerere be behube veite. <sup>15</sup>Heroda tage ena kikivera e dainehe auka mati besui ḡoiragi ni origi; benaini auka hoḡe karabe auka kiki veite. <sup>16</sup>Maḡe da gamima, mati dane vahei garimisa. <sup>17</sup>Badinava era au karave boua negava dibura iagava gurahage atava be aune vahei garia remisa. <sup>18</sup>Ge iau bougei gariri bouragohi roia o ata ora aunagera, Baraba no mohigeve. <sup>19</sup>Era gogai mati roroma ogo uhura havaragahane dainehe vadibu iagava kouane atava. <sup>20</sup>Pilato mati ga gei goiraganu, Iesu aune vahe gariemi, roma. <sup>21</sup>To iau bara ragohi roia mi satauro gahae e mi satauro gahiahe. <sup>22</sup>Va abigaḡa gahigahe auki ga mohigei roma, o ata o au daurevena otavado? Daka hoḡe badi be au behube veite. Daka bina gamigava, dane vahei negai. <sup>23</sup>To iauki baragohi uhu daure, roia satauroa iau enoge bina dagevanu. <sup>24</sup>Ge Pilato kiego iau urave geregere gahanu auki kinu. <sup>25</sup>Negu gogai mati roroma dainehe vadibu iagava guramige atava iauki vahei garemebenu iau imimive gere-gereva a Iesu auki mohigevenu, iau urave iaune kisa. <sup>26</sup>Iauki Iesu nisigi hakiragohanu, iauki Simona, Kurene ata be, urada seni hakivi iauki dabai tao ḡahi; satauro mi au begunihe maemi, Iesu itahe aune taboisa. <sup>27</sup>Koita hutuma au itahe ogi, mati maḡi begaita igigihe nigorai iau tutugei. <sup>28</sup>Ge Iesu kiego rami au sivai, boriti gahigei roma, Ierusalemia magivaia e, di ninave asio tai menu ia nina ḡahi geiahe mati iai gamuhu ninadiva begu nigoragohi iahe. <sup>29</sup>Badiva negava au orogare iane rosa gabani magivaia mati amukadiva so musigeige magivadivaia benu magea. <sup>30</sup>E negahe nimu raho daure iaune gagei rosa no kuregi tao mati nimu kusika boriti gahigei no vahageve. <sup>31</sup>Badiva idi maḡurive ona kine dainehe esemena gogotove iauna orena kisa? <sup>32</sup>Kara daure ata abu tage au ruta nisigei hakiragohi iaune satauro gahigei bouraisa. <sup>33</sup>Gabu bei iauki kauragohanu, ihivara omo kouka; ikehe iauki satauro gahanu nega kara daure koita iau gaita, be vamaḡahe be vagahe iauki satauro gahigevenu. <sup>34</sup>Ge Iesu raki guriguri vanu, roma, dimame ona kiare karava iauka dibana veitera, damua ama mohigeisa gariemi. Au dabuave harivi mariva kobua kobua gahune idiganu. <sup>35</sup>Ogo koitiaia rahi, garu ragohi, mati ogo rohia iaberaki tatigevenu, roia auka nune koita maguri gahigeima mena Dirava ie Keriso, au abi hidive koitaiva, auka avagu au maguri gahanu. <sup>36</sup>Tuari koita ia be raki iamua ḡahi, ogi hugahi vine e ageve susutemi iagemi, roia, <sup>37</sup>aka Iudea iau pava-pavave roma, menu gen avagu beta a maguri-gahima. <sup>38</sup>Reva reva be tage torei au vairada kabai, roea, IUDEA <sup>39</sup>Ge au ruta satauro gahigeve bouragane koitava be raki gona-gona ḡahi roma, aka beta Keriso ie? Avagu a maguri ḡaha, nogaita no maguri gahigeva. <sup>40</sup>A bamodoa kiego namigi roma, Dirava sigore ana sigoima ie? Atabe hoḡe raira au hairanite. <sup>41</sup>Iaga kobua be, ni abu noka hoḡe ragohi ni kara daure damua, a ata ora kerere veite. <sup>42</sup>Ge auki roma, Iesue ai basileiave miarehe neguahe ama da anaia. <sup>43</sup>Iesu roma daka a boritigahi reagahima, negu vani oi nagoreha paradaiso none kau raisa. <sup>44</sup>Una na dina tubua: Bena un amo ela dina gelona una tano idoinai vada e dibura. <sup>45</sup>Dina e govaia ahu mati dubu aena sese ahuna momukahe darigohi baoraganu. <sup>46</sup>Ge Iesu to barai, roma di Mame di suare ra ai adahe daki maemima, enaki roiama, bina hogeraganu. <sup>47</sup>Tuari biavaraki negu kara e erai, auki Dirava moteahanu, roma ata ora kara ieriri koitavara. <sup>48</sup>Garu koita mudago enaki varavane iaganiva erai, iauki iau dokane patai, mati ogo goiragoha. <sup>49</sup>Au bamode mati Galileia seni

gavavane maḡi vadiwaia gaise rahi garu raḡoha.<sup>50</sup> Kanisolo ata be ihiva Iosepa, ata maḡe mati avani ieriri ata imigi.<sup>51</sup> Auka kanisolo iau henega-vehe mati iau avanive auka sirisi veite. Auka Iudea ogo be ihiva Arimatea, atava au tage Dirava au basileia auki narivima.<sup>52</sup> Ge auki oti, Pilato ḡaika, Iesu ahata-make auki imiga.<sup>53</sup> Ge auki mi uguhi dabua berebe godomi, muni garoda rohona garodo uhura maemanu. Garedo era isage; uhurahe koita so abate mite veite.<sup>54</sup> Regure vaniva menu; vani aena bina hugu ḡoi.<sup>55</sup> Bena Galileia seni gavavane magivaia iau itahe otinu, garodo eraḡa, mati ahata-maka ikehe abatemenu tage eraganu.<sup>56</sup> Goirago otinu muraka gutikate mati dahua gadikiva idiḡi inono-gadi gahigei a vani aena iau vage mia, taravatu dainehe.

## 24

<sup>1</sup>Pura vani ḡanaiva, va ra tahi oroḡoge, iauki iau muraka ḡutikate ididita midava otinu.<sup>2</sup> Iauki oti midava udua bakuane muniva eraḡege be raki mi ḡeahu kurei maemanu,<sup>3</sup> eduge iauka oti siri raganu, iauka Iesu ahata make behube veitera.<sup>4</sup> Edube iauka dauraḡohi rahege uhura ge ata abu geraki ogona kae abaga kioge iau ḡaika rahanu.<sup>5</sup> Negu maḡi e iaberaki siḡo raḡohime iauki vata ḡoru raḡohi niḡahi, eduge ata iaberaki kiḡo gevenu, “Otavado dainehe ia gure maḡuri koita hoḡe iau vaḡa iaḡoa? Auka oigera veitera, aukamu urimanu.” Iana au Galileia ia boriti ḡahi gevene gava anava,<sup>7</sup> renu Koita ḡamika vara daure koita iaberaki miare iauna satauro ḡahisa, edube vani abigaḡa ḡahigahe auna urimi goiraḡisa.<sup>8</sup> Gerege iauki au gare anavanu,<sup>9</sup> renu iauki midava ḡarehi goiraḡohime iauki gava iau ḡamituhe utube hakira kobabe mati iau soukuhe ruḡa boriti ḡahi gevenu.<sup>10</sup> Negu maḡiva iabera Maria Magedala, Ioana, mati Maria Iakobo neine, mati iau maḡi soukuhe ia iauki badiva apostolo boriti ḡahi gevege.<sup>11</sup> Eduge apostolo iau anavare maḡi o iabera ga maka veite raḡa, renu iauki riaga ḡahigeige veitera.<sup>12</sup> Eduge Petero raki urimi rurui midava otinu; auki ḡorumare uhurahe niḡahege iau ḡodomane ogona eḡu eraḡanu; gerege auki goiraḡi oḡo otinu, ananavi otavado vana au eraḡanu.<sup>13</sup> Vani eige iauki iau abu oḡi oḡo ḡamika be ihivara Emausa otinu, au ḡamana urimi Ieruselema gera maila iatiriḡa gera.<sup>14</sup> Gumaga iauki negu varavane ianiva bebe boritigahigeve.<sup>15</sup> Iau gaḡa uhura, Iesu iau ḡaika oḡi hugugei oti bamogei.<sup>16</sup> A iau niera baoragira veite; iaka dibana veite au.<sup>17</sup> Auki roma, iana otavado gumaga gava bebe boriti gahigeve? Ge iauki iau abu rahi, iau bagotone berebe ḡahi.<sup>18</sup> Ge iau be ihiva ra Kilope, auki gagahi roma, aka Ieruselema a guragu edeaviege dainehe negu varavane ana dibana veitenu ie.<sup>19</sup> Auki roma otavado iaga? Iauki roia Iesu Nasareta ata harike; auka peroveta atavara, Dirava vaḡotoni mati koitaiau bougei vagatoni au avanive mati au gare gaita hedokatea.<sup>20</sup> A aena koita mati ogo rohia iauki revaia hoekanu mati satauro gahanu.<sup>21</sup> A ni ananavera auka Isaraela iau maguri gahigeige atava. Vani abigaḡa ga bina otinu iage ea vararaganu.<sup>22</sup> Negu betu ni maginuhe beaberaki bina no boriti-gahigevenu iaukamu va sobosobo rerehava otinu.<sup>23</sup> To ahata makavara iauka behube veite. Ge iauki goiraḡohi orogonu, roia, aneru beabera iauki eragevenu, mati aneru iaberaki boritigahigei aukamu bina urimi goiraganu.<sup>24</sup> Iau bamoduhe be gaita rereha oti maḡi iau gare gere-gereva iauki behuanu, to auka iauka erara veitera.<sup>25</sup> Ge auki namigei, roma, kava koitaia uhu duhu koitaia Peroveta koitaia iau gare iana mi riaga gahiga veitenu.<sup>26</sup> Beta maorove, a Keriso huhu enaki aune isa mati haira auna misa? <sup>27</sup>Mose mati peroveta koita iau bukavehe o hariva torevane gavadiya aubougei makadiya iauki hadiba-gahigevenu.<sup>28</sup> Iau otare ogoa goregahanu, roia, no uia badiva ora bina vahigata ḡoinu, vani ramu bina uguhima. Ge auki iaurua iaga gadimanu.<sup>29</sup> Eduge iauki ḡa berebe ḡahi, roege, “Oi no ruḡa gurama, vani ramu uguhi otima tutube viege va ramu hiriḡoima.”<sup>30</sup> Iau abigaḡa tamuta gabua ḡoruhi, ge auki parao (atagana) be mi, magegahi, bokoi abu ruḡa mohigeve.<sup>31</sup> Iau nie raki bao ragohanu, iauki au toaḡe kinu; edube auki iau vaḡotoni veite ḡoinu.<sup>32</sup> Iauki iau abu bebe gagei, roea, gumaga au no gaḡa gevene, mati buka aena maka no hadibagahigei negahe ni uhure hedokate ani?<sup>33</sup> Ge iau urihi, Ieruselema goiraḡohi otinu, utube-hakira kobua be iau bamoduhe hebou raegei behugenu.<sup>34</sup> Iauki iauabu boriti-gahigei, roia riagavara Rohi Bauge bina urimanu, mati Simeona au auki gagaha ḡoinu.<sup>35</sup> Iau abu kiege gumaga varavane iaganivaia boritigahigevenu, mati parao (atagana) bokoboa uhuradiya bao ragohane gava gaita.<sup>36</sup> Iau ga uhura, Iesu iau nomuaka rami roma, maino iai uie.<sup>37</sup> Iau soruke hiroro ragohanu, mati siḡo raki idigevenu iau anana-vera roia sua be.<sup>38</sup> To auki roma otavado dainehe iai soruke hiroro vima, otavado dainehe ia dara-dara raḡoha? <sup>39</sup>Di ade mati di vase oroi eraiahe. Ora dakaki da kamoiahe, iane bina dibanaraisa, badiva suara misika veite mati ita veite, negu ia da eraḡare geregereva.<sup>40</sup> Ena roiami mati au ade mati au vase auki gahonegeve.<sup>41</sup> To iau hegirive mati iau ragadiga dainehe iau so ena daradara ragoma ge auki beragei roma, iaie tine bena enu se? <sup>42</sup>Iauki karava tinabe, iau gabuane iaganiva iauki moimonu.<sup>43</sup> Ge auki bina manu, iau vaḡotoni inu.<sup>44</sup> Au boriti gahigei, roma, no gurahige negavahe da ia boritigahigevene Mose mati peroveta koita iau bukavehe mati Salamo va di harike torevane gavadiya iaubouge bina riaga ḡoinu.<sup>45</sup> Ge auki buka aena makava au hadiba gahigevenu, ototo uhuradiya baoragohanu.<sup>46</sup> Mati auki boritigahigei, roma, onaki me auki torei roia, Keriso enaki huhu enaki aune isa mati vani abigaḡa gahigahe hoḡe uhura aune urimi goiraisa.<sup>47</sup> Au ihie helalo-kerehai mati dika igwau-taudia haroro ḡahi igani-igani, Ieruselema iaune matama ḡahi ototo tanobada beseva iaubougei iaune harorogahi mohigei.<sup>48</sup> Iaka iago riagahigeige koitavaia.<sup>49</sup> A dakena dimame au gwau-hamata iagane dane besuisa, iai ada aune kau visa; aukamenu iaka Ieruselema iane gaurahi ototo auhu uguhi hedo iane misa.<sup>50</sup> Auki nisigei hakivanu, ototo Betani vina hugu-hugoinu, auki ade susutemi iagemi, magegahigevenu.<sup>51</sup> Au maḡeve uhura, auka iau augami oho au iagemi ḡadimi vava.<sup>52</sup> Iauki toma heniadiho hegiri rua Ieruselema otinu.<sup>53</sup> Dubu aena goira-goira gahanu, vani aubougei Dirava moteaage

## John

### 1

<sup>1</sup>Mata o so horiho veite Ga ramu subuta ge auki uiege, mati Ga eramu Dirava ġorehege auki uiege, renu Ga eramu Dirava ra. <sup>2</sup>Ga oramu ġanai Dirava ġorehege auki uiege. <sup>3</sup>Iaġa inuhati ge ramu au seni ge iauki hori raġanu, renu iaġa bera horiho kava veite, edube au seni ge iauki hori raġanu. <sup>4</sup>Auka maġuri umuka vara, mati au maġurive ramu koita iau bouge iau abagera. <sup>5</sup>Abaga ora vadibu uhura ge auki abaga ġoima, mati vadibu vara beta ġodo ġahiġa vara. <sup>6</sup>Ata bera Dirava raki besuġanu au ihera Ioane. <sup>7</sup>Au besuġi oroġane ra auka abaga riāġa ġahisa, gerege koita iau bouge gera ihare mati riāġa ġahisa. <sup>8</sup>Auka beta abaga eraki, eduge auka abaga e riāġa ġahigava auki oroġanu. <sup>9</sup>Ora abaga riāġa vara, koita iau bouġi abaga ġahigei gevara, e raki vata ada oi oroġima. <sup>10</sup>Ga ora vata ketane oige auki uiege, mati au seni ge vata ketane o raki horivanu, eduge vata o ġahava iabara au dibane veitera. <sup>11</sup>Auki ġoirāġi au koitatuhe iau oroġanu, eduge au koitatuhe iabaraki besibe ġahege. <sup>12</sup>Eduge oġoreana iau bouge riāġa ġahanu, au ihe riāġa ġahanu, auki hedo mohi gevenu iauka Dirava ġamuhe ġahisa, <sup>13</sup>orenaki gena au o roġonu, beta ahata maka se ahata maka augera, eduge Dirava au gera. <sup>14</sup>Gerege Ga eraki oroġime auki ahata maka ġoiare renu koita iau vaġotoni uiege, gerege nokamu au maġeve eraġanu, maġe eramu au Mame raki au Moe kobuġava riāġa ġahi renu maġe ġahi moimanu. <sup>15</sup>(Ioane raki koita gavi barai roege, “Oramu da gavi roege koita vara, Di itahe oroġare koita vara di variada koita vara, badivara daka so veite auka subuta ge auki horivanu.”) <sup>16</sup>Au maġeve uhuġatu ge auki ni bouge adahe adahe no mohi gevenu. <sup>17</sup>Mose raki Dirava Aenave mi no mohi gevenu, maka maġeva mati riāġava ra Iesu Keriso raki mi oroġanu. <sup>18</sup>Bera Dirava erara veitera. Ora Dirava au Moe kobuġava unuhuna au Mame sorukehe uiare, eraki mi noi ġaġae kinu. <sup>19</sup>Iudea baugeva iaberaki aena ġaha mati Ierusalemata seni Levi ġaha be besugei Ioane ġasina iauka beraġisa, “Ana unuhunu?” <sup>20</sup>Ioane raki ga riāġa kirogevenu, “Daka beta Keriso ra.” <sup>21</sup>Gerege iauki beraġanu, “Gerege ana unuhunu? Ana Elia se?” Auki ronnu, “Veitera daka beta aukaki.” “Ana Peroveta koita vanu?” Auki kiro gevenu, “Veitera.” <sup>22</sup>Gerege iauki mati beraġanu, “Erege ana bina unuhunu? Ama ga be roege noka mi oti no besu gevene ġahava vasiba ġahigei gevara. No kirogeve ana unuhunu?” <sup>23</sup>Auki ronnu, “Daka koita be mata ġaġaeva gure toma, au enoġe ra, Rohi Bauge ġumaġe ki maġe ġahi iahe, ” Isaia peroveta koita eraki ronnu. <sup>24</sup>Iauka negu Faresia ġahava iaberaki besugei otinu. <sup>25</sup>Iauki beraġanu, “Gerege otavado dainehe ge a babatise me kima, aka roma aka beta Keriso, se Elia, se peroveta koita?” <sup>26</sup>Iauka negu Faresia ġahava iaberaki besugei otinu. <sup>27</sup>Iauki beraġanu, “Gerege otavado dainehe ge a babatise me kima, aka roma aka beta Keriso, se Elia, se peroveta koita?” <sup>28</sup>Va tahege Ioane raki Iesu eraġeġe auki oġi au ġasina otare renu kironu, “Eraġa! Oramu Mamoe ġamika auge Dirava raki vata o daureva keto gevenu! <sup>30</sup>Oramu da roege koitava aukamu onu, Di itahe oroġare koita vara di vari adahe gera badivara daka so horiho veite auki uriġoi horivanu. <sup>31</sup>Da davaġu tage au dibane veitera; eige daki oroġime daki eiava babatise viege, badiva auka Isaraela ġaha iau ġaġae ġoisa.” <sup>32</sup>Gerege Ioane raki ġaġae kiro gevenu, “Daka niġahege Horu Aenava raki vata seni uġuhime erehuta uguha naġate auki oroġi au ada guramanu. <sup>33</sup>Daka au dibane veite, eduge da besuġi daka eiava babatise visa aukaki daki ronnu, Ana negu Horu Aena eraġane au uguhi oroġi atabe ada guramane eramu da rone koitava aukena Horu Aenava babatise visa. <sup>34</sup>Renu dakamu davaġu eraġanu eige daki ġaġae roma, oramu Dirava Moera.” <sup>35</sup>Va tahege Ioane raki ġaitana Iesu ġamituhe abu ruġa ramirame, <sup>36</sup>iauki Iesu eraġeġe auki oġi oroġime auki ronnu, Eraġiahe, oramu Dirava Mamoe ġamika aukamu enu!” <sup>37</sup>Au ġamituhe abu ruġa ge raki au ga vane ihare, iauki Iesu itahe otinu. <sup>38</sup>Iesu raki aniġoi era gevege iauki au itahe oroġoge, auki bera gevenu, “Iana otavado ia iaġova?” Iauki kironu, “Rabi” (Ga o makava ramu 'di Biage'), “ana oreigena a guramima?” <sup>39</sup>Auki kiro gevenu, “Oroġi eraġiahe.” Vani iaġa ababu naġate iauki Iesu ruta oti au uiare gabuva eraġi, renu iauki vahiġeta ei au ruta gurahege. <sup>40</sup>Iau abu Ioane gare ihare Iesu itahe otine koitava be ramu Simona Petero ġoġe, Anderea. <sup>41</sup>Anderea raki oti au nane Simona ġanai behuġare kironu, “Nokamu Mesia behuġanu” (Mesia makava ramu “Keriso”). <sup>42</sup>Gerege Anderea raki Simona nisiġami Iesu ġasina otinu, Iesu raki eraġare kironu, “Ai ihera Simona, aka Ioane moe, eduge negubutu ai ihe ra Kepa iauna rosa” (“Kepa makava ramu “Petero”).” <sup>43</sup>Va tahege Iesu raki Galileia otito ratava vanu. Auki Filipino behuġare kironu, “Di itahe oroġo.” <sup>44</sup>Filipo ra Betesaida atavara, Anderea mati Petero iau oġo koitave ra. <sup>45</sup>Filipo raki Nataniela behuġi kironu, “Nokamu Mose aenave mati Peroveta ġahaaia ga ro maemane koitava nokamu behuġanu. Auka Iesu ra, auka Iosepa Nasareta ata e moera.” <sup>46</sup>Nataniela raki kironu, “Nasareta seni iaġa maġe bena ororo vanu?” Filipino raki kironu, “Oroġi eraġa.” <sup>47</sup>Iesu raki Nataniela au ġasina oroġeġe auki eraġare au gare vi ronnu, “Oramu Isaraela koita riāġa vara, auka avaunaġe bera au veitera.” <sup>48</sup>Nataniela raki beraġanu, “Orenaki gena a di dibane ġoinu?” Iesu raki ronnu, “Daka idi derikahu ge daki a eraġanu ihiege Filipino raki a ihiromonu.” <sup>49</sup>Nataniela raki ronnu, “Di Biage, aka Dirava Moera! renu aka Isaraela Rohivara.” <sup>50</sup>Iesu raki kironu, “Ana dakena a da riāġa ġahima, badiva da rone daka idi derikahu a eraġane dainehe? Aka negu iaġa bauge be eraġeġe gevara ora aviera.” <sup>51</sup>Auki vasiba ġahi ronnu, “Riāġa vara daki aki roma, iaka negu va bao raġare eraġeġe Dirava aneruve iabera negu ġadihi otare mati uguraġi oroġi Koita ġamika ada.”

## 2

<sup>1</sup>Vani abigaġa ġahiġahe iauki headava rigi be kinu Galileia uhura oġo be Kana, renu Iesu neine tage ramu eiger. <sup>2</sup>Iesu mati au ġamituhe ruġa ġaitage iauki headava ei ihiro gevene Gerege Iesu raki au neine kironu, “Neina, nona otavado be kisa dainehe gena a daki roma? <sup>4</sup>Di vanive ra so mimi veitera.” <sup>5</sup>Eduge au neine raki besubesa ġaha kiro gevenu, “Au ia kiro gevare eġu kisa.” <sup>6</sup>Iuda ġaha iabera iau aenave dainehe iauki eia hodu agorokiva makava kiogeġi ġosiġanu iauka eagu iau reġugeisa, renu hodu be ramu erehuta utu-abu se utu-abigaġa naġate auki kamuima. <sup>7</sup>Iesu raki besubesa ġaha kirogevenu, “Hodu avie o eiava makava kisa.” Gerege iauki makava tobo ġahi gevenu. <sup>8</sup>Auki kirogevenu, “Negubutu eia tinabe maġare mi oti me o biava moimiahe.” Gerege iauki au rone kinu. <sup>9</sup>Gerege iau biage raki eia e tohoġane ramu ġadiki riāġa vara, renu auka dibana veite orehe seni gena ġadiki o oroġanu (edube eia maġane ġahava iabara dibana), gerege

iau biage raki headava atava ihiromare<sup>10</sup>renu auki kironu, “Koita inuhati geramu urigahi ge iauki gadiki mage o mohi gevenu, gerege iaukamu damuna aviete ora iauki raho gahi inu. Edube iaka gadiki mage ona kamui ate netu-netua mi haki raganu.”<sup>11</sup>Iesu onaki kine, o ramu au ganai me ketake auki kinu Kana ogova Galileia kasihe, renu eige auki au mageve raki gage goinu; mati au gamituhe iaberaki riaga gahanu.<sup>12</sup>Iaga o iau itaharahe, Iesu raki au neine, au goguhea, mati au gamituhe ruqa Kaperanamu otinu, eige iauki vani rorebe gurahanu.<sup>13</sup>Iudea gaha iau rigi bauge vaniva hugure goiege uhura Iesu raki Ieruselema otinu.<sup>14</sup>Auki dubu uhura koita era gevege iauki gure hae kiego boromakau, mamoe mati uguha, renu muni tahaka senisi gaha gainage auki era gevenu iau guragu patahe gurahanu.<sup>15</sup>Auki hodi-hodi gote be miare auki dubu hae kiego koitava inuhati oiagei hakivanu, iau mamoeve mati boromakau ruqa. Auki muni tahaka senisi pata sivagei gosigei mati iau muni tahake gainage geahu petagei.<sup>16</sup>Auki uguha hae kiego gahava boriti gahi gevenu, “Iaga oi idigei haki ragiahe! Di Mame iage ra beta iai hae kiki iaga vera.<sup>17</sup>Gerege au gamituhe iaberaki buka aena maemane anavanu, “Da ai iage ghahara viare ramu erehuta vene ragare nagatera auki di uhurehe ragima.<sup>18</sup>Gerege Iudea baugeva iaberaki Iesu beraġanu, “Ama no gagiġo geisa ana unuhui gena a hedo mi a onaki guma o kima?”<sup>19</sup>Iesu raki kiro gevenu, “Ia dubu o seboġare, daka vani abigaġa uhura ge dana ki goiraġisa.<sup>20</sup>Gerege au gamituhe iaberaki buka aena maemane anavanu, “Da ai iage ghahara viare ramu erehuta vene ragare nagatera auki di uhurehe ragima.<sup>21</sup>Iesu raki kiro gevenu, “Ia dubu o seboġare, daka vani abigaġa uhura ge dana ki goiraġisa.<sup>22</sup>Gerege Iudea bauge iaberaki kironu, “Dubu oramu taua ramu utu-ababu hakira agorokiva uhura ge iauki kinu, a aka vani abigaġa uhura ana ki goiraġisa?”<sup>23</sup>Iesu so Ieruselema iau Rigi bauge vaniva meva uhura, koita dadaġava raki au ihe motea gahi badiva iauka erara veite me ketake au kiego iauka era gevege.<sup>24</sup>Eduge Iesu tage dibana eige auka riaga ghahigeige veite, badiva auka iau uhure inuhati dibana<sup>25</sup>renu koita bera beta be gare kiroro vara; au avaġu tage subuta ge auki koita inuhati iau uhure dibanara.

### 3

<sup>1</sup>Ata be ihivara Nikodemo auka Faresia koita vara mati Iudea gaha iau ata baugeve bera. <sup>2</sup>Auki vahi bei Iesu gasina otare ga gahi kironu, “Di Biage, noka dibana aka Dirava raki a besuġanu; koita bera mati beta a kiare meva riagahe kiogei gevara, au Dirava ruta goiege auna kisa.”<sup>3</sup>Iesu raki kironu, “Riaga vara, daki a boriti ghahima, koita be varai goiraġira veite goiare auka beta Dirava Basileiave erara vara. <sup>4</sup>Nikodemo raki beraġanu, “Koita ketane be na orenaki au neine vaġatanehe sirivi goiraġare mati nega abu ghahigava varai goiraġira vanu?”<sup>5</sup>Iesu raki kironu, “Riaga vara daki a boriti ghahima, koita be eia mati Horu Aenava varava veite goiare auka beta Dirava Basileiave sirisi vara. <sup>6</sup>Unuhuna ahata makava varavare era ahata maka iera, unuhuna Horu Aenava varavare era Horu iera.<sup>7</sup>A negu gaġu ragime da negu aki rosa, Ama varai goiraġisa. <sup>8</sup>Nono guġui oroġare mati otare akamu mamina kima, eduge au oroġare mati otare aka dibana veitera. Gerege o ramu oġoreana Horu Aenava vara ragare iabera.”<sup>9</sup>Nikodemo raki beraġanu, “Iaga o makava iana orena kikivenu?”<sup>10</sup>Iesu raki kironu, “Akamu Isaraela uhura koita bauge bera, eduge akamu iaga o iau ai uhure ramu so bao ragira veitera?”<sup>11</sup>“Riaga vara, daki a boriti ghahima, noka no dibana ghahare iaġaniva noki gava raġa, mati no era gevene era noki ia boriti ghahigeva. Edube iaka ni gare riaga ghahige veitera.”<sup>12</sup>Aka da vata ketane o ahata maka iaġaniva gava kiare akamu beta riaga ghahima, gerege da va iaġa gava viare ana orenaki da riaga ghahige vanu?”<sup>13</sup>Bera so vava gadiġa veitera edube vava seni uguhane eġu, Koita Gamika avaġu gera.<sup>14</sup>Mati Mose mata gageva inuhu piuvi iagemane naġate, Koita Gamika tage enaki guma eige iauna iagemisa,<sup>15</sup>eige ana unuhuna a riaga ghahima aka maġuri behi-behive mimi vara.<sup>16</sup>“Dirava mageve au koitatuhe yau ada dainehege auki au Moe kobuga matava besui oroganu, unuhuna riaga ghahima auka beta Hoge ragiravara eduge auka maġuri behi behive mimivara. <sup>17</sup>“Riaga, Dirava au moe besuġi vata ada oroġane ra beta ghahava daure ghahigei gevara, edube auge iauna maġuri ragisa. <sup>18</sup>Dirava ra beta koita be daure ghahige vara oġoreana au Moe kobuġava riaga ghahare: edube Dirava ra iau daure damune mohigei gevara oġoreana au Moe kobuġava riaga ghahige veitenu.<sup>19</sup>Eige daure guma damuna ramu onaki kikive: abaga ramu vata ada oroġanu, eduge koita iabara vadibu iauki ghahara raġa beta abaga, badivara iau gumaġe iabera mage veitera. <sup>20</sup>Unuhuna guma daure kiare renu abaga besibe ghahima, mati abagahu ororo veite, badiva iau guma daureve negu gage ghahime. <sup>21</sup>Eduge oġoreana guma riaga kiare iaberamu abagahu oroġa, eige iau Dirava guma mageve kine iauma abagahu eraġisa.”<sup>22</sup>O itaharahe Iesu mati au gamituhe ruqa ge Iudea matahe otinu; eige iauki vani rorebe uiare babatiso me kiego. <sup>23</sup>Ioane tage babatiso Aenonu matahe kiego Salima gaika badiva eiger a tinavai ketake eiger koita dadaġa iabera oti iauki babatiso gahi gevege. <sup>24</sup>(Nega mane iaukamu Ioane ramu so vadibu iagava veitera.)<sup>25</sup>Nega oige Ioane gamituhea mati Iudea be ruqa ge raki enana ragi iauna orenaki daure guma ketogeisa. <sup>26</sup>Iauki Ioane gasina otare kironu, “Ni Biage, atabe a ruta Ioridana kasihe otine, aki au gare viege, aukamu oige auki koita babatiso gahi geima, renu koita dadaġava ramu au gasina ge iauki ota.”<sup>27</sup>Ioane raki ronu, Koita bera beta iaga be mimi kava vivi vara, eduge Dirava au seni vava oroġare era auna misa. <sup>28</sup>Iakamu di gare riaga ghahigeve iabera da roege, daka beta Keriso ra, eduge daka au urigatu ge Dirava raki da besuġanu.<sup>29</sup>Ata be maġi be mi au mabare kiare, mati ata e vasire ramu rami au ominue roiare gava ihi heġiri vima. Eige, di heġirive augera raho ketakera. <sup>30</sup>Auma raho ketake goisa, edube daka avie goisa.<sup>31</sup>Vava seni oroġane koitava ramu iaga iau bouge iau variada gera. A vata ada oi oroġane koitava ra vata o iera renu auki ahata maka gava auki vima. Vava seni oroġane koitava ra iaga inuhati iau variada gera. <sup>32</sup>Auka au era gevene mati ihi gevene gava iabera auki vima, eduge koita bera au gare ihi riaga ghahige veite. <sup>33</sup>A unuhuna au gare mare mati taua kima, roma, Dirava ramu riaga vara.<sup>34</sup>Dirava besuġi oroġane koitava ramu Dirava gare auki roma, badiva au Horuve moimare era avie veitera. <sup>35</sup>Dirava au Moe au sorukehe eige auki iaga iau bouġi au ada uhura maemanu. <sup>36</sup>Unuhuna Dirava Moe riaga ghahima auka maġuri behi-behive mimi vara; unuhuna au Moe riaga ghahige veite auka beta maġuri riaga erara vara, eduge auka Dirava hore uhura ge auna guramisa.

## 4

<sup>1</sup>Iesu mati Samaria maği be<sup>1</sup> Faresia ġaha iaberaki ihinu, “Iesu ramu koita dadaġava raki au itahe oġia mati babatiso ġahigeima; eduge Ioane iera avie,” <sup>2</sup>eigera era beta Iesu raki babatiso meva kiege eduge au ġamituhe iaberaki babatiso, <sup>3</sup>auki Iudea ġaremi ġoiragi Galileia otinu. <sup>4</sup>Eduge auka Samaria ġumava ge auna otisa. <sup>5</sup>Gerege auki Samaria oġo be Sika hakivanu, mata tinabe Iakobo raki subuta mi au moe Iosepa moimane ġaika gera. <sup>6</sup>Iakobo eia abave tage ramu eigera, renu Iesu tage oġiġi ġamana vane gerege au auki eia aba ġaika gurami vaġa roege. Vani ramu ġadimi omo ada naġate uhura gera. <sup>7</sup>Samaria maği be raki eia maġima oroġonu, gerege Iesu raki imiġanu, “Ana beta eia tinabe da moimo vanu.” <sup>8</sup>(Auka avaġu guraguve, au ġamituhe iabera oġo ge iauki demaka iaġoia otinu.) <sup>9</sup>Samaria maği eraki kironu, “Orena kikivenu aka Iudea koita, daka Samaria maği vara, aka dai eia roma?” (Iudea ġaha mati Samaria ġaha iabera vasi maġe veite badiva iau aena nune nune iau dainehe.) <sup>10</sup>Iesu raki kironu, “Ana so Dirava maġeve dibana ġoiare, renu aka dibana veite unuhuna aki roma, ‘Eia tinabe da moima.’ A dibana ġoinube aka imiġege auka maġuri eia mi a moimanu.” <sup>11</sup>Maği eraki kironu, “Ata Bauge, aka eia tuvi ġadiġa iaġa veitera, renu aba tage dobukera. Ana orei maġuri eia mimi vanu?” <sup>12</sup>Oramu ni iahuve Iakobo raki eia aba o no mohi gevenu, gerege noki au ġamuhea, mati iau ada vasiva iaġaniva ia oige noki eia mi iege, a anavare aka Iakobo soiġisa?” <sup>13</sup>Iesu raki kironu, “Oġorea iana oi eia inu iaka ġaitana eia hoġe raġira vara, <sup>14</sup>eduge ana unuhuna da eia moimare iare, auka beta ġaitana eia hoġe vivi vara. Da moimare eiava ramu eia ai uhurehe ġutuare naġate auna ġutui oti maġuri behi behive misa.” <sup>15</sup>Maği e raki kironu, “Ata Bauge, ana beta a eia roiare tinabe mi da moima, da negu ġaitana eia hoġe vime se ġoiragi oi eia maġime. <sup>16</sup>Iesu raki maği e kironu, “Oti ai mobore ihiromare, renu iama ġoiragihoi oroġisa.” <sup>17</sup>Maği eraki kironu, “Daka mobo veitera.” Iesu raki kironu, “Aka riaġa vara aki roma, ‘aka mobo veitera’, <sup>18</sup>aka ata adakasiva ge aki mobo kiogevenu, renu a negubutu au ruta viare atava ra beta ai mobo riaġa vara. Aka ga riaġa vara aki da boriti ġahanu!” <sup>19</sup>Maği eraki kironu, “Ata Bauge, dakamu a eraġege akamu peroveta koita vara. <sup>20</sup>Ni iahuve iaberamu nimu oige iauki Dirava imiġege, eduge aka roma koita iabera Ieruselema oti eige iauna Dirava imiġisa. <sup>21</sup>Iesu raki kironu, “Ama da riaġa ġahisa, vahiġu vata iaka beta negu nimu oi se Ieruselema oti Dirava imimi vara. <sup>22</sup>Iaka dibana veite unuhuna ia imiġa; noka dibana unuhuna no imiġa, badiva Iudea ġaha iaue maġuriva raki ġaġae ġoinu. <sup>23</sup>Eduge vaniva ramu oroġima, mati aukamu oroġanu, eige imimi raġare ġahava iana ni Mama horu aena mati ġuma riaġava imiġisa, badiva ni Mame ramu enaki e iabera auki ġahara vima. <sup>24</sup>Dirava ra horu, renu oġore imiġa iama aena mati ġuma riaġava kisa. <sup>25</sup>Maği eraki kironu, “Daka dibana Keriso ra ororo vara,” Au oroġege, aukamu negu iaġa inuhati no boriti ġahigei gevara.” <sup>26</sup>Iesu raki kironu, “Eramu dakaki, dakamu o a ruta ga vima.” <sup>27</sup>Gerege ġamana veite au ġamituhe iaberaki ġoiragihoi. Iauki ġaġu raġohi auka maği be ruta ge auki gavege, eduge bera maği e berabe veite, “Ana otavado a uraima?” se, “Esemena a gure maği e ga ġahima?” <sup>28</sup>Gerege ġamana veite au ġamituhe iaberaki ġoiragihoi. Iauki ġaġu raġohi auka maği be ruta ge auki gavege, eduge bera maği e berabe veite, <sup>29</sup>“Ana otavado a uraima?” <sup>30</sup>se, “Esemena a gure maği e ga ġahima?” <sup>31</sup>Nega tina e uhura au ġamituhe iaberaki imiġi kiroege, “Ni Biage, aki so demaka tinabe isa.” <sup>32</sup>Eduge auki kiro gevenu, “Daka tamuta demakate ra era iaka dibana veitera.” <sup>33</sup>Gerege au ġamituhe iaberaki bebe beragei, “Ona koita bena auni demaka be mi oroġege au inu?” <sup>34</sup>Iesu raki kirogevenu, “Di demake ra Dirava da besuġi rone meva dana kiogeisa renu dana kiogei ate netu-netua tisa. <sup>35</sup>Ana beta gavi roro vanu, ‘bata ababu itaharahe gerege nona taboro raġisa. Eduge, akera daki a boriti ġahima, aso niġaha, renu ana eraġima ġeġe makava ramu badi raġanu. <sup>36</sup>Taboro kiare koitava ramu au damune mima, mati bougei ihie maġuri oroġare eni, eige beġi beġi viare mati me ġahare koitava iaberamu heġiri kobuġe raġira vara. <sup>37</sup>Ga ġereġereva rone ra riaġa vara, ‘Bera beġi beġi visa mati bera me ġahisa.’ <sup>38</sup>Da a besuġane aka beta oti be iau korahi raġi me ġahisa. Iaka be ia korahi raġi, renu iaki iau meve maka maġeva uhura siri raġanu.” <sup>39</sup>Samaria oġo ġaha dadaġa iaberaki Iesu riaġa ġahanu badiva auki negu maği e badine kironu, “Auka da kiogevuge ġumava inuhati ge auki da boriti ġahanu.” <sup>40</sup>Eige iauki Iesu ġasina otare iauki imiġanu, auna beta so iau ruġa guramisa. Gerege auki ei vani abu iau ruġa guramanu. <sup>41</sup>Koita dadagava raki riaġa ġahi badiva au gare dainehe. <sup>42</sup>Iauki maği e kironu, “Ora beta a no kiro gevene noka riaġa ġahisa, edube no gaitage nokamu novaġu au gare ihinu, eige noki riaġa ġaha oramu vata o ġahava maġuri ġahiġa koita vara.” <sup>43</sup>Vani abu ei gurami itaharahe auki ġoiragi Galileia otinu. <sup>44</sup>(Iesu tage ramu avaġu gavi ron, peroveta ġaha iabera iauka matau ġahi geige veite iau mata riaġahe). <sup>45</sup>Iesu raki Galileia hakivi, koita iaberaki maġe ġahi, badiva iau ġaitage Ieruselema oti eraġanu au iau rigi baugeve uhura kine meva iaukamu inuhati eragevenu. <sup>46</sup>Iesu ata bauge be moe maġe ġahane <sup>46</sup>Gerege Iesu raki ġaitana ġoiragi Kana oġo otinu Galileia uhura eige auki eia mi ġadiki kinu oġova. Ata bauge be tage ei gera au moe tage komata vi auki Kaperanamu ġaremare oroġanu. <sup>47</sup>Au ihine Iesu ra Iudea seni ge auki Galileia oroġanu, auki urimi Iesu ġasina otime auki imiġanu auka oroġi au moe komata vi iaġiġe maġe ġahisa, badiva au moe komatave ramu isuke ġoinu. <sup>48</sup>Gerege Iesu raki kironu, “Iana toa nune nune mati ġuma nune nune eragevare iaka beta riaġa ġahigei gevara. <sup>49</sup>Ata bauge eraki Iesu imiġi ron, “Rohi Bauge, so daġore oroġo di moe negu hoġe raġime.” <sup>50</sup>Iesu raki kironu, “Ote; ai moera maġuri vara.” Negu ata eraki Iesu gare riaġa ġahare auki urimi ġoiragi au moe ġasina otinu. <sup>51</sup>Gerege Iesu raki kironu, “Iana toa nune nune mati ġuma nune nune eragevare iaka beta riaġa ġahigei gevara. ” <sup>52</sup>Iesu raki kironu, “Ote; ai moera maġuri vara.” Negu ata eraki Iesu gare riaġa ġahare auki urimi ġoiragi au moe ġasina otinu. <sup>53</sup>Iau mame raki anai riaġa vara vani iaġa oige Iesu raki nu kironu, “Ai moe ra maġuri vera.” Eige au avaġu mati au iaga ġahatuhe iau bouge iabera Iesu iauki riaġa ġaha. <sup>54</sup>Oramu Iesu toa abu ġahiġa vara auki kinu, au Iudea ġaremi Galileia otine.

## 5

<sup>1</sup>Iesu raki Sabadi me manu Gerege itaharahe Iesu raki Ierusalemata otinu Iudea gaha iau rigi baugeve be dainehe. <sup>2</sup>Ierusalemata uhura Mamoe Udua gāika geramu, eagugu gabu adakasiva raki oriḡanu iauki Heberu gava ihiva roia Betesda. <sup>3</sup>Eagugu gabu gāika geramu dika gaha dadaḡava raki iaḡohi otinu, niḡa niḡa veite, oḡiḡi veite, ahataniva hoeke gahava iabera. <sup>4</sup>Iauka gohu eiava vaḡava vi ḡadimi era iauki uhuia; Rohi Bauge aneruve nega koba koba uguhi oroḡi eia vaḡava ḡahiḡa vara. Unuhuna eia vaḡava ei uriḡoi turui uguhima au dikave raki maḡe goiege. <sup>5</sup>Ata be ramu dikai gohu gāika ge auki uiege tau utu-abigaḡa hakira abugu-veite. <sup>6</sup>Iesu raki niḡahi ata be iaḡiaḡe eraḡi auki dibana ḡoinu auka nega ḡamana tinabe auki dika vanu, gerege auki kironu, “Ana maḡe ḡoisa a ḡahara vima?” <sup>7</sup>Negu dika ata eraki ronu, “Rohi Bauge, dana unuhuna eia vaḡava viare ei da mi otisa. Daka hero ki otare uhura, koita be ramu e subuta otinu.” <sup>8</sup>Iesu raki kironu, “Urima, ai gedake mare, oḡi.” <sup>9</sup>ḡamana veite ata eraki maḡe ḡoinu, auki urimi au gedake miare auki oḡinu. Oramu vani aenava ge auki ḡuma o kinu. <sup>10</sup>Gerege Iudea gaha iaberaki negu ata maḡe ḡoine kironu, “Oramu vani aenava ra; aka beta vani aena oi ai gedake mi oḡiḡi vara.” <sup>11</sup>Eduge auki kiro gevenu, “Da maḡe ḡahane koitava raki daki ronu, ‘Urima, ai gedake mare, oḡi.’” <sup>12</sup>Iauki beraḡanu, “Ona koita orena aki onaki ronu, ‘Ai gedake miare oḡi?’” <sup>13</sup>Eduge, negu ata maḡe ḡoine era dibana veite unuhuna maḡe ḡahanu. Koita dadaḡa eige Iesu raki iau vaḡotoni oḡi hakivanu. <sup>14</sup>Ihie ge Iesu raki dubu uhura eraḡi kironu, “Ana eraḡima, akamu maḡe ḡoinu! A negu mati ḡuma daure be ki ḡoirāḡime, badiva a negu isuka ketake mati mime.” <sup>15</sup>Negu ata eraki otime auki Iudea baugeva boriti ḡahi gevenu, negu ata eramu Iesu raki da maḡe ḡahanu.” <sup>16</sup>Eige Iudea gaha iabaki Iesu ho ḡahi namina raḡege, badiva auki ḡuma ona kikive kinu vani aenava. <sup>17</sup>Eduge Iesu raki kiro gevenu, “Di Mame ramu daḡe daḡe au meva kima, eige da tage me mimi vara.” <sup>18</sup>Ga o iau dainehe Iudea baugeva iaberaki Iesu ḡamiḡa ḡumava iaḡovege, badiva auka beta vani aena eḡu ge auki hosāḡanu, edube auka roma Dirava ra au Mame, mati avaḡu aumu Dirava ruta ḡereḡere ḡahima. <sup>19</sup>Eige Iudea gaha iabaki Iesu ho ḡahi namina raḡege, badiva auki ḡuma ona kikive kinu vani aenava. Eduge Iesu raki kiro gevenu, “Di Mame ramu daḡe daḡe au meva kima, eige da tage me mimi vara.” <sup>20</sup>Ga o iau dainehe Iudea baugeva iaberaki Iesu ḡamiḡa ḡumava iaḡovege, badiva auka beta vani aena eḡu ge auki hosāḡanu, edube auka roma Dirava ra au Mame, mati avaḡu aumu Dirava ruta ḡereḡere ḡahima. <sup>21</sup>Dirava hoḡe koita iaḡemare mati maḡuri moimare naḡate, au Moe tage ramu au ḡahara viare koitava maḡuri moimo vara. <sup>22</sup>Dirava ra beta koita be seḡuse vara eduge hedo inuhati ge auki au Moe moimanu, <sup>23</sup>eige iauma iau bouge au Moe riaḡa ḡahisa iau au Mame riaḡa ḡahare naḡate. Unuhuna au Moe besibe ḡahima badiva auka au Mame raki besuḡanu au tage iauki besibe ḡaha. <sup>24</sup>Riaḡa vara daki ia boriti ḡahigeima, unuhuna di gare ihare mati Dirava riaḡa ḡahima badiva auki da besuḡanu koitava ramu maḡuri behi behive manu. Renu aena vara beta mimi vara, eduge hoḡe uhura ge auki maḡuri vanu. <sup>25</sup>Riaḡa vara, daki ia boriti ḡahigeima, negava ramu oroḡima, mati aukamu hugure; eige hoḡe iana Dirava Moe enoḡe ihisa, mati ihare ḡahava iana urihi maḡuri misa. <sup>26</sup>Gerege Dirava di Mame ramu maḡuri umuka vara, eige di Mame raki ḡuma kobuḡa ei hedo da moimi daka koita maḡuri moimisa; <sup>27</sup>mati aukamu hedo moimanu auka aena me kiogeisa, badiva auka Koita ḡamika dainehe. <sup>28</sup>Ia negu da rosa roiare gava ihahi soru raka raḡime; badiva nega ramu oroḡima eige hoḡe gaha iau bouge ramu di enoḡe ihahi vara <sup>29</sup>renu iauna hakiraḡisa, oḡore iana ḡuma maḡe kinu iabera urihi maḡuri misa, a oḡore iana ḡuma daure kinu iabera urihi iau daure damune misa. <sup>30</sup>Daka beta me be davaḡu kiki vara. Da ihare era daki berabeve vima; renu da berabe viare ra Dirava daki roiare eḡu daki kima, badiva daka beta davaḡu di urave eḡu eduge da besuḡane au urave eḡu daki kima. <sup>31</sup>“Da davahu di gare vare, di gare ra beta riaḡa vara daki roma. <sup>32</sup>Eduge koita be raki di ihehe ga visa, renu daka dibana au roiare era riaḡa vara. <sup>33</sup>Ai besubesu ḡahatuhe a besugei Ioane ḡasina, renu auka ga riaḡa vara auki roege. <sup>34</sup>Daka beta koitaia di gare raḡare iaue daki ramima, eduge da rogevere gava iabera iaka maḡuri misa. <sup>35</sup>Ioane abage ramu erehuta lamepa raḡare abagate ra, renu iaki nega tinabe au abaga uhura iaka heḡiri raḡege. <sup>36</sup>Eduge di meve be ramu ketake beta Ioane aue naḡatera. Di Mame me da moimane era damu ki kosavanu, renu da gure me kiare oramu ia ḡaḡiromisa daka di Mame raki da besuḡanu. <sup>37</sup>Renu di Mame da besuḡane tage ramu di gare vanu. Eduge iaka au enoḡe ihahi veitera se au nie tage iaka erara veitera, <sup>38</sup>renu iaka au gare mi iai sorukehe maema veitera, badiva iaka au besuḡane koitava riaḡa ḡahiḡa veitera. <sup>39</sup>“Iaka buka aenava ge iaki iaḡo iaḡo raḡa, badiva ia anavare e uhura ge iaka maḡuri behi behive misa; edube ga maemane gava ramu di gare raḡare riaḡa ḡahi dana unuhunu. <sup>40</sup>Eduge iaka di gasina oroḡi maḡuri mimi ḡahara veitera. <sup>41</sup>Daka beta koita iau motea motea daki ḡahara vima. <sup>42</sup>Eduge daka dibana iaka iai sorukehe Dirava ḡahara veitera. <sup>43</sup>Daka di Mame ihehe ge daki oroḡanu, eduge iaka da maḡe ḡahiḡa veitera; edube koita be avaḡu au ihehe oroḡare eramu iamu maḡe ḡaha. <sup>44</sup>Iaka koita bea ia motea ḡahi gevare era iaki ḡahara raḡa, eige iana orenaki da riaḡa ḡahisa renu iaka bebe iau ḡahara veite, renu iaka au maḡeve oroḡare e erara veitenu, e ramu au kobuḡo (Dirava) au seni ge auki oroḡima. <sup>45</sup>Ia negu anai rome daka di Mame vaḡotoni iai daureve roro vara; edube ia uhuia mare koitava Mose, ia riaḡa ḡahege aukena ia iahe geisa. <sup>46</sup>Eige iana Mose riaḡa ḡahanu, iakamu da riaḡa ḡahanu, badiva aukamu di gare ro maemanu. <sup>47</sup>Eduge iana au maemane gava riaḡa ḡahiḡa veitenu, iana negu orenaki da roiare gava riaḡa ḡahisa?

## 6

<sup>1</sup>Iesu raki Galilea gohu hakirahe otinu ihiva iauki roia Tiberia gohu. <sup>2</sup>Koita dadaḡava raki au itahe otege, badiva iauki eraḡege auki me ketake kiogeia dika ḡahe maḡe ḡahi gevege. <sup>3</sup>Iesu raki au ḡamituhe ruḡa nimu ḡadihime iauki gurahanu. <sup>4</sup>Nega oige Iudea gaha iau Rigi bauge vaniva tage hugure. <sup>5</sup>Iesu raki aniḡoi niḡahege koita dadaḡava raki gure beiami oroḡege, gerege auki Filipino beraḡi ronu, “Nona negu orei demaka haevi koita o inuhati vasi geige vanu?” <sup>6</sup>Iesu raki onaki rone auka Filipino auki tohogima, badiva riaḡa vara Filipino ra dibana auna otavado kiki vanu au so Filipino berabe veite. <sup>7</sup>Filipino raki ronu, “‘Bata agorokiva’ damua tage ramu ḡereḡere veite nona mi demaka haevege iauna tina tina idigisa.” <sup>8</sup>Au

gamite bera, Simona Petero gōge, Anderea raki Iesu kironu,<sup>94</sup>“Gami avie be oigera au gasina gera parao ada kasiva mati karava momona abu tagera. Eduge ena otado be riağahe kiki vanu koita dadağa o inuhati iahe geige vanu?”<sup>10</sup>Iesu raki ronu, “Koita kirogeve iau bouge gurahe.” Iauki iau bouge isu ada gurahi, iau ate eramu erehuta daha adakasiva nağatera.<sup>11</sup>Gerege Iesu raki parao idigeve, auki Dirava au mađe ġahi gevare, auki idigei koita gurahane mohi gevenu; karava tage enaki kiege, iauki tamuta rađi iau uhure geregere ġahanu.<sup>12</sup>Koita iau uhure ġeregere viege, Iesu raki au ġamituhe kiro gevenu, “Demaka momona inuhati bouge vare, ia negu be daure ġahime.”<sup>13</sup>Gerege iauki koitaia tamuta rađi demaka momonava inuhati bougei idigei boteka utube hakira abu toboğa gevenu.<sup>14</sup>Koita iaberaki Iesu kine meva erağare, iauki ga rađi roege, “Oramu iau peroveta koita be rone eraki o vata ada o oroğonu.”<sup>15</sup>Iesu raki dibana ġoinu iauka orogi mi oti iau oğo rohiveni kiki vara, gerege auki ġaitana avađu ia vağotoni urimi nimu kasihe otinu.<sup>16</sup>Va hirigomege, Iesu raki au ġamituhe ruğa ugurađi gohu otinu,<sup>17</sup>iauki vanađiva bei gui rağare iauki Kaperanamu gohu hakirahe otinu. Va vadibu ġoine uhura Iesu ra so iau gasina rođiro veite.<sup>18</sup>Gerege eve raki vağava viege badiva nono raho tinabe raki ġuguige,<sup>19</sup>Au ġamituhe iabera vanađi barai ġamanava erehuta abigağa se ababu nağate, iauki niğahi Iesu erağanu. Iesu raki eve ada ođi oroğoge vanađi kahika ġahege. Eige iauki siğo rağanu.<sup>20</sup>Eduge Iesu raki kiro gevenu, “Ora dakaki; ia negu siğo rađime.”<sup>21</sup>Gerege iauki heđirita mi vanađiva auki gui vare, renu ġamana veite iauki iau otare gabuhe haki rağanu.<sup>22</sup>Va tahege koitaia gohu hakirahe gurahane iaberaki vanađi kobabe erağanu. Renu iauka erađege Iesu ra vanađi ei au ġamituhe ruğa guigu veitera, eduge auka iavađu ge iauki otinu.<sup>23</sup>Gerege vanađi rore beđu Tiberia seni orođi iauki Rohi Bauge demaka mađe ġahi koitaia tamuta rağane gabuhe hakirađi.<sup>24</sup>Gerege iauki koita inuhati era gevege Iesu mati au ġamituhe iabera ei veite, eige iauki urihi vanađi rore bei gui rađi iauki Iesu beiami Kaperanamu otinu. Iesu ra mađuri demaka vara<sup>25</sup>Iauki gohu hakirahe behuğare iauki berağanu, “Ni Biage, ana vaisu gena a oi oroğonu?”<sup>26</sup>Iesu raki kiro gevenu, “Riağa vara daki ia boriti ġahigeima, iana demaka mađe iare geregere rağane dainehe gena ia da iağoa.<sup>27</sup>Ia negu demaka a daure ġahare meva kime, eduge demaka mađe mađuri behi-behive meva eđu iana kisa, era Koita ġamika vana a moimisa. Badiva Dirava au Mame raki hedoka ġahare renu aena ġahanu.”<sup>28</sup>Gerege iauki kironu, “Nona otavado kiare ena negu no Dirava meve au ġahara viare me vanu?”<sup>29</sup>Iesu raki kiro gevenu, “Oramu Dirava ġahara viare me vara, iaka au besuğane koitava riağa ġahisa.”<sup>30</sup>Gerege iauki kironu, “Ana ġuma orei no ġađiro geige vanu, gerege nona erağare a riağa ġahiğa vanu? Ana negu otavado meva kiki vanu? <sup>31</sup>Ni tene tuhe iaberamu demaka mana rone iauki mata ġağaeva iege; ga aenava ro maemane nağate, ‘Auki va demaka mohi gevege iauki iege.’ ”<sup>32</sup>Gerege Iesu raki kiro gevenu, “Riağa vara, daki a boriti ġahima, era beta Mose raki va demaka ia mohi gevenu, eduge eramu di Mame raki demaka riağa vava seni ia mohi gevenu.<sup>33</sup>Badiva va demaka riağa Dirava seni vava oroğane koitava ramu vata o ġahava mađuri mohi gevenu.”<sup>34</sup>Iauki imiđi ronu, “Rohi Bauge, ama demaka o nega inuhati no mohigeisa.”<sup>35</sup>Iesu raki kiro gevenu, “Dakamu mađuri demaka vara. Di ġasina oroğare ġahava iabera beta ġubur rağohira vara, mati oğore iana da riağa ġaha, iauka beta eia hođe rađira vara.<sup>36</sup>Eduge dakamu ia boriti ġahi gevenu iakamu da erağanu, eduge iaka da riağa ġahiğa veitera.<sup>37</sup>Iağa inuhati di Mame da moimare auka di ġasina ororo vara, renu unuhuna di ġasina oroğima daka beta ita betia ġahiğa vara;<sup>38</sup>badiva da vava seni oroğane beta davahu ġahara viare kiki vara, eduge Dirava da besuğane au roiare era dana kisa.<sup>39</sup>Oramu Dirava da besuğane daka kisa rone meva, renu au da moimane ġahava inuhati daka beta ita betia ġahigei gevara; eduge basu-basua dama iau bouge idigei mađuri ġahigeisa.<sup>40</sup>Oramu riağa di Mame ġahara vane meva ra, gerege oğoreana au Moe erağare mati riağa ġahare iabera mađuri behi-behi misa; eige dana mađuri mohigei oti basu-basua misa.”<sup>41</sup>Gerege Iudea koita iaberaki gure namina rađege badiva auki ronu, “Daka vava seni oroğane demaka vara.”<sup>42</sup>Iauki gure ga rađi roege, “Oramu Iesu raki, Iosepa moera, noka au mame mati au neine iau dibanera. Orenaki ge au negubutu roma, ‘dakamu vava seni ge daki uguhanu?’”<sup>43</sup>Eduge Iesu raki kirogevenu, “Ava madama ġarehiahe.<sup>44</sup>Koita bera beta di ġasina ororo ate di Mame da besuğane aukena nisigami oroğisa; eige dana iagemi mađuri moimisa ate basu-basu vaniva.<sup>45</sup>Peroveta ġahi maemane nağate, ‘Eige Dirava na iau bouge uhuvaka mohigeisa.’ Unuhuna di Mame gare ihinu mati au hugoru mare ġahava iabera di ġasina oroğisa.<sup>46</sup>Koita bera di Mame erara veitera edube Dirava seni oroğane; auki avađu ni Mame erağanu.<sup>47</sup>Riağa vara, daki ia boriti ġahigeima, unuhuna da riağa ġahima auka mađuri behi-behive mimi vara.<sup>48</sup>Daka mađuri demaka vara.<sup>49</sup>Iai vahiruhe iaberamu mata ġağaeva mana iege, eduge iaukamu hođe rağohanu.<sup>50</sup>Oramu demaka vava seni oroğane era, eige unuhuna iarenu auka beta hođe rađira vara.<sup>51</sup>Daka mađuri demaka vara vava seni daki oroğanu. Unuhuna demaka o iarenu auka mađuri behi-behi mimi vara; renu da vata ada oi mađuri demaka a moimare era di ahata maker.”<sup>52</sup>Gerege Iudea ġaheva iaberaki iavađu iau vağa gure berebe rađi roege, “Ata ona orenaki au ahata make mi no mohi gevege nona isa?”<sup>53</sup>Gerege Iesu raki kiro gevenu, “Riağa vara daki roma, iana Koita ġamika ahata maka mati au taoke mimi veite ġoiare, ai mađuri vera ahakera.”<sup>54</sup>Iana oğoreana ia di ahata make iare mati di taoke iare ġahavaia iabera mađuri behi-behi mimi vara, mati dana vana ihie uhura ge dana iage geisa; <sup>55</sup>badiva di ahata make ramu demaka riağa mati di taoke ramu eia riağa vara.<sup>56</sup>Oğoreana di ahata make mati di taoke iare ġahava iabera di uhurehe geraki, mati daka iau uhura<sup>57</sup>Eige mađuri behi-behi iau Mame raki da besuğanu, renu da mađuri viare ramu ni Mama au dainehe, gerege unuhuna di ahata make iare auka di dainehe mađuri vivi vara.<sup>58</sup>Gerege oramu vava seni oroğane demaka vara, beta iai tene ki iare mati iaukamu hođe rağohanu iağaniva nağatera. Eduge unuhuna demaka o iare auka mađuri behi-behi mimi vara.<sup>59</sup>Iesu raki ga o ro gevege au Kaperanamu dubu uhura gavege uhura.<sup>60</sup>Au ġamituhe iaberaki au gare ihare iauki ronu, “Ga ora berebere ra, unuhuna negu ihare riağa ġahiğa vanu?”<sup>61</sup>Eduge Iesu be ra kiroro veite auka dibana au ġamituhea gure au gare ava madama rağohare. Gerege auki bera gevenu, “Ga ona iai uhure huhu ġahigeima?”<sup>62</sup>Gerege iana orenaki niğahi Koita ġamika erađi auna vava ġadimi ġoiarađi au oroğane gabuhe? <sup>63</sup>Ora horu raki mađuri mohimohi vima; ahata maka vara herove ra iağa be veitera. Da iai ro gevene gava iabera horu mati mađuri gava

ra.<sup>64</sup>Eduge iai vaġotoni be iabera da riāġa ġahīġa veitera.” Badiva Iesu ġanai ge auki dibana ġoinu oġoreana iana riāġa ġahīġa veite, renu unuhuna negu au bive kiki vanu.<sup>65</sup>Iesu raki ronu, “Eige daki ia boriti ġahi gevenu iaka beta di ġasina ororo vara edube di Mame riāġa omo iagemege iana di ġasina orōġisa.”<sup>66</sup>Badiva Iesu onaki gavi rone dainehe au ġamituhe iabaki ġoirāġohi au itahe otito netu raġanu.<sup>67</sup>Gerege Iesu raki au ġamituhe utube hakira abu bera gevenu, “Ia ġaitage - iana ġeahu otisa ia ġahara raġa?”<sup>68</sup>Simona Petero raki kironu, “Rohi Bauge, nona unuhu ġasina otisa? Akamu maġuri behi-behi gava ramu aigera.”<sup>69</sup>Nokamu riāġa ġaha mati dibana ġahanu akamu Aena Koita, Dirava besuġane era.”<sup>70</sup>Iesu raki ronu, “Dakamu iai ate utube hakira abu daki ia idi gevenu, ani? Eduge ia be ramu diabololo vara.”<sup>71</sup>Auka Iuda, Simona Isakariota moe gare auki roege, au tage utube hakira abu iau ate bera, eduge auka Iesu bive kiki vara.

## 7

<sup>1</sup>O itaharahe Iesu raki Iudea ġaremi Galileia otinu. Auka Iudea guragu besibe viare badiva Iudea ġaha iaberaki au ġamiġa ratava kiege dainehe. <sup>2</sup>Iudea ġaha iau Rigi bauge vaniva hugure eige iauki dubuka ġamika ki au gurahisa. <sup>3</sup>Gerege au ġoġuhe iaberaki kironu, “Mata o ġaremi Iudea ote eige ai ġamituhe iaberamu a kiare meva tage eraġisa: edube koita be ura veite au me kiare era ġaġae ġoisa auka iorena ge auki kima. <sup>4</sup>Eige ana me riāġa a kima, vata ketane ġahava ġaitage ramu eraġisa.”<sup>5</sup>(Edube au ġoġuhe ġaitage riāġa ġahīġa veite.) <sup>6</sup>Iesu raki kirogevenu, “Di nega riāġa vera so mimi veitera, eduge iai nega vera ia ruta vani inuhati gera. <sup>7</sup>Vata o ġahava iabera beta ia besibe ġahigeige vara, eduge dakera iauki besibe ġaha badiva daki boriti ġahigeima iau ġumaġe iabera beta maġe iabera.”<sup>8</sup>Urihi rigi heġiri otiahe. Daka beta heġiri ei otito vara, badivara di nega riāġa vera so roġiro veitera. <sup>9</sup>Au onaki rone itaharahe auka vani rorebe so Galileia guramanu. <sup>10</sup>Eduge au ġoġuhe inuhati rigi heġiri otine itaharahe, gerege auki ihie iorena otinu koita iabera beta au toaġe kisa mati dibana ġahisa auna unuhunu. <sup>11</sup>Iudea baugeva iaberaki rigi heġiri uhura iaġoi berabe raġi roege, “Negu ata ena oreigenu?”<sup>12</sup>Koita iaberaki heġiri uhura au gare raġi enana raġege. Be iabera roege, “Iesu ra ata maġe vara,” be iabera roege, “Veitera, auka koita iabera auki nisigei ġuma nuneva otima.” <sup>13</sup>Eduge koita bera Iesu gare ġaġae roro veitera, badivara Iudea ġaha iau siġore iauki raġege. <sup>14</sup>Iau rigi heġiri raġi ate vani tanahe ge Iesu raki dubu otime auki koita huguro ġahi gevege. <sup>15</sup>Iudea ġaha iaberaki ġaġu raġohi au gare ihi, roege, “Ata ona orenaki ge au uhuvaka ona kikive manu, auka bera dahi-dahi uhuvaka au huguro ġahīġa veitera?” <sup>16</sup>Gerege Iesu raki kiro gevenu, “Da huguro viare ora beta davaġu di gare ra, edube da besuġane koitava gare ra.”<sup>17</sup>Unuhuna au uhure inuhati Dirava ġahare vare kiare auka dibana ġoiġo vara eramu Dirava au ġasina ge auki orōġima, se da davaġu gena da ġa vima. <sup>18</sup>Oġoreana iavaġu iau gare raġare iabera iavaġu maġeve iauki iaġova; eduge oġoreana da besuġane koitava maġe ġahisa badiva auka riāġa vara, renu auka avaunaġe bera augera veitera. <sup>19</sup>“Iana Mose na aena mi ia mohigeige veitenu? Edube ia be ramu beta aenava behima. Otavado dainehe ge ia gure di ġamiġa ġumaġe iaġova?” <sup>20</sup>Koita iaberaki ronu, “Akamu omo daureva ġoime aki! Unuhuna a ġamiġa roma?”<sup>21</sup>Iesu raki kiro gevenu, “Daka me kobuġa beġu kinu iaka iai bouge ġaġu raġohanu. <sup>22</sup>Mose ramu dododo me mi ġanai ia mohi gevenu (beta Mose au gera, edube iai iahuve iau gera), eige iamu vani aenava tage ġami be vadake dododo meva kinu. <sup>23</sup>Eigera ata be vani aenava au vadake dodovare ena beta Mose aenave hosaġanu, eduge iana ġuma orei gena ia da ata be vani aenava maġe ġahane hova raġoha? <sup>24</sup>Ia negu koita be au erara vaġahe berabe raġime, eduge ġuma ieririva ge iana berabe raġisa.”<sup>25</sup>Koita iau berabe raġi auna Keriso?Ierusalem koita be iaberaki roege, “Ona beta iau at be roiare iauka ġami hoekisa enu? <sup>26</sup>Eraġiahe koitava vire ġaġae ga vare, eduge iauka iaġa be au ġasina roro veitera! Ona iau anavare auna riāġa vanu Keriso? <sup>27</sup>Ama noka bada dibana ata ona orehe seni ge au orōġonu, edube Keriso negu orōġare negahe, koita bera beta dibana ġoiġovara auna orehe seni ororo vanu.”<sup>28</sup>Gerege Iesu raki dubu gavage uhura to barai ronu, “Iaka di dibanera, mati iaka da orōġane matava dibana. Daka beta davaġu ge daki orōġanu. Da besuġane koitava ramu riāġa vara, renu iaka au dibane veitera. <sup>29</sup>Daka au dibanera badiva dakamu au seni ge daki orōġanu mati auki da besuġanu.”<sup>30</sup>Gerege koitaia eige iauka kamuisa, eduge iau ade bera au kauka veitera, badiva au negave rone era so mimi veitera. <sup>31</sup>Eduge iau uhura gera koita dadaġava raki riāġa ġaha renu iauki roege, “Keriso orōġare negahe, auna negu riāġahe ata o me kiogevene soiġi au variada dadaġa kiogevine vanu? Aena ġaha iabaki Iesu misa <sup>32</sup>Faresia ġaha be iaberaki koita iau uhura ga ġamika tahu Iesu gare raġege ihinu, gerege dubu aena ġaha iaberaki iau ġamituhe besugei iauka oti Iesu misa.”<sup>33</sup>Gerege Iesu raki ronu, “Dakamu nega tinabe dana ia ruta guramisa, renu itaharahe dana ġoirāġi otisa da besuġane koitava ġasina. <sup>34</sup>Iaka negu da iaġoia vara, eduge iaka beta da behube vara; renu da otare oġova iaka beta riāġahe otito vara.”<sup>35</sup>Iudea ġaha iaberaki bebe bera gevege, “Ata ona orei otito vanu eige au roma noka beta behube vara? Auna ni matame ġaremi Iudea itahe koita nune ei gurahare iau uhura oti guramare mati uguro ġahigeige vanu? <sup>36</sup>Auna otavadoana au no boriti ġahigeisa roma, ‘Iaka negu da iaġoisa eduge iaka beta da behube vara’ mati ‘da otare matava iaka beta riāġahe otito vara?’”<sup>37</sup>Rigi vani bauge netu netua, Iesu ra ramirame auki to barai ronu, “Ana unuhuna eia hoġe vima ama di ġasina orōġisa. <sup>38</sup>Ana da riāġa ġahima, buka aenava ramu ronu, “Ana da riāġa ġahima, maġuri eia eramu ai sorukehe tobo raġi ġutui hakiha vara.”<sup>39</sup>Iesu onaki rone ra Dirava Horuve auki gava vanu, oġoreana riāġa ġahare iauka Horu mimi vara, edube negubutu gera so Horu veitera, badiva Dirava ra so au maġeve Iesu moimo veitera.”<sup>40</sup>Koita iaberaki negu Iesu gare ihine negahe be iabeki ronu, “Oramu iau peroveta koita rone era.” <sup>41</sup>Be iaberaki ronu, “Oramu Keriso ra.” Edube be iaberaki berabe raġi, “Gerege Keriso na Galileia seni ororo vanu?” <sup>42</sup>Gerege buka aenava na roro veitenu Keriso ramu Betelehema seni auna orōġisa, au tene Davida ġuruane matahe.”<sup>43</sup>Eige koita be ia besibe ġahare iaberaki bebe kasa gevenu au dainehe. <sup>44</sup>Be iaberaki ura raġi misa, eduge bera kamuka veite.”<sup>45</sup>Gerege aena ġaha iaberaki ġoirāġohi dubu biava iau ġasina oti iauki bera gevenu, “Esemena ia kamui mi ororo veite?” <sup>46</sup>Aena ġaha iaberaki ronu, “Koita bera ata o gavare naġate veitera!”<sup>47</sup>Gerege Faresia ġaha iaberaki kiro gevenu, “Ia ġaitage na au

guma nuneva ia nisigei otinu? <sup>48</sup>Gerege aena ġahaia se Faresia ġaha be iana Iesu riaġa ġahiġa veitenu? <sup>49</sup>Eduge koita o iaberamu, iauna Mose Aenave dibana veitenu, eige Dirava hore ramu iau ada gera.”<sup>50</sup>Nikodemu tage ramu Faresia ġaha iau uhura au tage iau ruġa, iauki kiro gevenu, <sup>51</sup>“Ni Aenave uhura gera noka beta koita be daure damune roro vara, eduge noka uriġahi au kiogevene gava ihare, ihiege nona au daure damune aenava moimisa.” <sup>52</sup>Iauki kironu, “A tage beta Galileia seni ge aki oroġanu, ani? Ama buka Aena dahare mati anaisa peroveta koita be ramu beta Galileia seni oroġanu.”[ <sup>53</sup>Gerege iauki koba koba iau guragu oġohe otinu,

## 8

<sup>1</sup>Iauki koba koba iau guragu oġohe otinu, eduge Iesu ra Oliva Nimuva seni ge auki otinu. <sup>2</sup>Vagutu ge auki ġaitana ġoiragi dubu otinu. Koita iaberaki au ġasina orogi gurahi au gare ihige. <sup>3</sup>Aena ġahaia renu Faresia ġaha iaberaki maġi be ġuma daure kiege uhura mi oroġime iauki koita iau vaġotoni maemanu. <sup>4</sup>Iauki Iesu kironu, “Ni Biage, maġi ora ni muduka vi ġuma daure kiare uhura ge iauki behuġanu. <sup>5</sup>Mose Aenave uhura gera noka maġi onaki kikive iabera muniva ġami hoekisa. Ama ana otavadoana a roma?” <sup>6</sup>Iauki tohoġi onaki roege gerege au ga nune be roege iauka mi aena moimisa. Iesu raki ġorumu vata ada au ada kakunehe ga be maemi. <sup>7</sup>Iauka daġe daġe berabe raġege, auki urimi ramare kirogevenu, “Ana unuhuna iai vaġotoni daure veite au uriġoi muni mi maġi o ġama.” <sup>8</sup>Auki ġaitana ġorumare au adahe vata ada ga maemanu. <sup>9</sup>Iau au gare ihine, iau baugetuhe iabeki ġeahu oti renu avie kobakoba iau itahe ġeahu otinu; iauki Iesu ġarehi renu ni muduka maġi e au vaġotoni ramirame ġare gevenu. <sup>10</sup>Iesu raki urimi ramare auki maġi e kironu, “Maġi, ama negu a ġamisa rone ġahavaia? Esemena be guramare aki roro veite aka daure maġi vara?” <sup>11</sup>Maġi eraki ronnu, “Be veitera, di Rohite.” Renu Iesu raki kironu, “Da tage beta ami daure roro vara. Ama otisa, edube a negu daure ki goiragime.”<sup>12</sup>Iesu raki ġaitana gaġagei, roege, “Daka mata o abaga vara. Di itahe oroġare koita vara beta vadibua oġiġi vara, eduge auka maguri abagava mimi vara.” <sup>13</sup>Gerege Faresia iaberaki kironu, “Akamu avagu ge aki ai gare vima; eige noka beta ai gare riaġa ġahiġa vara.”<sup>14</sup>Iesu raki ronnu, “Eige dana davaġu gena da di gare vima, di gare ramu riaġa vara badiva daka dibana dana oreigena da oroġanu renu dana orei otito vanu, eduge aka dibana veite dana oreigena da oroġanu se dana orei otito vanu. <sup>15</sup>Akamu koita uhu ananave ge aki berabe vima; edube daka beta koita be daure damune kiki vara. <sup>16</sup>Eduge dana berabe vima, di berabe vera riaġa vara; badiva beta davaġu ge daki berabe vima, eduge di Mame da besuġane ruta gera. <sup>17</sup>Iai aenave uhura maemane tage ramu ronnu koita abu ġainage iau ġare ramu riaġa ġahisa. <sup>18</sup>Di Mame da besuġane tage ramu di gare auki riaġa ġahima.”<sup>19</sup>Gerege iauki beraġanu, “Ama ai Mame?” Iesu raki ronnu, “Iaka da se di Mame ni dibane veitera. Iana dibane ġahanu dana unuhunu, iaka di Mame tage au dibana ġahanu.” <sup>20</sup>Iesu gure dubu uhura iau moni ġosiġare gabuva ġaika au uguro gare roege, eduge koita bera kamuka veite badiva au nega vera so mimi veitera. <sup>21</sup>Iesu raki ġaitana kirogevenu, “Daka so ġeahu otito vara, renu iaka da iaġoia vara, edube iaka iai daureve uhura hoġe raġira vara. Dana orei otito vanu, iaka beta ororo vara.” <sup>22</sup>Gerege Iudea ġaha iaberaki kironu, “Ena auna oti auvaġu au ġamiġa vanu? Au gare makava au roma, ‘Dana orei otito vanu, iaka beta ororo vara.’”<sup>23</sup>Iesu raki kiro gevenu, “Iaka derihe vata ada o ġahava iabara, daka auhe ge daki oroġanu; iaka vata ada o ġahava iabara, eduge daka beta vata ada iera. <sup>24</sup>Eige daki ia boriti ġahi gevenu iaka daure uhura hoġe raġira vara, edube ia da riaġa ġahiġa veite da davaġu roma dakamu aukaki, iaka iai daureve uhura hoġe raġohira vara.”<sup>25</sup>Iauki kironu, “Ana unuhunu?” Iesu raki kiro gevenu, “Esemena da ia gaġa geima? Otavado ana da ġanai ia boriti ġahi gevenu. <sup>26</sup>Daka iaġa dadaġava dana iai ada rosa mati iai daureve dana rosa; eduge da besuġane koita vara riaġa vara, eige dana otavadoana da vata ada oi ronnu eramu auge daki ihine ga vara.” <sup>27</sup>Iauka anana veite auka au Mame vava uiare garera auki roma. <sup>28</sup>Gerege Iesu raki ronnu, “Ia negu Koita Ġamika mi iagemare, eige iana anaisa dana unuhunu, mati daka beta iaġa be davaġu kiki vara, eduge da ga ro gevare iabara di Mame vava uiare da boriti ġahare gava iabara. <sup>29</sup>Renu da besuġane koita vara daġore gera; auka da ġareġa veitera, badivara da kiare meva inuhati auki heġiriva vima.” <sup>30</sup>Auki gavi iaġa o ro gevege, koita dadaġa iaberaki riaġa ġahanu. <sup>31</sup>Gerege Iesu raki Iudea ġahaia riaġa ġahane kiro gevenu, “Ia di gare riaġa ġahi rahare, iaka di gamituhea iabara; <sup>32</sup>renu iana ga o riaġa ġaha, renu ga riaġa oramu a maġe ġahiġa vara.” <sup>33</sup>Iauki kironu, “Nokamu Aberahamo vahiruhe iabara renu nokamu beta koita be iau besubesu ġahatuhe ġahanu. Ana otavadoana a roma, ‘Aka maġe mi ororo?’”<sup>34</sup>Iesu raki kiro gevenu, “Riaġa vara, daki roma, unuhuna ġuma daure kima auka ahata maka mi otare auge auki otima. <sup>35</sup>Besubesu koita vara guragu iaga veitera; au moe raki ei guragu behi behive oġova. <sup>36</sup>Eigera Dirava Moe a maġe ġahege, iaka maġe riaġa mimi vara. <sup>37</sup>Daka dibanara iaka Aberahamo vahiruhe iabara; eduge iaka da ġamiġa ġumava iaki gure kia, badivara di gare iai uhurehe gera guragu gabu veitera. <sup>38</sup>Daka otavadoana da di Mame vaġotoni eraġanu era daki gava vanu; eduge iakamu otavadoana ia di Mame au ihine kiki vara. <sup>39</sup>Iauki kironu, “Noka Aberahamo vahiruhe iabara.” Iesu raki kiro gevenu, “Ia Aberahamo vahiruhe ġahanu, iaka au ġumaġe kiogevenu, <sup>40</sup>eduge iaka da ġamiġa ġumava iaki kia, da ga ro oroġane ramu Dirava ga riaġave ihine era daki ia boriti ġahi gevege. Aberahamo ramu beta ġuma ona kikive kinu. <sup>41</sup>Iaka riaġa iai vahiruhe kiege naġate iaki kia.” Iauki kironu, “Noka beta mamaka veite iabara; noka ni mame ramu kobabe, Dirava au avagu geraki ni Mame.”<sup>42</sup>Iesu raki kiro gevenu, “Gerege Dirava mi iai Mame ġoiare, iakamu di ġahara raġira vara, badivara daka Dirava auge daki oroġanu renu da ona. Daka beta davaġu ge daki oroġanu, eduge auki da besuġanu. <sup>43</sup>Esemena ia da ga roiare o ihihhi veite? Badivara iaka di gare riaġa ġahiġa veite dainehe. <sup>44</sup>Iakamu iai mame satani naġatera, eige iaki au ġumaġe kia. Auka ġanai koita ġami hoekanu mati auka maġuri riaġava guragu veite, badiva auka avaunaġe maġuriva ge auki guramima. Au avanaġe viare auka avagu au uhure anavare eġu auna gava visa, badiva auka avanaġe inuhati iau mamera.”<sup>45</sup>Badiva daka ga riaġa vara daki ia boriti ġahigeima, edube iaka da riaġa ġahiġa veitera. <sup>46</sup>Dana unuhuna da boriti ġahisa daka daure kinu? Da ga riaġa roiare, esemena ia da riaġa ġahiġa veite? <sup>47</sup>Ana

unuhuna Dirava gare ihima aka Dirava iera. Ana au gare ihihi veitenu makava ramu aka beta Dirava auge aki oroḡanu.”<sup>46</sup>Iudea ḡaha iaberaki beraḡanu, “Nona riaḡa vara no roia a tage Samaria koitavara eige aka sua daure vara ai uhura gera?”<sup>49</sup>Iesu raki ronū, “Daka sua daure veitera; eduge daka di Mame daki maḡe ḡahima, edube iaka da maḡe ḡahiḡa veitera.”<sup>50</sup>Eduge daka beta dawaḡu di maḡeva daki iaḡoima; edube koita beḡuge raki auvaḡu maḡe renū auka maḡe biavara.”<sup>51</sup>Riaḡa vara, daki roma, ana unuhuna di gare kamui riaḡa ḡahima auka beta hoḡe erara vara.”<sup>52</sup>Iudea ḡaha iaberaki kironu, “Nokamu dibana ḡahanu aka sua daure ai uhura. Aberahamo hoḡe raḡi, renū peroveta ḡaheva ḡainage; edube aka roma, ‘Ana unuhuna di gare kamuima auka beta hoḡe erara vara.’”<sup>53</sup>Ana ni mame Aberahamo aukamu hoḡe raḡanu, au naḡatenu? Peroveta ḡaha ḡainage hoḡe raḡanu. Ana roma ana unuhuna?”<sup>54</sup>Iesu raki ronū, “Da dawaḡu da maḡe ḡahare negahe, di maḡeve ra maka veitera. Ora di Mame vava uiare eraki da maḡe ḡahima, auka iamu roia, ‘Auka ni Diravate,’<sup>55</sup>iana au dibane veitenu. Eduge daka au dibanera; gerege da negu rosa daka au dibane veite, dakamu a naḡate avauaḡe koita ḡoiḡo vara. Edube daka au dibane renū au gare daki riaḡa ḡahi kamuima.”<sup>56</sup>Iai baugete Aberahamo tage di ororove heḡiriva vanu; aukaki uriḡoi eraḡare renū heḡiri viege.”<sup>57</sup>Gerege Iudea ḡaha iabaraki kironu, “Aka so tau utu adakasiva mimi veite, aka roma aka Aberahamo eraḡanu?”<sup>58</sup>Iesu raki kiro gevenu, “Riaḡa vara, daki roma, Aberahamo so ḡuruḡu veite, daki ḡuruanu.”<sup>59</sup>Gerege iauki muni idiḡi au ḡamisa, eduge Iesu raki iau vaḡotoni dubu seni oḡi hakivanu.

## 9

<sup>1</sup>Auki oḡi otime auki niḡahi ata be eraḡanu auka au ḡuruane auki niḡa niḡa veite. <sup>2</sup>Au gamituhe iaberaki beraḡanu, “Ni Biage, esemena ata o ḡuruane au ni veite ḡoinu, ona avagaḡu au daureve se au iahuve iau daure dainehe?”<sup>3</sup>Iesu raki ronū, “Beta ata o se au iahuve iabaki daure kinu; au ḡurui ni veite ḡoine noka Dirava hedoke meva au ḡaḡae ḡoisa. <sup>4</sup>Eige noma vani abagava au da besuḡane meva kisa; a va hirigomare bera beta me be kiki vara. <sup>5</sup>Dana vata ada oi maḡurivi uiare, daka vata o abaga vara. <sup>6</sup>Auki onaki roiare, auki vateta ada sabaramare rabura ḡahare mi ata e nie ada maemanu, <sup>7</sup>auki kiroege, “Ote, Siloama eiava eagu” (makava ramu Besuḡa). Gerege ata eraki oti au nie ketovare au nie raki baoraganu.”<sup>8</sup>Ata e yaga gaikahe uiare koitava ya renū beya erage ge, au orogo imimi vi yoavege, yaberaki roege, “Ona ata enu, orogo gurami imimi viege, aukenu?”<sup>9</sup>Be yabeki ronū, “Era aukaki.” Be yabera roege, “Veitera, eduge auka au eraravara nagatera.” Eduge auki ronū, “Ora dakaki.”<sup>10</sup>Yauki beraganu, “Orena kimena ai nei baoraganu?”<sup>11</sup>Auki kirogevenu, “Yau atabe ihiva Iesu roere raki vata batake gahera, di niehe maemanu daki ronū, ‘Siloam oti eaga.’ Eige daki ti eaga ge di nie raki baoraganu.”<sup>12</sup>Koita e yaberaki beraganu, “Koitavanu oreigenu?” Auki kirogevenu, “Daka dibana veitera.”<sup>13</sup>Iauki negu ata au nie baoraḡane mi Farisea ḡahava iau ḡasina oroḡonu. <sup>14</sup>Iesu ramu vani aenava ge auki vateta manei au nie bao vanu. <sup>15</sup>Gerege Farisea ḡaha iaberaki ḡaitana beraḡege auna orenaki gena au nie bao raḡanu. Auki kirogei, “Vateta vara auki manei di niehe ḡosiḡanu. Gerege daki eiava ketoi, eige daki niḡa niḡa vima.”<sup>16</sup>Farisea ḡaha iaberaki roege, “Ata ora beta Dirava seni auki oroḡanu, badivara auka sabadi vani o aena ḡahiḡa veitera.” Eduge be iaberaki roege, “Orenaki ata be daure koita auna ḡuma o kisa?” Eige iauki iau kasa gevenu. <sup>17</sup>Iauki ḡaitana ata nie baoraḡane beraḡege, “Ai ananave ata ona unuhunu? Eramu ai nie auki baoanu.” Auki ronū, “Auka peroveta koita vara.”<sup>18</sup>Iudea ḡaha iabara negu ata nie baoraḡanu riaḡa ḡahiḡa veite eiger auki au iahuve ihirogei<sup>19</sup>mati bera gevenu, “Ona iai moenu, iauki roia auka au ḡuruane ei ni veite? Orenaki au negubutu niḡa niḡa vima?”<sup>20</sup>Au iahuve iaberaki ronū, “Ora ni moera, renū auka ni veitera au ḡuruane; noka dibanara; <sup>21</sup>eduge noka dibana veite orenaki gena au negubutu niḡa niḡa vima, mati unuhuna au nie baoanu. Beraḡiahe; auka koita bauge vara. Aukena avagaḡu ia kiro geisa.”<sup>22</sup>Au iahuve onaki rone badivara iauka Iudea ḡahava iauki siḡageva; badivara Iudea ḡahava iabara subuta riaḡa ḡahanu unuhuna Iesu riaḡa ḡahi auka Keriso roiare iauka dubu besugei haki raḡohisa. <sup>23</sup>Eige au iahuve iaberaki ronū, “Auka koita bauge vara; beraḡiahe.”<sup>24</sup>Gerege iauki nega abu ḡahiḡava ata niḡa niḡa veite ihiromi ḡoiḡaḡohi, iauki kironu, “Ama Dirava vaḡotoni ga riaḡa visa! Noka dibanara ata ora daure koita vara.”<sup>25</sup>Auki gavi ronū, “Daka dibana veite ata ona daure koita vanu. Eduge iaḡa kobabe da dibana ḡoinera, dana ni veitenu, edube dakamu negubutu niḡa niḡa vima.”<sup>26</sup>Iauki kironu, “Otavadoana au ai kinu? Orenaki gena au ai nie bao gevenu?”<sup>27</sup>Auki kirogevenu, “Dakamu subuta ia boriti ḡahi gevenu, eduge iaka di gare ihihi veitera. Esemena ia ḡaitana ihisa roia? Riaḡa ia ḡaitage iakamu beta au ḡamituhe ḡahiḡa gahara raḡa, riaḡa vanu?”<sup>28</sup>Gerege iauki namiḡi, roege, “Akamu au ḡamite bera, eduge noka Mose gamituhe iabara.”<sup>29</sup>Noka ni dibanera Dirava ramu Mose ga ḡahanu, eduge ata ora, noka au dibane veite auna orehe seni gena au oroḡanu.”<sup>30</sup>Negu ata eraki boriti ḡahigei ronū, “Ora so iaḡa maḡe bera! Aka dibana veite orehe seni gena au oroḡanu, eduge auki di nie bao gevenu.”<sup>31</sup>Noka dibana Dirava ra daure ḡahe iau gare ihihi veitera, eduge auka oḡoreana au imimi ḡahare mati au meve matau ḡahare ḡaheva auki iau ḡare ihima.”<sup>32</sup>Nokamu beta vata ada oi nega bei ihege koita be ramu ni veite ḡuruane iaukamu au nie bao gevege aukamu niḡa niḡa vima. <sup>33</sup>Gerege negu ata ona riaḡa beta Dirava au gena au oroḡonu, auka beta onaki iaḡa be kiki vara.”<sup>34</sup>Iauki kironu, “Akamu daure uhura ge aki ḡuruanu, renū ana orenaki no gaḡa geisa.” Eige iauki oiahi haki vanu.”<sup>35</sup>Iesu raki iau oiahanē gava ihare, gerege auki iaḡoi behuḡare, auki kironu, “Ana Koita ḡamika Moe riaḡa ḡahima?”<sup>36</sup>Auki kironu, “Mati auna unuhunu, di Rohite? Da boriti ḡaha, gerege tage dama riaḡa ḡahisa.”<sup>37</sup>Iesu raki boriti ḡahi ronū, “Akamu o eraḡima, mati a ga ḡahare koitava ramu aukaki.”<sup>38</sup>Auki ronū, “Di Rohite, dakamu a riaḡa ḡahima.” Gerege auki Iesu vasi ḡaika komuko daivi maḡe ḡahege.”<sup>39</sup>Iesu raki ronū, “Da vata ada oi oroḡane ra beta ia kasa gevare gerege niḡa niḡa veite iabera niḡahisa, renū oḡore iau nie bao raḡira veite iabera so niḡa niḡa raḡira vara.”<sup>40</sup>Faresia ḡahava bea au ḡaika raki au gare ihare renū kironu, “Riaḡa noka beta ni veite iabara, ani?”<sup>41</sup>Iesu raki boriti ḡahi gevenu, “Eduge a ni veite ḡoiare, aka beta ḡuma daure kiki vara. Eige ana negubutu a roma, ‘Nokamu ni ḡaha,’ eduge aka daḡe daḡe daure uhura gera.

## 10

<sup>1</sup>Riağa riağa, daki roma, ana unuhuna a mamoe iaga uduani sirisi veite eduge haba hosagi gadimare era vaho koita vara. <sup>2</sup>Koita uduani seni sirivare koitava ramu mamoe iau biagera. <sup>3</sup>Negu udua nitabata gahare koitava ramu au uduane baovi, renu mamoe ramu au enoĝe ihihhi vara. Auna au mamoeve iau ihe rogei ihirogei auna nisigei hakivisa. <sup>4</sup>Au avaĝu au mamoeve inuhati nisigei haki vare, aumu urigoĝi oĝi, renu au mamoeve iabara au itahe oĝi ota badivara iauka au enoĝe dibanara. <sup>5</sup>Iauka beta koita nune be itahe otito vara, eduge iauka siviĝoro raĝira vara badivara iauka au enoĝe dibana veitera. <sup>6</sup>Iesu raki badigomu o gava viege iau ruĝa, eduge iau uhure ra bao raĝira veitera auna otavado au iau ĝasina roege. <sup>7</sup>Gerege Iesu raki ĝaitana kirogei, “Riaĝa vara, daki roma, daka mamoe iau uduanera. <sup>8</sup>Oĝoreana urigahi oroĝane iabara vaho ĝaheva iabara; eige mamoe iabara iau ĝare ihihhi veitera. <sup>9</sup>Daka iai uduanera. Ana unuhuna dai oroĝima auka maĝuri vara, renu auka dai oroĝi mati hakivima auka maĝe mimi vara. <sup>10</sup>Vaho koita oroĝare ra daure mati hoĝe auki mi oroĝima. Da oroĝane ra iaka iai bouge maĝuri maĝe misa, negu oti behi behive. <sup>11</sup>“Daka mamoe nitabata ĝahiĝa koita maĝe vara. Mamoe nitabata koita vara au maĝurive mi vata maemi au mamoe tuhe iau dainehe. <sup>12</sup>A negu ata be damune kiare, eduge auka beta mamoe nitabata koita mati beta aue iabara, eige aumu ura totoka oroĝare eraĝare renu mamoe ĝaregei aumu siviĝoromi, renu ura totoka eramu oiagei iauna koba koba ĝahisa. <sup>13</sup>Negu ata haevane eramu siviĝoromi badiva auka mamoe nitabata meva dibana veitera. <sup>14</sup>Daka mamoe nitabata koita maĝe vara. Daka daie iau dibane mati iauka di dibane, <sup>15</sup>ĝuma kobuĝa ei di Mame ra di dibane da tage ni Mame dibane. Eige daki di maĝurive mi vata maemima iau dainehe. <sup>16</sup>Daka mamoe nune be ĝaitage di ĝasina gera. Dama iau ĝaitage idigei oroĝisa, mati iau ĝaitage di enoĝe ihisa. Eige iauma kobabe ĝahisa, iau nitabata koitava tage kobabe. <sup>17</sup>Badiva ĝuma o dainehe ni Mame raki di ĝahara vima, eige daki di maĝurive mi vata maemi gerege dama maĝurivi ĝoiragiisa. <sup>18</sup>Bera beta di maĝurive mimi vara, eduge davaĝu ge daki maemanu. Daka hedokate mi maemisa, mati daka hedokate mi ĝoiragiisa. Ora di Mame daki rone ga vara. <sup>19</sup>Ga o iau dainehe Iudea ĝahava iaberaki ĝaitana iau kasa gevenu. <sup>20</sup>Koita dadaĝava raki onaki roege, “Auka sua daure iabaraki au uhura eige auki ga kava vima. Ia gure au gare iha?” <sup>21</sup>Be iabera roege, “Ga o iabara beta koita be sua daure au uhura gava iabaki. A sua daure bena riaĝahe ata be niĝa niĝa veite au nie baoba vanu?” <sup>22</sup>Nega ei Ieruselema geramu iau Dubu hedoka ĝahane vaniva iauki anai. Ei tagera ribiri nega vara, <sup>23</sup>renu Iesu tage dubu ĝaika oĝi ioavege, iau Solomona ihe kine kasihe. <sup>24</sup>Gerege Iudea ĝaha be iaberaki au ĝasina rahi origime iauki beragege, “Ana onaki no ĝaregei vaisu ga riaĝa no kiro geige vanu? Ana ni Maĝuri ĝahiĝa koita vanu, no boriti ĝahigeve.” <sup>25</sup>Iesu raki kirogevenu, “Dakamu subuta ia boriti ĝahi gevenu, eduge iaka da riaĝa ĝahiĝa veitera. Oramu di Mame da kirona meva iabara daki au ihege kiogevege; <sup>26</sup>eduge iaka riaĝa ĝahiĝa veitera, badivara iaka beta di mamoe tuhea iabara. <sup>27</sup>Di mamoe tuhea iabara di enoĝe iha. Daka iau dibane, renu iauka di itahe ororo vara. <sup>28</sup>Daka maĝuri behi behive mohigeige vara, mati iauka beta dau ragohira vara. Bera beta di adehe idigei gevara. <sup>29</sup>Otavado di Mame da moimane iaĝani vara beta iaie ĝore ĝereĝere vera, mati koita bera beta di Mame adehe idigei gevara. <sup>30</sup>Da mati di Mame ruta noka kobabera.” <sup>31</sup>Iudea ĝahava iaberaki ĝaitana muni idigei ĝamisa roege. <sup>32</sup>Iesu raki gavi ronu, “Dakamu di Mame hedokehe daki me maĝe dadaĝa ia ĝaĝiro gevenu. Erege e au dainehe ia muniva da ĝamisa roia? <sup>33</sup>Iudea ĝahava iaberaki roege, “Noka beta me maĝe e iau gera noki muni tahu a ĝamisa roia, eduge aki Dirava gare gure onaki roiare, badiva aka koita nubaga vara, aka avaĝu ami Dirava roma.” <sup>34</sup>Iesu raki ronu, “Iana ia aenave uhura maema veitenu, Da rone, iakamu vata dirava iabara? <sup>35</sup>Mati ia negu roiare Dirava gare oroĝane iauge iauki roia diravaia, eige au garera beta hosa raĝira vara, <sup>36</sup>se iana rosa di Mame da hedoka ĝahane mati vata ada oi da besuĝane iaka roia daka davaĝu da mi roma, Daka Dirava Moera? <sup>37</sup>Dana di Mame meve rone da kiogeige veite, gerege a negu da riaĝa ĝahime. <sup>38</sup>Edube dana kiogevege, ana daĝe daĝe da riaĝa ĝahiĝa veitenu, ama au meve riaĝa ĝahisa, mati iama anavare renu riaĝa ĝahisa, di Mame di uhura mati daka di Mame uhura gera.” <sup>39</sup>Gerege iauki ĝaitana kamuisa, eduge auki iau adavaĝa hakivanu. <sup>40</sup>Auki ĝaitana Ioridana kasihe otinu Ioane ĝanaĝi babatiso viege gabuĝe, auki vane rore be ei gurami vaĝa roege. <sup>41</sup>Koita dadaĝava raki au ĝasina oroĝime, iauki kiroege, “Ioane ramu hedo meva be kiki veitera, eduge Ioane ata o gare ro gevege iabara riaĝa vara.” <sup>42</sup>Eige koita dadaĝava raki ei riaĝa.

## 11

<sup>1</sup>Ata be ihivara Lasaro, auka Betani ge auki uiage eraki dika vanu. Betani gera Maria mati au tate Mareta uiare oĝo vara. <sup>2</sup>Maria raki Rohi Bauge maĝe ĝahime auki dehoru ĝutika maĝe be mi au vase ada bohuĝanu mati au omo hanakehe dahuĝanu; auka Lasaro dika ata au amakine ra. <sup>3</sup>Eige au amakinuhe iabaraki iau gare besuĝanu Iesu ĝasina, “Rohi Bauge, ai vasire maĝeva ramu komata vanu.” <sup>4</sup>Eduge Iesu badi ihinei, auki ronu, “Komata ora beta hoĝe mi ororo vara; edube noma Dirava motea ĝahisa, renu Dirava Moe ramu au maĝeve ĝaĝae ĝahisa.” <sup>5</sup>Edube, Iesu matauve Mareta au ĝoĝe renu Lasaro iau ada, <sup>6</sup>au Lasaro komata vane ihinei, auki vane abu naĝate oĝo ei guramanu. <sup>7</sup>Gerege itaharahe auki au ĝamituhe kiro gevenu, “Noma ĝaitana Iudea ĝoiragiisa.” <sup>8</sup>Au ĝamituhe iabaraki kironu, “Ni Biage, Iudea ĝahava iabara vane rorebe muni tahu a ĝamisa roege, aka roma noka ei ĝoiragiisa otisa?” <sup>9</sup>Iesu raki ronu, “Ana dibana veitenu vane be abagava ramu utube hakira abu gera? Oĝoreana vane oĝiare ĝahava iabara beta desuraĝi raĝira vara, badivara iauka vata ada o abagava eraĝa. <sup>10</sup>Eduge oĝoreana vahi ioa raĝoha ĝahavaia iabara desuraĝi raĝira vara, badivara abaga vara iau uhurehe ge veitera.” <sup>11</sup>Enaki rone itaharahe, auki kirogevenu, “Ni vasire Lasaro ra iaĝime auki, eige daka ei oti ĝutigu vara.” <sup>12</sup>Au ĝamituhe iabaraki kironu, “Rohi Bauge, au iaĝiage ĝoioĝe, auka maĝera.” <sup>13</sup>Iesu enaki roege eramu Lasaro hoĝeve auki gava viege, eduge iau uhu ananave auka iaĝiage gava auka vima. <sup>14</sup>Gerege Iesu raki ni taĝotaĝo boriti ĝahi gevenu, “Lasaro ramu hoĝe raĝanu. <sup>15</sup>Dakamu heĝiri vima iai dainehe daka eigeraveite, eige iama da riaĝa ĝahisa. Eige

noka au ġasina otito vara.”<sup>16</sup> Toma, iau ihiva Hekapa roege, auki au soukuhe kirogei, “No gaitage no au ruta ota, noma au ruta hoġe kobuġe raġohisa.”<sup>17</sup> Iesu raki oġo ei hakivi, auki ihinu Lasaro ramu vani ababu otinu iauki abatenu.<sup>18</sup> Betani ra Ierusalem ġaika gera, ġamana veitera,<sup>19</sup> renu Iudea koita dadaġava iabara Mareta mati Maria iau ġasina oti vaġahu ġahi gevege iau amakine dainehe.<sup>20</sup> Mareta raki ihine Iesu ororove, auki hakivi oti eraġi, au ġoġe Maria ra iagahu auki guramege.<sup>21</sup> Mareta raki Iesu kironu, “Rohi Bauge, a mena oi ġoinu, di amakine ra beta hoġe raġanu.”<sup>22</sup> Eduge dakamu dibana ġoinu, ana otavado a Dirava au imiġima, Dirava vara riaga ġahe a moimo vara.”<sup>23</sup> Iesu raki ronu, “Ai amakine ra ġaitana maġurivi ġoiragiara vara.”<sup>24</sup> Mareta raki kironu, “Daka dibana auka ġaitana urimi ġoiragiara vara vani netu netua.”<sup>25</sup> Iesu raki kironu, “Dakamu hoġe mati maġuri. Oġoreana da riaga ġaha, iauna hoġe raġanu, iauka maġuri raġira vara, maġuri mati ana unuhuna maġuri vima mati da riaga ġahima auka beta hoġe raġira vara. Ana da riaga ġahima?”<sup>27</sup> Maġi eraki ronu, “Erege, di Rohite, aka riaga Keriso, Dirava Moe, mati au rone auka vata ada oi besuġi oroġisa.” Iesu raki nivinu<sup>28</sup> Au gavana itaharahe, auki ġoiragi au ġoġe Maria ihiromi iorena kironu, “Ni Biage ramu ai totove vima.”<sup>29</sup> Auki ihare, auki vaina urimare au ġasina otinu.<sup>30</sup> Iesu so oġo kauka veite, eduge auka so Mareta behuġi ga ġahane gabuhe gera.<sup>31</sup> Negu Iudea ġaha ahata moimi au ruta iagahu, iabeki eraġege auki vaina urimi hakivanu. Iauki au itahe oti iau ananave auka midava oti ei nivisa.<sup>32</sup> Maria raki oroġi au Iesu eraġane, auki au vasi ġaika komuko daivi kironu, “Rohi Bauge, a mena oi ġoinu, di amakine ra beta hoġe raġanu.”<sup>33</sup> Iesu raki au nivige eraġege, mati Iudea ġaha au ruta otine ġaitage gure niġo raġege, auki eragei uhudau ġahigei renu au soruke tage hosa raġanu.<sup>34</sup> Auki bera gevenu, “Oreigena ia maemanu?” Iauki kironu, “Rohi Bauge, oroġi eraġa.”<sup>35</sup> Iesu raki gure nivige.<sup>36</sup> Gerege Iudea ġaha iaberaki roege, “Iana au nivare eraġa!”<sup>37</sup> Eduge be iaberaki roege, “Auna beta ata ni veite kiege au niġa niġa vima eige auna mati beta ata o maġuri ġahiġa vanu.”<sup>38</sup> Gerege Iesu raki ġaitana midava oroġi uhu huhu ruta. Iau maemane ramu muni vaka beigera, renu muni abata be mi vaka bao vane koukouva kinu.<sup>39</sup> Iesu raki ronu, “Muni o mi ġeahu maemiahe.” Negu ata hoġe raġane amakine raki kironu, “Di Rohite, aukamu vani ababu ge noki abatemenu, ora aukamu seisete ġoinu.”<sup>40</sup> Iesu raki kironu, “Dana aki roro veitenu, a riaga gahege, aka Dirava haire erara vara?”<sup>41</sup> Gerege koita iaberaki muni mi ġeahu maemanu. Iesu raki vava niġahare ronu, “Mama, akera daki a maġe ġahima a di imimive ihine.”<sup>42</sup> Daka dibanara aka vani inuhati ge aki di gare ihima, eduge da gavare ora koitaia rahane iau dainehe gera, eige iauma da riaga ġahisa aki da besuġanu.”<sup>43</sup> Au enaki imimivi rone itaharahe, auki nivi barai ronu, “Lasaro, hakivi oroġo!”<sup>44</sup> Negu hoġe koita e raki hakivi oroġi, au ade renu au ada iabara ogona ġasikava ge iauki raro gevenu, renu au nie ramu ogonava ge iauki ġodomanu. Iesu raki kiro gevenu, “Ogona e vaheġare, renu ġarehiahe au ote.”<sup>45</sup> Eige Iudea ġaha dadaġa, Maria ruta oroġane ġahava iaberaki Iesu kine meva eraganu, iauki riaga ġahanu.<sup>46</sup> Eduge be iabera Farisea ġaha iau ġasina otine iauki Iesu kine iau eraġane iauki boriti ġahi gevege.<sup>47</sup> Eige dubu biavaia renu Farisea ġahava iaberaki bouraġohi ga raġi, ronu, “Nona otavado kiki vanu? Ata ora iaġa nune nune dadaġa vara auki o kima.”<sup>48</sup> No negu ġarehi au ġuma o kiare, koita iabera au riaga ġahiġa vara, eige Roma ġahava iabera oroġi ni aena taruha renu ni oġe renu ni koitatuhe daure ġahigeige vara.”<sup>49</sup> Eduge iau bera, Kaiafas, auka nega eige dubu bauge bera, auki kiro gevenu, “Iaka iaġa be dibana veitera!”<sup>50</sup> Iaka anana veite koita kobabe ni dainehe hoġe raġare ena maġenu se iauna roġi mata ketake o daure ġahisa.”<sup>51</sup> Auka avahu au uhu ananave roro veitera, eduge au dubu me kiege eige auki peroveta ġahi roege Iesu ra hoġe raġira vara mata koitava iau dainehe,<sup>52</sup> renu beta mata oġu dainehe, eduge Dirava koitatuhe koba koba ġahane bougeige vara.<sup>53</sup> Vani eige iauki au ġamiġa ġumava iaġovege.<sup>54</sup> Eige Iesu raki Iudea ġaha iau uhura oġi ioa veite, eduge auki ei urimi oti ogo be ihiva Efraim mata ġaġaeva; eige auki unu au Ġamituhe ruta.<sup>55</sup> Iudea ġahe iau tene heġiriva be kahika ġahege, koita dadaġa iabaraki oġi Ierusalem otege, hegiri ei iau maġurive maġe ġahigeisa.<sup>56</sup> Iauki dubu uhura Iesu iaġoi bebe bera gevege, “Iai ananave na otavado vanu? Auna hegiri oi ororo vanu, se veitenu?”<sup>57</sup> Iudea iau dubu biavaia renu Farisea ġahavaia raki ga besuġi hakiraġi ronu, unuhuna Iesu eraġima iauma vasiba ġahigeisa, eige iauna oti mi misa.

## 12

<sup>1</sup>Vani agorokiva uhurahe Iesu raki Lasaro oġe Betani ge auki otinu, auki hoġe uhura maġuri ġahi ġoiraganu. <sup>2</sup>Iauki auni demaka tinabe kinu. Mareta raki demaka kiege, renu Lasaro tage ramu ei iau ruta tamuta viege. <sup>3</sup>Maria raki damu ketake muraka ġutika maġete be mi otinu, auki mi Iesu vase dahuġare mati au omo hanakehe dahuġege. Negu iaġa uhura eramu muraka ġutika maġe era raki tobo ġahanu.<sup>4</sup> Eduge Iuda Iskarjote, au ġamite be (unuhuna negu au bive kiare koitava), auki ronu,<sup>5</sup> “Esemena muraka ġutika maġe o mi tinahu abigaġa haeha veite, renu muni tahakava mi koita goroa mohigeige veite?”<sup>6</sup> (Au onaki rone makava ramu beta auka goroa ana gevare era, eduge auka vaho koita vara; renu auka muni tahaka nitabata ġahima edube auka vahoro ge auki ima.)<sup>7</sup> Iesu raki kiro gevenu. “Maġi e ġarehiahe. Auki haevane ra auka kamui oti da abatemare vanihe gena.”<sup>8</sup> Koita goroa iabera vani inuhati ia ruta gera, eduge daka beta ia ruta vani au bougera.<sup>9</sup> Iudea ġahavaia badi ihine gerege iauka oroġi Iesu ei eraġisa, mati iau otine iauka Lasaro tage eraġisa, au hoġe uhura maġuri ġahane.<sup>10</sup> Eige dubu biava iabaki Lasaro tage ġamiġa ġumava iaġovege,<sup>11</sup> badiva au dainehe Iudea ġaha dadaġava iabaraki ġare gevare mati Iesu riaga ġahege.<sup>12</sup> Va tahege koita dadaġa negu rigi meva oroġane iabaraki ihinu Iesu tagera Ierusalem ororo vara.<sup>13</sup> Gerege iauki baġa reta ididita oti Iesu eraġisa, iauki bara raġi roege, “Hosana! Rohi bauge ihehe oroġare maġe ġahisaauka Isaraela iau Rohite!”<sup>14</sup> Iesu raki doniki ġamika be eraġi moroġi gerege auki au ada ġurami; iau bukava maemi rone naġate: <sup>15</sup>Siona ġahavaia, ia negu siġo raġime, Eraġiahe, iai roHITE ramu oroġima, doniki ġamika be ada ge auki guramanu!”<sup>16</sup> Au ġamituhe iabara ġanai iau uhure raki bao raġira veite ġuma o iau; eduge Iesu hoġe uhura urimi ġoiragege, gerege iau uhure raki bao raġohi iauki gava anagei renu iau buka aenava maemi rone eraki ġaġae ġahanu.<sup>17</sup> Gerege koitaia nega ei Iesu ruta iabaraki ga raġi roege aukamu midava seni ge auki Lasaro ihiromi hakivi

renu auki maguri gahi goiraḡanu.<sup>18</sup> Mati koita iabarakī gaitana ihinu auka hedo guma be kinu gava raḡohi eige iauki oti eraḡisa.<sup>19</sup> Gerege Faresia ḡaha iabarakī bebe kirogei, “Iana eraḡa, iaka beta iaḡa kiki vara. Eraḡiahe, vata ada ḡahavaia inuhati au itahe iauki ota!”<sup>20</sup> Koita be ḡainage beta Iuda ḡaha iabara iau ruḡa rigi kiare erarava otinu.<sup>21</sup> Iauki Filipi ḡasina oti, auka Betsaida koita vara Galileia uhura, gerege iauki kironu, “Rohi Bauge, noka Iesu eraḡi renu au ruta ga raḡisa rome noki.”<sup>22</sup> Filipi raki oti Anderea boriti ḡahi; gerege iauki iau abu oti Iesu kironu.<sup>23</sup> Iesu raki gavi ronū, “Negava rone auki manu Dirava raki Koita ḡamika maḡeve ḡaḡae kisa roma.<sup>24</sup> Riaḡa vara, daki ia boriti ḡahigeima, koni iaka kobabe vata ada desuraḡi mae raḡare, era kobuḡa beḡu; eduge au hoḡe raḡare au madike maka dadaḡa kiki vara.<sup>25</sup> Unuhuna avahu au maḡuri guraguve vima auka basu basuva dauda vara, renu ana unuhuna vata ada maḡuriva besibe ḡahima auka maḡuri behi behive mimi vara.<sup>26</sup> Ana unuhuna da mi au biage roma ama di itahe oḡisa, gerege ana di ḡamite dana oreigenu a tage ei da ruta gera. Renu di Mame ramu a maḡe ḡahiḡa vara ana unuhuna da iaheḡima.”<sup>27</sup> “Di soruke ramu isukera. Renu dana otavado rosa, Mama, isuke oi da maḡuri ḡaha? Veite, isuka o dainehe daki onaki huhunaḡima.<sup>28</sup> Mama, ai Moe maḡe ḡaha.” Gerege eno be raki vava seni uguhi ronū, “Dakamu maḡe ḡahanu, eduge daka ḡaitana maḡe ḡahiḡa vara.”<sup>29</sup> Koitaia rahirahe iaberaki ihare renu roege era va raki du vanu. Be iabara roege, “Aneru be raki ga ḡahanu.”<sup>30</sup> Iesu raki kiro gevenu, “Eno ora beta dai gera, eduge iai dainehe ge auki oroḡonu.<sup>31</sup> Negu nega oramu berabe vani vara vata ada oi; unuhuna vata ada o biava viare oiahi hakiha vara.<sup>32</sup> Eige da mata o garemare e, Daka koita aubougi idigei di gasina ororovara.”<sup>33</sup> Au enaki rone badivara, au hogeraḡare gumavara auki vasibava vanu.<sup>34</sup> Koita iaberaki roege, “Nokamu aena maemane ihinu Koita ḡamika vara maḡurivi oti behi behive. Orenaki gena a roma Koita ḡamika iauka iagemisa? Koita ḡamika ona unuhuna?”<sup>35</sup> Iesu raki kiro gevenu, “Abaga vara so nega tinabe ia ruta. Abaga iai uhura iama oḡisa, badivara vadibu negu ia idi geime. Ana vadibua gena a oḡima, aka beta dibana ḡoiḡo vara ana orei gena a otima.<sup>36</sup> Iama abaga o iai vaḡotoni riaḡa ḡahisa, gerege iama abaga uhura maḡuri raḡohare koitava ḡahisa.” Koitaia Iesu riaḡa ḡahi veitelesu onaki rone itaharahe, auki ḡeahu oti iau hata vanu<sup>37</sup> Orenaki gena au hedo me dadaḡa kiogevenu iau vaḡotoni, eduge iauka riaḡa ḡahiḡa veitera.<sup>38</sup> Guma onaki kikive ra Isaia peroveta gare riaḡa ḡahi vara: “Rohi Bauge, unuhuna ni gare riaḡa ḡahanu, mati unuhui gena Rohi Bauge hedoke ḡaḡae ḡoinu?”<sup>39</sup> Eige iau riaḡa ḡahiḡa veite makava ramu, Isaia tage raki ronū,<sup>40</sup> “Auki iau nie kopu ḡahi gevenumati iau soruke berebe ḡahi gevenu, gerege auka beta iau niehe niḡa niḡa raḡohisa, eduge iauma iau sorukehe anana raḡare mati goiraḡohisa, gerege dana maḡuri ḡahigeisa.”<sup>41</sup> Isaia onaki rone makava ramu aukamu Iesu maḡeve eraḡanu eige auki gava roege.<sup>42</sup> Eigerā koita dadaḡa, renu dubu baugea, ḡainage riaḡa ḡahanu. Eduge Farisea ḡahavaia ḡainage gava raḡira veitera, badivara iauki siḡo raḡoha iau negu dubu besugei haki raḡohime;<sup>43</sup> badivara iauka ahata maka kasihege iauki oti raho ḡaha eduge Dirava maḡeve oroḡare era iauki eraḡi avie ḡaha.<sup>44</sup> Gerege Iesu raki nivi barai ronū: “Ana unuhuna da riaḡa ḡahima era beta dakera auki riaḡa ḡahima eduge da besuḡane era aki riaḡa ḡahima.<sup>45</sup> Gerege ana unuhuna da eraḡima era da besuḡane eraki eraḡima.”<sup>46</sup> Daka vata ada o abaga vara, eige oḡoreana da riaḡa ḡahare ḡahavaia beta vadibu uhura guragu vara.<sup>47</sup> Ana unuhuna di gare ihare eduge mi kamuka veite, daka beta au daureve roro vara, badiva da vata ada oi oroḡane beta ia daure ḡahigeige vara, eduge maḡuri ḡahiḡa vara daki oroḡonu.<sup>48</sup> Ana unuhuna da besibe ḡahima mati di gare mimi veite daka au daureve roro vara; auka netu netua da ga rone eraki au daureve rosa,<sup>49</sup> eigerā daka beta davaḡu di garera daki roma, eduge di Mame da besuḡane eraki aena da boriti ḡahane dana rosa mati dana gava visa.<sup>50</sup> Mati daka dibana au aena gare ra maḡuri behi behive ga vara. Dana otavado da gavi roma, eramu, di Mame da kirone ga vara daki roege.”

## 13

<sup>1</sup> Dubu ḡaha iabera heḡiri bauge so mimi veite, Iesu raki subuta dibana ḡoinu au hoḡeve ramu hugure, renu auka vata ada o ḡaremare au Mame ḡasina otito vara. Aukamu au koitatuhe vata ada oi maḡe ḡahigei ate auki basu basua manu.<sup>2</sup> Iesu mati au ḡamituhe ruta tamuta raḡege uhura, diabolō raki subuta ge auki Simona moe Iuda Isakariota uhure inu, auka Iesu bive kisa;<sup>3</sup> Iesu, auka uhu maemi au Mame ramu iaḡa inuhati idigei au adahe ḡosiḡanu, renu auka Dirava seni ge auki oroḡanu renu auka Dirava ḡasina goiraḡira vara.<sup>4</sup> Gerege auki iau tamuta raḡege uhura urimanu, au adare ogonava mi ariḡare, renu ogona be mi au negotanehe raro vanu.<sup>5</sup> Gerege auki hodu avie be mi eiava maka kiare renu au gamituhe iau vase ketogei mati au negotane ogona au dahu gevege.<sup>6</sup> Auki Simona Petero ḡasina oroḡege, auki beraḡanu, “Di Rohite, ana di vase ketoke vanu?”<sup>7</sup> Iesu raki ronū, “Aka negubutu anana veitera dana otavadoana da kima, eduge ihiege ana ai uhurena bao raḡisa.”<sup>8</sup> Petero raki kironu, “Aka beta di vase ketoke vara.” Iesu kironu, “Da negu a ketoke veite goiare, aka beta di uhura ḡoiḡo vara.”<sup>9</sup> Simona Petero raki kironu, “Di Rohite, beta di vase eḡu eduge di ade mati di omote ḡainage!”<sup>10</sup> Iesu raki kironu, “Koita be eagare ra beta ḡaitana eagugu vara, auka maḡera eduge au vase eḡu ge auna ketoisa. Iaka maḡera edube beta iai bouge gera.”<sup>11</sup> Aukamu uhu kinu unuhuna au bive kiki vanu; eige auki ronū, “Iai bouge gera beta maḡera.”<sup>12</sup> Iesu raki iau vase ketogoi kosai, auki au ogona adareva kiare auki goiraḡi tamuta patava oti guramare, auki kiro gevenu, “Iama anaisa dana otavadoana da iai kinu?”<sup>13</sup> Iaka dakera iaki da mi roia daka iai uguro koitave renu iai Rohite, eramu riaḡa vara, eramu dakaki.<sup>14</sup> Eige dana iai Rohite renu iai uguro koitave, daki iai vase keto gevenu, ia ḡainage iama bebe iau vase ketogeisa.<sup>15</sup> Dakamu o ḡumava iai kinu, gerege ia ḡainage oti be iau da iai kine ḡumava kisa.<sup>16</sup> Riaḡa vara, daki ia boriti ḡahi geima, iahe iahe ḡahava iabera beta iau biage soi voi vara, renu ga roro ḡahava iabera beta iau besuḡane koitava soi voi vara.<sup>17</sup> Ana iaḡa o iau dibane goiare, aka maḡeva mimi vara a meva kiege.<sup>18</sup> Daka beta iai bouge iai gare daki roma; dakamu ana vima unuhuna da ronū. Eduge ora buka aena gava riaḡa ḡahiḡa vara, Daḡore naḡu kobabe tamuta vane eraki aniḡoi da enana ḡahima.<sup>19</sup> Eige daki negubutu ia boriti ḡahigeima, auka so ḡaḡae veite, edube au ihie ḡaḡae goiare, eige iana riaḡa ḡahisa dana unuhunu.<sup>20</sup> Riaḡa vara daki ia boriti ḡahigeima,

unuhuna da besugane koitava mage gahima auka dakera auki mage gahima; renu unuhuna da mage gahima au tagera da besugane koitava auki mage gahima.<sup>21</sup> Iesu enaki rone itaharahe au soruke raki isuhanu, gerege auki kiro gevenu, “Riaga vara daki ia boriti gahigeima, ia be raki di bive kisa vima.”<sup>22</sup> Au gamituhe iaberaki dauragohi be be eragei, ona unuhu garena au vima.<sup>23</sup> Au gamite bera Iesu raki ghara viare gami vara, auka au hakirehe ge auki guramege;<sup>24</sup> Simona Petero raki nigahi eragi auka bera gisa auna unuhu garena au vima.<sup>25</sup> Gerege auki Iesu gaika kahika gahi otare, auki bera ganu,” Di Rohite, unu hunu?”<sup>26</sup> Iesu raki kironu, “Da hauhaka tinabe mi nagu evi o tagoare mi unuhuna da moimare koitava aukamu enu.” Gerege auki hauhaka mi evi tagoare, auki mi Simona Iskariote moe Iuda moimanu.<sup>27</sup> Iuda hauhaka mane itaharahe, Satani raki au uhura siri vanu. Iesu raki kironu, “Ama vaina a anavare meva kisa.”<sup>28</sup> Koitaia tmuta ragohige bera dibana veite otavado dainehe gena au enaki kironu.<sup>29</sup> Eduge be iau anana vera, badiva Iuda ra muni tahaka nitabata ghare, eige Iesu raki enaki boriti gahege, “Auka oti rigi orogare iaganiva hae geisa”; se, ia ga tinabe mi goroa mohigeisa.<sup>30</sup> Gerege, au hauhaka mane itaharahe, auki vaina hakivi otinu. Renu va ramu hirigoromi.<sup>3331</sup> Iuda hakivi otine itaharahe, Iesu raki ronu, “Negubutu koita iaberamu Koita gamika mageve gage goiare erara vara, renu Dirava mageve ramu au uhura gera.<sup>32</sup> Renu Dirava mageve au uhura gage goinu, gerege Dirava raki avagu koita iau gage kisa Koita Gamika mageve renu auna inono veite mage ghahisa. Di gamuhe ia, daka beta ia ruta guragu gamana vara. Iaka so da iagoia vara; renu iakera daki ia boriti gahigeima da Iudea gaha kiro gevene nagate, “Da otare gumava, iaka beta riagehe ororo vara.<sup>34</sup> Daka aena ga isage bera dana ia mohigeisa, iama be be iau ghara ragisa. Da iai ghara vane nagate, ia gainage tage iama be be ghara ghahisa.<sup>35</sup> Onaki guma oi gena koita iana anaisa iaka di gamituhe iabara, ia be be iau ghara ragege.”<sup>36</sup> Simona Petero raki kironu, “Di Rohite, ana oreigena a otima?” Iesu raki kironu, “Dana oreigena da otima, aka beta negubutu di itahe ororo vara; eduge ihiege ana di itahe orogisa.”<sup>37</sup> Petero raki kironu, “Di Rohite, dana beta negubutu ai itahe ororo vanu? Dakamu iai dainehe di magurive mi vata maema vara.”<sup>38</sup> Iesu raki kironu, “Ana riagehe ai magurive di dainehe mi vata maema vanu? Riaga vara, daki a kiroma, aka kokorogu vara so nina veite, akamu nega abiga ga ge aki da tarata gahanu.

## 14

<sup>1</sup>“Ia negu iai soruke huhu gahigeime. Iama Dirava riaga ghahisa, da tage iama da riaga ghahisa.<sup>2</sup> Di Mame iagehe gera va ga roro iaga dada ga vara. Auna veite goisa, dana onaki ia kiro geige vanu dakamu otima iani va ga roro iaga kisa? Auna veitenu, daka ia vasiba gahi gevenu; eige daki otima iani va ga ro guragu iaga be kisa.<sup>3</sup> Eige daka otare iani va ga roro iaga be kiare, dana gaitana goira gi orogare daga va ia idigei da va ga roiare iagehe, gerege dana oreigenu ia gainage da ruta.<sup>4</sup> Renu iaka dibana da otare gumava.”<sup>5</sup> Toma raki kironu, “Ni Rohite, noka dibana veitera ana oreigena a otima. Nona orenaki gumava dibana ghahisa?”<sup>6</sup> Iesu raki kironu, “Dakamu guma, renu ga riaga, mati maguri. Bera beta di Mame gasina otito vara eduge dai gera.<sup>7</sup> Iana di dibane ghare, iaka di Mame tage au dibane goigo vara. Edube negubutu iakamu au dibane gahanu mati iakamu eraganu.”<sup>8</sup> Filipo raki kironu, “Ni Rohite, aso ni Mame no gage geve, gerege ni uhure ramu mage goisa.”<sup>9</sup> Iesu raki kironu, “Dakamu vani inuhati iai bouge ia ruta uhura, Filipi, aka dage dage da anana veitenu? Ana unuhuna a da eraganu akamu ni Mame eraganu. Esemena a roma, Ni Mame no vage geve?”<sup>10</sup> Ana riaga gahiga veitenu dakamu di Mame uhurehe renu di Mame ramu di uhurehe gera? Da iai ga ro gevare era beta daga va ia uhure ga vara; eduge di Mame di uhurehe uiare raki au meve kima.<sup>11</sup> Ama da riaga ghahisa dakamu di Mame uhurehe renu di Mame ramu di uhurehe gera; eduge ana riaga gahiga veitenu, edube ama di Mame di uhura me kiogevene riaga ghahisa.<sup>12</sup> Riaga vara, daki roma, unuhuna da riaga ghahima au tage da kiare meva kiki vara renu, riaga, auka ia ga ketake mageva kiogevene vara, badiva daka di Mame gasina otito vara.<sup>13</sup> Otavado ana a di ihehe imimi vima daka kiki vara, eige di Mame mageve na au Moe uhura gage goisa.<sup>14</sup> Eige ana di ihehe ia ga be imimiva a vima, daka kiki vara.<sup>15</sup> “Ana di ghara vima, aka di aenave kamui geige vara.<sup>16</sup> Mati daka di Mame imimi vara, gerege auna iahe iahe be a moimo vara, auna agore gurami oti behi behive.<sup>17</sup> Oramu Horu Aena riaga vara, mata ora beta mimi vara, badiva iauka erara veite se anana veitera. Akamu anavima, badiva auka ai uhurehe gera, eige auka ai uhura guragu vara.<sup>18</sup> Daka beta vata ada oi a gage vara; edube daka goira gi ai gasina ororo vara.<sup>19</sup> Gamana veite mata ora beta da eragi goira gira vara, eduge aka da erara vara; badiva daka magurive, a tage maguri vara.<sup>20</sup> Vani eige ana anavisa daka di Mame uhura, renu aka di uhura renu daka ai uhura.<sup>21</sup> Unuhuna di aenave riaga gaha renu kamui ghahava iabera di ghara ragare koitava iabera; renu ogoreana di ghara ragaha di Mame tage iai ghara vara, renu daka iau ghara vare mati dana iau gage goisa.”<sup>22</sup> Iuda (beta Iskariote) raki kironu, “Di Rohite, ana negu orenaki ai mageve noigu gage kisa, mati beta mata o ghahava iau?”<sup>23</sup> Iesu raki kironu, “Ogoreana di ghara ragaha renu di gare kamui, eige di Mame na mage ghahigeisa, renu nona iau gasina orogare nona iau ruga gurahisa.<sup>24</sup> Unuhuna di ghare veite auka di gare tage kamuka veitera; mati a ga ihare era beta di garera, eduge di Mame da besugane gare ra.”<sup>25</sup> “Dakamu ga o ro gevare badiva dakamu o so ia ruta dainehe.”<sup>26</sup> Eduge di Iahe iaheve, Horu Aena, di Mame raki di ihehe besugisa vima, aukena ia ga inuhati ia uguro ghahigeisa, renu ia uhuiami geisa da rone gevene iaganiva inuhati.<sup>27</sup> Di maive daki gare mima iai ada, di maive mi ia mohi geima. Beta mata o ia mohi gevare nagatera. Iai soruke negu huhu ragohime, renu ia negu sigo ragohime.<sup>28</sup> Iakamu da rone gava ihinu, Daka ia gage geve, renu daka goira gi ororo vara. Ia di ghara riaga ragare, iakamu hegiri ragira vara, makava ramu di Mame ra ketake mati di variada gera.<sup>29</sup> Renu dakamu urigoi ia kiro gevenu auka so gage, eige au gage goiege, ama riaga ghahisa.<sup>30</sup> Daka ia ruta ga gamana vara, mata o biava ramu orogima. Auka di ada hedoka veitera;<sup>31</sup> eduge daka di Mame daki rone meva daki kima, gerege mata o ghahava iaberamu anavisa dakamu di Mame ghara vima. Urima, no bina ogia.

## 15

<sup>1</sup>“Daka idi iaka riağa vara, renu di Mame ra idi iaka beğibe koita vara. <sup>2</sup>Auka idi adaka madika kiki veite inuhati auki dodo geima. Eduge idi adaka madika kiare auka reğure vara gerege au madike ramu dadağa ġoisa. <sup>3</sup>Da di gare ai ġasina rone eraki subuta a mağe ġahanu. <sup>4</sup>Eige ana di uhura dai kamu-kamu venu dakamu ai uhura gera. Renu idi adaka bera beta avağū madika kiki vara eduge auma idi kamu-kamu ġoisa, se a tagera veitera a dai kamu-kamu veite ġoiare. <sup>5</sup>Daka idi iaka vara, iaka erehuta adaka vara. Iana oğoreana di uhura mati daka iau uhura iabera madika kiki vara, eige da veite ġoiare aka beta iağa be avağū kiki vara. <sup>6</sup>Ana unuhuna di uhura veitenu iauka erehuta idi adaka nağate mi ġeahu kirai auka mae rağira vara; idi adaka enaki iabera idigei bougei vene uhura kiragei iauna rağohisa. <sup>7</sup>Ana di uhurehe, renu di gare ai uhurehe, ama di Mame imiğisa ana otavado iağa vana a gahara vima, auka mi a moimo vara. <sup>8</sup>Oramu di Mame mağe ġahiğa ġuma vara, aka madika dadağa kiare, mati aka di ġamite ġoisa. <sup>9</sup>Di Mame di ġahara vane nağate, da tage daki ai ġahara vanu; eige ama di mağeve uhura guramisa. <sup>10</sup>Ana di aenave kamui geima, aka di mağeve uhura gera, e nağate dakamu di Mame aenave kamugei renu au mağeve uhura daki guramanu. <sup>11</sup>Dakamu iağa inuhati iai gava rogevenu gerege iaka da heğiri vare iai uhura ġoisa, renu iama iai uhure inuhati heğiri rağisa. <sup>12</sup>Ora di ga baegevera, yama bebe mage gahigeisa, da ya mage gahigevare nagate. <sup>13</sup>Koita bera mage raho onakikive be veitra be veitera-Au magurive mi vata maemisa be yau dainehe. <sup>14</sup>Iaka di vasiruhe iabara ia di gare ihige. <sup>15</sup>Daka beta a mi di besu besu ġahatuhe roro vara, badivara besu besu koita vara beta au biage kiare dibana ġoiğō vara; eduge daka roma iaka di vasiruhe iabara, badiva dakamu di Mame au ihine iağaniva inuhati ia vasiba ġahi gevenu. <sup>16</sup>Beta aki da manu eduge daki a manu. Renu da a mane aka oti madika mağe kisa, maka behi behive, eige ni Mame ra a moimo vara ana otavado a imimiva vima di ihehe. <sup>17</sup>Daka aena o iabera daki ia mohi geima eige iama bebe mağe ġahi geisa. <sup>18</sup>“Mata ona a daure ġahima, iama anaisa dakera iauki uriğahi daure ġahanu ihiege iauki ia daure ġahigeva. <sup>19</sup>Ana mata o koitava ġoiege, mata oramu a mi aue ġoiğō vara. Badiva aka beta mata o iera, eduge daki mata o uhura a manu, eige mata o raki a daure ġahima. <sup>20</sup>Ama da aki rone gava anaisa, Besubesu koitava iabera beta iau biaguhe iau variada gera. Iauna da daure ġahanu, iauka ia ġainage ia daure ġahigeige vara; iauna di gare ihi kamuege, iauka iai gare tage ihihi vara. <sup>21</sup>Eduge iauna iağa o inuhati iai kiogevare di ihehe, edube iauka anana veite dana unuhuna da besuğanu. <sup>22</sup>Dana ororo veitenu renu gağa geige veitenu, gerege iauka beta daure kinu; eduge iauka beta roro vara iau kine era ġuma daure vara. <sup>23</sup>Unuhuna da daure ġahima auka di Mame tage auki daure ġahima. <sup>24</sup>Iauna da iau vağotoni iağa be kiogevane koita bera kiki veite, iauka beta daure kiare. Eduge iaukamu erağanu renu iau da mati di Mame ruta no besibe ġahi gevara. <sup>25</sup>Ora ga o riağa ġahiğa vara iau aena gare maemane, iauka da daure ġahima maka veite. <sup>26</sup>“Da di iahe iaheve oroğoge aukena di gare riağa ġahisa, auka di Mame seni dana besuğisa auna oroğisa. Horu aena di Mame seni oroğare aukena koita iau di gare riağa ġahi rosa. <sup>27</sup>Ia ġaitage di gare riağa ġahiğa vara makava ramu iaka ġanai da ruta gera.

## 16

<sup>1</sup>“Dakamu ga o inuhati ia kiro gevenu makava ramu ia negu desurağime. <sup>2</sup>Iaukamu dubu a besuği haki rağira vara. Riağa vara, vaniva ramu oroğima a ġamane ġahava iaberramu iau ananave iauka Dirava iauki mağe ġaha. <sup>3</sup>Koita iaberramu onaki kiki vara iauka anana veite di Mame se da nona unuhunu. <sup>4</sup>Eduge da ga o iaki ro gevara vaniva oroğare iama anaisa dakamu iau ġare ia boriti ġahi gevenu. <sup>5</sup>Eduge dakamu da besuğane koitava ġasina otito vara; edube ia bera da berabe veite, Ana orei otito vanu? <sup>6</sup>Eduge dakamu ga o iaki ro gevene eige iai soruke ramu huhu nağina vara. <sup>7</sup>Dağe dağe dakamu ga riağa vara daki roma; iai mağeve dainehe daka otito vara, da negu otito veite ġoiege, iahe iahe vara beta iai ororo vara; eduge da otege, dana besuğisa iai gasina. <sup>8</sup>Renu au negu oroğege, auka mata o koitava kiroro vara au daureve renu maguri riağa mati berabe vani: <sup>9</sup>daure tage, iauka da riağa gahiga veite dainehe; <sup>10</sup>maguri riağa gava, daka di Mame gasina otito dainehe iaka beta da erara vara; <sup>11</sup>mati berabe vani, makavara Dirava ramu subuta mata o daureve ronu. <sup>12</sup>“Daka dağe dağe iağa dadağa iaki roro vara, eduge iaka beta negubutu anana mağeva rağira vara. <sup>13</sup>Horu aena riağa oroğare, auka a uriğatuğa ga riağa inuhati uhura; auka beta avağū gera, edube auka au ihare gava auna rosa, renu auka otavado ihie oroğare iağaniva auka gava roro vara. <sup>14</sup>Auka da mağe ġahiğa vara, makava auka otavado vanu daie auka miare renu auka ia boriti ġahigei gevara. <sup>15</sup>Di Mame ġasina iağaniva inuhati gera daiera. Eige daki roma, auka di ġasina iağaniva idi gevara auna ia boriti ġahigeisa. Vağahu raki goiraği heğiri ġoisa. <sup>16</sup>“Nega tinabe ġoiege, iaka beta da erara vara, edube ġaitana nega tinabe ġoiege iaka da erara vara.” <sup>17</sup>Gerege au ġamituhe be iaberaki bebe bera gevege, “Au gare auki noki rogeima, Nega tinabe ġoiege iaka beta da erara vara, renu nega tinabe ġoiege iana ġaitana da erağisa; mati otavado au roma, badivara daka so di Mame ġasina otito vara?” <sup>18</sup>Iauki ronu, “Au gare nega tinabe maka vana otavado vanu? Noka au ga roiare makava dibana veitera auna otavado gavana au roma.” <sup>19</sup>Iesu raki era gevege iauka berağisa, eige auki bera gevenu, “Iana iai vağotoni da ga rone ia bebe berageva, Nega tinakibe iaka beta da erara vara, renu ġaitana nega tinakibe iakamu da erara vara?” <sup>20</sup>Riağa vara, daki ia boriti ġahi geima, iaka niğō rağohi renu huhu rağohisa, eduge mata o koitava iabera heğiri rağira vara; iaka huhu rağisa, edube iai huhu huhu ramu goiraği heğiri vara. <sup>21</sup>Maği be ġami misa roiare auka huhu nağina vara. Eduge au ġami miare itaharahe, auka huhu e anana veitera edube auka au ġami karuka be mane heğiri vara auna kisa. <sup>22</sup>Eige iaka negubutu huhu nağoha; eduge daka ġaitana ia era geige vara, renu iaka ia sorukehe heğiri rağira vara, renu koita bera beta ia heğirive mimi vara. <sup>23</sup>Vani e miare iaka beta iağa be dai roro vara. Riağa vara daki ia boriti ġahi geima, iana iağa be di Mame ġasina di ihehe imimiva rağoha, auka mi ia mohigeige vara. <sup>24</sup>Iaka so iağa be di ihehe imimi veite ate negubutu. Imimi viege auka mi a moimo vara, eige iai heğirive ramu

uhubage goigo vara.<sup>25</sup>“Da iağa iai vağotoni ġuma nune nuneva gava ro gevenu. Vaniva ramu o oroġima daka mati beta ġuma nune bei ia boriti ġahigei gevara, eduge daka di Mame gare riaġava ia kirogei gevara.<sup>26</sup>Vani eigera iaka di ihehe imimi raġira vara. Daka beta onakime daki roma daka iai ihehe di Mame imiġisa; <sup>27</sup>di Mame avaġu tage ramu iai ġahara vima, makava iakamu di ġahara raġanu renu iakamu da riaġa ġahanu daka di Mame au gera daki oroġanu.<sup>28</sup>Daka di Mame senige daki oroġanu eige daki mata ada oi oroġonu; ġaitana, daka mata o ġaremare mati ġoiragi di Mame ġasina otito vara.”<sup>29</sup>Gerege au ġamituhe iaberaki ronu, “Riaġa, akamu negubutu aki ga riaġa roma, beta ġuma nune subuta roege nagate.<sup>30</sup>Nokamu negubutu eraġanu aka iağa inuhati biavara, renu bera beta mati a berabe vara; eige noki riaġa gaha aka Dirava senige aki oroġanu.”<sup>31</sup>Iesu raki kiro gevenu, “Iana negubutu riaġa gaha?<sup>32</sup>Vaniva ramu o oroġima, riaġa vara aukamu o bina oroġanu, iai bouge koba koba ġahi iai iagehe ota, renu iamu da davaġu da ġareha. Eduge daka beta davaġu gera makava ramu di Mame ramu da ruta gera.<sup>33</sup>Dakamu o ia boriti ġahi gevenu, eige iana di uhura genu iaka heġiri riaġa mimi vara. Vata ada oige aka huhu naġina vara. Eduge heroġu kisa; dakamu mata o hedokava mi vata maemanu!”

## 17

<sup>1</sup>Iesu au ġamituhe gaġa gevene itaharahe, auki vava gagai niġahare ronu, “Mama, vaniva ramu horivanu; ai maġeve ai Moe ei ġaġae ġaha gerege dama koita iau ai maġeve ġaġae kisa, <sup>2</sup>makavara akamu hedo moimanu auka koita inuhati iau biage ġoisa, renu a koita moimane inuhati auka maġuri behi behive mohigeisa.<sup>3</sup>Renu ora maġuri behi behive era, eige iauma a anavisa, aki avaġu Dirava riaġa, renu aki Iesu Keriso besuġanu. <sup>4</sup>Dakamu a maġe ġahi vata ada oi eige daki a me da moimane kiogei kosavanu. <sup>5</sup>Eige negubutu, Mama, da maġe ġaha ai maġeve da ai uhura a mi da moimane mati mata o so horiho veite uhura gera.<sup>6</sup>“Dakamu ai ihe a koita da moimane vata ada oi iau ġaġae ronu. Iauka ai koitatuhe iabara, eduge aki idigei da moimanu, eige iaukamu ai gare kamuanu. <sup>7</sup>Eige negubutu iaukamu riaġa ġaha a iağa inuhati da moimane iabara ai seni ge iauki oroġanu; <sup>8</sup>eige a da moimane gava dakamu mohi gevenu, renu iaukamu manu mati riaġa gahanu daka aigera daki oroġanu; mati iakamu riaġa ġahanu aki da besuġanu.<sup>9</sup>Eige daki iau ihehe imimi vima; daka beta vata ada o ġahava iau dainehe gera, eduge a da moimane ġahava iau dainehe, badiva iauka ai koitatuhe iabara. <sup>10</sup>Di koitatuhe inuhati gera ai koitatuhe iabara, renu ai koitatuhe iabara di koitatuhe iabara; renu iaukamu di maġeve iau uhura eraġanu. <sup>11</sup>Renu daka negubutu vata ada oi veite, eduge iaukamu o vata ada, eige daki ai ġasina oroġima. Di Mame, Aena Dirava, a da moimane idigei ai udume maġe uhura gurahisa, gerege iauma kobuġa ġahisa, no ni abu kobabe nagate. <sup>12</sup>Da iau ruta uiege uhura, daki a da moimane ġahava ai ihehe nitabata ġahi gevege. Daki nitabata ġahigei, bera dau raġira veitera eduge ġeahu otare koitava raki dau raġisa, gerege ga aena maemanu riaġa ġahiġa vara. <sup>13</sup>Eduge dakamu o ai gasina oroġima, renu da iağa o gava vata ada roiare era iauka iau bouge iau sorukehe heġiri raġisa ġuma kobuġa ei da tage iau vaġotoni heġiri vima. <sup>14</sup>Dakamu ai gare mohi gevenu, renu vata ada o ġahava iaberamu besibe ġahi gevenu makava iauka beta vata ada o ġahava iabara, renu da tage beta vata ada o koita vara. <sup>15</sup>Daka beta onakime daki roma aka vata ada oi besugei hakivisa, eduge akera daki a imiġima aka eraġisa koita daure iau siġore. <sup>16</sup>Iauka beta vata ada o koitava iabara, ġereġereva daka beta vata ada o koita vara. <sup>17</sup>Ama idigei aena ġahigeisa; ai gare ra riaġa vara. <sup>18</sup>Aki vata ada oi da besuġanu, eige daki vata ada oi besugeima. <sup>19</sup>Mati iau maġeve dainehe daki davaġu da aena ġahanu, eige iau ġainage aena riaġa misa.<sup>20</sup>“Daka beta koita o iavaġu iau dainehe ge daki imimi vima, eduge oġoreana da riaġa ġaha iau garehe ġainage daki imimi vima, <sup>21</sup>gerege iauka iau bouge kobabe ġahisa. Eige, Mama, aka di uhura renu daka ai uhura, renu iau ġaitage so ni uhura ġahisa, gerege vata ada o ġahava iabaramu riaġa ġahisa akaki da besuġanu. <sup>22</sup>A maġe da moimane dakamu mohi gevenu, gerege iauka kobabe ġahisa, noka ni abu kobabe nagate. <sup>23</sup>Daka iau uhura renu aka di uhura, eige iauka iau bouge kobabe ġahisa, gerege vata ada ora dibana ġoisa akaki da besuġanu renu dakamu iau ġahara vanu a di ġahara vane nagate. <sup>24</sup>Di Mame, da tage a da moimane iabara daki ġahara vima iauka da ruta da uiare iau ġaitage ei gurahisa, gerege iauka di maġeve eraġisa, aki mi da moimanu badivara aki di ġahara vanu mata o so horiho veite uhura. <sup>25</sup>“Di Mame aka maġe Dirava, mata ora ai dibane veitera, eduge daka ai dibanera; renu o iabera dibana aki da besuġanu. <sup>26</sup>Dakamu ai ihe kiro gevenu ana unuhunu, renu dakena daġe daġe kiro geisa, gerege a da maġe ġahane maġeva tage ramu iau uhura ġoisa, renu da tage iau uhura ġoisa.”

## 18

<sup>1</sup>Iesu imimi rone itaharahe, auki au ġamituhe ruġa Kidron kourava eigera ġeġe bera au ġamituhe ruġa siri ragohanu. <sup>2</sup>Tuda, Iesu bive kine koitava au tage ġeġe e dibana, badiva Iesu au ġamituhe ruta nega be ġahisege ei oti bouraġoġa. <sup>3</sup>Gerege dubu aena biavaia renu Farisea ġahava iabaraki iau ġamituhe besugei, renu Roma iau ġarara ġahatuhe beġu, iauki iau ni abaga lamepa mati vaiga ididita, Iuda raki uriġatugei ġeġe ei otinu.<sup>4</sup>Gerege Iesu, subuta ge auki eraġanu otavado vanu iau au kisa raġa, auki oġi hakivare oti bera gevenu, “Iana unuhuna ia iaġoa?”<sup>5</sup>Iauki kironu, “Iesu, Nasareta koitava.” Auki kiro gevenu, “Dakamu Iesu ra.” Iuda au bive kine koita vara iau ruta rami rame.<sup>6</sup>Eige negu Iesu kirogei ronu, “Dakamu Iesu ra,” iauka vaġava raġi rahi ġoiragohime iauki vata ada desuraġi ragohanu. <sup>7</sup>Auki ġaitana bera gevenu, “Iana unuhuna ia iaġoa?” Iauki ronu, “Iesu Nasareta koitava.”<sup>8</sup>Iesu raki kirogevenu, “Dakamu ia kiro gevenu era dakaki. Eige iana dakena ia iaġova, di itahe oroġane ġahavaia ġaregeiahe iau ote.”<sup>9</sup>Ora au gavane riaġa ġahiġa vara, “Daka a da moimane koitava be dauda veitera.”<sup>10</sup>Gerege Simona Petero raki au eġie mi hakivare auki mi dubu aena biava iau besubesu ġamite Malakas au vamaġa ihikoke ahanu. <sup>11</sup>Iesu raki Petero kironu, “Ai eġie mi maemi ġoiraga. A anavare dana beta di Mame rone ġumahe beta huhunaġina vanu?”<sup>12</sup>Eige Roma iau ġarara biage mati au ġamituhe ruta mati dubu

gaha iau gamituhe iabaki Iesu kamuare iauki adakava raro gevenu.<sup>13</sup> Iauki urigahi mi Anas gasina otinu, auka Kaiafas vare mo vara, auka tau ei dubu aena iau baugeve.<sup>14</sup> Kaiafas ramu nega ei Iuda gahava kiro gevenu au ma'geve ramu koita kobabe so ni bouge ni dainehe ho'ge ra'gisa.<sup>15</sup> Simona Petero mati au bamode be ruta iauki Iesu itahe otinu. Negu au bamode era dubu aena baugeve dibanera, eige auki Iesu ruta otinu au iaga ma'gu uhura siri ra'ganu,<sup>16</sup> eduge Petero raki ma'gu itaharahe ramirame. Negu au bamode gamiva, dubu aena bauge dibane, raki hakivi otime auki ma'gu uduani ramare ma'giva ga gahare auki petero nisi'gami sirivanu.<sup>17</sup> Negu ma'gi eraki Petero kironu, "Akamu ata vire gamite bera, se?" Auki kironu, "Veite, daka veitera."<sup>18</sup> Negu dubu aena me gahavaia renu iau nitabata gahavaia iabaraki ribiri dainehe vene ki udumeva gaikahe rahi miege. Petero tage iau ruta vene udumehe ramanu.<sup>19</sup> Gerege dubu biava raki Iesu bera'ganu, Ogoreana ai gamituhe renu otavado gava gena a uguro gahigeima.<sup>20</sup> Iesu raki kironu, "Dakamu vata ada oi nega inuhati ge daki koita ga'ga gevege badiva iauka ihisa; dakamu nega dada'gava daki dubu aenava se dubu gaika koita uguro gahi gevege, eige Iuda gahava iau bouge boura'goha. Daka ga be iorena roro veitera."<sup>21</sup> Esemena ia da bera'ga? Ogoreana di gare ihine gahavaia bera geve; iauka dibana dana otado vana da ronuu.<sup>22</sup> Auka enaki ronuu, iau gamite be ramirame raki Iesu nie madavanu, gure roege, "A enaki aena koita bauge ga gahara ena?"<sup>23</sup> Iesu raki kironu, "Dana ga be rone ria'ga veitenu, iama gava rosa. Eduge dana ga ria'ga vanu da ronuu, esemena iai gamite da madavanu?"<sup>24</sup> Gerege Anas raki besu'ganu au ade da'ge da'ge raro ge'geve Kaiafas dubu biava g'asina.<sup>25</sup> Edube Simona Petero ra rami au udume gahege. Iauki bera'ganu, "A tage ramu au gamite bera, se?" Auki tarata vime auki ronuu, "Daka veitera."<sup>26</sup> Dubu aena iau gamite be ihikokova dodovane ogo nane raki berabe vanu, "Dana beta ge'ge uhura a era'ganu au ruta?"<sup>27</sup> Petero raki gaitana avauna'ge vanu, gamana veite uguha raki nivinu.<sup>28</sup> Gerege iauki vagutu vagutu Iesu mi Pilato g'asina otinu. Iauka Pilato iaga uhura siri ra'gira veite, badiva iauka aena ra'gi iauka beta uhu daure ruta rigi ketake demaka kiare uhura oti tamuta ra'gisa.<sup>29</sup> Gerege Pilato raki hakivi iau g'asina otare ronuu, "Otavado daure bena ia roia ata ora kinu?"<sup>30</sup> Iauki kironu, "Negu ata ona daure be kiki veitenu, noka beta onaki mi ai gasina oro'gisa."<sup>31</sup> Pilato raki kiro gevenu, "Mi goira'gohi otare mati iai aenave ro maemane gumahae iava'gu bera'giahe." Iuda gahava iabaraki ronuu, "Noka hedoka veitera noka koita be mi ho'ge maemisa."<sup>32</sup> (Oramu Iesu rone gava ria'ga gahi'ga vara auna orenaki ho'ge ra'gira vanuu.)<sup>33</sup> Gerege Pilato raki gaitana iaga uhura sirivanu, auki Iesu ihiromare renu bera'ganu, "Ana Iuda gaha iau Rohivenu?"<sup>34</sup> Iesu raki kironu, "Ona ava'gu gena berabe o vima, se be iana di badine aki kironu?"<sup>35</sup> Pilato raki ronuu, "Dana Iuda koita vanu, se veitenu? Ai koitatuhe renu ai dubu biava iabaki a mi di g'asina oro'gonu. Ana otavado daure bena a kinu?"<sup>36</sup> Iesu raki kirogevenu, "Di basileia vera beta vata ada ora. Di basileiave vata ada oi goinube, di itahe o'giare koitava iabera ia ruta g'arahi se iauka beta da mi Iuda gahava mohi gevenu. Eduge veitera, di basileia vera beta vata ada oigera."<sup>37</sup> Pilato raki bera'ganu, "Eige akamu rohi ra? Iesu raki ronuu, "Aki roma daka rohi. Eige da guruane daka rohi, renu e dainehe daki vata ada oi oro'gonu, daka ga ria'ga rosa. Ogoreana di eno'ge ihare ria'ga gaha iabara ga ria'ga iauki iha."<sup>38</sup> Pilato raki bera'ganu, "Gerege ria'ga vana otado vanu?" Pilato raki Iesu ho'geve ronuu Au enaki rone itaharahe, auki gaitana Iuda gaha iau otare auki boriti gahi gevenu, "Daka au daure be erara veitera."<sup>39</sup> Eduge iai aenave bera daka koita be rigi ketake vaniva iani mi hakivisa. Iana onakime ia roia daka Iuda iau Rohive mi hakivisa?"<sup>40</sup> Koita iabaraki bara ra'gohi roege "Veitera beta aukaki, eduge Barabas!" Barabas ra vaho koita vara.

## 19

<sup>1</sup> Gerege Pilato raki Iesu mi au gamituhe mohi gevege iauki gamisa. <sup>2</sup> Renu Pilato g'arara gamituhe iaberaki idi hanaka garanate be kima iauki mi au omotehe maemi, mati ogona dubu kereka be mi au kinu. <sup>3</sup> Iauki da'ge da'ge au g'asina otare, roege, "Iudea iau Rohite oti behi behive!" renu au nie madavege. <sup>4</sup> Pilato raki gaitana hakivi koita iau g'asina otare auki bera'gei ronuu, "Ihiahe, dakamu iai besu'gi hakivima renu iama dibana gahisa daka au daure be au erara veitera."<sup>5</sup> Gerege Iesu raki hakivi itahe oro'gi, au omotehe gera idi hanaka garanate renu ogona dubu kerekare iauki mi au kinu. Pilato raki kiro gevenu, Koitava onu!"<sup>6</sup> Iauki negu dubu biavaia renu besu besu gahavaia eragei, iauki bara ra'gi, roege, "Gamiahe! Gamiahe!" Pilato raki kiro gevenu, "Iava'gu oro'gi miare iana gamisa; daka daure be au erara veitera."<sup>7</sup> Iuda gaha iaberaki kironu, "Noka aena tera, renu aena era roma auka ho'ge ra'gisa badiva auka roma auka Dirava Moe."<sup>8</sup> Pilato raki iau gare ihine, auki sigo ria'ga vanu iau enaki Iesu gare ra'gohege. <sup>9</sup> Auki gaitana iaga uhura sirivare auki Iesu bera'ganu, "Ana o'go ore koita vanu?" Eduge Iesu ra ga be roro veitera.<sup>10</sup> Eige Pilato raki kironu, "Ana da ga gahiga besibe vanu a vima? Ana dibana veitenu daka hedokate a besu'gi hakivisa, renu daka hedokate ai ho'geve rosa?"<sup>11</sup> Iesu raki kironu, "Aka di ada hedoka veitera eduge au vava seni hedo a moimege; eige unuhuna da mi a moimane koitava daureve ramu raho ketake."<sup>12</sup> Eige Pilato raki besu'gi hakivisa ronuu, eduge Iudea gahava iabaraki bara ra'gohi ronuu, "Ia negu ata o mi haki ra'gohare, iaka beta Kaisara vasire gahi'ga vara. Koita be roiare auka rohi auka Kaisara auki besibe gahima."<sup>13</sup> Pilato ga o ihi gevene, auki Iesu mi itahe hakivare mi oti aena gahaiia iau guragu patahe auki guramanu, iauki ihiva Heberu gava roia Gabata.<sup>14</sup> Iauka Rigi kiki vani ananava ra'gohege; eramu erehuta vani iahu vara. Pilato raki Iudea gaha kiro gevenu, "Era'giahe, iai Rohite one!"<sup>15</sup> Iauki bara ra'gohi roege, "Mi ge'ahu otiahe! Mi oti hoekiahe!" Pilato raki bera gevenu, "Dana iai Rohite gami hoekisa?" Dubu aena biava iabaraki ronuu, "Noka rohi veitera eduge Kaisara ava'gu gera."<sup>16</sup> Gerege auki mi mohi gevenu iauka mi oti gami hoekisa.<sup>17</sup> Renu ava'gu au sataurove agohare auki otinu nimu be ihiva roia Omo kouka, Heberu gava makava ra Golgota.<sup>18</sup> Eige iauki gami hoeki, renu ata abu gaitage au ruta bera hakirahe bera hakira Iesu ra iau nomuakahe.<sup>19</sup> Pilato raki ga be au variada maemi onaki ronuu, "Iesu Nasareta Koitava, Iudea gaha iau Rohive."<sup>20</sup> Iudea gaha dada'ga iaberaki gava dahare, badiva iau Iesu gamane era o'go bauge gaika gera; renu ga abiga'ga iauge iauki maemanu Heberu gava, Roma gava renu Helene gava.<sup>21</sup> Gerege Iudea iau dubu biage iabaraki Pilato kironu, "Ia negu

onaki rome, Iudea iau Rohive, eduge, Ata o raki ronu, Daka Iudea ġahava iau Rohivera.”<sup>22</sup> Pilato raki ronu, “Dana otavadoana da maemanu auma enaki ġoisa.”<sup>23</sup> i Roma iau ġarara ġamituhe Iesu ġamane itaharahe, iauki au ogonave idi gevare iauki kasai ababu kinu iau tanahe kobakoba iauni. Renu iauki au ogonave tiguti veite, edube uhubaġe kobabe tage manu. <sup>24</sup>Gerege iauki bebe beragei roege, “No negu dodovime, eduge noma moni dadaġa au ada maemi unuhuna negu mimi vanu.” Oramu buka aena rone gava riaga ġahiġa vara, <sup>25</sup>Eramu iau ġarara ġamituhe kine ġumava aukamu enu. E uhura geramu, Iesu sataurove ġaika rahirahe ramu Maria au neine, au neine tate, Maria Klopas mabare, renu Maria Magedala. <sup>26</sup>Iesu raki niġahi au neine mati au ġamituhe maġeva era gevene au neine ġaika rahirahe, auki au neine kironu, “Maġi, ora ai moera.” <sup>27</sup>Gerege auki au ġamite kironu, “Ora ai neinera.” Gerege au ġamite raki maġi e mi au iage koitave kinu. <sup>28</sup>Itaharahe, Iesu raki eraġeġe au meve inuhati geramu kosavanu, auki ronu (ora au meve rone buka aenava riaga ġahiga), “Dakamu eia hoġe vima.” <sup>29</sup>Eigera ġadiki ġanite hodu bera. Iauki ogona raburabe be mi idi raro vare mi ġadiki hodu uhura degide ġahare iauki mi au avagehe maemanu. <sup>30</sup>Iesu raki ġadiki e musuare, auki ronu, “Aukamu netuanu.” Gerege auki au omote mi ughare renu au horuve raki ġaremanu. <sup>31</sup>Iauka sabadi vani uhuamare, eige Iudea ġaha iabera vani aenava beta hoġe satauro ada ġareġeġe gevara, badiva Sabadi vara vani aena vara. Eige iauki Pilato imiġanu iauka koita hoġe raġohane iau vase ġahigei boko geisa renu iau ahata make koki geisa. <sup>32</sup>Gerege ġarara ġami iaberaki orogi ata abu Iesu ruta satauro ġahi gevene iau vase ġahigei boko gevenu. <sup>33</sup>Eduge iau Iesu ġasina otine iauki eraġeġe auka subuta ge auki hoġe raġanu, eige iauka au vase boko geige veite. <sup>34</sup>Eduge, ġarara ġami be raki Iesu nomuake vaigava dogavanu, gerege taġo mati eia raki hakiveġe. <sup>35</sup>(Iana unuhuna ia ga o ihinu ġahava ġaitage iama riaga ġahisa. Auka dibana au ga rone era riaga vara.) <sup>36</sup>Iaġa onaki hori raġare era buka aena gava riaga ġahisa, “Au ite bera beta boko raġira vara.” <sup>37</sup>Mati ġaitana buka aena gava bera onakime auki ronu, “Iauka iau vaġa bine era iauna eraġisa.” <sup>38</sup>Iaġa o iau itaharahe, Iosefa auka Arimatea oġo seni auki oroġonu, au tage Iesu ġamite bera, auki iorena ge auki me mieġe badiva Iudea ġaha iabera auki siġa geveġe. Auki Pilato imiġanu auka Iesu ahata make mi otisa. Pilato raki hedo moimeġe; auki orogi Iesu ahata make miare otinu. <sup>39</sup>Nikodemo tage va hirigoġeġe auki uriġoi Iesu erarava otinu, auki ġadiki ġutika maġete au isuke erehuta tinahu be naġate ididita otinu. <sup>40</sup>Iauki Iesu ahata make miare mi ġadiki ġuti maġete ogonava ġodomanu, ora Iudea ġaha iau hoġe abatemare ġumava. <sup>41</sup>Iauki ġeġe bera iau satauro ġahane au kahikahe, renu ġeġe uhura eigera aba vaka isaġe bera iauka so hoġe be maema veitera. <sup>42</sup>Mati eramu, Iudea ġahava iau sġabadi vani iauki uhuama, renu aba vaka isaġe kahikahe eige iauki Iesu maemanu.

## 20

<sup>1</sup>Pura isaġe vani ġanai va tahi oroġoġe uhura, Maria Magedala raki midava otime auki niġaheġe muni abata ketake mi midava aba bakuane era veitera. <sup>2</sup>Gerege auki ruruġi ġoiragi Simona Petero mati Iesu ġahara vieġe ġamiva iau ġasina oti kiro gevenu, “Koita be iaberamu ni Rohite ahata make midavahu manu, noka dibana veite oreigena iau oti maemanu. <sup>3</sup>Gerege Petero mati au ġamite be ruta iau abu midava erara otinu. <sup>4</sup>Iauki iau abu ruru raġohi oteġe; eduge negu au ġamite raki Petero soiġi uruġoi midava tinu. <sup>5</sup>Auki edemi niġaheġe iau ġodomane ogona eġu eraġanu, eduge auka sirisi veite.” Gerege Simona Petero au itahe oroġeġe auki oti midava sirivanu. Auki iau ġodomane ogonava eġu eraġevunu, <sup>7</sup>renu iau Iesu omote raro vane ogonava eraġi, beta ġodomane ogonava ruġa eduge avagu ġeahu ge iauki kobua ġahi ġosiġanu. <sup>8</sup>Gerege negu au ġamite uruġoi otine raki au itahe sirivanu, auki eraġare renu riaga ġahanu; <sup>9</sup>eduge iauka buka aena gava riaga ġahiga veitera, auka hoġe uhura maġurivi ġoiragira vara. <sup>10</sup>Gerege ġami iaberaki ġoiragoġi iau ġuragu taruhe otinu. <sup>11</sup>Eduge Maria raki midava itahe rami niveġe. Auka nivare uhura ge auki edemi niġahi midava uhura eraġeġe; <sup>12</sup>auki aneru abu era gevenu iauka ogona kae kiogeġi gura gurave Iesu ahata make maemane ei, bera au omote kasihe renu bera au vase kasihe. <sup>13</sup>Iauki maġi e beraġanu, “Esemena a nivima?” Auki kiro gevenu, “Iaukam di Rohite mi ġeahu otinu, mati daka dibana veite oreigena iau oti maemanu.” <sup>14</sup>Auka enaki ronu, auki aniġoi niġahi Iesu ramirame eraġanu, eduge auka toaġa kiki veite eramu Iesu. <sup>15</sup>Iesu raki kironu, “Esemena a nivima? Ana unuhuna a iaġoima?” Maria ananave auka ġeġe me miare koitava ronu, “Di Biage, oreigena a au ahata make mi otinu, da boriti ġaha oreigena a maemanu, gerege dama oti misa.” <sup>16</sup>Iesu raki au ihe ronu, “Maria!” Auki aniġoiare renu Heberu gava kironu, “Raboni!” (makava ramu Uguro koita). <sup>17</sup>Iesu raki kironu, “A negu da kamuime, badiva daka so di Mame ġasina ġadiġa veitera. Eduge di oġo nanuhe iau ġasina otare kirogeve, Daka so ġadiġa veitera di Mame renu iai Mame, di Diravate renu iai Diravate.” <sup>18</sup>Maria Magedala raki oti Iesu ġamituhe iau ġasina otare renu kiro gevenu, “Dakamu ni Rohite eraganu”; gerege auki au gare rone au ġamituhe kiro gevenu. <sup>19</sup>Pura isage vahi ei, vani ġanaiva, ġami iau bouge gurahane iau iaga uduane kougeġi, badiva Iudea aena ġaha iau siġore raġohi. Iesu raki iau vaġotoni horivare auki ronu, “Mai iai bouge misa.” <sup>20</sup>Auka enaki rone itaharahe, auki au ade mati au bodi hakire au beroġe ġaġiroġeġi. Iauki heġiri raġohi badiva iauka Rohi Bauge iauki eraġanu. <sup>21</sup>Iesu raki gaitana kiro gevenu, “Mai iai bouge misa. Di Mame raki da besuġanu, eige daki mati ia besuġeima.” <sup>22</sup>Auka enaki rone itaharahe, auki au ava nonomuve iau ada renu kiro gevenu, “Horu Aena misa. <sup>23</sup>Ana be iau daureve vagua ġaha, iau daureve ramu veite ġoinu; ana be iau daureve vagua ġahiga veitenu, iau daureve ramu daġe daġe iau ada. <sup>24</sup>Eduge Toma (auka hekapa bera), iauka iau ate utube hakira abu bera, auka Iesu oroġane auka ei veitera. <sup>25</sup>Gerege ġami iaberaki kironu, “Nokamu Rohi Bauge eraganu.” Eduge auki kiro gevenu, “Dana au ada beroġe eraġanu, mati di ada kakune mi au bodi beroġe kamui, daka beta riaga ġahiga vara.” <sup>26</sup>Pura bera kosavanu au ġamituhe iaberaki ġaitana bouraġohi, renu Toma tage iau ruta. Iaga uduani iabara koukouve, edube Iesu raki oroġi iau vaġotoni ramare ronu, “Mai iai bouge misa.” <sup>27</sup>Gerege auki Toma kironu, “Ai ada kakune mi oi maema renu di ade eraġeġe. Ai ade mi bodinehe maema. A negu anana nune vime eduge riaga ġaha.” <sup>28</sup>Toma raki kironu, “Di Rohite mati di Diravate!” <sup>29</sup>Iesu raki

kironu, "Ana da riaga gahima badiva akamu da eraġane dainehe? Maġe ġaha iabera oġoreana erara veite eduge iaukamu riaga ġahanu."<sup>30</sup>Iesu ramu iaġa dadaġava auki au gamituhe iau vaġotoni kiogevenu, eduge iauka buka uhura oi maema veitera.<sup>31</sup>Eduge iau ga o maemane iabara iama riaga ġahigeisa, Iesu ramu Keriso, Dirava Moe, renu ana riaga ġahima akamu au ihehe maguri vara.

## 21

<sup>1</sup>Iaġa o iau itaharahe, Iesu raki ġaitana Tiberia gohu ġaika au gamituhe iau ġaġae ġoiraġanu; renu avaġu onakime auki horivanu.<sup>2</sup>Eige iauki bouraġane ġamiva iabaramu Simona Petero, Toma ruta vara vane atava, Nataniela auka Kana Galileia koita vara, Sebedeo ġamuhe, renu au ġamituhe abu ġaitage.<sup>3</sup>Simona Petero raki kirogevenu, "Dakamu eve ioa otito vara." Iauki kironu, "No ġainage a ruta ororo vara." Iauki otime iauki eua ġadihi, eduge vahi uhubaġe iauka sine veite.<sup>4</sup>Va tahi oroġeġe, Iesu raki eve ġaika ramanu; eduge au gamituhe iabara dibana veite eramu Iesu ra.<sup>5</sup>Iesu raki kirogevenu, "Gamia, iana sine tenu?" Iauki kironu, "Veitera."<sup>6</sup>Auki kirogevenu, "Reke mi eu vamaġa kasihe kiraviahe, eige iana eragisa." Gerege iauki au rone ei kiravane, iau rekeve ra karava raki tobo ġahanu gerege iauka geregere veite mi iagemisa. Iesu ġahara vare ġamiva raki Petero kironu, "O ramu Rohi Bauge era!" Simona Petero ihine era Rohi Bauge auki au ahata ogonave mi reġunaki au ġodomare, auki eve gerovanu.<sup>8</sup>Eduge ġamituhe bamoduhe au ruta eua oroġane, iauki reke karava tobo raġane butui tana ġamana veite oroġeġe.<sup>9</sup>Iauki oroġi tana hakiraġi, iauki vene raġiraġe be eraġi adahani gera karava be mati parao au ada.<sup>10</sup>Iesu raki kiro gevenu, "Ia karava idiġane be idiġi oroġiahe."<sup>11</sup>Gerege Simona Petero raki eua ġadimare auki reke karava ketake tobo raġane butui tana ġadimi, inuhati tinahu be utu-adakasiva hakira abigaġa; renu karava dadaġa eduge reke vara dariġoġiġo veitera.<sup>12</sup>Iesu raki kirogevenu, "Oroġi tamuta raġohiahe." Ġami bera mati berabe veitera, "Ana unuhuna?" Badiva iauka dibana auka Rohi Bauge era.<sup>13</sup>Iesu raki oroġi parao miare mohi gevenu, mati karava tage ġuma kobuġa ei kinu.<sup>14</sup>Oramu nega abigaġa ġahiġa auki au ġamituhe iau ġaġae ġoinu au hoġe uhura urimane itaharahe.<sup>15</sup>Au tamuta ragohi itaharahe, Iesu raki Simona Petero beraġanu, "Simona, Ioane moe, ana di gahara vima gami o iau tanahe?" Auki kironu, "Erege, di Rohite; aka dibanara dakamu ai gahara vima." Iesu raki kironu, "Di mamoeve nitabata ġahisa."<sup>16</sup>Auki nega abu ġahiġava auki kironu, "Simona, Ioane moe, ana di gahara vima?" Iesu raki beraġanu, "Erege, di Rohite; aka dibanara dakamu ai ġahara vima." Iesu raki kironu, "Di mamoeve eragisa."<sup>17</sup>Auki nega abigaġa ġahiġava beraġanu, "Simona, Ioane moe, ana di gahara vima? Petero uhure raki huhu naġanu badiva auki nega abigaġa ġahiġava beraġanu, "Ana di gahara vima?" Eige auki kironu, "Di Rohite, aka iaġa inuhati dibanara; aka dibana dakamu ai gahara vima." Iesu raki kironu, "Di mamoeve nitabata ġahisa."<sup>18</sup>Riaga vara, daki a boriti ġahima, a so ai aviehe, amu avaġu ai ogona maġeva kiare, renu amu a gahara viare ioava otima. Eduge a iahu ġoieġe, amu ai ade inuġi hakivi, gerege koita be ramu ai ogonave mi ai kiare renu a mi a besibe ġahare gabuhe a mi otito vara."<sup>19</sup>(Au enaki rone makava ramu au hoġe ġumaġe ra Dirava maġe ġahiġa vara.) Gerege Iesu enaki rone itaharahe auki kironu, "Di itahe oroġo."<sup>20</sup>Petero raki aniġoi Iesu ġahara vare ġami maġeve eraġeġe auki au itahe oteġe; auka Iesu ġaika gurami au ruta tamuta vieġe renu beraġeġe, "Di Rohite, unuhuna negu ai bive kisa vima?"<sup>21</sup>Petero raki eraġare, auki Iesu kironu, "Di Rohite, ama auna?"<sup>22</sup>Iesu raki kironu, "Auka da negu rosa auka maġurivi gurami ate da ġoiraġi oroġare, esemena a gure e uhu korahiva vima? Di itahe oroġo!"<sup>23</sup>Eige gava raki oġo uhura hakivanu gerege koita iau ananave negu au ġamite era beta hoġe raġira vara. Eduge, Iesu ra beta enakime auki ronu auka beta hoġe raġisa, eduge, "Da rosa auka maġurivi gurami ate da oroġare, esemena a e uhu korahiva vima?"<sup>24</sup>Ġami oramu ga o riaga ġahi geige vara eige iauki gava maemanu, renu noka dibana au gare ra riaga vara.<sup>25</sup>Eduge iaġa dadaġa vara Iesu raki kiogevenu; eige iauna iaġa o inuhati maemanu, da anavare mata ketake ora beta bukava o inuhati bougeige vara.

## Acts

### 1

<sup>1</sup>Da urugoi ga maemanu nagate Theophilus, boriti vane Iesu ganai me mane mati uhuvaka gava vieġe,<sup>2</sup>ate aumu gadimi otinu, eduge aukamu so urugoi Horu Aena idigevene apostle va ya, hedo gava hero gahi gevenu.<sup>3</sup>Au huhu nagane itaharahe, auki maguri vare avahu au mi yau gagae kinu uhura gera auki mebe kiogevenu yauka au riaga ġahisa. Vani utu ababu auka yau vagahe gagae goiare, Dirava basileia gava vieġe.<sup>4</sup>Au yau ruga bouanei, auki ki to gevenu yauka beta Jerusalem gare hisa, eduge yauka yau Mame ominuo gahi gevene uhuyauhuya va ragohisa, au rone, "<sup>5</sup>John ra riaga eiava ge auki bapatiso manu.", eduge yaka vani rore be uhurage yana Horu anavena bapatiso misa<sup>6</sup>Koita dadaga uhurage yauki beraganu, Rohi Bauge, on a basileia mi goiragi Israel mohi gevare vanivanu se?<sup>7</sup>Auki kiro gevenu, "yaka beta au orogare vaniva renu batava dibana gahiga vara. era di mame hedokehe gera."<sup>8</sup>Eduge yaka hedo mimi vara Horu Aena yai ada orogarei, ge yana da riaga gahiga gahavaia gahisa Jerusalem mati Judea renu Samaria uhura inuhati, renu mata inuhati uhura."<sup>9</sup>Rohi Bauge ga e inuhati roeare, yau vava nigage uhurage auki gadimanu, the raki bakuanu yau niehe.<sup>10</sup>Yau vava nigahi une, Inono veite ata abuge ki yau gaika ogona aka ruga rahanu.<sup>11</sup>Yauki ronu Galilee atavaya, esena ya vava nigahi unu? Iesu o ya gare gei vava otine ra, guma kobuga oige auna goiragi orogisa."<sup>12</sup>Yau goiragohi Jerusalem otinei Olive nimu va seni, Jersalem gaika, Sabbath vani be ioava ra.<sup>13</sup>Yau oroganei, yauka yaga auhe gadihanu, eige yauki uyeġe. Peter, John, James, Andrew, Philip, Thomas, Batholomew, Matthew, James Alphaeus moe, Simon au Zealot,koitava Judas James moe.<sup>14</sup>Yau bouge uhu kobugei imimi ragohisa magi ruga, renu Mary Iesu neine, renu au sokuheya.<sup>15</sup>Vani e yau uhurage Peter raki ogonana inuhati tinahu be utu abu yau ihehe ronu,"<sup>16</sup>di gogo nanuheha ona magenu ga aenavara ra riaga goisa,

Horu aenvara gurigoi gavanu ihiege ga raki David ava gehe hakivanu Judas dainehe, auki Iesu gami hoekanu gahavaia nisi gei otege yauki Iesu manu.<sup>17</sup> Autagera no bera auka mu Aena me kine damunava manu" <sup>18</sup>( Ata ora mata bera auki haevanu au bi kine nata vahe,eige auki au omote he ariragi ge au ahata make ki hosa rahi Bao raganu ge au bouke inuhati raki bohuraganu. <sup>19</sup>Badi era Jerusalem uhura uiare gahavaia inuhati ge ihinu, yauki mata e ihivami "Akeldama," ronu. yau garehege, "tago adiravara.")<sup>20</sup> Auka mu Psalms uhura ronu,' mata e ramu ahake usa, renu yanegu koita be ki roege au ei ume,' koita be miege auma me kine meva kisa.<sup>21</sup>E dainehe ge noka riagahu atabe no ruga vani inuhati yoavege, Rohi bauge Iesu ni vagaha hakivi oti, oroge, <sup>22</sup>ganai John bapatiso gahanei ate auna gare gevare vava otinei,koita ena no ruta au maguri vi goiragane riaga gahisa."<sup>23</sup>yauki ata abu gagae kiogevenu, Joseph yau ihiva roege Barsabbas, au ihe bera Justus mati Matthias.<sup>24</sup>Yauki imimi raga re ronu. Rohi Bauge aka koita inuhati yau soruke dibanara, koita o abu yau vagahu a gaharahe vare koitava noi gagae ki. <sup>25</sup>Auma Judas apotolo me aena garemane kisa. <sup>26</sup>e itaharahe yauki muni kusina kira gevenu, minu raki gagae kinu Matthias raki yau ate utu be kobabe e utu be abu gahanu.

## 2

<sup>1</sup>Penetecost vaniva oroganei yauki yau bouge kobua gahanu. <sup>2</sup>Inono veite koube nono nagate ki oroganu vava seni, yau gurahege yaga uhurava inuhati tobo gahanu. <sup>3</sup>e uhurahe vene mei nagate ki kobakoba ei gurahane gahavaia yau ada uguhanu <sup>4</sup>Horu Aena raki toboga gevenu,yauki urihi mei nunenuneva garege,Horu Aena mohi gevene geregere vahe.<sup>5</sup>Jew koitava ya Jerusalem uyege, Dirava kamuka atava ya, Ogo kobakoba va derikahu. <sup>6</sup>Yau dubu e ihinei, koita inuhati orogi bou ragohare yauki mati dauragohi makavara koita inuhati yabeki ihege yauki yau meinehe ga ragohege. <sup>7</sup>Yauki gaurago hare mati hegiri ragohege; yauki roege " Ona koita o yabena Galilee gava ge yau ga ragoha?"<sup>8</sup>vena goigorenu, no iau gare ni mei nune-nuneve iau ihare? <sup>9</sup>noka partia, media, renu elam gaha; mesopotamia, judea, renu cappadocia gaha; pontus renu asia gaha, <sup>10</sup>phrygia renu w renu beta jew gaha iau idigei juda gaha roiegevore gahavia renu bea no cretepamphylia gaha, egypt gaha renu cyrene mata gaika lybia dubu gahaia. <sup>11</sup>je renu arabia gahaia - a eduke noka koita o ia dirava me raho kiogevare gava ni meine iau iha."<sup>12</sup>Yauki gago ragohi mati motea gahi gevege; bebe bera gevege," o makavana otavadoanu? <sup>13</sup>Eduge beabera tatiga gevare roege,"Gadiki isage yauki ine dainehe."<sup>14</sup>a peter raki apostolo utube-hakira kobua-be ruga urimi rami me auki enoga rahotahu teri bouane gahavaia haroro gahigei roma; di sokuhe jew gahaia renu jerusalem uiare gahavaia, uhuiamiarei da ga vare ihiahe, <sup>15</sup>koita o iabera beta murakava ra iauki i nu, ia ana vare geregereva, ora so ona vagutuara ( 9 o'clock ).<sup>16</sup>Prophet Joel Peroveta vane gava ra onakiki vera, <sup>17</sup>vani netui otare uhura; Dirava gare ra onakime auki roma daka di horuve bohoboara koita yau ada. Yai gami movea renu yai gamuhe Mayago vaia bera Peroveta ragiravara.gami isage yabara niganiga nune ragohisa, Ata raho yabera yago ragiravara.<sup>18</sup>Saul ra gahara riaga auka Dirava itahe ogiege gahavaia gahigei hoeki geisa, eige auki aena biava bauge gasina otinu. <sup>19</sup>auki imiganu, auka Damascus dubu gahavaia yauni ga mi otisa. yau Damascus uhura, ata mati magi behu gevare, Dirava gumagehe ogiege, auka raro gevare idigei,goiragi Jerusalem a orogisa.<sup>20</sup>Rohi Bauge vani rahove so ororo veite uhura vani ra vadibu goisa renu bata ra tago te goisa. <sup>21</sup>Vani ei Koita inuhati Rohibauge ihihe to ragare yabera maguri ragira vara."<sup>22</sup>Israel atavaia, ga o ihiahe: Iesu Nazareth koitava ra Dirava raki Nazareth koitava yai dainehe besu ganu, auka yai vagaha gauragira, mati hedo me renu erara veite meva gagae kiogeisa, yaka dibanara.<sup>23</sup>Ata ora Dirava uhu anana vane mati au dibanehe ya mohi gevene; era yaki mi itahe gahavaia yau ada uhurehe maemege,yauki gami hoekanu mi Sarah to ada maemanu.<sup>24</sup>Eduge Dirava raki maguri gahi goiraganu, Hoge hedokava ariganu Badivara Hoge ra beta riagahu kamui uavara.<sup>25</sup>Eige David raki au badine ronu, ' Rohi bauge daki di vagotonehe eraganu, auka di ada vamaga hegera e dainehe bera beta da vagava gahigavara. <sup>26</sup>E dainehe ge di soruke raki hegiri vima renu di avagehege daki motea gahima. Mati, di ahatatane hege daki uhuya uhuya vima.<sup>27</sup>Eige aka beta di horuve garega vara hoge matava renu ai aena koitava vera beta mudu ragiravara. <sup>28</sup>maguri gumava aka da gagiro monu; a erara gahege aka so uhure hegiriva hobo gahanu.<sup>29</sup>Di gogonanuhea, ni teneve David badine da ya boriti gahi geima, auka hoge rage-ge, yauki mi abatemeni, au gareve ramu o no ruga. <sup>30</sup>Auka Peroveta koita vara, auka dibana Dirava raki ominu gahanu au Moe bera terona ada guragu ara. <sup>31</sup>Eige auki au dibana goine yagani va gava vanu, Iesu magurivi goira gisa gava auki vanu. Iesu ra beta Hoge gahavaia yau vagaha usa, renu au ahatane ra beta mudu ragisa.<sup>32</sup>Iesu ra, Dirava raki maguri gahanu, noka ni bouge dibanara. <sup>33</sup>Eige auki auhe Dirava ada vamage he seni, Horu Aena, au mame ominuo gahane mare auki bohuganu era noki eragare mati o iha.<sup>34</sup>David hoge raganei auka vava gadiga veitera, eduge auka ona kime auki roma, ' Rohi bauge raki di Rohite, " Di ada vamaga he gurama. <sup>35</sup>A inara gahare gahavaia dana idigi ai vasi maema adirave kirogeisa."<sup>36</sup>E dainehe ama Israel gahavaia inuhati vasiba gahi geisa Dirava raki mi Rohi kinu renu auka Keriso ra, Iesu era yaki mi Satauro gahanu."<sup>37</sup>Yau ga e ihinei, yau soruke raki huhu gahanu, he yauki Peter renu Apostle, bera gevenu, " nona otavado kiki vanu <sup>38</sup>Peter raki kiro gevenu, yai daureve ari gevare kobakoba babatiso miahe Iesu Keriso ihehe auma yai daureve kamu geisa ge yama Horu aena misa. <sup>39</sup>Badivara ominuo vara a ai gamuhe ruga yaiera renu gamana gahavaia, mati koita mudago gaina gera Badivara Dirava ni Rohive raki tosa vima."<sup>40</sup>Ga riaga dadaga uhurage auki hero gahi gevara ronu, "yama maguri ragohisa tau daure o koitava yau vagaha."<sup>41</sup>yauki au gare mare renu bapatiso manu,koita inuhati tinahu abigaga rua. <sup>42</sup>yauki apostolo ruga kobuga gahare hadiba me,Aena me kiogevare.<sup>43</sup> Koita inuhati sigoi ragohi Badivara Apostolo yabeki gauragira me mati hedo me gagae kiogevare.<sup>44</sup>Iesu riaga gahage koitava inuhati iaga inuhati uhu kobugava kieve,<sup>45</sup>Yauki yau matame mati yau koku e inuhati hae gevare yauki yau vagaha kobakoba yau e kieve yau gaharahe ragohege geregereva.<sup>46</sup>vani gauki yauki uhu anana kobugava me kieve dubu uhura. Yaga kobakoba uhura tage yauki hauhaka

bokoi,bada demaka iege hegirita renu uhu mage ruta. <sup>47</sup>Dirava motea gahare renu koita yau gahara ragohi a Rohi baugera koita dadaga gahi idigei orogege maguri behugane yau ada.

### 3

<sup>1</sup>vani iahu uhurage Peter mati John yabaki dubu otinu imimi vani dainehe, <sup>2</sup>Eige ata bera au neine vagatane auki kumukumuve guruanu, yauki hirivi rogi dubu uduani maemanu.vani inuhati ge yauki mi rogi maemege,auka dubu siri ragare gahavaia nata dainehe imi geima. <sup>3</sup>Peter mati John dubu uhura siri ragisa ronua,auka eragevare nata dainehe imimi vanu<sup>4</sup>Peter, ki au ni eragi berebe gahanu, John, raki ronua," no erageve." <sup>5</sup>auki nigahi eragevenu,au anavane yauka yaga be mi moimisa. <sup>6</sup>Eduge Peter raki ronua," daka silver mati gold veitera,eduge daka Iesu Keriso Nazareth, koitava ihehe di gasina uiare yaganiva dana a moimisa,Urimi ogi,"<sup>7</sup>Peter raki au ada vamaga he, mi yagemanu, inono veite au vast raki herote goinu. <sup>8</sup>geroi gadimare, auki ramare oginu; auki Urimi dubu uhura siri vanu Peter renu John ruga, ogoiare, auki mati ragadimi, Dirava mage gahege.<sup>9</sup>Koita inuhati raki erage-ge auki goiare mati Dirava mage gahege. <sup>10</sup>Yauki eragare dibana gahanu auka dubu magu gaika gurami nata imimi viege atavara; yauki soruraka gei, gauragohi, mati dau ragohege, au gasina caravans iaganiva dainehe.<sup>11</sup>Au kamui hai uyege Peter renu John kamui gei uyege uhura, koita inuhati geraki ruru ragi Solomn pata vehe otinu, yauki yau ragohege. <sup>12</sup>Peter era gevene i auki kiro gevenu, Israel gahavaia, esena ya iaga ona kikive eragi gau ragoha? esena ya no guru gahi hai unu, yai anana vena novahu ni hedokehe se ni mage vehe gena no ata o maguri gahanu?<sup>13</sup>Abraham, Isaac renu Jacob iau Dirava ve, ni vahiruhe iau Dirava ve ramu au seni orog<sup>-</sup>ane motea moteava, au Besube ate Iesu moimonu. Iduke iakaki mi taravatu bauge mohigei mati Pilate va;gotohu besibe; gahanu: Pilate vahevahe rone tage iakaki besibe ra;gohanu. <sup>14</sup>Auka aenava renu ma;gera, iduke iakaki besibe gahanu, renu iakaki Pilate imi;gi auka iai urave ki roroma vane atava vaheisa.<sup>15</sup>Mag<sup>-</sup>uri biavara iakaki ;gami hoekanu, iduke Dirava raki ma;guri ;gahi ;goira;ganu - noka ria;ga ;gahane ;gahava iabera. <sup>16</sup>Eramu au ihi hedoke raki o;gi;gi veite ata o hero moimonu. Ia era;gare renu dibana ;gahare ramu ;gabidadama Iesu ihehe ge ata o raki ma;ge ;goinu.<sup>17</sup>Di gogonauhea.daka dibana yaka ya urigatu gevene gahavaia ruga yai uhure abaga veite dainehe ge yaki enaki maguri raganu. <sup>18</sup>Dirava, Peroveta gahavaia yau avagehe rone nagate, au moe Keriso ramu huhu nagisa, eramu riaga goinu.<sup>19</sup>Daure garegevare, renu ya siva geiahe,yai daure ve yabanu ya gare geisa. <sup>20</sup>Dirava mageve ramu orogisa,Auma Keriso besugisa,Keriso ra nonige auki rone, Iesu varamu onu.<sup>21</sup>Auma vava ena gurami oti ia;ga au bougei isage ;gahare vanihe; subuta Dirava au Peroveta ata aena ve iau ava;gehe rone ;gere;gereva. <sup>22</sup>Badivara Mose ra roma, "Rohiraho iai Dirava te ra ia;ga Peroveta ata be besu besu ara, au da besuane ;gere;gereva; auka iai koita te be ;goi;go vara. Au ia boriti ;gahi gevare meva iama kiogeisa. <sup>23</sup>Peroveta ata e gare ihahi veite koitava iabera Dirava koita tuhe iau kasa gevege iaune budaraisa<sup>24</sup>Peroveta ;gaha au bougei gera roro ga tera, iau va;ga gera Samuel renu au itahe oro;gane ;gahava ;gaitage ramu negu tau o iau vara ra;garihe ia;ganiva roegevenu. <sup>25</sup>Dirava au Peroveta ;gaha tuhe iau seni ga ro maeamane ra iaiera, iaka ni vahiruhe ru;ga au ga ro maeamane uhura gera. Au Abraham kirone geregereva, "Ai beseve iau ge dane vateta o koitava au bougei ma;ge ;gahigeisa." <sup>26</sup>Ge Dirava ramu au Besube ate uri;gatu iai besuanu, iaka iai ;guma daureve ita;gatugei arei, au ma;geve misa

### 4

<sup>1</sup>Petero renu ioane, iau ogo gaha gaha gevegei, me aenate kiare gahaea, dubu rohi, renu sadukea gaha iabera ki iau abu iau gasina otinu. <sup>2</sup>Hoagei me iauki, badiva iauki koita uhuakate gahigei, renu hoage gaha iau uriri goira goirave, ra iesu urimi goiraane hedokahe, iauki haroro gahege. <sup>3</sup>Ge iauki kamoge vadibu iagava kougeve, eige iaune gurahege va na tahisa, badiva aukamu bina vahigeta goinu. <sup>4</sup>A iau gare ihi mati riaga gahege gahava iau bougei daha adakasiva (5,000) geregerevara.<sup>5</sup>Va tahege, ogo Rohi renu dubu biava yabaki Iersalem bou raganu. <sup>6</sup>Anneas dubu biava renu Caiphas,John renu Alexander tage ei, mati dubu biava gogonauhea gaina ge.<sup>7</sup>Yauki Peter mati John nisigei rogi nomoaka he rahanu, yauki bera gei roege, orei gena ya hedo mare mati unuhu ihehe gena ya me o kia?<sup>8</sup>Nega ei ge petero ra horu aena va raki uhurahe uguhege, auki i-toto gahigei, me auki roma, ogo rohi ia renu nari gahaea, <sup>9</sup>Negubutu ia no beragei, rosa, vasi daure ata o, no au avani maage kine na, orena ki mena au maage goinu? <sup>10</sup>Iama dibana gahisa, Isaraela gaha gaita ge ma dibana gahisa, iesu keriso, nasaret ata, ia satauro gahe, dirava hoageva mi urimi goiraane ata e, au ihehege, ata o raki iai vaotohu, hero goreha ramanu.<sup>11</sup>Auka Iaga gogo gahaea, ia besibe gahane muniva raki, Koaka muni goinu. <sup>12</sup>Maguri mage vara koita nune be uhurehe guragu veitera, badiva no maguri gahigeige ihiva nune be ra, va derikahu noka mimi veitera, veite maka vara.<sup>13</sup>Yau Peter renu John herove eraganu yau dibana gahanu yauka uhuvaka yagoya adira bei uhuvaka yagoya veitera mati uhuvaka veite koitava yabara, yauki gago ragohi, yau uhure ki abagate goinu, yauka Iesu ruta. <sup>14</sup>yauki Peter, John renu yau maguri gahane atava rahane era gevene, yauki ga guma veite gahanu.<sup>15</sup>Eigerage iauki boriti gahigei roea, hebou ei iaune haki ragohare. Ge iau hakiragoha ne itaharahe iauki be be beragei roea,<sup>16</sup>"iau abu gena nona orena kirogei gevanu u? Badiva ierusalem gurahege gahava iau bougei gema dibana gahisa, iauka iau abu ragadiga avani bera iauki kinu, mati noka beta goregore ragira vara."<sup>17</sup>A koita ia ro rahogahi ioa ragohare, siogoara ge, none iau abu uagatu gevare, ihi eige iauka mati beta koita be gahahi goira goira vara. <sup>18</sup>Ge iauki ihirogei, boriti gahigei, iauka beta iesu ihehe haroro ragira vara, mati beta hadiba ragohia vara, veite maka vara.<sup>19</sup>A petero ioane goreha geraki i-toto gahigei, roea, "iama so anaisa, no iai gare ihi, dirava gare ihahi veite gaharena, ena dirava vaotohu ge na dodihenu se veitenu?" <sup>20</sup>Badiva no era gevege, mati no ihi gevege iaganiva, no roegeige veitera beta magera.<sup>21</sup>Gaitana ga gagei berebe gahi gevara yauki Peter renu John gare gevenu. daure gahi geige gumava yauki behube veite,badiva koita inuhati geraki

Dirava motea gahege.<sup>22</sup>Badiva, ata mage mane, tauera utu ababu<sup>23</sup>Iau gare gevene itaharahe, iauki iau abu iau vasiruhe iau gasina otinu, aena gahaea, mati ogo ata baugea, iau gare iau bougei, iauki boriti gahi gevenu.<sup>24</sup>Iau ihi gevene, iauki iau uhure kobua gahigei, dirava gurivi, roea, "rohi raho e, va, vateta, eve, mati uhurahe gurahare iağaniva inuhati, kikiva ra akaki."<sup>25</sup>A tagera horu aenava, ni teneve david avaģehe ge aki gavi roma, "bese nune nune iabena otado be ho vana iau raģoha? Mati otado be dainehe ge na koita ia, iaģa maka veite e anageva?"<sup>26</sup>Aki ronu vata adao Rohiva rahare, mati ogo rohiva yabera kobuga gahare, Rohi Bauge renu au Moe Keriso basu geisa.<sup>27</sup>Riaģavara, ogo o uhurahe ge iaukamu hebou raģohanu, iai besubesu ata aena ve iesu, a horoane atava, daure gahiģa gahara, pontio pilato renu bese nune be gahavaea, renu Isaraela besevaea, iauki hebou raģohanu.<sup>28</sup>Ai ade raki uriģatu torevanu, ai uhuvake raki uriģatu anavanu, karava iauki kinu.<sup>29</sup>E dainehe Rohi bauge, yau ro gevene yaganiva era gevare ai besube koitave hedoka gahi geve yauma ai gare hero ruta rosa.<sup>30</sup>ai ade inugare gauragira me yabamu gagae ai Aena koitava Iesu ihehe."<sup>31</sup>yau imimi netu rage-ge., yau bou ragane adirava raki vagava vanu,Horu aenava raki toboga gevenu yauki Dirava gare hero ruta roege.<sup>32</sup>Ihihi gahavaea iau bougei, uhu kobua va mati anana kobua va, ge iauki gurahege, be kohu e auka auvaģu auie roro veitera, a iau kohu ve iau bougei ge iauki idiģi kobua gahi gevege.<sup>33</sup>Apostolo gaha gaita gera iesu rohiraho e urimi goiraģane ra iauki hedo ruta haroro gahege. Dirava mohimohi maģeve tagera iau bougei iau ada gera.<sup>34</sup>Yau vagahe koita bera au veite goigo veitera, badiva vatatate mati yagate gahavaia yabaki yau matame mati yaga hae gevare natava idigi oroge-ge.<sup>35</sup>Apostolo yau vagotone gosige-ge, yauki geregere gahi kobakoba koita yau e kiege.<sup>36</sup>Subuta ge teude ra ki urimi rama, auka roma, auka so ata riaģa, ge tinahu ababu geregere vara ki au seni gahanu, iduke iaukamu gami hoekanu, mati au orea gaha tuhe iabera, iauki hapapa gahi gevenu, mati iauki habua gahi gevenu.<sup>37</sup>Au itahara hege iuda, galileia ata, ra koita ihi mimi negahe ge auki urimi rami, mati koita be iaberaki au seni gahanu, iduke au tagera iaukamu gamanu, mati au orea gaha tuhe gaita iaukamu hapapa gahi gevenu.

## 5

<sup>1</sup>Atabe ihiva Anania, au mabare Sapphira rutage yauki yau matame haevanu, <sup>2</sup>yauki haevane nata ihinava kamoanu (au mabare tage dibanara) yauki ihinava mi ti Apostolo yau vasi gaikehe maemanu.<sup>3</sup>Ge petero raki namiģi, roma, "anania e, orena kimena satani ai uhure iegen a horu aena taraģi mata damu hakira duhaģanu?" <sup>4</sup>A so haevia veitehe gera, mata era aiera, ani? Mati a haevane ei gera, damu vara aiera, ani? Negubutu, kara o na orena kimena a anaimea? Aka beta koita iabera aki taragevenu, a dirava ra aki taraģanu.<sup>5</sup>Anania raki ga e ihigei mauki moru gohi hoģe raģanu. Ge hariva ihine gahava iau bougei geraki siģo hovega raģohanu.<sup>6</sup>Ge eregabe iabera ki urihi rahi, au ahatane dabua va godomi, me iauki mi haki raģohi abatemenu.<sup>7</sup>Vani yaga a biga-ga itaharahe, Au mabare ki rogi sirivanu, dibana veite otadovanu varavanu.<sup>8</sup>Peter raki beraganu, ya mata haevanu natava ogugenu,"auki ronu, io, egugera."<sup>9</sup>Ge Peter raki kironu, " orena kimena ai mobore ruta yai uhure kobua gahare Dirava Horuve toho ganu? nigaha ai mobore abatemenu gahavaia yabemu e uduani rahanu, yauka atage a hirivi haki ragiravara. " <sup>10</sup>Inono veite auki ari raganu Peter vasi gaikehe Hoge raganu. Ata e ya siri ragohane, yauki hoeke behu ganu, yauki hirivi mioti au mobore gaika abatemenu.<sup>11</sup>Dubu gahavaia renu harie ihine koitava ya siģoi raho riaga raganu.<sup>12</sup>Hedo mati gago ragira me yabeki koita yau vagahe gagae gahege, Apostolo yau meve uhura. renu yau bouge kobuga gahime yauki Solomon Aena patavehe uyege.<sup>13</sup>Koita dadagava ra siģo ragohi yau ruga gahiģa veitera; eduge, koita yabaki motea gahi gevege.<sup>14</sup>Dirava riaga gahege gahavaia, ata mati magi yabemu yau ruga gahege.<sup>15</sup>yauki mati komata ragohege gahavaia idigei orogo hakiragi gosi gevege, Peter hanevege au varivave yau ada goisa.<sup>16</sup>Jerusalema gaika ogoayau uhura ge Koita mudago yabaki dika mati sua daure yau uhurehe uyege gahavaia idigi oroge-ge, yauki mage gahege.<sup>17</sup>Eduge aena koita be, au soukuhe ruga ( Sadducees koitavaya); vagadau ragohege.<sup>18</sup>Yauki urihare apostolo e gahi gevare yauki idigi vadibu yagava gosi gevenu.<sup>19</sup>Vahige Rohi Bauge aneruva beraki ti vadibu yaga baoare nisigei hakivare. auki kiro gevenu, " <sup>20</sup>ti dubu rahare maguri gava koita inuhati boriti gahi geiahe." <sup>21</sup>ga e ihare yauki va bao rahi oroge-ge uhura dubu uhura siri ragare hari mage roege. Eduge Aena koita e mati au ruta orogane koitava, yaberaki council mati Israel koita baugeva ihiro gevare, besu gevenu vadibu yagava ti Apostolo idigei orogisa.<sup>22</sup>Eduge yau otinei yauka vadibu yagava behu geige veitera, yauki goirago hare boriti raganu, <sup>23</sup>" No otinei vadibu yagavara basubasu era mati, nitabata gahavaia gaina ge uduani rahirahera; eduge udua bao raganei,gahavaia yaba veitera."<sup>24</sup>Aena gahavaia mati dubu biava ga e ihinei, yauki dau ragohanu. o makava na otavadoanu. <sup>25</sup>Yau vagahe koita beraki boriti gahigei ronu, ya vadibu yagava gosi gevene koitava yabera ra i dubu gera yauki koita ga-ga geva."<sup>26</sup>Eige dubu biava besu be gami raki au gamituhe ruga otare idigei goiragi oroganu, beta vagadau uhura, badivara koita yau sigore yauki ragohanu, yau negu muni tahu gahi geime. <sup>27</sup>Idigei orogare, yauki council yau vagotonehe gahanu. Dubu bauge e raki bera gevenu, <sup>28</sup>ronu," Nokamu ya boriti gahi gevenu yaka beta Iesu ihehe koita ga-ga geisa, eduge yai gare ramu Jerusalem uhurava tobo gahanu mati yaka gahara riaga ata o tagokera ni ada bohu ragisa."<sup>29</sup>Eduge Peter renu apostles yabeki ronu,Dirava gare nona ihisa beta koita. <sup>30</sup>No mamuhe yau Dirava ve raki Iesu iagemanu, yaki gamare, mi idi ada maemanu. <sup>31</sup>Dirava raki mi yagemi au vamaģahe maemanu, auka Rohi mati maguri Biavara, Israel maguri gahi goiragisa, renu yau daure ve vagua gahi geisa. <sup>32</sup>Nokamu eraganu ni niehe, renu Horu Aena tagera, Dirava raki au riaga gahare koitava mohi gevenu. <sup>33</sup>Yau ga e ihinei, yauki ho raho riaga raganu, yauka gahara riaga Apostolo e gahigei hoeki geisa. <sup>34</sup>Eduge Pharisee koita be ihiva Gamaliel, auka aena uhuvaka biavara, koita inuhati geraki matau gaha, auki koita yau vagahe urimi ramare ronu so ata o nisigei haki ragohiahe.<sup>35</sup>Auki ronu, Israel atava ya otavadoanu ya kisa roea koita o yau,yama gabidave misa. <sup>36</sup>Subuta Theudas ramu urimi ramare ronu autage koita bera, koita be tinahu ababu ramu auruta gahanu. yauki gami hoekanu, au ruta gahane yaberamu kobakoba gahare veite gahanu. <sup>37</sup>E itaharahe Galilee ata

be ihiva Judas ramu urimanu, ihi mimi vanihe koita butu gevege, yaumu au itahe oginu. au tage hoge rage-ge, au itahe goine gahavaia yabera hana raganu.<sup>38</sup>Yaka daki ya boriti gahi geima, yama koita o gare geisa, yau me kiare o ahata makava goiege, auka sebo ragira vara;<sup>39</sup>Eduge au Dirava ai goiege, yaka beta riagahu sebose vara; yama gabidava misa ya negu Dirava gogai gahime." yauki ei gare gevenu.<sup>40</sup>Yauki Apostolo ihiro gevare, gahi gevare, yauki aena gahi gevenu, yauka beta Iesu ihehe koita ga-ga gei goirago hisa.<sup>41</sup>Apostolo yabeki hegirita kansol gare gevenu badiva Iesu ihehe huhu nagohane dainehe.<sup>42</sup>E itaharahe yauki vani inuhati, dubu mati yaga kobakoba hari mage ro yoa ragohege, Keriso ra Iesu ra.

6<sup>1</sup>Vani e yau uhura Iesu riaga gahane gahavaia bina mudago gahanu, e uhurahe Helena gahavaia yabeki ki Heberu gahavaia mudumu gahi gevege, badiva yau magi gobuvea yabera yaheyae demaka mimi veitera<sup>2</sup>Apostolo yabeki Iesu riaga gahege gahavaia ihiro gevare kiogei ronu, " Beta magera no Dirava gare roro veite, a demaka me kisa. <sup>3</sup>E dainehe yama yai vagahe koita iatiriga idige-geisa koita, ihihi magate, horu aena mati uhuvakate ya. idi gevege yauma me o kisa. <sup>4</sup>a noka imimi mati Dirava gare ro ioa ragohisa."<sup>5</sup>Koita inuhati yau gare ihine yauki hegiri rahanu. Ge yauki Stephen manu,auka gabidadama renu Horu Aenava raki hobo gahane koita vara,mati Philip,Prochorus,Nicanor,Timon,Parmenas,mati Nicolaus, koita ihiva bera Antioch uhura. <sup>6</sup>Dirava riaga gahege koitava yabeki Apostolo yau vagotonehe idigei oroge-ge yauki yau ada imimi raghareyau Ada gosi gevenu.<sup>7</sup>Dirava gare ra raho go renu yau itahe goiege gahavaia dadaga goiare mati raho goinu, Aena gahavaia gaina ge yau gare riaga gahi gabidadama ruta.<sup>8</sup>Stephen ra mage mati hedo raki tobo gahanu, auki gauragira me mati hedo me kiogevege koita yau vagahe. <sup>9</sup>Eduge dubu nune me miege gahavaia, Cyrenians mati Alexandrians,mati Cilicia koitava mati Asia. Koita e yabeki urihi Stephen ruta enana ragohege.<sup>10</sup>Eduge yauka Stephen uhuvaka renu au Horu uhura gavege ruta geregere veitera. <sup>11</sup>ge yauki koita be tara gevege, yauka Stephen ada ga avanage rosa," Nokamu ihinu Stephen ramu Mose mati Dirava ada ga avanage ro gevenu."<sup>12</sup>Yauki ki ogo gahavaia renu koita nitabata gahi gevege gahavaia renu aena gahavaia yau uhure gani gahi gevege, yauki ti Stephen mare mi orogonu kansolo yau vagotonehe mi otinu. <sup>13</sup>yauki ga avanage gahavaia idi gevege, yauki Stephen ada ga rahi ronu, Ata ora ga daure mudago va auki ronu aena adira oi mati aena ada. <sup>14</sup>Nokamu ihege aumu ronu Iesu Nazareth koita vara adira o sebogare, mati ni tene magurive Mose no mohi gevene sivasi vara <sup>15</sup>Kansolo va gurahane gahavaia yabeki ena eragi unu badivara au erara vage ki goiragi aneru nagate goinu.

7

'Dubu biava raki ronu," On a ga riaga vanu? <sup>2</sup>Stephen raki ronu," Do gogonanuhea renu di mamuhe, di gare ihiahe: Dirava haire raki ni mame Abraham gasina gagae goinu au Mesopotamia uiegei ihiege auki Haran ti unu; <sup>3</sup>Dirava raki kironu ai matame renu ai ogo nanuhe gare gevare ote, dakena mata be a gagiromisa.<sup>4</sup>Ge auki urimi Chaldeans matava garemi ti Haran unu.' eige au mame raki hoge raganu, Dirava raki mi orogi ya o uiare matavahe maemanu. <sup>5</sup>Auka vatata moimi veitera, au vase maema adirava tage veite. Eduge auki Abraham ominuo gahanu, auka so gamika veite uhura, auka mata o mi moimisa,au mati au vahiruhea yaue.<sup>6</sup>Dirava ra onaki kime auki ga gahanu, au tenetuhea yabera mata gaita va u gamane ragirava ge mata e gahavaia yabera idi gevare yau me gahatuhe ini kiogei. renu beta mage gahigeisa tau daha ababu uhura. <sup>7</sup>Eduge Dirava ra onakime auki ronu, daka mata e gahavaia huhu gahi gei gevare, e itahe ge yauna mata ei haki rahi rogi da motea gahisa. <sup>8</sup>mati Dirava raki Abraham peritome aenava tage moimanu. eige Abraham raki Isaac mame goinu. renu vani abugu veite vage auki peritoma gahanu Isaac ra Jacob mame ra, a Jacob ra Rohi utu hakira abu yau mame.<sup>9</sup>Iduhu omoto gahi gahava iabe raki iosef mama gahi, aigupto gahava iau haevanu. Iduke dirava raki bamoanu, <sup>10</sup>renu au huhuve iaubougei uhura auki maguri gahanu; uhumahe renu uhuaka tage auki moimonu, farao, aigupto rohiva, vairahene; ge farao raki hedo moimi, aigupto matava renu au iage rohiva goisa."<sup>11</sup>Gubu mati huhu raki Egypt mati Canaan matava inuhati eda gevenu, ni mamuhe yabera demaka iagohege. <sup>12</sup>Eduge Jacob ihine Egypt ra demakete auki ni mamuhe besu gevenu, yau ganai ve Egypt otinu. <sup>13</sup>Yau ioa abu gahi gavehe, Joseph raki avahu au gagae kinu au nanuhe, eige Pharaoh ki Joseph ruta guru rago hane yau dibana goinu.<sup>14</sup>E dainehe ge Joseph raki au nanuhe besu gevenu yauka ti yau mame Jacob mi orogisa Egypt, au mati au ogonanuhea ruga, yau atera utu iatirigava hakira ada kasiva. <sup>15</sup>Eige Jacob raki Egypt otare ei hoge raganu. au mati ni mamuhe. <sup>16</sup>Yauki idigei ti Shechem, abate gevenu, Abraham mata be Hamor gamuhe yau haevane adirahe.<sup>17</sup>Dirava Abraham ominuo gahane vaniva oroge-gei, Koita yabeki raho gahare mati mudago gahanu Egypt uhura. <sup>18</sup>E uhurage Rohi nune be raki Egypt uhura Rohi goinu, auka Joseph dibane veitera. <sup>19</sup>Auki ni koitatuhe daure gahi gevare mati huhu gahi gevege, auki mati hero gahi gevege yauka yau gami karuka hoeki geisa.<sup>20</sup>E uhurage, Mose raki guruanu, gami mage riaga, Dirava vagotonehe. Au iahuve yabeki bata abiga-ga yaga uhura vasiganu. <sup>21</sup>yau itahe mi hakirage-ge, Pharaoh mae raki mi vasigi raho gahare au moe inu kinu.<sup>22</sup>Mose ra Egypt yau uhuvake hege yauki uhuvaka gahanu, e dainehe au gare mati au meve inuhati ra hedo katera. <sup>23</sup>Eduge au taue utu ababu goiege, auki au uhure kinu auka au Koita tuhea Israel gahavaia deiva gahi geisa. <sup>24</sup>Auki Egypt koita be erage-ge auki Israel koita be ki daure gahanu, Mose raki urimi Israel koita e yahegi Egypt koita e gami hoekanu: <sup>25</sup>Au ananave au gogo nanuhe yau uhurera bao ragisa, Dirava ra au adehe maguri gahi geisa, eduge yauka dibana veite.<sup>26</sup>Tahege Israel ata abuge ki garahege, uhura auki yau vagahe gagae goinu, auki kiro gevenu, 'ataya, yaka gogonana yabera; onebe dainehe gena ya bebe daure gahi geva. <sup>27</sup>Au gogo nane daure gahane koitava raki urimi Mose ki ronu, unuhuna a mi ni Rohive mati ni daureve gava vivi koitava ronu? <sup>28</sup>Ana dakena a da gami hoekisa roma, a number Egypt koita e gami hoekane nagate?<sup>29</sup>Mose ga e ihinei auki sivi goromi Midian otinu, eige au gamuhe gamiva abu ruga ki guru raganu. <sup>30</sup>Tau utu ababu

kosavege, aneruva raki au gagae goinu, Sinai nimu ada, vene gisu uhura bubu nage-ge uhura.<sup>31</sup>Mose vene eraganei, auka hegiri riaga auka regunaki ti eragisa; auki vene e kahika gahi eragisa ro otinu, Rohi Bauge enoge raki roege,<sup>32</sup> Daka ai mamuhe yau Dirava vera, Abraham Dirava vera, renu Isaac mati Jacob.' Mose raki gabubu vare, auka mati nigahi goiragira veitera<sup>33</sup>Rohi Bauge raki ki ronu ai vasi edavane e ariga,a ramare adira vara aena vara. <sup>34</sup>Dirava raki kironu Dakamu di koitatuhe Egypt; uiare yau huhu e eraganu mati yau ganagave ihinu, maguri gahi geige dainehe daki oroganu; orogo, daka a besuge aka Egypt otitoara.<sup>35</sup> Israel Mose besibe gahare rone, unuhuna ami ni biage renu ni nisinisi koitave kinu?' auka Dirava raki besu ganu auka yau biage goiare mati yau yaheyahe koitava goisa. Dirava raki aneru adahe besuganu, aneru kobuge raki gisu ragane au gagae tau utu ababu uhura. <sup>36</sup>Mose raki Egypt nisi gei hakivanu, au hedo me dadaga kine itaharahe Egypt mati Reeds eve mati mata gagae tau utu ababu uhura. <sup>37</sup>Mose kobuge raki Israel gahavaia kiro gevenu, Dirava ra yani Peroveta koita be yageya vara yai vagahe.<sup>38</sup>ata e tagera mata gagaeva be be hou gevene) uhura, renu sinai nimu kobokahu au ga gahane aneru va renu ni vahiruhe ruğa auki guramege. Auki mağuri ga manu; aune mati no mohigeisa. <sup>39</sup>iduke ni vahiruhe iabe raki ura veite au gare ihisa, besibe gahi renu iau urave iauka goirağohi aigupto otisa. <sup>40</sup>renu iauki Arona boriti gahi roea, "noğa dirava nune be kiogeve iauma ni vairanehe oğisa; badiva noka negu mose no nisiğagei aigupto seni haki rağohane atava na orena gena au goinu?". <sup>41</sup>nega ei iauki boromakau gamika be suarava be kiarei, renu boubou iağa tagera negu kaivakuku e vairanehe iauki gosigevenu, iau ada kikive kohua heğiri gahi gevege. <sup>42</sup>ge dirava raki itağatu gevenu, iauka iauvağū va kohu tomadiho gahigeisa, peroveta gahava iau beika vehe torevane gereğereva roea; "Isaraela gahava e, lağani utu ababu (40) mata gagaeva ia gahi gevege boromakau va renu boubou iağa iabera di vairanehege iaki gosiganu ani?"<sup>43</sup>veitera molok dirava va dabua kaea renu refan, hisiu dirava va iaki idiği rahi iorağege, sinaradiva (lauladiva) ia kirogei tomadiho gahi gevege dainehe. Daka negu babulon kasiva ia idiği otitivara."<sup>44</sup>"dabua kaea dubu vara ni vahiruhe iaberaki, taravatu badina gahege iağaniva mata gagaeva manu, dirava mose boriti gahane gumahe renu au erara vehege iauki kinu. <sup>45</sup>renu ni vahiruhea ihihe vara rağohare iabe raki miarei, iosua nega vehe taboi orogi bese nune gahava iau matame idigevene negahe; dirava raki ni vahiruhe iau vairanehe bese nune e oeagevege, orogi david negavehe. <sup>46</sup>david raki dirava mağeve miarei, renu auki imiği iakob dirava te dubu e auka tai oi gosa. <sup>47</sup>iduke solomon raki dirava dubu e gonu. <sup>48</sup>iağa kobua berage dirava (herea mikamika) ra ada kiki iağava guragu veitera; peroveta ata gare gereğereva roma; <sup>49</sup>Rohiraho era roma." Va ra di guragu gabune Vateta o ra di vase maeamia gabua;laga one bedikave be iana dani goğoa nu? Di vağa roro gabunena orenu? <sup>50</sup>iağa o iau bougei dana di adehe kiogei veite nu?"<sup>51</sup>Yaka eno berebe gahavaia yabera yai soruke renu yai ihikone peritoma veite dainehe, yaki Horu aena besibe gahanu; yai mamuhe kine nagate, yaki mati kia. <sup>52</sup>Peroveta orena yai mamuhe daure gahi geige veite? Koita ieriri ve ororove ro gagae kiego Peroveta koitava ya bera yai mamuhe yabaki gahi gei hoeki gevenu; e dainehe ya gaina ge au bive kiare mati gami hoekanu gahavaia yabera. <sup>53</sup>yaka aneru ya aena kine mane gahavaia yabera, eduge yaka aena e kamuka veitera.<sup>54</sup>iau ga e ihine negahe iauki ho dikadika rağohi, iau eğiie ginogi gahigei. <sup>55</sup>iduke stefano ra horu aena va raki roheği; renu auki gagai va eraği, dirava haire auki erağanu renu iesu ra dirava va mağeve hege auki ramanu. <sup>56</sup>ge auki roma, va ra dakaki erağima, bao raği mauki, taunimanima moe tagera dakaki erağima, dirava va mağeve hege auki ramanu.<sup>57</sup>Kansol yabe raki yau ihikone baku gevare, yau uhure kobuga gahi geime yauki bara ragoiare ruru rahi au gasina otinu. <sup>58</sup>Mare yauki butu butu gahi ogo itaharahe mi otare yauki muni tahu gamege. garu gahavaia yabe ki yau ogonave idigei gami isage be ihiva Saul vasi gaikehe tata gevenu.<sup>59</sup>Yau muni tahu gamege uhura, auki toa roege Rohibauge, Iesu, di suare ma. "<sup>60</sup>Auki komuko daivi nivi barai ronū, Rohi Bauge anegu yau daureve kamu." geime. au ga e rone itaharahe auki hoge raganu.

## 8

<sup>1</sup>saulo raki stefano iau gami hoekane mağe gahanu. Nega ei dağedağge raho hereava raki varaige, ierusalem uhura ekalesia oreava dağedağge gahigei renu ekalesia oeagei irehe gahi ohe gahi. Iudea renu samaria mata inuhati; aporetolo iabe raki iauvağū gurahege. <sup>2</sup>dirava siğamare gahava iaberaki stefano nina gahanu mati abatenu. <sup>3</sup>a saulo ra ekalesia oreava auki hadika gahi, iağa iau bougei uhurahe sirivi, ata iabe renu maği butugei hakirağohi vadibu iaga va kou gevenu.<sup>4</sup>ekalesia oreava karohe gahi gevene gahava iabera gabu nununene iaue iauki oti ga mağe haroro gahege. <sup>5</sup>filipo uguhi oti, samaria oğobei hakivi; oro e gahava keriso garehe haroro gahi gevenu.<sup>6</sup>Koita mudagoa raki Philip gare ihige; uhu kobugava, yauki au gare ihare mati au hedo me kiego erage-ge. <sup>7</sup>Sua daure koita yau uhurehe uege yabera bara ragare hakirage, ahata Hoekete mati ogigi veite gahavaia gaina ge mage gahege. <sup>8</sup>Ogo e uhurava hegiri tage raho goinu. <sup>9</sup>Ata be ihiva Simon, ogo uhura eige auki subuta goto kiego, Samaria gahavaia gu gaurago hege, auki avahu roege auka koita ihiva bera. <sup>10</sup>Samaria koitava inuhati avie ti iahu, au gareguge yauki ihege; yauki roege, " Ata ora Dirava hedo bage vera." <sup>11</sup>Au gare gugera yauki ihege badiva nega gamana vara, auki au goto meve kiogevage yauki motea gahege.<sup>12</sup>Eduge Philip Dirava basileia hari mage Keriso Iesu ihehe roege yauki gabidadama raganu, renu ata , magi inuhati babatiso manu. <sup>13</sup>Negu goto kiego koitava tage Dirava riaga gahare, babatiso manu, au bapatiso mane itaharahe auki Philip ruta uyege uhura auki, Dirava hedoke mati gauragira me dadaga era gevare auki motea motea viege.<sup>14</sup>Apostolo ya Jerusalem ihine Samaria yabera, Dirava hari mageve mane, yauki Peter renu John besu gevenu yau gasina. <sup>15</sup>Yau orogerei, yauki yau are imimi raho manu yauka Horu Aena misa. <sup>16</sup>Horu aena ra so yau ada ugugu veite dainehe; yauki Iesu Rohi bauge ihehe bapatiso gahi gevenu. <sup>17</sup>Peter mati John yaberaki yau ade mi yau ada gosi ge-ge yauki Horu Aena manu.<sup>18</sup>Simon Apostolo eragei yau ada idigei koita yau omotehe gosigei Horu Aena miege dainehe, auka ta nata mohi geisa roege. <sup>19</sup>auki ronū, " hedo e da moimiahe, Da tagemu koita yau omotehe ada maemige yauma horu aena misa."<sup>20</sup>Eduge Peter raki ronū, " ai

natave ruta hoge raga, badiva ai anana vera aka Dirava herahi iagane mi natava haevisa. 21 me oige aka au veitera, badiva Dirava vagotone hege ai uhure ra ieriri veitera. 22E dainehe ai daureve uhura ai uhure sivava, Rohi Bauge imiga, auka inagu ai daureve ariari vara. 23badiva da a eragarera aka idi ganite mati maguri daure uhurage aki uma." 24Simon raki ronu," Di dainehe Rohi Bauge imigiahe, ya ro gevene iaganiva negu di magurive he riaga gahime. 25Yau Rohi bauge hedoke renu au hari mageve boritiva ragane itaharahe, Peter raki John goiragohi Jerusalem otare, yauki mati hari mage ro yoa ragohege Samaria ogova inuhati uhura. 26Rohi Bauge aneruve beraki Philip ga-gahi ronu, Urimi ote, uguhi Jerusalem mati Gaza gumava he ote," (guma ora mata gagae vara,) 27Auki urimi otinu. eige, Ethiopia ata ihite be, auka Candace, Ethiopia Rohi Magiva hedokehe auki me miege, Rohi Magi e yagane inuhata ge auki nitabata gahege. Dirava ra auki motea gahisa ro jerusalem oroganu. 28Auki goiragi sa rome auki au kariota ve uhura guramare, auki Isaiah Peroveta koitave gare dahege. 29Horu raki Philip ki ronu," Kariota vire gaika ote." 30Philip raki au gaika tiare, ihege auki Peroveta koita Isaiah gare dahege, auki ki ronu," ana ga e a dahare makava dibananu? 31Koita eraki ronu,"dana orena ki dibana goigovanu, Koita begu da yahege. Auki Philip ihiromi gadimi ti au ruta guramanu Kariota uhura. 32Negu Ethiopia koita e dahege gavara onaki me auki ronu, " auka mamoe nagate nisi gami ti gami hoekisa ronu, mati mamoe gamika nagate au homoke dodo isaronu eduge auka kerigo i unu, au savage baoba veite. 33avahuge auki au avie gahanu, aenava au gasina ge yauki aragiganu. Unuhuna au teneve riagava gava vivi vanu? badiva au magurive ra mata ada oige yauki manu. 34Aena koita eraki Philip beraganu," aka daki a imigima, Peroveta koita ona unuhu gare na au vima, avahu au badine au roma se, koita be gare na au vima? 35Philip raki bina gavanu, ga aenava ge auki mata vare ti Iesu Keriso harike tage boriti gahanu. 36Yau gumaga otegei uhura yauki eia eraganu, Koita eraki ronu,"eraga, eia vara mu onu, otavado na di bapatiso mimi gumage basuba vanu,? 37Philip raki ronu,a ai uhure inuhati Iesu keriso riaga gahege dana a bapatiso gahisa. negu Ethiopia koita eraki ronu," daka Iesu Keriso daki riaga gahima, auka Dirava moera. 38Inono veite Ethiopia koita eraki roege kariota e raki daivanu, yauki yau abu gorohi eiava tiege, Philip raki babatiso gahanu. 39Yauki yau abu eia uhura hakira ge, horu aena raki Philip mi gahe otinu, Ethiopia koita era Philip eragi goiragira veitera, eduge hegiri ta ge auki goiragi otinu. 40Philip ra mati Azotus ge auki gagae goinu, mata e inuhati uhura hari mage mi ioa gahege ate Caesarea hakivanu.

## 9

<sup>1</sup>Saul ra gahara riaga auka Dirava itahe ogiege gahavaia gahigei hoeki geisa, eige auki aena biava bauge gasina otinu. <sup>2</sup>auki imiganu, auka Damascus dubu gahavaia yauni ga mi otisa. yau Damascus uhura, ata mati magi behu gevare, Dirava gumagehe ogiege, auka raro gevare idigei,goiragi Jerusalema orogisa. <sup>3</sup>Au otege uhura, Damascus kahika goine uhurage, abaga ketake beraki organu, abaga era vava seni ge auki ugu hanu; <sup>4</sup>au vata ari ragane uhurage auki eno be ihinu, eno e raki ronu,Saul, Saul, esena a da daure gahima?"<sup>5</sup>Saul raki berabe vanu,"ana unuhunu Rohi bauge?" Rohi bauge raki ronu," daka Iesu ra, aki da daure gahima; <sup>6</sup>Eduge urima, ogo uhura ote eige yauna a boriti gahisa ana otado kikivanu." <sup>7</sup>Saul ruta otine atava ya gahi ga veite,w<sup>8</sup>Saul Urimi ramanei, auki ni Baoanu, eduge auka yaga be erara veite; yauki adakahe nisi gamare Damascus ogo uhura siri raganu. <sup>9</sup>Auka vani abiga-ga uhura niga niga veite, eia be i veite mati tamuta veite.<sup>10</sup>Damascus uhura Dirava kamuka koitava ra Rohi Bauge raki yago ihiromonu, "Ananias! ge auki ronu Rohi Bauge "eraga dakamu onu." <sup>11</sup>Rohi Bauge raki ki ronu, " urimare, ieriri orogo ote, Judas yagehe otare Tarsus atava be ihiva Saul, aukame imimi vima. <sup>12</sup>auka yagoge auki atabe eraganu ihivara Ananias au gasina ti ai ade mi au omote maema, auma niganiga vi goiragisa."<sup>13</sup>Eduge Ananias raki ronu, "Rohi bauge, Dakamu au harike koita yau ihinu, auka ai aena koitatuhe mudago Jerusalem uhura auki gahi gevenu. <sup>14</sup>Oi tage aena gahavaia yabeki hedo moimanu auka ai ihe ganaga gahare koitava inuhati daure gahi geisa. <sup>15</sup>Eduge Rohi Bauge raki ronu au gasina ote, badiva dakamu manu, auka koita nunenune, ogo Rohi mati Israel gahavaia yau vagotonehe di ihe mi ioa gahigavara. <sup>16</sup>Dakena gagiromi sa auka di ihe dainehe huhu raho vivira."<sup>17</sup>Eige Ananias raki oti yaga uhura sirivanu. auki au ade mi au ada maemare ronu," di gogonane Saul, Iesu Rohi bauge, guma tanahe a oroganei guma tanahe ai gagae goine,raki da besu ganu badinava aka niganiga vi goiragisa mati horu aena vana a tobo gahisa." <sup>18</sup>Inono veite karava seika nagate ki au ni uhurehe hakivanu,auki nigahi goiraganu. renu auki bapatiso manu. <sup>19</sup>Auki tamuta vare, herote goiare auki mati Dirava riaga gahege gahavaia ruga vani rorebe Damascus unu.<sup>20</sup>Inono veite auki Iesu hari mageve dubu uhura roege. auki gavi roege Iesu ra Dirava Moe. <sup>21</sup>Au gare ihine koitava inuhati gauragohi roege, " Oramu eta vanahe Dirava itahe ogie-ge gahavaia gahi gevege koitava? au oi orogane makavara auka idigei Aena gahavaia yau gasina otisa." <sup>22</sup>Eduge Saul hedoke raho goiege, Jew koitavaia Damascus uyege yau uhure auki daure gahi gevege makavara auki Iesu riaga gahare roege Iesu ra Keriso.<sup>23</sup>Vani dadaga itahe, Jew yabeki yau uhure kobuga gahi gevenu, yauka Saul gami hoekisa. <sup>24</sup>Eduge Yau anana ve ra, Saul ki dibana goinu. Yauki vahi mi vani mi magu nitabata gahege Saul gami hoekiki dainehe. <sup>25</sup>Eduge yahege koitava yabeki, vahi mi boteka uhura haba seni mi itahe gariremenu.<sup>26</sup>Au Jerusalem hakivanei, auka gahara riaga Iesu riaga gahege koitava ruga kobuga gahisa, Eduge yauki yau bouge sigamage, mati Saul riaga gahiga veite. <sup>27</sup>Eduge Barnabas raki nisi gami Apostolo yau gasina otare, auki boriti gahi gevenu, Orena kime na guma tanahe Saul Rohi bauge eraganu, mati ga gahane. renu Damascus uhura auki hero ruta hari mage roege, Iesu ihehe.<sup>28</sup>Saul ra yau ruga ge auki sirivare mati haki vege Jerusalem uhura. auka hero ruta ge auki,Rohi Iesu ihehe hari mage roege. <sup>29</sup>Grecian Jew ruga tage auki gavege, Eduge yauka au gami ga gumage yauki yago ege <sup>30</sup>Au gogo nanuhea yabeki dibana gahare yauki mare mi uguragi Caesarea tiare besuge-ge auki Tarsus otinu<sup>31</sup>Nega eige, Judea matava inuhati uhura, Galilee, mati Samaria tage mai yauki manu; herote gahare, yauki mati Rohi Bauge sigamege, ge Horu aena raki hero gahi gevege, e uhura yau ate ra dadaga goiege. <sup>32</sup>Peter ra ogo kobakoba uhura sirivi oti Dirava aena gahatuhe, Lydda uiare yau gasina hakivanu.<sup>33</sup>Eige auki ata be

behuganu ihivara Aeneas, auka tau abugu veite auki uriru veite, badiva auka kumukumu vera.<sup>34</sup>Peter raki kironu," Aeneas, Iesu Keriso ramu a maguri gahanu. urimare ai gahunu ve maema mage gaha," inono veite auki urimanu.<sup>35</sup>Lydda mati Sharon uhura uyege gahavaia ate e eragane, yauki yau sivai gei Rohi Bauge gasina gahanu.<sup>36</sup>Joppa uhurage, Iesu riaga gahege magi va be raki uyege, ihivara Tabitha ( au ihe bera Dorcas"). au magurive uhura auki hero kiare koita vagahu gahi gevare, mati goroa vasi geveve.<sup>37</sup>Vani eige auki dika vare, hoge raganu; yauki eagomare mi ti auhe yaga uhura maemanu.<sup>38</sup>Lydda ra Joppa gaika gera eige, Iesu riaga gahege koitava yabeki au harike ihime yauki ata abu besu gevenu Peter gasina, yauki imigi ronu," No ruga vaina orogo."<sup>39</sup>Peter raki urimi yau ruga otinu. au kauwege yauki nisi gami yaga auhe gadihanu, gobu yaberaki rahare nigo ragohege, au ogona mati magari tigu gevene yauki gagirome ge au yau ruga maguri viege uhura.<sup>40</sup>Peter raki gobu e idigei itahe gosi gevare, auki komuko daivi Rohi bauge imiganu; auki mati ronu " Tabitha, urima." Tabitha raki ni bao re, Petr eragare auki urimi guramanu.<sup>41</sup>Peter raki au ade mi moimare yagemanu; auki Dirava aena gahatuhe renu, Gobu ihiro gevare auki Dorcas mi mohi gevenu.<sup>42</sup>Hariva raki Joppa uhura raho goinu; koita mudago yabeki Rohi bauge riaga gahege.<sup>43</sup>Peter ra vani gamana tine kibe au Joppa unu, ata be ihiva Simon ruta.

## 10

<sup>1</sup>Caesarea ogova uhurage Ata beraki uyege, ihivara Cornelius, auka Italian ga gami yau biagera gahi geige koitavara,<sup>2</sup>renu Dirava gahara viege mati sigamege, au yaga gahatuhe dainakehe ruga, koita yaue kiegoe mati au uhure inuhati ruta Dirava imige-ge.<sup>3</sup>Vani iahu uhurage, auki Dirava aneruva au gasina oroge-ge eraganu. aneruva eraki ki ronu, "Cornelius!"<sup>4</sup>Cornelius raki sigota aneru e garu gahi uyare ronu, " one otavadoanu,?" Aneru e raki kironu, a imimive renu ai yaheyaheve yabera herahi mage vara auki gadimanu Dirava vagotenehe.<sup>5</sup>Negu but ata be besuga au Joppa ogovahe out ata be ihiva Simon au ihe bera Peter.<sup>6</sup>Auka ata be ihiva Simon mamoe vadaka berebe me gahare koitava gasina ge auki uma,au yagera eve gaika gera."<sup>7</sup>Aneru ga-gahane otege, Cornelius raki au besube gamituhe abu mati au nitabata gahare gamiva yau vagahe au me gami mageve ihiro gevenu.<sup>8</sup>Auki aneru rone gava inuhati boriti gahi gevare besu gevege yauki Joppa otinu.<sup>9</sup>Tahege yauka so guma tanahe, ogo kahika goine, vani iahu uhura Petr raki Dirava imigisa Rome auki yaga variada gadimanu.<sup>10</sup>Auki gubu raganu auka gahara riaga demaka be isa. Eduge koita ya huh gonoge uhura, au ahatane raki isuhanu<sup>11</sup>Auki va erage-ge auki uguhi Bao gevenu uhurage magari ketana nagate beraki uguhi oroganu,<sup>12</sup>uhurahe gera ogie-ge, dara ragohege mati uguha vava hurago hege nunenune maguriva ya.<sup>13</sup>E uhurage eno beraki ga-gahanu: " Peter, urima, gahigei hoeki gevare iogeve."<sup>14</sup>Eduge Peter ki ronu " veitera Rohi Bauge; daka iaga daure renu iaga ona kikive be i veite ate negu."<sup>15</sup>Eduge eno eraki gaitana boriti gahanu: Dirava mage gahane iaganiva inuhati, anegu rome era daurera."<sup>16</sup>Nega abiga-ga ge iaga kobuga raki au gagae goinu; inono veite iaga eraki mati goiragi vava otinu.<sup>17</sup>Peter ra au niganiga vane makava ananava viege uhura, Cornelius besu gevene koitava yabera magu rahirahe yauki berabe ragare yaga siri raganu.<sup>18</sup>Yauki berabe raki ronu Simon, au ihe bera Peter, na oigena au uma.<sup>19</sup>Peter ra au niganiga nune vane dagedage ana vege uhura, horu aena raki boriti gahanu, "ata abiga-ga me a yagoa.<sup>20</sup>urimare yau ruga ote. anegu besibe vime ama yau ruga otisa, badiva daki besu gevenu."<sup>21</sup>Peter raki goromi yau gasina tiare ki ro gevenu," ya yagoare koitava ramu daki. one be dainehe gena ya oroganu?"<sup>22</sup>Yauki ronu, ata be ihiva Cornelius, auka Aena koita yau biage, mati Dirava sigamare koitava bera, renu Jew gahavaia yau vagahe au harikera ra magera, aneru aena be raki ga-gahege-ge auki ai dainehe no besu gevenu aka au yagehe otisa, ge auka ga aena ihisa,"<sup>23</sup>Peter raki ihiro gevege yauki au ruta yaga ti unu. tahege auki urimi yau ruga otinu, Joppa seni orogane gahavaia tage yau ruga.<sup>24</sup>Tahege yauki Caesarea ogo oroganu. Cornelius raki uhuya uhuya gahi gevare; auki mati au gogonanuhea, au vasiruhea, renu au yaga gahavaia ihiro gevenu yauki bou ragohanu.<sup>25</sup>Peter raki gadimege, Cornelius raki au ruta ada mare auki mati Peter vase gaika gorumare Peter mage gahanu<sup>26</sup>Peter raki mi iagemare, ronu, urimi rama; da tage a nagate koita unagera.<sup>27</sup>Peter auruta gavege uhura, auki yaga sirivi, koita mudago bouragane auki behu gevenu.<sup>28</sup>auki kiro gevenu, " yaka dibana ra, Aena vara ra veitera Jew koitava be ogo nune koita be ruta kobua gahi uyare se deiva gahare. Eduge Dirava ramu da gagi romonu daka beta koita be mi daure rosa.<sup>29</sup>E dainehe ge, ya ga besuganei, daka ho veite daki orogonu, eige daki ya bera geima one be dainehe gena ya di dainehe besubesu raganu."<sup>30</sup>Cornelius raki ronu, vani aba-abu ge ramu otinu, daka di yagehege daki Dirava imige-ge vani iahu onakikive uhura; daki ata be eraganu, auki di vagotenehe ramanu, au ogona vera kiki naginave.<sup>31</sup>auki ronu, Cornelius, ai imimive renu a koita goroa yahe gevene, Dirava ramu anagei uma.<sup>32</sup>eige koita be besuga au Joppa ote, au ti atabe ihiva Simon au ihe bera Peter ra. auka ata be ihiva Simon, oho vadaka berebe me gahare koitava yagehe ge auki uma, eve gaika.<sup>33</sup>eige daki vaina ai dainehe besubesu vanu. a orogane dainehe ge daki a imigima nokamu o ni bouge bouraganu Dirava vagotonehe, no gahara ragohare ra aka Dirava a gani gahane gava roege noka ihisa.<sup>34</sup>Peter raki au avage baoare ronu," riaga Dirava ra koita yau niganiga ragare gumava he niganiga veitera.<sup>35</sup>Eduge mata ada o Koitava inuhati Dirava sigamege renu maguri ieriri kiare yabera auki anagei mage gahigeima.<sup>36</sup>Au Isael yauni ga besugane yaka dibanara, auka hari mage maivara auki auki besuganu Iesu Keriso. auka koita au bouge yau Rohivera.<sup>37</sup>Judea uhura vara ragane iaganiva inuhati yaka dibanara. Galilee ge auki matava vanu, Ioane raki bapatiso itaharahe ro gevege,<sup>38</sup>Ga ra Iesu Keriso Nazareth atava harike ra. Dirava raki Horu aena mati hedova tobo gahanu. auki ti mage ki ioavege, diabololo daure gahi gevege koitava maguri gahi gevegeya, Badivara Dirava ra au gore gera.<sup>39</sup>Noka ni bouge dibana ra Iesu me kiogevege inuhati. Jew yau matamehe mati Jerusalem uhura. yauki gami hoekare mi idi ada karibe menu<sup>40</sup>Eduge Dirava raki vani abiga-ga itaharahe maguri gahare mati gagae kinu.<sup>41</sup>Beta koita au bouge yau ge auki gagae kinu eduge Dirava urigoi idi gevene gahavaia yau mati no au ruta tamuta rago hege au magurivi goiraganu itahe.<sup>42</sup>Auki

no ugoro gahi gevenu noka koita boriti gahi geisa, auka Dirava raki manu, maguri mati mati Hoge gahavaia yau daureve gage kiki koitava goisa. <sup>43</sup>Peroveta gahavaia inuhatia geramu Peroveta gahanu unuhuna Iesu riaga gahima auka au daureve uhura maguri Mimi vara Iesu ihehe. <sup>44</sup>Peter ga vege uhura, Horu Aena raki au gare ihege koitava yau ada bohu raganu. <sup>45</sup>Iesu riaga gahege koitava ya mati Peter ruta bou rage-ge gahavaia gaurago hege badiva Horu Aena koita nune yau ada bohu ragane dainehe. <sup>46</sup>Badivara yauki ihege koita nune yabeki mei nunenune va ga ragare Dirava motea gahege ge Peter raki ronu, <sup>47</sup>unuhuna eia veite roroanu koita o yau dainehe, he yauka beta bapatiso misa, yau gaina geramu no nagate Horu aena manu? <sup>48</sup>Auki ugoro gahi gevenu yauka babatiso misa Iesu Keriso 4 ihehe. yauki mati origanu auka yau ruga vani rore be usa.

## 11

<sup>1</sup>Apostolo ya mati gogonana ya Judea uyare ihine koita nune gaina Dirava gare manu. <sup>2</sup>Peter Jerusalem oroganei, peritome badina gahane gahavaia yabeki Peter namiganu; <sup>3</sup>yauki onaki ronu " aka peritome veite koitava ruga ge aki tamuta vanu!"<sup>4</sup>Eduge Peter raki badiva boriti gahi gevenu matava vanei ate au netuaneii,auki ronu, <sup>5</sup>Daka Joppa ge daki yaga ada imimi viege, daki niganiga nune be vanu daki ogona nagate be eraganu, auki vava seni daiguni aba-abu di vagotonehe rogi yaganu <sup>6</sup>daki garu gahare daki anana vanu. daki uhurahe vasi aba-abu iaga nunenune magurivea eragevenu, vata ada oi dara ragohare iaganiva mati uguha vava huragohi ioa ragare.<sup>7</sup>Daki ihege eno beraki ronu, Peter, urima, gahi gevare hogeve!<sup>8</sup>daki ronu ,veitera,Rohi bauge; iaga daure mati Aena veite iaganiva daka i veitera.' <sup>9</sup>Eduge and kobuge eno kobuge raki vava seni ronu,"Dirava kiogevege iaganiva inuhati gera magera, anegu rome era daure ra.' <sup>10</sup>nega abiga-ga, itaharahe iaga inuhati mati gadihi goirago hi vava otinu.<sup>11</sup>E uhurahe ata abiga-ga da uyege yagavahe rahanu: Ana beraki Caesarea seni besu gevenu di gasina. <sup>12</sup>Horu aena raki da ugoro gahanu daka yau ruga otisa, daka di uhure kobuga gahare yau ruga otisa. koita agorokiva ki da ruta otinu, ge noki koita e yagehe otinu. <sup>13</sup>Auki no boriti gahi gevenu au aneru eraganu au yaga uhure, auki ronu, ' ata be besu geve yau Joppa otare Simon au ihe bera Peter ra. <sup>14</sup>aukena ga riaga a boriti gahisa a mati ai yaga gahatuhe iaka maguri ragohisa.<sup>15</sup>Da ga-ga gevege uhura, Horu aena raki yau Ada bohu raganu au subuta ni ada bohu ragannagate. <sup>16</sup>Daki Rohi Bauge gare Ana gevenu, Ioane ra eiava ge auki bapatiso kinu; eduge aka Horu aenava ge ana bapatiso misa.<sup>17</sup>Dirava raki bina au herahi iagane mohi gevenu no Rohi Bauge Iesu Keriso riaga gahane, dana unuhuna daka Dirava gahara vare basuisa. <sup>18</sup>Yau ga e ihi gevene, yauki kerigahi uyare, Yauki Dirava motea gahare roege," Dirava ramu koita nune yau daureve keto gevenu yauka maguri mimi dainehe."<sup>19</sup>Stephen hoge ragane dainehe gogai varaki koita kiogevege yauki hana rahi ogo kobakoba otinu Phoenici, Cyprus, mati Antioch, Jew gahavaia yabeki avahu hari mage ihege. <sup>20</sup>Eduge koita beya Cyprus, Cyrene, mati Antioch gaina ge Greek gahavaia, Iesu Keriso hari mageve boriti gahi gevege <sup>21</sup>Rohi Bauge ade yau ada uyege dainehe; koita mudago yabeki yau gare riaga gahare yau maguri idigi Dirava moimege.<sup>22</sup>Jerusalem dubu gahavaia yabeki yau harike ihare, yauki Barnabas besu ge-ge auki Antioch otinu. <sup>23</sup>Au oroganei auki Dirava haire eraganu, auki hegiri vare hero gahi gevenu yauka yau uhure ruta Rohi Bauge uhura usa. <sup>24</sup>auka koita mage renu Horu Aenava mati gabidadamava hobo ragane dainehe Rohi Bauge gabidadama gahabe koitava ya mudago gahanu.<sup>25</sup>Barnabas ra urimare auki mati Saul agoisa ro Tarsus otinu. <sup>26</sup>Behu gare, auki nisi gami Antioch otinu. Eige yauki yau abu tau kobabe uyare dubu gahavaia ruga bou ragare mati koita dadaga ga riaga gagiro gevege. Iesu riaga gahege koitava yabera yauki ihiva ro gevege Christians Antioch uhura.<sup>27</sup>Nega eige Peroveta koita be yaberaki Jerusalem seni orogi Antioch otinu. <sup>28</sup>Ata be ihiva Agabus, yau vagahe gamare, doe ketake orogare gava vanu, Horu aena boriti vane geregereva. doe era Claudius nega hege auki riaga goinu.<sup>29</sup>Eige Iesu riaga gahege gahavaia inuhati geki anana ragare demaka isigi rogi bougera yauki au gogonanuhea yauni besu gevenu Judea uhura. <sup>30</sup>Yauki nata tage besu vanu dubu bia mohi geisa ekalesi nitabata gahi geige dainehe.

## 12

<sup>1</sup>Nega eige King Herod raki ekalesi be idi get auka gahi geva ronu. <sup>2</sup>auki James, John,nane egiva gami hoekanu.<sup>3</sup>Au eragi Jew gahavaia hegiri rage-ga auki mati Peter tage manu. vani eigeru hauaka begibe hegiri vanivara. <sup>4</sup>Peter mare auki mi vadibu yagava maemanu, auki ga gahavaia utu aba-abu kiro gevenu yauka Peter nitabata gahisa.; auki gahara riaga hegiri e itaharahe mi koita yau vagotonehe mi haki visa.<sup>5</sup>Peter ra vadibu yagava auki unu, eduge ekalesi yabera au dainehe ge yauki yau uhura kobuga gahigei Dirava imige-ge. <sup>6</sup>Herod, so Peter mi hakiha veite uhurage Peter vase abu ruagera seiniva ge yauki raro gevenu. mati ga gahavaia abu yau vagahe ge auki iaganu, ni tabata koitava abu tage vadibu yaga uduani rahanu.<sup>7</sup>Inono veite Rohi Bauge aneruve beraki au gage goinu, au abaga vadibu yaga uhura e edavanu.auki Peter gutihare ronu, "vaina urima," au adehe seni raki arigohonu. <sup>8</sup>Aneru eraki ki ronu ai nige Bodivare mati ai vasi iagane kiogeve." Petr raki au rone kiego. auki mati ronu ai magariude mi a bakuare di itahe ogi<sup>9</sup>Peter raki aneru e itahe ogo hakivanu. eduge auki daurage-ge aneru e kine nena riaga vanu se. au anavane auka niganiga nune be viege. <sup>10</sup>Au nitabata gahege koitava abu ruga soi gevare yauki auri uduani ti rahanu, ogo otito gumava he; udua eraki avahu bao raganu. yauki yau abu hakiragare orogo hakira otinu, aneru va raki ei gare manu.<sup>11</sup>Au uhure bao rage-ge, auki ronu,"Daka dibanara Rohi Bauge raki aneru o besu ganu auka Herod mati Jew gahavaia yau ada uhurehe da maguri gahanu, <sup>12</sup>Au uhure kobua gahare auki Maria iagehe otinu, Maria ra John Mark neine ra, koita mudago yabera eige yauki bou ragare yauki Dirava imige-ge.<sup>13</sup>Au mague udua va koko vanei, maiago be ihiva Rhoda, idua baobao dainehe auki otinu; <sup>14</sup>Au Peter enoge ihinei auki hegiri vare udua baobao veite; eduge auki rurui yaga uhura sirivanu koita kiro gevenu, Peter ra me itahe ramanu. <sup>15</sup>Ge yauki kironu," ana ti veite goimena," eduge auki ga hero vi roege veitera era auki e itahe.

ge yauki mati ronu, era au aneru vera.<sup>16</sup>E uhurage Peter ra me dagedage koko viege, yau udua baoanei, yauki eragare gau ragohanu. <sup>17</sup>Peter raki ada ga-ga gevenu yauka keru gahi usa, auki Rohi Bauge vadibu yaga va mi hakivane badiva boriti gahi gevenu, "Auki mati boriti gahi hai ronu yama badi o James renu ni gogonanuhea boriti gahi geisa, e itahe ge auki Amiga e garehare mati adira bei otinu. <sup>18</sup>Va tahanei, Peter hakivane Kerike varaki ga gahavaia yau vagahe varavanu. <sup>19</sup>Ihiego Herod raki Peter iagoanu ,eduge auka behube veite, auki nitabata gahavaia bera gevare auki ga maemege yauki gahigei hoeki gevenu. e itahe ge auki Judea garemi uguhi Caesarea otare ei uni. <sup>20</sup>Herod ra Tyre mati Sidon koitava yabera auki hoga gevenu. Eige yauki yau bouge yau uhure kobua gahi gevare yauki au gasina otinu. yauki au iage nitabata gahare koitava ihiva Blastus uhure mage gahare yauki mai Mimi dainehe ga raganu, makavara Herod matamehe ge yau koitatuhe yabeki demaka mia. <sup>21</sup>Au vani ronei ge Herod raki au aena ogonave kiare terona ada guramanu; auki bina ga-ga gevege. <sup>22</sup>Koita yabeki bara ragohi roege, " Era Dirava be eno gera. Beta koita eno gavara!" <sup>23</sup>Inono veite Rohi Bauge aneruva raki gamanu, badiva auka Dirava mage gahiga veitera, huita yabeki au ahatahe iege auki hoge raganu. <sup>24</sup>E uhurage Dirava gare raho goiege. <sup>25</sup>e itahe Barnabas mati Saul yau meve tage kosavanu, yau Jerusalem garehare goi ragohanu, John Mark tage yauki nisi ga manu yau ruga.

## 13

<sup>1</sup>Antioch dubu ekalesiava yabera Peroveta koitave mati uhuvaka iagoia gahavaia te yabera. ihihiva yabera Barnabas, Simeon,( au ihe bera Niger ra), Mucous auka Cyrene atavara, Manaen, ( auka Herod ruta ge yauki ubia gahi gevenu), mati Saul. <sup>2</sup>Yauka Dirava yauki motea gahare mati anivaga ragohege, uhura hege Horu Aena raki boriti gahi gevenu, Barnabas renu Saul hedo mohi geiahe, daki ihiro gevenu yauka di meve kiki dainehe. <sup>3</sup>yau anivaga netu rage-ge, yauki Dirava imigare ada idigi Barnabas renu Saul yau ada gosi gevare, besu gevenu. <sup>4</sup>Horu Aena Barnabas renu Saul besu gei hakivanei, yauki ugu rahi Seleucia otinu; eige yauki eve eua Cyprus otinu. <sup>5</sup>Yauki Salamis ogo Bauge va otinu, eige yauki Dirava gare roege Jew yau dubu uhura. John tagera yau ruga otinu yaheyahe dainehe. <sup>6</sup>Yauki adira e soigi Paphos haki raganu, eige yauki goto, mati avanage Peroveta koita be behuganu, au ihera Bar-Jesus. <sup>7</sup>Auka governor ihiva Sergius Paulus ruta ge auki uyege, koita era uhuvaka koitavara. auki Barnabas mati Saul ihiro gevenu badiva auka gahara riaga Dirava gare ihisa. <sup>8</sup>Eduge Elymas "goto koita" e (au ihe ra ona kime yauki sivavanu) basu geve: auki negu governor e gabidadama gumage basuisa roege. <sup>9</sup>Eduge, Saul au ihe bera Paul ra Horu aenava raki tobo gahanu, auki ena garu gahi unu. <sup>10</sup>auki mati ki ronu " aka diabololo moera, aka avanage mati daure raki ai uhure tobo gahanu. aka maguri mage inuhati aki inara gahi gevare koitavara. aka Rohi bauge guma ieriri sivai daure gahare beta netune vara ani?" <sup>11</sup>Eraga negu butu gera Rohi Bauge raki au ada mi ai ada maemisa vima, ge ai niera mu vadibu goima. aka nega tinakibe beta vani abaga erara vara." Inono veite yua nagate raki au nie bakuanu; auki koita imi gevege yauki au adahe mi ioa gahege. <sup>12</sup>Governor varavane iaganiva eraganei auki Barnabas mati Saul riaga gahi gevenu, mati yau Rohi Bauge gare koita gagiro gevege ihare auki gauraganu. <sup>13</sup>Paul mati au vasiruhea yabaki eve eua Paphos garehare Perga, Pamphylia ogo avie va haki raganu. Eige John raki gare gevare Jersalema goiraganu. <sup>14</sup>A Paul mati au vasiruhea ruga Perga seni hakiragi Antioch otinu Pisdia uhura. eige yauki sabadiva ti dubu guraganu. <sup>15</sup>Yau Aena mati peroveta ga dahi netu rage-ge, dubu bia yabeki ga besugi ronu, "Ni gogonanuhea, yana koita o yauni yaheyahe ga tenu, yama rosa." <sup>16</sup>Paul raki Urimi ramare; "ronu Israel atavaya renu Dirava sigamare gahavaia, ihiahe; " <sup>17</sup>Israel gahavaia yau Dirava ve raki ni mamuhe idi gevare auhe yage gevenu yau Egypt matavahe uyegei, auki mati au adehe yage gevare nisi gei haki vanu. <sup>18</sup>tau utu ababu uhura auki ni tabata gahi gevenu yau mata gagae va uyegei. <sup>19</sup>Dirava Canaan uhura mata agorokiva sebo gevare itaharahe. auki mata e inuhati idigi ni koitatuhe mohi gevenu yauka bia gahisa. <sup>20</sup>Iaga o inuhati gera tau tinahu aba-abu utu adakasi uhurahe ge auki varavanu, Dirava raki ni tabata gahavaia gosi gevenu au koitatuhe yau dainehe ate Samuel Peroveta koitava negahe. <sup>21</sup>Koita yaberaki Rohi imimiva ragohege, Dirava raki Benjamin tonetahe koita be ihiva Kish moe Saul mi mohi gevenu, aukata tau utu aba-abu nitabata gahi geisa. <sup>22</sup>e itaharahe Dirava raki Rohi meva Saul gasina arigare, mi David moimanu auka Israel gahavaia yau Rohi goisa. e dainehe Dirava raki David gare viare ronu, ' dakamu Jesse moe David behuganu auka di sorukehe auki uma badiva, auka da gahara vare meva inuhati ge auki kima. <sup>23</sup>David tenevehe ge Dirava raki Iesu, Israel maguri gahi geige koitava mi oroganu, au ominuo gahi gevare dainehe. <sup>24</sup>Iesu so ororo veite uhura, John raki Israel koitava inuhati kiro gevege, yauka daure arigeige babatisova misa. <sup>25</sup>John meve netui otege uhura, auki bera gevenu, yai ananave dana unuhuna? Daka beta ya anavare koitavara eduge ihiahe, di itahe orogare koitava, Daka hedoke veite au vasi iaganiva arigeisa. <sup>26</sup>Di gogonanuhea, Abraham gamuhea, mati yai vagahe Dirava sigamare koitavaia, maguri hariva ra nonige yauki besu ganu. <sup>27</sup>e uhurage Jerusalem uyege gahavaia mati aena bia yabera riaga gahiga veitera, eduge yauka Peroveta koitavaia yau gare gu-gera yau Sabadi gau gahege era yauki ihare Iesu daure gahege. <sup>28</sup>Yauka daure be au behube veitera eduge yauki au hoge gumage yagoege, yauki Pilate ga-gahege auka gami hoekisa. <sup>29</sup>E dainehe yau ga aena uhura maemane iaganiva inuhati geregere viege, yauki satauro va arigare mi ti abatemenu. <sup>30</sup>Eduge Dirava raki Hoge, maguri gahanu. <sup>31</sup>au maguri vanei Galilee mati Jerusalem uhura, koitava yabeki erage-ge. e dainehe negu butu koita o yabera au riaga gahiga gahavaia yabera koita yau vagahe. <sup>32</sup>Eige noki hari mage ya gagiro geva: ominuo ora ni mamuhe yau gasina ge auki oroganu. <sup>33</sup>Dirava ramu e riaga gahanu noni, yau gamuhea, au Iesu maguri gahanei. Psalms abu gahigava gava ra monu: aka di moera, neguge daki ai mame goinu. <sup>34</sup>Au hovega maguri vane o, auka beta goiragi ti mudu ragiravara, ona kime auki gavanu: Da David ominuo gahane mage vara daka a moimovara. <sup>35</sup>E dainehe auki gaitana Psalm uhura ronu, Aena koitavara beta mudu ragiravara, ' <sup>36</sup>David Dirava gahara vane meva au ruta guruanu yau vagahe kinei auki hoge raganu. ' yauki ti au mamuhe yau gaika abatemenu ge au ahata make raki mudukate goinu. <sup>37</sup>Eduge Dirava

hogeva maguri gahane koitavara mudu ragira veitera.<sup>38</sup>E dainehe di gogonanuhea ata o dainehe ge daure yauki ya gagiro gevenu. Mose aena vera ra beta a maguri gahigavara.<sup>39</sup>Eduge ata o dainehe Dirava riaga gahare koitava inuhati auna maguri gahi geisa.<sup>40</sup>Eige yama yai gabidave misa Peroveta gahavaia rone iaganiva yai varavime: <sup>41</sup>Eragiahe, ho kava gahavaia gahavaia, gauragohare yana buda ragohisa kosai sa; makavara me bera daki o kima ya maguri ragohare uhura, mevera, koita be ya boriti gahi gevare yaka beta riaga gahiga vara.<sup>42</sup>Paul renu Barnabas haki raganei koita yabeki imi gevenu yauka gaitani sabadiva goiragi orogi ga kobuge ro goirago hisa.<sup>43</sup>Yau meve netuege Jew mati Dirava sigamege gahavaia yabeki kiro hero gahi gevege yauka Dirava haire deri kehe dagedage yau meve kisa.<sup>44</sup>Sabadi vani abu gahigava,ogogahavaia mudago yabeki Dirava gare ihihine dainehe bouraganu.<sup>45</sup>Jew ya koita e, era gevene, yauki Paulo renu Barnabas vagadau gahi gevare yauki Paulo gare dodoare Paulo ga daure gahege.<sup>46</sup>Eduge Paul renu Barnabas yabera hero ruta ga rahi roege," No gurigahi Dirava gare ya boriti gahi gevene ra makate dainehe. Eige ya besibe gahare mati yavahu anai roeya yaka geregere veite behibehi maguri mimi, e dainehe ge noka koita nune yau gasina otito vara.<sup>47</sup>E uhurage Rohi Bauge tage ki no boriti gahi gei roma, daki ya gosi gevenu yaka koita nune yau abage gahisa, mati maguri gahi geige koitava gahisa mata o inuhati uhura.<sup>48</sup>Koita nuneya ga e ihine yauki hegiri ragohi mati Dirava gare motea gahege. Eige koita mudago ara yauki idigi gevenu maguri behibehi dainehe.<sup>49</sup>Dirava gare mata e inuhati uhura ro ioa raho hege.<sup>50</sup>Eduge Jew koita be yabeki Dirava sigamege magiv a mati atava yau uhure iege, Yauki Paulo mati Barnabas daure gahi geisa.<sup>51</sup>eige Paul renu Barnabas yabeki yau vase souke dede gevare. yauki urihi Iconium ogovahe otinu.<sup>52</sup>Iesu riaga gahege koitava hegiri raho rage-ga renu Horu aenava raki robot gevenu.

## 14

<sup>1</sup>Iconium gera Paul renu Barnabas raki Jew yau dubu ehe ti gadihanu, eige yauki hari mage roege, Jew mati Greek gahavaia dadaga va raki hari mage ihare riaga gahanu.<sup>2</sup>eduge Jew gahavaia be yabera riaga gahiga veitera. yauki koita nune yau uhure iogei, yauka hari mage riaga gahavaia daure gahi geisa.<sup>3</sup>Nega gamana tinabe yauki yau abu ei uyare Dirava hedokehe, sigoi veite hari mage roege. e uhurage Rohi Bauge raki au mage gare riaga gahagare au hedoke mi abu ruga mohi gevege yauki hedo mati gauragira me kioevege <sup>4</sup>Eduge ogo e gahavaia yabera bebe kasa gevenu; be yabera Jew ruga gahanu be yabera mati Apostolo ruga.<sup>5</sup>Koita nune mati Jew gahavaia yaberaki ogo Rohi ruga bou ragohanu yauka daure gahi gevare mati muni tahu gahi geisa,<sup>6</sup>Yau dibana koita e yabera gahi geige rone yauki hana rahi Lustre mati Derbe ogovahe otinun Lycaonian matava uhura mati yau gaika ogovahe,<sup>7</sup>eige yauki hari mage roege.<sup>8</sup>Lystra uhurage ata au vera ra beraki guramanu, au vase hero veite dainehe, au neine vagatanehe enakime auki guruanu, au maguri vaniva inuhati ogigi auka veitera.<sup>9</sup>Auka guragurave auki Paul hari mage roege auki ihege. Paul raki nigahi eragi uyare auki dibana goinu au gabidadama vena mage gahisa.<sup>10</sup>Paul raki eno raho tahu kironu, ai vasehe urimare rama," ata eraki geroi gadimare auki ogi otinu. orige-ge.<sup>11</sup>Koita mudago Paul kine yau eragane, yau enoge raki rahogoinu, Lycaonia yau garehe roege, "dirava yabemu ata gahime yauki uguragohi onigasina oroganu."<sup>12</sup>Yauka Barnabas "Zeus," renu Paul"Hermes," ihiro romonu, badivara auka ga koitavara.<sup>13</sup>Zeus harokoitave, yau dubu vera ogo bauge itaharahe gera, boromakau renu idihanaka idigei ogo bauge uhura sirisi gabua mi orogonu; au renu koita mudago yauka yau moimo kohuva mi orogisa.<sup>14</sup>Eduge apostles ya, Barnabas renu Saul, ihine, yau ogonave yauki gahigei koita mudago yau uhura siri ragohi, nigo ragohi roege,<sup>15</sup>"Ata ya, Maraga ya onaki? No gainage koita yabera, maguri kobuga era. Hari mageva noki ya kirogeva yaka maguri daure garehi maguri Dirava gasina otisa, auki va kine, vata kinu,eve kinu renu iaga aubougi uhurahe.<sup>16</sup>Subutagera, auka ogo aubougi gera auki garegevege yauki yavahu yau orogi ragohege.<sup>17</sup>Eduge dagedage, auka au riaga gahiga koitava garega veitera, e uhurahegera auki veni vava seni mi orogare renu demaka mage tage mi orogi, yai soruke tobogagei hegiri ruta."<sup>18</sup>Dagedage gava ruta, Paul renu Barnabas yabera regunaki koita yau kohu moimi meva kiki veitera.<sup>19</sup>Edugu Jew beya Antioch seni renu Iconium yabeki orogare koita mudago ga berebeva gahigevege. Paul muni gami renu butui hakiragohi ogo Bauge itaharahe, yau anana vera auka hogeraganu.<sup>20</sup>Eduge disciple ya au gaika rahi origi, auki urimare ogo bauge uhura sirivanu. Vani be itaharahe, auki Derbe otinu Barnabas ruta.<sup>21</sup>Yau hari mage ogo bauge uhura rone itaharahe disciple isage dadaga gainage maguri gahigevenu, yauki Lystra goiragohanu, oti Iconium, renu Antioch otinu.<sup>22</sup>Dagedage disciple yau horuve hero gahi gevege renu yahegevege yauka gabidadama ogisa, roege, "Huhu uhurahegena nona Dirava Kingdom ve uhura siri ragohisa.<sup>23</sup>Yau dainehe dubu aubougi uhurahe dububia idigevenu, tamuta veite imimi ragohege, idigei mi Rohi Bauge moimanu, yau riaga gahane.<sup>24</sup>Renu Pisidia uhura siri ragohi oti Pamphylia.<sup>25</sup>You Perga ga riaga rone itaharahe, Yauki gauragohi Attalia otinu.<sup>26</sup>Eige yauki eve seni Antioch otinu, yauka Dirava me mageve yauki kiego era yauki riaga gahanu.<sup>27</sup>Yau Antioch haki ragohane yauki dubu baugevara, yauki Dirava mageve gava kirogevenu, renu au gabidadamava guma isage baovane Gentile yau dainehe.<sup>28</sup>Eige yauki u gmana ragohanu disciple ruga.

## 15

<sup>1</sup>Koita be yaberaki Judea seni uhu rahi Antioch otare yau gogonanuhea, boriti gahigei ronu," ya peritome veite gahege Mose Aenave geregereva yaka beta maguri mimi vara.<sup>2</sup>Yauki urihi Paul mati Barnabas ruga garahare mati enana ragane dainehe yu vagahe be yabaki Paul mati Barnabas ruga Jerusalem otinu, Apostolo mati nitabata gahavaia yau gasina ga e berabe va vivi dainehe.<sup>3</sup>Eige ekalesia yaberaki guma isage gahara ragohane dainehe yauki yau ruga kobuga gahanu, e dainehege yauki hane ragohi Phoenicia mati Samaria ti koita nune ya Dirava gare mane hariva roege.au gogonanuhea yabeki hegiri raganu. <sup>4</sup>Yau Jerusalem haki raganei ekalesia, Apostolo, mati nitabata gahavaia yaberaki hegri gahi gevare,

yauki Dirava maguri kiego meva inuhati boriti gahi gevenu.<sup>5</sup>Pharisee Ata be Iesu riaga gahege koita varaki Urimi rami ronu, ieririve auka monu koita nune gainage mu Peritome misa renu yama kiogei roege yauma Mose aenave kamuisa.<sup>6</sup>Eige Apostolo mati dubu Bauge yaberaki bouraganu ga e ieriri gahiga dainehe.<sup>7</sup>Ga gamana ragane e itaharahe, Peter raki ki to gevenu, "Di gogonanuhea, Dirava raki yai vagahe da manu, di avagehe koita nune yabera hari mage ihare di avagehe ihare mati riaga gahisa.<sup>8</sup>Dirava ra koita yau soruke dibanara auki yau gagae goiare, horu aena mohi gevenu, au ,noi kine, nagate.<sup>9</sup>Auka no mati yau nune be kiki veitera, yau soruke yab era auki isage gahi gevenu gabidadamava.<sup>10</sup>Aka Dirava dibane koita vara esena Iesu dibana koitava tukehe isuke be maemima, ni teneve mati no gainage isuke e hirivege aumu geregere veite goinu.<sup>11</sup>Eduge noma riaga gahisa noka ni Rohive Iesu Keriso mageve derikehege nona maguri ragohisa yau nagate."<sup>12</sup>Koita aubouge kerigahi uyare, yauki Barnabas mati Paul garage ihege. Dirava koita nune yau vagahe gauragira mati hedo me kiego yau seni. era yauki hariva roege.<sup>13</sup>Yau hari e ro netu rage-ge, James raki koita inuhati hero gahigei ronu, di dgogonahea di gare ihiahe.<sup>14</sup>Dirava urigoi koita nune e iahe gevene ra, auka yau vagahe koita be miege koita era au ihigote goisa.<sup>15</sup>Peroveta gahane gava rutage auki auki geregere vanu,<sup>16</sup>iaga o yau itahe dana goiragi orogisa, dana orogi David dubuve ari ragane iaganiva dana gosa; Seboragi tinatina goine dana maemi mage gahare kobuga gahisa,<sup>17</sup>ge ihie koitava yabemu Rohi Bauge yagoa, Koita nunenune di ihehe to ragare gaina ge da iagia.<sup>18</sup>Rohi Bauge ra onakime me auki ronu, yaukamu iaga o inuhati ganai ro gevenu vata ada oi ate negu butu.<sup>19</sup>E dainehege Koita nunenune ya Dirava gahara, ragohare nonegu daure gahi geime<sup>20</sup>Eduge noma vasiba gahi geisa yauma idi Dirava yau gaika gahime. ni muduka maguri renu ganagina tagora io geime.<sup>21</sup>Badivara Mose harike roro gahavaia yabera ogo inuhati iuhurage, mati Sabadi vani inuhati ge yauki au aenave daha dubu uhura."<sup>22</sup>Yau ihine yauge mage dainehe ge Apostolo, nitabata gahavaia, renu dubu uhura uyege koitava, yabeki Judas au ihe bera Barnabas mati Silas idi gevenu yauka Paul renu Barnabas ruga Antioch otisa badivara yauka koita nisi geige gahavaia yabera.<sup>23</sup>Yau adehe ge yauki yau enoge besugane yauki mi otinu," Antioch, Syria, mati Cilicia: uhura uyare koitavaia inuhati Apostolo, dubu bia, mati ni gogonanuhea Koita nuneya, yama mage misa mati maguri ragisa!<sup>24</sup>Nokamu ihege koitabe yaberamu ni vagahe hakiragi, ti yai gasina ga be ro gevenu yai maguri vagava gahanu ge yai m soruke mu huhu nago hanu.<sup>25</sup>Noka ni bouge ni uhure kobua gahare, noki ata o idi gevare noki besu gevenu yai gasina ni lalokau gahatuhe Barnabas renu Paul ruga,<sup>26</sup>Koita o abugera yau maguri idigei gosi gare yauki ni Rohive Iesu Keriso ihe dainehe.<sup>27</sup>E dainehe ge noki Judas renu Silas besu geva yai gasina, yaukena yau avagehe ga kobuga ya boriti gahi geisa.<sup>28</sup>Horu aena renu no gainege roia auma mage goisa, yauka beta yai yai bagunehe isuke maemisa.<sup>29</sup>yama suava bougeige tagokava mati enokava gigi iaganiva io geime, mati ni muduka regime. ya iaga o inuhati gare gevare yaka mage gahiga vara. Iagohisa.<sup>30</sup>Eige, yau bebe garegevene, Antioch ugu ragohi otinu, eige yauki koita bougevene itaharahe, yauki leta mohigevenu.<sup>31</sup>Yau dahane itaharahe, yauki hegiri ragohanu badivara yauka mu hero manu.<sup>32</sup>Judas renu Sailas, yau gainage peroveta koitava ya, yau sokuheya hero gahigei Dirava garehe, renu yau uhure berebe gahigevenu.<sup>33</sup>Yau ei vagorone itaharahe, mai uhurahegera yauki yau sokuhe ya garegevenu.<sup>34</sup>

<sup>36</sup>Vani rorebe itaharahe Paul raki Barnabas beraganu, "No bina goiragoha oti ni sokuhe ya erageva, no ni Rohite gare rone gahava yau, yauna mage yabenu. "<sup>37</sup>Barnabas uravera yauka john tage misa yau ruta, au ihe bera Mark.<sup>38</sup>Eduge Paul raki roma, beta magera noka Mark ruta otisa, auka Pamphylia gera auki garevenu renu yau ruta mati oti meva kiki veitera.<sup>39</sup>Eige, uhu berebe beraki yau uhurehe gadimanu, eige yauki bebe kasagevenu, Barbabas raki Mark miare yauki eve seni Cyprus otinu.<sup>40</sup>Eduge Paul ra Sailas gahara gera auki vanu renu otinu, au sokuhe yaberamu mage gahanu Rohi Bauge mageve uhurahe.<sup>41</sup>Eige auki Syria renu Cilicia ogova uhurahe sirivi otinu, dubu hero gahigevege.

## 16

<sup>1</sup>paulo raki derebe renu lusteru otinu. Lusteru gera iesu kamoi berebe gahige atava bera me uiege, ihi vara timoteo ra.neinakavara iuda magi vara, au tagera dirava hari ma'geve mi berebe gahige bera, a mama kavara helene ata vara.<sup>2</sup>varavara, lusteru renu ikonia gahaea roege ra auka ata magevara.<sup>3</sup>paulo uravera timoteo ra au ruta otiti dainehe auki ni aenate gahanu.<sup>4</sup>iau ogobe-ogobe otegera apostolo renu ierusalemata baugea taravatu roegevege iabera auki mohigevege se kiroegevege iauka badina gahigeisa.<sup>5</sup>eramu eige ekalesia orea iau gabidadamave raki raho goi otege mati vani gaugi iau atera dadaga goiege.<sup>6</sup>pirigia renu galatia vatetava iauki hanai gahigevenu badiva horu aenava raki boriti gahigevenu iauka beta asia vatetava hari mage rosa.<sup>7</sup>iau musia vateta egi-ahe kauragoha nera iau urave siriragi bitunia otisa, iduke iesu sua aenave raki rugugevenu.<sup>8</sup>eramu eige auki ena ogi hanairai troa otinu.<sup>9</sup>vahihe, paulo raki iago be vanu. Au iago vehe gera, makedonia ata be raki au vagotihu rami, imigi roma, "makedonia, oroi no iahegeve."<sup>10</sup>iago e dainehe noki urihi makedonia otinu badivara ni dibanera dirava urave noka hari mage koita e boriti gahigeisa.<sup>11</sup>eramu eige noki troa iagatoiva guirai maoro gahi samotrake otinu. Va tahige, noki mati rururai oti neapoli kau raganu.<sup>12</sup>ei senige noki filipi otinu, auka makedonia ogo rahoa bera, roma, ga orea beraki au guramima.<sup>13</sup>pura vaniva noki ogo magua ogi hakiragi tinavai egiahu otinu badiva nokamu bina dibana gahanu guriguri gabua ra eigeru. Gurahime noki ei magia bouragane gaga gevege.<sup>14</sup>eigeru magi be ihivara ludia, dabua kerekare haevare magivara, au oge ra tuati ra. Auka dirava gurivege bera. Au ni gare ihinera, rohiraho raki uhurava mati baovi ge auki paulo gare uhuimige.<sup>15</sup>au renu au iaga gaha tuhea babatiso mane itahara aukinu imigei, roma, "ia dibana daka rohiraho kamoi berebe gahare magiva goinu, nona beta di iagehe otige, iana beta ei uanu."<sup>16</sup>vani bei no guriguri gabua otige uhura, sua daurea boloane maeagoa be raki no beiagei oroganu, maeago e biagu gahige koitavara kohu momoara auki miege au hei karave iau.<sup>17</sup>paulo itahege auki barai roege, "ata o abugera rohiraho hereagare mi ioa ra'gare iabera, maguri gumavara iauki ro ioa raga.<sup>18</sup>vani momoara auki

ena kiego. Paulo raki bina vagadauvime auki au sivai sua daure e namigi, roma iesu keriso ihehege dakaki aki roma, au hakiva. Hora eige sua daure e raki hakivanu.<sup>19</sup>biagu gahige koitava dibana au iaga mimi gabune dokoane negahe ge iauki paulo renu sila idigei, butugei hae gabua, ogo rohi iau vagotohu otinu.<sup>20</sup>Maoro gaha iau vagotohu nisigei otime iauki roia, koita o abu gera iuda gahaia a ni ogehe kerere kia.<sup>21</sup>Renu iagabe riağa gahigege mati badina gahigege vara roma gahaia noi gera aena vara, iduke iaganiva iauki gāgae gahigeve.<sup>22</sup>Garu gaha gainage raki gogai gahigei mati maoro gaha boriti gahigei iauka so iau dabuave darigei mati idigei gahigeisa.<sup>23</sup>gahigei daure gahigeime iauki vadibu iagava gosigei nari koitava kiroea auka narigei saia gahigeisa.<sup>24</sup>ga enaki hakivane dainehe auki abua goreha idigei uhura daitu bei kougei, vasika idi vakahu kahigei berebe gahigevenu.<sup>25</sup>nemehege, paulo renu sila iaberaki guriguri raege renu nogoa dirava moteahege mati vadibu gaha gainage uhuia gevege.<sup>26</sup>e uhura, vata raki duvi, vadibu iaga ta marere gahi, udua iau bougei baoragohi mati raro gainage iauvagu vahe ragohanu.<sup>27</sup>vadibu iaga nariva iagia uhura nogai udua eragei baoragi rage gahanera auki kaia butui hakivi aukatai auvagu au gami hoekisa badiva au uhu ananave ra vadibu gaha iabera bina haki raganu.<sup>28</sup>iduke paulo raki barai roma, “avagu a hoekisa gare, badiva, nokamu ni bougei o ianu.”<sup>29</sup>vadibu iaga narivege raki kede totoa vime auki rurui sirivi paulo renusila iau vagotohu gurami me auki gabubu viege.<sup>30</sup>auki bina nisigei hakivi beragei roma, “rohia, dana orenaki maguri mimivanu?”<sup>31</sup>iauki kiroia, “iesu keriso mi riağa gahime anema maguri misa, a renu ai iaga gahatuhea.”<sup>32</sup>rohraho ga maġeve ra iuaki au renu au iaga gahatuhea iau bougei boriti gahi gevenu.<sup>33</sup>vahi ei, auki idigei oti iau berove ketogei ge iauki bina au renu au iaga gahatuhe iau bougei babatiso gahigevenu.<sup>34</sup>auki idigei oti iaga iauga dabara be kiego iauki bina tamuta raganu. Au iaga gahatuhe ruga iauka hegiri herea, badiva iau dirava gabidadama gahane dainehe.<sup>35</sup>vagutu, maoro koita iaberaki iau ga boriti gahatuhe besugei, roia, ata e iabema otisa.<sup>36</sup>vadibu iaga nariva raki paulo kiroma, “maoro gaha iau gareraiaumu siai gahanu, daka ia rere geisa, eramu eige iaka bina mai mage ruta ogi hakirai otitivara.”<sup>37</sup>iduke paulo raki roma, “noka roma basileiave gahavaea auka so ganagana maoro be no mohigeige veitehe hutuma iau vagotohu no dadaba gahigeige kava rai, vadibu iagava no kougei, a negu butu iau mati vahoro no besu gevarena?” Veite makavara. Iauvagu ge iaune oroi no nisigei haki raisa.<sup>38</sup>boriti gaha iaberaki iau gare mi oti maoro gaha e mohigevenu. Iau dibana, koita e abugera roma basileiave gahavaea negahe gera iauki siġo raganu.<sup>39</sup>iauki bina oti abua goreha gaġa gei mage-mage gahigei me iauki nisigei hakirai mati imigei roia, iauka ogo e garehisa.<sup>40</sup>vadibu iagava hakiraima iauki iau abu ludia iagehe otinu. Eige iauki iau sokuhe davari gahigei mati hero mimi gava goadate gahigeime iauki bina filipi garehanu.

## 17

<sup>1</sup>iau abuge iauki amfipoli renu apolonia hanai gahigei tesalonika otinu. Eiger, iudea gaha iau dubuve bera me ikehe.  
<sup>2</sup>paulo raki dubua gadimi vaeva au kiego karava pura abigaga uhura buka aena ga’ava iauruga viege.<sup>3</sup>keriso huhu ine renu au urimi goiragane gaikava auki boriti gahige mage-mage gahugevenu. Auki mati kiroege roma, iesu o’o da ga’ava vi ioavare ramu keriso ra.<sup>4</sup>be aibera ihime iauki paulo renu sila ruga bou raganu, mati helene gaha dirava sigamege gahava momoa renu rohi magi momo gaina mati iau ruga bou ragege.<sup>5</sup>e’ dainehe, iudea koita sokuhe iaberaki ho’o gahime iauki hae gabua guragu kava rage-ge koita daureva be idigeime iauki neru raho be kinu. Iason iagera iauki hosai, paulo renu sila iagogei , ogo gaha iau vagotohu iaukatai butugei otisa.<sup>6</sup>iau behugeige veite iauki iason renu bamo be ruga butugei gorohi idigei oti maorogaha iau vagotohu barai roege, “vateta o uhuati kerere kine gahavaea be iabemu kau ragohanu.  
<sup>7</sup>mati iason ramu bina idigei au iagehe gadimanu. Iauka kaisara taravatu vera iauki dodoi mati rohi be roia, ihi vara iesu.  
<sup>8</sup>garu gaha renu maoro gahaia ga’a e ihinera iau sorukeraki hiroro vanu.<sup>9</sup>iauki iason au sokuhe ruga iau taravatu be mohigevene iaganiva kokivime iauki bina reregevenu.<sup>10</sup>varavara iaberaki paulo renu sila vahi vaina besugeige iauki berea otinu.<sup>11</sup>koita e iabera avani mage te iabera beta tesalonika gaha iau hairanitera badiva iau ga’a uhuiami gera uhu ageraira ruta renu buka aena uhura iaumu iago-iago raege, iaga-o iana riağa gahanu se? <sup>12</sup>eramu eige hutumava raki iau gare riağa gahanu, helene rohiva gaina renu ata, magi momo gaina<sup>13</sup>iuda gaha tesalonika uhura ihi paulo ra dirava ga’a maġeve berea ro’o ioai gera auki ei oti ogo gaha iau uhure marere gahigei mati siġo gahigevenu <sup>14</sup>varavara iaberaki paulo vaina besui kone iaevanu, a sila renu timoteo iabera ei ena gurahanu.<sup>15</sup>paulo narina gahava iaberaki nisigami oti atena garehi me iauki au gare mi goiragi sila renu timoteo iau, iauka vaina au otisa.<sup>16</sup>paulo atena uhura abua goreha narigevege ra uhu ravara korahi herea vara auki viege badina ogo e au eraganera idi laulaua raki tobogahanu.<sup>17</sup>eramu eige auki dubu, iuda gaha renu dirava gurivege gahava ruga gaga viege mati hae gabua vani gaugi ei eragevege gahava gaina.  
<sup>18</sup>epikuro oreava renu stoa oreava gahava iaberaki paulo goreha ava he-he raege. Be iabera roege, “ga’a kava ata ona otadoana au roma?” Be iabera mati roege, “auka dirava nune iau garera auki vima.” Iau enaki rone badivara auki iesu renu au urimi goira-goira ga’a maġeve ro’o ioaige.<sup>19</sup>iauki bina nisigami areo nimua otime iauki roege, “ai boriti garera isage, makava akeso no boriti gahigeve,<sup>20</sup>badivara ai gare mamivara noigera nunera , eramu eige ni urave noka maka korikoa dibana gahisa.” <sup>21</sup>badiva atena gahavaea renu ogo nune gahavaea ei uiogevarea ra avani kobabei ge iauki vani iau bougei ga’a isage roege mati ihige.<sup>22</sup>paulo raki bina areo nimu nomuakahe rami harorovi roma, “atena gaha ia e! Dakamu ia eragevenu, iaka iai diravave ra iaki matau gahi herea gahigavara.” <sup>23</sup>badiva di ogi hanai-vehe ia gurivege iaganiva da eraġane negahegera, boubou pata bera dakamu eraganu, au ada gera ihi ora iauki torevanu: no dibana veite dirava ie. Eramu eige ia iai dibane veite diravava guriva rera dakenama ia boriti gahigeisa.<sup>24</sup>vateta renu uhura iaganiva iau bougei kine diravava raki va’a renu vateta o rohivavima; auka koita iau ada kiki dubu vehe u’u veitera.<sup>25</sup>koita iau adeb ra au gare mi ioa vietera, iaga be dabuare hairanite, badiva auki maguri renu ahodi renu iaga iau bougei koita mohigeima.<sup>26</sup>tago kobua beige auki bese iau bougei kiogeve, vateta vadaka o iauka au gurahisa, iau negave renu inogove

aukamu.bina ronu.<sup>27</sup>dirava iauka iagoisa, iauna beta sahusahu gahi davari gaharenu. Iaga kobabera au renu koita kobakoba ni padave ra beta gamanavara,<sup>28</sup>badiva au uhurage noki maguri raga, vagava raga mati guraha,iai noge roiare gahava bea roiare gere-gereva, badiva no gaina gera au gamuhe iabera.<sup>29</sup>eigera nokamu au gamuhe iabera, noka maoro veite ni uhureherosa, dirava ra gold se silver se muni, omo raho renu aonega gahavea koro gevene hairanite.<sup>30</sup>dirava ra nihube anageige veitera, a'a negu butuge auka koita iau bougei gabu inuati auki kiroegeima iauma ananarai goi-ragohisa.<sup>31</sup>badivara aukamu vani be ro maemanu, vani eigera au koita mane koita vara vateta o inuati maoro mohi geisa, maoro ruta renu riağa toava aukenama koita iau bougei bina mohigevenu, toavara monu, hogeve ge auki mi urimi goiraganu..<sup>32</sup>hogeve mi urimi se iagemi goiraira ga'ava iau ihinera be iaberaki tati gahanu. Be iabera roege, "ga'a ona nona mati ai ihi goirago- hiavanu?"<sup>33</sup>eige paulo raki biona gare-gevenu.<sup>34</sup>be iabera au seni gahime iauki au gare mi riağa gahanu, be ramu dionusio, areo nimu koitava bera, renu magi be ihivara damari mati be gaina gera iau ruga gera.

## 18

<sup>1</sup>Taga e iau itahara, auki atena garemi korinto otinu.<sup>2</sup>Eige auki iuda atabe behuanu, ponto beseva bera, ihivara akula, auka nuiki ge auki au mabare priscila ruta italia seni oroganu; kladia gare iuda gaha iau bougei roma, uiarera adira e garehia dainehe. Ege paulo raki iau abu iau otinu;<sup>3</sup>au renu au moni mimi me'eve kobabe dainehe, auki iau ruga guramege mati me'e mimi kobua ragege. Iau me'e vera dabua iaga-iaga tigu gei gevara.<sup>4</sup>pura vani iau bouge, auka dubu ge auki haroro viege iuda gahaea renu helene gaha iau uhure auki iogei tohovege.<sup>5</sup>sila renu timoteo iaberaki makedonia seni kau raganu. Nega eige ra, paulo raki haroro berebe viege, iuda gaha boriti gahigei mage-mage gahigei roma, "iesu ra keriso ra."<sup>6</sup>iaukaki au gare naminava rai vagadau ragege auki au hedokive bokivi iei-ie gahi roma, "iai taokera iavagu iai omotehe ge aune gurahisa, beta di kererevera, negu-butu otarera, daka bese nune iauge dane otisa.<sup>7</sup>auki bina gabu ei gurami oti ata be ihiva titio iostu iagehe guramanu, ata era dirava gurivege bera ,au iage tagera dubu gaika gera.<sup>8</sup>krispo dubu bauge tagera rohi-raho mi riağa gahima, au renu au iaga gahatuhea iau bougei. Korinto gaha dadaga gaina paulo harorove ihime iauki riağa gahi mati babatiso manu.<sup>9</sup>rohi-rahoa raki vahi paulo iago kiroma, "sigoisa gare! Ama gavisu, a negu ai avage kumuima.<sup>10</sup>badiva daka a ruta ge dakaki uma, koita bera beta a bara gahisa, beta a ga'a daure gahisa badiva di koita tuhe iabera dadagavara ogo o hura.<sup>11</sup>eramu eige paulo raki lagani be, bata agorokiva ei guramime auki dirava ga'are boriti gahi gevege.<sup>12</sup>galio akena vatetava rohiva viege ganaganaha, iuda gahaia raki au uhure kobua gahime iauki paulo gogai gahi, nisigami maoro gabua oti roia,<sup>13</sup>ata ora koita iau uhurera auki ima, taravatu dododo gumahe iauka dirava gurivisa e'e rome auki.<sup>14</sup>paulo ra garisa roege, galio raki iuda gaha kiroege roma, "iuda gaha ia, avani daure be se kerere raho be iau ia boriti gahi gevenu be daka iai gare ihige auka mage goine.<sup>15</sup>iduke ga'a e renu ihi-e ai taravatu berabeve iabera iavaguge iane iagoisa, daka beta iaga e iau maorove kikivara.<sup>16</sup>ena roiareme iauki gabu ei oia gevenu.<sup>17</sup>eige iauki bina iau bougei dubu bauge sostene kamoime iauki dadaba gahanu, a galio ra kara era auka anana veitera.<sup>18</sup>paulo ra vani rore be au sokuhe ruga ume auki bina vasiba gahigei iagatoiva guivi suria otinu. Priscila renu akula iaberaki bamoanu. Kenkria ge auki au omo hanake dodoanu badivara ga'a be ro'o maemane ra autera.<sup>19</sup>efeso ge iauki iau abigaga kaurage auki ei abua goreha garegevenu. Eige auki auvagu dubu gadimi me auki iuda gaha ruga gagaviege.<sup>20</sup>iauka imigi auka ei guragu gamana visa iduke auka iau imimive ihivi veitera.<sup>21</sup>iauki vasiba gahigei, roma, "dirava uraige danema goiragi iai oroisa. Auki bina efeso garemanu.<sup>22</sup>kaisara ge iauki goromi me auki ierusalemia gadimi ekalesia ore e mage gahigei me auki bina antioka otinu.<sup>23</sup>nega tinabe ei gurami me auki ioa-ioa galatia renu frugia vateta va oti ekalesia ore e, iesu badina gahige gahavaea iau bougei eragei ma auki hero mohigevenu.<sup>24</sup>hora ei gera iuda atabe ihi vara apolo, auki efeso otinu. Auki alesandria atava ra aonega te renu buka aena tagera auki dibana riagavara.<sup>25</sup>ata ora be ramu rohiraro gumage uagatune dainehe iesu harike au roege ra hedo ruta mati rome auki saia-saia gahige. Iaga kobua be ra babatiso ra ioane babatiso ve guge auki dibana.<sup>26</sup>auka dubu uhura ge auki au haroro ganaganave ronuu uhu berebe ruta. Eige priscila renu akula iaberaki au gare ihime iauki nisigami oti iaga iau abu dirava gumage regu boriti gahi maoro gahanu.<sup>27</sup>au urave auka rurui hanaivi akaia otisa, e'e dainehe, eige au sokuhe iaberaki iesu badina gahige gahavaea ei gurahare vasiba gahigeige, imigei iauma abidae gahisa. Au ei kaua nera dirava vagahuve dainehe ihine koitavaia auki durugei rahogahanu.<sup>28</sup>badiva auki koita iau vagotolu iuda gaha namigei roma, "buka aena va gera aumu ro'o gağae gahanu, iesu ra keriso ra.

## 19

<sup>1</sup>apolo au korinto guramege negahe, paulo ra rahada seni hakivi efesoi kauvanu; iesu badina gahege gahava be auki behugei gahigevenu<sup>2</sup>auki beragei roma, "iesu ia mi riağa gahane negahe, iana horu aena tagena iana manu se?" (ge) iauki roia", horu aena garera noka so ihivi veitera",<sup>3</sup>iauki mati beragei roma, "iana otado babatiso bena ia manu? (ge) iauki roia, "ioane babatiso vera."<sup>4</sup>paulo raki roma, "ioane ra anana raği goiragohare babatiso auge auki koita mohigevenu; mati auki kirogei roma, "au itahe orogare atava iauma riağa gahisa, iesu auka menu."<sup>5</sup>ga ora iauki ihiarei, rohi raho iesu iehe auki mati babatiso manu.<sup>6</sup>(ge) paulo raki au ade mi iau ada maema nehe horu aena va raki bina iau ada uguhanu; ge iauki ga nune- nune iau ga ragohanu , mati dirava ga mağeve iauki roege.<sup>7</sup>iau ate aubougera utu abuhakira abu (12) nagatera.<sup>8</sup>paulo ra bata abigaga ge auki oti dubu hura haroro viege hero ruta, dirava basileiave gavaea auki koita hadiba gahigevege, mati iau uhure iogevage.<sup>9</sup>a be iabera iau uhure berebe gahigevege, iauki ga dage-dage raege, ga daure roege guma isage o ada hutuma iau vagotolu. Ge paulo raki garegei iesu badina gahege gahavaia gaitage auki nisigei otinu; vani au bouvi turano hahediba iagava uhurahe auki ahediba viege.<sup>10</sup>tau (lagani) abu (2) auki kara e

kiege; ge asia gurahege gahava ia, iudea renu helene gahava ia, iau bougei iauki rohi raho gare iauki ihege.<sup>11</sup>hedo kara mage tage dirava raki paulo adehe auki kiogevege;<sup>12</sup> ge iauki muko mati nigi mi paulo ahatanehe iauki idigi oti, dika-te gahavaia iau, ge iau dikave iaberaki doko rago hanu, mati (tabu) sua daure iaberaki gare gevenu.<sup>13</sup>iuda koita bea, ege new iara sua daure oagege karava iauki mi ioa gahege gahava iaberaki iesu ihe urigatu roro, sua daure-ia bolo gevene iau ada, iauki roia, “paulo haroro gahane atava iesu ihehe ge noki ia ganito gahigeva.<sup>14</sup>skeva, iuda ata mati aena ata bera, au gamuhe mo iatirigava gera enage iauki kiege.<sup>15</sup>ge sua daure e raki kirogei roma, “iesu ra daka dibanara, paulo tage ra daka dibana ra, a ia-na ogore-iabenu?”<sup>16</sup>ge negu sua daure boloane atava raki geroi iau ada, auki darere gahigevenu, mati auki gahigei atatai iauki iaga e uhura rururai hakiraganu, dabua veite renu bero ruta.<sup>17</sup>iuda renu helene gahava ia, efeso gurahare iaberaki hariva ihi me iauki siĝo ragohanu. Iau bougei ge iauki rohi raho iesu ihe motegahanu.<sup>18</sup>mati ihihi gaha hutuma gaita geramu oroganu, iau karave iauki roiogei gaĝae gahi gevenu.<sup>19</sup>mati hei gaha momo herea iau bukave iauki habou-gahigevenu,koita iau bouge iau vairanehe iauki gabugevenu. Buka e iau damune iau dahane, damuara silver gerebu (5,000) adakasiva.<sup>20</sup>rohi raho gare ramu bina iogo raganu mati berebe new para goinu.<sup>21</sup>e itahara, paulo raki au uhure maeami/hadaigahi, macedonia mati akaia mata iau aune hanaivi ierusalemata otisa. Auki roma, “ehe ge dane ganagana otisa, ihihe ge dane oti roma erisa.<sup>22</sup>ge auki au iahe-iahe ate abu, timoteo renu erasto, macedonia auki besugei otinu; a auka auvagu asia kasiva new para uiege.<sup>23</sup>nega ei neru (raho araki) beta gamikavaraki varanu, iesu gumage dainehe.<sup>24</sup>badivara monu; atabe ihivara demetrio, silevr me gahigevege atavara, dirava, magi be ihivara diana, au silver dubu gamika-gamikave auki kiogevege; oige au gaukara oreave gahava iaberaki moni dadaga herea auki idigevege.<sup>25</sup>aukaki me geregereve kiogevege gahavaia iauki habou gahigei roma,”ata ia iaka dibanara, me oige noki moni idiga;<sup>26</sup>mati iamu eraga mati ihare tagera, ata-o paulo ra hutuma (herea) raho iau uhure auki ima, mati aukaki nisigei gaise goima, beta efeso gegu gera, a asia mata/ vateta inuhati, mati auka roma koita iau ada kiki diravave ra beta dirava riagavara.<sup>27</sup>auka nokera auki no daure gahigeima. Ni moni davari me-vera koita iabera besibe gahigavara. Mati beta egu gera: dirava magi, diana, au dubuve tagera iauka (negu) besibe gahigavara.; ge, asia mati mata koita iau bougei tomadihogahare dirava va dagiva mage hereava aunema mi arigisa.<sup>28</sup>iau ga e ihine negahe, iauki ho’o herea raganu,iauki bara ragohi goira-goira raĝi roia, “efeso diravava diana ra hereavara.<sup>29</sup>ogo inuati, neru raki bina raho goinu. Ge iaukaki iau bougei ruru raĝi oti garu iagava, iau uhurera kobua bera; macedonia ata abu tagera; gaio renu aristako, paulo ioaioa vehe bamoege atava iabera, iaukinu idigei otinu.<sup>30</sup>ge paulo urave auka sirivi ogo gaha iau gasina otisa, iduke iesu badina gahege gahava iaberaki ruguanu.<sup>31</sup>asia rohiva be iabera paulo vasiruhe iabera, iau gaitage raki ga siai gahi, imigi roia au negu garu iagava otima/sirivima.<sup>32</sup>be iabera ga be bara (tahu) raĝi roege, mati be iabera ga be; ege heboua raki neru momo dainehe, hutuma iabera hebou badivara iauka dibana veitera.<sup>33</sup>ge be iaberaki iau uhurehe roia, hebou o badivara alesena ra, badivara iuda gaha iaberaki koita iau vagotohu dorivi otege. Ge alesana raki au adehe iore-gevenu, koita auma ga gahigeisa.<sup>34</sup>iduke iauki eragi, auka iuda atavara, ge iauki iau bouge-bouge ga kobua ei bara raĝi ro goira-goira gahege oti hora abu nagate; iauki roege,efeso dirava-va ra hereavara.<sup>35</sup>ge ogo toretore atavara raki hutuma imigei roma, “efeso gahaia, unuhuna vateta oi dibana veite, efeso ra diana raho au dubu-e nari-nari vara, mati deo-oi seni moruane iagava ta nari-nari vara.<sup>36</sup>ga o iabera bera beta iau ada ga be ro-io gei gevara, iauma benu guragu mage ragisa, ia negu kara daure ki goira-goira gaha, era mage ra.<sup>37</sup>badivara, ohe ia idigi orogevene gahava iabera beta dubu ge iauki dadi-dadi raganu; ni dirava maĝeve tage iauka daure gahiga veitera<sup>38</sup>ge demetrio au me gahatuheia iau uhurehe, rosa ata be raki bina no daure gahigevenu; ieriri iaga iaberamu bina bao ragohanu, gavana tage ramu onu; iauma bebe iau boriti ragisa.<sup>39</sup>a ga nune bena uvenu; hebou korikova ge iane gava kisa.<sup>40</sup>a vani o neruva dainehe iau boriti raga-re, noka kerere rairavara; badivara neru ora maka veitera, mati hebou-o badivara noka beta roro dibanara. auki gavi kosaima auki bina kirogei roma, iauma bina karohe ragisa.

## 20

<sup>1</sup>neru dokoane iahare,paulo raki iesu badina gahege gahavaia auki habou gahigei, detumu gahigei, vasiba gahigei me auki garegei, macedonia otinu. <sup>2</sup>gabua e iau uhura au ogi hanai vaneige auki detumu ga momo koita kirogei ronu, me’e auki akaia otinu. <sup>3</sup>bata abigaga (3) auki ei guramege.<sup>4</sup>iagatoiva ge aune guivi suria otisa roege, iduke iuda gaha iaberaki au hadika/daure gahiga karava gava rage-ge dainehe-ge auki au uhure maeami, makedoni ge aunema goiraisa.<sup>5</sup>au bamoi oti asia gahavaea iaberamu onu: sopatera puro, berea atavara aristako renu sekundo, tesalonika ataea; gaio, derebe ata; tukeko renu trofimo, asia ata/gaha iabera, iauki no urigatu-gei, troa no narigevege.<sup>6</sup>a noka flaoa uhuhu veite rigiva vaniva kosa ragane itahara-ge noki filipi garehanu, vani ada kasiva (5) noki troa kauraganu. Vani iatiriga (1) ei gurahege.<sup>7</sup>pura vani ganaganahe anibou iva iau hebou ragane nega ei, paulo raki haroro gahigevenu, badivara vagutu auka urimi otitivara. Au harorove auki ege ? herea gahi oti nemehe. <sup>8</sup>auhe daituava ? ge iauka hebou ragege; daiutu ei gera lamepa momovara.<sup>9</sup>eregabe ata be, ihiva eutuko, haba/gabavakahu auki guramanu; (ge) au nie raki dore herea viege, paulo raki au harorove gamana gahane dainehe ? gera. Iagi sagoi me auki iaga auhe moruanu, iau mi iagemane negahe, auka bina hoeke ra. <sup>10</sup>paulo raki goromi, au ada hotorami me auki hodohui roma, “ia negu neru raĝoha, auka so ona magurivera.”<sup>11</sup>auki mati gadimi flaoa gabuga bokoi me auki tamuta vanu. Ge auki iau rua ga-gavi oti va raki tahanu. Eige paulo raki bina otinu. <sup>12</sup>a hebou gaha iabera eregabe ata e magurivehe nisigi otinu, uhu mage ruta<sup>13</sup>noka bina gana-gana goiragohi, iara diuvi, aso noki otisa ronu, ei ge paulo na bina guivisa; badivara auka ena kime auki no kirogei ronu. A auka tanagu’u ge aune otisa. <sup>14</sup>ge noki au ruta aso hedavari ragohanu, auki giuvege, noki mituleni oti kauraganu.<sup>15</sup>ei ge noki nati urihi otinu. Va tahege, noki kioso variada dai raganu. Vani be itahara ge noki samo kauraganu, vani e itaharage

noki bina miletus kauraganu. <sup>16</sup>badivara paulo ra uhurehege auki roma, efeso au soigi otarera mage ra, aunegu nega gamana asia guramare sigoara. Badivara auka gugu vi me auki, idukena gumate goiare, auka penticos vaniva auma ierusalem gurahisa <sup>17</sup>mileto seni, paulo raki ga siai gahi efeso otinu, ekalesia orea narivare gahava iabera ma so au gasina otisa. <sup>18</sup>ge iau au gasina kau-ragane negahe , auki ga gahigei roma, asia vatava, da ganagana di vase vatagane, negahe oroi negu butu, orena kimena da iai adirahu gurame-gera, iaka bina dibanara. <sup>19</sup>rohi raho besubesevehe da otege, manau ruta: di ni nemote goromege, mati huhu ramu da miege, iuda gaha iau ga daureve dainehegera. <sup>20</sup>ia mage-gahigeige gava au bouvi damu ia boriti gahigevege, ga bera daka huni-huni veitera; mati koita iau vairanehe/vagotihu ia hadiba gahi-gevege, mati iai iagehe tagera. <sup>21</sup>iuda gahaia mati helene gahavaia tage dakamu haroro gahi-gevege, dirava-i iauma anigahi iau dikave /daureve, iauma garehisa, mati ni rohi rahove, iesu keriso, iauma gabidadama gahisa. <sup>22</sup>pura bera negu butu ierusalem danema otisa, horu aenava ramu bina da rohevane dainehegera,( horu aena nisinisive dainehegera), a otado bena ei dai varavara-vanu, daka bina dibana veitera; <sup>23</sup>iaga kobua bera,ogo nunenune aubouvi uhurahe, horu aenava raki bina da boriti gahanu/kironu, bodibo/raro-raro mati huhu momoara me di vairanehe horivanu. <sup>24</sup>a di magurivera aunagera, daka lalokau gahiga veitera, di ruruve dama haore gahisa, besubesu mi otiti rohiraho iesu keriso raki bina da moimanu, dirava hari-hari rahove hariva maḡeva dane ro hedinarai/ ḡaḡae 0 gahi, bina dane guguru gahisa. <sup>25</sup>negu butu gera daka dibanara, da iai ioaioa otege, mati da basileia haroro gahi-gevege gahava iai bougei, iaka beta di vairane erai goiragiravara. <sup>26</sup>badivara monu, da ia kirogei/boriti gahigei roma,daka koita iau bougei iau taokehe damu bina mage goinu. <sup>27</sup>badiva dirava urave aubougei dakamu bina ia kirogei ronu/boriti gahigevenu; tina kibera daka duha-duha veitera. <sup>28</sup>para bera iavagu iai nahuave iama tohoisa, mamoe teri nahuave tagera; terivara menu horu aenava-raki bina erageige gahava ia idigevenu, dirava ekalesia-ve, au taokehe haevane iagava, iama vasigisa. <sup>29</sup>daka dibanara, da ia garegevare itahara, ura to dage-dage-te iabera negu iai adirahu/vaḡa siriragisa, teri e iauka daure gahigavara; <sup>30</sup>mati iavagu iai seni ata be iabera negu urhi, ga tarata/keukakeuka roroara, ihihi gahaia iaune nisigei kerere gahigeisa. <sup>31</sup>ge iama nigahisa, o-tage iama anaisa. Tau/lagani abigaga (3) ia kobua-kobua, da ia ugoro gahigeigeva daka hadoko gahiga veitera; da ia ugoro gahigevege vani mati vahi ni nemota ruta. <sup>32</sup>negu butu dirava ade-i renu mati harihari raho gavaia au ge daki ia gosigeima; auka goadate aune ia vatagei maoro gahisa, mati aune iai gahune ia mohigeisa au aena gahatuhe iau vaḡa. <sup>33</sup>atabe silver-ve se au golo-ve se au dabuave daka urai ididi anana veitera. <sup>34</sup>iaka dibanara, di dabu iagave, mati di sokuhe iaue ra, o'o di ade abua ruta me va ge daki idigevege. <sup>35</sup>iaga aubougei uhurahe guma mage, damu iai ḡaḡae gahanu iama me misa da hairanite , dabudabe/hero veite gahavaia iama iahegeisa; mati rohi raho iesu gare anaisa, auka roma , “iaga moimo-ara hegiri raho tera, iaga mimi vara hegirivara aviera. <sup>36</sup>enaki ro iareime, auki au komukona vatai, iauki iaubougei guriguri raganu. <sup>37</sup>iauki iaubagei nina raho herea iauki rago hanu, au ruta bebe hodogeime iauki anoanu. <sup>38</sup>iau uhure iabera huhu herea au gare dainehe, badiva auka roma iauki beta mati erera vara. Gumaga iauki bamoi iagatoi-va otinu.

## 21

<sup>1</sup>ge noki vasiba gahihei uhu-isuka ruta, ge noki iara diuvi, ruru ieriri raḡi koso noki kauraganu, va tahege noki rodo kauraganu, ei ge noki oti patara. <sup>2</sup>ei ge noki foenikia oti iagatoi be davari gahi, me noki gui raḡi otinu.<sup>3</sup>kupno noki eraganu, noki vaḡa'a kasi garehi, suria kauraganu, turo noki ugu rago hanu; badiva iagatoi kohuva ei goegeige dainehegera. <sup>4</sup>iesu badina gahige gahavaea noki behu gevenu, (ege) ei vahi iatirigava (7) noki uiege; horu aena , hedokehe ge iauki paulo boriti gahi ogira-goira ragohige, au negu ierusalem otima.<sup>5</sup>vani ea kosa rago hege, (ge) noki ni ioa-ioave otinu; iau iaubouge iau maginuhe iau gamuhe ruga gumaga no bamoge i oti ogo nokki gare hanu. <sup>6</sup>(ge) noki vasiba gahigeiarei, iagatoi-va noki gui raganu, iauka iau iage iau oti gevenu.<sup>7</sup>turo ge noki new para urihi, tolemaia kau raganu, ni ruru dokonera eiger. Eige noki vara-vara/ tauna eragei bebe mage gahi gevenu, vani be noki iau ruga gurahanu. <sup>8</sup>vagutu, tolemaia noki garehi,kaisarea otinu, filipo sivarai mage haroro gahege atava iagehe noki gadihanu, auka iatirigava iau ate bera idigei me iauki, iauma iahe iahe ragisa, Ierusalem uhura. <sup>9</sup>Au ḡamuhe maiāgo ababu gera, iau bouge iauki peroveta raḡege.<sup>10</sup>v 10 vani rorebe ei gurahegei,peroveta ata be, ihiva agabo, iuda seni ge auki orogonu, <sup>11</sup>ni gasina auki hakivanu. (ge) auki paulo dabuave manu, auvagu au vase mati ade rarogei roma, “horu aena-vara onakime auki roma: dabua-o biavara iudea gaha iabena ierusalem ona kime iaune raro geisa, (ge) iaune bese nune mohigeisa.”<sup>12</sup>ga e no ihine negahe, noke renu gabu e gahavaea tage noki imigi goira-goira gahege, auka beta ierusalem otivara/ gadimia vara. <sup>13</sup>(ge) paulo raki onaki roma, “ia onaki nigoragare mati di uhure rabura gaharena otadobe dainehe genu?” Dakamu bina hegaegae vanu, iauma bina da raroisa; ege beta egu-gera, daka hoge tagera ierusalem-i , rohi raho iesu ihe varikehe <sup>14</sup>(ge) au uhure iva noki bau raganu/geregere veite dainehe noki ni imimive hadoko gahanu, noki roia, “rohi raho uravegu ge aunema kisa. <sup>15</sup>vani e iau itahara, ni ioaioa kohuve idigei hegaegae gahi, me noki ierusalem otinu/gadihanu. <sup>16</sup>iesu badina gahege gahavaea bea kaisarea seni iauki no bamo gevenu; nason, kupno ata, tagera noki nisigami otinu; iesu badina gahege ata emene/bauge bera, au iagehe nokatai gurahisa. <sup>17</sup>ierusalem mai no kauragane negahe vara-vara iaberaki no idigei, hegiri ruta. <sup>18</sup>vagutu, paulo raki norua otinu, iakobo erasia rome noki otinu; ekalesia orea erai narivege gahavaea gaitageramu iau bouge ei-i. <sup>19</sup>paulo raki mage gahigeige ga'ava mohi geiarege, dirava bese nune-nune gahavaea iau adirahu au besubevehe. Iau kiogevege karavaea aubougei hariva auki roio gevenu.<sup>20</sup>iauka ihime iauki dirava moteahanu. (ge) iauki ga'a gahi roia, “ni vara-varate! Aka dibana iuda gaha daha-daha iaberamu bina iesu badina gaha; iaubougei geramu taravatu badina gahi (berebe-berebe) gaha. <sup>21</sup>iaukamu bina ihinu, aukamu iuda gahaea bese nune-nune iau vaḡa/adirahu uiarei hadiba gahigei, mose iauma garehisa, mati iau gamuhea iauka beta pertome gahigeisa, mati

beta tene kara kisa.<sup>22</sup>(ge) ana orena ki-kivanu? Riagavara, iauka ihihivara, akamu bina orogonu.<sup>23</sup>e dainehe, kara o no a boriti gahare ama kisa. Ata ababu ge ramu onu, aena gaha ominue dainehe.<sup>24</sup>akena bamogeisa, iau ruga iane ia regugeisa, iau idigi otare kohuva/ iagava au iama damu kisa, (ge) iau omo hanake iaune dodogeisa. Eige koita au bouvi ge na dibana gahisa ai harike iau ihe-gera maka veitera; mati dibana gahisa ai karave ieririvea, mati taravatu amu badina gahima.<sup>25</sup>a bese nune-nune/avagu-avaguvea gahiaia ni ananave nokamu bina iauga leta torevanu,noki roea, kaivakuku boubo iagava mati tago renu iau enoke gigigevene iagadiva misikava iauka beta ivara, mati beta ni muduka ragisa.<sup>26</sup>(ge) paulo new para raki negu ata e bamo gevenu; vahigu vagutu, iau ruga iau regugei, dubu aena hura siriraganu, regugevene vaniva kosavege mati boubou iaga iau kobua-kobua iau dainehe iau gosigare vaniva auki ro'o hedinarai gahanu.<sup>27</sup>regugevene vaniva iatirigava (7) so kosako veitehe iuda gaha bea asia seni iaberaki paulo eraganu, dubu aena uhurahe, (ge) iauki aru gahea iau uhure inu. (ege) iauki mi kamoanu,<sup>28</sup>bara ragime iauki roea, "isaraela gahaea! Ihi ahe, ata oraki koita iau bouge gabu inuati hadiba gahigeima, ni beseve renu ni taravatuve mati gabu o iauma betia/besibe gahisa; o tagera, aukaki helene gahaea dubu aena uhura bina nisigei sirivanu.gabu aena ora aumubina daure gahanu.<sup>29</sup>badiva iaukaki trofimo, ata efeso, ogo hura paulo ruta era gevenu ganagana, ge iau anana ve, paulo ramu dubu aena uhura bina nisigei sirivanu.<sup>30</sup>ogo inuati dibanaveite otadoana varavege (dara dara ge) ogo gaha iabe raki arumi otinu, paulo mi kamo vanu, dubu aena-va iauki butu-i hakiraganu, (ge) udua iau bouge iauki kougevenu.<sup>31</sup>iauka gami hoikisa rondu iduke ierusalem inuati neru rage ge harivara ga bia baugeva raki ihinu;<sup>32</sup>(ge) auki ga gaha iau bauge tuhe ruga vaina nisigei orogonu, iau gaika iauki rururai ugu raganu. Aru gaha iaberaki ga bia baugeva au ore gaha tuhe ergevenu, (ege) paulo gamiga-va raki doko vanu.<sup>33</sup>(ge) ga bia baugeva raki ogi huguga gei, me auki manu, au oreagaha tuhe auki kirogei roma iauma gote/seina abu iau raroisa. (ge) auki beraganu auna unuhunu mati au karavena otadoanu.<sup>34</sup>a hutuma iau vāga be-iabera ga be mati be-iabera ga be iauki bararagi roege; (ge) neru dainehe ge auka ga maoro davari gahiga veitera.<sup>35</sup>vasaka kau raganei, ga gaha iaberaki taboi gadihanu, badiva aru gaha iaberaki gani kiege.<sup>36</sup>badivara ogo gaha iau bougei ge raki iau itahe otinu, bara ragime iauki roege, au hogera/ge/gami koeki iahe.<sup>37</sup>auhe iaga uhurahe iau nisigami siriragisa roege; (ge) paulo raki ga bia bauge e imigi, roma, "dana beta a ga gahisa." Ga bi bauge e raki roma, ana helene ga'a dibanatu? <sup>38</sup>Gerege aka beta negu Aikupito ata, subuta ga havara gahane mati ga gaha daha ababu mata gāgaeva idigei otinu?"<sup>39</sup>paulo raki roma daka iudea atavara; di ogera taso, kilikia matava gera,harivara beta gamika ogo ara. Daka a imigima ai karave, koita da so ga gahigeima.<sup>40</sup>auki ga maoro vanu;(ege) paulo raki vasa ada rami , au adehe koita iore gevenu. Iauka neru/ enoga veite; (ge) auki Heberu ga va kirogei roma,

## 22

<sup>1</sup>Di gogonanuhea renu di mamuhea, da di harike roma ihiahe." <sup>2</sup>Paul heberu gava gevege yauki ihare keru gahi unu. auki rondu,<sup>3</sup>Daka Jew koita vara, daka Tarsus, Cilicia uhurage daki vara vanu. Eduge daka ogo oi ge daki uhuvaka manu Gamaliel raki uhuvaka inuhati da boriti gahanu . auki ni teneve yau aena isukevea maguriva da vasiba gahege. Eige daki Dirava meve herote goinu ya kiare nagate. <sup>4</sup>Guma isage o dainehe damu, ata, magi idigei vadibu iagava gosi gevege yauka hoge ragohisa <sup>5</sup>Dubu biava renu dubu Bauge yana di gare riaga gahisa. Yauki ni gogognahu Damascus uhura uyege yau dainehe yauki ga besugi sage, daki ti raro gevare idigei Jerusalem oroge-ge huhu gahi geige dainehe.<sup>6</sup>Eduge vani bei da Damascus otege uhura, vani iahuva ogo bina kahika goine, abaga ketana beraki vava seni uguhi rogi da origanu <sup>7</sup>daki vata ariragare eno be ihige. auki da boriti gahanu, 'Saul, Saul, esemena da daure gahima?' <sup>8</sup>daki beraganu, Ana unuhuna Rohi Bauge?' auki da boriti gahanu, 'daka Iesu Keriso Nazareth koitavara akigu da daure gahima.'<sup>9</sup>Da ruta otine gahavaia yaberamu abaga e eraganu eduge yauka eno da ga-gahane makava mimi veitera. <sup>10</sup>daki rondu, dana kikivanu otado, Rohi Bauge? Rohi bauge raki da boriti gahanu, " urimare Damascus ogo uhura siriva eige yauna a vasiba gahisa, a kiare meva inuhati. <sup>11</sup>Daka niganiga veitera badivara abaga e hedoke va raho dainehe, mati da ruta Damascus otine gahavaia yaberaki ada da nisigami Damascus uhura siri raganu.<sup>12</sup>Eige daki ata be behuganu ihiva Ananias, auka Dirava sigamege mati Aena kamoenge koitavara, ei uyege Jew koitavaia inuhati geki matau gahege. <sup>13</sup>Auki di gasina orogare onaki rondu,' di gogo nane Paul, ai niegu bao rage.' inono veite di niera bao rage-ga daki Ananias eraganu.<sup>14</sup>Auki rondu ni tenetuhe yau Diravave raki a manu aka au gahara vare dibana goisa, me ieriri koitava ana eragisa mati au avagehe ana au enoge hakivare ihisa. <sup>15</sup>Badivara aka au seni a eragane mati ihine iaganiva inuhati ro gagae kiki koitavara. <sup>16</sup>otado dainehe gena a gurami uma? urimi bapatiso mare ai daureve keto gevare Rohi bauge ihe ganaga gaha.<sup>17</sup>Goiragime daki Jerusalem otinu, daki ti dubu Dirava ganaga gahege uhura daki Iesu eraganu. <sup>18</sup>Auki da boriti gahi roma, "vaina urimare Jerusalem garema badivara a di harike roare yauka beta riaga gahiga vara."<sup>19</sup>Daki mati kironu Rohi Bauge, yauka yavahu dibanara a riaga gahege gahavaia dubu uhura uyege daka idi gevare vadibu yagava gosi gevenu. <sup>20</sup>Stephen tagoke bohu ragane, da tage me gamege gahavaia yau vageahe, yau gamege daki mageva roege. yau ogonave gainage daki nitabata gahi gevege. <sup>21</sup>Eduge Iesu raki da boriti gahi rondu, ' ote, daka a besuge aka gamanahu, koita nune yau gasina.<sup>22</sup>Au gavege ihare yauki bara ragohi roege, "Ata ogu vata ada oi veite goie, auka ieriri veite au maguri vi uyare." <sup>23</sup>Yau bara raki, yau ogonave idigei kiare gei, mati vatata souka idigei auhe kira gevege, <sup>24</sup>tuari biava raki au gamituhe kirogei yauka Paul mi siri ragisa ei kamui usa. ge yauka bera gisa onehe dainehe gena yau bara gaha.<sup>25</sup>Goteva raroare itaharahe, Paul raki koita Bauge beraganu," ona ieriri venu ya gurigoi roma koita be gamare ihie au isuke kine berabe ragira vanu?"<sup>26</sup>Aena koitava ga e ihinei, auki au haire gasina otare boriti gahanu, " otado romena? Badivara koita ora roma koita vara."<sup>27</sup>Aena bia Bauge raki orogi Paul beraganu,"Da boriti gaha, Ana roma koita vanu? Paul raki rondu," io. <sup>28</sup>Aena bia Bauge raki rondu," da ogo o koitava goisa ronera kerike vage daki damuna kinu." ge Paul raki hanigoi ki rondu, da guruanu, daka roma koita vara.

<sup>29</sup>negu beragisa rone gahavaia dibana gahane yauki inono veite garehare otinu. Aena bia Bauge tage sigoime auki vanu badivara, auki goteva Paul raroanu.<sup>30</sup>Tahege Aena bia Bauge ra gahara riaga onebe dainehe Jew gahavaia Paul ho gaha. Eige auki au Paul raroane goteva vahegare auki roege dubu biava ya mati Kansil inuhati yabeki bou raganu. ge auki Paul mi orogi yau vagotenehe maemanu.

## 23

<sup>1</sup>Paul raki kansolo gahavaia era gevare ronu, di gogonanuhea daka uhu mage rutage daki Dirava vago tonehe uyege ate negu, <sup>2</sup>ge aena koitava ihiva Ananias raki Paul gaika gahane koitava kiro gevenu yauka avagahe madaisa. <sup>3</sup>Buka Paul raki mati kironu, "Dirava na a gamisa, aka haba kae vara. A guramanu na aenava di daureve iagoisa romena, gena a da gamiga gava vima, aena uhura.<sup>4</sup>Au gaika gahane yabeki ronu, Ana Enaki aena Dirava aena koitave ga-gaheiga vanu? <sup>5</sup>Paul raki ronu, di gogonanuhea daka dibana veite auka aena koita bauge be. Daka dibanara, yaukamu ronu anegu koita nitabata gahare koitava ga daure gahime."<sup>6</sup>Paul dibana goine, kansolo hakira vara Sadducees renu Pharisees yabera, auki eno raho tahu kansolo ki to gevenu, " di gogo nanuhea, da Pharisee vara, daka Pharisees gamika vara. daka hoge maguri vi goiragare gavara daki viare dainehege yaki di daureve iagoa." <sup>7</sup>Au ena ronei, Sadducees mati Pharisees yabeki enana ragohanu, yau ruga bou ragane koitava gaina ge bebe kara gevenu. <sup>8</sup>badivara Sadducees yabera roia maguri goiragira ra veitera, aneru gaina ge veite, horu tage veitera, eduge Pharisees yabera iaga inuhati ge yauki riaga gaha.<sup>9</sup>Kou raho goinu uhurahe, Pharisees gahavaia yau vagahe uhuvaka koitavaia yabeki urihi heroki garagi ronu, " noka ata o gasina daure be behube veitera. Horu se aneru be negu ga-gahime?" <sup>10</sup>Enana varaki raho goinu koita yau vagahe, ge koita nitabata gahi gevare koita bauge va raki Paul gamare sigoa vime. auki au gamituhe besu gevege yauki ti Paul nisi gami yaga uhura siri raganu.<sup>11</sup>Vahige Rohi Bauge ra Paul gaika ge auki uni, auki Paul ki ronu, " ama hero kisa, Badivara a Jerusalem uhura di dainehe gevene nagate aka Rome uhura tage di gare vivi vara.<sup>12</sup>Vagutu Jew gahavaia yabeki bou ragare, yauki ominu isukate be ronu, yauka beta tamuta mati eia I veite gahisa ate yau Paul gami hoeka rei. <sup>13</sup>Ominuo e kine gahavaia yau atera utu aba-abu nagate.<sup>14</sup>Yauki urihare dubu biava mati ogo gahavaia bauge yau gasina otare ronu, " noka ominuo ketake be noki kinu, noka tamuta mati beta eia ihare ate nona Paul gami hoekisa. <sup>15</sup>E dainehe yaka Kansil mati koita nitabata gahi gevare biage imi gevege yauka Paul nisi gami ni gasina mioro gare. yama au gare regunaiki iagoare, au a kahika gahi oroge-ge nona ppl gami hoekisa."<sup>16</sup>Eduge Paul amakine moe ihinei yauka avanage va rago hege, auki iaga uhura ei there Paul boriti gahanu. <sup>17</sup>Paul raki koita nitabata koitava be ihiromi boriti gahi ronu, koita o nisi gami yai bia baugeva gasina mi ote auka iaga bera auki boriti gahisa roma."<sup>18</sup>Koita eraki bina nisi gami otinu koita nitabata gahi gevare bia baugeva gasina, auki ki ronu, vadibu yaga uyare koita ihiva Paul raki roege daki koita o nisi gami oroganu ai gasina. Auka iaga bera auki au boriti gahisa roma." <sup>19</sup>Koita nitabata gahi gevare biava raki nisi gami ti iorena beraganu, otavadoana da boriti gahisa roma?<sup>20</sup>Ata eraki ki ronu Jew yabera bou ragime yauka a imige-ge aka vahigu Paul nisi gami kansol yau gasina mi otisa, ge yauka regunaki beragisa. <sup>21</sup>anegu yau gare ihime badivara ata inuhati utu aba-abu geramu e uhuyame uya. mati yauka ominuo raganu yauka beta tamuta se eia ivara ate yau Paul gami hoekarei, yauka me uhuya uhuya rahi e uya badivara yau uhu anana vera aka yau gaharahe ragohare iaganiva kisa.<sup>22</sup>Eige koita nitabata gahi gevare biava raki koita e boriti gahi roma, anegu a da ki rone gava koita e boriti gahime, e itaharahe auki ki kiroe ge auki otinu." <sup>23</sup>Auki au gamituhe abu ihiro gevare kiro gevenu, ' ti koita nitabata gahi gevare gamiva inuhati tinahu abu idigei ahe, renu hosi gui ragare gamiva inuhati utu iatiriga idi geisa renu vaiga kamuka gami inuhati tinahu abu gaina idigeisa, yaka negu vahi nemehege yana Caesarea- otisa. <sup>24</sup>" yama Paul gui vare hosiva tage be miege auma gui vege, yama magurive mi governor Felix gasina mi otisa.<sup>25</sup>Auki au gare besuganu idi vadakava tahu, onaki me auki ronu. <sup>26</sup>" Daka Claudius Lysias ake daki a mage gahima badivara aka koita bauge mati ihitera. <sup>27</sup>Koita ora Jew yabeki manu, yauka gami hoekisa rone uhurage daki di gamituhe ruga ti maguri gahanu, badivara da ihine auki Roman koitavara.<sup>28</sup>Da gahara vanera daka ta dibana goisa au isukeve na otavadoanu, daki nisi gami yau kansolo ve bou rage-ge uhura mi otinu. <sup>29</sup>Eige daki dibana goinu yau aenave gave dainehe gera, eduge yau aena gare isuka vera beta riagahu gami hoekiki va se vadibu iagava maema geregere vara. <sup>30</sup>Eduge daki mati ihege yauka gami hoekiki va roege daki vaina ai gasina besuganu.daki mati enana gahare koitava kiro gevenu yauka au isukeve behugevengahigevanee idigi ai gasina orogisa.<sup>31</sup>Koita nitabata koitavaia yabaki ga e ihare meva kinu. yauki vahi Paul mare mi Antipatris otinu. <sup>32</sup>tahege koita nitabata gahavaia yaberaki goi ragohi otinu. hosi gui atava yabera Paul ruta ge yauki gare gevenu. <sup>33</sup>Hosi gui atavaia Caesarea haki ragare yauki idi vadaka e mare ti govenor moimanu, yauki Paulo tage mi au ada uhurehe maemanu.,<sup>34</sup>Governor idi vadaka e dahare auki berabe vanu, ona ogo ore koita vanu? ihiege auki dibana goinu auka Cilicia koita vara, <sup>35</sup>ge auki ronu, " a enana gahare gahavaia oroge-ge dana ai gare ihisa.." auki mati roege yauki Paul mare ti Herod gavamani aena iaga he maemanu.

## 24

<sup>1</sup>Vani adakasiva itaharahe, Ananias harokoita bauge, renu dubu baugeva bea, hari mage dibana koita baugeva be ihivara Tertullus gasina otinu. Koita e yabeki Paul me kine gava mi otinu governor gasina. <sup>2</sup>Paul oti governor vagotenehe ramanei, Tertullus raki au me kine badiva governor gasina roege, "Ai dainehege noki mai mage mia, renu ai ihie orogare maguri gava roiare, eraki ni uhure mage gahima; <sup>3</sup>eige mage aubougi uhurahegera noki a mage gaha, a iaga aubougi kiare uhurahe gera mage riagavara, ni baugete Felix.<sup>4</sup>Eige daka beta vadibu yagava a maemavara, akera daki a imigima, ana so beta ni gare ihivi vanu nega tinakibe uhura. <sup>5</sup>Nokamu ata o behuganu auka isoiso nagatera renu aukaki Jew

aubougi mata o uhura taragevege yauki bebe inara gahigeva. Auka koita Bauge bera Nazarene yau vagahe. <sup>6</sup>Tutuanu auka Dubu tage seboganu, eige noki adakahe kamuanu. <sup>7</sup>A Paul regunaki eragare negahe iaga o aubougi vara ragohare uhurahe, aka dibana goigo vara otadobe dainehe gena no roia auki guragu daure gahare koita vara. <sup>8</sup>"Jew gainage roia aukaki daure o mi orogima, renu roia au kiare meve vara riaga vara. <sup>9</sup>Eduge governor Paul kironu au ga visa, Paul raki ronu, "Daka dibanara tau dadaga uhurahe aka koita yau daureve dainehe akamu beragevenu, eige daki hegirita da me kiare badiva aki roroara. <sup>11</sup>Atagera akamu avahu dibana goinu vani utu be abu tagera so mimi veite dakamu otege Jerusalem dubu uhura imimi viege. <sup>12</sup>Yau dubu uhura da behugane, Daka be ruta avahehe veitera, renu daka koita bourago hege yau vagahe daure be kiki veitera, aena yaga uhura tage veitera, se ogo bauge uhura. <sup>13</sup>Yauka beta riagahu da kine meva daureva rorovara. <sup>14</sup>Eduge daka di uhure aubougi daki a boriti gahima, yau guma o daureva roearera da di mamuhe yau Dirava ve daki mage gahima, Peroveta gahavaia aena rone iaganiva aubougi gera daki riaga gahima. <sup>15</sup>Di uhurera da Dirava riaga gahare, ata o gaina gera, ni uhu anana vera hoge gahavaia yabera maguri ragi goiragira vara, riaga koitava yenu daure koitava gaina ge maguri ragi goiragi gevare. <sup>16</sup>Eige daki hero kima, do uhure ramu ieriri ve goisa Dirava gasina renu koita yau. <sup>17</sup>Tau dadaga varamu otinu daki goiragi di ogehe rogi di yaheyahe ve renu di daureve damune maemanu. <sup>18</sup>Da enakine itaharahe, Jew Asia va be yabeki da behuganu maguri isage eiava miare meva kiegoe aena yagava uhurahe, beta koita mudago ruga, se barakou uhurahe. <sup>19</sup>Ata o yabena idigei oroge-ge yauma ai vagotonehe rahare, di daure gagae rosa, yau uhu huhu te goiege. <sup>20</sup>Se, yauna rosa otado daure vana yau dai behuganu. da Jew kansolo yau vagotonehe ramane ei, <sup>21</sup>Se, da yau vagahe ramare na dana barai iaga kobabe ronu, 'Ena hoge itaharahe maguri vi goiragare gava dainehe genu, Edainehe gena da negu ai vagotonehe ramanu. <sup>22</sup>Eige Felix, auka dibana mage riaga vara Guma va, ihihiva ra ihie goisa. Onakime auki ronu, "Lysias bia Bauge Jerusalem oroge ge, dana ai meve berebe va visa." <sup>23</sup>Eige auki tuari koitava kironu Paul ra vadibu yagava otovara, eduge auka beta me bauge be kikivara eige au sokuhe yabera dagedage oti eraravara. <sup>24</sup>Vani rore be itaharahe, Felix ra au mabare Drusilla, Jew magivara, yauki goiragohi oroganu, renu Paul besube ve ragohanu, eige auki gabidadama Iesu uhurehe dibana goinu. <sup>25</sup>Eduge Paul ga be rogevene makava ruta, ga riaga, uhu berebe, renu berabe vaniva orogare, Felix ra sigoime auki ronu, "Negubutu gahe ote. Eduge ihiegena dana ai besubeve viege ana orogisa." <sup>26</sup>Nega ei tagera au uhu anana vera Paul ra muni tahaka be moimi vara, eige auki nega mudago au besubeve viege renu ga gahege. <sup>27</sup>Eduge tau abu otine itaharahe, Porcuis Fetus governor goinu Felix itaharahe, eduge Felix ra Jew yau mageve auki gahara viege, eige auki Paul gare manu vadibu iaga uhura.

## 25

<sup>1</sup>Vani abiga-ga itahe, Festus ogo sirivanei, auki otinu Caesarea mati Jerusalem otinu. <sup>2</sup>Aena gahavaia renu Jew gahavaia yabeki Paul gare vasiba gahanu, yauki yau uhure ruta Festus imige-ge <sup>3</sup>Yauka imiganu auka yahe gei Paul mi orogi Jerusalem, makavara yauka Paul guma tanahe oroge-ge yauka mare mi gami hoekisa gumava yauka kinu. <sup>4</sup>Festus raki boriti gahi gevenu Paul ra Caesarea vadibu iagava gera, Da tagera tutuege dana ei otisa. <sup>5</sup>auki ki ro gevenu unuhuna Caesarea otisa roma, "auma no ruga orogisa. ata o isukete goiege iana ei au ,gare ragisa. <sup>6</sup>Festus ra vanu abugu veite nagate itahe ge auki uguhi Caesarea otinu, tahege auki berabe Bauge va ti guramare auki besubesu vanu yauka Paul mi au gasina orogisa. <sup>7</sup>Au oroganei, Jew Jerusalem uyare yabera kahikahe ge yauki rahanu. ga isukate dadagava yauki Paul ada ronu, eduge yauka riaga veitera. <sup>8</sup>Paul raki ronu, daka daure be Jew yau aena derikehe kiki veitera se dubu aena uhura mati Caesar gasina. <sup>9</sup>Eduge Festus ra gahara riaga Jew yau uhure mage gahiga dainehe, auki Paul kironu, "Ana gahara vima aka Jerusalem otege daka iaga o yau dainehe regunaki a bera gisa?" <sup>10</sup>eduge Paulo raki ronu, daka Caesar vagtone hege daki gahanu e dainehe aukena di isukeve iagoisa. daka Jew be daure gahiga veitera, a tagera dibana ra. <sup>11</sup>Dana daure bena da kinu, se hoge me benu da kinu, daka bina hoge ragare. yau di isukeve roeare ahake goiege, bera beta da mi yau ada uhurehe maemanu. e dainehe daki Caesar ihe roma aukena di isukeve iagoisa. <sup>12</sup>Eige Festus raki dubu biava rua ga-ga vare, auki Paul ki ronu aka Caesar ihe rone dainehe, aka Caesar gasina otitoara!" <sup>13</sup>Vani dadaga itahara hege, King Agrippa renu Bernice yabeki Caesarea oroganu Festus erara dainehe. <sup>14</sup>Vani rore be yauki ei unu, e itaharahe Festus raki Paul harike King boriti gahanu. auki ronu, "Ate bera Festus raki vadibu iagava gare manu. <sup>15</sup>Da Jerusalem oroganei dubu biava renu ogo koita baugeva yabera ki au badine da boriti gahare, da imiganu daka au daure kine iagoisa <sup>16</sup>daki kiro gevenu era beta Romans yau irage ra, enana ragare koitava yabera bebe ni tahu era geige veitera, renu auka beta ga-ga gei badiva yauka au isuke kine iagoare dainehe. <sup>17</sup>Eige yau bou raganei inono veite daki tahege di berabe gabu Baugehe guramare, daki roege yauki ata e mi oroganu. <sup>18</sup>Au daureve iagoege koitava ya urihi rahanei, di anana yauka au daure kine gava ragisa, yauka ga ragira veitera <sup>19</sup>eduge yauka yau aena gare yabera yauki gava raganu, era ata be ihiva Iesu hoge ragane, era Paul raki roma auka maguri vi goiraganu. <sup>20</sup>Tinakibe daki uhu korahi vane e dainehe, daki beraganu auna beta Jerusalem otare, eige yauna au isukeve berabeve ragisa. <sup>21</sup>Eduge Paul ra imimi vara auka vanu, auna beta ei uanu au Emperor gare narivare uhura. daki ki ronu auka ei usa ate dana besuge-ge auna Caesar gasina otisa. <sup>22</sup>Agrippa ki Festus boriti gahi ronu, da tage gahara riaga au gare ihisa. "Festus raki ronu, vahiguge ana au gare ihusa". <sup>23</sup>Tahege Agrippa renu Bernice hegirita ge yauki berabe bauge iagavahe siri raganu; koita nitabata gahavaia renu ogo e koita baugeva ruga. Festus raki roege yauki Paul nisi gami yau gasina otinu. <sup>24</sup>Festus raki ronu, King Agrippa, mati koita inuhati no ruga orogane gahavaia, yana ata o eraga; Jew gahavaia dadaga riaga da imiganu, Jerusalem mati ogo uhura tage, da baragahi roege, ata o negu magurive vime. <sup>25</sup>Da behugane auka iaga daure be kiki veitera hoge mimi dainehe; eduge auka emperor gasina otito ihihiva auki vanu, e dainehe ge daka besuge-ge auka Rome otito vara. <sup>26</sup>Eduge au garena dana orenaki di biage ini, idi va daka va maemavanu. e dainehe ge daki mi yqyakaai gasina moroganu, King Agrippa ai vagotonehe, ge

dama idi vadakava gava regunaki maemisa. <sup>27</sup>Badivara dana au nitabata koitave ruta besugisa, a da besugare gava ra veite.

## 26

<sup>1</sup>Eige Agrippa raki Paul kironu, "Avahu ai dainehe gena ana gavisa, Eige Paul raki au ada inugi hakivanu au mageve dainehe."<sup>2</sup> Daka hegiri vime daki, King Agrippa, di meve dainehe daki o rogi ai vagotonehe Jew gahavaia a boriti gahane gava dainehe,<sup>3</sup> badivara aka Jew yau maguri ve aubougi renu berebe va gainage dibana ra, eige daki a imigima aka di gare ihi mage gahisa.<sup>4</sup> Jew yabera dibanara dana orena kimena da di aviehe maguri vi orogi negu, di matamehe renu Jerusalem uhura. <sup>5</sup>Yauka di maguri ganaive dibanara yauna riaga gahisa romena yau, daka Pharisee koita vara, yau magurivera bera beta ra ni aena meve uhura.<sup>6</sup> Eduge dakamu o yai vagotonehe ramanu, badivara di ananave ra ominuo uhurage Dirava ni iahu yauni kinera. <sup>7</sup>Ominue ora ni toneta ve utube abu misa roare iaga vara yauka Dirava vahimi vanimi imigisa. uhu anana e uhurahe gera, King, Jew yaberaki da inara gaha. <sup>8</sup>Otavado be dainehe gena ya berabe ragoha, guma oreigena Dirava hoge, maguri gahi gevenu?"<sup>9</sup> Negubutu gera, davahu gera daki anana vima, daka iaga dadaga kisa Iesu Nazareth koitava ihehe daure gahisa. <sup>10</sup>Dakamu ena kinu Nazareth uhura. Dirava Aena koita mudago daki vadibu yagava gosigevenu, dubu baugeva yau ga hedokehe; renu yau gahi gevege, di anana vera beta yau rutagera. <sup>11</sup>Nega mudago vara daki huhu mohi gevenu dubu uhura renu daki ganai berebe gahigevenu yauka avanage vagera yauki me mia. Yaukera daki ga gahigei ga berebeva renu yauka besibe ragohanu daka dagedage besugei ogo nuneva otinu.<sup>12</sup> Da me e kiege dainehe, daki Damascus otege, dubu biava yabeki hedo da moimane dainehe; <sup>13</sup>King eige daki guma tanahe vani iahu uhura, abaga be eraganu vani abaga tage auki soiganu, vava seni ge auki uguhi rogare no ori gevenu da renu da ruta otege atavaia. <sup>14</sup>no ni bouge vata arirago hege, daki eno be ihige auki da ga-gahi ronu, Hebrew ga tahu, "Saul,Saul esemena a da daure gahima? a idi garena te rahavare, auka ai berebe goigoara"<sup>15</sup> Ge daki,ronu, Ana unuhunu, Rohi Bauge? Rohi Bauge raki ronu, daka Iesu ra aki da daure gahima. <sup>16</sup>urimare rama, Dakamu ai vagotonehe gagae goinu, makavara aka di besube meve kiki koitava goime aki vanu, renu a eragevene iaganiva mati da ai gagae kiogevere yabera ana gagae rogeisa; <sup>17</sup>dakena Jew mati koita nune yau vagahe a maguri gahisa. badivara yau gasina ge daki a besugima. <sup>18</sup>Ge yau nie ramu bao rage-ge, yauma vadibu garehare abaga iagoisa renu yauma Satan hedoke garehare, Dirava gasina otisa. Eige yauna yau daureve geigevera mati yau gahune yauna misa, da riaga gahare gahavaia mati Aena gaha yau vagahe.<sup>19</sup> E dainehege King Agrippa, vava dai gagae goine iaganiva, daka besibe gahiga veitera. <sup>20</sup>Eduge urigo daki hari mage mi Damascus uyare koitava boriti gahi gevenu, mati Jerusalem, renu Judea matava inuhati,renu koita nune ya, daki hari mage boriti gahi gevenu makavara yauma maguri emene gare gevare Dirava gasina anigahare, maguri mage kisa. <sup>21</sup>e dainehege Jew yabeki dubu uhura da mare da gami hoekisa roege.<sup>22</sup> A yaheyahe vara Dirava gasina ge daki manu, vani ei ate negu butu. eige daki ramira berebe vare koita avie mati koita bauge Dirava gare boritiva vima daka iaga nune be gava veitera eduge Peroveta koitava renu Mose rone iaganiva yabera daki ro geima. <sup>23</sup>Keriso ra huhu nagina vara, badiva auki urigo hoge maguri vanu mati aukenaabaga gava visa ni koita th he yau mati koita nune yau.<sup>24</sup> Paul ga netuege uhura, Festus raki enoge raho gahare ronu, "Paul, ai tinabe mina daurera; ai uhuvakehe raho veraki ai tine daure gahanu."<sup>25</sup> Eduge Paul raki ronu, di tine ra daure goigo veitera, di Rohite Festus. e dainehege daki ga riaga mati uhu baobao gavara daki roma. <sup>26</sup>King ra iaga o inuhati dibanara; e dainehege da ga-gahanu daka sigo veitera, makavara da me o kinera au vagotone hegera, badiva beta iorena ge daki ge daki kinu.<sup>27</sup> King Agrippa, Ana Peroveta gahavaia riaga gahi geima? Daka dibanara akamu riaga gahi geima."<sup>28</sup> Agrppa raki Paul kironu, aka di uhure iege daka vani tuake o uhura ekalesia goisa?<sup>29</sup> Paul raki ronu, Dirava vagtone hege daki da gahara vare ganaga va vima,auna vani tuakenu se vani egevanu, beta a avahu eduge egu vani oi di gare ihare koitava inuhati yaka da nagate gahisa, eduge beta vadibu seiniva."<sup>30</sup> King raki urimi ramanu,Governor, mati Bernice tage, renu yau ruga gurahege gahavaia; <sup>31</sup>yau berabe iaga bauge garehare hakiragane yauki bebe ga-ga gei roege," Koita ora riaga hoge me se isuke be kiki veitera."<sup>32</sup> Agrippa raki Festus kironu," Ata o Caesar ihe roro veite goinebe noka arige-ge auka otinu.

## 27

<sup>1</sup>iau uhure iauki ki noka iagatoi va guiraḡohi italy otisa, ge iauki paulo renu iau raro gevene ḡahavaea idigei ḡa ata bauge be ihiva julius, emperor ḡa orea ve be moimonu. <sup>2</sup>asia boe oḡo iau otiti adramyttium iagatoi va bei ge noki gui raḡohanu. Macedonia ata be ihiva aristarchus, thessalonica seni oroḡane raki no bamo gevenu.<sup>3</sup>vani abu (2) ḡahiḡahe ge noki sidon kau raḡohanu. Julius raki paulo vaḡa maḡe ḡahi ḡarinemi auka au vasiruhe eragei auna beta au dabu vare iaḡani va iau idigevare. <sup>4</sup>sidon ḡarehi, nono ni vairanehe oroge ge dainehe noki cyprus motumotu enoeno kasiva hanai raḡohanu. <sup>5</sup>cilicia renu pamphylia variada ge noki hanai raḡi myra, lycia vateta va kau raḡanu. <sup>6</sup>eige ḡa ata bauge va raki italy otiti alexandria iagatoi va be davari ḡahege noki ei gui hanai raḡanu.<sup>7</sup>vani rore be ra baeba baebaki renu korahi ruta ge noki ruru raḡohi cnidius variada kau raḡanu. Nono raki ni ruru kasi vehe ḡuguige noki crete motumotu enoeno kasiva ruru raḡi cape salmone hanai raḡohanu. <sup>8</sup>korahi ruta ge noki boe oriḡi ruru raḡohi lasea ḡaika gabu be ihiva safe harbours, kau raḡanu.<sup>9</sup>ei guragu ḡamana raḡohane eige ni ruru ḡumaḡe raki bina daure mati siḡo te ḡoinu, badiva "anivaga" negava ramu kosa vanu. Eige paulo raki ugoro ḡahigei roma,<sup>10</sup>"ataea, di erara vehege ni ioa vera so daure ḡoiḡo vara; iaḡa dadaḡa vara negu daure ḡahiḡa vara. Beta kohu renu iagatoi ḡu gera, a maḡuri tagera."<sup>11</sup>iduke julius ra paulo gare riaḡa ḡahiḡa veitera. Auka bara koita renu iagatoi biava iau gare auki ihinu.<sup>12</sup>iagatoi daida gabu tagera, iaha ḡuguarei gera beta maḡera; eige hutuma iau urave noka ena rururai phoenix kau raḡi ei gurahi oti iaha kosava re. <sup>13</sup>iaha nono nonova raki

gugui ge iau anana ve ra nega ra bina maġe ġoinu, rome iauki dogo butui crete vata ġaika ġaika ruru raġanu.<sup>14</sup> ġamana veite, nono raho vara mirigini kasiva iau kauvanu.<sup>15</sup> nono iagatoi huroro ġahane eige noka ġuma veite nono beiamisa, eige noki bina nono ruta ġoġo raġanu.<sup>16</sup> motumotu ġamika be ihiva cauda, ġoġohu vehe kau raġohi me noki vanaġi avie korahi ruta reġuanu.<sup>17</sup> butui mi iagatoi ada maeami me iauki raroi maġe ġahanu. Iau negu lybia tana kasiva vata ġadihare siġoara iauki iara derihe ġahiarei me iauki nono ruta ġoġo raġohanu.<sup>18</sup> nono raki ena ġugui berebe ġahege iauki vani abu (2) ġahiġahe kohu be idiġi eve ġatu gevenu.<sup>19</sup> vani abigaġa (3) ġahiġahe iauki iagatoi iaġaniva be idiġei ġatu gevenu.<sup>20</sup> vani ġamana herea noki vani se hisiu erara veite, nono ġu geraki ena ġugui berebe ġahege. Maġuri ananava iau bougei tageraki bina kosovanu.<sup>21</sup> nega ġamana herea iagatoi ada koita e iabera tamuta be i veitera, ge paulo raki iau vaġa rami mauki roma, “idukena ia di gare ihi crete ġarehia veite ġahanu be, dikadika renu nege nege ora beta noi varava vane.”<sup>22</sup> iakera daki negubutu ia imi geima, iama hero raġohisa, badiva bera beta au maġuri ve dauġia vara; a iagatoi ġu gena dauraisa.<sup>23</sup> badiva nu vahi ge di dirava ve mati da ġurivare dirava va aneru ve raki di ġasina oroi roma,<sup>24</sup> paulo, a negu siġoima. Caesar vaira nehe ama ramisa. Dirava meġeve ai dainehe, a ġoreha ioa raġohare ġahavaea iau maġuri vera dirava ramu mohiġei ġoirraġanu”<sup>25</sup> e dainehe, ataea! Iama hero raġohisa. Dirava ra daki riaġa ġahima, au rone iaġani va iabera vara raġohia vara.<sup>26</sup> iduke noka motumotu bei ge nonema kuioho raġohisa.<sup>27</sup> ahi utu be hakira ababu (14) ġahiġahe ge noka nono hura ge noki mediterranean gadova hure raġi ioa raġohege. Nemehe ge iagatoi ġami iaberaki roea noka so vata hugu ġahanu.<sup>28</sup> iau iaġa isukate be ġote ruta ġarineme nera eve dobuke vara roha utu ababu (40). Iau ġaitana kara kobue kine ra eve dobuke vara roha utu abigaġa (30) gera.<sup>29</sup> iagatoi didi va ġadimare siġoara iauki dogo ababu (4) gabena va seni ġarine geiarei me iauki va tahita dainehe ġuriġuri raġohege.<sup>30</sup> iagatoi ġami iabera sivi anaime iauki vanaġi mi eve maeami arei me iauki tarata rai roea iauka so oti idama kasiva dogo ġarine misa.<sup>31</sup> iduke paulo raki julius renu au ġa ġahatuhea boriti ġahigei roma, “iagatoi ġamia, iagatoi ada veite ġahare iaka beta maġuri vara”<sup>32</sup> ge ġa ġahaeabe raki vanaġi ġoteka dodo gevege, vanaġi va raki hurevanu/morugohi eve otinu.<sup>33</sup> va tahi oroige paulo raki imiġei iauka tamuta raġohisa, “ora vani utu be hakira ababu (14) ġahiġa vara, iduke iaka so tamuka/demaka be i veitera.<sup>34</sup> iakera dakaki ia imi geima; tamuta/demaka be iogeahe; maġuri helaorea dainehe. Badiva iai omo hanake bera beta dauraġira vara.<sup>35</sup> enaki roearei mauki parao mi iau vaġotohu dirava maġe ġahiarei, tina be bokoi arei mauki inu.<sup>36</sup> iau bougei iau uhure goada te gahime iauki tamuta/demaka raġohanu.<sup>37</sup> iagatoi ada ni koita te uhuati gera tinahu abu utu iatiriġava hakira agorokiva (276).<sup>38</sup> tamuta/demaka itahara ge iauki iagatoi agraġira ġahiġa dainehe wheat idiġei eve rere gevenu.<sup>39</sup> va tahane uhura ge iauka mata toa kiki veitera. Iduke tabero/dogu boe te bera iauki eraġi arei anana raġohi iauna beta iagatoi mi tana maeama renu.<sup>40</sup> eige iauki dogo konaġu dodogei eve rereġei, mati hora kobuei iauki bara hiri vane konaġuva vahe gevenu. Ena kiarei me iauki idama kasi iarava iaġemi nono ra tai iagatoi mi tana otisa.<sup>41</sup> iduke iagatoi vara pinu tanamo va ge auki ġadimanu. Idama ġadimanera auka harara veitera. A gabena vara hurehure/durua va raki ġami seboi tina tina ġahanu.<sup>42</sup> iau raro gevene ġahavaea negu nahu raġohi oti tana hana raġohare siġo vara ġa ġahaea iaberaki ġahigei hoeki geige ananava raġohege.<sup>43</sup> iduke julius urave auka paulo maġuri ġahiġa dainehe auki ura veite iauka enaki kisa. A nahu dibana ġahavaea auki ganito ġahigei iauka ġanaġana gero raġohi, nahu raġohi tana otisa;<sup>44</sup> iau itahe gera koita orena vana iagatoi reire baraka iau hekamo raġohi tana otisa. No ena kineige noki ni bougei tana kamo raġanu.

## 28

<sup>1</sup>no ni bougei tana kaurāġi me noki dibana ġahanu noka malta motumotu va gera.<sup>2</sup> motumotu e koita va iau kiki maġe vehege iauki no maġe ġahi gevenu. Veni renu ribiri dainehe iauki vene ġomoi arei no abidae ġahi gevenu.<sup>3</sup> paulo raki idi gogogei vene ġosi gevege uhura ge inuhu be raki vene hedoka siġami hakivi paulo adehe au hirivanu.<sup>4</sup> motumotu e ġahavaea iaberaki paulo adehe inuhu hetau vane eraġi me iauki be be kirogei roea “ora ina koita ġahi gevare ata va bera. Auna gadova gena au maġuri vanu, iduke avani ieriri va gera auka beta maġuri vara.”<sup>5</sup> a paulo ra au adehe inuhu e ieigi mauki vene hura kiravanu. Daure be auka mimi veite.<sup>6</sup> iauki uhuiami auna vaisu uhuisa, se moru ġohi hoġerisa. Hora ġamana uhuiami iaġa be raki au vara veitera ge iauki iau uhure mati nune ġahi roea, “auka dirava be ra”<sup>7</sup> mata e renu motumotu e rohiva be, ihivara publius. Au matame ra ġamana veitera. Auki no abidae ġahigei, vani abigaġa (3) uhura gera noka au dei tuhe iabera.<sup>8</sup> publius mame ra dika ra. Ahata hedova renu tago veuso vara ge iaġi iaġe ra. Paulo raki au iaġia gabunehe sirivi au ada ġuriġuri vi arei, au ade mi au ada maeami maġuri ġahanu.<sup>9</sup> ihihe ge motumotu dika ġahaea beraki orogege auki maġuri ġahi gevenu.<sup>10</sup> harihari iaġa dadaġa iauki no mohi gevenu. No mati urihisa ro nera ni iakove tagera iauki iagatoi va udagevenu.<sup>11</sup> bata abigaġa (3) itahara hege noki alexandria iagatoi va be, iaha nega va motumotu ei une, ihiva “twin god” ei guiraġohi otinu.<sup>12</sup> Syracuse kau raġohi me noki vani abigaġa (3) ei gurahanu.<sup>13</sup> ei seni ge noki rururai oti rhegium. Tahege diho nono varaki ġuguige noki vani abu (2) itahara puteoli kau raġanu.<sup>14</sup> eige mi riaġa ġahare ġahavaea be ruġa noki hedavari raġohi ge iuaki no imiġei noka so iau ruġa ebedoma be gurahisa. Ei seni ge noki hanai raġohi rome kau raganu.<sup>15</sup> rome uhura mi riaġa ġahare ġahavaea market of appius renu three inns seni ge iauki oroġi no ruġa hedavari raġohanu. Paulo era gevene uhura ge dirava ra auki moteahi, maġeġahi mati au uhure raki goada vanu.<sup>16</sup> no rome kau raġe ge iauki paulo ġarinemi auka auvaġu guramisa, ġa ata bona narivisa.<sup>17</sup> vani abigaġa (3) itahara, paulo raki torube be dainehe jewish baugeva ihiro gevenu. Iau be be bou gevene itahara auki boriti ġahigei roma, “di sokuhea, daka koita be daure ġahiġa veite, ni tene maġuri ve be daure ġahiġa veite, iduke jerusalem ge iauki da roro rome ġahava iau ada uhura da maeamanu.<sup>18</sup> iau da beraġa ne itahara ge rome ġahaea iau urave iauka da ġarinemisa. Otado be dainehe daka hoġe raġisa badiva iauka daure be dai erara veitera.<sup>19</sup> iduke jew ġahava iaberaki daġe raġohanu. Ege, daka di bese koita tuhea daka beta habade ġahigeige vara, iduke di urave daka emperor/caesor vairanehe dama ramisa.<sup>20</sup> iama dibana

gahiga dainehe ge daki ia ihirogei, ia erageisa mati ia gaḡa geisa. Mati da ia boriti gahi geima, daka raro uhugera badivara daka, mi me daki riaga ḡahima Isaraela ḡahavaea iau ananave ? messiah - ramu subuta oroḡanu.<sup>21</sup> iauki gaḡahi roea, "noka judea seni ai harike revareva va be davari ḡahiga veitera. Ni koita tuhea bea enaki seni oroḡane ḡaita gera ga daure be mi ororo veite, se ai ada ga daure be roro veitera.<sup>22</sup> iduke, ni urave noka ai uhu anana ve ihisa, badivara no ihi nera mata inuhati gera orea ora iauki betia ḡaha."<sup>23</sup> iauki bina vani be roea rei; vani ei koita dadaḡa vara ki paulo guramege gabu ei oroḡanu. Vagutu oti vahi ge auki dirava basileia ve haroro gahi; mati iauka iesu dibane ḡahiga dainehe auki mose taravatu ve renu peroveta ḡahaea iau toretore ve auki ro gaḡae ḡahanu.<sup>24</sup> be iabera au gare mi riaga ḡahanu, be iabera riaga ḡahiga veite.<sup>25</sup> Yau bebe gahara veite goiare negahe, yauki otinu Paul ga raho kobabe rone itaharahe, " Horu Aena varamu ga mage vanu, Peroveta Isaiah uhurehe oti yai mamuhe yau.<sup>26</sup> Onakime auki ronu, " Koita o yau gasina otare renu onaki yau royahe, " Ihihiva yaka ihihivara, eduge yaka beta uhuvakava mimivara, yaka eraravara, eduge yaka beta ga e makava dibana gahigavara.<sup>27</sup> iau ga e ihine negahe iauki ho dikadika raḡohi, iau eḡie ginogi ḡahigei. iduke stefano ra horu aena va raki roheḡi; renu auki gagai va eraḡi, dirava haire auki eraḡanu renu iesu ra dirava va maḡeve hege auki ramanu. ge auki roma, va ra dakaki eraḡima, bao raḡi mauki, taunimanima moe tagera dakaki eraḡima, dirava va maḡeve hege auki ramanu.<sup>28</sup> iama dibana ḡahisa, dirava hahemaui gare ra koita nune iau ge aukamu otinu, iau kena ihisa mati abidae ḡahisa."<sup>29</sup> paulo ga e rone itahara ge jew ḡahava iaberaki ḡaise oti iauvaḡu iau gare ana gevege.<sup>30</sup> laḡani abu (2) ge paulo raki au iaga be damuva kinei guramege; au ḡasina oroḡege ḡahavaea auki abidae ḡahi gevege.<sup>31</sup> dirava basileia ve auki haroro ḡahege, mati rohia iesu keriso auki hero ruta hadiba va viege.

## Romans

### 1

<sup>1</sup>Paul, Iesu Keriso gamite be, ihiromonu auka apostle goisa renu Dirava hari mageve dainehe, <sup>2</sup>Era au subuta ominua vane era au peroveta ronua aena gava uhurahe, <sup>3</sup>au Moe dainehe auka David besevera ahata makava.<sup>4</sup>Horu Aena uhurahe gera yauki riaga gahanu, ge auki hedo manu auka Dirava Moera eige auki hore va maguri vi goiraganu, Iesu Keriso ni Rohive.<sup>5</sup>Au dainehe ge noki vagahu renu ga ihihi gabidadama va manu, mata aubougi yau uhurehe, au dainehe.<sup>6</sup>Mata e aubougi yau uhurehe, akera yauki a ihiromonu aka Iesu Keriso ei dainehe.<sup>7</sup>Rome uhura gahava ya Dirava gahara vare au Aena gaha tuhe: Vagahu miahe renu mai ruta Dirava ni Mame renu Iesu Keriso ihehe.<sup>8</sup>Urugoi ge dakidi Dirava ve mage gahisa Iesu Keriso uhura yai bouge ge yai dainehe, yai gabidadama veramu mata inuhati manu.<sup>9</sup>Dirava ra do dibanera, di horu vehege daki au meve kima au Moe hari mage uhurahe, eige daki dagedage ai the roma.<sup>10</sup>Di imimive hege daki imimi vi roma guma bei daka mage misa, Dirava mageve uhura ai gasina orogisa.<sup>11</sup>Badivara daka hari a eragisa, horu mageve bea a moimisa, a hero gahisa.<sup>12</sup>Era, daka hero misa ya ruta bebe ni gabidadama ve uhura, yaie renu daie.<sup>13</sup>Negu daka beside vima yaka nune gahisa, di ogo nanuhe ya, daka urai yai gasina orogisa ( di gumage ra be yabeki koua), daka ya ruta idi tahaka be isa, da itahe gahava ruta kine nagate.<sup>14</sup>Dakamu iaga be idiganu Greek renu Koita nune yau, uhuvaka mage koitava yau renu uhuvaka veite gaha yau.<sup>15</sup>E dainehe, daka, daka geregereve hari mage roro Rome gaha yai.<sup>16</sup>Daka hari mage roro varivava veitera, era maguri gava riaga gahare gahava yau era, Jew urugahi, yau itahe Greek ya.<sup>17</sup>Badivara e uhurahe gera Dirava ieriri vare ra gabidadama oti gabidadamave gera, rone nagate, "Uhu ieriri vera gabidadama gahava yau era."<sup>18</sup>Dirava hedoke vava seni orogare ra au dibana veite gahava yau ada gera renu gabidadama ieriri veite gahava yau ada gera, ga riaga gahiga veite dainehe.<sup>19</sup>O badivara, no dibana ganane ra, Dirava ra yau ruta gera. Dirava ramu yau uhure abaga gahigevenu.<sup>20</sup>Mata o kine oti orogi negu, au toage gumava ya, au behibehi hedoke renu va maguriva hedokava, yabara baobao vera, iaga ya ni tanahe no o eragevera e. Uhu anana bera veitera.<sup>21</sup>Badivara, yauka Dirava dibanera eduge yauka hegiri gahiga veitera auka Dirava, se mage roro veitera au. Eduge, yauki uhu anana nunenune ragohege, yau uhure yaberamu vadibuve gahanu.<sup>22</sup>Yau uhuvaka rahove ronua, eduge yaumu uhuvaka veite gahanu.<sup>23</sup>Dirava haire yauki sivai koita yau uhurehe maemanu, uguha nagate, vasi ababu iaga gahanu, renu dara ragohare iaganiva gahanu.<sup>24</sup>E dainehe Dirava ramu yau uhure sivai daure iagava yau, yauka ahata makava beta bebe matau gahigeisa.<sup>25</sup>Era yaukaki Dirava ga riagave avanage gahanu, mata o maguriva gahara ragohane beta Dirava gahara ragohanu, auka mage behibehi, Amen.<sup>26</sup>E dainehe, Dirava ramu besugei otinu variva havara koitava gahanu, yau maginuhe yaberamu mage sivai oti daure uhura.<sup>27</sup>Guma kobuga ei, ata yaberamu yau guma mageve yau mabare ruga garegei, bebe yau gahara ragohanu. Ata o yaberaki variva maguri mati atabe au ki renu tohiva va daure va manu, yau kerereve dainehe.<sup>28</sup>Yau Dirava riaga gahiga veite dainehe, Yau uhure yaberamu daure gahanu, yau beta mage be kisa.<sup>29</sup>Yau uhure ra uhu anana daure, gahusi, avanage to bike ra. Yauka ho uhu, koita hoekisa, vagadau, uhu anana daure anana va ragohisa.<sup>30</sup>Dirava riaga gahiga veite, vagava veite, yavahu yauka auhe, daure kiki uhu anana, yau iahuve yau gare otinu veite.<sup>31</sup>Yauka uhu anana mage veite, gabidadama hero veite, uhu anana daure, renu vagahu veite.<sup>32</sup>Yauka Dirava aenave dibana veitera, ena kiare gahava yabera hoge ra yauki yagoa. Yau ena kiare dainehe, koita be ya ena kiare tage yauki riaga gaha.

### 2

<sup>1</sup>E dainehe iaga bera mati veitera, Koita a, a koita be mati koita be gare vare, e uhurahe kiare karava yabera daure a moimovara.<sup>2</sup>A koita be gare vare e era a kiare matava yabera.<sup>3</sup>Eduge ama anaisa, a koita a, A be yau gare vare yau enaki kara e kiare, atagemu e kara kobuga e kima. Ana Dirava berabe vanivahe beta sirisivanu?<sup>4</sup>Se ana au mageve anai avi

gahigavanu, au huhu ihie mi orogare anana veitenu, renu au uhu berebeve. Ana dibana veitenu au mageve makavara aka uhu isage misa.<sup>5</sup>Eduge era ai uhu anana otare dodihegera renu uhu isage veite soruke ra, uhu bereba gamui ate vani Bauge orogare, renu vani era Dirava riaga gahare vanivara.<sup>6</sup>Auka maguri vare damunava ki goiragi ravara: <sup>7</sup>oti maguri mage gahava ya, matau gahigeisa, a daure veite gahava ya, auka maguri behi behive mohigeisa.<sup>8</sup>Eduge ogere yabenu yavahu yau mageve anava, ga riaga ihihi veite mati daure riaga gaha, huhu renu huhu daure vara yau ororovara.<sup>9</sup>Dirava ra daure renu isuke koita ya diabolome kiare yau horuve ada maemavara, urugoi Jew yau renu Greek koita yau.<sup>10</sup>Eduge haira, matau renu mai ra mage kiare koitava ya ada gera, urugoi Jew yau renu Greek koita yau.<sup>11</sup>Dirava ra be beta garegavara.<sup>12</sup>Koita mudago yaberamu daure uhura siri ragohanu eige aenava na idigeisa.<sup>13</sup>Ora beta aena ihare gahava yabera e dainehe yauka Dirava vairenehe magera, eduge aena va maguri ragohare koita va yabena mage misa.<sup>14</sup>Eige itahe koitava ya, Aena dibana veite, mata ada maguri mati aena va maguri gahare koitava ya, yauka aena uhurahe gera, eduge auka aena dibana veitera.<sup>15</sup>Online yauki maguri ragohi aena uhura yau sorukehe maemanu. Yauka mage renu daure dibana etage ki riaga gahanu, renu yau uhu anana ve daure se mage mohigeisa <sup>16</sup>vani va ge Dirava na koita aubougi yau norena meva berabe va visa, do ga rehe Iesu Keriso uhurehe.<sup>17</sup>Eduge a ami Jew roiare renu Aena vare renu Dirava moteagahare, <sup>18</sup>au gare dibana goiare renu riaga gahare badivara aka aena vagera aka riaga gahima; <sup>19</sup>Ana gahara vima aka erara veite gahava yabera aki yahe geima, vadibu uhura aka abagavara, <sup>20</sup>uhuvaka veite gahava yau biagera, momona yau biagera, renu aka Aena uhura gera aki uhuvaka renu riaga dibana, eige orena kimena a maguri vima?<sup>21</sup>Uhuvaka bia a, Ana avahu a uhuvaka gahima? Vaho ra daure aki roma, Ana vahoima? <sup>22</sup>Aka roma be negu ni muduka vime, ana ni muduka vima ? Avanage iaga riaga gahigeime, ana dubu vahoima?<sup>23</sup>Ami aena bia roma, ana Dirava riaga gahiga veitenu aena avanage riaga gahare dainehe? <sup>24</sup>Eige "Dirava ihera Gentile yabera riaga gahiga veitera ai dainehe," yaukamu torevane.<sup>25</sup>Eige peritome vara magera yai, ya Aena riaga gahege, eduge ana aena vana a dodoima, so peritome vera beta peritome vara.<sup>26</sup>Eige, Peritome veite koitavara aena gumava ogima, au peritome vena beta peritome vanu? <sup>27</sup>Enagera koita beraki peritome manu, koitavana eraki huhu amoimo vara, a akamu aena riaga gahanu? Badivara yakamu aena torevanu renu peritome riaga gahanu, eduge yaka dagedage aena dodova!<sup>28</sup>Badivara auka beta Jew koita vara, auka koita nunebera; peritome tagera ena vivivera ahata maka mevara.<sup>29</sup>Eduge auka Jew vara, renu peritome vara tau maguri vera, horu uhura, beta late uhurahe gera. Koita be enaki hegirivare ra beta koita yau senigera hegiri eraki orogima eduge Dirava senige auki orogima.

### 3

<sup>1</sup>Eigena, otado magebena Jew ya misa ragoha? Peritome magevena orena kikivenu? <sup>2</sup>Au mageve ra raho hereavera guma aubougi uhurahe. Urugoigera, Jew yabera yauki riaga gahigevenu Dirava mageve yau senige auna orogisa.<sup>3</sup>Auna negu orena vivivenu, Jew bea gabidadama veite goiege? Yau riaga gahiga veite goiare, yauna beta Dirava gabidadamave mimivanu? <sup>4</sup>Auka so beta riaga goiare. Eduge Dirava ragu au uhurehe riaga goie, avanage koitava yau uhurehe. Tau torevane nagate, "yauka a eraga ge ai garera riaga vara, renu aka mage mimivara berabe vaniva orogare ei."<sup>5</sup>Eduge ni ga avanageva ra Dirava ga riagave auna mi orogisa, nona mati otadobe rorovanu? Nona rorovanu Dirava ra beta riaga vara auka daure mi orogisa ni ada? ( Daka koita ahata maka inaivera daki roma.)<sup>6</sup>Auka so beta riaga goiare! Badivara Dirava na orenaki mata o bereberenu?<sup>7</sup>Eduge di avanageve uhura Dirava haire na rahogoima, otadobe dainehege yau roia daka daure koitavara.<sup>8</sup>Yauka beta rorovanu, no vaivare ga ragohare nagate, renu beya roiare enakime noki roia, " No daure kia, eige magevena orogisa"? Yau daure kiare ra ena vivivera.<sup>9</sup>Eige bina orena vivivenu? Novahugena no bebe tarageva? Veitera. Badivara nokamu subuta Jew ya renu Greek ya, yau bougi, roia yaukaki daure derikahu uia.<sup>10</sup>Onaki me yauki torevanu: "Koita bera beta riagava gera, veitera;<sup>11</sup>koitabera regunaki anana mage veitera; koitabera Dirava yagoya veitera.<sup>12</sup>Yaukamu yau bougi goiragohanu; badagera yauki iaga be veite gahanu. Koitabera mageve kiki veitera, veitera, kobabe tagera veitera."<sup>13</sup>Yau enokera midava nagate baobaovera. Yau miene yabera avanage roia. Inuhu daureve ramu e yau miege derikahu."<sup>14</sup>Yau avage yabera bebe daure gahigeige renu narinavara tobokera.<sup>15</sup>Yau vase yabera vaina tago bohoboara.<sup>16</sup>Iaga sebogeige renu huhura yau ogigi gumagehe gera.<sup>17</sup>Koita o yabera mai gumabe dibana veitera."<sup>18</sup>Dirava sigamiga vara veitera you magurivehe."<sup>19</sup>No negubutu dibana gahane, aenavana otadovana au roma, aena derikahu uiare koitava yabera auki kirogeima, eige koita aubougi geramu eve kouvime, renu mata o inuhati ramu Dirava sigamisa.<sup>20</sup>Ahata maka mevara beta aena meva ruta kobuga goigo vara au vairenehe. Badivara aena uhurahegera daure kiki uhuvaka raki orogima.<sup>21</sup>Eduge aena itaharahe gera Dirava ga riaga veraki oroganu, eige aena renu Peroveta koitava yaberaki riaga gahanu.---<sup>22</sup>Dirava riaga gahane gabidadama vara Iesu Keriso uhurahegera, or are yabena riaga gaha. Badivara guma nune bera mati veitera,<sup>23</sup>Koita au bougi geramu daure uhura siri ragohanu renu Dirava haire mimi veite, <sup>24</sup>yakamu au haire uhura siri ragohanu, Iesu Keriso yau dainehe hogeragare renu magurivi goiragane hedokehe.<sup>25</sup>Dirava ramu Iesu Keriso mi huhu uhura maemanu, gabidadama mi oroganu au taoke bohu ragane uhurahe. Keriso ra auki riaga gahanu aena dainehe, urugoi guma daure vagua gahanu<sup>26</sup>au uhu mageve uhura. Au mageve noka eragisa negu nega o uhura, eige auka uhu mage uhura goisa, renu auka uhu mage era, Iesu gabidadama gahare koitava yau.<sup>27</sup>Moteamotea vana oreigenu? Iaga nivana veitenu? Aena ore uhurahegenu? Mevena yabena? Veitera, eduge koita yau aena uhura gabidadamava ragohare e uhurahegera. <sup>28</sup>Eige noka basubasu vagera, koita ra gabidadama vagera, auna mage misa aena meva uhura.<sup>29</sup>Se Dirava na Jew yavahu yau enu? Auna beta Gentile yau Dirava venu? Auka Gentile yau Dirava ve tagera.<sup>30</sup>Ena, riaga vanu, Dirava ra kobabera, aukena peritome riaga gahisa gabidadamava, renu peritome veite gabidadama

uhurahe.<sup>31</sup>Edainehe nona aenavana veite rosa gabidadamava? Auna so veite riaga goiare! Eduge, noka aena riaga gahigavara.

#### 4

<sup>1</sup>Nona negu bina otado rorovanu Abraham, ni Mame baugeva ahata makava, behuganu? Abraham na mageva na au manu, au hegiri vera makatera goiare, eduge beta Dirava vairenehe gera.<sup>3</sup>Buka naenavana otadovana au ronuu? "Abraham ra Dirava ra auki riaga gahanu, eige auka koita riagavara.<sup>4</sup>Unuhuna au meve kima, au damunera beta au yaheyahe vera, eduge era au era.<sup>5</sup>Eduge unuhuna me kiki veite, eduge au riaga gahare koitavara dirava dibane veite koitava yabera auki era geima, au gabidadama vera riaga vara.<sup>6</sup>David tagera ramu mage gava ronuu, ata orena Dirava anaima auka mage moimovara, auna me be kinu se veitenu.<sup>7</sup>Auki roma, "Magera era yauera yau aena sigamiga veite era vague gaha, renu yau daureve gainage vague gahigevenu.<sup>8</sup>Magera ata e iera Dirava ra beta au daureve dahidavara."<sup>9</sup>Eige magena peritome mane gahava ya, yavahu yau enu, se peritome mimi veite koitava yau gainagenu? Badivara noki roia, "Gabidadama vara Abraham iera, au maguri mageve dainehe."<sup>10</sup>Orena kimena yau moimanu? Urugoigenu se au peritome mane itahegenu? Beta ihiegera, eduge urugoigera!<sup>11</sup>Abraham peritome toagava manera ra maguri riaga makavara, auka gabidadama tera auso peritome mimi veite uhurahe. Makavara auka koita aubougi yau mamera ogere yabena peritome riaga gaha eduge mimi veite, eduge riaga gahare yaue goigo vara.<sup>12</sup>Auka mati peritome mane yau mamera, yauka beta peritome gurera yauki manu eduge yauka Abraham vasi vatagehe ogiare koitava yabera gabidadama uhurahe, Abraham auso peritome mimi veite uhura nagate.<sup>13</sup>Badivara Abraham ominue mane renu au koitava ruga, auka mata o biava, mata ora beta aena uhurahegera auki oroganu eduge gabidadama riagava gera.<sup>14</sup>Badivara ogere yabena aena uhura maguri ragohare, era yau era, gabidadama vara ahakera, renu ominue era iagabe veitera.<sup>15</sup>Badivara aena vara huhu auki mi orogima, eduge oreigenu aena veite, eige daure bera veitera.<sup>16</sup>Edainehe era gabidadamava gera, eige ominue era hegiri rutagera yauna riaga gahisa Abraham koitatuhe au bouge yau ada.--beta aena derikahu uiare yau yavahu, eduge Abraham ruta gabidadama kobuga koitava yainage. Auka ni bougi ni mamera, <sup>17</sup>Torevane nagate, "Dakamu a manu aka mata o aubougi biavara."Abraham ra au riaga gahare koitava yau rutagera, era, Dirava ra unuhuna hoge koitava tage maguri gahima, renu iaga vara veite iaganiva ya maguri gahigei goiragima.<sup>18</sup>Da anavare auna so riaga gahiga veite goiare, auka mata dadaga biava goigovara, yauki rone nagate, "Ai gamuhe renu ai vahiruhea gaitagera."<sup>19</sup>Au gabidadamave negu raburabe goime, auki au ahata make hoekeve ronuu, (Badivara au maguri veramu tinahu be nagate manu), renu Sarah vagatane hoeke nagate.<sup>20</sup>Eduge Dirava ominue dainehe, Abraham ra riaga gahiga roro veitera. Eduge, auka gabidadama vage auki hero manu renu Dirava mageve ronuu.<sup>21</sup>Au uhure aubougi auka dibanara otadovanu Dirava ominue gahane, auka meva tagera kikivara.<sup>22</sup>Edainehe etagera "yauki riaga gahanu auka riaga vara."<sup>23</sup>Eduge gava ya, "yauki riaga gahanu" you torevanera beta avahu Au dainehe gera. <sup>24</sup>No dainehe tagera yauki torevanu, yauka riaga noi gahigavara Badivara noka riaga gahime noki, auki Iesu ni Rohive maguri gahi goiraganu hogeve seni. <sup>25</sup>Aukaki gadimanu Sataurova, no daureve dainehe renu magurivi goiraganu ni mageve dainehe.

#### 5

<sup>1</sup>Badivara no mage gabidadamava mane, nokamu mai manu Dirava ruta Rohi Bauge Iesu Keriso uhura. <sup>2</sup>Au dainehe gera noki gabidadama gumava eraganu, au haire uhurahegera, eige noki raha, renu noki motea motea ragoha ni anana ve uhura Dirava haire negu orogare.<sup>3</sup>Beta ogu, eduge nokamu motea motea ragoha no guragu daureve uhura. Daure uhurahe gera uhu berebeva nona misa. <sup>4</sup>Uhu berebe vara maguri mage, maguri magevara uhu anana mage, <sup>5</sup>renu uhu ananavara variva mi ororo veitera badivara Dirava mageve ra ni uhure ra auki tobogahanu Horu Aena uhura, no mohigevene ra.<sup>6</sup>Badivara no so raburabe uhurahe, mage uhurahe gera Keriso raki hogeraganu dirava dibana veite koitava yau.<sup>7</sup>Badivara koita bera beta hogeragare vara riaga koita be dainehe, eduge koita bera hoge ragiravara koita magebe dainehe.<sup>8</sup>Eduge Dirava ramu au haire mi oroganu ni gasina, noka so daure uhura, Keriso ra hoge raganu ni dainehe.<sup>9</sup>Rahogahi, eige negu, noka au taokehege noki mage manu, noka maguri ragohi ravara au taoke dainehe, aukena no maguri gahigeisa Dirava hove uhurahe.<sup>10</sup>Edainehe, noka so bebe inai gahi gevege, Dirava rutagera noki mage manu, au Moe hogeve uhurahe, raho hereavera, no mage mane itaharahe, au dainehege nona maguri misa.<sup>11</sup>Beta ogu, eduge noka hegiri ragohi ravara Dirava uhura Rohi Bauge Iesu Keriso, au dainehe gera noki maguri mage manu.<sup>12</sup>Eige, koita kobabe uhurehe gera daure varaki mata o edavanu, e uhuragera hoge raki daure uhura sirivanu. Renu hoge ramu koita aubougi idigevenu, Badivara koita aubougi geramu daure be kinu, eduge daure vara dahida veitera badivara aena vara veitera.<sup>14</sup>Iagabera mati veitera, hogera Adam senige ra auki oti Moses gasina, dagedage koita beya Adam ga ihihhi veite gahane, yau ganage, era au erara vage nagatera, unuhuna ororovanu.<sup>15</sup>Eduge hairadivara beta koita be matame uhurahe gera aki sirivanu nagatera. Badivara koitabe mata be uhura sirivane sirivane dainehe, koita mudago hoge ragohanu, aniahahe, esebugena Dirava haire renu mageve uhura koita kobabe, Iesu Keriso, hogeraganu mudago yau dainehe!<sup>16</sup>Badivara magevara beta negu koita kobabe e daureve dainehe gera. Berabe vara koita kobabe matabe uhura sirivane raki daure mi oroganu, eduge hairadivara mata sirisi dadaga auki mage gahanu renu mage tagera auki mi oroganu.<sup>17</sup>Eige, koitabe matabei uhura siri vane dainehe, koitabe raki hoge raganu, edainehe mage esebugena koita ya manu renu yau riaga gahanu yau magurive uhura, koita ei, auka, Iesu Keriso ra.<sup>18</sup>Eige, matabe uhura sirivanu dainehe daure varamu koita aubougi idigevenu, eige guma kobabe uhurahe riagavaramu mage mi oroganu renu maguri mage koita aubougi yau.<sup>19</sup>Edainehe koita kobabe ga ihihhi veite eraki, daure koita mudago idigevenu, guma kobuga ei koitava be ga ihihive

dainehe koita mudago yabera riaga dibana gahigavara.<sup>20</sup>Eduge aena varaki raki mata uhura sirisi e rahogahanu. Eduge oreigenu daure uma, magera daure e variada gera, <sup>21</sup>Enakime auki varavanu badivara, daure vara hoge vatera, edainehe mageramu riaga uhura goisa, maguri behibehi Iesu Keriso ni Rohi Bauge uhurehe.

6 1 Nona negu bina otado rorovanu? Nona dagedage daure kisa mage dainehe? 2 Auna so beta varavare. No daureva seni hoge ragohane, nona orenaki mati uhurahe maguri ragohisa? Yana dibana veitenu koita mudago yaberamu bapatiso manu Keriso Iesu uhura, renu au hogevehe bapatiso manu.4 Yaukamu no abate gevenu, eige, au ruta bapatiso va oti hoge uhura. Au onaki varavane ra, Keriso ra hogeve gera auki magurivi goiraganu, au Mame haire uhura, eige no gainage noma maguri isage uhura ogisa. 5 Badivara nokamu auruta kobuga gaha au hogeve uhura nagate, noka au ruta kobuga gahigavara maguri isage uhura.6 Noka dibanara, ni ahata maka maguri emene veramu au ruta hoge raganu, eige ahata maka daure varamu veite goisa. Enaki varavane badivara noka beta gaitana daure uhura maguri ragohisa.7 Au hoge raganera magera badivara daureva ra veite goisa.8 Nona hoge ragohanu Keriso ruta, riaga gahime noki, noka au ruta maguri ragohira vara.9 Nokamu o bina dibana gahanu Keriso hogeve seni magurivi goiraganera, auka beta hoge ragi goiragi ravara; hoge ra hedoke veitera au ada.10 Aukamu hoge raganu daureve dainehe, nega kobabe auki hoge raganu, ni dainehe. Eduge, au maguri vare maguri va, era Dirava dainehe gera.11 Guma kobuga ei, ya gainage yama dibana gahisa, yakamu hoge ragohanu daureva seni, eduge yakamu o maguri ragoha Dirava ruta Keriso Iesu uhura.17 Edainehe ya negu daure miege au yai magurive ruru gahime, yaka au gare ihisa.13 Ya negu yai ahata make mi daure dainehe iagabe kime, maguri daureva dainehe. Eduge Dirava gahara vare meva kisa, hogeve seni magurivi goiragohane koitava ya nagate, renu yai ahata make mi Dirava moimisa, maguri riaga ahata makava kisa. 14 Ya negu daure miege auka yai magurive ruru gahime. Badivara yaka beta aena derikahu gera, eduge Dirava haire derikahu gera.15 Eige nona? Nona daure kikivanu badivara noka beta aena derikahu gera, eduge au haire uhura. Yana dibana veitenu ya ga ihihitava nagate yabera, yaka ga ihihitava yabera badivara koita e gare yaki ihe? Yaka daure ga ihihitava yabera, era hogera yaki yagoa, se ga ihihitava yabera, eraki riaga goima.17 Eduge Dirava ra magera! Badivara yaka daure ga ihihitava yabera, eduge yakamu yai sorukehe ga ihinu, era ga guma ihihitava guma magevara. 18 Yaukamu daure va seni veite gahanu, renu yakamu bina ga riaga ihihitava gahanu.19 daka ata ra daki ga vima ahata maka rabura goiare dainehe. Badivara ya ahata maka meva kine, miro uhura renu aena anana veite, guma kobuga ei, yamu negubutu yai ahata makeva ga riaga iha aena ragoha. 20 Badivara ya daure ga ihihitava ragohege, yaka ga riagave uhurahe gera. 21 Nega ei, otado idi tahakavana ya miege, ya negubutu variva va ragoha? Badivara maguri e damuna vara hogera.22 Eduge Negugera yaka beta daure uhurahe gera renu yakamu Dirava ga ihihitava gahanu. Damuna vara maguri behibehi.23 Badivara daure damuna vara hoge ra eduge Dirava haire ra maguri behibehi vera Keriso Iesu uhurahe.

## 7

<sup>1</sup>Di ogo nanuhe ya, (Badivara Aena koitava yabera daki ga gahigeima), koita be mata o ada maguri varera, aena derikahu gera.<sup>2</sup>Badivara magi ra au mobore dainehe aena derikahu auki uma, eduge au mobore hogera ge, auki beta aena derikahu gera. <sup>3</sup>Eige, au mobore maguri vare uhurahe, auna atabe rutagenu au uma, koita yabera rorovara auka ni muduka magivara. Eduge au mobore hogera ge, augera aena bera veitera, eige auka beta ni muduka magi vara au atabe ruta uiege.<sup>4</sup>Eige, di ogo nanuhe ya, Ya gainage aena derikehege yaki hoge ragohanu Keriso ahatane uhurahe. Eige yaka koita be ruta kobabera, era, koita era hoge vagera auki maguri vanu, eige nona idi nagate makera gahisa. <sup>5</sup>Ahata maka maguri daureva noki ni ahata makehe maguri gahege, maguri daure era, aena uhura me miege hoge dainehe. <sup>6</sup>Eduge negubutu gera noka beta aena derikahu gera. No isuke kamui uhurahe uiegera bina veitera. E makavara noka ni meve kisa Horu isage uhura, beta guma emene uhura torevane nagate.<sup>7</sup>Nona negu bina otado rorovanu? Aena avahugena vanu daurenu? Auna so beta ena vivive goiare. Au ena vivive goiare, dakamu beta daure dibana goiare, au aena uhura goigo veite goiare. Eige daka beta gahusi dibana goiare eduge aena roiare, "Anegu iaga be eragi gahusi gahime" <sup>8</sup>Eduge daure varaki guma be eraganu mage dainehe ge auki guma e uhura gahusi guma aubougi daiseni mioroganu. Aena veite goiare daure bera veitera.<sup>9</sup>Daka magurivera Aena veite uhurahe, eduge aena orogane itaharahe, daure varaki mata manu, <sup>10</sup>eige dakamu hoge raganu. Aena maguri mi orogane ramu veite goinu eduge aumu dai hoge gumava goinu.<sup>11</sup>Eige daure varaki guma e eragi mage dainehe auki da taraganu. Aena e uhurahe gera auki da hoekanu. <sup>12</sup>Eige aena vara aena vara renu riaga vara, renu magera.<sup>13</sup>Eige otado be dainehe mage goisa ronera mati dai hoge goisa? Auna so beta ena kikive goiare. Eduge daure, au erarahe gera auka daure ra, eraki hoge mi oroganu mage uhura, renu aena e uhura daure vara daure raho hereave goigo vara. <sup>14</sup>Noka dibanara aena vara horu uhurahe gera, eduge daka ahata maka maguri vara daki maguri gahima. Daka daure uhurahe gera daki sirivanu.<sup>15</sup>Eige otadovanu da kima, daka regunaki anai mage gahiga veitera. Otadovanu da kiki gahara vima, renu otadovanu da besibe gahima, Dakamu e kima. <sup>16</sup>Eduge daka da besibe gahare daki mati kima, aena vara magera era daki riaga gahime.<sup>17</sup>Negubutu gera beta daki daure kima eduge daure di uhurehe uiare raki kima. <sup>18</sup>Eige daka dibanara di uhure, renu di ahata make, ra mage be veitera. Badivara mage kikivara mu o dai, eduge daka orenaki kisa.<sup>19</sup>Da mage gahara vare, daka kiki veitera, eduge daure da besibe gahara dakamu mati kima. <sup>20</sup>Eige da negu da besibe gahare mati kiare, era beta daki daure e kima, eduge daure di uhurehe uiare raki kima. <sup>21</sup>Da mage kisa roiare, daure ramu e da ruta.<sup>22</sup>Eige daka Dirava aenave uhureahe gera daki di uhurehe hegiri vima. <sup>23</sup>Eduge daki di ahata make uhurahe mati aena nune be era geima. Di uhurehe aena isage uiare rutagera auki iani vima. <sup>24</sup>Di uhure ra aena daure e raki manu era di ahata makehe gera.<sup>24</sup>Di uhure ra nunenune vera! Unuhuna daure o uhura da

mi hakiha vanu? <sup>25</sup>Eduge Dirava haire uhurahe gera Iesu Keriso ni Rohi Bauge ve au seni! Eige, Daka davahu Dirava aenave dana maguri gahisa. Eduge, ahata maka uhurahege dana daure kisa.

## 8

<sup>1</sup>Eige negubutu gera daure vara veitera ogere yabena Keriso Iesu uhura. <sup>2</sup>Badivara Horu Aena maguriva Keriso Iesu uhurage raki ai isuke aubougi arigevenu daure renu hogeve seni. <sup>3</sup>Eige aena kiki dibana veite badivara auka hero veite ahata makava, Dirava ramu kinu. Au Moe kobuga matava auki besuganu au nagate daure uhura auka daure damunava goisa, eige auki daure eraganu ahata makava. <sup>4</sup>Au ena kine makava ra aenavara riaga goisa ni magurivehe, no ahata makava orogi veite koitava ya, eduge Horu uhura maguri ragohare koitava ya. <sup>5</sup>Ogeri yabena ahata makava maguri ragoha yau uhure yabera ahata makava gera, eduge ogere yabena Horu uhura maguri ragoha yau uhure yabera Horu uhura gera. <sup>6</sup>Badivara ahata makavara uhu ananavara hogera, eduge Horu uhura ananavara magurivara renu mai. <sup>7</sup>Ahata maka uhu ananavara isukatera oti Dirava au, badivara uhu anana era beta Dirava aenave uhurahe gera, renu beta riagahe uhu anana e mimivara. <sup>8</sup>Ogere yabena ahata makava maguri ragoha yauka beta Dirava hegiri gahiga dibanara. <sup>9</sup>Eduge, aka beta ahata maka uhurahe gera eduge Horu uhurahe gera, era Dirava ai uhurehe uiege. Eduge koita bona Keriso horuve uhura gena veitenu, eigera auka veitera. <sup>10</sup>Keriso na ai uhurehe renu, ahata maka era hoekera daure uhura, eduge au Horuvera magurivera matau riagava ruta. <sup>11</sup>Iesu hogeve maguri gahi goiragane na ai magurive uhuragera, auki Keriso hogeve maguri gahi goiraganu aukena mati maguri ya mohigeisa yai ahata makahe, au horuvehe ai uhurehe iuare. <sup>12</sup>Eige, di ogo nanuheya, noka mimi gaha yabera, eduge beta ahata makava eige noka ahata makava maguri ragohisa. <sup>13</sup>Badivara a ahata makava maguri viege, aka negu hoge ragira vara, eduge a Horu va ahata maka maguriva hoekege, aka maguri vara. <sup>14</sup>Koita dadaga varamu Dirava ramu au Horuvehe nisigevenu, Dirava gamuhe yabera. <sup>15</sup>Aka beta be yau meve kiki horuva Mimi veitera eige aka sigo uhura gaitana magurivisa; eduge aka Horu narina aki manu, eige noka nigo ragohisa, "Abba, Ni Mame!" <sup>16</sup>Horu Aena vara no horuve auki riaga gahima noka Dira a gamuhe yabera. <sup>17</sup>Eige nona momona yabenu, e makavara noka bia yabera, Dirava eiera. Noka Keriso ruta bada bia yabera, au rutagena no huhu ragohanu noka mati au ruta hegiri ragohira vara. <sup>18</sup>Negubutu huhu vara beta geregere vera ihie mage ni gasina orogare nagatera. <sup>19</sup>Badivara no anavare ihie orogare ra Dirava gamuhe orogare era. <sup>20</sup>Mata kine ora maka magete goigo vara, beta avahu au uravehe, eduge mata o kine koitava au gahara vane gumavahe, so varavare, <sup>21</sup>mata avahu au huhuvehe oti mudu ragiravara mati goiragi Dirava haire uhurahe siri ragohi au gamuhe gahisa. <sup>22</sup>Badivara noka dibanara mata ora huhu nagima auki renu meva uhurahe bada dagedage huhu nagohi orogi negu. <sup>23</sup>Beta eguera, no novahu no gainage, Horu Aena idi tahaka isage vara noigera, ni uhurehe huhu nagoha, no idigeige vaniva va orogare uhurahe, eige ni ahata make ra isage goigo vara. <sup>24</sup>Uhu anana eige noka maguri ragohisa. Eragare iaganiva yabera beta no eragare era. Unuhuna eragare iaganiva anana va vima? <sup>25</sup>Eduge no anana vare iaganiva noka erara veite, tabetabe gera nona narigeisa. <sup>26</sup>Guma kobuga eigera, Horu Aena varaki ni isukehe uhura no narigeima. Badivara noka imimi dibana veitera, eduge Horu Aena varaki ni dainehe ga vima no anana veite huhuva uhurahe. <sup>27</sup>Aukaki ni soruke ra auki eragima renu Horu Aena vara ni uhure dibana, badivara auka Dirava aena koitatuhe yau dainehe gera auki imimi vima Dirava gahara vare gumavahe. <sup>28</sup>Era noka dibanara Ogere yabena Dirava gahara ragoha, auka iaga aubougi gera auki mage gahi geima, ihiro gevege au gahara vare kikive dainehe. <sup>29</sup>Badivara auka subuta gera auki dibana goinu koitava ore yabena au Moe toage erara vanu, koita era moe biavara au ogo nanuhe yau uhura. <sup>30</sup>Ogere yabena au yau mageve ronu, e yabera auki ihiro gevenu. Ogore yabena au ihiro gevenu, aukame hedo mehigevenu. Ogere yabenu au hedo mohi gevenu, aukamu hegiri gahigevenu. <sup>31</sup>Eige, nona otado be rorovanu iaga o yau dainehe? Dirava na noruta genu, unuhuna no besibe gahi geigevanu? <sup>32</sup>Auka au Moe kamuka veitera eduge auki mi yagemi ni bouge ni dainehe, eige auna beta au ruta iaga mage no mohigei gevanu? <sup>33</sup>Unuhuna Dirava ihiro gevene koitava daure gahigeisa? Dirava roege auna variada. <sup>34</sup>Unuhuna daure havara gahima? Iesu Keriso raki mage raganu-rahovara, yaukamu magurivi goiraganu, aukamu e Dirava vamagahe, aukaki ni dainehe gavima renu memima. <sup>35</sup>Unuhuna Keriso mageve uhura no arigeisa? Daure uhura, se huhu uhura, se inai uhura, se gubu uhura, se bututa, se sigo uhurahe se egi ruta? <sup>36</sup>Torevane nagate, "Aka mageva misa dainehe ge yauki vani uhubage uhurahe ni bouge no gahigevenu. Nokera yauki no idigei noka gahigeige mamoe va nagate. <sup>37</sup>E aubougi uhurahe noka ihite koitava nagate yabera, no mage gahigevene koitava dainehe. <sup>38</sup>E dainehe daka hero kime daki beta hoge, se maguri, se aneru ya, se government ya, se negubutu iagava yau, <sup>39</sup>se egeva, se dobukeya, se iaga be mati kine, e yabera Dirava magevehe no kasa geisa, era Iesu Keriso uhurahegera auka ni Rohivera.

## 9

<sup>1</sup>Keriso uhurahe gera daki ga riaga roma, daka avanage veitera, di uhure ra Horu Aena vara daki riaga gahima <sup>2</sup>daigera vagahu vara rahora renu huhu kosako veite ra di sorukehe gera. <sup>3</sup>Da gahara varera daka davahu huhu nagisa renu gaise Keriso gasina di ogo nanuhe yau dainehe, ahata makava do sokuheya. <sup>4</sup>Yauka Israelites yabera. Yaukamu idi gevenu, hairadiva uhurahe, uhu anana kobugava, aena mageva, dubu uhura mava, renu ominue ya. <sup>5</sup>Yauka patriciahs yabera Keriso raki matauva too ahata makava-auka Dirava ra iaga aubougi variada. Nona so mage gahare too behibehi. Amen. <sup>6</sup>Eduge beta anavare Dirava gare ramu morugohonu. Badivara Beta Israel uhura uiare yabeki yavahu Israel koitava ya. <sup>7</sup>Se Abraham tene yabera beta au bougi au gamuhe yabera. Eduge, "Isaac gamuhe uhurahegera yauna ihiro geisa." <sup>8</sup>Era, ahata gamika yabera beta Dirava gamuhe yabera. Eduge ominue gamikava yabera ihiro gevene gamikava yabera. <sup>9</sup>Badivara ora ominue gavara: " Vani ona vivive uhuragera dana orogisa, eige Sarah ra gami mova be mimivara." <sup>10</sup>Beta

ogu, eduge ihie Rebekah tagera ata beige auki oroganu, ni Mame Issac-<sup>11</sup>badivara momona yabera so vara veitera renu yauka iaga mage be se daure vabe kiki veitera, eige Dirava gahara varera bera mina beta vara ra,<sup>12</sup>Beta vagava veite dainehe, eduge toare koitava dainehe-yauki ki ronu, "Urugoire na ihie mage gahisa." <sup>13</sup>You torevane nagate: "Jacob daki gahara vanu, eduge Esau daki besibe gahanu."<sup>14</sup>Nona negu bina otado rorovanu? Dirava na riaga be veitenu? Auna so beta Ana vivive goiare? <sup>15</sup>Eige auki Moses kiroma, "Da vagahu gahare koitava dana vagahu gahisa, renu da hegiri gahare koitava dana hegiri gahisa." <sup>16</sup>Eige, era beta koita e gahara vare dainehe gera, se ruruiso roiare koita dainehe gera, eduge Dirava dainehe gera, auka vagahu dainehe gera.<sup>17</sup>Badivara ga ramu Pharaoh kiroma, "Maka riaga vara daki ami vasiganu, aigera dana di hedoke maemisa, renu di ihe ramu mata aubougi era goisa." <sup>18</sup>Eige, Dirava ra au gahara vare koitava auna mage gahisa, renu koita orena au gahara vima, koita e magurive auki berebe gahisa vima.<sup>19</sup>Aka dai rorovara, " Otago be dainehe gena au dagedage daure yagoisa? Unuhuna au gahara vare iaganiva besibe gahisa?" <sup>20</sup>Ananava vare uhurahe, ata, ana unuhuna gena Dirava gahara vare besibe gahima? Kine iagani vara beta au kine ki rorovara, " Esemena onaki da kinu?" <sup>21</sup>Hodu kiare koitavana beta hedokate mati vata kobuga ei iaga magebe mati kikivanu renu mati beta iaga magebe kikivanu?<sup>22</sup>Dirava, au hogoiare ra toagatera se au herove tage toagatera, au uhurehe ho iaganiva ya kamuigei daure dainehe genu? <sup>23</sup>Auna beta ena kiego koita yabera au haire yauka eragi iaga mage uhura, era au subuta maemane au haire dainehe genu? <sup>24</sup>Auna beta enaki kikivanu ni dainehe, no ihirogevene dainehe, beta Jew yau tanahe, eduge Gentile yau tanahe tage?<sup>25</sup>Au Hoses uhura rane tage nagate: "Beta di koitatuhe yabena dana ihiro geisa, renu au besibe gahigevene mati mage gahigevenu. <sup>26</sup>Eigera, auki onaki kirogevenu, 'Yaka beta di koitatuhe yabera,' ei senigera yauna kirogeisa 'Yauka maguri Dirava gamuhe yabera' "<sup>27</sup>Isaiah raki Israel dainehe ronu, " Israel gamuhe yabenu eve sigu nagatenu, rorebe gugena maguri ragohisa, <sup>28</sup>Badivara Rohi Bauge ra au egiei mi mata ada riagava maemavara renu Inono veite ra." <sup>29</sup>Isaiah urugoi rone nagate, koita ya ni Rohive no vagua gahigeige be, noka Sodom nagate gahanu renu Gomorrhah nagate gahanu."<sup>30</sup>Nona negu otadobe rorovanu? Gentile yabera riaga yagoya veitera, enage yauki kamui unu, gabidadama riaga. <sup>31</sup>Eduge Israel, aukamu aena riaga va yagovanu, eduge aena e mimi veite?<sup>32</sup>Menu? Badivara yauka yagoya veitera gabidadama va, eduge meta meva yagoege. Muni vagava viege nagate yauki vagava ragohege, <sup>33</sup>torevane nagate, "Eragiahe, dakamu o Zion uhura vagava vare muniva renu namina muni nagate. Unuhuna riaga gahima auka beta variva vivivara."

## 10

<sup>1</sup>Di ogo nanuhe ya, di soruke gahara vare renu di imimive Dirava gasinagera yau dainehe gera, yauka maguri misa. <sup>2</sup>Yau dainehe gera daki gavima yauka Dirava gahara ragohisa, beta uhuvaka uhura. <sup>3</sup>Badivara, Dirava riagave mimiva koita be morugohare, renu yavahu yau uhuvake riaga gahare, yauka Dirava riagave yagoya veitera.<sup>4</sup>Badivara Keriso ra aena riaga gahigavara, koita aubougi au riaga gahare yaue ra. <sup>5</sup>Badivara Moses ra riaga vara auki torevanu aena vaseni orogane: " Ata bena aena iaga kima eigena auna maguri visa." <sup>6</sup>Eduge gabidadama riaga ra ona kime auki roma: "Anegu ai sorukehe rome, 'Unuhuna vava otitovanu?' (era, auka Keriso mi uguhi orogisa); <sup>7</sup>renu anegu rome, 'Unuhuna vata uhurahe otitovanu?'"(era, auka Keriso maguri gahi goiragisa).<sup>8</sup>Eduge otadovana au roma? Geramu e ai gaika, so eve uhurahe renu ai soruke uhurahe." Era gabidadama gavara, no roiare ra. <sup>9</sup>Badivara a ai avagehe roege Iesu ra Rohi ra, renu ai sorukehe roma auka Dirava raki hovega seni maguri gahi goiraganu, aka maguri mimivara. <sup>10</sup>Badivara ai sorukehe gera aki riaga gahima renu era riagavara, renu ai avagehe gera aki imimi vima renu maguriva akamu manu.<sup>11</sup>Eige ga aenavara onaki me auki roma," riaga gahare gahavaia inuhati gera beta variva ragira vara " <sup>12</sup>eige nune bera veitera Jew mati Greek yau vagehe. badivara Rohi kobuge ra koita inuhati yau Rohi vera, makavara auka yaga inuhati ganaga gahare gahavaia yau. <sup>13</sup>E dainehe Dirava ihehe to ragare koitava inuhati gera maguri ragira vara.<sup>14</sup>Yauna orenaki au ihehe to ragira vanu a yauka koitava riaga gahiga veite? yauna orenaki riaga gahiga vanu a yauka au gare ihihhi veite? yauna orenaki ga ihihhi vanu, roro koitava veite goiege? <sup>15</sup>yau besu gevege yauna orenaki ga aena e rorovanu? e dainehe ga aenava ra ona kime auki roma, Hari mage mi ioa gahare koitava vase mageva<sup>16</sup>Eduge beta koita inuhati geraki Hari mage riaga gahanu. Eige Isaiah raki ronu,"Rohi Bauge unuhuna ni gare riaga gahanu? <sup>17</sup>e dainehe ge gabidadama orogare ra ihihhi va gera, mati ihihhi vara Keriso garehe bera.<sup>18</sup>Eduge daki roma, "Yauka ihihhi veitenu?" dodihegera, riagavara. "Yay koure ramu hakive mata inuhati uhura goinu, renu yau gare ramu mata dokonahe tage manu."<sup>19</sup>Dadagahi, da roma, "Israel na dibana veitenu?" Urugoigera Moses roma, " Daka ya namigevege yaka variva ragohisa renu dibana gahisa mata na orenaki beta matabenu. Mata be uhu anana veite, Daka kiego yaka no gahigavara."<sup>20</sup>Isaiah ra uhu berebe tera auki ronu, "Da besugane koitava yabera da yagoya veitera. Do berabeve veite koitava yau vairenehe gera daki horivanu."<sup>21</sup>Eduge Israel yauna gera ona kime auki ronu, " Vani uhubage uhurahe gera daki di ade toivi hakivi ga ihihhi veite renu omo berebe koitava yau."

## 11

<sup>1</sup>Eige daki roma, Dirava na au koitatuhe besibe gahigevenu? Auna so beta ena vivi goiare. Badivara daka Israelite vara, Abraham vahiebera, Benjamin koitavebera. <sup>2</sup>Dirava ra au koitatuhe ya besibe gahigeige veitera, subutegera auki tau dibane goinu. Yana aena gava Elijah badine rone dibana veitenu, au Dirava ga gahane Israel yau dainehe? <sup>3</sup>"Rohi Bauge, yaukamu ai prophet ve gahi gevenu, so teronave sebo gevenu. Davahu gera daki o uma; renu di maguri vera yauki misa roia."<sup>4</sup>Eduge Dirava garena otadovanu au roma? "Dakamu ata daha yatirigava kamu gevenu, Baal gare ihihhi veite atava yabera ." <sup>5</sup>Eduge, orogi negu maguri ragohi renu mage idigane koitava yabera o uia, badivara mage kamuane dainehe gera.<sup>6</sup>Eduge auna mage uhurahe genu, era beta me mage dainehe gera. Veite goige mage era beta magera. <sup>7</sup>Eige bina?

Otadovanu Israel yagovege, au yagovege auka mimi veitera, eduge mage yagovane eraki manu, sokuhege berebe gahanu.<sup>8</sup> Era yau torevane nagatera: Dirava ramu uhu dauragirave horuva mohi gevenu, niva yauka beta eragisa, renu ihikova yauka beta ihisa, orogi negu vani oi.<sup>9</sup> Eige David raki roma, "Yau irutanavegu ogo mimi iaganiva goisa renu renu yauka so sir ragohisa, yau kouko iaganiva goisa renu uhu anana iaganiva goisa."<sup>10</sup> Yau nie ramu vadibu uhura goisa, eige yauna ni gahiga veite gahisa, yau dehie ramu keukave usa vani aubougi."<sup>11</sup> Eige daki roma, Yauna deru ragohanu eige yaka dede ragohisa. Se, yau matau veite ogigiva dainehe, Gentile yabemu maguri mage manu, eige yau nami gevege yauka variva ragohisa.<sup>12</sup> Eduge yau ogigive na mata o iaga mageva dainehe genu, renu yau mimi veite iaganivana Gentile yau enu, Yau hegirivena negu orena vivive goigo vanu?<sup>13</sup> Eduge negubutu gera Gentile yabera daki ga gageima, renu dana apostle vanu Gentile yau, Daka hehiri vime daki di apostle meve uhura.<sup>14</sup> Daka mina di ahata maka koitava beya namigevege yauka variva ragohisa. Eige mina noka be maguri gahi geigevara.<sup>15</sup> Yau besibe ragoharena mata o maive dainehegenu, yau gahara ragohare na, otadovanu, iaga bera veitera eduge hoge va maguri dainehe gera?<sup>16</sup> Urugoi idi tahakavana aenavanu, hauhaka raho goiare tagera. Idi umukavana aenavanu, idi adakava ya gainagera.<sup>17</sup> Eduge idi adakava e yabena yau boko gevenu, eige ana, olive idi adakava benu, yau ruta kobuga goinu, renu ana yau ruta gena a kobuga goinu olive idi umuka mageva mia,<sup>18</sup> anegu idi adakava mageve rome. Eduge a mageva roege, era beta akaki idi umuka mage gahima, eduge idi umukava raki a mage gahima.<sup>19</sup> Eige aka onaki rorovara, "Idi umukavara bokoragira vara eige dana yau uhurehe goisa."<sup>20</sup> Era riaga vara, Yauka riaga gahiga veite dainehege yauki no no gevenu, eduge aka ramime aki ai gabidadamave dainehe. Anegu besibe vime ai uhurehe, eduge ama sigoisa.<sup>21</sup> Badivara Dirava idi umuka riagava kamu geige veite goine be, auka ya gainage ya kamu gevene.<sup>22</sup> Dirava mageve renu au berebeve eraga: berebe edainehe Jew yabemu dede ragohanu, eduge Dirava mageve ra ai adagera, au mageve a me gahare dainehe gera. Veite goiare, a tagera yauka a bokobovara.<sup>23</sup> Renu yau gainage, yau dagedage riaga gahiga veite goiege, yauka bouge ge dibanara.<sup>24</sup> Badivara yauna akena yau a bokovanu ura uhura olive idiva seni, renu ura idiva dainehe yaukamu olive idi mageva ruta a bouganu, nega esebu gena, ura idi adakava ya, bouragohanu yavahu yau olive idive uhura.<sup>25</sup> Badivara daka besibe vime daki yaka bouragora veitera, di ogo nanuheya, erara veite maguri o dainehe, eige yaka beta uhu anana mageve misa: Uhu anana isuke tinabe raki Israel ada oroganu ate Gentile yau bougi gera orogisa.<sup>26</sup> Eige Israel ra mageva mimivara, torevane nagate: "Zion uhurahegena Mage mi orogare koitavara ororovara. Akena beta Dirava gahara vare arigisa Jacob seni,<sup>27</sup> Renu era di aenavara yau ruta, eige dana yau daureve arigisa."<sup>28</sup> Hari mage dainehe, yauka inai gahava yabera ai dainehe. Eduge yauna mage yabenu se daure uhurahegena, yauka mage yabera badivara subuta koitava yau dainehe.<sup>29</sup> Badivara iaga mageva ya renu Dirava totovera beta mati kokikovara.<sup>30</sup> Badivara aka subuta Dirava gare ihihive veite, negugera akamu obina mage manu yau ga ihihive veiteve dainehe.<sup>31</sup> Guma kobuga ei, negubutu Jew gainage ga ihihive veite. Badivara yaukamu maka mageva kironu edainehe yau gainage mage misa.<sup>32</sup> Eige Dirava ramu aubougi ga ihihive veiteva uhura gosigevanu, edainehe yauka mage misa.<sup>33</sup> Oh, Dirava haire renu au uhu anana mageve renu au dibane ra dobuke riaga vara! Unuhuna au koita era gevare renu ana gevare, renu au gumage yagogeisa!<sup>34</sup> Unuhuna Rohi Bauge uhure dibanau se auna unuhu gare ihisa?<sup>35</sup> Se unuhuna Dirava iaga be moimanu, eige Dirava ra damunava kisa?<sup>36</sup> Badivara au senige renu au uhurehe renu oti au senigera iaga aubougi gera. Au haire ra negu oti behibehi. Amen.

## 12

<sup>1</sup>Yakera daki ya hero gahigeime, di ogo nanuheya, Dirava uhudaive uhura, yai ahata make maguri iaganiva, aena, idigi Dirava moimisa. Era yai meve makavara au gasina.<sup>2</sup> Ya negu mata o maguriva uhurahe siri ragohime, eduge yai uhure isage gahigeisa. Ya ena kiego yaka riagahe dibana gahigavara otadovana mage, riaga, renu mage riaga Dirava gahara vare e.<sup>3</sup> Dirava mage da moimane uhurage daki yai bouge yaki ro geima: Ya negu yavahu ya anagei raho gahigeime, eduge, uhu mageva anai mage gahisa, kobakoba yai gabidadamave uhurahe, Dirava ya mohigevene geregereva uhurahe.<sup>4</sup> Badivara ni atera dadaga vara ahata maka kobabe uhura, eduge noka beta ni bouge me kobuga era noki kia.<sup>5</sup> Guma kobuga ei, ni atena dadagavanu noka Keriso uhura ahata maka kobabe uhurahegera, renu noka kobakoba bebe uhuragera.<sup>6</sup> Noka kobakoba magete yabera au mageve uhura auki no mohigevene. Be magevena ihie orogare au dibana, au gabidadamave uhurahegena auna meva kisa.<sup>7</sup> Be magevena koita yahe geigevanu, auka yaheyahe meva kisa, be magevena uhuvaka gavanu, auma uhuvaka gava kisa.<sup>8</sup> Be magevena koita hero gahi geigevanu, auma koita hero gahigeige meva kisa. Be magevena iaga idigi koita mohigeigevanu, auma meva kisa uhu mage ruta. Be magevena koita nisigeigevanu, auma meva kisa au uhure aubougi. Be magevena koita uhudau gahigeigevanu, auma meva kisa hehiri ruta.<sup>9</sup> Mageramu avanage veite goisa. Daure garemisa; e ama kamuisa era magera.<sup>10</sup> Ogo nana mage maguriva uhura, bebe gahara ragohisa. Aenavara makavara yaka bebe matau gahigeisa.<sup>11</sup> Bauge mage gahigeigeva, anegu isuhime. Horu dainehe, auma vaina. Rohi Bauge dainehe, ama au meve kisa.<sup>12</sup> Erara veite iaganiva yau aka hegirivera, isuke uhura, gabidadamava ama imimivisa.<sup>13</sup> Dirava koitatuhe yagoare iaganiva ya ama mohigeisa. Guma dadaga uhura aka mage kisa.<sup>14</sup> A daure gahare koitava ya mage gahigeisa; mage gahigeisa beta yau daure miare kisa.<sup>15</sup> Hegiri ragohare koitava ruga ama hehiri visa; nigo ragohare koitava ruga ama nivisa.<sup>16</sup> Bebe ruga uhu anana kobuga misa. Anegu avahu ayageya uhu anana va vime, eduge maguri berebe iuare koitava ya gahara gahigeisa. Anegu uhuvaka uhu anana va vime.<sup>17</sup> Anegu koita be a daure gahane damunava kime. Maguri mage bu maguri gahisa koita yaubemu ai eragisa.<sup>18</sup> Auna riaga goigovanu, aigena magenu, mai maguriva maguri gahisa koita aubougi ruta.<sup>19</sup> Anegu avahu a daure gahime, aka mage koitavara, eduge ama Dirava hogoiare sigamisa. Badivara yaukamu torevanu, "Dakena hogoisa; Dakena damunava kisa, Rohi Bauge eraki roma."<sup>20</sup> Eduge "Ai inai gahane koitave guburage ge, ama vasigisa. Au eia hoge viege, ama eia moimisa. Badivara a ena kiego, Ana dibana

goisa aka vene hedoka vara aki au omotegera aki maemanu. <sup>21</sup>Daure negu a edoromime, eduge daure vagua gahisa mage uhura.

**13** <sup>1</sup>Horu aubougige ramu bauge yau ga ihihive goisa, badivara bauge bera mati veitera eduge Dirava avahu, au senige auna orogisa. Bauge be yaberramu eyanu eduge yaka Dirava raki ihiro gevenu. <sup>2</sup>Eige unuhuna bia eya daure gahigeima, yauka Dirava gare ra yauki dodova; renu unuhuna inai gahigeima yauki au hedoke yauna misa. <sup>3</sup>Badivara bia yabera beta daure kikipara mage kiare koitava yau, eduge daure kiare koitava yau. Ana sigo veitenu biava maemane koitava au? A mage kiego, aka mage e hairadiva mimivara. <sup>4</sup>Badivara auka Dirava gare ihare koitavara ai dainehe oti vani au bougi. Eduge a daure kiego, aka sigora; badivara auka beta egira auki kamuka kava vima. Auka Dirava ga ihihivera, daure besibe gahare koitavara daure kiare koitava au. <sup>5</sup>Eige ama anaisa, beta daure e orogare dainehe, eduge uhu ananava tagera. <sup>6</sup>Edainehe gera aki tax maemima. Badivara bia gainage Dirava ga ihihive yabera, me era yauki kia vani aubougi. <sup>7</sup>Koita aubougi yauma yau damuna kisa, tax oti unuhuna tax mimi yau, meva kikiva oti meva kisa, sigoisa oti unuhuna sigamiga vanu, mage gahisa oti unuhuna mage mimivanu. <sup>8</sup>Anegu koitabe iaganebe kamuime, eduge bebe mage gahigeisa. Badivara unuhuna au gaika koitava mage gahima auki aena dibanara, <sup>9</sup>Anegu ni muduka maguriva kime, anegu vahoime, anegu iaga be gahara vime," renu aena bena enu, aena oraki aubougi bougevenu, " Ai gaika koitava ama mage gahisa a avahu a mage gahare nagate." <sup>10</sup>Magera beta Koita be daure gahigavara. Edainehe gera, mage ra aenavara auki riaga gahanu. <sup>11</sup>Edainehe, aka vani iaga orogare dibanara, era a yagiya uhura urimare vani iagagani vara. Badivara no urugoi nanavane maguri noka misa, miare e ramu kahika goinu. <sup>12</sup>Vahi vadibua varamu otinu, Vani abaga varamu o kahika goinu. Edainehe no vadibu mevaya idigei gaise gosigeva, renu vani abaga ogonava mi kia. <sup>13</sup>No ogigi mage ragoha, vani abaga uhura nagate, beta gadiki daure hegiriva se gadiki omo daure va ragohisa; renu no negu yagiya daure gumava kime se gahusivara raho goisa, uhu daure meva kisa se gahusiva kisa. <sup>14</sup>Eduge Rohi Bauge Keriso Iesu mi aie goisa, anegu ahata maka meva anaima, se riaga gahime.

## 14

<sup>1</sup>Gabidadama avie koitava ama au gahara visa, beta au daureve rosa se anaisa. <sup>2</sup>Koita be gabidadama vehe auka demaka aubougi ivara, gabidadama avie koitava bera gege demakava auki ima. <sup>3</sup>Unuhuna demaka aubougi ima au negu demaka aubougi iare koitava daure gahime; demaka aubougi iveite koitava auma demaka aubougi ihare koitava au gare vime. Badivara koita era Dirava ada uhurehe gera. <sup>4</sup>Ana unuhuna, a koitabe gare vima a koitae biageramu enu? Au biage vairanehege auna ramira berebe visa se morugohisa. Eduge auka rahora berebe vivivara, badivara Rohi Bauge ena gumava kisa. <sup>5</sup>Koita kobabe rahovera vani be variada gera. Bera roma vani aubougi gera geregere vera. Koita kobakoba yau uhurehe anana mage ragohe. <sup>6</sup>Unuhuna vani eragare renu anai ma, Rohi Bauge dainehe ge auki ena kima; renu unuhuna tamuta vima, Rohi Bauge dainehe gera auki tamuta vima, Badivara auka Dirava ra auki mage gahima. Unuhuna tamuta veite, auka tamuta veitera Rohi Bauge dainehe; Dirava tagera auki mage gahima. <sup>7</sup>Badivara noka beta novahugera noki maguri ragoha, renu koita bera beta avahugera auki hoge ragisa vima. <sup>8</sup>Badivara no maguri ragohare, Rohi Bauge dainehe gera noki maguri ragoha, renu no hoge ragohege, Rohi Bauge dainehe gera noki hoge ragoha. Eige nona maguri vanu se hogenu, noka Rohi Bauge iera. <sup>9</sup>Edainehege Keriso raki hogeragare renu magurivi goiraganu, eige auki Rohi Baugervara hoge ragohane koitava ya mati dagedage koita ya maguri ragohare yau Rohive. <sup>10</sup>Eduge a, otadobe dainehegena ai bamode gare vima? Renu a, esemena ai bamode a besibe gahima? Badivara noka ni bouge Dirava vairenehe rahi au gare ihihiva. <sup>11</sup>Badivara yaukamu torevanu, "Da maguri vare," Rohi Bauge raki roma, "daigena koita komuko daivi, renu mie aubougi gera yau daureve dai rorovara. <sup>12</sup>Eige, kobakoba gena nona ni daureve Dirava gasina rosa. <sup>13</sup>Edainehe, no negu bebe daure gahigeime, eduge onaki anaisa, koitabe negu au bamode gumage you vime se au Mimi gumage kime. <sup>14</sup>Daka dibanara renu dakamu herokime daki Rohi Bauge Iesu iagabera beta avahu daure ra. Eduge koita bena roma iagabera daurenu, augera era daure ra. <sup>15</sup>Demaka dainehe ai ogo nane na huhu gahanu, aka mage uhura ogigi veitera. Anegu ai demake dainehe koita be daure gahime Iesun ra koita edainehege auki hoge raganu. <sup>16</sup>Eige anegu anavare magera ga daureva rome. <sup>17</sup>Badivara Dirava basileia vera beta demaka renu eia dainehe gera, eduge riaga dainehe gera, mai toto, renu hegiri Horu Aena uhura. <sup>18</sup>Badivara unuhuna Keriso meve enakima Dirava ra au gahara vivivara renu koita yabara riaga gahiga vara. <sup>19</sup>Eige, noma mai mi orogare iaganiva ya gahara ragohisa renu koita bougevare iaganiva ya gahara ragohisa. <sup>20</sup>Anegu demaka dainehe Dirava meve sebogima. Iaga aubougi gera magera, eduge ata be negu koita be besibe vare demaka ime, ata enegu moru gohime. <sup>21</sup>Eige magera anegu vanu ime, se eia daure noguima, we iagabe kiego ai bamode moru gohime. <sup>22</sup>Ai gabidadamave, era arenu Dirava yai uhurehe gera. Koita bera mage mimivara au avahu au avahu riaga gahare iaganiva yau. <sup>23</sup>Unuhuna dauragima auka huhu nagina vara au tamuta veige, badivara era beta gabidadamava gera. Renu otadovana beta gabidadamava orogima era daure ra.

## 15

<sup>1</sup>Nona herote yabenu noma hero veite koitava ya yahegisa, renu nonegu novahu ni mageve anaima. <sup>2</sup>Kobakoba noma ni gaika koitatuhe ya yahe geisa era magera, koita e hero gahiga dainehe. <sup>3</sup>Keriso ramu beta avahu au mage gahanu. Eduge, yau torevanu nagate, "Yau a inai gahane isuke vara di adagera." <sup>4</sup>Otadovanu yau urugoi torevanu yau torevanu makavara noka kerigahisa renu aena gava uhura hero kisa ihie iaganiva ya orogare yau. <sup>5</sup>Eige Dirava kerigoiare renu herovehe yai uhu kobabehe misa Iesu Keriso uhurehe. <sup>6</sup>Auna so enakiego uhu anana kobabe va renu ava ga kobabe va Dirava, Iesu

Keriso Mame ni Rohi Bauge ve mage gahisa. <sup>7</sup>Edainehe bebe mage gahigeisa, Keriso a mage gahane nagate, Dirava mageve uhurahe. <sup>8</sup>Eige daki roma Keriso ra peritome riaga gahiga koitavara Dirava riaga gahare uhurahe, subuta rohiva yau ominue mohigevene riaga gahisa, <sup>9</sup>renu Gentile yabera Dirava mage gahisa au uhudaue dainehe. Torevane nagate, "Edainehe daka ya mage gahigeige vara Gentile yau uhura renu nogo rosa yai ihe mage gahisa." <sup>10</sup>Gaitana roma, " Hegiri ragohisa, ya Gentile ya, au koitatuhe ruga." <sup>11</sup>Renu gaitana, " Rohi Bauge mage gahisa, Gentile yai bouge; Koita aubougi geramu mage gahisa." <sup>12</sup>Gaitage, Isaiah roma, "Jesse umuka ramu o orogima, Gentile yau variada yau biage goigovara; augena Gentile yabera mage misa." <sup>13</sup>Dirava mageve vana yai uhure toboga geisa hegiri va renu mai uhura, ya riaga gahare dainehe, eige Horu Aena yai mage mi orogisa. <sup>14</sup>Da davahu tagera da dibanara yai maguri ve, di ogo nanuheya. Daka dibanara yaka mage raki ya toboga gevenu, uhuvakava ruta. Daka dibanara yaka bebe uhu anana mage gahi geigevara. <sup>15</sup>Eduge do toretorevera berebera iagabe yau dainehe aka gaitana anaisa, Dirava da mage gahane dainehe. <sup>16</sup>Magevara daka Keriso Iesu me mimi koitave goisa Gentile yau dainehe, daka harokoita goisa Dirava hari mageve uhura, eige Gentile yau boubou veramu mage goisa, Horu Aena riaga gahare uhura. <sup>17</sup>Keriso Iesu uhurahegera daka ga raho vivivara Dirava meve dainehe. <sup>18</sup>Badivara daka beta ga unage be rorovara eduge Keriso da moimane uhuragera Gentile yau ga ihine dainehe. Era gava roiare renu meva kiare uhurahegera, <sup>19</sup>Hedo eragare renu yau gauragira iaganiva yau uhura, renu Dirava Horu Aena hedoke uhurahe. Eige Jerusalem seni oti Illyricum kahika gahi, eigerana dana Keriso hari mageve rosa. <sup>20</sup>Guma eigena dana, da gahara vare hari mage rosa, beta Keriso ihe yau dibana ogobe yau, eige daka beta koita be ihie meva mati kisa. <sup>21</sup>Torevanu nagate: "Ogore yabenu au ihi gava ragohira veite yauka orogi eraaravara, renu or are yabena ihihie veite yauka au dibana gahigavara." <sup>22</sup>Edainehe daka isuke dadaga uhurahegera daki heroki yai gasina orogisa. <sup>23</sup>Eduge negugera, daka ogo veitera mata oi, eduge yai gasina ororovara tau dadaga vara daki anavanu daka yai gasina orogisa. <sup>24</sup>Daka ananavime daki daka ya erageisa da Spain otare, renu yaka da yahegisa da otare, eige dana ya ruta guragu tinabe visa. <sup>25</sup>Eduge dakamu obina Jerusalem otima, Dirava koitatuhe yahe geisa. <sup>26</sup>Badivara Macedonia renu Achaia yau mageve ogogami yau Jerusalem uhura uiare Dirava aena koita yau vaga. <sup>27</sup>Dodihegera, yau mageve ra, yauka ena kisa. Badivara Gentile yabenu yau Horu meve uhura anagevenu, Jew yabera mati mi goiragira vara maguri mage kohuva ruta. <sup>28</sup>Edainehe, Dayau meve ki kosavege renu riaga gahisa yaukamu yau miare iaganiva aubougi manu, daka Spain otiti vara uhurahegena dana ya erageisa. <sup>29</sup>Daka dibanara da negu yai gasina orogare, daka Keriso mage uhubageve rutagera dana orogisa. <sup>30</sup>Eige daki ya hero gahigeima, di ogo nanuheya, ni Rohi Bauge ve Iesu Keriso ihehe, renu Horu Aena mageve uhurahe, yaka da ruta hero kisa noka Dirava imigisa di dainehe. <sup>31</sup>Imimi ragohege daka ga ihihie veite koitava Judea uiare yau, di meve Jerusalem dainehe ramu riaga goisa Dirava horu meve koitave yau. <sup>32</sup>Imimi ragohege dama yai gasina orogisa hegiri uhurahe Dirava gaharavare uhurahe, renu daka rogi ya ruta noka bada vagarosa. <sup>33</sup>Dirava mai mageve yai bouge yai ada. Amen.

## 16

<sup>1</sup>Phoebe ni amakine, yakera daki yaki rogeima, auka Cencreae dubu uhura ga ihihie mevara auki kima, <sup>2</sup>yaka mage gahisa Rohi Bauge uhurahe. Dirava koita aenave uhura koitava ya nagate, renu yahegisa au gahara vare iaganiva yaka moimisa, Badivara auka koita mudago auki yahe gevenu renu da tagera aukamu da yaheganu. <sup>3</sup>Priscilla renu Aquila mage gahigeiyahe, yau gainage Keriso Iesu meve noki kia, <sup>4</sup>Di magurive dainehe yau magurivehe da anava. Yaukera daki mage gahigeima, renu beta davahu da, eduge Gentile dubu koitava yau bouge tage. <sup>5</sup>You yaga uhurehe dubu aubougi tage mage gahigeisa. Epaenetus mage gahisa di bamode, auka iditahaka isage vara Asia Keriso dainehe. <sup>6</sup>Mary mage gahisa, hai dainehe yaukamu huhu naganu. <sup>7</sup>Andronicus renu Junia mage gahigeisa, di sokuheya renu di vadibu yaga bamoduheya. Apostle yabera yau dibane hereavera, renu yauki urugoi Keriso dibane gahanu daka ihiegera. <sup>8</sup>Ampliatius mage gahisa, di bamode Rohi Bauge uhura. <sup>9</sup>Urbanus mage gahisa, Eriso uhura di me bamode Keriso mageve, renu Stachys, di bamode. <sup>10</sup>Apelles mage gahisa, Keriso riaga gahane. Aristobulus yaga koitatuhe ya mage gahigeisa. <sup>11</sup>Herodian mage gahisa, di bamode. Narcissus yaga koitatuhe yabera Rohi Bauge dibanara mage gahigeisa. <sup>12</sup>Tryphaena renu Tryphosa mage gahigeisa, Rohi Bauge meve kiare koitava ya. Paris mage gahisa di bamode, yaukamu Rohi Bauge meve dadaga kinu. <sup>13</sup>Rufus mage gahisa, Rohi Bauge raki ihiromonu, au neine renu di neine. <sup>14</sup>Asyncritus, Phlegon, Hermes, Patrobas, Hermes, renu ogo nana yau ruga mage gahigeisa. <sup>15</sup>Philologus renu Julia, Nereus renu au bamode maiago va, renu Olmpas, renu Dirava koitatuhe aubougi yau ruga mage gahigeisa. <sup>16</sup>Bebe mage gahigeisa horu aena anoano va. Keriso dubuve aubougi a mage gava. <sup>17</sup>Yakera daki ya hero gahigeima, di ogo nanuhe ya, yama koita beya yai maguri ve daure gahare koitava renu yai gumage daure gahiga koitava ya erageisa, ya uhuvaka mane yauka daure gahigavara. Ya negu yau ruta bouragohime. <sup>18</sup>Koita enavivi yabera Rohi Bauge Keriso meve kiki veitera, eduge yau vagata make gugera yauki anava. Yauka ga mage ragohisa renu avanage ragohisa, koita yau uhure daure gahisa. <sup>19</sup>Yau ga ihihie gumegera koita aubougi dibanara. Edainehege daki hegiri vime, yai ada, eduge da gahara varera yaka uhuvaka va mage ueragisa, renu riaga va daure eragisa. <sup>20</sup>Dirava maive ra Diabolo mi au vasi derikahu sebosebo vara. Rohi Bauge Iesu Keriso hairera ya ruta goisa. <sup>21</sup>Timothy, di me bamode, Ya mage gahigeima, Lucius, Jason renu Sosipater, di me sokuheya. <sup>22</sup>Da, Tertius, daki ga o tore geima, renu ya mage gahigeima Rohi Bauge uhura. <sup>23</sup>Gaius, di meve renu dubu aubougi biava, ya mage gahigeima. Erastus, ogo bauge muni tahakava kamuare, raki ya mage gahigeima, Quartus au ogonane ruta. <sup>24</sup>25Negu oti ai, aukena ya hero gahigeisa da hari mage yaki rogevene renu Iesu Keriso hari mageve uhurahe, maguri isage gava hakivane ihihie veite renu erara veite idigei hakivanu, taesebu dibana veite iaganiva. <sup>26</sup>Era nomu bina dibana gahanu

renu perovata gava toregevenu mata aubougi uhura, Dirava behibehi garehe, gabidadama ihihivana mage goisa--<sup>27</sup>oti Dirava uhanana biava, oti Iesu Keriso au, oti mage behibehi. Amen.

## 1 Corinthians

### 1

<sup>1</sup>Paul, Keriso Iesu raki ihiromonu auka apostle goisa Dirava rone dainehe, renu Sosthenes ni ogo nane, <sup>2</sup>oti Dirava dubuve Corinth uhura, Iesu Keriso aena gahi gevene koitava ya, yauka aena koitava ya yaubougi, renu idigevenu ogo kobakoba uhura, ogore yabena Rohi Bauge Keriso Iesu ihe roia, auka tau Rohi Bauge ve renu goie. <sup>3</sup>Mage renu mai ra yaiera Dirava ni Mame renu Rohi Bauge na ya mohigeisa. <sup>4</sup>Yai dainehe ge daki vani inuhati Rohi Bauge motea gahima makavara Au mageve Au moe Keriso Iesu ihehe. <sup>5</sup>Yaga inuhati uhura yaki taboro gahanu Au dainehe ga va mata uhuvaka. <sup>6</sup>Eige Keriso harike yaumu riaga gahanu ni vagahe. <sup>7</sup>E dainehe aka horu aena meva uhurahe a uiare Rohi Bauge Iesu Keriso ororove aka narivima. <sup>8</sup>Auka a hero gahigavara oti dokonahe, eige aka daure veite ra Rohi Bauge vani be orogare ei. <sup>9</sup>Dirava ra gabidadama vara, yaukaki a ihiromonu au ruta no ragohisa au Moe Iesu Keriso ni Rohive, au ihehe. <sup>10</sup>Di sokuhe ya, yakera daki ya hero gahigeime Iesu Keriso ihehe, yaka yai bouge riaga gahisa, yaka beta bebe ihie gahi geigevara. Yaka kobuga gahisa uhu anana kobugava. <sup>11</sup>Daka dibanara yai magurivena orena vivivenu, di sokuhe ya, Chole koitatuhe yaberamu daki ronu yaka bebe ihie gahigeva. <sup>12</sup>Ga riagavara: Bera roma, "Daka Paul ruta gera," se "Daka Cepas ruta gera," se "Daka Keriso ruta gera." <sup>13</sup>Keriso na be ruga renu? Paul na ai dainehe gena yau gamanu? Paul ihehe gena yau a bapatiso gahanu? <sup>14</sup>Dirava mage riaga vara daka yabe ya bapatiso gahi geige veitera, Eduge Crispus and Gaius. <sup>15</sup>E dainehe, bera beta rorovara, di ihehe gera yauki a bapatiso gahanu. <sup>16</sup>(Renu Stephanas yaga koita tuhe yabera, daki bapatiso gahigevenu. E adahe, Daka dibana veitera dana be yainage bapatiso gahigevenu se veitenu.) <sup>17</sup>Keriso ra beta bapatiso dainehege auki da besugane, hari mage rorovara auki da besuganu-beta uhuvaka gava, Eduge Keriso satauro vera beta au hedoke garegavara. <sup>18</sup>Satauro badivara uhuvaka veite koitava ya huhu nagohare yau era. Yau vagotonehe maguri ragohare yau era, era Dirava hedokera. <sup>19</sup>Yaukamu torevanu, "Daka uhuvaka koitava yau uhuvake sebese vara. yau uhu anana mageve mi gaise maemavara. <sup>20</sup>Uhuvaka koitavara oreigenu? Uhuvaka, gava vare koitavana oreigenu? Vata o ga vare koitavana orenu? Dirava na beta vata uhuvakava mi sivai ga maka veite va maemanu? <sup>21</sup>Vata o uhuvakava Dirava dibane veite dainehe, Dirava raki uhuvaka veite gava uhura koita be maguri gahigevenu. <sup>22</sup>Eige Jew yabera erara veite iaganiva erara gahava ragoha, a Greek yabera uhuvaka gahara ragohanu. <sup>23</sup>Eduge, noka Iesu Keriso sataurova hoge ragane hari mageva roia, era Jew koitava yau isuke miare ra renu Gentile yabera uhuvaka veiteva roia. <sup>24</sup>Eduge ogore yabena Dirava ihiro gevenu, Jew renu Greek ya, noka Keriso noki roia yauka Dirava hedoke renu uhuvake. <sup>25</sup>Badivara, Rohi Bauge uhuvaka veitevera ra koita yau uhuvake auki soiganu, mati Dirava au hero veitevera koita yau herove auki soiganu. <sup>26</sup>Di sokuheya, yai totove eragiahe, Yaka dadaga veitera yai uhuvaka ahata makava. Ya dadaga veiete yaka hero veitera. Dadaga yaka vara mage veitera. <sup>27</sup>Eduge Dirava raki vata o ada uhuvaka veite iaganiva idigi uhuvaka koitava ya variva gahigevenu. Dirava ra vata ada uhuvaka veite iaganiva uki idigei herote gahava ya variva gahigevene. <sup>28</sup>Dirava raki dahida veite renu ihi veite idigevenu. Dahida veite iaganiva gainage idigevenu, iagabe veite iaganiva yabera mati iaga be yabera. <sup>29</sup>Au onakine makavara ahata maka maguri vara beta bia goisa au vairenehe. <sup>30</sup>Au dainehege, noki Iesu Keriso ruta kobuga gahanu. Rohi Bauge raki Keriso Iesu gagae kinu, auka ni uhuvake goisa. Noka yeriri ve gahisa, aena uhurahe renu maguri isage misa. <sup>31</sup>Ga Aena va ra onakime auki ronunuhuna moteamotea vima, auma Rohi Bauge motea gahisa.

**2** <sup>1</sup>Di sokuheya, da yai gasina oroganera daka beta ga heigate se uhuvaka gavara daki mi oroganu, da Dirava norena gava roege uhura. <sup>2</sup>Daka beta iaga aubougi dibanara, da ya ruta uiege ei, eduge Iesu Keriso, sataurova hoge ragane augu. <sup>3</sup>Daka ya ruta gera hero veite renu sigo renu gabubu veige. <sup>4</sup>Renu di gare renu da gavege beta yakera daki ya vagava gahi geige uhuvaka gava, eduge Horu Aena meve renu uhuvake uhura gera, <sup>5</sup>Eige yai gabidadamave ra beta koita yau uhuvake uhurahe gera, eduge Dirava hedoke uhurahegera. <sup>6</sup>Negubutu gera koita Bauge yau vairehegera noki uhuvaka gava ragoha, beta vata o uhuvaka uhurahegera, se vata biava yau veheera, hoge ragohare ya. <sup>7</sup>Eduge, noka Dirava uhuvaka gare noki norena roia, norena uhuvaka vavara Dirava garera, maguri so kosako veite uhura, era ni mageve ra. <sup>8</sup>Vata ada biava yavpbera dibana veitera, yau dibana gahanebe, yauka beta mage Rohi Bauge va gamane. <sup>9</sup>Yaukamu torevane, "No bera erara veitera, Ihiko bera ihihivi veitera, koita bera uhu anana va veitera Dirava na orenaki koita au mage gahare, koitava mage gahi gahigavanu." <sup>10</sup>Dirava ramu iaga o idigi gagae gosigevenu Horu Aena uhurahe. Horu Aena vara iaga aubougi mi itahe hakihavara, Dirava uhu anana aenava gainage. <sup>11</sup>Unuhuna Koita be uhure dibananu eduge koita e raki avahu au uhure dibana? E dainehe Dirava uhu anana aenava yabera au Horuveraki avahu dibana. <sup>12</sup>Eduge noka beta mata o horuva noki manu eduge Dirava Horuvera noki manu, eige nona dibana gahisa Dirava damuna veite iaganiva auki no mohigevene. <sup>13</sup>Avaseni noki gava rogeva beta koita uhuvakehe gera eduge Horu Aena uhuvakehe gera, horu iaganiva ya makava rogeva Horu koitava yau. <sup>14</sup>Horu veite koita vara beta Horu Aena iaganiva idi geigevara, yaugera maka veite yabera. Koita era beta dibana goigo vara badivara yauka horu uhuragera veitera. <sup>15</sup>Koita orena horu uhura maguri vima, auka iaganiva makava dibanara, be yabera beta tohotovara. <sup>16</sup>"Unuhuna Rohi Bauge uhure dibananu, eige auka kirosa, auna otadoba kisa?"

### 3

<sup>1</sup>Renu da, di ogo nanuhe, Daka beta horu aena uhura koita va ya nagate ya ga gageige vara, eduge mata o ada koita va ya nagate, momona ya nagate Keriso uhura. <sup>2</sup>Amura daki ya mohigevege, beta demaka berebe, badivara yaka so geregere veitera; orogi ate negu tagera yaka so geregere veitera. <sup>3</sup>Yaka dagedage mata ada koita va yabera. Mama gava ya renu huhu nagoha, yana beta ahata maka maguriva uhurahe gena ya uia, renu beta yaka beta mata ada koitava yau magurivehe gena ya maguri ragoha? <sup>4</sup>Eige bera roma, "Daka Paul ruta gera," yana beta koita nubage yabanu? <sup>5</sup>Apollos na nuhunu? Paul na unuhuna? Me gahava ya, ya riaga gahigevene, Rohi Bauge kobakoba me koita mohigevene nagate. <sup>6</sup>Daki begenu renu Apollos raki eiava moimanu, Dirava raki raho gahanu. <sup>7</sup>E dainehe, beta unuhuna begenu se unuhuna eiava moimanu, e anana va ragohisa. Eduge noka dibana gahisa Dirava raki raho gahanu. <sup>8</sup>Unuhuna begenu renu unuhuna eiava moimanu era kobabera, kobakoba yauka yau me damuna mimivara. <sup>9</sup>Badivara noka Dirava meve kiki koitava yabera. Yaka Dirava gegevera, Dirava yagera. <sup>10</sup>Dirava mageve mane uhurahe, daka yaga mage kiki koita vara, Daki vata ada meva kinu a bera adahe yagava mi yagemanu. Eduge me koita varamu meva ki mage gahisa. <sup>11</sup>Koita bera beta vata ada meva kiki dibanara onaki kine nagate, badivara era, Keriso Iesu ra. <sup>12</sup>Koita bena vata ada meva kima gold va, silver va, muni reboreva, idiva, gativa, <sup>13</sup>au mevera makavara horihori vara, au horivare vaniva ramu e orogima. Vene uhurahegera. Vene na kobakoba me kine toagava mi hakivisa. <sup>14</sup>Koita mevena dagedage ramima, auka mageva mimivara; <sup>15</sup>Eduge be mevena vene uhura goinu, au meve ramu daure goinu, eduge auka maguri vara, vene uhura gera auna sirivi hakivisa. <sup>16</sup>Ana dibana veitenu aka Dirava dubu vera renu Dirava Horu veramu e ai uhura? <sup>17</sup>Koita Bena Dirava dubuve sebogisa roma, Dirava vara koita e sebose vara. Dirava dubu vera aena vara, renu a tagera. <sup>18</sup>Koita be negu avahu au taragime, koita bena roma auka uhuvaka tera negu tau o uhura, au "uhuvaka veite koita va goie" eige auna uhuvaka koitava goisa. <sup>19</sup>Badivara mata o uhuvakava ra Dirava eragare uhuvaka veite, era. Eige yaumu torevane, "Uhuvaka koitava yau avanagevera auka dibanara." <sup>20</sup>Renu gaitana, "Rohi Bauge ra dibanara uhuvaka riaga makavara magera. <sup>21</sup>E dainehe, Koita be negu motea motea vime. Iaga aubougi gera yaiera, <sup>22</sup>Auna Paul, se Apollos, se Cephas, se mata o ienu, se maguri vanu, se hoge nu, se negu tau o iaganiva yabenu, se ihie orogare yau enu. Iaga aubougi gera yaiera, <sup>23</sup>yaka Keriso iera, renu Keriso ra Dirava iera.

#### 4

<sup>1</sup>Onaki mena koita bena no Ana geisa, Keriso Iesu meve koitatuhe ya renu Dirava norena ga riagave kamuare koitava ya. <sup>2</sup>Dirava ga riagave kamuare gahavaia yabera koita riaga yabera. <sup>3</sup>Eduge daigera era iaga avie vara eige aka ,da berabe vara se koita be yabera da berabe vara. Badivara daka beta davahu da berabe vara. <sup>4</sup>Dakamu beta dibana goinu koita beramu da beraganu, dagedage era beta da riaga gahiga vara. Rohi Bauge avahu gena da beragisa. <sup>5</sup>E dainehe no negu daure be urigoi rome, makavara berabe vaniva so ororo veitera. Rohi Bauge so ororo veite uhura. Auka vadibu meva mi mabaga uhura mi hakiha vara renu koita sorukehe uiare mi hakiha vara. Eige koita kobakoba gena Dirava mage misa. <sup>6</sup>Eige di sokuhe ya, Maguri gumavara daki uhuvaka manu renu Apollos ruta yai dainehe, Eige ni dainehe yaka uhuvakate gahisa, ga o makava, "Anegu torevane variadahe otime." <sup>7</sup>Unuhuna a renu be yau daureve eraganu? Ana otadovanu e ai gasina, era aka mimi veitera? Ana manu, esemena motea motea vime, aka meta mimi veite nagate. <sup>8</sup>Akamu a gahara vane subuta idigevenu! Akamu subuta iaga aubougi idigevenu! Akamu bia be goinu-noka beta ai gaikehegera! Riaga, Dakamu roma aka bia bera, Eige noka aruta goigo kobuga ragohisa. <sup>9</sup>Di anana vera Dirava ra apostle no idigeime auki dokonahe no gosigevenu, guma bei renu noka koita be nagate ya, yauka hoge ragohisa. Noka mata o varivadivara-neru yau, renu koita yau. <sup>10</sup>Noka uhu vaka veite koitava yabera, eduge aka uhu vakatera Keriso uhurahe. Noka hero veite yabera, eduge aka hero tera. Aka Aena vara, eduge noka beta Aena uhurahe gera. <sup>11</sup>Orog negu nega oi noka gubu ragohime noki renu noka eia hogeve noki ragoha, noka ogona mage kiki veitera, noka huhu uhu rahegera, renu noka ogo veitera. <sup>12</sup>Me isukevara noki kia, ni adehe meva kia. Koita beya no daure gahi gevege, nokamu anana veitera. Koita beya no namigevege, noka anana veitera. <sup>13</sup>Koita beya daure gahigevene, nokamu ga mage gahigeve. Noka meta mata o momona nagate renu daure aubougi yau daureve, negu nega o uhurahe tagera. <sup>14</sup>Daka beta ga o yauna daki ya variva gahigeisa roma, eduge ya vasiba gahigeisa Badivara yaka daie yabera. <sup>15</sup>Yana daha Utu be koitava yabena ya narigeve Keriso uhura, yai mamuhe yabera dadaga veitera. Badivara dakamu yai mame ra Keriso Iesu hari mageve uhura. <sup>16</sup>Eige daki roma, yaka da kiare kisa. <sup>17</sup>Eige daki Timothy a besuganu, di gami mageve renu Rohi Bauge gabidadama gahare gamiva. Aukena di gumage ya kirogeisa, uhuvaka gavahe roiare gabu au bougi uhura renu dubu aubougi uhura. <sup>18</sup>Ya beya beramu uhu tobokete gahanu, yai anana vera daka beta yai gasina ororovara. <sup>19</sup>Tutubeige dana yai gasina orogisa, Rohi Bauge roege. Eige daka beta gava tobo ragohane koitava yau gare dibana goigovara. eduge yau hedoke dana eragisa. <sup>20</sup>Badivara Dirava basileia vera beta gava ge auki herote goinu, eduge aenava gera. <sup>21</sup>Ana otadovanu a gahara vima? Dana ai gasina a hodiho idi va mi orogisa, se mage renu horu aena mai ruta?

**5** <sup>1</sup>Nokamu ihinu yai vagahe ni muduka me vara rahora, daure riagava Dirava dibana veite gahavaia gaina ge maguri gahiga veitera: Ata bera au mame mabare manu. <sup>2</sup>Ai uhure ra toboke ra! Akamu uhu huhu vare, ge daure e kine koita vara mu yai vagahe veite goiare. <sup>3</sup>Daka ahata makava veitera, eduge dakamu horu uhura ya ruta gera. Dakamu subuta ni muduka kine koitava au dibane goinu, daka meta ya ruta gera ei. <sup>4</sup>Ya Iesu Keriso ihehe bouragohane dakamu e ya ruta horu va, renu Rohi Bauge Iesu hedoke tagemu e no ruta, <sup>5</sup>Ate o mi Satan moimiahe, ahata maka maguri daure gahane dainehe, Eige au horu vera mage misa Rohi Bauge vaniva orogare ei. <sup>6</sup>Ai keme madama vera beta magera. Ana dibana veitenu parao souka tinakibe ra parao bega e raho gahivara. <sup>7</sup>Parao souka emene e gare hiahe eige yana Parao bega isage

nagate gahisa, era yai maguri ragare maguri vara. Eige Keriso, ni edodome mamoeva, yaumu gamanu ni dainehe. <sup>8</sup>Eige no hegiri ragoha, beta Parao souka emene ruta, maguri daure renu maguri haira veite. Eduge no hegiri ragoha parao bega mageva renu riagava uhura. <sup>9</sup>Da yai idi vadaka besu ganu ra yaka beta ni muduka koitava ruga kobuga ragisa. <sup>10</sup>Dakamu beta ronu, yaka beta mata o daure koitava ruga kobuga, se yavahu yaue eiare, se ga avanage rago hare, se iaga nune nune riaga gahi gevare koita va, yama gare geisa, e makavara yaka mata o maguri daureva uhura haki ragiravara. <sup>11</sup>Eduge dakamu o yani idi vadaka o besugima, yai ogo nane ni muduka vare, se avahu tamuta vare, se iaga nunenune riagahare, se au gare daure vare, se gadiki iare, se ga avanage vare. <sup>12</sup>Ya negu koita ena vivive ruga tamuta ragime. Badivara dana orenaki dubu itahe uyare koitava yau, magurive berabe va vivivanu? eduge, yana dubu uhura uyare gahavaia yau magurive gava ragi ravanu? <sup>13</sup>Eduge Dirava ra dubu ororo veite koitava ya bera geigevara. " Eige daure kiare koitava yama ari geisa yai vagahe"

6 <sup>1</sup>Koita be na be inara gahima, auna negu koita e mi itahe gahavaia yau Aena gahatuhe miotiti vanu se Dirava Aena gahatuhe yau gasina? <sup>2</sup>Yana dibana veitenu Dirava Aena koita tuhe yaberaki vata adao beragisa ragoha? Ge Ana vata adao berabe vivivanu?, menu gena a beta iaga avie ieriri gahiga veite? <sup>3</sup>Ana dibana veitenu, noka aneru bera geige vara? nona orenaki no maguri gahare maguriva berabe va ragiravanu? <sup>4</sup>Eige ana koita be au magurive gavana a vima, esemena a onaki ga o idigei orogi koita ihi veite dubu uhura yau vairenehe roma? <sup>5</sup>Ora daki ai vairenehe roma aka variva visa. Riaga koita bena yau vagotenehe uhuvaka veitenu ogonana bebe inara ragare mage gahisa? <sup>6</sup>Eduge ogonana be au ogonane gare viege-mati Dirava gare riaga gahiga veite koitava yau! <sup>7</sup>Riaga vara gera yaka bebe yau gare ragoha eraki yau isukeve mi orogima. Akamu huhu e bu miare? Se yaka bebe tarata gahi gevare? <sup>8</sup>Eduge yakamu daure kia renu avanage ragoha, era yaki yai ogo nanuhe yau kia.<<<<<<< HEAD<sup>9</sup>yana dibana veitenu Dirava gare riaga gahiga veite koitava yabera beta Dirava basileia ve mimivara. Be negu a taragime: iagia maka daure ragohare, iaga nunenune riaga gahi gevare, se ata iagia maka maguriva gaharahe ragohare, se ata ya iagia maka maguri kiare, <sup>10</sup>se vaho gahavaia. yavahu yaue iare, se gadiki iare ya, ava daure ragohare, be oti atabe ruta iagia maka gahara vime, se atabe mati atabe ruta iagia maka ragohime, se gahiga ya, se yavahu tamuta ragohare, se gadiki daure eiare, se ga daure roiare, yauka Dirava Kingdom ve erara vara. <sup>11</sup>Yabe yabera aka kikive yabera. Eduge yakamu reguregu manu, ya hedoka gahi gevenu, yakamu riaga va manu Rohi Bauge Iesu Keriso renu Dirava Horu Aena ve ihehe.=====9 yana dibana veitenu Dirava gare riaga gahiga veite koitava yabera beta Dirava basileia ve mimivara. Be negu a taragime: iagia maka daure ragohare, iaga nunenune riaga gahi gevare, se ata iagia maka maguriva gaharahe ragohare, se ata ya iagia maka maguri kiare, vs 10 se vaho gahavaia. yavahu yaue iare, se gadiki iare ya, ava daure ragohare, be oti atabe ruta iagia maka gahara vime, se atabe mati atabe ruta iagia maka ragohime, 10 se gahiga ya, se yavahu tamuta ragohare, se gadiki daure eiare, se ga daure roiare, yauka Dirava Kingdom ve erara vara.11 Yabe yabera aka kikive yabera. Eduge yakamu reguregu manu, ya hedoka gahi gevenu, yakamu riaga va manu Rohi Bauge Iesu Keriso renu Dirava Horu Aena ve ihehe.>>>>>>> 22 eb3eda2923233717f73ac85d3107bc85e5ed6112 "Iaga aubougi gera aenavara del," eduge beta iaga au bougi gera makera goigo vara."Iaga aubougi gera aenavara dai,"eduge daka bera beta di uhure mimivara.13 Demaka vara vagata iera, renu vagata vara demaka iera," eduge Dirava ra aburuta idigei gaise gosigeige vara. Ahata makavara beta ni muduka maguriva kikivara. Eduge, ahata makavara Rohi Bauge iera, renu Rohi Bauge ra ahata maka ie kikivara.14 Dirava raki Rohi Bauge mi yagemanu renu no gainage au hedoke uhurahe.15 Yana dibana veitenu yai ahata makera Keriso uhurahe gera? Dana yai ahata make Keriso uhura mi ni muduka mageve seni mamisa? Auna so beta Ana vivive goiare!<sup>16</sup>Ana dibana unuhuna ni muduka magi be ruta kamu raganu gahima, yauka ahata make ramu kobua gahanu? Ga aenava ra onakime auki ronu, " yau ahata ra kobugera. <sup>17</sup>Eduge unuhuna Rohi bauge kamui uma auka horu vage auki auruta kobuge goinu<sup>18</sup>Ama ni muduka maguriva garemisa! koita be maguri daure dadaga kiare ra ahata maka itahara hegera, eduge ni muduka koitava daure vera au avahu au ahatane auki daure gahima.<sup>19</sup>Ana dibana veite ai ahatanera Horu Aena iagera, auka ai uhure hege auki uma, eramu Dirava gasina aki manu? aka beta avahu aiera? <sup>20</sup>aka damu tera, Dirava raki a haevanu. e dainehe ai ahata makehe ge ana Dirava mage gahisa renu ai horuehe, badiva era Dirava iera

7

<sup>1</sup>Anegu so gevene gava ya, "Beta magera ata be magi kamu are." <sup>2</sup>Eduge uhu anana daure va yau dainehe, ata bera magi be mi au magine goisa, renu magi bera ata be au mobore goisa. <sup>3</sup>Mobo mevera au mabare ruta ahata maka yagiya vara, renu guma kobuga ei magira oti au mobore ei kisa. <sup>4</sup>Beta magi ra au ahata make biavara, au mobore ra au ahata make biavara. Guma kobuga ei, mobo tagera beta avahu au ahata make biavara, eduge au mabare raki biava. <sup>5</sup>Ya negu bebe inara gahigeime, eduge mage uhura renu nega tinakibe gu. Enakime na yana kisa imimi uhura. Eige yai hore na veite goisa yaka kobuga gahisa, eige Satan ra beta ya tara geige vara ya rabura ragohare uhurahe. <sup>6</sup>Yaige daki enaki roma ya yahe geige dainehe beta yaka di gare ihisa. <sup>7</sup>Di imimi vera koita aubougi gena so da nagate goiare. Eduge Dirava ra koita kobakoba gera auki uhuvaka be mohi gevenu. Be ra mageve, bera mati mage nunebe. <sup>8</sup>Magi se mobo veite ya renu gobu ya, Yaige daki roma, au megevera yaka enaki usa, da nagate. <sup>9</sup>Eduge yau uhu berebe kiki veite goiare, yauka magi be se mobo kikivara. Badivara yau magi se mobo kiare ra magera, yau negu uhu daure uhura ume.<sup>10</sup>Mobo renu Magi ya, ga Bauge Ora daki ya mohi geima--beta da, eduge Rohi Bauge--magi ra beta au mobore gare gavara <sup>11</sup>(eduge magi au mobore garemege, auka beta mobo be kikivara se auka au mobore ruta mai kikivara), renu mobo ra beta au mabare garegavara. <sup>12</sup>Eduge yabeya--Da, beta Rohi Bauge--ogo nana bena magitenu auka riaga dibana veite, eduge auka urai mobo e ruta usa,

mobo era beta garega vara. <sup>13</sup>Magi be mobore na riaga dibana veitenu, magi era beta ata e garega vara. <sup>14</sup>Badivara mobo era riaga dibana veite dainehe au mabare ra gaisegera, magi riaga dibana veite ra gaisegera ogo nana e dainehe. Veite goiare, yai gamuhe yabera daure uhurahe gera, riaga va gera yauka gaisegera. <sup>15</sup>Ga riaga gahiga veite koitava otege, garahege auma otisa. Enaki guma e yau, di ogo nanuhe ya renu di amakinuhe yauka aena uhura veitera. Dirava gahara varera noka Aena uhura maguri ragohisa. <sup>16</sup>Orena kimena a dibana goinu, magi a, orenakimena a ai mobore mage gahigavanu? Se orena kimena a dibana goinu, mobo a, orenakimena a ai mabare mage gahigavanu? <sup>17</sup>Eduge, Dirava kobakoba ni gahune kine, no ogia Dirava no ihiro gevene dainehe. Ora di aenavera dubu aubougi uhurahe. <sup>18</sup>Unhuna peritome manu au ga riaga gahane dainehe? Au negu avanage vime auka peritome mimi veite nagate . Unuhuna peritome mimi veite au gabidadama mane ei? Akamu beta peritome miare. <sup>19</sup>Badivara bete peritome mane se peritome mimi veite beta era. Anana baugevara Dirava Aena gare ihihiva raki mage. <sup>20</sup>Kobakoba hero kisa Dirava totove a riaga gahabe uhurahe. <sup>21</sup>Ana koita be mevena a kiege uhurahe, Dirava a ihiromonu? Anegu e anana va vime. Eduge a mage miege, ama mage me gahi mage gahisa. <sup>22</sup>Koita bena Rohi Bauge totove ihinu auka au meve kisa auka Rohi Bauge koitate au gera isuke bera veitera. <sup>23</sup>Guma kobuga ei, Koita be isuke veite au ga ihinei auka Keriso meve kiare nkoitavara. <sup>24</sup>Di ogo nanuhe ya, otado be uhurahe gena au maguri vima au toto e ihinei, kobakoba Dirava gahara vare uhurahe au uie. <sup>25</sup>Maiago ya, Rohi Bauge ra ga berebe be da moimo veitera. Eduge di uhu anana vera, Rohi Bauge vagahu vare, ra makatera. <sup>26</sup>E dainehege, daki daure orogare anaima, u mage uhura koita ramu usa. <sup>27</sup>Ana magi be rutagen a uma? Anegu garega anana va vime? Ana magi veitenu, anegu magi be mimi anaima. <sup>28</sup>Eduge a magi be miege, aka daure be kiki veitera, renu maiago be mobo be kiege, auka daure be kiki veitera. Eduge ogore yabena enakia, yauka ahata maka daure va maguri gahigavara, eduge daka ya yahegeige vara. <sup>29</sup>Eduge ona kime daki roma, di ogo nanuhe ya: Nega ra tuakera. Negu otarei, magite atava yaberramu magi veite maguri kisa. <sup>30</sup>Nivare koitava yaberramu nine veite koitava yau magurivehe otisa, hegiri ragohare koitava yaberramu hegiri veite koitava yau magurivehe otisa, Ogere yabena haekia meta iaga be mimi veite nagate, <sup>31</sup>renu ogore yabena mata o maguriva, maguri ragoha meta oti uhugati gaha. Negubu mata o ada maguri varamu orogi kosako vara. <sup>32</sup>Daka gahara riaga yaka isuke veite gahisa. Magi veite ata vara Rohi Bauge iagane yabera auki ana geima, orenaki mage gahigavanu. <sup>33</sup>Magite ata vara mata o ada iaganivara auki ana geima, orenaki au mabare hegiri gahigavanu— <sup>34</sup>au uhure ra abugera. Mobo veite magiva se maiago vara Rohi Bauge iagane yabera auki ana geima, auna orenaki horu renu ahata maka maguri gahi geigevanu. Eduge magi mobotera mata ada o iaganiva yabera auki anai geima, makavara auna orenaki au moboremobore maguri geige vanu. Eduge mobote magi vara, mata o ada iaganiva yabera auki Ana geima, orenaki au mobore hegiri gahiga vanu. <sup>35</sup>Ai mageve dainehege daki ga o roma, beta a isuke gaha rome daki. da ga o roeare ra ieriri vera, makavara ama ai uhure inuhati Rohi Bauge kamui use isuke veite. <sup>36</sup>Eduge koita bena anai roma auka au yagiya maka veite e matau gahiga veitenu-auna mobo be mimi dibananu, era magera-otadovanu au kiki gahara vima auka kikivara. Era beta daure vara auki kima. Yauka bebe idi geige vara. <sup>37</sup>Eduge au sorukena bereberenu, auna uhu toboke veitenu renu auna au uhure kamuka dibananu, renu auna avahu au sorukehe enakiki vanu, auka ahatane narinavanu, auka mage mimivara. <sup>38</sup>Eige unuhuna magi e mima auka mage mimivara, renu unuhuna magi mimi berebeva vima au hegiri raki Bauge. <sup>39</sup>Magi ra au mobore maguri vare uhurahe auma kamui berebe gahisa. Eduge au mobore hoge rage-ge, auka au gahara vare atava mobo gahigavara, eduge Rohi Bauge uhura. <sup>40</sup>Di uhu anana vehege ra au mobo kiki veite goiare au hegirita rahora. Renu daka ona kime daki anana vima Dirava Horuve ramu o di gasina.

8 <sup>1</sup>Demaka mi iaga nunenune mohigeve: Noka dibanara noka ni bouge uhuvakate yabera. Uhu vakavara rahora, eduge magi raki rahogoima. <sup>2</sup>Koita bena roma auka iaga be dibanara, koita era so regunaki dibana veitera auna so dibana goiare. <sup>3</sup>Eduge koita bena Dirava gahara vima, auka koita e dibanara. <sup>4</sup>E dainehe, negu demaka mi iaga nunenune mohigevare: Noka dibanara iaga nunenune yabera iaga be veitera mata o ada renu Dirava bera veitera kobabe gugera. <sup>5</sup>Dagedage iaga nunenune dirava momonake yabenu onu, basileiava se mata o ada ( "dirava" mudago renu "rohi" mudago), <sup>6</sup>Eduge noigera Dirava ra kobabera, ni Mame, iaga aubougi auseni renu eige noki maguri ragoha, renu Rohi Bauge Iesu Keriso kobabe, ausenige iaga aubougi ge raki oroganu, renu au senige noki oroganu. <sup>7</sup>Eige, uhuvaka ora beta koita aubougi yaugera. Eduge, be yaberramu urugoi iaga nunenune yau meve kiege, eige yauki enaki demaka eiege, iaga nunenune mage gahigeime dainehe. Yau uhu anana vera daure ra hero bera veitera. <sup>8</sup>Eduge demaka vara beta beta no idigei Dirava gasina otiti vara. Noka beta daure uhurahe gera no tamuta veite gahege. <sup>9</sup>Eduge ai uhu mageve ra beta koita be gabidadmave avie dainehe auka morugohisa. <sup>10</sup>E dainehe uhuvaka koita bena a eragima, aka iaga nunenune yau yagehe gena a tamuta vima. Era beta ai uhu rabura ve dainehe gera aki iaga nunenune yau demake ima? <sup>11</sup>Edainehe yai uhu anana vera iaga nunenune yabera riaga yabera, hero veite eya, negu ogonana e, Keriso dainehe hoge ragane ramu sebo raganu. <sup>12</sup>Edainehe, anegu, ai ogo nanuhe yau daure kiare renu yau uhu anana ve Rabura gahare, aka Iesu ge aki daure kinu. <sup>13</sup>Demaka dainehe di ogo nane moru gohonu, daka beta gaitana oho ivara, di ogo nane negu more gohime.

## 9

<sup>1</sup>Dana beta ageragira vanu? Dana beta apostle vanu? Dana Iesuni Rohite erara veitenu? Ana beta di meve makavanu Rohi Bauge uhurahe? <sup>2</sup>Dana beta apostle vanu koita be yau, aunagera dakamu e ai. Aka di apostle meve riaga gahigavara Rohi Bauge uhura. <sup>3</sup>Era da hero miare gabuvara koita bea negu di meve berabe va ragohime. <sup>4</sup>Nona riaga beta ieriri veitenu, noka tamuta ragohisa se aka noguisa. <sup>5</sup>Noka riaga ieriri veitenu magi be mimi, magi era riaga magi vara, apostle bea kine

nagate, renu Rohi Bauge ogo nanuhe ya, renu Cephas? <sup>6</sup>Se da renu Barnabas nona ieriri veitera noka me be kisa? <sup>7</sup>Unuhuna avahu au muni tahakehe that I koita goinu? Unuhuna gege be kiare makava iveite? Se unuhuna mamoe narigeima a yau amuke noguno veite? <sup>8</sup>Ga o yabena koita maguri vare gumage gena da roma se? Aena gavana tagena onaki roma se? <sup>9</sup>Yaukamu torevanu Mose aena kine uhurahe, " Ya negu koni batakohua mi borokaua maemime au kiki meva kiare uhurahe." Dirava na iaga borokaua ena au anai ma? <sup>10</sup>Beta ni gare na au vima? ni dainehe ge yauki torevanu, badivara me kiare koita varamu uhu mage ruta au meve kisa, renu koni mumugare koita varamu au meve kisa bada maka mageva yauma yau abu misa. <sup>11</sup>Nona horu aena mevana no kia yai tanahe? <sup>12</sup>Be yabena maguri o yaiseni mia, noigena maguri enavivive na veitenu. Eduge noka roro veitera maguri era noiera. Nokamu huhu nagoha iaga aubougi uhurahe beta Keriso hari mageve noki isukegaha. <sup>13</sup>Yana dibana veitenu aena me kiare koitava au demake ra dubu senige yauki mia? Yana dibana veitenu terona va me miare koita yau, terona va miare yauki bada mia? <sup>14</sup>Guma kobuga ei, Rohi Bauge raki ronu, ogere yabena hari mage roia yau mageve ra hari mageva senige yauna misa. <sup>15</sup>Daka roro veitera hedo o aubougi gera daigera. Renu daka o toregeige veitera badivara daka mageva misa. <sup>16</sup>Da hoge ragare magera--koita bera beta di moteamotea ahakeve rorovara. <sup>17</sup>Eige daka me ora daki kima di uhure aubougi uhurahe. Eduge dana enaki kiki veitenu, di mevera daka dagedage kikivara. <sup>18</sup>Magevena otadovanu dai? Eige da hari mage roiare, daka damuna roro veitera renu beta da di meve kiare mageve kiare dainehe gera. <sup>19</sup>Isuke bera daigera veitera, daka koita yau meve kiki koita vara, eige dana koita mudago mati ihiro geisa. <sup>20</sup>Jew koita va yaugera daka yau bera Jew koitavara, eige dana Jew koita mudago idigei orogisa. Ogere yabena aena derikahu uia, da tagera aena derikahe gera. Daka beta aena derikahe gera daki uiege eduge ramu ena kinu. <sup>21</sup>A ogere yabena aena itaharehe uia, da tagera yau nagatera, beta daka Dirava aenave itaharahe uiare dainehe gera, eduge Keriso aenave derikehe gera. Da ena kine makavara aena itaharahe uiare koita idigei orogisa. <sup>22</sup>Isukate koitava yau gera datage ramu yau nagate goisa, daka idigei orogisa. Daka yau maguri aubougi uhurahe gera, guma eige dana be idigeisa. <sup>23</sup>Hari mage dainehe gera daki onakima, eige da tagera yau ruta mageva mimivara. <sup>24</sup>Yana dibana veitenu ruru uhurahe gera, koita yaberamu e ruru ragoha, eduge koita kobabe raki mageva misa vima? Eige ruruima ana mageva misa. <sup>25</sup>Ruru koita va uhurehe gera uhu berebe ramu usa. Yau ena kiare makavara yauka mageva mimi vara, eduge mage era netune vara, a no kiare mageva beta netune vara. <sup>26</sup>E dainehe daki onaki ruruima, beta ruru maka veite; se da koita bei ada kiravare, beta di variada gera daki ada kiraima. <sup>27</sup>Eduge di ahata makera daki gabidava miare renu ga ihihikoitava goima, Badivara da koita yau hari mage roiare itaharahe, daka beta isuke uhurahe sirisiri vara.

## 10

<sup>1</sup>Daka besibe vime daki ya bada me kiki veitera, di ogo nanuhe ya, no mamuhe yabera va derikahu gera renu yaukamu eve uhura sigoi ragohanu. <sup>2</sup>Yau bougi ramu babatiso manu va uhura renu eve uhura, <sup>3</sup>renu yaukamu horu aena demaka kobuga era yauki inu. <sup>4</sup>Yaukamu yau bougi horu aena eia kobuga e inuganu. Badivara era horu aena munivagera eraki yau itahe otege, muni era Keriso ra. <sup>5</sup>Eduge Dirava ra you hegiri riaga veitera, yau hoge ahatane yabera mata gagae va gera yauki peta gevenu. <sup>6</sup>Noma dibana gahisa enaki makavara, noka dibana gahisa, eige noka beta koita beya daure gahara ragohare koitava ya nagate yabera. <sup>7</sup>Ya negu daure gahara ragohare koitava ya nagate gahime, Badivara be yabera Ana vivive yabera. Enaki torevane nagate, "Koita yabera gurahi tamuta ragohisa, ihie urihi rokororo ragohisa." <sup>8</sup>No negu ni muduka maguri va kime, yau beya kine nagate. Vani kobabe uhura gera, koita daha utuabu hakira abiga ga geraki hoge ragohanu, daure e dainehe. <sup>9</sup>Se no be negu Keriso taragime, yau be yaberamu taragisa ronu eige inuhu varamu rogi gahi gevenu. <sup>10</sup>Renu ya negu mudumu ragohime, yau be yaberamu ena kinu eige hoge aneru varamu rogi gahi gevenu. <sup>11</sup>Onaki varavane ragohane makavara noka eragi dibana ragohisa. Yau tore gevena makavara--vani ramu o kosako otima. <sup>12</sup>Edainehe unuhuna roma au rami ravera magera, auka au gabide misa anegu dedeime. <sup>13</sup>Avanage guma bera so a mimi veitera era beta koita aubougi yau dibana goiare era. Eduge, Dirava ra gabidadama veramu enu. Auka beta eraga ge iaga daure bera a mimivara ai uhuvake uhurahe. Daure aiseni orogare tage auka a yaheyahe vara, aka herotera dainehe. <sup>14</sup>E dainehe, di koita mageve ya, daure seni veite gahiyahe. <sup>15</sup>Da ya kiogevege yaka uhuvakate koita yabera, yakena di gare anaisa. <sup>16</sup>Kebe magevara noki magegaha, Ora beta Keriso taoke no miare dainehe gera? Hauhaka no bokovare ra beta au ahata make dainehe gera? <sup>17</sup>Badivara hauhaka vara kobabera, ogere yabena no dadaga noka ahata maka kobabera. Ni bouge ge noki hauhaka kobabe mia. <sup>18</sup>Israel eragiahe, ahata makava. Ena beta yaukenu terona va mi otare demake eia? <sup>19</sup>Otadovanu da bina roma? Iaga nunenune yabena iaga nunebenu? Se demaka iaga nunenune yau mi otarena, iaga nune benu? <sup>20</sup>Eduge dana otadovanu da roma, yau demake mi otare iaga nunenune yau, era diabololo iera yauki mi ota beta Dirava iera yauki mi ota. Daka besibe vime daki yaka diabololo ruta vasi kisa! <sup>21</sup>Aka beta Rohi Bauge kebeve mimivara renu diabololo kebeve tage mimivara. Aka beta Rohi Bauge dabaravahe guragu vara renu diabololo dabaravahe mati guragu vara. <sup>22</sup>Se nona Rohi Bauge daure gahi auna mamaisa? Ni herovena au herovena au origanu? <sup>23</sup>Iaga aubougi gera aena uhurahe gera," eduge beta iaga aubougi gera magera. "Iaga aubougi gera Aena uhurahe gera," eduge beta iaga aubougi geraki koita mi iage mima. <sup>24</sup>Koita bera beta avahu au mageve iago yavara. Eduge, kobakoba noma ni gaika koitatuhe ya yau mageve yagoisa. <sup>25</sup>Hae demaka aubougi yama isa, ya negu mageva se daureva kerabe va ragohime. <sup>26</sup>Badivara " mata ora Rohi Bauge iera, renu uhugati aubougi tagera. " <sup>27</sup>Dirava dibana veite koitava bena a ihiromima aka ti au ruta tamuta visa, renu aka otito gahara vima, ama tamuta visa eduge anegu mageva se daure va berabe va vime. <sup>28</sup>Eduge koita bena aki roma, "Demake ora daure ra," anegu ime, aki rone koita au mageve dainehe, renu demaka ena daurenu se magenu e dainehe--- <sup>29</sup>demaka na magenu se daurenu a ihiromene koita au uhu ananavera, enakime daki roma, era beta aigera daki roma.

Badivara, otado be dainehe di umageve bera berabe va visa?<sup>30</sup>Da demaka e uhu mage ruta ieye, otadoba be dainehe koita bera di daureve rosa, a daka e mageva rorovara.<sup>31</sup>E dainehe, Ana damuata kimena se eiavana noguima, we otadovanu a kima, Dirava mageve dainehe ama aubougi kisa.<sup>32</sup>Ama mage kisa Jew koitava yau renu Greek koitava yau, renu Dirava dubuve uhurahe tage.<sup>33</sup>Guma kobuga eiger a daki koita aubougi daka mage gahigeisa iaga aubougi uhurahe. Beta davahu di mageve dainehe, eduge koita mudago yau dainehe tagera. Enakime daki kinu eige yauka maguri ragohisa.

## 11

<sup>1</sup>Yama da nagate kisa, Da tagera Dirava gahara vare dakimkima.<sup>2</sup>Eige daki a mage gahima badivara di uhure aubougi gera aka dibanara. Aker a daki a mage gahima badivara da tene maguri akironera akamu kamuigei berebe gahima.<sup>3</sup>Di uravera aka dibana goisa Keriso ra koita yau bougi yau biagera, renu ata ra au mabare biagera, renu Dirava ra Keriso biagera.<sup>4</sup>Ata bena au omote bakuvare imimi vima se ihie orogare gava roma au omote ra auki daure gahima.<sup>5</sup>Eduge magi bena imimi vima se ihie orogare gava roma a auka au omote bakuba veite era au omote ra auki daure gahima gegerere vara au omote homokava kokivare nagatera.<sup>6</sup>Badivara magi bena au omote bakuba veite, auma au omote dodoi tuake gahisa. Beta magera magi be au omote homokava dodoi tuake gahima se au bougi dodoi ma, auma au omote bakuisa.<sup>7</sup>Eige ata bera beta au omote bakuba vara, Badivara auka Dirava erara vage renu hairera. Eduge magi ra ata haire ra.<sup>8</sup>Badivara ata ra beta magi senige auki ororganu. Eduge, magi ra ata seni auki ororganu.<sup>9</sup>E tagera atara beta magi dainehe gera Dirava raki kinu. Eduge, magi ra ata dainehe gera Dirava raki kinu.<sup>10</sup>E dainehe magi ramu toagate goisa au omote ada, aneru yau dainehe.<sup>11</sup>Iaga bera veitera, Rohi Bauge uhura, magi ra beta ata seni de bubuvara se ata ra beta magi seni re bubuvara.<sup>12</sup>Badivara, magi ata seni orogane dainehe, ata tagera magi senige auki ororganu. Iaga aubougi gera Dirava senige auki orogima.<sup>13</sup>Yavahu uhu anana va ragohiahe: Ena magenu magi be au omote bakubaku veite, auka imimi vima Dirava gasina?<sup>14</sup>Mata o maguri vana aki roro veitenu, ata bena omo homoka egetenu, auna hedo veitenu?<sup>15</sup>Mata o maguri vana aki roro veitenu, magi bena omo homoka egetenu, ena au hairenu? Badivara au omote homokava ra au haire ra.<sup>16</sup>Eduge koita bena berabe daureva vima, noigera guma bera mati veitera, Dirava dubuve gainage gumabe mati erara veitera.<sup>17</sup>Eduge ga o yaugera, daka ya hegiri gahi geige veitera. Badivara ya orogi bou ragohare ra, beta mage dainehe gera eduge daure dainehe gera.<sup>18</sup>Urugoi, da ihine ya dubu uhura bou ragohege, bebe inai gahi gevenu renu dakamu tinabe riaga gahanu.<sup>19</sup>Eigera yakamu kobakoba gahanu, eige ogere yabenu ya riaga gahigeva yauka ya rutagera.<sup>20</sup>Eige ya bou ragohege, era beta Rohi Bauge ahata make renu taoke mimi dainehe gera.<sup>21</sup>Ya demaka ieye, kobakoba yama yavahu yai demake yama isa, beya so yau demake iveite uhura. Koita bera gubu ragime auki, renu koita bera gadiki daure vara auki manu.<sup>22</sup>Yana yaga veitenu yaka yaga uhura tamuta ragohare renu aka isa? Yana Dirava dubuvena ya besibe gaha renu gubu ragohare koitava ya besibe gahigeva? Dana otadobe yai rorovanu? Se dana ya mage gahigeisa? Daka beta ya mage gahigeige vara!<sup>23</sup>Da Rohi Bauge seni manera daki mi a moimima, Iesu Keriso, vahi ei yau avanage gahane, hauhaka manu.<sup>24</sup>Imimi vane itaharahe, auki hauhaka bokovare renu ronu, "Ora di ahata makera, aiera. Ona kimena ana da anaia."<sup>25</sup>Guma kobuga eiger auki kebe mi yagemanu tamuta itaharahe, renu ronu, "Kebe ora, uhu anana isageva ra di taoke uhurahe. Onaki mena ana kisa, a miare vana ya aubougi uhurahe, aka da anaia."<sup>26</sup>Eige vana aubougi a hauhaka o iare renu kebe o miare, aka Rohi Bauge ra aki riaga gahima ate au orogare.<sup>27</sup>Unuhuna, a hauhaka iare se Rohi Bauge kebeve mima uhu anana nune ruta, aka daure ra ahata makava renu Rohi Bauge taokehe.<sup>28</sup>Koita ramu urugoi avahu au uhure yagoisa, eige auna yauka iare renu Kebe misa.<sup>29</sup>Badivara unuhuna avahu au uhure yagoya veite, au hauhaka iare renu kebe miare avahugera auki isuke raho gahima.<sup>30</sup>Edainehe koita mudago yai tanahe gera hero veite renu komata omata mia, renu yabe yabemu yagohime yaki.<sup>31</sup>Eduge no novahu ni uhure ieririve gahege noka beta berabe uhura siri ragohivara.<sup>32</sup>Eduge Rohi Bauge na no berageima, noka magera, eige noka beta mata o daureve uhura gera.<sup>33</sup>E dainehe, do sokuheya, yana beta demaka ivanu, yama bebe bou geisa.<sup>34</sup>Bena gubu ragimena, auma avahu au yagehe tamuta visa, Badivara ya bouragohare, yaka beta berebe uhurahe siri ragohira vara. Renu negu ya iagabe toregevene, daka gumava yaki ro geigevara da orogare ei.

## 12

<sup>1</sup>Horu Aena mageve ya, di ogo nanuheya, Di besibe vime daki ya bada me veite.<sup>2</sup>Yaka dibanara ya maguri daure uhura uiege, yakera yauki ya idigei ga veite iaga nunenune yau gasina otinu, guma orenkiki ve yauki ya idigei otinu.<sup>3</sup>Eige daka urai yaka dibana gahisa koita bera beta Dirava Horu nagate ga dibanara. "Bera beta roro dibanara, "Iesu ra Rohi Bauge vara," eduge Horu Aena va gera.<sup>4</sup>Mage ra nunenune ve yabera, eduge Horu ra kobuga era.<sup>5</sup>Me koitava yabera nunenune ve yabera, eduge Rohi Bauge kobuga era;<sup>6</sup>Renu meva yabera nunenune ve yabera, eduge Dirava kobuga eraki me mima meva aubougi uhurahe.<sup>7</sup>Koita kobakoba gera Horu meva yauki kia, koita aubougi yau mageve dainehe.<sup>8</sup>Riaga koitabera uhu anana mage auki manu, renu bera uhuvaka gava era Horu kobuga eraki moimanu.<sup>9</sup>Bera gabidadama manu era Horu kobuga eraki moimanu, beigera komata mage gahiga moimanu etagera Horu kobuga eraki moimanu.<sup>10</sup>Beigera gauragira meva kisa, renu beigera ihie orogare gava moimanu. Beigera uhuvaka uhuvaka moimanu auka horu Riaga vanu se avanage vanu gagae rorovara, beigera mei nunenune yau gavisa, renu beigera mei nunenune gava makava ro geisa.<sup>11</sup>Aubougi gera Horu kobabe renu kobuga e mevera, kobakoba audibanehe mage mohigei.<sup>12</sup>Ahata makavara kobabera eduge au makera dadagavara aubougi ahata maka kobabe eiger a, Keriso tagera ena vivivera.<sup>13</sup>Eige Horu kobabe uhurahege noki ni bouge bapatiso manu, nona Jews yabenu se Greeks koitava yabenu, he ihii koitava ya se isuke veite koitava ya, koitava yau bougi Horu kobuga ei eia noguisa.<sup>14</sup>Badivara ahata makavara beta avahugera, eduge dadaga vara.

<sup>15</sup>Vasi na roma, "Daka beta ada dainehe, daka beta ahata makavara, era beta ahata makava bera. <sup>16</sup>Renu ihikovana roma, "Badivara daka beta ni dainehe, daka beta ahata makavara," era beta ahata makava bera. <sup>17</sup>Se ahata maka uhugatavana ni nu, ga ihihivana negu orena vivi goigo vanu? Se ahata uhugatavana ihikovanu, guti kikivana negu orena vivive goigovanu. <sup>18</sup>Dirava ramu ahata maka aubougi kinu, kobakoba, au anavanei gosigevenu. <sup>19</sup>Se yauna yau bougi kobabenu, ahata makava na bina oreigenu? <sup>20</sup>E dainehe, ahata makavara mudagovara, eduge ahata makavara kobabera. <sup>21</sup>Ni ra beta ada kiroro vara "Daka ai gahara veitera." Se omo ra beta vasi kiroro vara, "Daka so gahara veitera." <sup>22</sup>Ahata makate be yabera isukatera., <sup>23</sup>renu ahata maka be yabera beta aenavara, noma anageisa, renu ahata maka be yabera noma angei rahogahisa. <sup>24</sup>Eigera ni ahata maka be yabera noka beta anagie gevare. Eduge, noma dibana gahisa Dirava raki ahata maka kinu, no angei raho veite e noma matau gahigeisa. <sup>25</sup>Au enakine ra bebe daure gahigei gevare veitera, eduge ahata maka kobakoba geramu bebe yahegeisa mage kobuga e uhurahe. <sup>26</sup>Eige ahata maka bena huhunagima, ahata maka aubougi gera huhu nagohina vara; se ahata maka bena mage mima, ahata maka aubougi gera mage kobuga e mimivara. <sup>27</sup>Yaka ahata maka kobabe era Keriso uhurahe renu kobakoba au uhurehe gera. <sup>28</sup>EigebDirava raki dubu uhura urugoi apostle idigevenu, ihie Peroveta idigevenu, ihie uhuvaka koita idigevenu, renu gauragira meva kiare idigevenu, yaheyahe koita idigevenu, dubu uhura me kiki koitava ya idigevenu, mei nunenune he ga ragohare idi gevenu. <sup>29</sup>Abouti gena apostle yabenu? Abouti gena uhuvaka koitava yabenu? Abouti gena gauragira me kiare koitava yabenu? <sup>30</sup>Abouti gena koita mage gahigeige vanu? Abouti gena mei nunenune va ga ragoha? <sup>31</sup>Abouti gena mei nunenune ga makava roro dibananu? Renu negu daka yaki to geigevara guma mage riaga va.

**13** <sup>1</sup>Dana koita renu aneru yau meinehe gavare. Eduge da mage veite goiege, daka hodu kou kiare nagatera se yaveya iaga duvare nagatera. <sup>2</sup>Dana ihie orogare iaganiva gava roro dibananu renu norena uhu vakava dibananu, renu gabidadama nimu tage vagava gahi geige vanu. Eduge mage dibana veitenu, daka beta iagabera, e makavara daka iaga be dibana veitera. <sup>3</sup>Dana di kohuva aubougi koita mohigeisa, renu di ahata make vene vene ada maemisa. Eduge mage bena day veitenu veitenu, daka beta iaga be mivara. <sup>4</sup>Magera neo bera veitera. Magera beta bebe daure gahiga vara renu beta ihie yageya mevera. Auka beta uhu yageya <sup>5</sup>Se matau veite. Auka avahu aue yagoya veitera. Bera beta daure gahiga vara, se auka daure kamuka veitera. <sup>6</sup>Auka daure uhura hegiri veitera. Eduge, riaga uhurahe gera auki hegiri vima. <sup>7</sup>Magera iaga aubougi uhurahe gera, iaga aubougi riaga gahi geima, ihie orogare anageima, renu iaga aubougi era geima. <sup>8</sup>Magera koukovara veitera. Ihie orogare gava be yabena e yanu, e yabera kosako vara. Mei gava be yabena e yanu, e yabera kosako vara. Uhu vakavana enu, era kosako vara. <sup>9</sup>Badivara noka hakirava dibanara renu au ihie orogare dibanara. <sup>10</sup>Eduge riaga va orogare ra, beta uhubage ra, era beta uhubagera e tagera kosako vara. <sup>11</sup>Do aviehe, avie gava daki viege, di uhu anana ve avie, di ananave renu di gare aviera. Da koita raho goine, avie yau maguri vera daki gare manu. <sup>12</sup>Eige negu butugera ni variadera nunera, eduge nibe nibe bebe erageva. Eige daki tinabe dibana goinu, eduge daka regunaki dibana goigovara da urugoi dibana goine. <sup>13</sup>Eduge iaga abiga ga ramu so onu: gabidadama, ihie orogare, renu mage. Iaga abiga ga o uhurahe bauge riaga vara, mage.

## 14

<sup>1</sup>Mage kamuisa renu Horu mageve ya gahara ragohisa, ai mevehe mageva miare. <sup>2</sup>Unuhuna mei nune bei gavima, auka beta koita yabera auki ga gahi geima eduge Dirava ra auki ga gahima. Koita bera au gare makava dibana veitera Badivara auka Horu uhurahegera auki ga nune vima. <sup>3</sup>Eduge unuhuna Horu uhura ga vima auka koita yabera auki hero gahi geima, vagava gahi geima, renu mage gahi geima. <sup>4</sup>Unuhuna mei nune bei gavima avahugera auki au hero gahima, Eduge unuhuna ihie orogare gava vima dubu auki hero gahima. <sup>5</sup>Yana so yai bouge mei nunenune yau ga ragohare. Se e variada, Da gahara varera yana so ihie orogare meva dibana gahare. Ihiva orogare dibana goiare koita uhuvake ra rahora mei nuneva gavare variada gera (koita be au hai nuneva gavare makava roiege, era magera). <sup>6</sup>Eduge negu, di ogo nanuhe ya, Da ai gasina orogi mei nune bei gavege, ana orenaki dai mageva mimivanu? Veitera, eduge da gavare na makatenu era magera, ga era uhuvakava renu ihie orogare gavara, se uhuvaka vara, renu koita ra dibana goigo vara. <sup>7</sup>Guma kobuga ei, maguri veite iaganiva ya kou kiare-flute se harp-kou kiare na beta nunenune yabenu, orenakime na koita be dibana goisa vima flute se harp vana otado kou au kima? <sup>8</sup>Se trumpet vana kou nune beigena au koure hakivisa, koita yabena orenaki dibana gahigavanu era bebe ga ga gahi geige kou vara? <sup>9</sup>Iaga kobuga era ai gare gumava. Ai gare na avienu, koita yabenu orenaki ai gare dibana gahigavanu? Aka nono uhuragera aki gavima. <sup>10</sup>Mata o uhurahegera gara nunenune yabera, renu aubougi gera makavara. <sup>11</sup>Eduge dana ga be maka dibana veitenu, e makavara daka koita nunebera, renu ga rone koita vara daigera koita nunevara. <sup>12</sup>Ai tagera. Badivara aka Horu Aena regunaki gera aki dibana goisa roma, renu dubu ra dibana goisa eige ana otito mage visa. <sup>13</sup>Eige unuhuna gabei gavima auma imimi visa makava tagera auma rosa. <sup>14</sup>Eige dana di garehegena da gavima, di horuveramu e imimi vima, eduge di uhurera maka veitera. <sup>15</sup>Daka otado be kikivanu? Di horu ve ruta gera dana imimivisa, eduge di uhurehe gera. Di horu ve ruta gera dana nogo rosa, di uhuhere gera. <sup>16</sup>Veite goiege, a Dirava mage gahege horuva, itahe koitava na orenaki rorovanu "Amen" a mage gava se meva kiare auka dibana veite ana otadovanu a roma? <sup>17</sup>Badivara aka mage rome aki mage gahanu, eduge koita bera hero mimi veitera. <sup>18</sup>Dirava raki mage gahima ya soigei mei nunenune va gavima. <sup>19</sup>Eduge dubu uhurahegera daka ga adakasiva gugera dana rosa di uhure otare dodihe, eige dana koita beya mati ga gageisa, ga daha utu hai kobabe uhura. <sup>20</sup>Di ogo nanuhe ya, Ya negu momona yau uhu ananavehe otime. Eduge, daure uhurahe gena yana momona nagate gahisa. Uhu anana va yaka koita Bauge yabera. <sup>21</sup>Aena uhurahegera yaukamu torevanu, "Koita nune yau garehe renu yau meinehege dana gavisa Daka

koita o ga gageisa. Yauna di gare ihii veitenu, daka dagedage ga gageiegavra, <sup>22</sup>Eige, hai yabera toasters, beta ga riaga gahege yau, eduge ga riaga gahiga veite koitava yau. Ihie orogare gavara iagabera, beta ga riaga gahiga veite koitava yau eduge ga riaga gahare koitava yau. <sup>23</sup>Eige, dubu koitava yabera bouragohi orogi mei nunenune yau garohisa, itahe koitava renu ga riaga gahiga veite koitava orogare, yauna beta rorovanu koita o yabera kava gahime yauki? <sup>24</sup>Eduge yana yai bouge ihie orogare gavana ya kia renu ga riaga gahiga veite koitava ya se itahe iuare koitava yabena oroga, auka yau gare ihare renu riaga gahigavara. Ga e yabera ihie au berabe gare goigo vara. <sup>25</sup>Au sorukehe iuare ra horihovara. E dainehe, auka au varike mi vata ada Dirava motea gahigavara. Auka rorovara riaga Dirava ra ya ruta gera. <sup>26</sup>Ihiegena otadovanu ororovanu, di ogo nanuheya? Ya bou ragohege, kobakoba yaka gatera, bera uhuvaka gate, era iaga be horivare gava be, mei gava be, se ga makava roro. Yai bouge me aubougi kisa dubu mi yageya dainehe. <sup>27</sup>Koita bena mei bei gavima, koita abu se abiga ga, kobakoba yauma ga e makava rosa. <sup>28</sup>Eduge koita bena beta ga e makava rosa, kobakoba yauma kerigahi usa dubu uhura. Kobakoba yauka yavahu ga ragohisa Dirava ruta. <sup>29</sup>Prophet abu se gahiga ga yabemu ga ragohisa, be yabera yau gare ihi mage gahisa. <sup>30</sup>Eduge bena ga makava ronu guramane koitava au, urugoi koita e negu ga be rome. <sup>31</sup>Yaka kobakoba iagia orogare gava vivivara renu uhuvakava mimivara renu yaka yai bouge hegiri ragohira vara. <sup>32</sup>Badivara prophet yau horuvera prophet yaugera. <sup>33</sup>Badivara Dirava ra beta uhu mudago te Dirava ra, eduge mai ra augera. Ora dubu aubougi uhurahe aenavara Dirava koitatuhe yau. <sup>34</sup>Magi yabera dubu uhura kerigahi beta ga ragohisa. Eduge, yauka ga ihii vara, aena uhurahe gera. <sup>35</sup>Yauna urai iaga bena dibana gahisa, yau moboruhe yauna beragisa yaga. Variva tera magi ya dubu uhura ga ragohare. <sup>36</sup>Dirava garena ai senige na au oroganu? Yava hugena ya gava dibana? <sup>37</sup>Koita bena avahu aumi prophet roma se horu uhura roma, auma urugoi da toregevene gava dibana goisa era Dirava aena garera. <sup>38</sup>Eduge, koita bena gava riaga gahiga veitenu, Ya negu eragi raho gahime. <sup>39</sup>E dainehe, di ogo nanuhe ya, hai uhure aubougi ihie orogare iaganiva gava yama rosa, ya negu koita be kouvime au mei nunebei gavege. <sup>40</sup>Eduge iaga aubougi ki mage gahisa renu guma mageva.

## 15

<sup>1</sup>Da gahara vare yaka dibana gahisa, Di ogo nanuheya, da hari mage ai rone, ya mane renu ya kamui berebe gahane, <sup>2</sup>renu ya magurive mage goine, ya gava kamui berebe gahege da hari mage rone, se yana subuta dibana gahanu. <sup>3</sup>Yai gera daki urugoi ronu era ga berebera, Da tagera ga e manu, Keriso hogeraganu ra ni daureve dainehe gera, gava uhura, <sup>4</sup>abate menu, vani abaga ga itaharahe urimi goiraganu gava uhura rone nagate. <sup>5</sup>Cephas ramu Keriso eraganu, renu au gamituhaya yau ate utu abu; <sup>6</sup>inoveite auki au ogo nanuhe tinahu adakasiva yau hakivanu. Dadaga so ona magurive, eduge be yaberramu yagohanu. <sup>7</sup>Ihiegere auki James hakivanu, mati apostle aubougi yau hakivanu. <sup>8</sup>Basubasu va, auki dai horivanu, gami karuka isage nagate. <sup>9</sup>Badivara daka apostle yau basubasu vera. Daka geregere veite koita bera daki rosa, daka apostle vara badivara daka Dirava dubu ve sebogane koitavara. <sup>10</sup>Eduge Dirava haire uhurahegera, daka koita era, renu au haire di uhurehegera beta veite rorovara. Eduge, daka hero kime daki beta yau nagate. Beta dakaki eduge Dirava haire di uhurehe iuare ra. <sup>11</sup>E dainehe ena dakenu se yau benu, noka hari mage rorovara renu yaka riaga gahisa. <sup>12</sup>Keriso na hoge ragare magurivi goiraganu, otado be dainehe ya beya roia koita be hoge ragare ra beta maguri vi goiragisa vara? <sup>13</sup>Eduge maguri vi goiragira vana veitenu, Keriso tagera maguri vi goiragira veitera; <sup>14</sup>Keriso na maguri vi goiragisa veitenu, e makavara no hari mage roiare ra veitera, yai gabidadama ve tagera veitera. <sup>15</sup>Renu, noka avanage koita va yabera Dirava uhura, nokamu riaga gahanu Dirava raki Keriso maguri gahi goiraganu hogeve seni. Eduge auka maguri gahi goiragira veitera, au ena kikive goiare koita Hoge ragare ra beta maguri vi goiragira vara; <sup>16</sup>Badivara koita hogeragare na maguri vi goiragisa veitenu, Keriso tage maguri vi goiragira veitera; <sup>17</sup>renu Keriso na maguri vi goiragira veitenu, aka gabidadama veitera renu aka dagadaga daure uhurahe gera. <sup>18</sup>Renu koita ore yabena Keriso uhura yagohanu yau gainage veite gahanu. <sup>19</sup>Nona so maguri o uhura Keriso riaga gahare, koita aubougi uhurahe auka no vagahu gahi geige vara. <sup>20</sup>Keriso ramu maguri vi goiraganu demaka isage nagate yagiya uhura urimanu. <sup>21</sup>Koita beramu hoge raganu, koita ei tagera maguri vi goiragira vara. <sup>22</sup>Adam uhurahe tagera hoge ramu varavanu, eige Keriso uhura tagera koita ra maguri hi goiragira vara. <sup>23</sup>Kobakoba avahu au gumagehe: Keriso ra, demaka isage vara, ogere yabena Keriso ruta yauka maguri mimivara au orogare ei. <sup>24</sup>Eige basubasu vana orogisa, auka kingdom mi Dirava moimivara, hedo renu aena aubougi gera basubasu vara. <sup>25</sup>Auka biara oti ate daure kiare koitava ya aubougi auka idigei au vasi derikehe gosigeisa. <sup>26</sup>Daure basubasu vara hoge ra. <sup>27</sup>"Aukamu iaga aubougi au vasi derikehe maemanu." Eduge yau mati roiare, "Akamu iaga au bougi maemanu," era magera badivara iaga aubougi maemane koitavara ra veitera eduge aukaki iaga aubougi au derikehe maemanu. <sup>28</sup>Iaga aubougi au derikehe maemege, eige Moe bia tagera au derikehe gera, iaga aubougi gera au derikehe gera, Dirava ra iaga aubougi uhurahe gera. <sup>29</sup>Se negu bapatiso gahigeve na otado be kikivanu hoge va? Hoge koitava ya beta maguri goiragohisa, esemena yau bapatiso manu? <sup>30</sup>Otado be edainehe gena no sigo ragoha? <sup>31</sup>Vani aubougi gera daki hoge ragima! Da ai ihe mi yagemare nagate, Da Keriso Iesu kiare nagate. <sup>32</sup>Otadovana da manu, koita uhu anana vehe, dakamu Epesus ura iaga daure ruga garahanu, hogeraganu beta maguri vi goiragira vanu? "No tamuta ragohare renu eia nogua, vahigu gera ni hovevera." <sup>33</sup>Koita be negu a taragime: "Vasi kiki daure varaki uhu anana mage sebogima." <sup>34</sup>Urihiahe! Maguri riaga va! Ya negu dagedage daure kime. Badivara yabe yabera Dirava dibane veitera. Yai varivadera. <sup>35</sup>Eduge Koita bera rorovara, "Orenakimena hoge koitaya magurivi goiragoha, otado ahata maka beigena yau orogisa ragoha?" <sup>36</sup>Uhuvaka veite making!. Otadovanu a begima auka beta maguri vivivara eduge au hogerage ge. <sup>37</sup>Otadovanu a begima era beta ahata makavara era, eduge idi tahakava gurera. Auna wheat goigovanu se mati iaga benu. <sup>38</sup>Eduge Dirava na au anavare ahata maka be moimisa. <sup>39</sup>Beta ahata maka au boigigera kobuga era. Eduge, ahata maka

kobuga era koita aubougi yau era, bera ura iaga ogo nagate se uguha, bera mati Maraga yaue.<sup>40</sup>Va uhura ahata makavaya renu vata ada ahata makava ya. Eduge va ahata maka hairadivara nunera a vata ada ahata makavara avahu au haire ra.<sup>41</sup>Vain haire ramu enu, renu vata haire ramu enu, renu hisiu yau haire ramu enu. Badivara hisiu be haire ra nunera hisiu bie.<sup>42</sup>Hogeva magurivi goiragira ena vivivera, renu maguri vi goiragira vara demaka nagatera. <sup>43</sup>Guma mageva begibe veitera; au varai gadimanu uhurahegera au haire raki horivanu. Isuke uhuragera yaui begenu; au vakavara hedo uhurahe gera. <sup>44</sup>Ahata makavara yau begenu; magurivi goiraganu horuva. Ahata makavanu, horu ahatava tageramu enu. <sup>45</sup>Eige yaukamu torevanu, "Adam ramu koita goinu." Adam basubasu varamu maguri moimi horuva goinu. <sup>46</sup>Eduge horu ramu beta urugoi oroganu eduge ahata maka varaki urugoi oroganu, itaharahe horu na orogisa. <sup>47</sup>Urugoi koitavara mata ada koita vara, vagava gera. Ihie koitavara vava senige auki oroganu. <sup>48</sup>Vatava kine koita va nagate, eiger koita aubougi gera vatava gera, renu va koitava ya gainage ena vivivera. <sup>49</sup>Nogaina ge vatava senige noki oroganu, eige noka va uhura ahata maka nagatera.<sup>50</sup>Eige daki onaki roma, ahata maka renu tagora beta Basileia va otitovara. Eige otadovana demaka nagatera beta demaka goigo vara. <sup>51</sup>Eragiahe! Da erara veite badiva be roma: Noka beta ni bouge yagohiya vara, eduge noka ni bouge nune gahigavara.<sup>52</sup>Noka nune gahigavara, no kamuvare renu baovare nagate, toto iaganiva toare basubasu va. Toto iaganiva toare, hoge ragohane yabera ururuvara, eige nona nunegahisa. <sup>53</sup>Demaka nagate era beta demaka nagate goiare, eige ahata maka veite goiare era beta ahataahata maka uiare behibehi ve goigo nagate goigo vara. <sup>54</sup>Demake nagate ahata makavara demaka eiare nagate ahata makava goigo vara, renu ahata maka hoge ragare ra ahata maka uiare behibehi ve nagate goigo vara, eiger torevanu nagate, "Hoge ra maguri isage varaki sonevanu." <sup>55</sup>Hoge, ai magurivena oreigenu? Hoge, ai ganivena oreigenu?"<sup>56</sup>Hoge ganivara daure ra, daure hedokavera aenavara. <sup>57</sup>No Dirava magegaha, yaukaki maguri no mohigevene Iesu Keriso uhura!<sup>58</sup>E dainehe, di ogo nanuhey, yama rahora berebe ragohisa renu beya negu ya vagava gahigeime. Rohi Bauge meve uhura hero kisa, badivara yai meve Rohi Bauge uhurahegera beta maka veitera.

## 16

<sup>1</sup>Negugera Dirava aena koitatuhe yau bougevene: da Galatia dubu kirogevenu yauka kisa, ya negu kiare nagate. <sup>2</sup>Urugoi vaniva pura be uhura, Kobakoba yama iaga be gaise maemisa renu bougi ge auma too rahogoisa. Ena kiahe atete da oroge ge yaka beta bouge kikivara.<sup>3</sup>Da oroge ge, unuhuna ya riaga gahanu, daka yau ihe renu yau magurive tinabe torevane renu yai yaheyahe ve ruta besugi otisa Jerusalem.<sup>4</sup>Eduge daka rogi ya erageige vara da Macedonia otege. Badivara daka Macedonia uhura otitovara. <sup>5</sup>Au orena goiege daka ya ruta usa se ribiri vaniva uhura ya ruta usa, eige yana da yahegisa da otare uhura, oreigena da otima.<sup>6</sup>Daka beta ya erageige vara negu badivara daka ena ioaioa vara. Daka urai ya ruta vani dadaga usa, era Rohi Bauge roege. <sup>7</sup>Eduge daka Ephesus ge dana usa ate Penetecost, <sup>8</sup>Badivara udua Bauge be ramu di dainehe baoraganu, renu guma dadaga varamu baoragoha.<sup>9</sup>Timothy oroge ge, yama eragisa anegu sigoime, Badivara auka Rohi Bauge meve ra auki kima, Da kiare nagate. <sup>10</sup>Koita be negu au meve daure gahime. Yama yahegisa mai uhura au otare, eige auna di gasina orogisa. Badivara daka narivime daki auka ni ogo nanuhe rugage auki e orogima. <sup>11</sup>Eduge ni ogo nane Apollos, hero gahime daki, auka ya eragisa ni ogo nanuhe ruga. Eduge era beta au uhu anana vera auka rogi ya eragisa. Eduge, auka ororovara vaniva mage goiege.<sup>12</sup>Yavahu ya erageisa, gabidadama va hero kisa, yaka ata yabera, yama hero kisa. <sup>13</sup>Iaga aubougi mage uhura kisa.<sup>14</sup>Yaka Stephanas dibanera, Yaka Achaia yau dibanera yauka urugoi iditahaka vara renu yauka Dirava meve kiare koitava yabera yaui matau gahigeva. Eige daki ya hero gahigeime, di ogo nanuhey, <sup>15</sup>koita eviviya yama eragei mage gahisa renu koita aubougi yaheyahe ragohare noruta me o uhurahe.<sup>16</sup>Hegiri vime daki Stephanas, Fortunatus, renu Achaicus au orogare. Yai ororo veite ei yaukamu oroganu. <sup>17</sup>Badivara yaukamu di horuve renu yai horuve isage gahigevenu. Eige, yama koita enavivive yau dibane gahisa. <sup>18</sup>Asia dubu koitava yabeki yau hegirive yai besuga. Aquila renu Priscilla ya mage gahigeva, yau dubuve yau iagehe uhura ruta. <sup>19</sup>Ogo nana aubougi geraki ya mage gahigeva. Bebe mage gahigei horu mage anoano va ruta.<sup>20</sup>Da, Paul, di adehe gera daki o toreima. <sup>21</sup>Koita bena Rohi Bauge mage gahiga veite, auka daureva mimivara. No Rohi Bauge ve, orogo! <sup>22</sup>23 Iesu Keriso haire ra aruta gera. <sup>23</sup>Di mageve ra yai bouge ya ruta gera Iesu Keriso uhurehe.

## 2 Corinthians

### 1

<sup>1</sup>Da Paul, Iesu Keriso apostle vebe Dirava rone dainehe,renu Timothy ni ogonane, oti Dirava dubuve Corinth uhura, renu oti Dirava horu aena koitave ya Achaian mata uhugati uhurahe. <sup>2</sup>Hairava ravara yaiera renu mai ni Mame Dirava renu Rohi Bauge Iesu Keriso auseni ogonane.<sup>3</sup>Dirava renu ni Mame Rohi Bauge Iesu Keriso yaukena mageve misa. Auka uhudau yau Mamera renu mage Dirava vara. <sup>4</sup>Dirava raki ni huhuve uhura no yahe geima, Edainehe noma huhu nagohare koitavaya yahe geisa. Nona mage gahigeisa guma kobuga ei Dirava no yahe gevene nagate.<sup>5</sup>Iesu Keriso ni dainehe huhu nagane nagate, Eige ni yaheyahe vera Keriso uhurahe gera.<sup>6</sup>Eduge nona huhu uhurahegenu, era yai mageve dainehegera; renu nona yaheyahe uhurahegena, era yai yaheyahe uhurahe gera. Yai yaheyahe vera yai uhu berebeve dainehe gera, huhu kobuga era noki mia.<sup>7</sup>No ya anagevare ra uhu anavara berebera ra, no mageve tagera yaki mia.<sup>8</sup>Badivara noka ura veite yaka nune gahisa, ni ogo nanuhey, Asia uhura huhu e nagate. Isuke rahoherea vera ni herove tage avie goinu, eige noki ni sigo ragohanu maguri toto. <sup>9</sup>Riaga, ni ada tagera hoge ramu enu. Guma eige noki novahu no idigei vata no gosigevenu, eduge nokamu beta Dirava garehanu, maguri biava.<sup>10</sup>Aukaki hoge uhura no maguri

gahigevenu, renu yaukenu no yahe geisa. Ausenige noki ni gabidadamave maema aukena no yahe geisa.<sup>11</sup> Auka ena kikivara a no yahegevare nagate. Eige koita mudago ni dainehe ya mage gahigei gevara ni gaharagohi koita yau imimi uhura.<sup>12</sup> No gahara ragohare aukamu onu: Ni uhuananava mage renu matau ruta dainehe, beta ahata maka uhuvakava uhura eduge Dirava haire uhura.<sup>13</sup> No torevare ra yaka beta dahare renu dibana gahisa, eduge da anavare yaka regunaki dibana gahigavara<sup>14</sup> yakamu tinabe dibana gahanu, yaka ni mageve rorovara Iesu Keriso vanivehe, renu noka yai mageve rorovara.<sup>15</sup> Badivara di uhure aubougi gera daka dibana ra, daka yai gasina urugoi orogisa, eige yaka ihie orogare mageva misa.<sup>16</sup> Dakamu anavege daka rogi ya erageisa da Macedonia otarei. Daka Macedonia seni orogare daka gaitana rogi ya erageisa, eige yana da besugi daka Judea otisa.<sup>17</sup> Da enaki anana viege uhurahe, ena besibevana da viege? Dana di meve ahata makavara da kime, eige da roma, " Dodihegera, dodihegera" renu "Veitera,veitera" nega kobuga ei?<sup>18</sup> Eduge gabidadama vara Dirava eira, edainehe ni gare yai gasina gera beta "Dodihegera" renu "Veitera."<sup>19</sup> Eige Dirava Moe, Iesu Keriso ra, Silvanus, Timothy renu da, nokamu yai roia, auka beta "Dodihegera" renu "Veitera." Eduge auka, vani aubougi "Dodihegera." <sup>20</sup> Badivara Dirava ominue aubougi gera "Dodihegera." Renu nokamu au uhura roia "Amen" Dairava au haire uhura.<sup>21</sup> Negubutu gera Dirava raki riaga noruta gahima aka Keriso uhurahe gera, renu aukaki a riaga gahanu,<sup>22</sup> au hedokate auki ni ada maemanu renu ni sorukehe uhura Horu Aena maemanu riaga gahima ihie orogare.<sup>23</sup> Eduge Dirava daki riaga gahima di horuve dainehe, badivara daka beta Corinth daki orogi eige daka a maguri gahisa.<sup>24</sup> Beta edainehe gera eige noka yai gabidadamave biava ragohisa. Eduge, noka bada ga ihihhi meva koitava yabera aka hegiri visa, so gabidadamave uhura.

2 <sup>1</sup> Eige daki davahu anavanu, daka beta gaitana ai goiragi orogisa uhudau uhura.<sup>2</sup> Dana akena da ahuhu gahanu, unuhuna da hegiri gahigavanu beta koitabera eduge da huhugahane koitavana da hegiri gahisa?<sup>3</sup> Da torevane gumavahege da yai gasina orogare da hegiri gahiga koitava yabera beta da huhu gahiga vara. Daka yai bougigera daki ya riaga gahigeima, di hegirivera yai bouge yai hegirive nagatera.<sup>4</sup> Huhu uhuragera daki yai late torevanu, di soruke huhuve uhurahehe, renu ni nemota ruta. Daka beta yai gera daki leta torevanu eige yaka huhu nagohisa. Eduge, yaka dibana gahisa di mageve ra dobuke hereavera yai.<sup>5</sup> Koita bena uhudau mi oroganu, beta davahu di uhudauvera, eduge guma kobuga era--beta yavahu ya huhu gahigeisa--eduge ni bouge.<sup>6</sup> Koita mudago huhu koita e moimare ra geregere ra.<sup>7</sup> Eige negu, auka beta huhu misa, eduge au daureve vagua gahisa renu mage gahisa. Enakiege auka beta huhu uhura usa.<sup>8</sup> Akeri daki aki roma aka ai mageve moimisa. <sup>9</sup> Edainehege daki ai leta torevanu, eige dana a togogisa renu ai dibane goisa renu ana iaga bougi roiare kima.<sup>10</sup> A koita be daureve vagua gahege, Da tagera koita e daureve vagua gahigavara. Da daure vagua gahane--dana daure e aubougi vagua gahanu--daure era veitera ai dainehe Keriso ihehe. <sup>11</sup> Eige Satan ra beta no tara geigevara. Badivara noka au guma daureve yabera noki besibe gaha.<sup>12</sup> Udua bera Rohi Bauge raki baovanu dai da Troas orogane ei hari mage roro dainehe.<sup>13</sup> Di uhurera hegiri veitera Badivara Daka di ogo nane Thru a ei erara veitera. Eige daki garegevarae Macedonia otinu.<sup>14</sup> Eduge Dirava ra daki mage gahima, Keriso uhura vani aubougi ni ogigive mage gahima. Noigera koita yaberaki au guti mageve kia mata aubougi. <sup>15</sup> Badivara oti Diarava gera noka Keriso guti magevara, bada maguri isage mane koitava yau renu hoge ragohane yau.<sup>16</sup> Oti hoge ragohane koitava yau, guti era hogebei guti oti hogebei. Rohi maguri issue mane yaugera, maguribe oti maguribe. Unuhuna mageva misa? <sup>17</sup> Badivara noka beta koita beya nagate yabera Dirava gare haeva yau mageve dainehe. Eduge, uhu anana mageva gera, noka Keriso uhurehe gera noki ga ragoha, Dirava vairenehe.

### 3

<sup>1</sup> Nona gaitana gena no novahu ni mageve roia? Noka beta ya riaga gahigeige letava yai torei otitovara se yaiseni orogisa noi, Koita beya kiare nagate, nona Ana kikivanu? <sup>2</sup> Yakena no riaga gahigeisa, yaka ni sorukehe gera, koita yabera dibanara renu yaukamu dahanu.<sup>3</sup> Akiare ra aka Keriso letavera, no meve uhurahe. Beta peniva gera yauki torevanu eduge maguri Dirava horuve uhurahe gera. Se beta muni adagera yauki torevanu, eduge koita yau sorukehe gera.<sup>4</sup> Eige era ni uhu berebe vera Keriso Dirava uhura.<sup>5</sup> Ni uhure ra beta berebere ra noka rosa iaga era noigera auki orogima. Eduge, no uhu bera beta ra Dirava gasina gera auki orogima.<sup>6</sup> Dirava raki no hero gahigevenu asana isage uhura. Aena beta letava torevane era eduge Horu Aena va. Badivara mata ra daure ra, eduge Horu Aena varaki maguri mi orogima.<sup>7</sup> Hoge meva-ihiva ya muni ada tore gevenu-hegiriva uhurahegera Israel gamuhe yabera beta riagahe Mose one erara vara. Au nie hairadiva dainehe gera, haira era kosaima auki otima.<sup>8</sup> Horu aena hegiri vena negu bina orenaki goigo vanu?<sup>9</sup> Daure meva na hairaitenu, maguri riaga hegirivena negu bina orena vivive goigo vanu!<sup>10</sup> Edainehe, subuta hegiri vara beta negubutu hegiri va nagatera, hegiri ora mati raho hereavera. <sup>11</sup> Hogera hegiritenu, maguri behibehi hegiriva bina raho hereavera!<sup>12</sup> Mage orogare dainehe, noka herotera.<sup>13</sup> Noka beta Moses nagatera, au nie auki bakuvanu Israel gamikava yabera beta hegiri kosavare eragisa au hegeve dainehe.<sup>14</sup> Eduge yau uhure yaberamu berebe gahanu. Oroggi negu, yau aena buka dahare negahe, ni bakuba ogonava dagedage enu. Bera kokiko veitera orogi vani oi, badivara Keriso uhurahe gena yauna kokivisa. <sup>15</sup> Dagedage orogi negu tagera yau Moses bukave dahare, ogona eramu yau soruke bakuima. <sup>16</sup> Eduge koita be Rohi Bauge gahara viege, ogona era kokivime yauki.<sup>17</sup> Rohi Bauge ra Horu aenavara. Orehe gena Rohi Bauge Horuve uma, magera eigeri.<sup>18</sup> Eige ni bouge, ogonavara ni nie bakuba veitera, Rohi Bauge haire eragiahe. Noka ni bouge haira koboga e uhurahegera, haira gumabei oti mati gumabei, Rohi Bauge nagate, auka Horu Aena vara.

### 4

<sup>1</sup>Edainehe, noki meva kia, no uhudau ragohare nagate, noka beta uhu isukate gahisa.<sup>2</sup>Eduge, norena gumava ya renu variva gumava ya, nokamu garegevenu. Noka beta uhu daure gumava gera noki ogia, renu noka Dirava gare rokoro gahiga veitera, eduge ga riaga vara noki roia, noka koita yau bougi yau anana ragohare uhurehe gera noki ogia, Dirava vairenehe.<sup>3</sup>Eduge ni hari magevena yau bakuva, era bakuime yauki hoge koitava yau dainehe.<sup>4</sup>Yau ananavehe gera, mata dirava raki, yau uhu vadibuve vadibu gahanu. Edainehe, yauka beta hari mage abagava erara vara Keriso haire uhurahe, auka Dirava erara vagera.<sup>5</sup>Eige noka beta novahu ni mageve rorovara, eduge Keriso Iesu rorovara auka Rohi Bauge vara, renu noka ga ihihi gahava ya Keriso dainehe.<sup>6</sup>Badivara Dirava ramu ronu, "Vadibu uhurahegena abagavanu hakivisa." Auka ni uhure abagavara, uhuvaka abagavara no mohigeisa era Dirava haire ra Keriso uhurehe.<sup>7</sup>Eduge nokamu hodu uhura maka mageva nagatera, ena riaga gahisa hedo aubougi baugevara Dirava iera renu beta noiera.<sup>8</sup>Daure vara ni gasina ororovara guma nunenune yau, eduge beta no daure rahovara. Noka isukeve mimivara eduge ni uhure ramu bera beta goisa.<sup>9</sup>Aena uhura no gosige-ge vara eduge beta no gare geige vara; gahi geige vara eduge beta no sebogeige vara; <sup>10</sup>vani aubougi ni ahata make uhura Iesu hogeve mi ioa ragohisa, eige Iesu maguri mageve tage yauka eraravara ni ahata maka maguriva uhura.<sup>11</sup>Edainehe no maguri gahava yabera ni hogeve rorovara Iesu dainehe, eige Iesu magurivera ni ahata maka maguriva gena yauna eragisa. <sup>12</sup>Eige hoge mevaramu ni uhura, eduge maguri varamu enu yai uhura.<sup>13</sup>Eduge nana horu kobuga era yau torevane nagate: "Dakamu riaga gahanu, eige daki ronu." No gainage riaga gahanu, eige noki ronu, <sup>14</sup>eige noka dibanara Iesu Keriso maguri gahi goiragane aukenu no gainage ya ruta au vairenehe no idigei orogisa. <sup>15</sup>Iaga aubougi gera aiera, edainehe hairadivara koita mudago idi geigevara mage mohimo vara raho goigo vara Dirava haire uhurahe.<sup>16</sup>Eige noka beta uhu huhu ragohivara. nona ahata maka maguriva gena no dede ragohi ota, horu maguriva gera noka vani aubougi gera noki isagegaha.<sup>17</sup>Eige negu nega o uhurahe gera, isuke tinakibe raki ni uhure isuke gahima era mage variada gera.<sup>18</sup>Badivara noka beta era gevare iaganiva yabera noki erageva, eduge erara veite iaganiva yabera noki erageva. No era gevare iaganiva yabera negubutu iaganiva yabera noki erageva, eduge erara veite iaganiva yabera behibehi iaganiva yabera.

## 5

<sup>1</sup>Noka dibanara mata ada yaga vaya-dubuka vara-seborage-ge, Dirava ramu yaga be noni kinu. Yaga era beta koita beraki au adehe kinu, eduge behibehi yaga vara basileia uhura.<sup>2</sup>Dubuka uhurahegera noki ganaga ragoha, imimi ragoha noka basileia uhura yagava uhura usa. <sup>3</sup>Era noki gahara ragoha badivara no mi kiego yauka beta no erara geigevara noka bututa gera.<sup>4</sup>Era riaga vara dubuka uhurahegera noki ganaga ragoha, huhu nagoha. Noka besibe ragohime noka ogona veite. Eduge noka ogona kikiva noki gahara ragoha, eige otadovanu beta behibehi ve era maguri vana iogeisa.<sup>5</sup>Ni mageve dainehe no regugevene ra Dirava ra, auki Horu Aena no mohi gevenu noka mageve misa ihie orogare iaganiva yau dainehe.<sup>6</sup>Edainehe so uhure ramu here here goisa, aka dibanara no ahata makava yaga uhura uiare, noka beta Rohi Bauge ruta gera.<sup>7</sup>Badivara noka gabidadamava gera noki ogia, beta ni niehe. <sup>8</sup>Eige noka uhu berebe tera. Ni uravera noka ahata maka garehisa renu yaga uhura Rohi Bauge ruta goisa.<sup>9</sup>Eige eramu ni gumage goisa, nona yaga uhurahegenu se nona itahegenu, noka mage gahigavara.<sup>10</sup>Badivara noka ni bouge Keriso varenehene rahi ravara, eige nona kobakoba ga ihisa ahata maka maguriva dainehe, mage dainehe se daure dainehe.<sup>11</sup>Edainehe, no Rohi Bauge sigamare dainehe, noka koita hero gahigeige vara. Nona orena vivivenu ni magurivehe Dirava eragare gumavahe, renu daki anima ena magenu ai uhu ananavehe. <sup>12</sup>Noka beta novahu ni mageve noki gaitana ai roia, eduge noka akera noki akiroia aka no hegiri gahigeisa, eige ana dibana goisa, ogere yabena yau me kiare motea motea va ragoha, eduge era beta yau sorukehege yau kiare ra.<sup>13</sup>Eige nona beta ni uhu magevena genu, era Dirava dainehe gera; nona ni uhu mageve uhurahe genu, era ai dainehe gera.<sup>14</sup>Keriso mageve raki no beiya gahi geima, badivara nokamu basubasu va onaki ronu: Koita kobabe raki ni dainehe hoge raganu, renu aubougige ramu hoge ragohanu. <sup>15</sup>Yau bougi yau dainehe gera auki hoge raganu, Eige ogere yabenu maguri ragoha yauka beta maguri ragohisa, beta yavahu yau dainehe eduge au dainehe, aukaki yau dainehe hoge raganu renu magurivi goiraganu.<sup>16</sup>Badivara, noka beta negubutu koita ahata makava era ravara, Keriso tagera enakime noki ahata makava eraganu. Eduge negubutu gera noka Enaki erara veitera.<sup>17</sup>Edainehe, koita bena Keriso uhurahe genu, auka koita isage vara. Iaga emene yaberramu veite gahanu. Eraga, yaukamu isage gahanu. Iaga o aubougi biavara Dirava ra. Mai uhurahegera auki no bougevenu Keriso uhura renu mai meva tagera auki no mohi gevenu.<sup>18</sup>Era, Keriso Dirava raki mata ada mai mi orogima avahu au gasina, beta yau daure gahare dahima. Auka mai maka magevara auki no mohigeima.<sup>20</sup>Eige auki no idigevenu noka Keriso me koitatuhe yabera, erara vagavara Dirava ra nokera auki no imigeima. Akera noki a imiga, Keriso dainehe: "Dirava ruta mai kiahe!"<sup>21</sup>Aukaki kinu auka daure veite koitavara orogime auki ni daureve goinu, eige noka Dirava riaga gahisa au dainehe.

**6** <sup>1</sup>Aurutagera noki me his, ya gainage noki ya hero gahi geva ya negu Dirava haire ohemaga mime.<sup>2</sup>Eige auki roma, " Nega mageva gera daki a eragima, renu maguri vanivagera daki a yaheganu." <sup>3</sup>Noka beta koita be meve daure gahigavara, badivara noka besibe ragohime noki ni meve negu daure goime.<sup>4</sup>Eduge, guma aubougi uhurahe noka dibanara noka Dirava me gahatuhe yabera huhu uhura, namina uhura, hero veite uhura, guma berebe gahare uhura, <sup>5</sup>no gahigeva, vadibu uhura, gogaibu uhura, me isuke uhura, yagiya mage veite uhura, gubu uhura, <sup>6</sup>riaga uhura, uhuvaka uhura, uhu berebe uhura, mage uhura, Horu Aena uhura, mai uhura, <sup>7</sup>ga riaga uhura, Dirava hedoke uhura. Hedo riagavaramu ni gasina ada vamaga va renu ada vaga va.<sup>8</sup>No meve ra hairatera renu matau veite uhura tagera, bebe namigeva renu bebe mage gahigeva, bebe daure gahigeva eduge mati riagava. <sup>9</sup>No me miare yauka meta ni dibane veite,

eduge yauka no dibane hereavera, meta naoka hogera gohi otare nagate, edugu-eragiahe!-noka maguri yabera, no daureve yau dainehe no huhu gahigeve, eduge noka hoge ragohira veite.<sup>10</sup>Uhudau uhurahegera noki me mia, dagedage nokamu hegiri ragoha, iaga veite uhura, eduge nokamu koita mudago mage gahigeve, iaga veite uhura, eduge iaga aubougi geramu ni gasina.<sup>11</sup>Nokamu riaga aubougi ya kirogevenu, Corinthians, renu ni sorukehe ra baobao vera. <sup>12</sup>Yaka beta isuke be no mohigei gevare, eduge yavahu yai soruke yabera isukatera. <sup>13</sup>Eige guma mage kobu gavara-daka momona yabera daki ga gageima-ya gainage yai uhure baogei rahogahisa. <sup>14</sup>Ya negu maguri ga riaga gahiga veite koitava ruga kobuga gahime. Eige otadovanu riaga uhuvaka ruta noguisa? Eige otado magebena abaga vadibuva gahara vima? <sup>15</sup>Keriso na orenaki Belial ruta uhu kobabeva bouragohira vanu? Se maguri ga riaga gahare koita vana orenaki maguri ga riaga gahiga veite koitava ruta bouragira vanu.<sup>16</sup>Bouragira gavana otadovanu Dirava dubuve renu iaga nunenune yau tanahe? Badivara noka Dirava maguri behibehi dubu vera, eige Dirava ramu ronu: " Daka yau ruta gera renu yau ruta daka ogigivara. Daka yau Dirava vera, renu yauka di koitatuhe yabera."<sup>17</sup>Edainehe, "Yau uhurehe seni hakiva orogo, renu gaise rama," Rohi Bauge raki roma, " Anegu iaga daure be kamuime, eige dana a hegiri gahisa."<sup>18</sup>Daka ai Mame goigo vara, renu yaka di gamuhe gami vaya renu maiago vaya,"

7 <sup>1</sup>Aka daiera, badivara ni ominue yau danehe, No ni daureve inuhati ahata maka maguriva renu horu aena maguriva garegeve. No aena riagava maguri ragoha Dirava noma sigamisa.<sup>2</sup>Ni gumage kiahe! Noka koita be namina veitera. Noka koita be daure gahiga veitera se au mageve mimi veitera.<sup>3</sup>Era beta aka daureva misa eige daki onaki roma. Badivara Dakamu subuta ronu aka ni soruke uhurahe gera, noka bada Hoge ragohisa renu bada maguri ragohisa.<sup>4</sup>Daka akera daki a riaga gahima, renu ai mageve gavara daki vima. Daka hegiri vime daki. Hegiri vara rahora hereavera dagedage ni huhuve aubougi uhura.<sup>5</sup>No Macedonia oroganu, no ahata make yabera hero veitera. Eduge, huhu uhurahegera noki uiege ahata makava renu no uhurehe sigoi ragohege.<sup>6</sup>Eduge Dirava, ihi veite koitava ya mage gahigevare raki no mage gahigevenu Titus orogane. <sup>7</sup>Beta au orogane dainehe gera eige Dirava raki no mage gahigevenu. Titus ai mageve mane nagate. Ai mageve auki ronu, ai uhudaue koita yau, renu ai haire di dainehe. Eige di hegiri veraki rahogoinu.<sup>8</sup>Di leta vena ai uhure huhu gahanu, daka e anana veitera. Eduge di uhure ra huhu nagina veitera eduge di letave veraki a huhu gahanu, nega tinakibe uhurahe. <sup>9</sup>Negubutu gera daka hegiri vime daki, beta a huhu nagane dainehe, eduge ai huhu veraki maguri isage mi ai oroganu. Aka dirava uhudau veraki a manu, eduge aka huhu nagina veitera ni dainehe. <sup>10</sup>Badivara Dirava uhudau vera maguri isage vara auki mi orogima uhu anana bera mati veitera. Eduge mata uhura uhudauvara, hogera auki mi orogima.<sup>11</sup>Edainehe dirava uhudavenu otadobe magebena au mi orogima ai gasina. So uhure herovena orena kikivanu aka riaga vara ani roma. Ai uhure maguri vane orena kikivenu, a sigovare, a gahara vare iaganiva, ai uhure hegiri va, renu aka urai aena vara memisa! Iaga aubougi uhurahe yakamu yavahu yai uhurehe riaga gahanu.<sup>12</sup>Dakamu yai leta torevanu, beta daure kine koitava dainehe, se daure dainehe huhu nagane koitava dainehe, eduge yai mageve ni gasina, era Dirava na yai mi orogisa.<sup>13</sup>Edainehe noka hero mimivara. Ni mageve uhura adahe, noka dagedage hegiri ragiravara Titu hegiri vare dainehe, badivara au horuvera yaki yai bougi isage gahi goiragohanu. <sup>14</sup>Badivara dana yai mageve na da kiroma, daka variva veitera. Iaga aubougi uhurahe, no iaga aubougi aki rone ra riaga vara, no yai mageve Titus kirone ramu riaga goinu.<sup>15</sup>Au ya era gevare ra raho hereavera yai ga ihihive dainehe, ya hegiri gahane ra sigo renu gabubu uhurahe gera.<sup>16</sup>Daka magurivima daki badivara daka yai uhu berebe ve dainehe.

## 8

<sup>1</sup>Nin uravera yaka dibana gahisa, ni ogo nanuhey, Dirava haire Macedonia dubu va mohigevene. <sup>2</sup>Vagava ketake hereave uhurahe, yau hegirive, renu yau maguri ve isuke uhura gera yauki mage hegiri ruta yau meve kiege.<sup>3</sup>Daka yau kine dakamu eraganu, yauka mageve ra raho hereavera, renu e variada gera yauki maemanu, renu yau uhure aubougi ruta<sup>4</sup>nokera yauki no imigevenu yau uhure abougi Dirava aena koitatuhe ya yahe geige dainehe.<sup>5</sup>Auka enaki vara veitera, no anavane nagate, eduge urugoi gera yauki yau ahata make mi Rohi Bauge moimanu renu no mohi gevenu Dirava gahara vane uhurahe.<sup>6</sup>Eige noki Titus hero gahanu, auka subutagera auki meva kinu, yai tanahe hegiri varamu riaga goisa.<sup>7</sup>Eduge yama iaga aubougi uhura me misa-gabidadamava uhura, gava uhura, uhuvaka uhura, urugoi kisa, renu yai hegirive ni ada dainehe. Eige yama anai mage gahisa yaka hegiri varamu riaga goisa.<sup>8</sup>Beta ona kime daki roma yaka kisa eduge yai hegiri mageve yaka eragisa, koita beya meva kiki gahara ragohare nagate. <sup>9</sup>Badivara yaka Rohi Bauge Iesu Keriso haire dibanara. Augera iaga aubougi geramu enu, eduge yai dainehegera auki iagabe veite goinu, au iagabe veite goine dainehe yaka iagate gahanu.<sup>10</sup>Guma o uhurahege dana ya ga-ga geisa ya yahe geige dainehe. Tau be ramu otinu, beta enage yaki mebe kiki gaharava ragohanu, eduge yai uhurehe aubougi rutagera yaki kiki gaharava ragohanu.<sup>11</sup>Eige yama ki kosaisa. Uhu mage herote uhura renu yaka ura riaga kisa eige, yanaso ki kosavare yai uhure aubougi.<sup>12</sup>Yana yai uhure aubougi gena ya meva kisa roia, era magera renu dodihegera. Koita be iagate goiege auna varaisa, beta au iagabe veite goiege.<sup>13</sup>Badivara ora beta be mage gahigeige vara renu be yabera huhu uhura usa, eduge koita yau bougi mage kobabe uhura.<sup>14</sup>Yai mageve negubutu gera yau yagoare era yana mohigeisa. Dadivara yau mageve dadaga vara ya yagoare yauna mohigeisa, uhu kobuga uhurahe.<sup>15</sup>Era ona kime yauki torevenu: "Iaga dadagate koitava ihiegera iagabe veitera, renu iaga dadaga veite koitava ra ihie iagabe yagoya veitera."<sup>16</sup>Eduge No Dirava mage gaha, Titu's sorukehe da yai anavare daki maemanu.<sup>17</sup>Badivara auka beta ni imimive gauge auki anavanu, eduge au uhure aubougi tagera auki anavanu. Ai gasina gera auki oroganu au uhure aubougi ruta.<sup>18</sup>Nokamu e besuganu ni ogo nane be ruta, au meve mage dainehe gera noki moteagaha dubu aubougi uhurahe, au hari mage roiare dainehe.<sup>19</sup>Beta egu, eduge dubu yabeki manu

auka no ruta ioaisa mage e uhurahe, era noki eragi mage gaha Rohi Bauge avahu au haire dainehe renu ni mageve dainehe.<sup>20</sup>No ena kiare makavara noka besibe ragohime noki, koitabe ya negu no me mage miare o daureva rome.<sup>21</sup>Noka anai mage gahima noki meva kia, beta Rohi Bauge vairenehe gugera, eduge koita aubougi yau vairenehege tagera.<sup>22</sup>Nokamu e ni ogonane be tagera noki e besuga yau ruta. Nokamu eragi mage gahanu guma nunenune yau renu nokamu behuganu auka me mage koitava ra. Auka gahara riagavara auki vime badivara akera auki a motea gahima.<sup>23</sup>Titus ra, di bamode ra renu me kobuga kiare koitavara ai dainehe. Eduge ni ogo nanuhe, yauka dubu gare roiare koitava yabera. Yauka Keriso haire ra.<sup>24</sup>Edainehe yauma yai me mageva eragisa, renu dubu ramu dibana goisa no ya motea gahigevare makava.

9<sup>1</sup>Dirava horu aenave koitava yau meve, daka beta toretore vara.<sup>2</sup>Ya gahara vare, Dakamu yai mageve dainehe yai ihe mi yagemanu Macedonia koitava yau. Dakamu kirogevenu Achaia koitava yabera tau emeneigera yauki, nega o dainehe bou ragohanu. Ya me miare gumava raki yau uhure mi yagemanu yau gainage me'e kisa.<sup>3</sup>Dakamu ogo nana besu gevenu Eige na yai meve gava ragohare ra beta avanage goisa, renu yakamu bou ragohanu nega o dainehe, da rone nagate.<sup>4</sup>Veite goiare, Macedonia koitava beya da ruta orogare renu ya behu gei yaka bouragohi ra veitera, noka variva ragohira vara-daka beta yai dainehe iaga be rorovara-yai mageve rone dainehe.<sup>5</sup>Eige daki anai ronuo ogo nana yabera yai gasina orogisa renu guma be kisa urugoi yai ominue geregerehe. Auma ena vivive goisa era yai mageve ra, renu era beta iagabe no yai manu era.<sup>6</sup>Gavara one vivivera: Koita orena begibegi raho vima auka rahogahi mimivara, renu koita orena dibana au begibegi vare makavara auka maka mageva mati mimivara.<sup>7</sup>Koita ramu au uhurehe anavare boubouva maemisa, beta uhu berebe uhurahe se uhu anana be uhurahe, badivara Dirava ra uhu mage ruta boubou maemare koitavara auki au gahara vima.<sup>8</sup>Renu Dirava ra mage rahogahi a moimovara, eige, nega aubougi, iaga aubougi uhurahe, a gahara vare iaganiva aubougi geramu enu. Edainehe mageva aubougi gera adahe rahogahi ororovara.<sup>9</sup>Yau torevane nagate: "Aukamu au mageve idigei iaga veite koitava mohi gevenu. Au haire ra otitovara behibehi."<sup>10</sup>Unuhuna idi tahaka mi begibegi koitava moimima renu hauhaka demaka dainehe koita mohigeima renu idi demaka dadagahi a moimima begibegi dainehe. Auka ai haire rahogahiga vara.<sup>11</sup>Aka mage mimivara guma aubougi uhurahe edainehe ai uhure ra magera. Enaki Dirava gasina boubou mageva mi otisa ni dainehe.<sup>12</sup>Badivara onaki me maguri ora Dirava horu aenava koitave yau gahara ragohare noki mi oroga, adahegera me nunenune gainage vara ragoha, Dirava mage gahiga dainehe.<sup>13</sup>Badivara yaka tohotoho uhura sir i ragohanu renu yai meve riaga gahanu, eige yaka Dirava mage gahigavara yai ga ihihive dainehe au hari mageve uhurahe. Yaka Dirava tage mage gahigavara yai uhu mageve uhura ya boubou gosigeva yau renu koita aubougi tage.<sup>14</sup>Yakera yauki ya anageva renu yai ada imimi ragoha. Yau ena kiare makavara Dirava haire ra raho hereavera yai ada.<sup>15</sup>Magevara Dirava iera au haire dahida veite uhura!

## 10

<sup>1</sup>Da, Paul, daki a hero gahima, Keriso haire uhura renu au manage uhura. Daka hero veitera ai vairenehe, eduge daka hero tera da gamanahe uiare.<sup>2</sup>Akera daki a imigima, a daruta goiege, daka beta uhu berebeki herote goigo vara, unuhuna ni meve daure gahi roma noka ahata maka uhurahe gera noki ogia, daka nami geigevara.<sup>3</sup>Nona ahata maka uhurahegena no ogia, noka gogai mi ororo veitera ahata makava.<sup>4</sup>Badivara no gogai kohuva yabera beta ahata maka gera. Eduge, yauka hedokatera daure iaga yagava ya sebo geigevara. Yauka ga avanage vara yauki mi oroga maka veite yabera.<sup>5</sup>Otado iaga beyabena Dirava uhuvake sebogisa roia, noka sebo geigevara. Uhu anana aubougi gera noki idigi ga ihihiva Keriso moima.<sup>6</sup>Renu noka bou ragohimena noki, noka ga ihihive veite mevaya sebogeisa, yai ga ihihive mage goiege.<sup>7</sup>Otadovanu e ai vairenehe regunaki eraga. Koita bena roma auka Keriso ruta gera, auma avahu au uhurehe dibana goisa, auna Keriso ienu, no gaina gera.<sup>8</sup>Eige dana ni hedoke gavana da tinabe ro raho gahima, era Rohi Bauge raki no mohigevene noka hero kisa renu beta ya sebogisa, daka variva veitera.<sup>9</sup>Auka beta onaki vara ra geregere va, daka yakera daki da late tore gevare yau yaka sigoragohisa.<sup>10</sup>Eige koita be yaberramu roia, "Au letave yabera isukatera renu hedokatera, eduge au ahata maka magurivera raburabera. Au gare yabera beta noka ihisa gava yabera."<sup>11</sup>Enaki koita e yabera noma kirogeisa noka late e gava yabera, no veite gahege yaka beta ni meve eraravara a nokamu ei.<sup>12</sup>Noka beta heroki novahu bouragohi se beya yavahu yau meve ga ragoha ragohare nagate yabera. Eduge yau yavahu bebe yau mageve eragare renu beruga bebe tohogare, yauka uhu anana mage veitera.<sup>13</sup>Eduge noka, beta no dibana gahane soisovara. Eduge, noka ni dabane uhurahe gena nona me misa Dirava no mohigevene geregerevahe, ya gainage ya idigeige vara.<sup>14</sup>Beta noka ni mevera noki ki hanegaha badivara noka ya idigeige veite dainehe. Eduge nokaki urugoi ya idigevenu hari mage uhura.<sup>15</sup>Be yau meve, no kiare nagate noka gava roro veitera. Eduge, no anavare ra yai gabidadamave raho goiare, ni meve yai tanahegera raho goigo vara,<sup>16</sup>Edainehe noka hari mage rorovara ya otito veite ogobe gainage, beta ogo be yau mebeva kine hariva ro raho gahigavara.<sup>17</sup>"Eduge hariva ro rahogahisa koitava, rorahogahi Rohi Bauge dainehe."<sup>18</sup>Badivara beta hari ro rahogahisa koitavana mageva misa, eduge Rohi Bauge na koitava misa.

## 11

<sup>1</sup>Imimi vara daki vima uhuvaka veite uhura aka da anaisa. Eduge Akamu dagedage da anaima!<sup>2</sup>Ai varivade daki vima. Daka dirava varivara daki ai vima, badivara di ominue ve aigera daka ata kobabe mobo gahisa. Di ominue vera daka ai ihehe gamika veite uhura Keriso rutagera.<sup>3</sup>Eduge daka enagera daki sigoime, inuhu Eve taragane nagate au avanage gumagehe, ai uhu anana mageva ra saise goisa renu Keriso riaga gahare ra veite goisa.<sup>4</sup>Badivara koita bena orogi Keriso

nune be riaga gahima beta no riaga gahare Keriso va. Se ana sua nune bena a mage gahima beta a mage gahare suava. Se ana hari mage nune bena a riaga gahima beta a ihine hari mageva. Aka guma o au bougi gera aki eragi mage gahanu!<sup>5</sup>Badivara daka dibanara, daka beta yau kiare dibana veitera renu yau idigei-roiare apostle-bauge yabera.<sup>6</sup>Dana riaga ga dibana veitenu eduge daka uhuvaka daigera. Guma aubougi uhurahe renu iaga aubougi uhurahe nokamu a uhuvaka gahanu.<sup>7</sup>Dana daure bena da kinu di ga veite dainehe eige yauka ai ihe mi yagemisa? Daka enagera daki Dirava hari mage roma oti yai.<sup>8</sup>Dubu be yabera daki vaho gahigevenu yau seni hero manu ya yahe geige dainehe.<sup>9</sup>Da ya ruta uiege renu da gahara viege iaganiva ya, daka ya korahi gahi geige veitera. Badivara da gahara viege iaganiva yabera Macedonia ogo nanava yabeki da moimanu. Iaga aubougi uhurahe, daka ya korahi gahi geige veitera, daka dagedage enaki maguri otitovara.<sup>10</sup>Keriso riaga gahiga varamu o di gasina, motea motea ga o bera veite goigo vara Achaia ogo uhurahe.<sup>11</sup>Otadobe dainehe? Badivara di mageve ra beta aigera? Dirava ra dibanara.<sup>12</sup>Otadovana da kima, daka dagedage kikivara, eige dana mage orogare dodoisa, yau negu mage orogare mi yau motea motea iaganiva goime.<sup>13</sup>Badivara ena kiare koitava yabera avanage apostle yabera renu me daure gahava yabera. Avanage vage yauki yau mi Keriso apostle roia.<sup>14</sup>Renu era beta gauragira iaganivara, Satan tageramu avahu aumi abaga aneru va ronu.<sup>15</sup>Era beta dauragira iaganivara, au meve avanageva ki yau mi riaga koitava rogevenu.<sup>16</sup>Gaitana ge daki roma: Be negu rome daka uhuvaka veitera. Eduge a enaki roege, ama da mi uhuvaka veite koitava rosa eige dana motea tinabe visa.<sup>17</sup>Da enaki di uhure aubougi motea motea gava roiare-daka beta Rohi Bauge gavare gumagehege gera-daka uhuvaka veite koitava nagatera.<sup>18</sup>Edainehe koita mudago yabera motea motea gava yauki ragohare ahata makava, da tagera motea motea vivivara.<sup>19</sup>Eige yaka uhuvaka veite koita ya rutagera. Yaka uhu anana mageva koitava yabera!<sup>20</sup>Ama uhu magete goisa koita be a daure gahege, ana au ga ihihi koitave goiege, ama au ruta goisa, au ai variada otege, au avahu au mageve roege, se auna ai vairene madavege.<sup>21</sup>Daka rorovara era ni varivadera badivara noka hero veitera enakiki va. Eduge koita bena hero tenu-daka uhuvaka veite koitava be nagate daki gavima-daka hero tera.<sup>22</sup>Yauna Hebrew koitava yabenu? Da tagera. Yauka Israelites yabenu? Da tagera.Yauna Abraham gamuhe yabenu? Da tagera.<sup>23</sup>Yauna Keriso me koitatuhe yabenu? (Daka meta omo daure koitava be.) Daka: me berebere uhurahegera, vadibu yaga dadaga uhurahegera, daka huhu dadaga uhurahegera, daure raho dadaga uhurahegera.<sup>24</sup>Jew yaugera daka nega adakasiva gera yauki da horivanu " Nega Utu ababu kobabe ra veite."<sup>25</sup>Nega abiga ga gera hodihodi idivagera yauki da hodivanu. Nega kobabe muni da gamanu. Nega abiga ga eve euva daure manu. Vani renu vahibe eve ada huhu naganu.<sup>26</sup>Dakamu ioava beya uhura otinu, tinavai vaiva huhu uhura, vaho gahava yau uhura sirivanu, di koitatuhe yabemu huhu da moimanu, Gentile yabemu huhu da moimanu, ogo bauge uhura huhu uhura sirivanu, mata ga-gaeva uhura huhu magenu, eve ada huhu magenu, avange ogo nana yau uhura sirivanu.<sup>27</sup>Dakamu me isukete uhura renu dagedage huhu naganu, yagiya mage veite vahiva ya, gubu renu eia hoge uhura, demaka veite, ribiri renu bututa uhura.<sup>28</sup>Eige aubougi uhura, vani aubougi di uhu korahive ra dubu yaugera.<sup>29</sup>Unuhuna hero veite, dana hero veitenu? Unuhuna roma daka hero veitegoi ogigi daure visa, renu daka beta vene nagate ragiravara?<sup>30</sup>Dana motea motea visa, daka di hero veite dainehe moteamotea vivivara.<sup>31</sup>Dirava renu Rohi Bauge Iesu Mame, mage behibehi miare ra dibanara, daka ata tarata vime daki!<sup>32</sup>Damascus gera, governor King derikahu Aretas ra Damascus ogo baugevara auki narivege, auka da kamui aena koitava yau da mi otisa.<sup>33</sup>Eduge yauki botekava da udai haba vakava da mi uguhi, eige daki sivigoro manu Aretas ada uhura sirisi veite.

## 12

<sup>1</sup>Daka motea motea vivivara, dagedage auna maka veitenu. Eduge daka ihie orogare renu Rohi Bauge mi hakivare meva kikivara.<sup>2</sup>Daka atabe dibanara Keriso uhura tau utube ababu otine ihie-ahatamaka uhura genu se ahata maka itaharahe genu, daka dibana veitera, Dirava raki avahu dibana-auka va abiga-ga uhurahegera auki sirivanu.<sup>3</sup>Renu daka dibanara ata ora-ahata maka uhurahegenu, se iataharegenu, daka dibana veitera, Dirava ra dibanara-<sup>4</sup>Auka paradise uhurahegera renu ga maka veite yabera auki ihima.<sup>5</sup>Koita onavivi yaugera daka mote gahi geige vara. Eduge davahugera daka beta motea motea vivivara, eduge da hero veite eige dana motea visa.<sup>6</sup>Dana motea motea gahara vima, daka beta uhuvaka veite koita be nagatera, badivara daka ga riagava rorovara. Eduge motea motea va kosaisa, eige koita bera beta rorovara aukamu da kiare eragima se di gavare ihima.<sup>7</sup>Dana motea motea gahara vima badivara ga mage dadaga varaki rahogoima maguri behibehi dainehe, gati daure be ahata maka uhurahegera yauki da moimanu, Satan gamuhe be raki da huhu gahisa roma-eige daka beta davahu da hegiri gahisa.<sup>8</sup>Nega abiga-ga gera daki Rohi Bauge imiganu me o dainehe, auka di gasina kokivisa.<sup>9</sup>Eduge auki daki ronu, "Di haire ra ai geregere vera, badivara hero ra riaga vara hero veite uhurahe." Eige magevara da di hero veite motea motea va vima, eige Keriso hedoke ramu di gasina orogisa.<sup>10</sup>Edainehe daka herote goisa Keriso hero dainehe, huhu uhura, daure uhura, namina uhura renu uhu daure uhura. Eige da hero veite goiege, da hero tera.<sup>11</sup>Dakamu uhuvaka veite goinu! Akaki daki ronu daka onakisa, di anana vera aka da motea gahisa. Badivara daka beta yau nagatera yau mi rogeva apostle bauge ya, dagedage daka iagabe veite.<sup>12</sup>Apostle meva riagava yai tanahe ra uhu berebe ruta, ni gahiga nununene ya renu gauragira uhura renu erara veite iaganiva uhura.<sup>13</sup>Otadebe dainehe gena ya ihi veite dubu aubougi yau uhurehe, eduge daka isuke be ya mohigeisa veite? Di daureve vagua gahigeiahe!<sup>14</sup>Eraga! daka nega abiga -gahigava yai gasina ororovara. Daka beta isuke be ya mohigeige badivara daka beta yai kohuva idigeisa rome daki. Daka yai gaharahe daki vima. Badivara momona yabera beta yau iahuve yaue kikivara. Eduge, iahu yabena momona yaue bougisa.<sup>15</sup>Daka hegiri ruta mohi mohivara renu yai horu dainehe mohi mimivara. Di hegirive yai rahogoige, Da mage gahigevene avie goigovanu?<sup>16</sup>Eduge one vivive dainehe, daka ya korahi gahigeige veitera. Eduge da anagevare ra dadaga dainehe, dakena yai vagava nune nuneve ya behugeisa.<sup>17</sup>Ai magevena

dakena manu da koita be so besugane dainehe?<sup>18</sup>Titus daki hero gahima auka yai gasina otisa, ogo nana be berutagera gera daki e besugisa. Titus na yai mageve manu? Nona beta horu kobabe rutagena no oginu? Nona beta oginu vasi datage kobuga ei?<sup>19</sup>Yai ananavena orogi ate negu noka aigera noki hata ragoha? Yai ananavena Dirava vairenehe gena no Keriso gare ragoha, renu yai bouge yaka hero misa, daiuhe ya.<sup>20</sup>Sigoime daki da negu orogare dana negu ya behugei gevanu dana anavare nagate. Sigoime daki yaka mina beta negu ya anvare nagate da eraravara. Sigoime daki namina gava, mama gava, barakou ho uhura, bebe daure gahi geige veite maguri, daure gava ya, uhu muduka, bebe besibe gahigei, renu guragu mage veite.<sup>21</sup>Sigoime daki, da negu goiragi orogare, di Diravave ra di uhure mage gahigavara yai vairenehe. Sigoime daki, daka negu huhu naginavara, urugoi dadaga gahi daure kine koitava yau, yauka yau uhure isage gahigeige veitera renu ni muduka maguriva renu yau maguri haira veite kiare uhurahe.

**13** <sup>1</sup>Nega abiga-gahigahiva, daki ai gasina orogima."Iaga au bouge varavare ra ava abu se ava abiga-geraki riaga gaha. <sup>2</sup>Dakamu subuta daure kiego koitava kirogevenu renu renu aubougi gainage, da nega abu gahigava yau gasina otinei, renu gaitanage daki mati roma: Da gaitana oroge-ge, daka beta ena erageige vara.<sup>3</sup>Enakime daki roma badivara yaka da riaga gahiga veitera Keriso ra di maguri vehe uhurahe gera. Auka beta hero veitera oti yai. Eduge, auka hero hereavera yai magurive uhura.<sup>4</sup>Badivara auka huhu uhurahegera yauki gamanu, eduge aukamu magurivi goiraganu Dirava hedoke uhurahe. Badivara noka gainage hero veitera auruta, eduge noka auruta maguri ragohira vara Dirava hedoke dainehe. <sup>5</sup>Yavahu ya erageiyahe, yana gabidadama renu. Yavahu ya tohoge yahe. Yana yavahu regunaki ya erageige veitenu, Keriso Iesu ramu e yai uhura?--veite goiege, riaga, yakamu tohotoho ei dede ragohanu.<sup>6</sup>Anana vime daki yana so dibana gahare noka tohotoho ei dede ragohira veitera.<sup>7</sup>Eige noka Dirava gasina imimi ragohira vara, yaka beta daure be kisa. Beta da onaki roiare dainehe noka rosa, nokamu tohotoho uhura siri ragohira veitera. Eduge, imimi vima dakivima yaka guma mageva ogisa, eduge erara vagava ramu noka tohotoho ei dede ragohanu.<sup>8</sup>Badivara noka beta iagabe riaga uhura inai gahigavara, eduge riaga uhurahegu gena, nona kisa.<sup>9</sup>Badivara noka hegiri ragohira vara ni isukehe uhura renu yai herovehe. Imimi vara noki ragoha yaka yai maguri vera uhubage goisa. <sup>10</sup>Leta ora daki toreima daka beta ya ruta gera Badivara da ya ruta goiege, daka betaya ga berebe gahigei gevara, di hedoke uhura--Rohi Bauge da moimane daka ya hero gahigeisa, renu beta ya rabura gahi geisa.<sup>11</sup>Basubasu va, di ogo nanuhey, hegiri ragohiahe! Maguri mage dainehe me kiego, uhu berebe kisa, uhu anana kobabe, mai uhura maguri ragohisa. Renu Dirava mageve renu mai veramu ya ruta goisa. <sup>12</sup>Bebe eragei horu aena anoano ragohisa. Dirava horu aena koitatuhe aubougi ya mage gahigeisa.<sup>13</sup>Rohi Bauge Iesu Keriso haire, Dirava mageve, renu Horu Aena yai bouge ya ruta goisa.

## Galatians

**1** <sup>1</sup>Paulo, Rohi Bauge besubesu koita - beta koita besubesu koita vara se koita gauge orogani koita edube ni Rohi Bauge moe Iesu Keriso mati ni Rohi Bauge unuhu raki au moe hogeve maguri moimanu - <sup>2</sup>mati Paulo ogo nanuhey ti ogova uhurahe.<sup>3</sup>Mage ti yai bouge mati guragu mage ni mame Rohi Bauge gasina mati au moe Iesu Keriso, <sup>4</sup>uhunu raki ni daureve dainehe hoge raganu ge auma no maguri geisa, maguri daure o uhurahe, au gaharahe viare ia ganiva, <sup>5</sup>au gasina negu oti behibehi. Auka menu<sup>6</sup>Daka gauragima ya vaina Iesu ga rehe anigoima dakamu. Dakamu gauragima yaki mati ga nune ihima, <sup>7</sup>beta ga nune riaga eduge koita be yabaki yai gasina Keriso gare mati nune gahima.<sup>8</sup>Eduge no se aneru be vava seni ai gasina hari nune morogisa, auma daure misa. <sup>9</sup>No subuta roege, da mati negu roma, "Koita be ai gasina ga nune morogisa roege, auma daure misa". <sup>10</sup>Negu daka Koita se Rohi Bauge mageve maka misa? Koita yaba di mageve rosa se? Dana Koita gaharahe viare yau soruke mage gahigeisa, daka beta Keriso besubesu koita.<sup>11</sup>E daine di ogo nanuhey, hari mage ora beta Koita ga rera. <sup>12</sup>Ga ora beta Koita be gasina daki manu, se Koita be raki da uhuaka va da kironu. Ga ora Iesu Keriso raki da moimanu au uhu anana aena uhurahe.<sup>13</sup>Yaki di subuta maguri Judaism uhurahe ge, yaka riaga gahisa veite, daka ge Rohi Bauge me mageve vata o ada sebose koita vara. <sup>14</sup>Di uhu anana Judaism uhurahe bina otito herea vanu, di ogo nana yau tanahe, era di maguri di mamuhey subuta maguri va, maguri vara.<sup>15</sup>Edube Rohi Bauge raki da di neine vagata uhurahe bina au mageve da moimanu, <sup>16</sup>auki au moe mageve di maguri uhurahe maemanu, ge daka Koita nune yau vagotone au ga re rosa, daka da gaharahe viare ra au Rohi Bauge ga beta di mamuhe au maguri ve uhurahe. <sup>17</sup>Jerusalem otito veite apostolo yau gasina. A daka Arabica mati Damascus otinu.<sup>18</sup>Tau abiga itaharahe daki Jerusalem otinu Cephas eragisa, ge daki au gasina vanu utube hakira adakasiva yaganu. <sup>19</sup>Daka apostolo be erara veite edube James gu daki eraganu, Iesu Keriso ogonana. <sup>20</sup>Daka yai ga maemanu, daka Rohi Bauge vagotoni roma, ora ga riaga vara.<sup>21</sup>Ora Syria mati Cilicia ogovaya ge daki so otima. <sup>22</sup>Judea Rohi Bauge koitatuhe ya, yauka so di dibane veite. <sup>23</sup>Yau dibane ra, "Koita ora subuta Rohi Bauge koitatuheya gahigeve koita vara. <sup>24</sup>Ge yauki yau bouge Rohi Boauge mage ga anu.

**2** <sup>1</sup>Tau utube hakira ababu itahe daki Jerusalem gadimi otinu Barnabas ruta, noki Tita tage mi oti no ruta. <sup>2</sup>Da gadimi otinu makavara Rohi Bauge hari mageve ti koita nune kiro gevenu. Da koita bauge geahu gaga gevenu, badiva iau ma dibana gahisa daka ga geige veitera.<sup>3</sup>Di bamode be, Tito auka Greek koitabera ata iau tene me yau au kinu. <sup>4</sup>Avanage ogonanaia beabaki vaho guma va vare ragohanu ni uhu anana mageve gahise roma Iesu uhurahe. Iau gaharavera noka yau besubesu koita rahohivara, <sup>5</sup>eduge noka rabura veite mati iau gare ihihhi veite, mati noka Rohi Bauge hari mageve gaharave a ruta usa.<sup>6</sup>Eduge koita bea ananave iauka rohi iabera, daka e anana veite. <sup>7</sup>Koita ia da eraganu negahe, daka Rohi Bauge ga magevedaki ata tene me iau mimi veite daki ga gahege, Peter tene me mim atavaea ga gahi gevenu geregereva. <sup>8</sup>Ni Rohi Bauge ki Peter uhure me gahege, Peter ki bina au apostolo me va ki ata tene me kime iau ada.<sup>9</sup>James,

Cephas mati Ioane, koita iabaki eragei bina dibana goinu iaukaki dubu kinu, dakamu dibana dibana goinu Rohi Baugemageve daka manu, mati iamu ada vamaga hedova Barnabas mati da moigevenu. Iau guma o kine dadiva re noka oti koita nune iau gasina mati oti koita tene me mine koitavaia gasina.<sup>10</sup> Koita iaba enaki ronua noma iaga veite koitavaea anageisa. Auka mati onaki ronua dakamu e daka anaima.<sup>11</sup> Cephas, Antioch orogane nagahe, auki Cephas vairanehe ura veite gahanu badiva iaukamu maga gahanu Cephas ra bina daure uhurahe.<sup>12</sup> Koita be abera James gasina iauki orogi Antioch uhurahe, Cephas ra koita nune ruta ge auki tamuta viege. Negu koita e kau rahogahanu, Cephas ra tamuta hadoko gahi, mati gehe otinu. Auki sigoi badiva koita be yabaki ata tene yau me kikedainehe.<sup>13</sup> Iudea koita orena va raki avanage koita ruta bou raganu, Barnabas tage iau ruta bou raganu.<sup>14</sup> Da koita eragevenu eduge iau karave beta mage mati Rohi Bauge ga ve mage gahiga veite, Daki bina Cephas boriti gahanu koita iau vagotone, "Aka Iudea koita eduge ai magurive eta koita nune beta Iudea koita nagate, orenaki a koita nune kirorovara auma Iudea koita uiare nagate usa?"<sup>15</sup> Noka vara ragohi Iudea koita beta koita nunemati kara daure kiogei koitavaea; <sup>16</sup>Noka dibana ra koita be ra beta yerivera ni me uhura eduge gabidadama Iesu Keriso uhurahe. No gainage Iesu Keriso ihe gabidadama negahe noka hero mimi au itahe ogi beta vatada o me, badiva vatada o me hero gahare negahe aka beta hero gogovara.<sup>17</sup> No so hero iagova Iesu Keriso ihe, no gainage mati daure koita yabara. Iesu na daure hegiri gahanuse? Veite makavara <sup>18</sup>Da negu di daure ve mati mi goiragi negahe daka bina mage veite. <sup>19</sup>Di daure dainehe daki huhu mima, edubege Rohi Bauge mageve daine daki maguri vima.<sup>20</sup> E dainehe beta daki uma, eduge Iesu Keriso raki da ruta uma. Negu maguriva da uare ora, gabidadama, daki uma Rohi Bauge moe, au da gahara viare au mageve uhurahe dainehe au magurive di daureve dainehe hogeraganu. <sup>21</sup>Daka ura veite Rohi Bauge mageve gahe maemi, koita be ia yarivera Rohi Bauge dainehe eduge beta ga magevara, Iesu Keriso hogevera maka veite ra.

### 3

<sup>1</sup>Uhuvaka veite! Unuhuna ia maba gahi gevenu? Iesu Keriso ramu koita iau vagotoni iauki mi idi sumanu. <sup>2</sup>Iaga kobuga ora daki ai eraganu: Ana ahata makia aena augena a Horu manu, se otuado a ihine a riaga gahanu? <sup>3</sup>Ana uhuvaka veitenu? Akamu Horu Aenave ge aki me manu, gerege aka ahata maka makava ki kosaisa? <sup>4</sup>Akamu iaga dadaga iau dainehe aki huhu nagima, riaga iaga be veite. <sup>5</sup>Auna Horu a moimi renu meva kima si vagotoni ena ahata maka aena, se au ihihive ihare? <sup>6</sup>Eige Aberahamo raki " Rohi Bauge riaga gahi renu iauki mage moimanu," <sup>7</sup>guma kobuga ei, anaisa, gerege, ogoreana ihihite iabara Aberahamo gamuhe iabara. <sup>8</sup>Eige buka ramu urigoi eragi Rohi Bauge ramu koita iau ihihive mage gahi, harimage urigoi Aberahamo gasina onaki rosa, "Aigera mata o inuhati iabera mage misa." <sup>9</sup>Gerege, iai ihihive ramu Aberahamo ihihite koita au nagate gasina. <sup>10</sup>Ogoreana ahata maka aenava uhura me miare, iabara ahata maka iera; eige onakime auki maemanu, " Koita inuhati gera daure uhure iau buka uhura aena maemane kiogei veite." <sup>11</sup>Negubutu gera bera Rohi Bauge vagotoni beta gagaeva ra, edube "mage gahe iabara au ihihive ge auna me miare ramu maguri visa." <sup>12</sup>Eduge aena vara beta ihihiva gera, eduge, "Koita be aena uhura me miare ramu maguri uhura guramisa." <sup>13</sup>Keriso ramu ra dainehe aenava raki manu, eige iauki maemanu, "Koita be idi debodde viare eramu daurte ra." <sup>14</sup>Eige Aberahamo mageve ramu itahe gurahare iau gasina otitoara, gerege ai ihihive nona Horu ominue gahare misa. <sup>15</sup>Di ogo nanuhea, da so ahata maka seni ga vima. Ahata maka meva, bera beta geahu maemare se adahe maemisa, eduge era iau aena kinera. <sup>16</sup>Eige ominue ro gevene iaukamu Aberahamo boriti gahanu mati iaukamu au koitatuhea. Auka roro veitte, "ora au koitatuhea iau," eramu Keriso ra. <sup>17</sup>Da onaki roiare makava ramu onu - Aena ora, tau tinahu ababu hakira utu-abigaga itahe, auki ominue Rohi Bauge urigoi kine mi geahu meamisa. <sup>18</sup>Eige au seni orogane aenava ramu, beta au ominue vane eige auki orogonu, eduge Rohi Bauge raki Aberahamo ominue gahi moimanu. <sup>19</sup>Gerege, negu aena e meva makavana otavado anu? Badiva iau adahe maemanu ra aena hosagane dainehe, eige Aberahamo koitatuhe ramu orogare iauni ge iauki ominue kine era. Aena oramu iauki mi aneru iau maemanu. <sup>20</sup>Negubutu me gahiga vara beta koita kobabera, eduge Rohi Bauge ra kobabera. <sup>21</sup>Eige aena ona Rohi Bauge ominue au besibe gahima? Veitera! Eduge negu aena ona di maguri gumagenu, gerege mage ramu riaga aena seni ge auki orogonu. <sup>22</sup>Eduge buka aenava raki daure inuhati gogohu gahi gevenu. Rohi Bauge raki guma o kinu gerege au ominue rone ramu no magurib gahigeisa ni ihihive Iesu Keriso uhura noma mi riaga gahare mohigeisa. <sup>23</sup>Nokamu ihihite so ororo veite, nokamu aena derikahe noki uiege, atege ihihiva raki yeriri goinu. <sup>24</sup>Eige aena raki no urigatugei atege Keriso raki oraganu, gerege ni ihihive ra no maguri gahigeisa. <sup>25</sup>Eduge ihihite ramu oraganu, eige no beta gogohu gera. <sup>26</sup>Badiva iaka iai bouge Rohi Bauge gamuhe iai ihihive Keriso Iesu uhura. <sup>27</sup>Iakamu Iesu ihehe iaki babatiso manu mati Keriso mi ogona nagate mi kinu. <sup>28</sup>Koitabera nune veite ana Iudea se Helena koita vanu, ana besubese se bia koita, ata se magi, eduge iaka iai bouge kobabe Keriso Iesu uhura. <sup>29</sup>Gerege ana Keriso ienu, aka Aberahamo vahie, renu au ominue gahane koita vara.

### 4

<sup>1</sup>Daka roma gami gamika vara, eduge auka besube koita nagatera auka iaga inuhati biavara. <sup>2</sup>Eduge auka nitabata gahare mati bia gahare gahava iau derikehe ge auka uma, ate au Mame vani roiare ei. <sup>3</sup>E dainehe no ni gami aviehe noka vata vadaka o magurihe noki uiege. <sup>4</sup>Eduge vani be oroganei Dirava raki au Moe besugi auki magi vagatanahe aena derikahe guruanu. <sup>5</sup>Au onakinera aena derikahe uiare maguir gahi gevare no idigei noka au gamuhe gahisa. <sup>6</sup>Iaka au gamuhe dainehe, Dirava raki au Moe Horuve besugi ni uhura, eraki to roma, "Di Mame, di Mame." <sup>7</sup>Eige aka beta besubese koita vara, edube aka au moera, eiger Rohi Bauge raki iaga inuhati a moimoara. <sup>8</sup>Eduge subuta ge aka Dirava dibane veite eige aki Dirava nune iau besube koitave goinu. <sup>9</sup>Negu ge aka Dirava dibanera, se akamu Dirava dibane goinu, edube orenaki

ge a mati hero veite renu maka veite iaganiva goinu. Ana mati iau aena derikehe gaitana me misa.<sup>10</sup> Akamu vani mati bata isage mati nega mati tau aki erageima!<sup>11</sup> Daka iai dainehe ge daka sigoima badiva di meve ia ruga ge ahake goima.<sup>12</sup> Di ogo nanuhea, imimi vara da nagate gahiahe, da tage ia nagate goinu, iaka da daure gahiga veitera.<sup>13</sup> Eduge iama dibana gahisa ahata maka dika dainehege ora di ganaive, daki hari mage iani mi oroganu.<sup>14</sup> Di ahata make dikave dainehe iaki da daure gahiga veite se da besibe gahiga veitera. Iai mageve da orogane ia gagae kine ramu erehuta daka Dirava aneruve se Iesu Keriso nagate.<sup>15</sup> Mage bina orei genu? Daki ia boriti gahigeima edubena ia, iai nie dari gevare idigi da moimanu.<sup>16</sup> Ga riaga ia boriti gahigevene dainehe ia bina da inara gaha?<sup>17</sup> Koita vire iai gaharahe ragohare iaka iau kasihegahisa maka mage ve veite. Iauka ia bakugevege iaka iau gahra ragohisa.<sup>18</sup> Taga mage dainehe ia uhukorahi ragoharera magera beta da ia ruta uiera ei.<sup>19</sup> Di gamuhea detu magi nagate dana huhu nagisa ate Keriso iaia gagae goiare ei.<sup>20</sup> Da gaharahe vara ia ganivara dana so ia ruta goiar, di eraravage nune gahare, iai dainehe tage daki uhukorahi vima.<sup>21</sup> Da boriti gahiahe iana aena derikahu usa romena ia, iana aena gava ihihi veitenu.<sup>22</sup> Ga aena vara roma Aberahamo gamuhea abu, bera au besubesu magiva gei auki guruuanu, bera au magi riaga ge auki guruuanu.<sup>23</sup> Besubesu magi va moe ra ahatamakava ge auki guruuanu.<sup>24</sup> Iaga o noma anai mage gahis. Magi o iabara iaga abu iauki gagae koigevenu, bera sinai nimu magivara eige au gamuhea iabara besubesu gahavaia era Hagar.<sup>25</sup> Hagar ra Sianai nimu Arabi uhura mati negu tau o Ieruselema va ihehe ge auki gaage goinu, au gamuhe iau vagahe mati iau ruta ge auna besubesu meva kisa.<sup>26</sup> Vava uiare Ieruselema vara magera, auka ni neinera.<sup>27</sup> Ga aena va ramu ronu. Hegiri, ragohiare gamika veite magivaia. Itakumu, nigo rahi, bara rahi, hegiri ragohiare badinavara iaka beta gamimi huh be ragira vara, oro magiva gamikavara dadaga vara, a magi mobote gamika dadaga veite.<sup>28</sup> Di ogonanuhe iaka Isako nagate, ominuo uhura gamiva iabara.<sup>29</sup> Vani eige ahatamakava guruane raki Horu aena uhura guruane daure gahanu, negubutu maguri ragare nagate.<sup>30</sup> Eduge Buka aena negubutu esegena au roma? Besubesu magi e mati au moe iabara gahe ote besubesu magi e moe ra beta negu magi mobore moe mageve mimivara.<sup>31</sup> Di ogonahuea e dainehe noka beta besubesu magi e gamuhe iabara noka magi mobore iabara

5<sup>1</sup> Magera, Keriso raki noni mi oroganu, ama rami berebe visa.<sup>2</sup> Da Paulo, daki ia kirogevenu ia ata tene meve uhura siri ragohege, Keriso ra beta ia mage gahigei gevana.<sup>3</sup> Daki goutama ia tohogeima, unuhuna ata iau tene mevebe sirivima, ama dibanagoisa, aka aena uhurahe gera.<sup>4</sup> Aka Keriso gasina gera veitera, aka aena vana a misa; aka beta mage eraravara.<sup>5</sup> Eige, Horu aena renu gabidadama vagera, noki maguri mage riaga gahera ragoha.<sup>6</sup> Keriso Iesu koitatuhe bona ata iau tene meve manu se veitenu, era beta iaga bera, gabidadama renu mage uhurahegera.<sup>7</sup> Aka otito magevana aki viege. Unuhuna ai ga ihihi mageve daure gahanu? <sup>8</sup> Ai ga ihihive daure goinera beta a ihiromene ge auki oroganu.<sup>9</sup> Testi tinabe raki parao bega e raho gahanu.<sup>10</sup> Daka, ni Rohite, daki riaga gahima aka beta ni nunebe mati kikkivara, unuhuna isuke o moimima auka daureve isukeva mimivara, auna unuhunu?<sup>11</sup> Di sokuhea, dana dagedage gena da ata iau tene meve riagahima, otado be dainehe iau dagedage da daure gaha? Emakavara, Satauro me isuke gahare iaganiva veitera.<sup>12</sup> A, ogore iabanu a korahigaha, imimi daki vima iauna so iauahu daure uhura siri ragohare.<sup>13</sup> Iaka mage e uhurahegera iaki oroganu, di sokuhea. Eduge, ianegu mageemi daure kime, iama bu emi bebe mage gahigeisa.<sup>14</sup> Eduge, ia bebe daure gahi geima, iama orogi mage gahisa, beanegu ia tara geima.<sup>15</sup> Eduge daki roma, Horu aena rutagera ana ogisa, aka beta daure uhura sirisivara.<sup>16</sup> Maguri daure vara Horu aena besibe gahime auka, e geregereva Horu aena tage maguri daure besibe gahime auki. Abu rutagera inai uhurahegera, eige aka beta ai meve kikiimage gahiga vara.<sup>17</sup> Eduge, a Horu aena uhurahe goiege, aka beta aena derikehegera.<sup>18</sup> Guma daure mevera yariri vera, magi renu ata iagia guma daurea, uhu vaidibu, vadibu mevaia.<sup>19</sup> Muni, Idi rahi gahigeva, goto riaga gahigeve, kohu daure kamugeve, isuke uhura via, bebe mama gahiyega, hogahi ga raho se ga berebe ragoha, bebe daure gahigeva, hogahi gabubeauota, bebe kasagei,<sup>21</sup> bebe yariri veite, gadiki daure vare, uhurahe hegiri ragohi, guma daure onaki kia. Dakamu subuta aki ronu gaitanagedaki o mati aki roma, ogore iabanu onaki maguri daure o kia, maguri ora beta no idigei Basileiava ni idigei otito magurivara.<sup>22</sup> Eduge, Horu aena uhurahegera mage, hegiri, uhu mage, iahe iahe, be be haire, gabidadama ma,<sup>23</sup> uhu manada, uhu berebe; maguri onavivi uhurahegera, aenavara veitera.<sup>24</sup> Ogere iabana Keriso Iesu ruta, Iau daureve iabara Keriso Iesu hogeraganei, daure e aubougi sebogevenu.<sup>25</sup> No, Horu aena ruat maguri ragohege noma mati au ruta ogisa.<sup>26</sup> No negu, uhu daure uhura maguri ragohime, bebe daure gahigeima ni uhu ananavehe se ni garehe.

6<sup>1</sup> Horu aena guma va ogiare koita mu vaina guma daure o giare koita va yahegeisa guma mageva. Eduge ama a tage ai horuve kamuisa.<sup>2</sup> Yama bebe yau isuke me gahisa Iesu Keriso aena he.<sup>3</sup> Koita be avahu au ihe mi auhe maemare koita vara avahu ge auki ai daure gahima.<sup>4</sup> Noma kobakoba ni meve eragisa, beta koita yau anana he.<sup>5</sup> Eige aka avahu ai isuke mimi vara.<sup>6</sup> Negu hari mage mare koita auma mati hari mage morogi koita mage kisa.<sup>7</sup> A negu Rohi Bauge rokoru gahime, aka daure va mimi vara.<sup>8</sup> Daure iaga begare koita vara mati daure va mimivara, a mage iaga begare koita vara mati Horu aena uhurahe mage mimi vara.<sup>9</sup> Noma Horu aena guma mage va me misa eige nona au Horu aena roare vanihe maka misa.<sup>10</sup> Eige noma bebe ruta me mage ragisa mati koita au bouge vagahe ga geisa, mati Rohi Bauge me kiare gahava gaita ge.<sup>11</sup> Ga raho vage dako di adahe ga o maemina.<sup>12</sup> Itahe gahava be a bera guma nune vage yauki Horu aena me daure gaha.<sup>13</sup> Eduge yauka beta Horu aena gare tage regunaki me gahiga vara.<sup>14</sup> Daka beta ga nune roro vara, eduge Iesu Keriso satauro uge dana gava rosa, au mageve mati au hedoke.<sup>15</sup> Rohi Bauge guma mageva Horu aena no mohigevenu ki iaga bouge yaheyahe no mohigei vara.<sup>16</sup> Ana unuhu a Iesu Keriso guma mageve uma mage bu megaha, Horu aena me mageve mi a mati Isaraela yau koita tueya.<sup>17</sup> Iesu Keriso ra da ruta eige be ra beta da daure gahigavara.<sup>18</sup> Di koita tueya Iesu Keriso mageve ai Horu aena ve ruta u mati a mage gahisa.

# Ephesians

## 1

<sup>1</sup>Paulo, Iesu Keriso Apostolo ve Dirava gahara vane dainehe, Dirava aena koitatuhe Efeso uhurahe, Iesu Keriso gabidadama gahare koita va yau. <sup>2</sup>Hegiri oti yai renu Dirava ni Mame renu ni Rohive Iesu Keriso mageve ni ada. <sup>3</sup>Noma ni Dirava te renu ni Rohi bauge te Iesu Keriso mage gahigeisa, yaukaki no mage hagi gevenu Horu maguri mageve Eige noka Keriso ihehe vava guragu mage ragohisa. <sup>4</sup>Dirava raki no ihiro gevenu mata o uhurahe seni, noka aenava maguri ragohisa renu daure veite gahisa au vago tonehe mage uhura. <sup>5</sup>Dirava ra subutage auki no idigevenu noka au gamuhe gahisa Iesu Keriso ihehe, au haire uhurahe renu era au gahara vare era. <sup>6</sup>No au gamuha ragohane ra era au haire uhurahe gera era damuna veitera auki no mohigevenu au hegiri koita tehe. <sup>7</sup>Iesu Keriso uhurahe gera noki maguri ragohanu au taokehe uhurahe renu ni daureve ya kokigevenu. <sup>8</sup>Au magevera auki raho gahanu uhuvaka aubougi renu uhu baoba uhura. <sup>9</sup>Dirava raki no kirogevenu au norena gahara vare, au gahara varera Keriso maguri vehege auki havara gahanu, <sup>10</sup>gumavate ra maguri uhubage dainehe, iaga aubouge mi orogi kobuga gahisa, va uhura iaganiva aubougi renu mata ada, bia Kobabe derikehe, Keriso tage. <sup>11</sup>Keriso uhure hege noki ihi te gahanu, eige auki ni gumage mage gahanu, au anavane uhurahe meva n9ka aubougi kisa au gahara vare gumavahe. <sup>12</sup>Dirava ramu no idigevenu noka aue gahisa gera, eige noka urugahi Keriso mageve misa, au haire uhu rehe. <sup>13</sup>Atage Keriso uhurehe gera, a urugoi au gare riaga ve ihinei, era ai maguri garera, akamu riaga gahanu, renu Horu aena varamu riaga gahahu, hedo uhura Horu aena ruta. <sup>14</sup>uhuhuna ni guraguve Horu aena ruta, riaga gahima ate Horu aena orogare i, orogi hegire rago hiahe au mageve dainehe. <sup>15</sup>E daineheg, da ai gabidadamave Iesu Keriso renu ai mageve uhurehe eraga nei Dirava aena koita tuhe yau, <sup>16</sup>Daka dage dage Dirava mage gahiga vara di imimi vehe ai ihe rorovara. <sup>17</sup>Imimi vara daki vima ni Rohite Mame, mage yau Biage, aukena uhuvaka renu iyaga isage orogare uhuvaka a moimisa. <sup>18</sup>Imimi vara daki vima ai soruke eragare ramu mage goisa, renu aka dibana goisa au a ihi romene makava renu au haire miare gahava yabera Dirava aena koitatuhe yabera. <sup>19</sup>Di imimi vehege daki aki ronu aka au hedoke dibana goisa bera beta soiso vara, no au riaga gahare gahava yau, no au meve kiare uhurahe. <sup>20</sup>Hedo kobuga eige auki Keriso hoge uhura maguri gahi goiragane auki mi au vamaage maemanu va guragu mata vahe. <sup>21</sup>Keriso mime auki aena renu hedo aubougi variadahe maemanu renu ihi aubougi yau variada maemanu. Keriso ra bia goigo vara goigo vara negu tau oi renu oti behi behi. <sup>22</sup>Dirava raki iaga aubougi Keriso vasi derikehe maemanu renu mi dubu moimanu auka iaga aubougi omo kouka vara. <sup>23</sup>Dubu ra au ahata makera uhugati gera auka iaga aubougi uhu rahe gera.

## 2

<sup>1</sup>Eduge a, aka ai daure ve uhurahege aki hoge raganu, akamu ei oginu, <sup>2</sup>mata o daure va uhurahe. Aka va bia yau maguri vehege aki maguri viege, sua daure momona yau uhurehe me miege nagate. <sup>3</sup>Nokamu koita o yau ruga uiege, ahata maka daure maguri va renu yau daure meve tage kiege, uhu daureva ruta. Noka mata o maguri daure gamikava yabera, koitava yau nagate. <sup>4</sup>Eduge Dirava ra vagahu tera au mageve dainehege auki no mage gahi gevenu. <sup>5</sup>No so ni daure ve yau uhurehe uiege, Keriso uhurehege auki no bou gevenu-au mage vehege aki maguri manu. <sup>6</sup>Dairava raki bada Keriso rute no yage gevenu, renu no bougevenu Keriso Iesu va uhura ogo mageva uhurahe. <sup>7</sup>eige vahigu vata orogarei, auka dahida veite mageva no kirogeisa era au haire uhurahe gera, Keriso Iesu dainehe. <sup>8</sup>Mage uhu rahegera aki maguri manu gabidadama uhura, beta ai seni ge auki oroganu, era Dirava mage vera, <sup>9</sup>beta me be kine dainehe gera, eige be negu gava gime. <sup>10</sup>Badi vara noka Dirava me koita tuhe yabara, noka Iesu Keriso nagatera noka me mage kisa Dirava subuta noni anavane era, eige nona me misa. <sup>11</sup>Eige ama anaisa, akamu ahata makava maguri veige. Ai gera auki roege "peritome veite" koita vara, "peritome" vara ada seni yau kia. <sup>12</sup>Nega eiger auki Keriso dibane veitera, aka koita nune vara beta Isaraela koita vara, aka dibana veite ominue makava, uhu anana mage vara aigera veitera renu Dirava ra mata oi ai gera veitera. <sup>13</sup>Eduge negubutu Keriso Iesu uhura, subuta gera aka Dirava dibane veitera eduge akamu o oroganu Keriso taoke dainehe. <sup>14</sup>Badivara auka ni mai vera, eige auki no kobuga gahi gevenu. Au ahata makehe gera auki ga'a maguri daure habava hosaganu. <sup>15</sup>Aena vara auki maemanu renu guma mage gava tagera, eige koita abu au uhurehe gena koita bena orogisa, rogi mai kisa. <sup>16</sup>Keriso mageve uhurahege auki idigei orogi Dirava gasina kobuga gahi geima Satauro va, ga'a maguri daure va hoekanu. <sup>17</sup>Iesu raki hari mage mi oroganu koita gamanahu uiare yau renu ai renu gaikahe uiare yau. <sup>18</sup>Badivara Iesu uhurehege noki gumate gahanu, noka sua kobabei uhurehe otisa ni Mame gasina. <sup>19</sup>Eige, ya itahe gahava yabera beta ogo nune gahava yabera renu beta ni dibane veite gahava yabera. Eduge yaka no ruta gera Dirava aena koita tuhe yabera renu Dirava iaga koita tuhe yabera. <sup>20</sup>Yaka Apostolo renu proveta yau ihe hege yaki raha renu Keriso Iesu ra yai muni vera. <sup>21</sup>Adahe gera yaga uhubage vara renu eiger auki varai gadi mima aena dubu va ni Rohite uhura. <sup>22</sup>Atagera au uhurehe gera aki bada varai gadimanu Dirava guragu gabune dainehe Sua uhura.

**3** <sup>1</sup>E dainehege da, Paulo, Keriso maguvehe uiare, Iesu yai iatahe koita va- <sup>2</sup>Daka dibana ra yakamu ihinu Dirava me mageve da mane ra yai dainehe gera. <sup>3</sup>Norena iaganiva dakamu o bina dibana goinu, dakamu vanehe tinabe idi vadaka maemanu, <sup>4</sup>A dahege, ana dibana goisa di norena uhu ananave Keriso dainehe. <sup>5</sup>Tau be yau uhurehe gera norena iaga ora, yauka ata yau gamuhe gamiva ki rogeige veitera. Eduge negu gera Sua raki apostolo renu proveta gaha ki rogevenu. <sup>6</sup>Itahe gahava yabera ni sokuhe yabera, renu noka ahata maka kobuga e gahava yabera, <sup>7</sup>renu yauka no ruta gera, ominu

kobuga e Keriso Iesu Hari mageve e uhu rahe gera.<sup>8</sup>Orogi dai-daka Dirava aena koita ve yau dokonera-mage ora, itahe gahava kirogei gevara Keriso mage vera beta yagoya vara<sup>9</sup>renu koita yabemu dibana gahisa anavane na otadovanu-Dirava gasina uiege tau esebu, au akaki iaga aubougi kinu.<sup>10</sup>Uhu anana ora dubu uhu rahe gera yauki ronu eige bia ya renu hedo gahava ya, va uhura uiare yabemu orogi Dirava uhu vake guma nune nune uhurava dibana gahisa.<sup>11</sup>Au onaki vara vane maka vara, uhu anana era behi behi ve goigo vara Keriso Iesu ni Rohite uhurahe gera.<sup>12</sup>Keriso uhu rahe gera noki uhu berebe renu gumava raki bao raganu, renu noki herote gahanu ni gabidadamave dainehe au uhura.<sup>13</sup>E dainehege daki aki roma a negu rabura goime di isukeva ai dainehe, era ai haire ra.<sup>14</sup>E dainehege daki di komukone kumu gevenu ni Mame he seni,<sup>15</sup>au senige bese aubougi, va uhura renu mata o ada yabeki ihite gahanu.<sup>16</sup>Imimi vara daki vima auka a riaga gahisa, au haire mudago uhurahe, aka herote goisa au Horu ve uhurahe, auka ai uhurehe gera.<sup>17</sup>Imimi vara daki vima Keriso ra yai uhurehe usa, yai gabidadama vehe renu yaka au umuke gahisa renu au mageve uhurehe ge yauna ya behu geisa,<sup>18</sup>eige yana dibana gahisa, Dirava aena koita tuhe ruga, otadovanu gamana vanu, renu egenu, renu auhe genu, renu dobuke,<sup>19</sup>yaka Keriso mageve, uhuvaka aubougi soiganu, renu eige aka Dirava uhugate dibana goisa.<sup>20</sup>Auka iaga aubougi kiki vara, nona imimi vana no ragohare se no anagevare, e aubougi gera au hedoke uhurahe gera, ni uhurehe,<sup>21</sup>au haire ra dubu uhurahe gera renu Keriso Iesu uhurehe gera rogi ni bouge noi tau aubougi negu oti behi behi. Amen.

#### 4

<sup>31</sup>Da, edainehe, ni Rohite magu ve uhurahe uiare koita va, daki a hero gahima ama ogigi mage visa au a ihiromene uhurahe.<sup>2</sup>Akera daki a hero gahima, ama ga ihisa renu tabe tabe ama ogisa renu uhu mage ruta bebe mage gahi geisa<sup>4</sup>Ahata maka vara kobabe ra renu horu tage kobabe ra, e dainehe atage ai toto vera kobabe ra uhu anana Kobabe uhurahe.<sup>5</sup>Renu Rohi ra kobabe ra, gabidadama vara kobabe, bapatiso tage kobabe ra,<sup>6</sup>renu Dirava ra Kobabe ra iaga aubougi yau Mame ra, auka iaga aubougi gera renu au senige aubougi geraki orogima renu iaga aubougi gera au uhurehe gera.<sup>7</sup>No kobakaba gera magetera nokamu manu Keriso no mohige vene gere gere vahe.<sup>8</sup>Ga aena rone nagate: " Au vava seni otine, idigevene koita va yabera auki bougevenu, renu auki mage mi koita mohi gevenu.<sup>9</sup>Maka vana otadovanu, "aukamu gadimanu," eduge aumu mati uguhi oroganu vata o ada? <sup>10</sup>Era aukaki uguhi oroganu koita kobuga eraki gadimanu, va vari ada renu iaga aubougi variada, eige auna iaga aubougi riaga gahisa.<sup>11</sup>Keriso raki be idi gevenu auka apostolo me kisa, be yabera peroveta me kisa, be yabera evanelia me kisa, renu be yabera horo koita renu uhuvaka gava me va kisa <sup>12</sup>Dirava koita tuhe yabera mu, yau meve dibana gahisa, eige yauma Keriso meve ki raho gahisa,<sup>13</sup>ate gabidadama va bebe bou geisa renu Dirava Moe nona regunaki au dibane gahisa, eige nona herote gahisa renu au orogane makava nona misa.<sup>14</sup>Keriso no Keriso gevare makavara noka beta momona nagate gahisa hurehure vara beta no kiragei oti orogisa, se no idigei gaise uhu anana nunenune boniva nagate renu se avanage koita va yabera no tara geisa.<sup>15</sup>Eduge ga riaga noma rosa geisa mage uhura, noka maguri ragohisa au uhura auka ni omo kouka vera, Keriso.<sup>16</sup>Keriso raki tabata maka uhugati yahe gima, no bougei no berebe gahi geima, eige ni ahata make bada me miare, ena ahata maka hero gahege auna mage uhura raho goisa.<sup>17</sup>Eige, daki enaki roma renu noka ena kisa Rohi meve uhura, iaka beta itahe gaha yau ogigi vehe ogisa, yau uhu anavane nagate he.<sup>18</sup>Yau uhu anana ve yabera vadibu uhu anana vara, beta Dirava maguri uhu rahegera badivara yau uhu berebeve dainehe gera, yau soruke yabera isukera.<sup>19</sup>Yau gera variva bera veitera renu yau uhure yabera berebe ra, yauka me daure va yauki kia yaheyahe be veite.<sup>20</sup>Era beta a Keriso dibane goine guma vara.<sup>21</sup>Daka dibana ra, akamu ihinu auna unuhunu, au seni gera aki uhu vakate goinu, riaga vara Keriso aukaki.<sup>22</sup>Akera yauki aki ronu aka ai subuta maguri ve garemisa, ata emene eramu veite goisa. Ata emene e eraki daure mi orogima au uhu anana daure ve dainehe.<sup>23</sup>Yakera auki ya uhu vaka gahige venu yai uhu anava vehe,<sup>24</sup>renu yakamu bina koita isage gahanu, Dirava erara vage nagate- mage riaga va uhurahe renu aena riagahu.<sup>25</sup>E dainehe, avanage aubougi garegeve, ga riaga ro geiahe yai sokuhe ruga, noka koita kobuga e yabera.<sup>26</sup>Aka ho goigo vara eduge Anegu daure kime. Vani negu uguhime ai daure ve ruta.<sup>27</sup>A negu diaboloo guma be moimi me.<sup>28</sup>Vaho vege koita negu vaho goiragi me. Eduge auma me isuke kisa, au ade ramu mirote goisa, eige auna iaga veite koita va ya be yahe geisa.<sup>29</sup>A negu ga daure be rome. Ga magegu ro geisa koita yahe geige gava ya, ai gare ihare koitava yaberamu hegiri ragohisa.<sup>30</sup>A negu Dirava Horu Aena ve daure gahime, badivara au dainehege ana mage misa maguri mimi vaniva orogare ei.<sup>31</sup>Ho gavaya, uhu gariri, ho kava, bebe nami geige, renu ava daure, renu iaga daure aubougi gare geisa.

#### 5

<sup>1</sup>Eige Dirava toho giahe, momona mage nagate ya.<sup>2</sup>Mage uhura yama ogisa, Keriso no mage gahi gevene nagate renu au huhu naganu ni dainehe nagate, Guti mage nagate mati huhu naganu Dirava mage gahisa ni dainehe.<sup>3</sup>Eduge ahata maka maguri daure va se guma daure maguri vava mati yavahu tamuta ragohare maguri vava au negu yai ihe goime, badi vara era daure ra Dirava aena gahatuha yau.<sup>4</sup>Daure be negu varaima, uhu vaka veite gavara veitera, renu eha yaheya vara veitera-e aubougera beta magera. Eduge bebe yahe geige guma vara magera.<sup>5</sup>Eige aka dibanara renu amu riaga gahanu ahata maka maguri vara daure ra, avahu tamuta vare koita va, era ni muduka koita vara-auka beta mage be mimi vara Keriso renu Dirava yau guragu mage matavahe,<sup>6</sup>Koita be negu a taragime ga maka veite yau, iaga ona vivi yau dainehege Dirava isuke ra ga ihahi veite gamiva yau ada ororo vara.<sup>7</sup>E dainehe Anegu yau ruga vasi kime.<sup>8</sup>Akamu subuta vadibu ura uiege, eduge aka negubutu Rohi abagavera. Abaga gami yau ogigi vehe ogi.<sup>9</sup>( abaga make ra mage aubougi uhurahe gera, dodihegera renu riagavara),<sup>10</sup> tohogare renu mi riaga gahisa Rohi mage gahare guma vahe.<sup>11</sup>Anegu make mage veite

vadibu uhura meva yau uhure sirivime, eduge mi gagae hakivisa.<sup>12</sup>Badivara, era varivatera, yau norena me kiare ro geisa.<sup>13</sup>Eduge iagabena abaga va horivanu, era noka erara vara. <sup>14</sup>Eige otadobena no eraganu era abaga vara, " Anegu gagime, urima, renu hoge va urima eige Keriso abagena ai ada orogisa."<sup>15</sup>A ogiare eragi mage gahisa-beta uhu vaka veite koita be nagate eduge uhu vakate koita be nagate. <sup>16</sup>Vani orogare eragi mage gahisa badi vara ora vani daure uhurahe ge noki uya, eduge Rohi mageve noma dibana gahisa.<sup>18</sup>Anegu muraka daure mime, era daure mi ororo vara. Eduge Horu Aena varamu a tobogahisa.,<sup>19</sup>bebe ga gageisa ga mageva renu nogova, renu aena nogo ro geisa renu hegiri ragohisa ni Rohite au seni, ni uhure aubougi ruta. <sup>20</sup>vani aubougi mage gahisa iaga aubougi dainehe, ni Rohite Iesu Keriso oti Dirava ni Mame au ihehe, <sup>21</sup>bebe yau dainehe noka Keriso matau gahisa.<sup>22</sup>Magia, yai moboruhe yau gare yama ihisa, ya ni Rohite gare ihare nagate. <sup>23</sup>Ata ra magi biagera, e nagate Keriso ra dubu biavara , mati ni ahata make maguri vara. <sup>24</sup>Eduge dubu ra Keriso ie dainehe magi biagera atara iaga aubouge uhurahe.<sup>25</sup>Ata ya, yai mabaruhe mage gahi geisa, Keriso dubu gahara vare nagate renu au avahu auki aumi dubu ni kinu <sup>26</sup>eige auka dubu aena gahiga vara, auka dubu reguisa eiava renu au garehe, <sup>27</sup>auma dubu mi au hegiri iagahe otisa, momo veite renu beta muku muku ve se enaki iage be uhurahe, eduge aena renu daure be veite uhurahe.<sup>28</sup>Guma kobuga ei ata yaberamu, yau mabaruhe mage gahi geisa yau yavahu yau ahata maka mage gahare nagate. Ata bena au mabare mage gahare nagate au avahu au mage gahare, nagate ra. <sup>29</sup>Badivara koita bera beta avahu au ahata maka daure gahi gavara, eduge akamu reguvare renu narivi mage gahima, Keriso dubu mage gahare nagate, <sup>30</sup>badivara noka au ahata make gahava yabera.<sup>31</sup>" E dainehe, atabe ra au mame renu au neine garegei oti au mabare mimivara, eige yauka yau abu kobabe gahi gavara. " <sup>32</sup>Ora ga riaga vara-eduge daka Keriso renu dubu ra, daki gava vima. <sup>33</sup>Eige, ya gainage, koba koba yama yai mabaruhe mage gahi geisa, ya yavahu yai mage miare nagate, renu magi ramu au mobore matau gahisa.

**6** 1 Momona ya, yai iahuve yau gare ihisa ni Rohite uhurahe. 2 " Ai Mame renu au neine " ( Era urugoi ga ihisi vara ominue tera), 3 " Eige ana mage misa renu aka maguri gamana visa mata uhura."4 Mama ya, ya negu yai gamuhe namina daure gahigeime, uhu huhu ruta. Eduge, yama regugeisa maguri ga berebe ruta renu ni Rohite yahe yahe gava yau.5 Me'e kiare gahava, yai biaguhe yau gare yama ihisa ahata maka maguriva, renu matau ragohisa sigo ruta, yai uhu vake riagava uhurehe. Yama yau gare ihisa ya Keriso gare ihare nagate. 6 Yai biaguhe yau gare yama ihisa, eige yauka hegiri ragohisa. Eduge, yama yau gare ihigeisa Keriso meve kiare gahava ya nagate, Dirava gahara vare gahava ya, yau uhure aubougi kiare nagate. 7 Yama mage gahigeisa yai uhure aubougi ruta, ya ni Rohite meve kiare nagate beta koita nubage yau meve kiare nagate, 8 badivara noka dibanara unuhuna mage be kinu, auka mage be mimivara ni Rohite seni, auna me'e kiare koitavana se auna daure veitenu.9 Bia ya, me'e kiare gahava yama mage gahigeisa guma kobuga ei. Ya negu sigo gava yau rome. Aka dibana ra, unuhuna yau e renu a, yai Biage vava uiare, auka beta beiseni otito vara.10 Orogia ate basubasu va, ni Rohite ihehe ama ramisa renu ama hero kisa au hedoke uhurehe. 11 Dirava ga ogonave ki, eige ana rami hero misa aka beta diabololo avanage mevahe sigora.13 12 Eige ni isuke ra beta ahata maka se tago uhurahe gera, eduge mata o biava yau ruta gera, se hedo biava yau ruta gera, se negu nega o vadibu meva ruta gera, se sua daure va uhura yau gera. 13 Eige, Dirava ga'a kohuve aubougi, ama kisa, eige aka herote goigo vara, renu aka negubutu vani daure o maguri va uhurehe, aka herote ra, ai ramira ve berebe ve dainehe.14 Ama ramisa, negokehe gote ragohare nagate, renu ai kemenehe mage riaga maemisa, 15 renu, ai vasehe ama vaina mai ga mi ogisa. 16 laga aubougi uhurahe gabidadama varamu ai yahe yahe goisa, eige ana daure kiare koita va au vaiga daure kiravare baku geisa.17 Maguri omo bakubava ama kisa renu Sua vaiga ve ama misa, era Dirava gare ra. 18 Imimi aubougi renu a berabe viege, ama nega aubougi imimi visa Sua uhurehe. Orogia oi besubesu va, ama niga niga mage visa renu uhu anana mageva va ruta a imimi visa Dirava aena koita tuhe yau dainehe.19 Renu, ama di ada imimi visa, ga mage beramu di gasina orogisa, da di avage baovege. Imimi viege dama hari mage koita ya dibana veite rosa, ava raho ruta. 20 Hari mage dainehe gera, yauki di ade raro gevenu, eige daka ava raho ruta roro vara, da gava roege.21 Tasiu, gami mage vara, renu ni Rohite besube gami vera, aukena ma, iaga aubougi ro geisa, eige yana dibana gahisa, dana otado vanu da kima. 22 Da yai besugane, makava riaga varamu onu, yaka dibana gahisa nona orena kimena no uia, eige auna yai soruke berebe gahi geisa.23 Mai mage ni sokuhe yau, renu mage gabidadama ruta, ni Dirava ve renu ni Rohite Iesu Keriso au seni, orogia noi. 24 Hegiri rago hiahe yai bouge, ya ni Rohite Keriso Iesu mage gahare gahava ya beta uhu daure ruta.

## Philippians

### 1

<sup>1</sup>Paulo renu Timoty, Iesu Keriso besube koitatuheya, Rohi Bauge koitatuheya yai bouge, Pilipi ogova seni,yai biaguhe renu Diakono ve ruga. <sup>2</sup>Mage renu mai yai ada ni Rohi Bauge renu Ni Rohite Iesu Keriso oti yai.<sup>3</sup>Di Rohi Baugeve daki mage gahima, da vani aubouge a anavare uhurahe, <sup>4</sup>Yai bouge yai dainehe daki ya anageima, hegiri ruta <sup>5</sup>yai vasi mageve hari mage uhura vani urugoi ei ate negu. <sup>6</sup>Di uhurera magera me o dainehe, unuhuna me mage o kinu ai uhurehe , me vara ti riga goigovara ate Iesu Keriso vanive orogarei.<sup>7</sup>Ora dodihegera di uhu ananave yai bouge yai badivara yaka yai bouge di soruke hegera. Yai bougera di sokuhe yabara mage uhura, di vadibu iaga uvehe renu hari mage riaga gahigava. <sup>8</sup>Rohi Baugeraki da riaga gahanu, da yai bouge yai gahara vare Iesu Keriso vagahuve uhurahe.<sup>9</sup>Eige, ora di imimi vera: Yai mageve mati uhuvaka varamu rahogoisa <sup>10</sup>eige iama dibana otadona magenu, ge iama maguri mage mati ia negu bebe sine kima ti ni Keriso vani vehe, <sup>11</sup>iama yai uhure toboke gahigeisa idi tahaka mage nagate, au ororo vera Iesu Keriso mageve mati au mage gahiga ge orogima.<sup>12</sup>Di ogonanuhe, di gahara vera iaka dibana goisa, otado na di gasina varai

vanu ra hari mage dainehe. <sup>13</sup>Eige, di seini Keriso uhurahe ra abaga mage morogonu palasi gadi mati koita bouge iau gasina. <sup>14</sup>Di ogonanuheada dadaga ra au gabidadama ni Rohite maemanu di seini dainehe, eige auka sigo veite Hari Mage rorova. <sup>15</sup>Eduge koita be iabera uhu daure mati ho ruta Keriso gare roma, a koita be iabera Hari Mage uhu mage ruta roma. <sup>16</sup>Di bamode be iabera iau soruke ruta Hari Mage roma, iauka dibanara daka Hari Mage o dainehe vadibu yagahu uma. <sup>17</sup>Eduge koita be iabera Keriso Hari Mage ve uhu daure ruta roma. Iau anana da o seini va ge iauka di uhure daure gahiga vara. <sup>18</sup>Bina otado? Guma bouge ge - au uhuanana avanage se uhuanana riaga goiare - Keriso Hari Mage roro va, daka hegiri vivi vara. Riaga daka hegiri vivi vara, <sup>19</sup>badivara daka dibanara guma oi ge dana mage misa iai imimi ve Rohi Bauge gasina mati Iesu Keriso Horu Aena uhudaue uhurahe. <sup>20</sup>Da gahara ia ganiva vara, daka beta variva vara eduge di hero ve ruta negu oti behibehi, Keriso ra di ahatane uhurahe auna usa, maguri va se hoge va. <sup>21</sup>Da maguri vara Keriso a di hoge vera iaga magevara. <sup>22</sup>Eduge da di ahatane va maguri viare, era vata ada o huhuvara. Da ore misa? Daka dibana veitera. <sup>23</sup>Badivara daka Keriso meve mati vata ada o me vagahe ge daki uhuanana vima. Da gahara viare ra daka vaina Keriso ruta goisa, <sup>24</sup>eduge vata ada maguri vara ai dainehe. <sup>25</sup>O dainehe, daka u mati me kiki vara iau bouge ruta, iai gabidadama ve mati uhuanana mageve dainehe, <sup>26</sup>edainanehe iai da eragare negahe iama hegiri visa Keriso Iesu uhurahe. <sup>27</sup>Iama Keriso Hari Mage ve uhurahe usa, ge da ia ruta se iai gasina veite, daka dibanara iaka hero kima sua kobabe, uhuanana kobabe gabidadama vima Hari Mage dainehe. <sup>28</sup>Iai negu matau e dainehe ia inara gahigevare koitavai sigageima. Ora au daure mimi nega vara, a iaka mage mimi vara - Rohi Bauge gasina. <sup>29</sup>Mage ora Keriso dainehe ge iauki ia mohigevenu, beta iai gabidadama ve au gasina guge eduge au meve uhurahe huhu tage mimi vara, <sup>30</sup>huhu e ia dai eraganu, negu tage iaukamu ihima.

## 2

<sup>1</sup>Ga mage be iaberramu Keriso gasina se, uhudau bena ni sorukehe se, torubo mage be iabana Horu Aena gasina se, uhudau mati mage, <sup>2</sup>iama bina di uhumageve misa, uhu kobabe ruta, uhuanana mage ruta, Horu Aena uhurahe mati uhu kobabe misa. <sup>3</sup>Ia negu uhuanana nune ruta me kisa. Eduge iama moebia ruta koita nune magegahisa. <sup>4</sup>Ia negu ai uhure urave kima, eduge iama koita be iau urave kisa. <sup>5</sup>Iama Keriso Iesu uhu mage misa, <sup>6</sup>auka ni Rohite eduge auka ni gasina orogonu. <sup>7</sup>Eduge auka besubesu koita be nagate, mati auka vata ada o magi iau vagatane he vara ragohanu. <sup>8</sup>Auka moebia koitavara mati ga ihihiko koitavara, Satauro to va tage hoge raganu ni dainehe. <sup>9</sup>E dainehe au mame Rohi Bauge raki mage gahanu. Au ihe ra ihi aena vara mati ihi au bouge adahe. <sup>10</sup>Iesu mageve dainehe noma ni bouge au motegahisa, koita au bouge, vava ge, vata ada o mati vata derikahu koita iava tage. <sup>11</sup>E dainehe koita mei nune nune ramu rosa Iesu Keriso ra ni Rohite, au mageve raha ni Rohi Bauge gasina. <sup>12</sup>Eige, di ogo nanuhe, iama iai mageve ga hihi ruta kisa mati sigo ruta kisa. <sup>13</sup>A ora ni Rohi Bauge raki iai uhurehe memima au mageve dainehe. <sup>14</sup>Iama iaga bouge uhu mage ruta kisa <sup>15</sup>ge iama koita mage goisa, iama Rohi Bauge gare ihisa mati iama vadibu o uhurahe, abaga goisa. <sup>16</sup>Iama Rohi Bauge Hari Mage ve kamui berebe gasina, ge Keriso vani vehe dana rosa daka di mevera beta ahakera. <sup>17</sup>Da hogerage ai gabidadama ve Rohi Bauge dainehe daka hegiri vivi vara iau bouge ruta. <sup>18</sup>Eige iama da ruta hegiri visa. <sup>19</sup>Da gahare iagani vara ni Rohite Iesu uhurahe Timothy besu gisa iai gasina, ge dana hero misa iai mevehe. <sup>20</sup>Au nagate koita bera mati veite, unu ra iai dainehe uhuanana vima. <sup>21</sup>Iauka iau uhuanana me iagoima beta Iesu Keriso gare iagoima. <sup>22</sup>Aka au dibanara, auka di moe nagate Rohi Bauge Hari Mage uhurahe. <sup>23</sup>E dainehe daki besu ganu ai gasina ni meve eragisa. <sup>24</sup>Eduge daka di gabidadama Rohi Bauge uhurahe roma daka vaina orogisa. <sup>25</sup>E dainehe di gahara vera Epaphroditus besugi goiragohisa iai gasina. Auka di bamode, mati Rohi Bauge uhurahe me koita vara, mati auka iai besubesu koita vara. <sup>26</sup>Auka u mage veite mati auka iai dainehe uhuanana vima, badivara iaka dibanara auka komata vima. <sup>27</sup>Auka komata rahoherea vanu ge auki tutube tutube ogeraganu. Eduge Rohi Bauge raki au mage gahanu, mati au avahu eduge da tage, ge da negu uhuanana raho vima. <sup>28</sup>E dainehe iai au eragege iama hegiri visa ge di uhuanana na mage goisa. <sup>29</sup>Iama Epaphroditus Rohi Bauge mageve ruta mage gahisa. Koita ena kiki iama mage gahigeisa. <sup>30</sup>Keriso meve dainehe, tutube hoge raki manu, eduge auka au maguri ve di dainehe maemanu.

## 3

<sup>1</sup>Baubasu iagoi otarei, di ogonanuhe, hegiri ragohisa ni Rohite uhure. Vara ragohane, iaganiva, da gaitana torevare beta me isuke bera, renu a mage gahigavara. <sup>2</sup>Iama totoka daure e ragisa, uhu daureva me kiare eragisa, koita ahata maka daure gahare gaha vaia erageisa. <sup>3</sup>Badivara, noka ki tene meve kinu - renu Rohi Bauge ganaga gahare gahava iabera, renu Iesu Keriso hegiri gahare gahavai iabera renu ahata maka meve riaga gahiga veitera. <sup>4</sup>Etage, Dakamu mina ahata maka meve gahara vima. Se bena roma auka ahata maka mve gahara vima, Dakana bu ragogahi anaia. <sup>5</sup>Daka ata iau tene meve daki manu vani daugu veite uhurahe, Israela koitava iau, Beniyamene koitatuhe iau, Heberu iau Heberuve; aena uhurahegeva daka Parasivara. <sup>6</sup>Di uhu anana daure vehege daki dubu meve seboge ge; riagavagera, aena derikahu, daka daure be vitera. <sup>7</sup>Otodovanu dai mage, dakamu eragei daure iabera Keriso dainehe. <sup>8</sup>Eduge, ga riaga vagera, da negubutu e aubougi daharera Iesu Keriso mageve raki seboga gevenu. Au dainehe daki iaga aubougi garegevenu - renu daureva rogevenu - eige daka Keriso misa, <sup>9</sup>auka da behugisa au ruta, beta davahu da anai mage gahare aenava uhurahe, eduge orena gabidadama Keriso uhura - Rohi Bauge ga riagavare era gabidadama vara. <sup>10</sup>E dainehe, daka au dibana goigoi vara renu magurivi goiragane hedova renu au huhuve, gava dibana goisa, renu au nagate goisa au hogevehe, <sup>11</sup>guma bei dana so au hogerare renu magurivi goiragane dibana goiare. <sup>12</sup>Beat dakamu subuta o aubougi dibana goinu se dakamu mage riaga manu, eduge dakamu o dagedage hero kima, da tage Keriso Iesu da mane nagate. <sup>13</sup>Di ogonanuhe, beta anaime daki

roma, dakamu davahu manu, Eduge, iaga kobabe da kinera, di itahe varavane aubouge daki vagua gahigeve renu herokisa vairava uiare.<sup>14</sup>Dagadage ge daki ogi vairava otima, da iagovare iaganiva otima vava seni Rohi Bauge totove orogane, Iesu Keriso uhurahe.<sup>15</sup>Eige, no ni bouge, no baugeia onaki anava; ana unuhuna a uhuanana nune vima, iaga be iau dainehe, Rohi Bauge na iai gagae kisa.<sup>16</sup>Orenaki genu, se otadovanu nomanu, noma kamui berebegahisa.<sup>17</sup>Iama da nagate gahisa, di ogonanuhea, niga niga mage ragohisa ogoro iabana ogia ia eragare nagate, ni magurivehe nagate.<sup>18</sup>Dada gavamu o gia - dana beta iaki rogevenu, eduge damu o gaitana iaki roegeima, di ni namote uguhare uhurahe - iauki Keriso inai gahane gahava iabara.<sup>19</sup>Iau yagovarera daurera. Badivara, iau rohivera, au vagatanera, renu motea motea vera au varivade uhurahegera. Iauki mata o kohu iabera iauki anageva.<sup>20</sup>Eduge, ni u behibehivera vavagera, eiger a noki ni maguri riaga biava, ni Rohite Iesu Keriso narivisa ragoha.<sup>21</sup>Aukenama, ni mata ahataneyavidigei au ahata magevehe no gosi geisa, au herove renu hedoke uhurahe renu oti iaga aubougi, no ruta bia gahi geisa.

## 4

<sup>1</sup>E dainehe di ogonanuhea di soruke mati di uhu mage ra iabera, iama Rohi Bauge garehe rami berebere ragohisa.<sup>2</sup>Da gahara iagani vara Euodia mati Syntyche, auma uhu kobabe misa Rohi Bauge uhurahe.<sup>3</sup>Iama magi oiya ruta Rohi Bauge hari mageve rosa, mati Clement renu ni bamode mage beia ruta iau ie ra maguri buka gera.<sup>4</sup>Iama Rohi Bauge mageve uhurahe hegiri ragohisa. Daka mati roma iama hegiri ragohisa.<sup>5</sup>Iama iai moebia maguri ve koita bouge mohigeisa. Rohi Bauge ra ni gaika gera.<sup>6</sup>Ia negu uhu anana nunenune misa. Eduge iaga bouge uhurahe, Rohi Bauge imigisa uhu mage ruta, iama iai uhure inuhati Rohi Bauge kirosa,<sup>7</sup>mati Rohi Bauge mageve ra uhuanana bouge soigevanu auka iai soruke mati uhuanana Rohi Bauge uhurahe magegahisa.<sup>8</sup>Di ogonanuhea otado iaga mageva ia eraganu, iama ana geisa.<sup>9</sup>Otado ia dai eraganu, iama misa mati iama ihisa mati iama kiogeisa ge Rohi Bauge uhu mageve ra iai ada usa.<sup>10</sup>Eduge daka Rohi Bauge ge daki hegiri vima, badivara iai uhuanana mati isage gahisa di dainehe. A iaka subuta da anavege, eduge da yaheya guma varaki isuke goinu.<sup>11</sup>Daka ga o roro badivara daka yaheya gahara vima. Eduge daka hegiri vima otado di gasina orogima.<sup>12</sup>Daka dibanara goroa maguri ra otado vara, iayaga dadaga maguri tage dibanara. E dainehe tamuta mage se gubu mati iyaga dadaga se iyaga veitera daka maguri e iau bouge dibanara.<sup>13</sup>Daka iayaga bouge kiki gahara vima vata adao Rohi Bauge herove uhurahe.<sup>14</sup>Eduge di daure uhurahe iaka da ruta.<sup>15</sup>Pilipi koitavaia iaka dibanara di ogigi Mercedonia va haki vi otinu ra, Rohi Bauge hari mage uhurahe dubu be iabera da mage gahiga veitera, mohimohi se imimi kasiva, a iaka bu da iahe ganu.<sup>16</sup>Da Thessalonica va tage, iai yaheyahe ra rahoherea vera di gasina.<sup>17</sup>Daka beta iai yaheyahe gahara vima da gahara vima ra iaka Rohi Bauge hari mageve misa.<sup>18</sup>Eduge daka iyaga bouge uhubage va manu. Daka Epaphroditus gasina iyaga ya besuganu manu. Iyaga o iabera uti mage mati Rohi Bauge gasina ra magera.<sup>19</sup>Di Rohite na iai uhuanana mage gahigeisa au mageve uhurahe au moe Iesu Keriso ihehe.<sup>20</sup>Ni Rohite mati ni mame au mageve ra oti behibehi va. Auka menu.<sup>21</sup>Iama Rohi Bauge koitatuhea mage gahigeisa. Rohi Bauge koitatuhea da ruta ra, iau mageve ia mohi geima.<sup>22</sup>Rohi Bauge koitatuhea da ruta, ia mage gahigeima mati Caesar yaga gahaia tage ia mage gahi geima.<sup>23</sup>Iesu Keriso uhudaave mati mageve iai sua ve ada.

## Colossians

### 1

<sup>1</sup>Paul Iesu Keriso yahe yahe koitave, Dirava ki maemanu mi oraganu, renu Timoteo ni ogo nane.<sup>2</sup>Dirava ni mame Rohi Bauge mati au moe Iesu Keriso yau mageve miahe colose gaha yai bouge.<sup>3</sup>Dirava ni mame, Rohi Bauge mati au moe Iesu keriso yau ihege noki o imimi ragoha yai adahe.<sup>4</sup>Nokamu ya me mage kiare Rohi bauge ihehe nomu ihinu.<sup>5</sup>Ya mage kamuare ra basileia guma mage vara. Era Hari Mage ganai orogane ga vara,<sup>6</sup>Ga o mu ai tage mu mane, Hari Mage orogane ki maka mage begenu vata ada oi, eige a tage mu maka mage begenu ai maguri he.<sup>7</sup>Hari Mage ora Epaphras ki meva yai vagehe kinu, auka Iesu Keriso yaheyahe koita mage bera.<sup>8</sup>Epaphras ki Rohi Bauge guma mageve ya boriti gahi gevenu.<sup>9</sup>Noka vani gauge noko o yai adahe imimi ragoha, ya Rohi Bauge kamuare dainehe. Ni imimi raho bera yama uhuvaka mage misa Horu Aena yaheyahe ve uhurahe.<sup>10</sup>Ei noki mati imimi rahi, yama guma mageva ogisa mati ya mage mane nagate. Ama mati ai horu ehe hero me o mu raho goisa.<sup>11</sup>Ni imimi bera Rohi Bauge mu ai meve bere gahisa au mageve uhure ama usa.<sup>12</sup>Eige ama Rohi Bauge mage gahisa vani aubouge.<sup>13</sup>Daure uhurage Rohi Bauge ki mage no mohigevanu au moe Iesu Keriso basileia no idigei otinu.<sup>14</sup>Auki ni daure ve kamogevanu mati ketogevanu.<sup>15</sup>Auki ni sinasinave mati vata ada o kine iganiva yau hamaganu ve.<sup>16</sup>Rohi bauge iaga aubouge ki orogane, vata oi mati vava, eragare mati erara veita iaganiva. Vata mati vava o rohivaya tage auge yaiki orogane.<sup>17</sup>Rohi Bauge ra no urigatu koita ve mati no bouge koita va.<sup>18</sup>Auka ni Rohi ve ni urigatu koita ve iga au bougehe.<sup>19</sup>Eige noma au uhura usa, au moe Iesu Keriso ni dainehe satauro va otine ki mage no mohigevanu.<sup>20</sup>Ni basilei guma gera au hoge ki baoanu.<sup>21</sup>Yaka subuta vadibu uhura ge yaki uege guma daure va, uhu anana daure mati guma nune.<sup>22</sup>Kobege au hogeve ki no mage gevenu, eige noka au mage uhurage au Horu Aena ve ruta gera.<sup>23</sup>Ama Horu Aena ruta usa a negu otito nune vime. Hari Mage ra koita au bouge ki mane. Da Paulo ra Hari Mage ki mage da moimane mati maguri isage tage.<sup>24</sup>Da, Iesu Keriso me huhuva mane ra da auki hegiri da moimane au ihe he.<sup>25</sup>Dubu Aena uhura me da kiare ra Rohi Bauge ki da moimane, au aenave noma riaga gahisa.<sup>26</sup>Negu Iesu Keriso garera koita dadaga abera mimi veitera. Ga ora gagae goinu noko bina mi mati me gaha.<sup>27</sup>Itahe gaha mati koita nune abemu mage misa era Hari Mage noki ro ya.<sup>28</sup>Noma Dirava ihe motegahisa, au mageve koita aubougemu misa, Horu Aena uhurehe.<sup>29</sup>Eige daki o au meve kima Horu Aena hero da moimane dainehe.

2<sup>1</sup>Dakamu urai ya kirogeisa da korahi ya mati koita ya Lacedonia ya uiare, mati be yabage tage da erare veita e ahata makava. <sup>2</sup>Da me o kiare ve daka so koita yau soruke bao geigei renu rama me mage kisa, mati yauma dibana gahisa Dirava gare ra riagavara - Ga riagara Iesu Keriso. <sup>3</sup>Dirava, auge uhu anana do buke, mati uhuvaka ra au uhure gera<sup>4</sup>Da vare maka vara koita be negu ga taratava a taragime. <sup>5</sup>Daka beta ahata makava ya ruga edube di horu ve ra ya ruga gera. Dakamu hegiri vima ai me mage mati ai horuve Iesu Keriso ihehe. <sup>6</sup>E dainehe a Iesu Keriso mi ai mi ai magurive maemi mati au ruta usa. <sup>7</sup>Ga e uhura rama, ama bu uhurehe usa , mati ama hero kisa ai magurive uhurahe renu ama mohimohi mage visa. <sup>8</sup>Dirava auge ai maugurive maemi sa, mati koita tarata ragohare garegeisa, mati vata me daure anegu kiogeima. Badiva era beta Iesu Keriso gahara varera. <sup>9</sup>Iesu mage ve dainehenokamu Dirava maguri mageve uhurahe uia. <sup>10</sup>Ai magureve amu Iesu moimanu, auka ai baugete mati hedo aube au gera. <sup>11</sup>Iesu uhura gera a tage mage manu, beta ata yau tene meve eduge Iesu Keriso uhura. <sup>12</sup>A babtiso mane negahe akamu Keriso uhura gerarenu. Babtiso uhura aki maguri manu ai abidadamave Keriso i geregere Dirava hedoke auki hoge uhura maguri vanu. <sup>13</sup>A daure uhura hogeraganu, eduge ata au tene meve uhura uia, auki ni bouge ni daure ve inuhati ketogevenu. <sup>14</sup>Auki urugoi aena maemane, no besibe gahi gei auki mi satauro va gadimanu. <sup>15</sup>Auki au hedoke mati au aenave koita vaya inuhati yau vagotone vaniva gahi gevenu gerege auki nisigei au itahe otinu. <sup>16</sup>E dainehe, koita be negu a beragima tamuta dainehe, iaga dainehe, rigi vaniva, bata isage gadimare, mati Sabadi vani. <sup>17</sup>Iaga o abera iaga orogane yau vanivara, eduge au maka riagava ra Keriso. <sup>18</sup>Matau avanage koita mati aneru koitavara beta a berabe vara. Auka ahata maka uhu anana daure ve dainehe era maka veite ra. <sup>19</sup>Koita ora, Iesu Keriso ni ahamaka uhura biava, yau ki bina garehanu. Ni ahatamake ra Iesu Keriso ki regu giema, ni itaheve mati ahatamake bouge. E dainehe ni ahatamake varave gumavarahe au ki varaima. <sup>20</sup>A Iesu Keriso ruta hoge ragane mati a mage mane otado dainehe a vata maguri uhura uma ? Otado dainehe a gure vat o ga taratave ihima. <sup>21</sup>A negu me kime, a negu ime mati a negu gaita kamuime. <sup>22</sup>Yaga yau inuhati no me gahe negahe yauki daure goigovara. Ga o yabera koita yau ananavera. <sup>23</sup>Aena o yau kiogevenu, matau avanage mati yau ahatamake regure mage veite. Yauka ihi veita gahava abera.

### 3

<sup>1</sup>Ni Rohite Iesu ruta ami iagemanu vava iaga auna eragisa Iesu ni Rohite vamaga va seni guramarei. <sup>2</sup>Vava iaga anageve beta mata o da iaganivaia. <sup>3</sup>Akamu bina hogeraganu renu ai magurivera Keriso renu ni Rohite rutagera. <sup>4</sup>Keriso orogoge, unuhuna ai magurive atage ororovara au ruta hegiriva uhurahe. <sup>5</sup>Auma hogeragisa negu koita eia mata o ada - ata renu magi iagia daure uhura uhu daure magurivaia iaga nitahaka era daure kohu magurivara. <sup>6</sup>Emnaki maguri daure e dainehe ni Rohite huhu ena vivive mi ororovara. <sup>7</sup>Onaki maguri daure uhurahe atage maguri viegei. <sup>8</sup>Eduge ama negu maguri daure o garemisa - huhu, vagadau uhuanana daurea bara kou renu ga daurea ai avagehe seni. <sup>9</sup>Ia negu bebe tarageima badivara akamu ata iahu maguriva a daurea garemianu. <sup>10</sup>Ata isage amu kinu, uhuvaka isage renu uhuanana isage, akine koitava eraravage nagate uhurehe. <sup>11</sup>Oigera Greek veite renu Iudea veite ata iau tene meve renu ata iau tene meve kiki veite gahavaia, Babaria gahaia Scythion ga ihihi gahaia isuke veite gahavaia eduge Keriso abougigera renu iau bouge iau uhuregera. <sup>12</sup>Edainehe ni Rohite idigevenu gahavaia aena renu mage vagahu soruva mage, moebia, ata mage renu ga ihihi. <sup>13</sup>Bebe mage gahigeisa renu hegiri ragohisa. Iai be na uhuhu tenu au bamode bei guma kobuga ei ni Rohite ai daureve vagua gahaneia atage iau daureve vagua gahisa. <sup>14</sup>Eduge uhuanana nune uhurahe ama mage misa era maguri magevara. <sup>15</sup>Keriso uhu mageve uhurehe uie. Uhu mage e dainehe iauki a ihiromenu ahata mage kobabe. Adahe ama hegiri visa. <sup>16</sup>Keriso ga magevegu ai uhurehe uie, uhuanana mage be iau uhuvaka mage gahigeisa renu bebe hegiri gahigeisa, uhuvaka ga mage iau renu nogo mage renu Horu nogoiau. Nogo rosa hegiri ruta ai uhurehe ni Rohite anaisa. <sup>17</sup>A iaga aubouge kiarei gava se ata makava ama kisa aubouge Rohi Bauge Iesu ihehe. Ni Rohite mage gahisa au dainehe. <sup>18</sup>Magia, ata iau ihisa ni Rohite mageve uhurave. <sup>19</sup>Ataia iai mabare mage gahigeisa renu ia negu au daure be kima. <sup>20</sup>Momonaia ai mamuheha renu ai neinuhea au gare ihisa iaga aubouge uhurahe era ni Rohite gahare vare uhurahe gera. <sup>21</sup>Ataia ia negu iai gamuheha daure gahigeima iau uhure negu isuke gahime. <sup>22</sup>Besubsesu koitavaia iai urigatuhea au gare ihisa ahata makava iaga aubouge uhurahe beta niva eige koita iabara ia motegahigeisa eduge uhu mage ruta. Ni Rohite sigamisa. <sup>23</sup>Otadovanu a kime ama Horu uhuanana vehe memisa oti ni Rohite beta koita iau nagate. <sup>24</sup>Aka dibanarqa ni Rohite a iayoare a moimovara. Akerege au ni Rohite Keriso meve kima. <sup>25</sup>A unuhuma a maguri daure kima aka daure mimivara au daure dainehe beta vasi mage dainehe.

4<sup>1</sup>Bia ya yai besubesu gahatuhe gums yeriri mati guma mageva yau e mohigeisa. Ama dibana goisa ai biage ramu e vava uma. <sup>2</sup>Ai imimi vera mu behibehi ve goisa renu herokisa a mage mohimohi vare. <sup>3</sup>Yama gobu gahi no ana geisa yai imimi uhura Rohi Bauge ramu ni uduave noma Keriso gare riaga rosa. <sup>4</sup>Imimi rahohege dama gagae kisa, Da gavare uhura. <sup>5</sup>Ama uhuvaka ogisa itahe gavaya yau gasina otare. Vani e tage regunaki me gahisa. <sup>6</sup>Ai gare ramu heiga te mati ihihi va mu mage goisa ge koita yau berabeve ama uhurahe magevara rogeisa. <sup>7</sup>Da ana gevane iganiva inuhati Tychicus na ya vasiba gahi geisa. Auka ogonana mage tera, Rohi Bauge besubesu kiki koita vara. <sup>8</sup>Da yau gasina besugane maka va ramu no me kiare badiva yama ihare auma mati ya yahe geisa. <sup>9</sup>Onesimus me mage koita renu ni ogonane yau ruta daki e besuganu. Au tage ya bera au kena yaga inuhati ya kiogei rosa. <sup>10</sup>Da ruta vadibu yagava koitava Aristarchus au mage ve ai besugima, renu Mareko, Banabas orogane. Ya kamui subuta ga manu, mareko orogee yama miege auma ya ruta usa. <sup>11</sup>Ioshua au ihe bera Justus au tage au mageve auki besugima yai koito abigaga. Dew gahavaya da ruta ge yauki Rohi Bauge basileia meve kia yaheyahe ketakevara. <sup>12</sup>Epaphras ni vasire be tage auki au magevera ai besugima. Keriso Iesu

besubesu koita ve bera yai dainehe au uhure inuhati auki Rohi Bauge imimigahima, yakata rahere hero kisa. Rohi Bauge gaharahe he vare iaganiva uhurahe. <sup>13</sup>Daka au meve daki riagahima yai, Lacedoniarenu Hierapolis gahava yai dainehe ge au me mi berabe vima. <sup>14</sup>Luka doketa mati Demas gaina ge yau mageve yauki besuga yai gasina. <sup>15</sup>Ogo vara Lacedonia mati Nympha uhura uiera gaina ni mageve mohigeisa, au yagehe me kobua gahi kiare gaina mati boriti gahi geisa. <sup>16</sup>Yai vagahedi idi vadaka o dahare , mati Lacedonia yaga aena uhura yama dahisa. <sup>17</sup>Archippus ki roahe, au ma Rohi Bauge me moimare auma ki kosaisa. <sup>18</sup>Ora Paulo di ade he daki maemima Rohi Baugeve mage miahe - yama da anaisa daka vadibu yaga va gera.

## 1 Thessalonians

**1** <sup>1</sup>Paul, Silvanus, renu Timothy oti Thessalonia gahava yai, Dirava ni Mame renu Rohi Iesu Keriso. Hegiri renu mai image. <sup>2</sup>Nega aubougi ge noki yai dainehe Dirava mage gaha ni imimive uhurehe. <sup>3</sup>Noki ya anageva ni Dirava ve renu ni Mame vagotenehe, yai gabidadama meve, renu mageve, ya uhu berebe renu hero kiare ni Rohi ve Iesu Keriso dainehe. <sup>4</sup>Di ogo nanuhea, Dirava yai gahara vare dainehe ge, auki ya ihiro gevenu, <sup>5</sup>badivara ni hari magevara beta gavagu gera, eduge hedo katera, Horu Aena uhurehe, renu narinari vara magera. Guma kobuga ei, yaka dibanara nona orena kiki koitava yabenu no yaruga uiegei. <sup>6</sup>Yakamu noruta Rohi Bauge itahe ogia, badivara yakamu ga aena manu, hegiri raho ruta Horu Aena seni. <sup>7</sup>E dainehe, yaka Macedonia renu Achaia gahaya, ga riaga gahare, yau nagatera. <sup>8</sup>Yaige, Rohi Bauge gare raki riaga goinu , beta Macedonia renu Achaia uhurehe gu, eduge yai gabidadamave Dirava gasina ramu mata inuhati edavanu. E dainehe noka beta iagabe mati rorovara. <sup>9</sup>Yaukamu ni gare ragoaha, no yau ruga maguri ragohege uhura, eige ya guma daure garehi Dirava riaga meve kiare ra, badivara rahora, <sup>10</sup>renu au Moe hogeva maguri gahane-ororove nariva, Iesu, unuhuna no maguri gahigevene.

## 2

<sup>1</sup>Yaka yavahu dibanara, ogo nana ya, so gasina ororovara beta ahakera. <sup>2</sup>Eduge, yaka dibanara, yau no daure gahigevene renu no variva ragohane Philippi seni, Ni herovera Dirava senigera, eige noki ga berebe rutagera noki Dirava gare roege isuke uhura. <sup>3</sup>Ni herovera beta no kerere kine eiger, se ni miro ve dainehe gera, se ni daureve dainehe gera. <sup>4</sup>Eduge, Dirava no riaga gahigevenei au gare dainehe, eige noki ga ragoaha, eige noki ga ragoaha beta koita yabara no motea gahi gahisa eduge Dirava dainehe. Yauki ni uhura erageima. <sup>5</sup>Badivara noka beta avanage gavara noki oroga, yaka dibanara, se ga nune yau-Dirava ra ni dibanara. <sup>6</sup>Noka beta koita yau mageve misa rome noki, yau seni se be yau seni. <sup>7</sup>Eramu noka mage misa Keriso gamituhe yau dainehe. Eduge, noka hegiri ruta gera noki oroganu eduge magi be au gamuhe mage gahigevare nagate oroga. <sup>8</sup>Guma oige noki yai gahara ragoaha, beta Dirava hari mageve uhuragu eduge novahu ni magurive ruta gera. <sup>9</sup>Yaka dibanara, ni ogo nanuhe ya, ni meve isuke uhura. Vahimi renu vani noki me kiego, eige noka beta isuke be ya mohigeisa, no Dirava hari mageve mi ioa ragohare uhurahe. <sup>10</sup>Yama dibanara, renu Dirava tagera, aena uhura, riaga va, daure bera veitera ni meve uhura koita yau. <sup>11</sup>Guma kobuga ei, yaka dibanara no kobakoba ya ruta uiegei, atabe au gamuhe mage gahigevare nagate, <sup>12</sup>beta ya daure gahigei eduge ya mage gahigei, ya ruta ogigi kobuga ei, Dirava haire uhurahe, aukena ya ihiro geisa au basileia mageve ve uhurahe. <sup>13</sup>E dainehe, noki Dirava mage gahi behibehi, ya Dirava gare no ya mohi gevene, yaki manu beta koita be gare nagate, eduge riaga va uhura, era yai uhurehe gera ya riagane dainehe. <sup>14</sup>Ya, ni ogo nanuhe ya, yama Dirava dubu koitatuhe gahisa Judea uhura Keriso Iesu dainehe. Badivara yakamu huhu nagohanu, yai ogo nanuhe nagate, Jew yau huhu nagohane nagate. <sup>15</sup>Yaukaki Iesu renu au gamituhe gahi gevenu, renu no oiagei hakira gohanu. Yauki Dirava hegiri gamiva veitera. Eduge, yauka koita aubougi yau daure gaha. <sup>16</sup>Yauka besibe ragohime yauki, yauka ura veite noka, itahe gaha ruta ga ragohege yauka maguri misa. Makavara yau daure ve yauki bouga. Eduge isukevara idi geige vara ihie. <sup>17</sup>Eduge, no yai ogo nanuhe ya, beta tinakibe noki yai veite, beta uhu daure va. Noka ni uhure aubougi, renu hegiri ketake ruta, noka ya erageisa. <sup>18</sup>Badivara noka ura riaga noka yai gasina orogisa-riaga da, Paul -eduge Diabolo raki da kouvanu. <sup>19</sup>No gahara raho harera, hegiri, se mage crown va Iesu orogare gahi vahe? <sup>20</sup>Ena beta ai enu? Badivara aka ni haire renu ni hegirivera.

**3** <sup>1</sup>E dainehe, au berere goine, ni ananavera noka Athens garehisa. <sup>2</sup>Noki Timothy besuganu, ni ogo nane, renu ni me bamode, Dirava hari mageve dainehe Iesu ihehe, a hero gahisa, vehe renu ai yauka goisa, ai gabidadama dainehe, <sup>3</sup>Eige koita bera beta daure uhura goigovara. Eige yaka, yai yavahu dibanara edainehege yauki no ihiro gevenu. <sup>4</sup>Riaga, no bada uiegei, urugoi ge noki aki ronu, noka huhu uhura siri ragohi ravara, eramu vara vanu, era aka dibanara. <sup>5</sup>E dainehe ge, da hero veite goine, daki besubesu vanu, daka ai gabidadamave dibana goisa. Di hore ramu mina ai hore goinu, me raho varamu o orogima. <sup>6</sup>Eduge Timothy ramu o oroganu, ai hari mageve renu ai gabidadamave renu ai mageve ruta. Akamu noki rogevenu a no anagevare, renu aka urai no era geisa, no gaitage a erara gahara ragoaha. <sup>7</sup>E dainehe, ni ogo nanuhe ya, yaki no hero gahi gevenu yai gabidadama vehe, ni huhuve renu ganagave ya uhurahe. <sup>8</sup>Nokamu o maguri ve, Rohi Bauge ruta dainehe. <sup>9</sup>Nona orenaki Dirava mage gahigavanu ai dainehe, no Dirava hegiri gahare ai uhurahe? <sup>10</sup>Vahi renu vani noki imimi berebe ragoha noka ai nie eragisa renu nona orenaki a yahegisa ai gabidadamave meva uhurahe. <sup>11</sup>Ni Dirava ve renu ni Mame au avahu, renu ni Rohive Iesu, ni gumage kisa noka ai gasina orogisa. <sup>12</sup>Ni Rohive na a yagemisa renu mage moimisa eige koita yabara bebe mage gahigeisa, no a mage gahare nagate. <sup>13</sup>Aukena yai uhure hero gahigeisa eige yaka beta huhu be uhura usa au aenave uhura, ni Dirava ve renu ni Mame au ihehe ni Rohive Iesu orogare ei au koitatuhe aubougi ruga.

4<sup>1</sup> Rogi dokonahe, ni ogo nanuhe ya, ni uhura aubougi noki ya imigeva Rohi Bauge Iesu uhura. Ya ni gare ihare renu yana orenaki ogiare renu Dirava mage gahisa, renu onaki yama ogisa, eige yaka me dadaga kisa. <sup>2</sup>Yaka dibana otado gavana no ronu Rohi Bauge Iesu ihehe. <sup>3</sup>Badivara ora Dirava ura vera, aena vara, yama ni muduka meva gasina gahisa, <sup>4</sup>ya kobakoba yaka dibanara, yana orenaki yai aena meve kikivanu Aenava renu matauva, <sup>5</sup>beta ni muduka uhura ( itahe gahava ya nagate Dirava dibane veite ).- <sup>6</sup>Koita be negu au ogo nane daure gahime, guma daure onakiki vehe. Badivara Rohi Bauge ramu ho goima onaki me o yau, nokamu ya vasiba gahigevanu renu yaki riaga gahanu. <sup>7</sup>Badivara Dirava ra miro uhura no ihiro gegei veitera, eduge Aena va gera. <sup>8</sup>Eige, unuhuna ga o besibe gahima, beta koita yabara auki gasina gahi geima, eduge Dirava ra, aukaki au Horu Aenave a moimanu. <sup>9</sup>eduge odo nana mageva uhurahe, bera beta ai ga besubevara, badivara yaka Dirava gare dibanara, bebe mage gahigeige. <sup>10</sup>Riaga, yama ona kisa ogonana yau bouge yau Macedonia uhura. Eige noki ya hero gahigeva, yama hero ki raho gahisa. <sup>11</sup>Noki mati ya hero gahigeva, yaka guraha mage ragohisa, yai meve kamui mage gahisa, renu gege kisa, no yaki rogevene nagate. <sup>12</sup>Eige yaka ogigi mage ragohisa eige itahe gahava yabemu dibana gahisa renu beta uhh anana be ragohisa. <sup>13</sup>Noka besibe ragohime noki, yaka bebe daure gahi geisa, ni ogo nanuhe ya, yagiya koitava nagate ya, yaka beta huhu nagohisa beta nagate, yauka beta mage be Mimi. <sup>14</sup>Eige noka riaga gahime noki Iesu ramu hoge ragare renu magurivi goi raganu, eige Dirava na Iesu ruta hoge ragohane with goiragisa. <sup>15</sup>Eige noki Rohi Bauge gavehe ai roia, no maguri gaha ya, noka au orogare ei, noka beta urugoi otine ya haneegei gevara. <sup>16</sup>Rohi Bauge na avahu vava seni orogisa. Auka barai ororovara, aneru bauge enogehe, Dirava avagehe, eige Keriso uhura hore ragohane yabena urugoi urihisa. <sup>17</sup>Eige no maguri gaha, no so magurive ya, yabara yau ruga bada va uhura bou ragohi mage gahisa auhe. Guma oige nona vani aubougi au ruta gahisa. <sup>18</sup>E dainehe, yama bebe mage gahi geisa ga o yau.

## 5

<sup>1</sup>Vaniva ya renu batava ya, Di ogo nanuhe ya, aka beta anai ororovara koita bera ai ga be besubevara. <sup>2</sup>Yaka dibana riagavara Rohi Bauge orogare vanivara ra vaho koita vahi orogare nagatera. <sup>3</sup>Yau rosa era "Mai renu Magera," inono veite daure vara yau ada ororovara. Detu magi huhu nagohare nagatera. Ruru gabuna vara veitera. <sup>4</sup>Eduge ya, ni ogo nanuhe ya, yaka beta vadibu uhurahe gera eige vani era ya idigeisa vaho koita nagate. <sup>5</sup>Badivara yaka abaga renu vani gamika yabara. Noka beta vadibu renu vahi yabera. <sup>6</sup>Eige, no negu yagoa be ya kiare nagate. Eduge, noma dibana gahisa renu uhu mage uhura usa. <sup>7</sup>Vahi yagia gahava yabegu yagohe vahi, gadiki daure iare gahava yaberagu ie vahi uhura. <sup>8</sup>Eduge noka vani gaha yabera, no negu gadiki daure ime, noka ena usa gabidadama renu mage ni kemenehe, renu maguri orogare anaisa ni omote koukova nagate. <sup>9</sup>Badivara Dirava ra no ihiro geige veitera daure dainehe, eduge noka maguri misa Iesu Keriso uhura, <sup>10</sup>ni dainehe hoge raganu, ni noganoga uhura se yagiyave uhura. <sup>11</sup>Eige bebe regu geisa renu bebe yahe geisa, ya ki orogare nagate. <sup>12</sup>Riaga uhurahe ge noki ya imigeva, ni ogo nanuhe ya, yai tanahe memiare yama yau dibana gahisa renu ya biea gahigevare Rohi Bauge uhura, <sup>13</sup>renu hero gahigeisa mage uhura yau meve dainehe. Mai uhura yama maguri ragohisa. <sup>14</sup>Ya hero gahigeime noki, ni ogo nanuhe ya: Me veite gahava ya yama vasiba gahigeisa, uhu isuke koitava ya yau uhure berebe gahigeisa, hero veite koitava ya yau uhure hero gahigeisa, renu kerigoisa o aubougi uhura. <sup>15</sup>Eige koita bera beta mati koita be daure gahigevare. Edige, bebe hero gahigeisa mage yai bouge dainehe. <sup>16</sup>Vahi aubougi hegiri ragohisa. <sup>17</sup>Imimi vani aubougi. <sup>18</sup>Eige aubougi uhura bebe mage gahigeisa. Ora Dirava gahara varera Iesu Keriso uhura. <sup>19</sup>Ya negu Horu Aena no gahime. <sup>20</sup>Ya negu Peroveta ga tarata gahime. <sup>21</sup>Mage iaganiva ya kamuigei berebe gahisa. <sup>22</sup>Ya negu daure be uhura siri ragohime. <sup>23</sup>Dirava maivegu ya bakugei mage gahisa. Yai suare, horuve, renu yai ahata make ra mage uhurahe gera Rohi Bauge Iesu Keriso ororove dainehe. <sup>24</sup>Gabidadama uhura au toto veraki ai orogima, renu aukena meva kisa. <sup>25</sup>Ni too nanuhe ya, ni Ada yama Mimi ragohisa. <sup>26</sup>Horu uhura bebe mage gahigeisa. <sup>27</sup>Rohi Bauge ihehegera daki ya kirogeima yama ga o dahisa koita yau bougi yau. <sup>28</sup>Iesu Keriso haire yai bouge yaie goisa.

## 2 Thessalonians

1<sup>1</sup> Paul, Silvanus, renu Timothy, Thessalonia dubu gahavaya ni Diravate uhura ni Mame renu Rohi Iesu Keriso. <sup>2</sup>Magera yai era Dirava ni Mame maive renu Rohi Iesu Keriso yauseni ori yai. <sup>3</sup>Noma vani aubougi Diarava mage gahisa yai dainehe, ni ogo nanuheya, era dodihegera badivara yai gabidadamavera rahoherave goime auki, ya bebe mage gahigevare dainehe. <sup>4</sup>Noka yakera noki ya mote gahigeva Dirava dubu ve uhurahe, yai uhu berebe dainehe renu gabidadamave huhu uhurahe, renu ya huhu bauge uhura hero kiare dainehe. <sup>5</sup>Era Dirava mage riagave uhurahegera, eige aka ihitera Dirava Yaga uhurahe, edainehege Ali o huhu nagima. <sup>6</sup>Riaga, era riagavara Diravara daure mi goiragi oti ogere yabenu a daure gaha, daure va mohi geigevara, <sup>7</sup>mati a mage gahigavara ai daure e renu no gainage, Rohite Iesu vavaseni horivare aneru ruga, <sup>8</sup>vene bubunagare uhurahe, daure miorogi Dirava dibane veite yau ada renu Rohite Iesu hari mage maguri gahiga veite yau adatage. <sup>9</sup>Yauka huhu nagohi navara behibehive daureva mimivara beta ni Rohite vairenehe renu au hedokehe. <sup>10</sup>Auka ena kikivara, au orogare vanivahe yauka hegiri gahigavara, au aena koitatuhe yabera au ihe yageya vara, era riaga gahara koitava yaukena enakisa, badivara au meve riaga gahara renu meva kiare dainehe. <sup>11</sup>Edainehege nakamu o dagedage ai dainehe imimi ragoh, ni Dirava vera ai meve dainehe a mage gahisa ai totove uhurahe, renu au hedokehe ai meve mage gahisa renu ai gabidadama meve dainehe. <sup>12</sup>No imimi ragohare makavara, ni Rohite ihe magegahisa ai mevehe uhurahe renu aka au uhurehe, Dirava mageve renu ni Rohite Iesu Keriso autage

2 1 Ni Rohite Iesu Keriso ororove renu no auruta bouragohare, eige noki imimi ragoha, ni ogo nanuheya, 2 eige ya negu gauragohime se dauragohime, suabe se gabenu orogima, se toretore benu noiseni orogima, makavadi vara ni Rohite ororove ramu subuta oroganu. 4 Be negu gumabei a taragime, Era beta vara ate morumo vaniva orogarei renu aena dibana veite koita horivare, daure kiare gamikava. 4 Era aukaki inai Havaragahare renu avahu aumi Dirava meve besibe gahare renu se mote gahare besibe gahima. Edainehe, suki dubu uhura guramima renu avahu aumi Dirava roma. 5 Ana anana veitenu da e aruta, iaga o yabera daki akironu? 6 Akamu o binadibana goinu otadovanu kamui uma, emakava ramu au roeare vani vagen auna horivisa. 7 Aena uhuanana vara o bina memima, koita beramu enu eraki kamui uma ate yau mi itahe hakiragohege. 8 Eigena aena kamui uiaare ra horihovara, Iesu Keriso ra gamigavara au nonomuvehe eige auka iagabe veite goigovara au ororo riagavaraei. 9 Aena dibana veite koitava ororovara Satan meve kiki hedokehe gera, erara nunenune ya renu avanage gauragira iagava yau, 10 renu iaga nunenune daurevaya dauragohare koitava yau, badivara yauka maguri riaga renu maguri gahara veitera. 11 Edainehege Dirava raki guma nunebei iagabe besuganu yauka avanage e riaga gahisa. 12 eige yauka yua bouge huhunagohisa bafivara yauka maguri riaga gahiga veitera eduge hegiri ragohanu beta uhuanana mageva gera. 13 Eduge noma vani aubougi Dirava mage gahisa ai dainehe, ogonana ni Rohite magevehe, badivara Dirava raki ya idigevanu yaka urugoi iditahaka nagate maguri misa Horu renu riaga uhurahe. 14 Eige auki a ihiromonu hari mage uhurahe, eige aka ni Rohite Iesu Keriso haire misa. 15 Edainehe, ogo nanaya, yama rahi berebe ragohisa, renu yai tene magurive Yama kamui mage gahisa, gava seni se torevanehe. 16 Negugera ni Rohite Iesu Keriso au avahu renu Dirava ni Mame, no hegiri gahigei renu mage behibehive noni kinu renu ihie orogare mageva au haire uhurahege nona misa, 17 mage renu yai sorukehe herokisa me mage aubougi uhurahe renu gavatage.

3 <sup>1</sup>Negubutu, ni ogo nanaya, yama ni ada imimi ragohisa, hari magevaramu vana orogisa renu noma hegiriva ragohisa, yai tagera aukamu enu, <sup>2</sup>eige noka mage mimivara avanage gaha yau renu sua daure gahava yau, badivara koita aubougi gera beta gabidadama tera. <sup>3</sup>Eduge Rohi bauge gabidadama vahe, aukena a herogahare, renu daureva seni a beia gahisa. <sup>4</sup>Ni uhurera bereberera Rohi bauge uhurehe ai dainehe, eige aka kikivara renu dagedage no rogevere meva aka kikivara. <sup>5</sup>Rohi baugevana ai soruke gumava magegahisa Dirava mageve uhurahe renu oti Keriso uhu berebevehe. Neguge noki ya kirogeva, ni ogonanuheya, Rohi bauge Iesu Keriso ihehe, yama yai ogonanuhe meve be kiki veite renu ni tene magurivehe a mane yauka maguri gahiga veite ra. <sup>7</sup>Era yaka yai yavahu dibanara yaka no nagate gahisa, badivara noka guragu kava veitera no yaruga uiegei. <sup>8</sup>Noka koitabe hauhakave mi damunava kiki veitera, eduge nomu me miege vahi mi vani mi, eige noka beta isuke be yai mohigeisa. <sup>9</sup>No ona kine makavara beta noka hedo veite dainehegera, eduge no kine makavara, yaka eragare dibana gahisa, eige yaka no kine ya gainage kisa. <sup>10</sup>No yaruta uiegei, Nokamu yauki etogevanu, "Unuhuna me besibe vima auka beta tamutavara." <sup>11</sup>Nakamu rhino yau tanahe be yabera guragu kava, me gahara veitera, eduge iagabe yau korahi ragoha. <sup>12</sup>Eige koita ena vivi yabera noki kirogeva renu Iesu Keriso ihehe hero gahigeva, yauma me be kisa tabetabe eige yauna hauhakave be isa. <sup>13</sup>Eduge ya, ni ogonanuheya, ya negu mage kikiva hisiku ragohime. <sup>14</sup>Koita bena hari mage ihihii besibeva vima leta o uhurahe, yama au kiare erageisa renu ya negu auruta vasikime, au negu variva vime, eduge ama vasiba gahisa ai ogonane dainehe. <sup>15</sup>Anegu anai rome auka inai koitava ra, eduge vasiba gahisa auka ai ogonane dainehege gera. <sup>16</sup>Neguge mai Rohi bauge vana mai ya mohigeisa vani aubougi guma aubougi uhurahe. Rohi baugera yai bougi ya ruta gera. <sup>17</sup>Da, Paul di adehegera daki leta o toreima, leta aubougi adahegera di toage ramu enu. <sup>18</sup>Iesu Keriso ni Rohite haire yai bougi miahe. Amen.

## 1 Timothy

### 1

<sup>1</sup>Paul ra, Iesu Keriso apostolo ve bera Dirava ni magurive renu Iesu Keriso ni vahigu vata mageve yau rone ra, <sup>2</sup>a Timote ra, me riaga gamivara au gabidadama ve dainehe, Hegiri, vagahu, renu mai ra Dirava renu Keriso Iesu ni Rohite au senige gera. <sup>3</sup>Da yaki rogevene nagate da Macedonia otege, Efeso uiahe yanegu koita be kirogeime yau negu uhuvaka isage be rome. <sup>4</sup>Ya negu badi nune nune igeime se bese isage badiva rogeime. E yabeki avahehe mi oroga beta Dirava gahara vare, gabidadama vagera. <sup>5</sup>Ga o maka magevara uhu anana mageva gera auki orogima, renu gabidadama riaga vagera. <sup>6</sup>Koita be yabemu ogi hakira gohanu eige yaumu ga kava ragoha. <sup>7</sup>Yau uravera yauka aena bia gahisa, eduge yauka yavahu yau gare uhuvaka va dibana veitera se yau anavare yau uhu vakera magera. <sup>8</sup>Noka dianara aena ga vara magera no aena uhura maguri mage gahege. <sup>9</sup>Noka dibanara, aena yau maemanera beta mage gaha yauera, eduge aena dibana veite gahava ya renu gogai va daure gahava yau era, renu Dirava dibane veite gahava ya, yau mamuhe renu yau neinuhe gahi gevare gahava ya, renu koita gahi gevare gahava ya, <sup>10</sup>ni muduka gahava ya, ata be ti ata beruta yagare gahava ya, koita norena idigei yauka damu veite meva kisa gahava ya, avanage gahava ya, ya idigei avanage roiare gahava ya, renu ogore yabena ga riaga avanage va roia. <sup>11</sup>Vasiba ga o aubougi gera ni Dirava mageve Hari mageve ra, daka biava goisa. <sup>12</sup>Keriso Iesu daki mage gahima. Dakera auki hero da moimanu, auka dibana di gabidadamave, Eige auki da mi au me koitave goinu. <sup>13</sup>Daka avanage ga koita vara, koita aena gava kamu gevege, renu daka koita daure vara. Eduge yaumu da vagahu gahanu badivara di daure vera anage daki kiego daka riaga dibana veitera. <sup>14</sup>Eige Rohi Bauge mageve raki di ada bohu raganu gabidadama ruta renu Keriso Iesu mageve uhurahe. <sup>15</sup>Ga ora makatera renu hedokatera noma ni bouge riaga gahisa, Keriso Iesu orogane ra ni daure vehe no maguri gahi geige vara, daure biava ramu dakaki. <sup>16</sup>Eige daki mage manu, Eige di uhure hegera, da bia, Keriso Iesu ra manau aubougi maguri gahisa. Au enaki ne badivara riaga gahare koitava

aubougi gera maguri behi behi misa. <sup>17</sup>Negubutu tau aubougi kini va, kosako dibana veite, erara veite e, Dirava kobabera, aena renu mage oti behibehi, Amen. <sup>18</sup>Timote, aigera daki ga berebere o maemima, di moe, yau urugoi ai vairenehe varavane rogeva, aka gogai mage gogaiva vivivara, <sup>19</sup>gabidadama renu uhuvaka mage kamuisa. A negu garemime, be yabemu ki yau gabidadamave gatugavenu. <sup>20</sup>Beyabera Himenaius renu Alexandar, idigeime daki Satani gasina otinu Eige yauna uhuvaka mohigeisa yau negu ga avanage ro geime.

**2** <sup>1</sup>E dainehe, urugoige daki ya gugu gahigeima yai berabeve ya, yai imimive ya, ya gahara ragohare ya renu yai mageve ramu koita yau ada goisa, <sup>2</sup>King ya renu hedo gahavaya yau gaitage, eige nona mai mage uhura renu kou veite maguriva uhura usa matau va renu ihi mage uhura. <sup>3</sup>Era Mage mati dodihegera ni maguri Diavara ve vagotonehe. <sup>4</sup>Au gahara varera koita aubougi geramu maguri ragohisa renu riagava dibana gahisa. <sup>5</sup>Badivara Dirava ra kobabera, renu mage gumavara kobabera Dirava renu koita yau gumagera koita roiare ra Keriso Iesu. <sup>6</sup>Avahugera auki au magurive mi vata maemanu ni mageve dainehe, au huhuvera dodihegera. <sup>7</sup>E dainehe ge daki ga roro koitava renu apostolo goinu-Ga riagvara daki roma beta tarata vara daki vima-daka itehe gahava uhuvaka mohimo koitavara gabidadamave renu riaga va seni <sup>8</sup>E dainehe, Daka urai ata yabera mata aubogi gera yau ada vava susutemi imimi ragohisa ho veite renu ga daure veite. <sup>9</sup>Guma kobuga ei, magi yaberamu ogona mage kiare renu uhu berebe ragohisa, beta omo ki nunenune gahigeisa, se gold renu eve koma damu rahote ya se ogona damu rahote ya kisa, <sup>10</sup>eduge otadovanu magi ya kia auma me mage uhura goisa. <sup>11</sup>Magi ramu kou veite uhura uhuvaka misa renu auma au uhure aubogi uhura misa. <sup>12</sup>Magi ra beta uhuvaka gava rorovara se hedo guma maguri gahigavara ata variada, eduge kou veite uhura maguri visa. <sup>13</sup>Badivaramu onu, Adam raki uru goinu, Eve ra ihiegera. <sup>14</sup>Adam ra beta tarata uhurahegera auki sirivanu eduge magi raki tarata uhura sirivanu eige auki daure mi oroganu. <sup>15</sup>Eduge, auka maguri mimivara au gami karuka miarei, renu yau abu gabidadama va maguri ragohisa uhu berebe ruta.

**3** <sup>1</sup>Ga o makavara rahora: Koita bena bia goisa romenau, auma me mage kisa. <sup>2</sup>Eige bia baugevaramu koita mage goisa. Auka ata ra auma magi kobabete goisa. Auma uhu mage koitava goisa, auka vagava nunenune dibanara, iaga regunaki gosigeisa renu koita yau gahara visa. <sup>3</sup>Aunegu gadiki daure mimi koitava goime, beta barakava koita vara, eduge auma uhu mage renu mai uhura magurivare koitova goisa. <sup>4</sup>Auma au yage maguriva mage gahisa, renu au gamuhe yaberamu matau gahisa guma aubougi uhurahe. <sup>5</sup>Atabe au yage maguriva mage gahiga gumava dibana veite goiare, auna orenaki Dirava dubuve narina vanu. <sup>6</sup>Auka beta negubutuge auki maguri isage manu, eige au hegiri ve negu raho goime au negu morugohime diabololo morugohone nagate. <sup>7</sup>Auma koita nune ruga vasi mage kisa, eige auka beta moru gohigovara se diabololo taratave uhura sirisi vara. <sup>8</sup>Guma kobuga eige diakono yabera matau ragohisa, renu beta ga avanage ragohisa. Yauka beta gadiki daure renu avahu tamuta gahavaya gahime. <sup>9</sup>Yau gadidadama veramu norena iaga goisa. <sup>10</sup>Yauka so urugoi riaga gahigeige vara, ihiege yauna yau meve kisa badivara yauka daure veitera. <sup>11</sup>Guma kobuga eige yau magi nune gainage matau ragohisa, beta ga momo ragohisa, yauka beta gadiki daure misa renu maguri riaga kisa. <sup>12</sup>Diakono yabera magi kobabete gahisa. Yauma yau gamuhe renu yau yage uhurava yabena mage gahisa. <sup>13</sup>Ogere yabena yau meve ki magegaha yauka ramiravera magera renu yau gabidadama vera berebera Keriso Iesu Iesu uhura. <sup>14</sup>Da onaki ai toregi orogarera, gakamu e ai gasina proto gahara vima. <sup>15</sup>Eduge da isuke miege, dakamu e ai toretore vi orogima aka ai meve dibanara, ana orenaki maguri Dirava yage mage gahigavanu, era ramira mage mati ga riaga yaheya vara. <sup>16</sup>Nokamu ni bouge riaga gahanu norena magurivara tahora: " Auka ahata makavara gera auki oroganu, Horu vagera auki mage manu, aneru yaberamu eraganu, renu mata inuhati geramu dibana gahanu, mata ketake oraki riaga gahanu, renu mi yage mi mage uhura maemanu.

**4** <sup>1</sup>Negubutu gera Horu raki ro mage gahima ihie orogare koita be yau gadidadama vera rabura goigo vara, eige auka sua daure au avanageve uhura sirisivara renu avanage uhuvaka mimivara <sup>2</sup>avanage uhura avanage gaha yau, yau uhu anana aubougi sebosebo vara. <sup>3</sup>Auka koita kirogevege yauka beta ata mage gahigavara renu yauka beta Dirava demaka kine demakava mage gahane misa, gahava yau riaga gahisa renu dibana gahisa. <sup>4</sup>Dirava kine iaganiva aubougi gera magera, iagabe mage gahiga veite yau negu mime. <sup>5</sup>Dirava garehe hedoka gahanu renu imimive kinu. <sup>6</sup>A iaga o idigei ai ogo nanuhe yau vagotonehe maemege, aka Iesu Keriso me mage koita vara. Badivara aka gabidadamava ge aki hero manu, renu uhuvaka mage a betia gahanu dainehe. <sup>7</sup>Eduge magi iahu yai badi gahara vare anegu gaharavima. eduge, ama avahu maguri dibana goisa. <sup>8</sup>Ahata maka uhuvaka vara magera, Dirava mageve iaga aubougi uhurahe gera magera. Magurivara ominue tera negu oti behibehi. <sup>9</sup>Ga ora riaga vara renu makatera renu makavara raho riagava. <sup>10</sup>Edainehege noki huhunagoha renu hedrokia. Maguri Dirava va noki gabidadama ragoha, auka koita aubougi yau magurivera, au riaga gahara gahava yau gainage. <sup>11</sup>Koita vasiba gahi geisa renu uhuvaka gahi geisa. <sup>12</sup>Koita benegu rome aka aviera, eduge ama koita yau ihehe ramisa ai garehe, ai gumagehe, ai hairehe, ai gabidadamave, renu a riagavehe. <sup>13</sup>Ate da oroge ge, ama dahisa, ama herokisa, adahare uhurahe. <sup>14</sup>A negu a mane iaga mageva besibe gahime, perovetava a mane, gauge ya au ade ai omote ada maemani. <sup>15</sup>Iaganiva narigeisa. Ama uhurahe goisa ai otitovehe, eige koita yabena ai dibane gahisa. <sup>16</sup>Ama avahu ai gabide misa renu uhuvaka va uhura. Ama dagedage otisa. A onaki kiare uhurahe, aka avahu ai maguri aki kamuima renu ai gare ihare koita yau gainage.

5

<sup>1</sup>Anegu ata iahu be namigime. Eduge hero gahisa matau gahisa ai mame nagate. Ogo nana matau gahigeisa, <sup>2</sup>renu Magi rahoya ai neinuheya nagate, mabi yabera ai amakinuheya, mage aubougi uhurahe. <sup>3</sup>Gobu matau gahigeisa, gobi riagaya. <sup>4</sup>Eduge, gobi be au gamuhe renu au vahi ruheya, auma so urugoi yau yage uhurava mage gahisa. Yama yau iahuveya yau damune kisa, badivara era magera Dirava vagotonehe. <sup>5</sup>Eduge, gobu riaga varamu avahu uiare ra, au magurivera Dirava auki moimima renu vani aubogi ge auki imimi vima, <sup>6</sup>eduge magi orena auseni hegiri yagoima aukamu subuta hoge raganu. <sup>7</sup>Enaki vasiba gahi geisa, eige auna mage uhura usa. <sup>8</sup>Eduge koita bena beta vasiba ga rorovanu au sokuhe yau, au yaga gahatuhe yau, au gabidadama vera auki aviera, au daurevera rahora, ga riaga dibana veite koita derikahe gera. <sup>9</sup>Magi beragu gobu be nagate goie au tau vera utu agorokiva derikahu gera, ata kobane mabarera. <sup>10</sup>Auma maguri mage mageva goisa, auna au gamuhe betia gahigiema se veitenu, se auna koita nune mage gahigeima, se auna Dirava aena koitatuhe yau base ketogeima, se huhu uhura uiare koitavaya mage gahigeima, se auna au magurive mi me mage kima. <sup>11</sup>Eduge gobu isage ya, ya negu idigei kobuga gahigeime. Yauka ahata maka hegiriva yauki yagoa Keriso besibe vare, yau ata mimi gahara gera yauki ragoha. <sup>12</sup>Guma ona vivive gera yauki ihi daure mi oroga badivara yau urugoi maemane gavara yauki gaise maema. <sup>13</sup>Renu yauka ata isukevara yauki dibana gaha, ga kava ragoha, renu yau ahatane idigei maguri daureva kia, beta roro gavara yauki rogeva. <sup>14</sup>Eige, da gahara varera, mabi yaberamu mobotegahi, gami idigisa, renu yau yage yauma regugeisa, renu yaunegu koita daure e guma be moimime, au daure mi orogime sigorova. <sup>15</sup>Badivara beyabemu subuta Satan hakirehe otinu. <sup>16</sup>Magi bena ga riaga dibana, auna gobe be ruga rugagena au uma, yama garehege auma gobu e yahegeisa, eige dubura beta isukebe mimivara, eige auna gobu riagaya yahegeisa. <sup>17</sup>Biaya ore yabena mage mioroga, eragei mage gahigeisa yau magurivehe, ogere yabena herokia gava renu uhuvakava. <sup>18</sup>Eige gara onakime auki roma, "Anegu boromakau avage goteva raroime au tamuta vare uhurahe" eige "me mare koitavara au damune hegiriva vivivara." <sup>19</sup>A negu yau bauge be tohide kine mime eduge koita abu se abigaga yau dibana gahege. <sup>20</sup>Daure gaha noma vaina mage gahigeisa daure kisa roeare koita varamu sigoisa. <sup>21</sup>Dakaki aga berebe gahima, Dirava renu Keriso Iesu vagotonehe renu idigevene aneruva yau, ana ha bauge o kamugei berebe gahisa, renu anegu be yau be mage gahigevara gumagahe kime. <sup>22</sup>Anegu be yau omote ada, ai ade maema kava vime. Anegu be daureve uhurehe sirivime. Ama avahu a aena gahisa. <sup>23</sup>Anegu eia gaitana mime. Eduge, ama vine tinakibe misa ai vagatane mage gahiga dainehe renu a komatavare uhurahe. <sup>24</sup>Koita be yau daureve ra irutahunava gera, eige daure era vani dokona orogare gava goigovara. eduge daure be yabera ihie ge yauna rogeisa. <sup>25</sup>Guma kobuga ei, me mage kiare yabera irutahunava gera, eduge me be yabera beta riagahe hunigeige vara.

## 6

<sup>1</sup>Noma dibana gahisa, ogore yabena me gahavaya, yauma yau biaguhe mage gahigeisa. Yauma ena kisa eige Dirava ihe renu uhuvaka ga vara beta daure goigovara. <sup>2</sup>Me gaha ore yabena yau biaguhe bia mageya, yau negu matau veite gahigeime badivara yauka ogonana yabera. Eduge, yauma regunaki mage gahigeisa. Badivara, ogere yabena mage mia yau maguri mageve dainehe yauka mage mimivara. Uhuvaka o mohigeisa renu riaga gahigeisa. <sup>3</sup>Koita bena avanage uhuvakava vima, renu ni Rohite Iesu Keriso ga riagave riagagahiga veite, <sup>4</sup>au hegiri vera maka veite renu auka iaga be dibana veitera. Au hegirivera komata nagatera maguri ga uhura renu avahahe uhura, gava ya, uhu daure gahigevara, ga daureya, daure uhu anna daureva, <sup>5</sup>renu gogai momona momonaya koita yau tanahe uhu daure koitava yau. Yaukamu ga riaga garehanu renu yau uhu anana vera ga riagavara yau munitahaka mudago mimi gumavara. <sup>6</sup>Maguri mage uhura hegena otodovanu era magera, <sup>7</sup>badivara noka iagabe mi ororo veitera mata o uhurahe, renu noka beta mati mata o uhura iaganiva be mi hakiragohi ravara. <sup>8</sup>Eduge, otado demakavana noie renu ogona vana no kia, noma hegiri ragohisa. <sup>9</sup>Ogere yabena munitaka gahara ragoha yauka dederagohi vara daure uhurahe, magu uhura. Yauka uhuvaka veite renu huhu mi orogare uhura dederagohira vara, se otado benu koita idigei daure uhura sirivima yauka eigera. <sup>10</sup>Badivara munitahaka orogare guma daure aubougi gumavara. Koita be ya guma e gahara ragohane ramu, yau gabidadamave garehanu renu yavahu yau huhuve raho ragohanu. <sup>11</sup>Eduge a, Dirava koitave, a negu iaga e ana geime. Ama hero kisa riagava, gabidadamava, mageva, uhuberebeva, renu matauva. <sup>12</sup>Ai gareramu ga mage goisa gabidadama uhurahe. Maguri behibehi kamui berebe gahisa ai totove uhurahe, renu a ai uhure mi maguri mage dainehe itone, koita mudago yabera dibanara. <sup>13</sup>Ga isukete o yabera daki a moimima ni Diravate vagotonehe, iaga aubougi mage gaharae, renu Keriso Iesu vagotonehe, auki Pontius Pilate vairenehe au uhure gava ronu, <sup>14</sup>Gava mage gahanu daurebera veite ate ni Rohite Iesu Keriso orogarei. <sup>15</sup>Diarava aukenama avahu Keriso ororo vaniva rosa-Dirava mage aubogi renu Bia, King au derikehe renu Rohi Bauge au roiege. <sup>16</sup>Aukaki avahu maguri behibehi renu au uiarera abaga uhurahe gera auki uma. Koita bera beta erara vara renu beta riagahu eraravara. Matau vara auera renu auka behibehi vara. Amen. <sup>17</sup>Muni tahakate koitavaya mata ada kirogeisa, yau negu hegiri raho ragoha renu yau negu yau muni muni tahakave dainehe uhu anana bauge ragohime. Eduge, yauma yau magurive mi Dirava moimisa. Au muni tahaka mi no mohige varera magera era hegirivera. <sup>18</sup>Kirogevege, yauma me mage kisa, muni tahaka me mageva, renu mage uhura renu bebe yahegeisa. <sup>19</sup>Guma eige yauna mage bougisa yauni, yau guragu mageve dainehe ihie orogarei, eige yauna maguri mage riagava dibana gahisa. <sup>20</sup>Timothy, a moimane ama gabida misa. Daure iaga ya renu ga maka veite renu maguri daure gahara gava ya, uhuvaka ga nagate. <sup>21</sup>Atabe yaberamu maguri ena vivive kinu eige yaumu yau gabidadama vehe gaise gahanu. Mageramu yaie goisa.

## 2 Timothy

1 <sup>1</sup>Da, Paulo, Timoteo gasina idi baraka besuganu. Keriso Iesu raki da besuganu koita bouge kirogeisa, unuhuna na au ruta, Rohi Bauge ra koita eya maguri behibehi mohigeige vara. <sup>2</sup>Timoteo, Da ka a gahara vima di moe nagate. Rohi Bauge ni mame mati Keriso Iesu ni Rohite magevena ai gasina otisa. <sup>3</sup>Dakamu Rohi Bauge mage gahima mati daka riaga va aua meve kisa, di mamu subuta kiego nagate. Dakamu vagoa veite imimi ai dainehe kima, Timoteo, vani mati vahi inuhati. <sup>4</sup>Dakamu gahara vima a eraga badivara dakamu anaima a orenaki di dainehe nivege. A da a eragi goirage, dakamu hegiri raho riaga vara. <sup>5</sup>Dakamu dibanara akamu riaga gabidadama vima Iesu gasina! Gurugoi, vahie magi va Eunice ra au maguri ve riaga gahanu Iesu Keriso gasina, edainehe daka dibanara aka Iesu Keriso riaga gahima, iau nagate! <sup>6</sup>Badivara aka Iesu riaga gahima, Dakamu mati a boriti gahima, ama Rohi Bauge a moimane iaganiva me gasina, da di ade ai adahe maemanehe mati ia dainehe imimi vane. <sup>7</sup>Rohi Bauge sua ve ni gasina orogane, auka no sigahiga veite; eduge, auka no hero mohi gevenu au Rohi Bauge ihisa, au mati beya gahara visa, mati no tabetabe gahigeisa. <sup>8</sup>Ia negu variva vima, ia beyau gasina ni Rohite Iesu gare viege. Ia negu di dainehe variva vima badivara daka vadibu yaga gera di gabidadama ve Iesu gasina. Eduge yama huhu mati isuke o da ruta misa. Noka hari mage o koita dadaga iau gasina roma, huhu uhurahe. Noka huhu o mima, badivara Rohi Bauge raki hero o no mohigeima. <sup>9</sup>Rohi Bauge raki no magegei mati roma noka au koitatuhea. Auka no mage gahigeima beta ni me mage dainehe. Veitera, Rohi Bauge ra subuta no mage gahigei ronu mati auka noi magera! Rohi Bauge raki iaga o bouge kinu Iesu Keriso maguri mati meve uhurahe, uhuvaka ora subuta Rohi Bauge raki anavanu. <sup>10</sup>Koita bouge ra Rohi Bauge raki maguri mohigeige vara badivara ni Rohite Keriso Iesu raki orogi hoge seboganu mati koita bouge gasina hari mage ronu, ga riaga ovara koita maguri behibehi mohigeige vara. <sup>11</sup>Hari mage o dainehe ge Rohi Bauge raki da besu ganu, dama besubesu koita, hari mage roro koita mati uhuvaka yagoia koita goisa. <sup>12</sup>Me oige daki huhu mima, edube daka variva veitera badivara daka dibana ra riaga ra Iesu Keriso gera, eige daka dibanara di gabidadama vera auki mi kamui ma ti au ororo vani veige. <sup>13</sup>A Iesu Keriso riaga gaha mati gahara viare , ama ga e ihisa, ga era di gasina ge aki ihinu. <sup>14</sup>Rohi Bauge ra ai gasina gabidadama vima, hari mage e aua moimane ama ga vavisa. Ama ga e mi Horu Aena va gabidadama visa, unuhu ra ni uhurehe. <sup>15</sup>Yaka dibanara gabidadama koita yau bouge Asia va bi da ruta vasi veite, Phygelus mati Hermogenes tage. <sup>16</sup>Eduge daka imimi vima Ni Rohite tena Onesiphorus mati au besevea mage gahigeisa. Auka vani dadaga da yaegima, mati auka variva veite da vadibu yaga gera. <sup>17</sup>Au vanahe, Roma orogege , auki da ia yagoi ti auki da behuganu. <sup>18</sup>Rohi Bauge mageve mu Onesiphorus ada au ororo vani vehe. Yaka dibanara au iahe iahe guma di gasina Efeso uhurahe.

2 <sup>1</sup>Aka di moe nagate. Edainehe daka a kiroma ama Rohi Bauge garema auma ai uhurehe memisa, era Keriso Iesu mage ai gasina. <sup>2</sup>A ga o di gasina ihege ama ga o beya boriti gahigeisa. A otado di gasina ihege koita beya tage dibanara mati yauka gabidadama tera mati yauka gabidadama koita yabera. Ama di uhuvaka ve mi gabidadama koita ya mohigeisa, ama koita e ya riaga gahigeisa, ge yauma mati koita beya uhuvaka mohigeisa geregere ve yauka aki uhuvaka mohigevenu. <sup>3</sup>Yama uhu berebe kisa da nagate, no Keriso Iesu dainehe huhu nagima, gogai koita be uhu berebe nagate au huhu uhurahe. <sup>4</sup>Iaka dibanara gogai koita yabera, yau koita raho yau ga re ihima, ia negu koita unage nagate koima. <sup>5</sup>E dainehe ruru rokoroko koita ya tage rokoroko gumava ge auki rokoroko vima. <sup>6</sup>Biru koita me hero kima tage auma ganai au me make misa. <sup>7</sup>Da otado idi baraka va ronu ia ma anaisa, badivara ia anavege, ni Rohite mu ya yahegei yama ga o anaisa. <sup>8</sup>Ya huhu uhurahe , yama Iesu Keriso anaisa. Auka Davida yagehe auki orogonu, mati Rohi Bauge raki hoge va maguri gahanu. Hari mage o daki roma. <sup>9</sup>Hari mage o dainehe daki huhu mati vadibu yaga ge otinu koita daure be nagate. Eduge Rohi Bauge ga rera beta vadibu yaga gera. <sup>10</sup>E dainehe daka huhu o mimi vara Rohi Bauge gahara koitatuhea yau dainehe. Daki ona kima badivara Keriso Iesu ramu maguri mohigeima, ge, auma au ruta behibehi usa yaga riaga vage. <sup>11</sup>Ga ora noki nega beige roma: "A no Iesu ruta hoge viege, noka mati au ruta maguri vara. <sup>12</sup>A no a ruta huhu miege, noka au ruta mage mimi vara. A no beta a ruta, auka beta no ruta goigo vara. <sup>13</sup>A no gabidadama veite Iesu gasina, au dagedage gabidadama tera ni gasina, badivara auka avanage dibana veitera. <sup>14</sup>Unuhuna Rohi Bauge gare roma , ama dageage borita gahigeisa. Ama Rohi Bauge uhurahe kirogeisa yau negu ga daure vaia gogai vima, badivara ia bera beta mage goigo vara eduge auka ihimi koita daure gahiga vara. <sup>15</sup>Ama ai hero ve kisa, ge Rohi Bauge mu rosa aka me koita bera mati aka variva veitera, unuhuna Rohi Bauge gare ro magegahima, ge koita yabamu rosa ga ora riaga vara. <sup>16</sup>Koita Rohi Bauge gasina ga daure roma ,ya negu yau guma vehe ogima, badivara ga okina ra Rohi Bauge ho riaga gahima. <sup>17</sup>Ga ora komata nagate ra. Hymenaeus mati Philetus raki ga onaki ro ya. <sup>18</sup>Yau gabidadama ve bina kosavanu. Yauka roma hoge gahaya ra subuta urimanu. Ga onaki raki gabidadama koita vaia kiego yauki Keriso gasina yau gabidadama mi goiragima. <sup>19</sup>Eduge, Rohi Bauge gare ra dagedage uma. Auka yaga be derike hero nagate adahe koita be raki ga onakinu: "Ni Rohite ra dibanara unuhu na au gasina" mati " unuhu raki roma auka Ni Rohite gasina ramu maguri daure garemisa." <sup>20</sup>Iaga dadaga koita va tage au demaka i ianagani vara golo mati siliva, mati idi mati vata herote demaka iagani vaia tage. Golo mati Siliva demaka iaganiva ra hegiri nega va ge yauki demaka ima. A idi mati vata herote iaganiva ra hegiri veite nagava ge yauki demaka ima. <sup>21</sup>E dainehe, unuhu yabara iaga daure kiraima, auka me mage vivi vara ni Rohite dainehe. Yauka demaka i iaga nagate, yauka me mage kiki vara. Yauka bina mage riaga goigo vara yau besubesu koita rohi dainehe, iaga mage bouge uhurahe. <sup>22</sup>A negu koita isage ya maguri daure gahara vima. Eduge, ama iaga ki mage gahisa. Ama Rohi Bauge gasina gabidadama vi mati au gahara visa. Ama u mage visa. Ama koita ununa ni Rohite mage gahima yau ruta usa. <sup>23</sup>A negu koita ga nune ro au ruta torubo vima. A negu yau ruta ga vima, badivara enaki koita yabera gogai ki vara. <sup>24</sup>A ni Rohite mage gahege a negu ho vima. Eduge, yauma mage koita bouge gehe kisa, yauma Rohi Bauge ga riaga uhuvaka va rosa, mati yauma koita yau gasina tabetabe goisa. <sup>25</sup>Eduge yauma koita unuhu ra

yau gasina ho vima ga gahigeisa. Rohi Bauge negu yau me daure vehe mage mohigeisa mati ga riaga dibana gahisa. <sup>26</sup>Ge yauma uhu magehe ogisa mati dibana goisa daure gasina yauki mage manu. Era koita daure raki avanage uhuanana ya mohigeima ge yaki au gahara iaganu kima.

**3** <sup>1</sup>Daka gahara vima ama dibana goisa: ni Rohite ororo kahika uhurahe, guma vara daure goigoi vara. <sup>2</sup>Koita yabara yau yavahu gahara vivi vara. Yauka nata gahara visa. Yauka yau yavahu yau mage rosa. Yauka hegiri daure kiki vara. Yauka koita beya daure gahigeige vara. Yauka beta yau iyahu ve iau gare ihihhi vara. Yauka beta koita beya mage gahigeigei vara. Yauka beta Rohi Bauge mage gahisa. <sup>3</sup>Yauka beta yau ogonanuhea mage gahigeige vara. Yauka beta mage kisa koita beya ruta. Yauka koita beya daure gahigeige vara. Yauka beta yau omo mage guma va ogisa. Yauka koita beyau gasina guma daure kiki vara. Yauka mage besibe visa. <sup>4</sup>Yauka yau koitatuhea daure gahigeige vara. Yauka guma daure kiki vara beta uhuanana mage visa. Yauka hegiri daure kiki vara, mati yauka yavahu mage gahigeisa beta Rohi Bauge gahara visa. <sup>5</sup>Yauka Rohi Bauge mage gahiga nagate visa, eduge yauka besibe visa hedo e Rohi Bauge gasina. Ya negu koita onaki ruta ogima. <sup>6</sup>Ata oya magi daure taragei mati kirogei yau yage uhurehe sirivima. Yauka mati magi e yau uhuanana ve miege magi e yabamu yau uhuanana va ogisa. Magi oya daure magi yabara, yauka ata daure oya ruta guma daure va ogima, era yau gahara viare maguri vara. <sup>7</sup>Eduge magi o yabaramu gahara vima, iaga isage dibana goisa, yauka guma mage va ogigi dibana veitera. <sup>8</sup>Guma kobugo ge Jannes mati Jambres raki gahara vima Mose kouko, ata o ya tage mati gahara vima koita yau gasina ga riaga kouko. Ata o ya ra guma daure vage yauki anana vima. Yauka avanage vima gabidadama riaga uhurahe. <sup>9</sup>Eduge yauka beta mage mimi vara yau maguri daure uhurahe, badivara koita yabamu di gahima yauka iaga be dibana veitera. Guma kobugo uhurahe Israela koita yabaki Jannes mati Jambres eragevenu yau tine raki daure goinu. <sup>10</sup>Timoteo, aka di gare ihima. Aka bina di guragu ve eraganu. Aka bina eraganu da oranaki Rohi Bauge mage gahima. Aka bina eraganu di anana ve au uhurahe. Aka bina eraganu di mageve di huhu uhurahe. Aka bina eraganu da Rohi Bauge mati ni koitatuhea yau gahara vanu. Aka bina eraganu di meve Rohi Bauge gasina, eduge me ora negabei ge isuke tera. <sup>11</sup>Aka bina eraganu guma ora koita yabaki da daure gahima. Aka guma bouge eraganu di huhu ve uhurahe da Antioch, Iconium, mati Lystra ge uhurahe. Ogo eige daki huhu bauge manu, eduge ni Rohite raki huhu e uhurahe da mage gahanu. <sup>12</sup>Riaga, yauka unuhu Iesu Keriso itahe ogi huhu mohigeige vara. <sup>13</sup>Ata daure ya mati avanage koita vaia ramu daure raiga vanu. Yauka koita sivagei geige vara ga riaga gasina, yauka mati guma be kisa koita beya sivageige vara <sup>14</sup>Eduge ama, dagedage guma mageva ogisa, mati iaga gabidadama riaga gahi gevenu ra magera. Ama da anaisa, badivara daki iaga oya a uhuvaka a moimanu. Ama anaisa a gami isage uhurahe, aka uhuvaka manu Rohi Bauge Hari Mage ve uhurahe. Guma oraki a kiroma Keriso <sup>15</sup>Iesu raki no maguri gahigeima ge noma au gasina riaga visa. <sup>16</sup>Hari Mage bouge ra Rohi Bauge Horu Aena gasina orogima, ge noma uhuvaka va yagoisa mati uhuvaka va Rohi Bauge gare riaga gaha. Noma uhuvaka va rosa ge koita yabamu riaga gahisa. Noma koita mage gahigeisa, au daure guma va ogiege. Mati koita uhuvaka gahigeisa mage kisa. <sup>17</sup>Noma maguri o kisa ge Rohi Bauge mu uhuvaka mati mage gabidadama koita mohigeisa ge yauma mage bouge kisa.

#### 4

<sup>1</sup>Keriso Iesu orogi Rohi me kisa goige, auka maguri mati hoge koita yau maguri gagae kisa. Negu au mati Rohi Bauge ra da eragima, da ga o a boriti gahima uhurahe <sup>2</sup>ama Keriso gare rosa. Ama me o kisa au huhu veitera uhurahe mati au huhu uhurahe tage. Ama koita kiro geisa mage guma va au daure kiege. Ama kiro geisa yau negu daure guma ogima. Ama hero ga mohigeisa yauma Keriso itahe ogisa. Ama iaga o kiogeisa, a uhuvaka mohigei uhurahe, ama mati vani bouge tabe tabe yahegeisa. <sup>3</sup>Ga ora daki a kiroma badivara vani vara orogima koita ya ni tanamage ra beta Rohi Bauge guma riaga va ogima. Eduge, yauka ata beya behugeige vara ata eya uhuvaka mage roro vara yau gahara vane uhurahe. Guma oige, yauka gahara iaga isage mati uhuvaka nune dibana goisa. <sup>4</sup>Yauka ga riaga beta ihihhi vara, mati ga avanage gahara visa. <sup>5</sup>A, Timoteo, ama uhuanana mage misa maguri o uhurahe. Ama huhu uhura usa. Ama Hari Mage bu rosa. Ama ai meve ki kosaisa, Rohi Bauge dainehe. <sup>6</sup>Ga ora daki a kiroma, badivara daka hoge vara mati mata o garemisa. Daka idi tahaka kerekare eiya nagate auka bohobo vara Rohi Bauge mageve dainehe. <sup>7</sup>Daka rokoro koita be nagate au mageve ra rokoro eiger. Daka ruru be koita nagate di ruru bina kosavanu. Daka bina da gahara vane iagani va bouge Rohi Bauge gasina kinu. <sup>8</sup>Iaga mage bera dai era badivara daka Rohi Bauge gahara maguriva unu. Rohi Bauge ra di maguri ve gagae kisa guma mageva. Auka iaga mage e da mohimisa au ororo vani vehe. Mati auka iaga mage kobuge mi koita beya mohigeige vara yau au nitabatabe gahe ge. <sup>9</sup>Timoteo, ama di gasina vaina orogisa. <sup>10</sup>Demas ramu da garemanu Thessalonica otinu badivara auka vata maguri o gahara vima. Crescens ramu Galatia otinu, a Taitu ramu Dalmatia otinu. <sup>11</sup>Luka da dagedage da ruta. Ama Mareko mi a ruta orogisa. Ama kisa badivara auka da yaheya vara. <sup>12</sup>Dakamu Tychicus Efeso besuganu. <sup>13</sup>A orogehe, ama di rukuru iaga da Troas garema Carpus ruta morogisa. Ama idi baraka iagaya tage moro geisa, ura ho vada tage morogeisa <sup>14</sup>Alexander auri me koita ra di gasina beta magera. Ni Rohite mu huhu moimisa. <sup>15</sup>Atage ama eragisa badivara auka guma bouge kinu Rohi Bouge gare kouko. <sup>16</sup>Da ganahe maguri daure ogova ramane, gabidadama koita bera di gaika gera veitera da hero moimisa. Yauka yau bouge unu. Rohi Bauge negu huhu mohigeima. <sup>17</sup>Eduge ni Rohite raki da ruta mati da mage gahanu. Auki da hero momi, ge daki au gare ge Gentiles bouge mu ihi sa. Guma oige Rohi Bauge raki hoge da maguri gahanu. <sup>18</sup>Ni Rohite raki da maguri gahanu daure iaga bouge yau kiege uhurahe. Auka da maguri gahiga vara au rohi ogo gera Basileia. Koita mu au mageve rosa vani inuhati. Aukamenu <sup>19</sup>Priscilla mati Aquila mage gahigei. Onesiphorus yaga gaha vaia tage ama mage gahigeisa. <sup>20</sup>Erastus ramu Corinth ogo vara gera. A Trophimus Miletus ge daki

gare manu komata dainehe. <sup>21</sup>Ama vaina orogisa badivara rukuru vani mu orogima. Eubulus mu a mage gahima, Pudens, Linu mati ni ogo nanuhea bouge tage a mage gahima. <sup>22</sup>A sua vemu ni Rohite ruta goisa. Auma mage goisa yai bouge gasina.

## Titus

**1** <sup>1</sup>Da PauIo Dirava besubeve renu Iesu Keriso Apositolo ve, da rinatei renu besui Dirava rinate gevene iahe gei iau gabidadamave uriġatu gei, riaga ni dabu e ġaihone gevene. <sup>2</sup>Era ni anana ve maġuri behu behu Dirava, unuhunu ra tarata veitera, no (gwauhamata) ġahigei maġuri o, uriġatu negahe. <sup>3</sup>Renu riaga, nega ei, auka ġaihonemi au garei dai daki haroro ġahi Dirava urahe ni maġurivei. <sup>4</sup>Daka torei oti titoi di moe riagava gabidadama kobabe uhurae Dirava ni mame, Keriso Iesu ni maġuri te, au hari-hari, au maive ia moigevene. Tito Meve Kereti. <sup>5</sup>Da ia ġaregei Kereti, ge iama so iaġa (beugei/ieriri) ġahigei gabu- ehe - dubu uriga gevare oġo kobakoba gerama di urae (anaisa). <sup>6</sup>Bauge iabera ma daure veite goisa, auma magi kobabe misa, au gamuheia iaberama gabidadama, beta omo muni, renu matau veite gahisa. <sup>7</sup>Badiva dubu urigatare ra Dirava meve biagu gahare, auka daure veite, beta dage-dage renu, ageraira veite, se gadiki, moni nigu. <sup>8</sup>Auka uhu dau koita renu lalokau, otado bene mage, uhu berebe, me riaga aena renu vagata berebe isa, koita vagoisa. <sup>9</sup>Auma ga riaga kamoi berebe goisa, orene riaga renu orene riaga gahi, ġaihone ġaihone gavaia. Guma oi auka be iahegei ġaihone ġaihone riaga renu daure ġaihone mi ogorea iabera au koua uhura. <sup>10</sup>Mage iau gare kougeisa, ġaikava bese uhugati gera, iauna ku beta ġaihone gevare, iau bada, gera variva iaga moni me uhura. <sup>11</sup>Noka riagahe kougeige vara. Koita yabera yauki hogageva yau variva iaganivehe era yauka beta roeare. <sup>12</sup>Kereti iauvagu, iau Peroveta, ogorea iabene riaga roia, a Kereti iabera (va nega) iaubada donaraga. <sup>13</sup>Ga era riaga vara, daine nami gei hero gahi geisa, ege iau gabidadamave rama mage goisa. <sup>14</sup>Ege Iudea iau teneve renu iau koita taravatu e, koita iau gera - ogorea iabene riaga betia gaha. <sup>15</sup>Iaga iaubada gera mage herea, ogorea iabene mage, uduke iaga iabera mage veite, ga ihihhi veite iau, iau uhure renu anana ve iabera daure ra. <sup>16</sup>Iauka roia, iauka Dirava dibane, uduke iau maguri ve raki taraga - betia renu matau veite, iauka hero veite iaga be ki auna ġahiga.

**2** <sup>1</sup>Ai (hahediba) mege ġaihone-geisa. <sup>2</sup>Ata raho (hadiba) ġahigeisa iauka uhu berebe ragisa, iau gabidadama mave, lalokau, iauma rahi berebe ragohisa. <sup>3</sup>Guma kobugei magi bauge iabera ma matau ragohisa, magi iau au-gehe. Aena ragohisa iauma hahediba riaga ragohisa. <sup>4</sup>Ege iauma magi isage ġaihone gei iau atuhe renu gamuhe lalokau ġahigeisa. <sup>5</sup>Iau uhure vata gei ieriri ġahigeisa riaga magi mage gahisa iau atuhe gu ege koita benu iau-harike ro daure gahima, auka Dirava gasina oroganu. <sup>6</sup>Guma kobuga ei ata isagea iabera ma uhu berebe gahisa. <sup>7</sup>Iaga oi iaubada ama iau ġaihone geige koitava goisa mataua riaga renu ai ġaihone geige va berebe goisa. <sup>8</sup>Ai ga riagave daine bera beta a hedu ġahiga vara renu, betia gahare koita iabera variva ragohi iaġa daure be beta no'i rosa. <sup>9</sup>Besube koita-vaia bera ma, iau biagu tuheau gare ihisa, iaga iaubada uhura ehe hegiri ġahigeisa, beta hedu gahi geige vara. <sup>10</sup>Se vaho ġahigeisa iauka ġaihone gei mage renu ege iau (hahedibave) Dirava ai maġuri vei sena iaune me gaha gabidadamarehe. <sup>11</sup>Dirava hari-hari vera dinaima, koita iaubada maġuri ġahi geige va. <sup>12</sup>Fari ora no ġaihone gei Dirava ruta gurahisa vata oi. <sup>13</sup>No hari-hari maġe nari varehe ni anana vehe Dirava rahoherea renu ai maġurite Iesu Keriso au ġaiho nemarehe. <sup>14</sup>Auvaġu au no moigei, no maġuri ġahigei daure nune nune iau uhura-ehe, no koita maġe ġahigei noka a'ueġu gera kara maġe kiki ariehe. <sup>15</sup>Iaġa o ġaihone geisa ai tiahu ġore a hero ġahi gevare, ai gare iha- rea.

**3** <sup>1</sup>Ai koita tuhe uhu vaka moigeisa, (taravatu) koita vaia renu tiahu koitavaia uhu-dau ġahi geisa renu gurami (heġaeġae) isa, maġe nune- nune me ġahiġa uhuraehe. <sup>2</sup>Kirogei rosa koita be daure ġahiġaehe, uduke uhu maġe renu vasi maġeva renu kara maġe kisa iaubada iau. <sup>3</sup>Ege no ġaita gera subuta maġuri, daure matau veite renu daurea, noka daure iau uriġatuġa vehe renu ura nune nune vehe, ni maġurive iau, anana daure, renu betiava bea no betia ġahigevare ġaita betia ġahi geva. <sup>4</sup>Ege no ġaita gera subuta maġuri, <sup>5</sup>daure matau veite renu daurea, noka daure iau uriġatuġa vehe renu ura nune nune vehe, ni maġurive iau, anana daure, renu betiava bea no betia ġahigevare ġaita betia ġahi geva. <sup>6</sup>Dirava au Sua Aenave bohui ni ada Iesu Keriso ni maġuri te uhuraehe. <sup>7</sup>Edaine auhari-hari maġeve ne, ni riaga ve rosa Dirava ruta oroġi maġuri behu-behu no ana vare uhuraehe. <sup>8</sup>Ora roro riaga vara, ga ora iaka roro hero raisa, ege Dirava riaga ġahare koita vaia bera iau gohi-gohi ġahigei, kara maġe me ġahisa, era maġe herea koita iaubada iau. <sup>9</sup>A daure gava raira renu ġogai ġahigeaehe ġaise, renu ġogai taravatu, ariehe, badiva iauka maka veite renu darue iabera. <sup>10</sup>Nega abu (daure va pada kiare) koita va ugoro ġahisa renu iaġa be, au mati kisa-ġare. <sup>11</sup>Ana dibana koita era daure ra renu au daureve raki avau au daure ġaihone-mima. <sup>12</sup>Da Aretema besuane se Tikiko oti ai, di ġasina ama vaina orogisa, Nikapoli ġaikava ra (iaha or gogo) vaehe dama iaruta ikehe guragu roma. <sup>13</sup>Sena taravatu koita va renu Apolo iau ioave ġumava baovisa renu erageisa iau urae iaġava iaubada kisa, <sup>14</sup>Ni koita tuhea maġe kikihe iai (time) maemisa, iau urae riagava raġare-ehe iauka beta maġuri maka veite guragu ara. <sup>15</sup>Di bamo-duhea daruta ikoho ni uhu-maġeve besui iai ni uhu maġeve ni vasi ruhea gabidadama uhura ehe Dirava hari-hari maġeveġu iai-bada iaruga gurame.

## Philemon

### 1

<sup>1</sup>Ora da PauIo, Keriso Iesu besubesu ġamite, renu ni oġo nane Timoteo, Oti Filemona ni vasire mati me bamode, <sup>2</sup>oti ni amakine Afia, ni me bamode Akapusa, mati ekalesia ġahatuhe iau. <sup>3</sup>Dirava ni Mame mati ni Rohite Iesu Keriso au maġeve

mati au maive iai bouge miahe.<sup>4</sup>Da imimi viare dakamu a anavare daki nega inuhati ni Diravate mage gahima<sup>5</sup>badiva ai meve gava dakamu ihima ai mageve ekalesia iau mati ihihive ni Rohite Iesu gasina.<sup>6</sup>Di imimi vera ai ihihive amu ai soukuhe ruğa me gahare, gerege nona ihihi mageva no meva kiare era Keriso iera.<sup>7</sup>Dakamu ai gera daki heğiri vima mati hero mima ai iahe iahe mageve uhura, badivara di oğo nane, ekalesia iau soruke iabaramu isage gahanu ai dainehe.<sup>8</sup>Paulo Imimi vanu Onesimas dainehe E dainehe, daka Keriso ihehe, a hero gahima, a kisa roiare meva ama kiogeisa,<sup>9</sup>eduge daka uhu magevage imimi vima, da, Paulo, daka ata bauge vara, renu Keriso Iesu meve kiki koitava bera daki a imigima.<sup>10</sup>Daka aige daki imimi vima di moe, Onesimas dainehe, dakamu au Mame goinu da vadibu iagava uegei.<sup>11</sup>Subuta gera auka ai iağa be veitera, eduge negubutu auka mağera riağa vara ni abu noi.<sup>12</sup>Di soruke inuhati, dakamu e besui goirağima, ai gasina.<sup>13</sup>Dana so kamui goirağare, da vadibu iagava iau da kamui uiare badi mage o iau dainehe, gerege auna da iahegi meva be kiogevare,<sup>14</sup>eduge daka beta iağa be a dibana veite e kiki vara, eduge ai me mageve uhura goisa, beta a dona gahisa.<sup>15</sup>Menu gena au nega tina kibe a garemene makava aukamu onu, auka goiraği ai gasina guramisa oti behi behive,<sup>16</sup>aka beta besube koita nubağa vara, eduge oğo nana mageva–di gasina eduge auna ore nagate ai gasina, iai abu ruğa ahata maka ai mati Keriso mageve uhura.<sup>17</sup>Eige a da mi iai bamode kiare, ama au tage mi ai bamode kiare nisiğami gami ai iagehe motisa a da kiego nagate.<sup>18</sup>Auna iai guma daure be kinu, se iağa be ai manu, ama idiği di ihehe maemisa. 19 Ora da Paulo, di adahe ge daki torevanu: dakena damua ki goiragisa. Daka beta iağa be ai roro vara se a dai mane damua tage rosa.<sup>20</sup>Erege, di oğo nane, ama Keriso ihehe guma oi da iaheğisa di urave kisa! Keriso ni oğo nane ihehe di uhure mage gahi heğiri gahisa.<sup>21</sup>Da idi hana ai gasina sei gahare, daka dibana aka kiego raho gahiga vara eige daki a imigima.<sup>22</sup>Iaga be tage, ama daiutu be dani misa, badiva iai imimive inuhati Dirava augera auka ia mohigei gevara.<sup>23</sup>Hegiri ga netu netuEpahra, unuhu vadibu iaga dağore Keriso Iesu dainehe au heğiri gare besui iağa.<sup>24</sup>Renu di me bamo bamoduhe Mareko, Aristahus, Demas mati Luka.<sup>25</sup>Ni Rohite Iesu Keriso au mageve ne ia ruta goisa.

## Hebrews

1<sup>5</sup>Vaisu genu Dirava aneru be kironu,"Aka di moe mati daka ai mama era ? Se Dirava na ronu," Daka ai mame goigovara mati aka di moe goigovara?"

2 Erage noma hari mage o ihi mati kamuisa, no negu esea rago hare sigorova.

3 4 5<sup>4</sup>Rohi Bauge ki hedo moimi au Arona moimanu nagate.<sup>5</sup>Guma kobua eige Keriso ra au avahu au mi Aena koite roro veitera. E uhura eno be ki onaki ronu," Negu vani aka di Moe, daka ai Mame."<sup>6</sup>Yaumu buka bei onaki ronu ,"Aka Aena koita e,negu oti behibehi ve Melchizedek nagate (tenevehe.)<sup>7</sup>Iesu au Rohi Bauge imigege mu eno raho tahu mati nina ruta ge auki au mame imigege auma hoge augava yahegisa.Rohi Bauge mu au imimive harere gahanu.<sup>8</sup>Auka au Moe kobege, auka au abidadamave kaumiuhuru.<sup>9</sup>Keriso ra mage riagariaga vara, au mageve ki maguri behibehi ve no mohigevenu.<sup>14</sup>Eige demaka berebere ra hero te gaha yauera. Hero o uhura yauki mage mati daure guma eraganu.

6<sup>5</sup>Rohi Bauge ga Aena mati hedo Aenave tage yaumu au gare eragare.<sup>13</sup>Rohi Bauge Aberhamu ihiromonu negahe, Au avahu au ihehege, auki hedo moimanu. Beta, be ihehege badivara Auki au avahu Bauge bera mati veitera.<sup>19</sup>Ni Horu ve ogi gumava mu yeriri goisa, Au ronu e nagate.<sup>20</sup>Iesu Keriso ki bina no urigatu gahigevenu, Auki bina ni Aena Koita ve gone negu oti behibehi ve. Melchizedek hahediba ve itahe.

7 Auka mama veite mati neina veite, badi veitera,atia veite ,umuka veite, vani veite.E uhura, Auka Dirava moe badiva Auki avahu Aena Rohi behibehive.<sup>7</sup>Eige ekalesia Bauge ki mati avie magegahige.<sup>8</sup>Enaki dainehe Bauge abeki gahu ragaha mati uya.<sup>9</sup>Negu Levi koite tage mu au gahune maemima Aberhamu vairanehe.<sup>10</sup>Levi tenevara so vagata uhura Melekisedeka ki Aberhamu behuganu.<sup>13</sup>Au una terona aena eai memisa.<sup>14</sup>Auka Iudea seni ge auki oroganu, kobege Mose ra aena koita yau gare roro veitera.<sup>18</sup>Ganai ganai aena kinera berebe veitera./v 1 9 Aena era regunaki berebe veitera, erage Rohi Bauge gasina ugena non mage eragisa.Erage Aena Koita ora, aena mati miro veitera, riagariagavara, daure bera au veitera va, Au ugena nona motegahisa.

8<sup>1</sup>Negu, ni Aena Koita vera basilea terona hege auki guramimia, Rohi Bauge ada vamaga hege.<sup>2</sup>Auka ni me mimi koitavara Aena dubu va, va dubu aena era Rohi Bauge ki kinu, beta vata o gahavaya.

<sup>6</sup>Keriso,me hedoke ra rahogoi mati damuna tera.Me hedoka era yaheyahe koita tera mati gwauhamata mage tera. Ganai aena era huhu veitera dainehe ge,noki mati isage o manu.<sup>7</sup>Ganai aena era huhu veitera dainehe ge, noki mate isage o manu.<sup>8</sup>Rohi Bauge ki yau daureve kamui bina ga maemanu,!?Vani e abemu kahika goimu,Rohi bauge ki ronuDaka Aena isage kikivara.Israela gaha ruta mati Iuda gaha gaitage.<sup>9</sup>Era beta negu da yau baugetuhe nisigei yau adehe,Aikupito mata va otine.Badiva yauka Aena ga e regunaki me gahi geige veitera, eige daki bina rebotegevenu,Rohi Bauge ki bina enaki ga gahigevenu.<sup>13</sup>Aena isage o nona me gahisa, badiva Aena emene e negavemu netuanu.

9<sup>1</sup>Ganai Aena ra tomadiho gumava te mati Aena yaga tera.<sup>2</sup>Aena yaga e itahe daitu vara abaga iaga mati Rohi Bauge hauakave maema gabuvara.Er ihivara aena gabuvara.

<sup>6</sup>Me o abouge yau kiare itahe yauna itahe daitu o uhurahe otisa, aena me bina kiogeisa./v <sup>7</sup>Aena Me Koitava na avahu daitu abugagahigava otisa „kobege mamoe se nani taokava auna koita yau daureve kamo geisa.<sup>13</sup>Yau negu nani gouti mati boromakau taoka mati ere „ agotava dare kamogeve, na mameanu se, <sup>14</sup>Erage Keriso taokena bina Horu Aena ni daureve beta ketogeigevanu se ? <sup>15</sup>Eige,Aukena auvahuAena isage o meva kisa.Au hoge ve ki daure aubouge kamo gevenu, mage mane gahava abena uu oti behibehi ve goisa.

10 <sup>17</sup>Aumu mati ronu,"Yau daureve damu kamu anu, daka beta ana geigevara." <sup>18</sup>Negu daure kamogeigei guma emene abera maka veite abera.

11 <sup>7</sup>adakasi va magu origane itahe.

12 <sup>9</sup>Erage,ni mamuhe abeki no mage gahige mati noma mati matau gahigeisa.Ni Mame Baugeva tage matau gahi.<sup>27</sup>Ga o make ra beta Au ada kikive auna marere gahisa.Ar au ada kikivera yaka beta riagahe marere gahiga vara.

## 13 James

### 1

<sup>1</sup>Iakobo, Dirava me koita va renu Rohi Bauge Iesu Keriso, oti Iduhu utube hakira abu mata aubougi ada, mage riaga vara!<sup>2</sup>Yama dibana gahisa iaga aubougi gera magera, di ogo nanuhe ya, dagedage ya isuke be uhura siri ragohege . <sup>3</sup>Yama dibana gahisa yai gabidadama ve hero gahiga dainehe gera, yaka uhu berebe dibana gahisa.<sup>4</sup>Uhu berebe va ramu mage goiege aka herote goisa renu uhu berebe te goisa, iaga aubougi gera mu e ai gasina. <sup>5</sup>Eduge ogere yabena uhuvaka gahara ragoha, auma Dirava imigisa, au mohimo vera magera beta ho se namina rutagera.<sup>6</sup>Eduge auma gabidadama va imimi visa, beta uhu anana bei. Koita bena uhu anana nune vima auka eve raho goiare nagatera nono raki uhu ioaime eve ada. <sup>7</sup>Koita e negu anai rome auka iaga be mimivara Rohi Bauge seni; <sup>8</sup>Auka uhu anana abu koita vara, auka hero veitera au maguri aubougi uhura.<sup>9</sup>Anana veite ogo nana vagu, au ihi bauge ve hegiri va vie, <sup>10</sup>eduge kohute koita vagu au ihi avie ve dainehe, badivara auka hoge ragira vara ura uhura idi hanaka mageva be nagate. <sup>11</sup>Vani hedoka vara vene hedoka nagatera renu isu kokema gahi gavara. Idi hanaka vara dedevara, au haire ra dau ragira vara. E nagate, kohute koita vara dau ragira vara au ioave uhurahe.<sup>12</sup>Magera, uhu berebe kiare koita va ie era. Au uhu berebe kiare itaha rahe, auka maguri korona va mimivara, Dirava riaga gahare koita va ya, yau era. <sup>13</sup>Be negu au isuke miare uhurahe, "Dirava raki isuke mi da moimima," badivara Dirava beta daure va raki isuke moimima, etage auka koita be isuke moimo veitera. <sup>14</sup>Eduge koita ra avahu au uhurehe gahara vare raki isuke moimima, eraki butui mi gaise oti taragima. <sup>15</sup>Au uhurehe gahara vare riaga goige, daure veramu bina oroganu, daure e raki rarogeti ti hoge havara gahima. <sup>16</sup>Daure negu ya idigeime, di ogo nanuhe ya.<sup>17</sup>Taga mage va ya renu iaga mage riaga va yabera vava seni auki oroganu. Ni Mame abaga Bauge seni ge yauki uguhi oroga. Au gera vagava nune se vadibu bera veitera badivara a goiragime. <sup>18</sup>Dirava raki no idi gevenu ga riaga uhurahe, eige noka au gahara vare idi tahaka va nagate yabera, iaga aubougi au kine uhurahe.<sup>19</sup>Yaka dibanara, di ogo nanuhe mageve ya: Ata abougi ge ramu vaina ga ihisa, ihie ga ragohisa, renu ihie ho goisa. <sup>20</sup>Badivara koita be ho goiare ra beta Dirava ga riaga ve mage gahiga vara. <sup>21</sup>Edainehe daure aubougi idigei gaise gosigeisa renu isuke gare geisa. Uhu mage ruta ga riaga begene misa, ena yai horu ve maguri gahi geisa.<sup>22</sup>Gava maguri ragohisa beta ihihigu rago hisa, yau negu yai avanage rome. <sup>23</sup>Koita benu ga ihihiko koita gu goima eduge maguri va kiki veite, auka mata o koita va nagate avahu au erara vage hevari va eragare nagate. <sup>24</sup>Avahu au erara vage aumu eraganu eduge au ogo otinei aumu au erara vage vague gahanu. <sup>25</sup>Eduge aena ga riaga va maguri vare koita vara, renu dagedage maguri e mage gahima, beta ga ihare renu vagua vima, ata e maguri vera mage hereavera.<sup>26</sup>Koita benu roma au ga riaga dibanara eduge au gare ra daure, au uhure ra daure ra renu ga riaga augera maka veitera. <sup>27</sup>Ga riaga va maguri ga vara renu auka daure be veitera, ni Dirava ve renu ni Mame vagotonehe, noka mama renu neina veite momona va ya renu gobu ya yau isuke uhurahe noma yahe geisa, renu no negu mata o mirova mime.

### 2

<sup>1</sup>Di ogo nanuhe ya ya negu gabidadama mi Iesu Keriso uhura kime, Rohi Bauge haire, koita be yabera aka mage veite. <sup>2</sup>Hegiri be uhurahe ge koita bena sirivisa ihiko iaga mageva renu ogona hairate ruta, vagahu atava kibe na mati sirivisa ogona darikete ruta. <sup>3</sup>Ana ihiko iaga mage renu ogona hairate kine koita va kirosa, "Oroggi guragu mage gahiva gurama," eduge amu ogona derikete koita va kiroma, "Di vasi gaikahe gurama," <sup>4</sup>ena bebe yau daureve na ya roeia? Yaka meta bebe yau daure ve rogeva?<sup>5</sup>Ihiyahe di ogo nanuhe ya, Dirava ramu beta vagahu koita va ya idi gevenu, yauka herote gahisa gabidadama va renu mata mage biava gahisa, au ominu gahi gevene gahava yau? <sup>6</sup>Eduge yamu ihi veite gahava ya daure gahi gevenu! Beta nagate iagate gahava yabena ya daure gahi geisa ei? Se yaukena ya idigei berabe gabuva ota? <sup>7</sup>Ya ihiro gevene ihi magete koita va yauki daure gaha?<sup>8</sup>Buka aena uhura basileia taravatu vara roma, "Ai gaika koitava ama lalokau gahisa, a avaga a lalokau gahare geregereva." A taravatu e badina gahare ra, aka kara dodihege aki kima. <sup>9</sup>A idukena ia koita iau erara vage eragei raho gahare ra iakamu bina daure kinu, renu taravatu vara rosa iaka taravatu dodo dodo gahava iabera.<sup>10</sup>Taravatu kobabe dodo vare koitava ramu bina taravatu iau bougei dodo gevenu. <sup>11</sup>Badivara koita be negu rosa, "A negu ni muduka vima." Koita kobua e mati rosa, "A negu koita be gami hoekima." Iduke au ni

muduka veite ȝoiarei, koita be ȝami hoekare ra, auka taravatu dodo dodo koita vara.<sup>12</sup>No maȝuri ȝahi geige taravatuva ieriri ȝahigeige koitava, iau garehe, renu iau avani vehe noma otisa.<sup>13</sup>Badivara Dirava, maȝe renu daure roeare uhura gera, auka beta vaȝahu veite koitava vaȝahu ȝahiȝa vara; iduke vaȝahuva raki iaȝa au bougei (hahemaoro) maȝe ȝahima.<sup>14</sup>Di sokuhea, iai vaȝa be rosa auka ȝabidadama te, a au avani vehe hadina ȝahiȝa veite ȝoiare na otado maȝe be na au? Ȝabidadama ena a maȝuri ȝahiȝava? <sup>15</sup>Ȝereȝereva oȝonana bea kiki dabua ura raȝi mati tamuta iaȝa veite ȝahare, <sup>16</sup>a boriti ȝahigei rosa, “Dirava maȝeve miahe! Udumeva uiarei mati tamuta maȝe raȝiahe! A idukena a maȝuri uhura kohu raho e mohigeige veite ȝoiare na, maȝe vana bina otadoanu?” <sup>17</sup>Ȝabidadama varamu ena ȝoiȝorera; au avani veite ȝoiare ra, auka hoekera.<sup>18</sup>Iduke bera rosa, “Koita bera ȝabidadama te, bera avaniva kima. Di roro vera monu, “Da ȝaiho neme, orenaki koita bera ȝabidadama te ȝoisa, a avani vara veite,. Daka di ȝabidadama vera di avanivehe ge dane hadina ȝahisa. <sup>19</sup>Iana riaȝa ȝaha, Dirava ra kobua bera? Maȝe ra! Sua daure ȝaina geramu riaȝa ȝahi, sigoraȝi, ȝabubu raȝa. <sup>20</sup>Uhu veite maȝahanu! Iai urave na ia ȝaihonegei rosa ȝabidadama avaniva veitera, maka veitera.<sup>21</sup>Abraham na orena kimena au Dirava ȝore au maeami ireriri ȝahanu? Au avanivehe gera; au moe Isako, au mi pata aena ada maeami, boubou iaȝane ni kine dainehe gera. <sup>22</sup>Iana eraȝa? Au ȝabidadamave renu au avanive iaberaki me mimi bou raȝanu; au ȝabidadamave ra au avanive raki ȝuȝuru ȝahanu. <sup>23</sup>Buka gava raki bina riaȝa ȝoinu. Onakime auki roma, “Aberahamo raki Dirava mi riaȝa ȝahanu, mati au ȝabidadamave dainehege Dirava raki au avani ieririve ronu, eige iauki Aberahamo mi Dirava vasire ronu. <sup>24</sup>Bina eraȝiahe, eramu ni avanivehe ge Dirava na no idigei au ȝoreha no ȝosigei ieriri ȝahigeisa, beta ȝabidadama ȝu gera. <sup>25</sup>Oro maȝi, Rahaba tageramu ena ȝoiȝore ra. Au Isaraela mata erara ȝahava iorena idigei au iagehe huni geiarei, iahegeve iau ȝuma nune bei hana raȝane dainehe Dirava raki au maȝeve ronu. <sup>26</sup>E dainehe, ahata maka sua veite, hoeke ȝoiare ȝereȝereva, ȝabidadama avani veitera, hoekera.

**3** <sup>1</sup>Oro maȝi, Rahaba tageramu ena ȝoiȝore ra. Au Isaraela mata erara ȝahava iorena idigei au iagehe huni geiarei, iahegeve iau ȝuma nune bei hana raȝane dainehe Dirava raki au maȝeve ronu. <sup>2</sup>E dainehe, ahata maka sua veite, hoeke ȝoiare ȝereȝereva, ȝabidadama avani veitera, hoekera.<sup>3</sup>No hosi kamokamo auri mi hosi avagehe maeamege, aune ni gare ihi, no otiti roeare gabuhe otisa. <sup>4</sup>Se iagatoi aniaiahe, auka raho herea renu nono berebere raki dorivima, iduke bara gamika be raki tarivi, bara koita ura gabunehe otima.<sup>5</sup>Mei tagera ena ȝoiȝorera, auka avie herea, iduke auka iaȝa raho iau ada ga momo roro dibana ra. Vene bubuka ȝamika be ura raho gabuare aniaiahe. <sup>6</sup>Mei ra vene naȝatera, daure au bougei, bougeime auki ni ahata make ȝamima. Gehenava seni orogaere vene ei ge auki, ni maȝuri ȝumaȝe gabugeima. <sup>7</sup>No koita nubaga iabera vamu nune nunea, ȝani tea, uguhaea, soraȝare iaȝani vaea, renu karava, manada ȝahigeige dibanara, renu, nokamu bina manada ȝahigevenu. <sup>8</sup>Iduke koita bera so mei manada ȝahiȝa veitera. Auka daure ra, renu nari nariva tagera berebere ra. Mati hoȝe murakava raki tobo ȝahanu.<sup>9</sup>Au ge noki ni Rohite renu ni Mame maȝe ȝaha; mati Dirava au erara vaȝehe kiogevene koitava daure ȝahigeva. <sup>10</sup>Ava kobua eige koita maȝe ȝahigeige gava renu daure ȝahigeige gava iaberaki hakiraȝa. Di sokuhea, ona beta varavare.<sup>11</sup>Di sokuhea, ia negu be be namigeva. Ia ekalesia be namigare ra iaka taravatu vara iaki hahemaoro ȝaha. Idukena ia taravatu hahemaoro ȝahare ra iaka bina beta taravatu badina ȝahiȝa ȝahava iabera. <sup>12</sup>Taravatu kikiva renu hahemaoro ȝahiȝa koita vara Dirava auvaȝu gera. Aukena auvaȝu maȝuri no mohigeisa mati hadika ȝahisa. Ia anavare na iana oȝore iaberge iaka koita be hahemaoro ȝahisa.<sup>13</sup>Koita bea rosa, “Negu se vahiȝu ge none oȝo bei oti, ei tau be gurahiarei me none me mi, moni dadaȝa kisa.” Onaki roeare ȝahavaea, di gare ihiahe! <sup>14</sup>“Iaka dibana veite vahiȝu iai maȝuri vena orena ȝoiȝo vanu. Iaka vene duka naȝatera, nega tinabe uiarei me auki mati veite ȝoima.”<sup>15</sup>Iaka onakime iane rosa, “Rohiraho uravare ȝoege none maȝuri raȝi vire ki o kisa.” <sup>16</sup>Iduke negubutu ge iaka iavaȝu ia idigei auhe ȝosigei me iaki roea, iaka bina iavaȝu herea iabera; anana e au bougei gera beta maȝe iabera. <sup>17</sup>Noka maȝe kiki dibana, iduke no kiki veite ȝahare ra, nokamu daure kinu. <sup>18</sup>Maguri riaga vara idi tahaka nagatera koita yau uhurehe gera yauki begenu, era mai uhura ȝahara yau mai vera.

**4** <sup>1</sup>Iai vaȝa ȝoȝai renu avahahe au bougei gena orehe seni gena iau oroȝa? Iavaȝu iai uhure maȝe ȝahi geige ura daureva, iai uhurehe uiare seni ge iauki oroȝa. <sup>2</sup>Iaka iaȝa be iabera iaki uraheni ȝahi geva iduke iana orenaki idi geige dainehe ge iaki koita ȝami hoekia ȝaharava raȝa, iaȝa be iabera iaka ȝaharava raȝoha, iduke iana orenaki idigeige dainehege iaki ava hehe raȝa mati ȝoȝai raȝa. Badivara iaka Dirava imigia veite dainehege iaki ia urava raȝare iaȝaniva mimi veite. <sup>3</sup>Mati ia imimiva raȝare iaȝani vara iaka mimi veitera, badivara iai uhu ananave iaberaki daurea; iavaȝu iai uhure maȝe ȝahiȝa iaȝaniva iabera iaki imimiva raȝare dainehe<sup>4</sup>Tarata ȝahea, iana dibananu, vateta o iaȝaniva uraheni ȝahiȝa vara Dirava ra iaki betia ȝaha? Ia vateta o vasiruhe ȝahiȝa roeare ra, iaka iavaȝu ge iaki ia idigei Dirava betia koitatuhe ȝahigeva. <sup>5</sup>Buka ga vara roma, “Dirava Horu Aena ni uhura maeamane ra ura berebere iaberaki toboȝa gevenu”. Ia negu roea riaȝa bera ga oi gera veite.<sup>6</sup>Iduke Dirava no mohigevare vaȝahuva raki berebere herea. Buka ga rone ȝereȝereva, “Dirava ra iauvaȝu iau idigei auhe auhe ȝosigevare ȝahava iabera auki besibe ȝahigeima; a iauvaȝu iau avie ȝahi gevare ȝahava iabera auki maȝe mohi geima. <sup>7</sup>Ge iama iavaȝu ia idigei Dirava moimisa. Iama Satani besibe ȝahege auma ia ȝairi geisa.<sup>8</sup>Iama Dirava hugu ȝahege, aunema ia huguȝa geisa. Daure ȝahaea, iai ade ketogeiahe! Uhuabu ȝahaea, iai soruke ȝaȝae ȝahigeiahe, <sup>9</sup>Vaȝahu raȝi, nemo ȝororaȝi, niȝo raȝohiahe, iai tative mi ninani kiahe, iai heȝirive ȝu vaȝahu ȝoie. <sup>10</sup>Rohiraho vaȝotohu iavaȝu ia avie ȝahigeiahe, ge aune ia iage geisa.<sup>11</sup>Di sokuhea, ia negu be be namigeva. Ia ekalesia be namigare ra iaka taravatu vara iaki hahemaoro ȝaha. Idukena ia taravatu hahemaoro ȝahare ra iaka bina beta taravatu badina ȝahiȝa ȝahava iabera. <sup>12</sup>Taravatu kikiva renu hahemaoro ȝahiȝa koita vara Dirava auvaȝu gera. Aukena auvaȝu maȝuri no mohigeisa mati hadika ȝahisa. Ia anavare na iana oȝore iaberge iaka koita be hahemaoro ȝahisa.<sup>13</sup>Koita bea rosa, “Negu se vahiȝu ge none oȝo bei oti, ei tau be gurahiarei me none me mi, moni dadaȝa kisa.” Onaki roeare

gahavaea, di gare ihiahe! <sup>14</sup>“Iaka dibana veite vahigu iai maguri vena orena goigo vanu. Iaka vene duka nagatera, nega tinabe uiarei me auki mati veite goima.”<sup>15</sup>Se, ana onaki rosa,“Rohibauge roege, noka maguri ragohi me o kisa se me,e kisa.”<sup>16</sup>Enduge, akamati guma daure kiare hegiriva vima. Enake hegiri guma e yabera daure ra. <sup>17</sup>Aka guma mage dibana, eduge aka me gahiga veite, era ai daure ra.

5 <sup>1</sup>Iauie te gahavaea, di gare ihiahe! Iai ada orogare huhuva se isukava ada nigo rahi bara rahiahe! <sup>2</sup>Iaie ramu batahui kosavanu, renu iai dabuave iabera pitoroka varamu iogevenu. <sup>3</sup>Iai golove renu iai silivave iaberramu tode ragohanu, tode ena ia dunama gahigei, vene kara ki iai misike isa. Vani orena o iauge iaki iaie mageva bougei vava gahigeva. <sup>4</sup>Iai gege taboro gahi gevene gahava iau damunera iaka kiki veitera. Iau mudumu gare ihigeiahe. Makava bougeige gahava iau ninave ramu Dirava Rohiraho ihikokehe sirivanu. <sup>5</sup>Vateta oi iai maguri vera iaiga mage mudaigo renu hegiriva raki toboiga gevenu. Ia gahigeige vaniva dainehe ge iaki iai ahatane raho gahigeva. <sup>6</sup>Daure be kiki veite gahava iabera iaki dunama gahigei, gahigei hoeki gevenu, a iauka iaiga be kiki veite. <sup>7</sup>Guragu Berebe Renu GuriguriDi sokuhea, iama guragu berebe rahi oti Rohiraho orogare vanihe. Biru gahaea guragu berebe rahi iau biru matame maka kiarei uhuia uhuiava ragare erahiahe. Iauka guragu berebe ragime iauki iaaha veni renu sinatia veni nariva. <sup>8</sup>Ia gaina gera ma guragu berebe rahisa. Iai gabidadamave iama berebe gahi geisa badivara Rohiraho ororo vera hugurera. <sup>9</sup>Di sokuhea, ia negu bebe mudumu gahigeva; Dirava ia hahemaoro gahigeige sigovara. Ia hahemaoro gahigeige koita varama ikehe, dinaisa ge auki. <sup>10</sup>Di sokuhea, peroveta gahaea Rohiraho ihehe ga ragege anageiahe. Huhu uhura iau guragu berebe renu guragu gamana ragege iama toho toho gahigeisa. <sup>11</sup>Iau mageve ra noki roea, badivara iaukaki guragu gamana raganu. Iobu guragu berebeve ra iakamu ihinu, renu iaka dibana orena kimena Rohiraho ihihe kasi auie moimi goiraganu. Badivara Rohiraho vara vagahuva renu uhudauva raki tobo gahanu. <sup>12</sup>Raho herea vara, di sokuhea, ia negu ga isukate iau ga ro maeama. Va se vateta o, se ena iaiga be ihehe ia negu ga ro maeama. Iana i toto gahimena ia, ena roeae, “ege”, se iana besibe rahimena ia, ena roeae, “veitera” ge iane beta Dirava hahemaoro derikehe gurahisa. <sup>13</sup>Iai vaha be iabena hekoka uhura genu? Iama guriguri rahisa. Be iabena hegiri raga? Iama moteamotea no go roeogeisa. <sup>14</sup>Be iabena dika iabenu? Iama Dubu bauge ihiro gevege iama Rohiraho ihehe iai ahatane olive dehorova dahuiarei mati guriguri rahisa. <sup>15</sup>Guriguri o gabidadama ta kiarena dika e mage gahigeisa: Rohirahova na iau herove mohigei goiragisa, mati iau daure kiogevene arigeisa. <sup>16</sup>Ia daure kiogevene iai sokuhe iau vagotoku ro gahae gahigei, be be iau ada guriguri kime iane mage gahisa. Avani mage koitava guriguri vera hedokate ra. <sup>17</sup>Elisa ramu no hairanite ra. Au soruke inuhati ge auki gurigurivi, veni ra beta goromisa, ge veni raki tau abigaiga hakira ruta rogiro veite. <sup>18</sup>Elijah raki gaitana imimi vanu. Va raki goromanu, eige vata ki maka kinu. <sup>19</sup>Di ogo nanuhe ya, yabena maguri ga riaga besibe gaha, renu koita benu koita e mi goiragi orogima, <sup>20</sup>koita eramu dibana goisa koita orena daure koita e mi goiragi oroganu au daure ve uhu raheseni, koita era hoge seni maguri mimi vara renu daure mudago tage auna gare geisa.

## 1 Peter

### 1

<sup>1</sup>Petero, Iesu Keriso apostolo be, haki ragohi otene gahava ya, idi gevene gahava ya, Pontus uhurahe, Galatia, Capadosia, Asia renu Bitinia. <sup>2</sup>Onaki vara vane ra, Dirava ni Mame au urugoi uhuvaka morogane uhurahe gera, horu aena motea motea meve uhura, ga ihihi mage renu Iesu Keriso taoke bohu ragane dainehe gera. Mage yai gasina goisa, renu yai mai mageve ma raho goisa. <sup>3</sup>Ni Dirava vave renu Iesu Keriso Mame ihe magegaha! Au mageve uhurahe ge auki mara isage no mohi gevenu no erara veitera noma eragisa Iesu hoge ragare maguri vi goiragane hedokahe. <sup>4</sup>Maguri isage ora beta dauragi ravara se beta miro te goigo vara renu beta daurago kosako vara. Va uhura gera behi behi ai era. <sup>5</sup>Aka Dirava hedoke uhurahe gera aki uma gabidadama uhura badivara maguri varamu enu, ihie maguri gahiga vara vani dokonahe. <sup>6</sup>O uhurahege ai hegirivena rago goisa, vani tinakibe o uhura aka so huhu nune nune uhura sirisi vara. <sup>7</sup>Ora ai gabidadamave tohoto vara, au haire ra raho herea vera golo dage so veite goiarena, vene uhura tage yaumu gabuisa ronu. Enakime auna varaisa ama herote goisa ai gabidadama mage misa, hairatera, renu mote gahisa Iesu Keriso ororo vehe. <sup>8</sup>Aka so erara veitera, eduge akamu mage gahima. Aka negubutu erara veitera, eduge akamu riaga gahima renu hegiri vima, hegiri era beta hegiri be nagatera mage raki tobo gahanu. <sup>9</sup>Yakamu o negubutu yai gabidadama ve mageve mia, horu maguri ve dainehe. <sup>10</sup>Maguri ora, peroveta gaha ya peroveta gahane ra, mage e negu ai gasina orogare, Yagoi magegahi renu eragi magegahi gahi, <sup>11</sup>koita uhure orena vivi venu renu auka dibana gahisa Keriso Horu ve kirogeima Keriso ra huhu nagima vara renu au mageve ihie orogare yauma dibana gahisa. <sup>12</sup>Yauka mu dibana gahanu yauka meve mage kiki veitera, eduge a, yau ga rahohane yauka mu aki ronuhari mage rone koitava ya Horu Aena vava seni orogane uhurahe- aneru ya erara gahara vare. <sup>13</sup>Ai uhure regunaki regua. Ai uhure mage gaha. Ai uhure ma hegiri visa a erara veite aka erara vara Iesu Keriso orogare ei. <sup>14</sup>Ga ihihi momo nava nagate, ya negu ya gahara vare iaganiva anagei rahogahime ya anana mage veite nagavahe. <sup>15</sup>Eduge a ihi romene koita vara aena vara, atage, ama aena visa ai magurivehe. <sup>16</sup>Yauka mu torevanu, " Ama aena visa, daka aena vare dainehe gera. <sup>17</sup>Eige a dami ai "Mame" roege, vani dokona gava gera daka beta hakira bei goigo vara daka bebe yau mevehege dana ya gaha geisa, yama maguri mage ragohisa koita nune nagate ya mata o ada. <sup>18</sup>Ama dibana goisa ora beta siliva se golo tamuta iagavage aki mage manu, iahu yau mage amane uhurahe gera, <sup>19</sup>eduge Keriso damuna veite taokehe gera, mamoe be nagate mage mage kuhi veite. <sup>20</sup>Keriso ra subutage yauki au dibane gahanu mata o so kiki veite uhurahe, vani kosavare uhurahege aki au dibane goinu. <sup>21</sup>Au senige ana Dirava dibane goisa, aukaki hogeve seni maguri gahi goiragane renu hegiri moimanu, eige ai gabidadama

renu erara veite era aka erara vara Dirava dainehe.<sup>22</sup> Ai horuvera mage riaga vara ai ga ihihi ve dainehe. Eramu ogo nana mage gumavara; eige bebe mage gahi geisa uhu mage riaga ruta.<sup>23</sup> Akamu maguri isage manu, beta iare tamuta vagera gera aki maguri isage manu, eduge beta iare tamuta vagera, maguri renu Dirava garehe gera.<sup>24</sup> Badivara, " Ahata makavara isu nagatera " renu au mageve aubougi gera isu daure flaoa nagatera. Isu ra koriko goigo vara, renu flaoa vara dede devara,<sup>25</sup> eduge Dirava gare ra u mauki oti behibehi." Ga ora hari mage vara a ihine.

## 2

<sup>1</sup>Eige daure aubouge idigei gaise gosigeve, hairaveite e ya, avanage, bebe daure gahi geige, renu ga daure. <sup>2</sup>Gamikaruka isage nagate ya, horu amu gahara va, e uhurahe ge ana maguri mage misa, <sup>3</sup>a e heigava kiego demaka varamu Rohi Bauge era magera.<sup>4</sup> Au gasina orogiahe auka maguri muni vara koita ya besibe gahane era, eduge era Dirava gahara vane era. <sup>5</sup>Ya gaitage maguri muni nagate yabara aena gahaya aena me kiare Dirava gahara vare Iesu Keriso uhura.<sup>6</sup> Era ga uhurahe gera: " Eraga, dakamu o gurami ma Zion uhurahe muni kobuga vara, gahara venera renu veitera. Unuhuna riaga gahima auka beta variva Vieira." "Damuna vara, a riaga gahare koita va aigera. Eduge, ogere yabana riaga gahiga veite, " Iaga kiki gahava ya besibe gahane muniva, eraki muni bauge goinu," <sup>8</sup>renu, " auka muni vagava varera mati auka kiego auka dede ragohi ravara. " Dede ragohime yauki badivara yauka ga ihihi veitera-eramu yau kisa rone mevara.<sup>9</sup> Eduge yaka idigevene gahava yabera, rohi gahava, aena mata, Dirava koita tuheya, Eige yaka au me mage kiare raho rahogahisa, vadibua seni ami hakivanu orogi abaga mage uhurahe. <sup>10</sup>Subutage yaka beta koita kobabe ra, negubutu gera yaka Dirava koitatuhe yabara. Yaka vagahu mimi veitera, eduge negubutu yakamu vagahu e manu.<sup>11</sup> Di sorukehe uiare gahavaya, Yaka matabe gahava yabera renu sivigoro ragohane gahava yabera ahata maka maguri daure yama garehisa, e yabeki yai horu ve ruta garaha. <sup>12</sup>Yai vagava ve ramu mage goisa Aru gaha ruta, yau ya idigei daure gaha roege, yauma yai me mageve era geisa renu Dirava mage gahisa au orogare vani vahe.<sup>13</sup> Ama koita aubougi erageisa Rohi Bauge dainehe. King tage yauka Bauge dainehe. <sup>14</sup>renu mata bia ya, yauka daure kiare gahava ya yau daure damune mohi geisa renu mage kiare gahava yau mage damune mohi geisa. <sup>15</sup>Era Dirava gahara vare ra, mage kiki vagenana ga daure gahava yau avage kou geisa. <sup>16</sup>Hegiri koita va ya, ya negu yai hegiri ve mi yai daure ve hunihu geime. <sup>17</sup>Koita aubouge mage gahi geisa. Ogo nanuhe mage gahi geisa. Dirava sigamisa. King aena gahisa.<sup>18</sup> Me gahaya, Yai biaguhe yau derikehe me kisa, matau va. Yama mage gaha renu bia mage gahava ya yau derikehe yai meve kisa renu daure gaha yau yage. <sup>19</sup>Badivara era motemote vara, koita era Dirava dibane koit vara, koita ra vagahu vivivara huhu uhura. <sup>20</sup>Mage ese bugena enu a daure kiego uhurahe renu yau a daure gahare uhu rahe ana hero kima? Eduge ana mage be kinu aka dagedage huhu nagime, Dirava ra a mage gahiga vara.<sup>21</sup> O dainehege yauki a ihiromonu, badivara Keriso ramu ai dainehe huhu raganu. Aka eragare au vasi vatagehe ogisa. <sup>22</sup>"Auka daure be kiki veitera, se au avahehe ga daurebera hakiha veitera." <sup>23</sup>Yau daure gahane auka daure be yau ro goiragira veitera. Au huhunaga nei, auka yau daure damune kiki veitera, Eduge auki avahu aumi Dirava adehe maemanu.<sup>24</sup> Avahuge auki ni daure ve aubougi au ahata makehe maemanu satauro va, ni daureve ra veite goisa, renu noka riaga va maguri ragohisa. Au huhuvehebege aki mage goinu. <sup>25</sup>A yaka mamoe bia veite nagate yaki ogi io ragohege, a negu gera yamu goi ragohanu yai biagehe renu sua yau bougi yau Biage he.

## 3

<sup>1</sup>Guma kobuga ei , magi ya yama yai mobore yau gare ihisa. Yama ena ga ihisa badivara ata be yabera ga ihihi veitera, eduge yau mabaruhe yau ga ihihi vehigena yauna mage misa. <sup>2</sup>yai magevera yai matau meve renu yai maguri mageve makavara.<sup>3</sup> Ya negu yai haira itahe maemime-yai omo kikivehe, renu golo iaga gosige care,se ya ogona kiare yau. <sup>4</sup>Eduge, yai haira ramu yai uhure koita va goisa gaikava ramu behi behi goisa manau va renu sua mage ruta Dirava Dirava vagotonehe.<sup>5</sup> Eramu subuta magi yau magurivera Dirava kamuka yau magurive, yau moboruhe ga ihihi dainehe. <sup>6</sup>Ena kikivehe ge Sarah ramu Aberaham gare ihi renu aumi au Rohite ronu. Negubu butugera yaka au gamuhe yabera ya mage kiego renu ya sigo veite gahege.<sup>7</sup> Guma kobuga ei, ata ya gaitage yama yai mabaruhe ruga uh magemage ragohisa, magi ra beta iagabe nagatera, auka magi ra. A ena kiego ai imimi vera gumage ra magera.<sup>8</sup> Dokonahe, yai bouge ra, uhu kobabe, bebe vagahu gahi geisa, ogo nana mage maguri, renu manau. <sup>9</sup>Anegu daure damu kime se yau a nami gare damunava kime. E aubougi uhura ama dagedage mage kisa, ai totove makava ramu era, eige ana ayai mageve damunava misa. <sup>10</sup>"Unuhuna maguri mage gahara renu guma mage gahara vima, auma au meine daure va mage gahisa renu au gare ramu mage goisa. <sup>11</sup>Auma daure guma garemisa renu maguri mage kisa. <sup>12</sup>Rohi bauge ni era magera auki eragima, renu au ihikoke ra au imimi vera au ihima. Eduge auka, daure vara auki besibe gahima.<sup>13</sup> Unuhuna a huhu moimo vanu a mage kiare uhurahe? <sup>14</sup>A riaga dainehege huhu nage ge, aka mage mimi vara. Anegu yau sigo garehe sigoime. Anegu uhu anana vime.<sup>15</sup> Eduge, Keriso Rohi bauge mi ai uhuruhe maemisa aena uhura. Eige bena a beragima vahigu vata maguri dainehe, gavaramu enu ai gasina aka kiroro vara- <sup>16</sup>Eduge, mai gava renu matau gava gera. Ai uhure ra magera, orena kimena yau ai daure ve roia, koita e yabera variva vana idigeisa. <sup>17</sup>Era magera, au Dirava mageve uhurahe goiege, aka huhu nagima aki mage kiare dainehe beta daure kiare dainehe.<sup>18</sup> Keriso tage au daureve dainehe huhu naganu. Auka daure be veite eduge aukamu ni bouge ni daure ve dainehe huhu naganu, noka Dirava gasina otisa. Ahata makavege suki Hoge raganu, Sua vage auki maguri vi goiraganu. <sup>19</sup>Sua ve gera, auki oti Hari mage ronu suaya vadibu uhurahe uiare yau. <sup>20</sup>Auka ga ihihi veitera Dirava ga ihihive uhurahe, Noah eve eu bauge kiego vaniva uhurehe, eigeri Dirava raki koita rorebe maguri gahigevene-sua agorokiva-eia makava.<sup>21</sup> Oramu bapatiso makavara yaka maguri ragohisa - beta ni ahatane miro ketake dainehe, eduge Dirava uhu mage ve noka eragisa - Iesu Keriso maguri vi goiragane dainehe. <sup>22</sup>Keriso ramu e au mame

Mame vamağahe. Au kamu e Basileia uhurahe siriano. Aneru ya, Aena gaha ya, renu Hedō kamuka gaha yabemu au gare ihisa.

## 4

<sup>1</sup>Edainehe, Keriso ahata makava huhu nagane, uhu anana kobuga ei herokisa, Unuhuna ahata makava huhu naganu huhu ramu garemanu. <sup>2</sup>Makavara, koita era, au uiare vani aubougi uhurahe gera ahata makava gera, beta koita ya gahara vare iaganiva yau, eduge Dirava gahara vare uhurahe. <sup>3</sup>Vani esebu hanevane uhurahe gera a gahara vane meva amu kinu besibe gahane gahava yau kiego, maguri nunenune, gahusi ragohi, muraka daure iogei, muraka daure hegiravaya, hegiri daure ya, renu Tabu nunenune hegiri gahigei. <sup>4</sup>Yau uhu anana vera, otadobe dainehe gena ya, yau ruga maguri e uhura maguri ragira veite, eige, auki yai daure ve roia. <sup>5</sup>Yauka yau maguri ve gava roro vara, vani Dokonahe maguri mati hoge biava vagotonehe. <sup>6</sup>Edainhe ge hari mage vara hoge gaha yau ada tage rorovara, eige yaukamu subuta ahata makava beragevenu, yauka sua maguriva maguri ragohi ravara Dirava gahara vare uhurahe. <sup>7</sup>Iaga aubougi kosavare vani varamu o orogima. Eige, uhu mage renu muraka daure mimi veite uhuva, imimi viare raki mage. <sup>8</sup>Iaga aubougi variadahe gera, mage riaga uhura bebe mage gahi geisa, mage riaga vara daure mudago mage gahi gavara. <sup>9</sup>Bebe mage gahi geisa beta ho'o uhura. <sup>10</sup>Badivara yakamu kobakoba mage be idiganu, mage idigane me gahisa bebe yai tanehe, Dirava mageve ya kobakoba idigane uhurahe. <sup>11</sup>Be gavege era Dirava gare ra. Be yahe yahe meva kiego, auma Dirava hero ya mohi gevene ei goisa. Me kiare aubougi ge ramu Dirava mageve goisa oti Iesu Keriso ihehe tage. Magevara mu Iesu Keriso magevehe otisa negu oti behibehi. Amene. <sup>12</sup>Da gahara vare koita va ya, ya negu iaga be rome era vene nagate ai ada orogima, era iaga nune bera ai gasina varaima. <sup>13</sup>Eduge, orena kime na uhu vakate goinu Iesu huhuve uhurahe, hegiri va, renu ama gaitana hegiri visa renu mage misa au mageve horivare ei. <sup>14</sup>Koita be a namige ge era Iesu ihe dainehe gera, akamu mageva manu, badivara Sua mage renu Dirava mage vera yai ada gera. <sup>15</sup>Ya be negu huhu nagime, koita be gamane dainehe, se vahu koita dainehe, se daure koita dainehe, se ms daure gahare koita va dainehe. <sup>16</sup>Edube he Ekalesia koita va bena huhu nagima, au negu variva vime; eduge, auma Dirava mage gahisa ihi ei. <sup>17</sup>Vani dokona gava ramu o bina oroganu, Dirava koita tuhe yaukena uru gahisa. Au noi uru goiege, Dirava gare ihihī veite koita va yabena negu orena vivi gahi gavanu? <sup>18</sup>Renu, "au gare riaga gahare gahava ya maguri miare ra berebere ra, au gare ihihī veite koita va yabena negu orena vivi gahiga vanu?" <sup>19</sup>Edainehe, Dirava garehe dainehe huhu nagohare yau horu ve mi mata o kine moime gums mage uhurahe.

**5** <sup>1</sup>Daka koita bauge ya yai tanahe gera daki ga aga geima, Da, unuhu tage Bauge bera, renu Keriso huhu nagane daka dibanara, renu da tage hegiri vivivara au horivare ei. <sup>2</sup>Dirava mamoe narivare biava nagate ai derikehe, me eragare gahava ya nagate-beta aka kisa dainehe, eduge aka urai kisa, Dirava a moimane meva dainehe-beta variva damunava eduge a gahara vane dainehe. <sup>3</sup>A negu Rohi yau kara kime ai derikehe gosigeve yau. <sup>4</sup>Eduge, ama mamoe reguvare koita va nagate goisa. Eige, mamoe narivare koita va yau Biage oroge ge, aka beta daure goiare korona va yauna a moimisa. <sup>5</sup>Guma kobuga ei, ya gami isage ya, yama iahu ya, yau gare ihisa. Yai bouge, yama uhu berebe kisa renu bebe vasi geisa. Dirava ra keme madavare koita vara auki besibe gahima, eduge auki matau vare koita va hegiri gahima. <sup>6</sup>Dirava ada derikehe matau ragohiahe aukena ma ya yage geisa. <sup>7</sup>Yai uhu ananave aubougi moi miahe badivar a auka ya mage gahi geige vara. <sup>8</sup>Muraka daure garehiahe. A inai gahare koitava diabolō ramu e ogi yoaima laion nagate, hamida koita va yagoima. <sup>9</sup>Ama hero kisa, ai gabidadama vehe ama hero kisa. Ama dibana goisa ai ogo nanuhe mata o uhura gainage huhu kobuga e uhurahe gera. <sup>10</sup>A huhu uhura so nega tinakibe uvara, Dirava mage aubouge biava, a ihiromi au hegiri behibehi ve uhurahe, a mage gahisa, a riaga gahisa, hero a moimisa, renu a vatagi mage gahisa. <sup>11</sup>Augera iaga abougi gera oti behibehi. Amen. <sup>12</sup>Silvanis daki gabidadama te me mage koita va roma, dakamu ai idi vadaka ve torevanu au seni. Akera daki a vasiba gahima renu daka akera daki a kiroma da torevanu ra Dirava mage riagavera. Au ada ramisa. <sup>13</sup>Babolonia magi era, arutagera, a mage gahime auki. Renu Mareko, di moe, a mage gahima. <sup>14</sup>Bebe mage gahigeisa anoano mageva uhurahe. Mai mage vara ya ruta gera Keriso uhura koita va ya yai bouge.

## 2 Peter

### 1

<sup>1</sup>Simeona Petero, me koita renu Iesu Keriso apostolo ve ogere yabenu gabidadama mage o manu onstage notage mane e, gabidadama Dirava renu Iesu Keriso uhurahe. <sup>2</sup>Mage renu mai raho goie Dirava uhuvake renu ni Rohite Iesu uhurahe. <sup>3</sup>Au aena hedokehe, iaga aubougi maguri dainehe renu aena nomu idigevenu au uhuvakehe auki no ihiro gevenu au mageve renu haire uhurahe. <sup>4</sup>E uhura hege auki au mageve renu au ominue no mohi gevenu, Eige yaka aena maguriva misa, mata o daureva garehisa. <sup>5</sup>E dainehe, ama mage kisa oti ai gabidadama vehe, oti ama hegiri visa, hegiriva oti uhuvaka misa, <sup>6</sup>oti uhu anana mage misa, oti uhu berebe misa, oti uhuvaka mage misa, <sup>7</sup>aena maguri va ogonana mage ragohisa, renu ogo nana mage va mage misa. <sup>8</sup>Iaga e ya ai uhurehe goiege renu koborago hege, aka beta maka kiki veite goigo vara se aka maka veitera Iesu Keriso uhura. <sup>9</sup>Eduge unuhuna uhuvaka o veite au, au erara vera auka ni veitera, vague vine auki au daureve yaumu subuta Koki gevenu. <sup>10</sup>E dainehe, do bamoduhe, yama mage kisa ya toto ihine renu ya gahara vanera magera, eige a ena kiare, aka beta desudesu vara. <sup>11</sup>Onaki guma o yau aka mageva mimivara uravara baoba vera ni Rohive Iagehe renu ni Maguri ve Iesu Keriso yau. <sup>12</sup>E dainehege daka nega aubougi ya vasiba gahi geige vara iaga o yau

dainehe, era yaka dibanara, renu yaka herote ra, ya riaga gahare ei. <sup>13</sup>Di anana vera daka dagedage ya vasiba gahi geige vara, da ya ruta dubuka o uhura uiare uhura, dama ya vasiba gahi geisa yaka dibana gahisa. <sup>14</sup>Daka dibanara di dubukave koko varamu kahika goinu, ni Rohive Iesu Iesu Keriso ramu da kironu. <sup>15</sup>Daka di uhure aubougi ki eragi mage gahi gavara, da otare itaharahe yaka iaga o ana geige vara. <sup>16</sup>Badivara noka uhuvaka badiva va ya dibana veitera, yau no vasiba gahigevene ra au hedoke renu Iesu Keriso ororove, eduge noka ni niehe eragane gahava yabera. <sup>17</sup>Badivara aukamu aena renu hegiri manu ni Mame Dirava seni, eige eno Bauge beraki au gasina oroganu, roege, "Ora da gahara vara di Moe era, daka hegiri vime daki." <sup>18</sup>Nokamu novahu eno o ihinu vava seni. <sup>19</sup>Peroveta ga riaga gahane yabamu onu, aka guma mageva ga ihisa lamepa vadibua abaga ogiare nagate ate vani uguhare renu vagutu hisiu va gadimare ai uhuruhe. <sup>20</sup>E aubougi uhurahe, ama dibana goisa peroveta gava yabera beta koita be uhu anana gavehe gera. <sup>21</sup>Peroveta gava ra beta koita be gahara vane uhurahe gera auki oroganu, eduge koita ya Dirava sene ya ragohane era, Holy Aena ruta gera.

## 2

<sup>1</sup>Hari avanage gahava yaberaki oroganu, renu Uhuvaka avanage mohimo koita gainage ororo vara yau. Yauka norena maguri daure gahiga iaganiva idigei ororo vara, renu yauka beta daure e biava ihe rorovara. Yauka yavahu daure mi mi vara. <sup>2</sup>Koita dadaga vara yau itahe ogigivara, renu yau dainehe maguri raiga gumavara faire goigo vara. <sup>3</sup>Yau iaga dadaga gahara ragohare uhurahe yauka ga avanage va ya sebo geige vara. yau sebo ragohare vani varamu subutage auki o orogima, renu yau dede ragohare guma varamu ona so yagoima. <sup>4</sup>Dirava ra aneru daure kine vagahu gahi geige veitera, eduge idigeime auki vadibu uhura gosi gevene bodi gevenu ate berabe netuare miare vani orogare ei, <sup>5</sup>auka maguri emene kamuka veitera, eduge Noa kamuvanu, koita iatiriaga ruta au eia abata mata ada mi orogane ei au dibane veite gahava yau. <sup>6</sup>Mati au Sodom renu Gomora ogova ya vene uhura ragohi vene agoto goine, makavara ramu au dibane veite koita va ya, yau gainage ena vivi gahi gavara. <sup>7</sup>eduge aumu Lota maguri gahanu, yau ga ihihi veite maguri varaki au uhure isuke gahanu. <sup>8</sup>auka ga riaga dibana koita vara, isuke uhurahe ge auki uiege vani aubougi, yau daureve era gevege renu ihige gevege yau ga ihihi veite maguriva ya. <sup>9</sup>Rohi Bauge maguri enakiki era gevare, auka dibanara auna orenaki ga riaga gahava ya yahe geige vanu renu ga riaga dibana veite gahava ya kamugei oti vani kosavarei huhu mohi geige vanu. <sup>10</sup>Era riaga vara koita daure gahara ragare gahava yau, ahata maka maguri daure renu aena ga sigamiga veite gahava yau. Yauka herote renu yavahu yau uhure yau e anava, yauka sigo veitera yau ga riaga gahava ya daure gahi gevare. <sup>11</sup>Aneru yabera herote renu aenate yabera, eduge yauka uhu ga daurebe yau gasina mi ororo veitera Rohi Bauge gasina. <sup>12</sup>Eduge koita o yabera ura uhura to renu oho nagate yabera, rahogahi daure kiare gahava yabera. Yauka dibana veitera otadovanu yau daure gaha. Daure uhurahe gena yau gainage daure misa. <sup>13</sup>huhu nagohisa yau koita be huhu gahi gevare dainehe. Yau anana vera vani ni magevara ra hegiri te. Yauka daure kiare ra hegiri tera yau ya ruta hegiri ragohare uhura. <sup>14</sup>Yau ni uhure yabera ni muduka varaki toboke; yau gubu ragohira veitera daure kiki va. Yauka dau ragohare koita va yabera yauki butugei daure uhura siri ragoha, yau uhure uhu vaka gahigei yauka yavahu yau mageve misa. Yauka daure gahi gevene gamikava yabera. <sup>15</sup>Yauka mu guma mage garehanu yauka mu dau ragohanu, Balaam Beo moe gumage hege yauki ogia, avanage gumava hege yauki maguri ragoha. <sup>16</sup>Eduge aukamu huhu naganu au daure gahane uhurahe-ga veite doniki vabe koita eno va gavi peroveta koita va dau ragira kouvanu. <sup>17</sup>Ata o yabera tinavai eia veite nagate ra renu va eia bureka mi mata nunebei mi otare nagate ra. Vadibu daure uhu ravara yau era. <sup>18</sup>Yau gare yabera besibe ga yabara. Ahata maka maguri va gahara ragoha, uhu anana daure va uhurahe, maguri daure besibe gahare gahava idigei goiragi tarageva. <sup>19</sup>Kirogeva yauka mage mimivara, eduge yau yavahu yauka maguri daure kiare gahava yabera. Otado maguri bena, atabe maguri gahi raho gahima auka maguri e meva kiare koita vara. <sup>20</sup>Yauna maguri daure e garehanu Iesu Keriso mageve uhu rahe eduge yau mu gaitana daure e uhura siri ragohare mati garehanu, yau urugoi daure manera avie ra eduge negu daure mane ora daure bauge vara. <sup>21</sup>Yauka mu beta maguri mage o dibana gahare otadobe dainehege yau dibana gahanu, negu gera yaumu o aena ga bauge besibe gahanu. <sup>22</sup>Peroveta ga ora riaga vara : "Totoka vara goiragi au hedo gohonu i vara, ketovane oho vara goiragi oti vata daure va iagia avara."

**3** <sup>1</sup>Da gahara vare koita va, leta abu gahigava ramu onu da ai torevane, lets aburuta uhu rahegera aka gaitana dibana goiare ai uhurera me misa, <sup>2</sup>ai uhure ramu aena ga peroveta gaha ya rone ana geisa renu ni Rohite renu ni Maguri Biage rone gava ya, ai apostolo ve yauseni rone e. <sup>3</sup>Ama urugoi o dibana goisa, avanage gahava yabera ororo vara vani kosavarei. Yauka avanage gava ya tara geige vara renu yau gahara ragohare yauka kikivara. <sup>4</sup>Yaka roro vara, "Ominue yau rone auka orogisa ena vaisugenu? Ni mamuhe ya yago hanei, iaga aubougi geramu dagedage kobuga bera mata o horivare ei." <sup>5</sup>Avanage dau ragira vara yauki ragohanu subuta gera Dirava gare hegera va renu mata o yaberaki oroganu ei ava seni renu ei ava, <sup>6</sup>ei raho varaki rogi seboganu. <sup>7</sup>Ga kobuga eige ra va o renu mata o yabera kamugei me vene dainehe, vani kosavare vani vahe avanage renu daure gaha yauni. <sup>8</sup>Aka beta vague vivivara ga o, da gahara vare koita va ai, vani be Rohi Bauge e ruta gera lagani tau be nagatera, renu lagani tau bera vani be nagatera. <sup>9</sup>Ni Rohitera beta au ominue kamu kavara, beya kiare nagate. Veitera, aukamu atage anaima, auka besibe vime auki yabera hoge ragisa, eduge koita yau bougi gera maguri misa. <sup>10</sup>Orena kimena no anava, Rohi Bauge vani vera ororo vara vaho koita nagate: Va ra dau ragi ravara dudu rahova uhurahe. Vene uhurahe ge yauna siri ragohisa, mata o tagera renu me vara gâgae uhvara. <sup>11</sup>Badivara iaga o aubougi gera kosako vara guma oi, ana otado koita vanu be goigo vanu? Ama aena uhura renu maguri mage maguri vahe usa. <sup>12</sup>Ama dibana goisa renu uhu berebe kisa Dirava orogare vani va. Vani ei, vene ra va uhura sebose

vara, renu uhurava iaganiva aubougi gera vene hedoka uhurahe ge yauna dau ragohisa. <sup>13</sup>Eduge, au ominue rone dainehe noka va isage renu mata isage noki nariva, au ga riaga ve negu uiare behibehi ve. <sup>14</sup>Eige, di koitatuhe ya, yaka dibanara, eige hegiri uhura renu mai uhura yama usa au vagotonehe. <sup>15</sup>Mati, ni Rohive mai ve renu maguri bia, ni ogo nane Paulo au tore tore vehe nagate, uhu vaka moimane uhurahe. <sup>16</sup>Paulo ra ga o yabera auki ro gevenu au letave aubougi uhurahe, iaga be anagei gevara va yabera isukera. Besibe ragohisa renu uhu anana nune nune koita va be yabera eyanu, iaga daure gahi geige koita va ya, yauka rege aena ga nune nune tore gevenu, yavahu yauka daure va misa. <sup>17</sup>Eige, da gahara vare koita vava, yaka subuta gera yaki dibana gahanu, eduge yama yavahu ya narigeisa Eige yaka beta daure uhura siri ragohi ravara daure kiare gahava yau dainehe renu yaka yai gabidadamave dauda vara. <sup>18</sup>Eduge hero renu uhuvaka miahe ni Maguri ve Iesu Keriso ihehe. Magevara au gasina otisa negu oti vani behibehi. Amen!

## 1 John

1 <sup>1</sup>Urugoi gera, noki ihinu - nomu ni niehe eragane renu nokamu eraganu renu nokamu kamuanu - maguri gavara. <sup>2</sup>Renu, maguri varamu gagae goinu, noki eraganu renu riaga gahanu. Yaige noki maguri behibehi gava ragoha, ni Mame ruta gera, era noki o bina dibana gahanu. <sup>3</sup>No eragane renu no ihine noki ya gainage ya vasiba gahigeva, eige yaka no ruga guriguri kisa. Ni guriguri vera ni Mame renu Au Moe, Iesu Keriso ruta. <sup>4</sup>Renu, noki me o toregeva ya renu no noka bada hegiri ragohisa. <sup>5</sup>Ga oramu au gasina ge noki ihinu mati yaigasina roia: Rohi Bauge ra abaga vara, au gasina gera vadibu veitera. <sup>6</sup>Noka roia, noka au rutage noki guriguri kia renu vadibu uhura ogia, avanage noki ragoha renu riagava ogigi veitera. <sup>7</sup>Eduge no abaga va ogiege auka abaga dainehe, noki bebe ruga gurigurikia, eige Iesu taoke raki ni daureve ketogevenu. <sup>8</sup>No royare noka daure veite, avanage noki ragoha, riaga vara veitera ni uhuruhe. <sup>9</sup>Eduge no ni maguri daureve garehege, auka auka noi hegiri vara, gabidadama vara auera, auka ni daureve koki geige vara renu auka no mage gahi geige vara. <sup>10</sup>A no royare noka daure be kiki veitera, noka roya auka avanage koita vara, renu au garera beta ni uhurehe gera.

## 2

<sup>1</sup>Di gamuheya, Daka ga ora idi baraka va roma ge ya negu maguri muduka va uma. Eduge ya be maguri muduka kima, Iesu Keriso mu ni dainehe au mame gahisa. <sup>2</sup>Auka ni maguri muduka mage gahiga vara, beta novahu ni dainehe, eduge vata o koita ya bouge dainehe. <sup>3</sup>Noka au dibana, no au gare iharehe. <sup>4</sup>A unuhu roma "Daka Rohi Bauge dibanara" eduge au gare maguri gahiga veitege aka avanage koitavara, ga riagavara au uhurehe veitera. <sup>5</sup>Eduge unuhu au gare riaga gahima, augera Rohi Bauge sorukera bina mage goinu. Maguri oige noka dibanara noka au ni gasina gera: <sup>6</sup>Unuhu roma auka Rohi Bauge uhurahe, auma Rohi Bauge nagate ogisa. <sup>7</sup>Di sorukehea, Daka ga isage idi baraka vava mohigeige veite ra, eduge ga emene ya mohigeima, ga era gurugoi da ya mohigevenu iyaga vara. Ga emene era ya subuta ihinu iya vara. <sup>8</sup>Eduge daka ga isage idi baraka va a moimima, ga era riaga Keriso va mati aigera, badivara vadibu eramu hoge vima, abaga riaga vara bubu vima. <sup>9</sup>Bena roma auka abaga uhu grahegera eduge au bamode daure gahima, auka vadibu uhu grahegera auki maguri vima ate negu. <sup>10</sup>Bena au bamode mage gahima auka abaga uhu rahegera auki maguri vima, auka beta daure be uhura sirisi vara. <sup>11</sup>Eduge unuhuna au bamode besibe gahima auka daure uhu gahegera auki ogima; auka dibana veitera oreigena au otima badivara auka vadibu raki au nie bakuvanu. <sup>12</sup>Yakera daki ya vasiba gahi geima, di gamuhe ya, yaka daure bera veitera au ihe dainehe. <sup>13</sup>Yakera daki ya vasiba gahi geima, Ata ya, badivara yaka dibana unuhuna urugoinu. Gami, ga gainage yakera daki ya vasiba gahi geima, yakamu daure bia meve seboganu. Dakamu yaki rogevenu, di gamuhe ya, yaka dibanara unuhuna yai Mame. <sup>14</sup>Dakamu ya vasiba gahi gevenu, Ata ya, yaka dibanara unuhuna urugoinu. Dakamu ya vasiba gevenu, gami isage ya, yaka herote yabera, Dirava gare ramu e yau gasina, renu yakamu daure bia meve seboganu. <sup>15</sup>Ya negu mata o se uhura iaganiva ya gahara ragohime. Unuhuna mata o gahara vima, Ni Mame mageve augera veitera. <sup>16</sup>Iaga aubouge mata o uhurahe gera - ahata maka maguriva, no muduka maguriva, renu uhu anana nune nune maguriva- beta ni Mame maguri vera eduge mata o maguri vara. <sup>17</sup>Mata o gahara vare maguri vara dauragi ravara. Eduge unuhuna Dirava gahara vare kima auka maguri behibehi mimivara. <sup>18</sup>Di gamuheya, vani iaga varamu kahika goinu, yakamu ihinu Keriso besibe gaheramu o orogima, dadagamu o oroga. Eige nona dibana gahisa era vani iaga orena navara. <sup>19</sup>Noige yauki haki ragohanu, etage yauka beta norugagera. Yau no ruta gahane be yauka noruga uiare. Eduge yaukamu haki ragohanu, wife noki dibana gahanu yauka beta no ruta gera. <sup>20</sup>eduge akamu hedo manu Horu Aenava,renu yaka yai bouge dibanara. <sup>21</sup>Daka yai leta toreto veitera badivara yaka ga riaga dibana veitera, eduge yaka dibana dainehe renu avanage bera beta riaga vaseni ororo vara. <sup>22</sup>Unuhuna avanage vima auka Iesu ra Keriso ra auki riaga gahiga veite? Koita era Keriso riaga gahiga veite koita vara, auka ni Mame renu au Moe riaga gahi geige veitera. <sup>23</sup>Koita bena au Moe riaga gahiga veite auka au Mame dibane veitera. Uahununa au Moe vagahu gahima auka au Mame ruta gera. <sup>24</sup>Eduge a, ana otadovanu a ihinu urugoi au ai uhurehe uie. Ana otadovanu a ihinu urugoi auma ai uhuruhe usa, A tage ama au Moe renu au Mame uhuruhe ama usa. <sup>25</sup>Eramu au ominue no mohigene era -maguri behibehi. <sup>26</sup>Dakamu a vasiba gahanu me ona vivi yau dainehe koitabe yabera a taratavara. <sup>27</sup>Eduge a, au hedo a moimane ramu enu ai, renu aka beta be kiroege auka uhuvaka va a moimo vara. Eduge au hedoke uhuvaka a moimane na iaga aubouge aki rosa renu era riaga carreno beta avanage vara, au uhuvaka a moimane, au eie uie. <sup>28</sup>Di gamuheya, au ruta uiahe, au oroge ge noka herotera renu noka beta variva ragohi vara au ororo vehe. <sup>29</sup>Aka dibana auka riaga vara\_aka dibana koita ya mage kiare makavara, auge yauki vara ragohanu.

### 3

<sup>1</sup>Ni Mame no mohigevene mageva eraga, Eige yauka rosa, noka Dirava gamuhe yabera, era nokaki. E dainehe, mata ahatamaka maguri vara ni dibane veitera, badivara yauka au dibane veitera. <sup>2</sup>Da gahare vare, negubutu gera noka Dirava gamuhe yabara, auka so riaga veitera nona otadobe gahiga vanu. Noka dibanara Keriso orogare negahe, noka au nagatera, e makavara noka erara, era aukaki. <sup>3</sup>Koita yau bougi erara veite riaga gahare gahava yau uhurera magera, auka mage dainehe. <sup>4</sup>Koita ya daure kiare era aenava yauki hosaga, badivara daure ra aena veitera. <sup>5</sup>Yaka dibanara Keriso oroganera ni daureve kokigeige vara, au uhu rehegera daure be veitera. <sup>6</sup>Unuhuna au uhurehe uma beta daure kikipara. Unuhuna dagedage daure kima, auka erara veitera se au dibana veitera au. <sup>7</sup>Di gamuhe ya, koita benegu ami gaise otime. Mage kiare koita vara magera, Keriso ra mage dainehe gera. <sup>8</sup>Daure kiare koita vara Diabolo gamitera, Diabolo vara urugoi gera auki daure kinu.. E dainehe Dirava Moe raki oroganu, Diabolo meve auka sebogisa. <sup>9</sup>Unuhuna Dirava moe goinu aunegu daure kime, makavara Dirava tahake ramu enu au uhurehe. Auka beta daure kikipara aukerege Dirava moe. <sup>10</sup>Oigena Dirava gamuhe renu Diabolo gamuhe nona dibana gahisa: Unuhuna maguri riaga kiki veite auka beta Dirava ruta gera, au se au ogo nane besibe gahare koita va. <sup>11</sup>Gava ramu onu ya urugoi ihine: Noma bebe mage gahi geisa. <sup>12</sup>Noka beta Kain nagate ra, daure koita vara renu au bamode gami hoekanu. Otado be dainehe gena au gamanu. Au meve ra daure ra eduge au bamode mevera magera. <sup>13</sup>Ia negu dauragohime, di sokuhe ya, mata o ya besibe gahi gevege. <sup>14</sup>Noka dibanara nokamu hoge uhura maguri ragohanu, badivara noka ogo nana yabera. Unuhuna mage kiki veite auka dagedage hoekera. <sup>15</sup>Unuhuna au bamode mage gahiga veite au koita gamiga koita vara. Aka dibanara koita gamare koita vara maguri behibehi augera veitera. <sup>16</sup>Eige aka dibanara mage, badivara Keriso ra avahu au maguri vera auki maemanu ni dainehe. No gaita noka noma ni magurive maemisa ni sokuhe yau dainehe. <sup>17</sup>Eduge unuhuna mata o mageva kamuima, au bamode gahara vare eragima, eduge au sorukehe ra vagahu veite, Dirava magevena e au uhurehe se? <sup>18</sup>Di gamuhe ya, no negu ni mageve se ni garehe se ni meinehe gu roia, eduge ni magurivehe renu raiga va. <sup>19</sup>Maguri eige nona dibana gahisa noka riagava dibanara, renu ni sorukehe noki au vagotonehe maema. <sup>20</sup>Eige ni sorukehe ge noki tarata ragoha, Dirava ra ni uhure dibanara, renu auka iaga aubouge dibanara. <sup>21</sup>Da gahara vare koitava ya, no ni sorukehe tarata veite goiege, ni uhurera berebera Dirava gasina. <sup>22</sup>No berabe ragohege noka auseni mimi vara, badivara noka au ominue noki kamuva renu au gahara vare meva noki kia. <sup>23</sup>Ora au ominue ra, noma au moe Iesu Keriso ihe riaga gahisa renu bebe mage gahigeisa, au ominue no mohigeve nagate. <sup>24</sup>Unuhuna au ominue kamu geima auka au uhurehe gera, renu Dirava ramu e au uhurehe. Eige noki dibana gahanu auka ni uhurehe gera, au Horu ve no mohigeve nei.

### 4

<sup>1</sup>Da gahara vare koita va ya, ya negu sua aubouge riaga gahi geime. Eduge, sua e tohogege yahe, yauna Dirava senigena au oroganu, badivara avanage peroveta gahava yaberamu mata o uhura siri ragohanu. <sup>2</sup>Eige ana dibana goisa Dirava Suare-sua auboge Iesu Keriso raiga gahare ahata makava yauka Dirava seni auki oroganu, renu sua ore yabenu Iesu riaga gahiga veite yauka Dirava seni ororo veitera. <sup>3</sup>Era Keriso besibe gahare suava yabera, ya ihine raki orogima, akamu o negubutu mata o uhura. <sup>4</sup>Yaka Dirava seni ge yaki oroganu, di gamuhe ya, yakamu so gevenu, badivara yai uhurehe uiare ra raho ra beta mata uhura uiare nagatera. <sup>5</sup>Yaka mata o gahava yabera; yau roiare gava yabera mata o gava yabera, eige, mata o raki yau gare ihima. <sup>6</sup>Noka Dirava koita tuhe yabera, Unuhuna Dirava dibane yaukamu ni gare iha. Unuhuna Dirava dibane veite, auka beta ni gare ihini vara. Eige noka dibanara, sua ga riagave renu avnaga suava. <sup>7</sup>Da gahara vare koita va ya, no bebe mage gahigeva, badivara Dirava ra magera, mage koita aubouge ra Dirava senige auki vara ragohanu renu yauka Dirava dibanara. <sup>8</sup>Unuhuna mage dibana veitenu auka Dirava dibane veitera, badivara Diravara mage biavara. <sup>9</sup>E dainehe ge Dirava mageve raki ni vagotonehe horivanu, Dirava raki au Moe kobuga matava besuganu mata o uhura eige noka maguri ragohisa au dainehe. <sup>10</sup>O uhurahe gera au magevera, beta no Dirava mage gahare era, eduge au no mage gahi gevare era, eige Eige au Moe kobuga matava besuganu hedo moimane uhura auka ni daureve aubougi arigeisa. <sup>11</sup>Da gahara vare koita va ya, Dirava ramu ni gahara vima, no gainage name bebe yau gahara ragohisa. <sup>12</sup>Koita bera Dirava erara veitera. Eige no bebe gahara ragohege, Dirava ramu o no ruta, renu au magevera riaga vara noi. <sup>13</sup>Eige noki dibana gahanu noka au ruta gera renu auka no ruta gera, baidvara aukamu au suare kibe no mohigevenu. <sup>14</sup>Mati, nokamu eraganu renu riaga gahanu Mamakava rami au Moe besuganu mata oi no maguri gahigeisa. <sup>15</sup>Unuhuna riaga gahima Iesu ra Dirava Moe era, Dirava ramu e au ruta renu aukamu e Dirava ruta. <sup>16</sup>Diravara ra magera, renu unuhuna mage o uhura uma auka Dirava ruta gera, renu Dirava au ruta gera. <sup>17</sup>Edainehe, mage ora riaga gahime auki ni maguri vehe, wife noka uhu berebe te vani dokovare gava uhura, badivara era aukaki, era nokaki mata o uhurahe. <sup>18</sup>Mage uhurahe gera sigora veitera. Eduge, mage riaga varaki sigo kirai haki vanu, badivara sigo ra huhu tera. Eduge sigo vare koita vara mage riaga mimi veitera. <sup>19</sup>Noka magera Dirava no mage gahi gevare dainehe. <sup>20</sup>Bena rosa, "Dirava daki mage gahima" eduge au ogo nane inai gahima, auka avanage koita vara. Badivara au ogo nane besibe gahare koita va, eramu au ruta, auka beta Dirava au erara veite mage gahi gavara. <sup>21</sup>Mati, ora au ga aena vera auseni no manera: Unuhuna Dirava mage gahima auma au ogo nane tage mage gahisa.

### 5

<sup>1</sup>Unuhuna Iesu Keriso riaga gahima auka Dirava Moe era, renu unuhuna mama be mage gahima au moe tage auki image gahima. <sup>2</sup>Eige noki dibana gahanu noka Dirava gamuhe tage noma mage gahi geva: No Dirava mage gahare renu au aena

gare riaga gahare nagate.<sup>3</sup>Era Dirava noki magegaha: au aena gare noki riaga gahanu. Au aena gare ra beta no korahi gahi geige vara.<sup>4</sup>Eige Dirava gamuhe gahane yabena mata o daure ve kokivisa. Renu hero e raki mata o daureve kokivanu, ni gabidadamave tage.<sup>5</sup>Unuhuna mata o daure ve kokivisa? Iesu riaga gahare auka Dirava Moe era, koita era.<sup>6</sup>Iesu Keriso ra, eia va renu tago va orogane era aukaki. Beta eia vagu gera, eduge eia yava renu tago va. Dirava Suare raki o abougi riaga gahi geima, badivara Sua ra riaga vara.<sup>7</sup>Iaga abiga ga ge raki riaga gaha: <sup>8</sup>Suara, eia va renu tago va. Yau abiga ga geraki ito ragohanu.<sup>9</sup>Nona koita yau gare no riaga gaha, Dirava gare ra e ada gera. Dirava gare ra riaga vara au Moe dainehe.<sup>10</sup>Unuhuna Dirava Moe riaga gahima au uhurehe tage auki riaga gahanu. Unuhuna Dirava riaga gahiga veite auka avanage koita vara, badivara auka riaga gahiga veitera Dirava gare au Moe riaga gahiga gava.<sup>11</sup>Ga riaga varamu onu: Dirava raki maguri behibehi no mohigevenu, maguri ora au Moe ihe hegera.<sup>12</sup>Unuhuna au Moe riaga gahima auka maguri mimi vara. Unuhuna au Dirava Moe riaga gahiga veite auki beta maguri mimi vara.<sup>13</sup>Aige daki iaga o tore gevenu aka dibana goisa aka maguri behibehi vera ai gera- a Dirava Moe riaga gahare koita va ai.<sup>14</sup>Mati, no riaga gahare e ni uhurehe, otadovanu no imimi va ragoha au ihehe, auka ihihi vara.<sup>15</sup>Mati, nona dibanaru auna ni gare ihima- otadovanu no imimi va ragoha-noka dibanaru no gaharu ragohare iaganiva abougi geramu o ni gasina.<sup>16</sup>koita bena au ogo nane erage ge au daure be kinu beta Hoge ra beta vara, auma imimige visa, eige Dirava na maguri moimisa. Da roire gahava ya daure vera hoge ra beta vara ra. Daure be ra uhura gera hoge ra vara ra; Beta onakime daki roma auka e ada imimi visa.<sup>17</sup>Ga riaga veite yabera daure tera, eduge daure beramu enu hoge ra beta vara ra.<sup>18</sup>Noka dibanaru unuhuna Dirava dibane goima auka beta daure be kiki vara. Eduge Dirava dibane goine koita va na reguisa, renu daure be ra beta huhu gahiga vara.<sup>19</sup>Noka dibanaru noka Dirava koita tuhe yabara, renu noka dibanaru mata o uhugati gera daure hedo uhurahege yauki uia.<sup>20</sup>Noka dibanaru Dirava Moe ramu oroganu renu ni uhure rarogevenu noka au dibane gahisa, unuhuna riaga. Mati, noka au uhurehe gera renu auka riaga vara, au Moe Iesu Keriso uhurehe. Auka Dirava riaga vara renu maguri behibehi vara.<sup>21</sup>Di gamuhe, yai gabide misa mata iaga yau.

## 2 John

**1** <sup>1</sup>Yaka yai bouge di dibanaru daka bia Bauge vara. Leta o daki toreima riaga koita va yai, da dubu gaharu vare e. Dirava raki ya idi gevenu, renu yaka daiera, badivaru noka dibanaru Keriso ra riaga vara! Beta daki davahu yai gaharu vima, eduge koita aubougi dibana gahare renu ga riaga, Keriso riaga gahane koita va ya gainage ya hegiri gaha! <sup>2</sup>E makavaru nokamu ni bouge Dirava ga riagave, riaga gaha. Era ni uhurehe gera renu noka beta ga e gare gavaru! <sup>3</sup>Dirava ni Mame renu au Moe Iesu Keriso yabeki yau mageve no mohigeva, renu no vagahu gahigeima, renu mai no mohigeisa, renu no mage gahigeima.<sup>4</sup>Daka hegiri vime daki dakamu dibana goinu ya beyabemu maguri riaga magurigaha Dirava noki kirogevene e. Oramu ni Mame rone noka kisa rone gavaru.<sup>5</sup>Eige negubutu, dubu koitava ya, yakera daki ya imi geima no au rone kia. Eige, daki o yai torei roma era au gaharu vareru-noma bebe magegahi geisa-ora beta iaga isage vara; eduge ga oramu enu, noma bebe yau dibane gahare bebe mage gahigeisa. Ga o maka varamu, noka Dirava mage gahisa renu bebe gainage mage gahigeisa.-noma Dirava gare kamuisa renu meva kisa. Au gaharu vare ra noka au mage gahisa renu bebe no mage gahigeisa.<sup>7</sup>Koita mudago bebe daure gahi gevenu dainehe koita beyabemu dubu garehanu, yaukamu koita nune beruga o uya. Yaukaki roeya Iesu Keriso ra beta koita ra. Yaukaki koita beya tarageva renu Iesu Keriso inai gaha.<sup>8</sup>Eige, yama gabidada misa yau negu ya gainage ya tarageime! Yau negu ya taragevare, yaka negu mage roiare no bada memi yagoi otare aka beta mimivaru, au mage uhubage roiare, Dirava ruta maguri behibehi ragohisa.<sup>9</sup>Ogore yabena Keriso no uhuvaka gahi gevene nune gahisa roya renu dagedage ga riaga gahiga veite gaha, yauka Dirava ruta beta kobabera. Eduge ogore yabena dagedage Keriso gare riaga gaha, noka Dirava ni Mame renu au Moe rutagera.<sup>10</sup>Eige, koita nune bena orogi uhuvaka nune bei no uhuvaka gahigeisa roma beta Keriso uhuvaka no mohigevene nagate, ya negu hegiri gahime yai iaga uhurehe! Ya negu hero gahime se mage gahime gumabei! <sup>11</sup>Enakime daki roma, badivaru a negu enaki mage gahare, a riaga koita be mage gahare nagate, aka yahigime aki auka au daure meve kisa.<sup>12</sup>Daka dagedage ga mage mudago vara eduge daka urai aki rosa, daka besibe vime daki leta maema. Eduge, dakamu o ai gasina orogima renu daka a ruta gavisa. Eige noka hegiri mage ragohisa.<sup>13</sup>Ai riaga koita tuhe ruta dubu uhura, Dirava idigevene gahavaya, yau bouge ra yauki a mage gaha.

## 3 John

**1** <sup>1</sup>Aka dibanaru, daka koita baugevara. Ai gera daki leta o toreima, di vasire, aka di vasi magevera.<sup>2</sup>Di vasire, Dirava ra daki imigima iaga yabera ai mage goisa guma guma mage yau renu ahata makava aka herote goisa a Dirava matau gahare herova uhurahe.<sup>3</sup>Daka hegiri vime daki badivaru riaga gahava ya beyabemu orogi daki ronu aka Keriso ga riagava magurivehe aki uma. Onakime yauki roia ai maguri vera Dirava gaharu vare maguri ra riagavaru.<sup>4</sup>Di hegiri vera raho hereavera badivaru da yahegevene koita va yau maguri vera Dirava riagave uhu gahegera.<sup>5</sup>Di vasiruhe, yai mageve be yaugera Iesu mageve uhu rahegera, ya dibana veite gaha yau seni tagera.<sup>6</sup>Koita be yabemu dubu gaha kirogevenu yai mageve orenakimena ya yahegeva. Yama dagedage yahe geisa Eige yauna yau meve kisa Dirava gaharu vare uhurahe.<sup>7</sup>Iesu riaga gahare koita va ya hakiragohi oti Iesu mageve be kirogei, yauka muni tahaka be mimi veitera Iesu dibane veite koita va yau.<sup>8</sup>Eige no Iesu riaga gahare koita va ya, noma demaka renu muni tahaka ona vivi koitava ya mohigeisa,yau rita noma me kisa be yahegeisa Eige yauna Dirava ga riagave dibana gahisa.<sup>9</sup>Dakamu leta be tore vanu ai koitatuhe yau ,yauka kirogeisa yauma yahe yahe ragohisa. Eduge, Diotripas ra di letave hagaru veitera, auka ai variada goisa.<sup>10</sup>Eige da orogare ei, daka koita aubougi kirogei gevara au kiare meva: Koita be yabera auki ga maka veite

kirogeima no huhu gahigeisa au garehe. Auka beta egugera auki roma, eduge au avahu tage auka Dirava meve ki ioa ragohare koita va gainage auki besibe gahi geima. Hegiri gahare koita va gainage - auki kougeima auka dubu garehisa.<sup>11</sup>Di vasi mageve, Anegu guma daure e maguri gahime, Eduge, ama dagedage maguri mage kisa. Ama anai mage gahisa koita maguri mage kiare auka riaga Dirava koita vera. Koita orena maguri daure dagedage kima auka Dirava dibane veite koitavara.<sup>12</sup>Riaga koita aubougi Demetris dibana yabeki roia auka koita magivara. Ga riaga koita be goine, auka ga kobuga erone! eige no gainage noki roia auka koita magevara renu aka dibanara otadovanu no au dainehe roia era riagavara.<sup>13</sup>Da leta o torevege uhurahe, do uhurehe gera anana dadaga vara ya kiro geige. Daka besibe vime daki leta va toreto.<sup>14</sup>Eduge, dakamu erogi ya era geige vara. Eige nona bebe ga gageisa.<sup>15</sup>Dirava na so au mai ve ya mohigeisa. Yai vasiruhe oigera ki yau mage besuga. Ni mageve ni vasiruhe ei uiare mohigeisa, koba koba yau ihehe.

## Jude

### 1

<sup>1</sup>Tuda, Iesu Keriso besubesu koita mati Iakobo ogonana, ti yau besubesu koita, Rohibauge ni mame mati Rohibauge yau mageve uhurahe:<sup>2</sup>Mage mati mage mu bauge goisa yai gasina.<sup>3</sup>Di sorukehea, daka yai gasina ga mage idi baraka va rosa, daka idi baraka ga mohigeisa gabidadama dainehe, ga ora subuta Rohibauge au koitatuhea dainehe. <sup>4</sup>Avanage koita be yabara yai vagahe kera. Avanage koita o yabara subuta Rohibauge ho uhurahe. Avanage koita o yabara beta Rohibauge koitatuhea, yauka Rohibauge mage mi me daure kima, mati ni Rohite, Iesu Keriso riaga gahiga veitera.<sup>5</sup>Eige daki ya kiroge geima-yaka dibanara-ni Rohite raki koita Egypt matava mage gahigevanu, eduge auki mati sebogeinu badivara yauka Rohibauge gasina gabidadama veitera. <sup>6</sup>Mati, aneru ga ihihii veite tage, yauki yau u gabune garagevenu-Rohibauge raki seini va gamukeima, vadibu uhurahe,Rohibauge ho vani dainehe.<sup>7</sup>Eige Sodom renu Gomora ogovaia beraki ahata maka maguri daure renu nimuduka maguri daure uhura maguri ragohege. Yauka, maguri daure uhura maguri ragohege renu vene uhura maguri va behibehi nagate. <sup>8</sup>E uhurahe, yago nagate, yavahu yau ahata maka daure va kiego. Aena anana veite renu avanage gava mage gaha yau roege.<sup>9</sup>Eduge, Mikael aneru Bauge e, au diabololo ruta inara rage ge renu Mose ahata make dainehe gavage, auka ga avanage be au roro veite au,eduge auki onaki ronu, " Rohi Bauge na so a namigare!"<sup>10</sup>Eduge koita o yabera, namina ga maka veite, yauki roia; renu yau anavare yauki kia, ura iaga nageta ya, iaga e yabeki daure mi yau orogima. <sup>11</sup>Vagahu ana yau! Kain gumage hege yauki ogi ti Balam isukehe siri ragohanu, mage dainehe. Yaukamu daurago hanu Korah daureve uhu rahe.<sup>12</sup>Koita o yabera eve muni daure va ya nagatera yau hegireve uhu rahe, ya ruta sigo veite hegiri ragoha-bia bauge ya, yavahu yaue iare gahava ya. <sup>13</sup>Yauka va uhura oriva nagate ra veni veite, nono raki uhugei yoaima; vani avie idiva nagate ya maka veite-nega abu hoge raganu, gaikahe ge yauki butui yage manu. <sup>14</sup>Enok, Adamu ogo nane auka iatiriga gami varaki, ihie maguri gava vanu, onaki ronu, " Eragiahe! Rohi Bauge va ramu o orogima, au aena gahave ruta yau daha daha ruta. <sup>15</sup>Auka negu orogi vani kosavare gava roro vara, koita aubougi yau ada. Auka orogi Dirava dibane veite gahava ya raroigeisa, yau me maka veite kine dainehe, renu Dirava ga daure gahanu, daure gaha e ya." <sup>16</sup>Ava uhura ga ragohare gahava ya, berabe mudagao roaire gahava ya, ga o rogeva, yau uhuvaka daure ve dainehe. Ga rahova yau motemote gava rogeva, yauka koita be tarageisa mage dainehe.<sup>17</sup>Eduge a, daie, ana anaima subuta Apostolo ya ni Rohite Iesu Keriso gare ragohe ge. <sup>18</sup>Ona kime yauki yai ronu, "Vani kosavare, avanage gahava yabera enu, yavahu yau avanage vegehe yauna maguri ragohisa." <sup>19</sup>E yabeki mage guma dodogeva; Vata ada maguri renu yauka sua veite yabera.<sup>20</sup>Eduge ya, daie, yama hero kisa yai gabidadama ve uhurahe, renu yama Horu Aeneva imimi ragohisa. <sup>21</sup>Dirava mageve uhurahe yama usa renu ni Rohi Bauge ve Iesu Keriso au mai mageve nariviahe, era maguri behi behi ve mi ororo vara ai.<sup>22</sup>Dau ragohare gahavaya ama vagahu visa. <sup>23</sup>Ama vene uhura koita va ya yahe geisa; be yauge yama mai kisa renu sigo ragohisa, ogona ahata misika kava kamuane, yama besibe gahisa. <sup>24</sup>A nari vare koita vara besibe vime auki a moru gohare sigorova auka roma aka mage misa au haire uhurahe, miro veite renu hegiri raho uhura, <sup>25</sup>Ni Dirava ve kobuga mata Iesu Keriso Ni Rohite uhurahe, hegiri, matau, iaga aubougi biava, hedo bia, iaga aubogi gera ihie, negu oti, behibehi ve. Amen.

## Revelation

**1** 1 Ora Iesu Keriso riaga gahiga ga vara, Dirava moimane, auka au gamtuhe vasiba gahi geisa, otadovana orogisa vima. Aneru varaki au gamite Ioanne vasiba gahanu. 2 Ioanne raki Dirava gare riaga gahanu renu Iesu Keriso meve tage riaga gahanu, au eragevene iaganiva aubouge. 3 Magera aiera, a ga o orogane dahare koitava a, renu ihare koitava a renu ga o torevane riaga gahima koitava a, ama dibana goisa vani varamu o orogoima.4 Ioanne, seni oti dubu iatiriaga yau Asia uhura: Mage yaie renu mai au seni, renu auna unuhunu au seni, renu au seni orogare e, renu sua iatiriaga au seni orogi teronave gaika, 5 renu Iesu Keriso seni, gabidadama riaga, gami rahovara hogeve seni goiragi oroganu, auka mata o kini vara. Iaukaki no mage gahigeima renu ni daure au taokehe seni no maguri gevenu- 6 noni ge auki kini yaga Bauge nagate be kinu, haroro gahaya au Diravave renu au Mame yauni- au seni mage renu hedo negu oti behi behi. Amen.Eragiahe, aukame orogima va uhura, ni be ni be ra, erara vara, au bodine bine gahava ya gaitage, mata o gahava ya, au bougi, au dainehe nigo ragohi ravara. Dodihegera, Amene. 8 "Daka Alepa vara renu daka Omega vara, Rohi Bauge Dirava raki roma, " auna unuhunu, renu era aukaki, renu auna unuhuna auka ororo vara, auka Bauge vara."11 9 Da, Ioanne- ai ogonane, dakaki a ruta huhu nagima kindom va renu uhu berebe vima, o aubougi gera Iesu maguri ve uhura hegera- Patmos motumotu va, Dirava gare dainehe renu Iesu raiga gahiga dainehe. 10 Daka Horu Aena ruta gera Rohi

Bauge vani vehe. Di iatahe ge daki eno raho be ihinu biugili duduva nagate. 11 Onaki ronu, " Idi vadaka maema a eragare, renu besugi dubu iatiriaga yau - Efeso yau, Smana yau, Pegamon yau, Tatira yau, Sadis yau, Piladelfia yau, renu Laodocia yau."12 Daka, anigoi eragisa unuhuna da ga gahima, Idi ada lamepa iatiriaga ge daki eragevenu. 13 Lamepa e yau tanahe ge daki be lamepa be eraganu, gami mo be nagate, ogona ege be kinu ti au vasehe renu au Kemenehe gera ogona bera.14 Au omote renu au omo homoke wol kae be nagate- au ni era vene bubu nagare nagate. 15 Au vase ra bronse va dahuane nagate, vene uhura hedoka gahare nagate, au enogera tinavai eia ruru vare nagate ra. 16 Au ada vama hegera hisiu iatiriaga gera ,egi bauge be, nika ganono vera hakira hakira gera, au avage uhura seni hakivi oroge ge. Au erara vage ra vani abaga hedoka te nagate.Da eragane daki, au vasi gaikhe moru gohonu hoge atabe nagate, Au ada vama vemi auki di omote ada maemare, onaki ronu, " Anegu sigoime. Daka urugoi renu dokona vara 18 renu maguri vara. Dakamu hoge raganu, eduge eraga, Daka maguri vi behi behi vara! Hoge renu Hades ki varamu o di gasina .19 E dainehe, a eragevene ama tore geisa, negu renu o itaharahe orogare ya. 20 Hisiu iatiriaga va a di ada vama he erage vene renu golo lamepa iatiriaga idi ada norena makava ra: Hisiu iatiriaga vara aneru yabera dubu iatiriaga yau, renu idi ada lamepa iatiriaga yabera dubu iatiriaga yabera."

2 1 " Efeso dubu aneru va onaki toreva:' Ga biava ada vama hegera hisiu iatiriaga gera, renu auka idi ada golo lamepa va yau vagehe ge auki ogi yoaima, 2 "Daka yai mageve dibanara, renu yai me isukeve ya dibanara, renu yai uhu berebeve daka dibanara, renu yaka hegiri veitera daure kiare gahava yau, yakamu yau mi aena gaha ro gevene eragevenu eduge veitera, badivara yakamu behu gevenu, avanage yaui ragoha.3 Daka dibanara yaka uhu berebe tera renu di dainehe yakamu huhu nagoha, renu yaka besibe ragohi ra veitera. 4 Eduge daka hegiri veitera, ya urugoi me mage garehane. 5 Eduge yama anaisa, ya deru ragohane. Yai uhure bao geiahe ya urugoi kine iaganiva gaitana kiyaha. Ya, yai uhure bao geige veite, daka yai gasina ororo vara renu daka idi ada lamepa va, koki geige vara.6 Eduge ora ai gera: Aka Nikolati gahava yau maguri ve gahara veitera, da tagera. 7 Ana ihikoke tenu, ga o ihi, Sua ya dubu ga gahare ihi yahe. Unuhuna mage kima daka riaga gahege auka maguri idiva tamuta vivi vara, era Dirava Paradaiso ve uhurahe gera.8 Symna dubu aneru va, onaki toreva:' Urugoi renu ihie orogare gare ra, aukamu hoge raganu renu aukamu magurivi goiragane: 9 " Daka yai huhuve renu yai goroa ve dibanara, eduge yaka magera. Daka dibanara ogore yabana roeia, yauka Iuda koita yabera, riaga vara yauka veitera. Yauka Satani dubu vara.10 Ya negu sigo ragohime ya goroa gaharei. Eragiahe! Diabolo vara, ya beya vadibu yagava ya kira geige vara, eige yauna ya toho geisa, eige yana huhu nagohisa vani utube uhurahe. Yama gabidadama ragohisa ate hoge orogare eige dana maguri koronava ya mohi geisa.11 Ihikote koita vagu ihe, otadovanu Sua daure dubu yau roma. Unuhuna ga'a va hero kinu auka beta huhu nagina vara, hoge Abu gahigava orogarei .12 "Pegamon dubu aneru va, onaki toreva:Ga biava ra egi bauge tera nikava hakira hakira ganono tera: 13 "Daka dibanara ana oreigena a uma, Satani terona hegera. Eduge amu di ihe kamui berebe gahima. Daka dibanara ai gabidadamave daigera monu, Antipas negavehe tage, di gabidadama gamive, yai tanahege yaui gamanu, Satani uiare gabu vahe.15 Eduge daka hegiri veitera ai, iaga be yau dainehe: akamu e dagedage Balam uhuaka be kamugei berebe gahima, aukaki Balak kironu Isaraela gami yau gumage vadibu gahege, yauka sua yau demaka isa renu ni muduka me kisa. 15 Guma kobuga ei, be yabemu Nikolaiti uhuake o kamui berebe gaha.16 Eige, guma daure e garema, veite goiare, daka ai gasina vaina ororo vara renu daka ga'a mi ororo vara yau, egi Bauge di avage uhurahe. 17 Ihiko tegu ihe, otadovanu Sua roma dubu yau. Ga'a uhura hero kiare koitava, dakena man's hunivare ya mohigeisa, renu daka muni kar be ya mohigeisa, ihi isage beraki e adahe, ihie bera dibana veitera eduge miare koita vai avahu dibana."18 Tatirata aneru va, onaki toreva:'Ga ora Dirava Moe garera, au niera vene bubu nagera nagatera renu au vase ra bronse va dahugane nagatera. 19 "Daka ai meve dibanara: ai mageve renu ai gabidadamave renu ai me gumage renu a ai uhure kamuare gumava. Daka dibanara, a negu nega oi kiare mevera rahora, beta a urugoi kine meva nagatera.20 Eduge, besibe vime daki: Aka magi vire Jesebel gahara veitera, auka aumi haroro magi roaire. Au uhuvaka gavehe ge auki di besube gahatuhe hero gahigeima auka ni muduka me kisa renu sua yau demaka isa.21 Nega tinakibe daki moimanu auka au uhu anana ve isage gasina, eduge auka au maguri daure kiare garege besibe va auki vime.22 Eraga! Komata yagia gabunahege dana magi e maemisa au renu ni muduka ragohare koitava ya ruta, eige auna huhu nagohisa, yau maguri isage mimi besibe ragohege dainehe. 23 Yau gamuhe dana gahi geisa, dubu aubougi gena dibana gahisa daka uhu vaka renu soru vaka eragare ra. Dakena kobakoba yai gahune kisa yai meve dodihe.24 Eduge yabea Tatira uiare koitava ya, yai bouge, unuhuna a uhuvaka ga o dibana veite renu Satani norena kiare meva - aigera daki onaki roma, ' Daka ai ada isuke maema veitera .' 25 Otadovana varaima, yama hero kisa ate da orogarei.26 Ana unuhuna a hero kima renu di meve kima oti basu basu va, augena dana hedo moimisa mata aubougi yau variada. 27 ' Aukena ma meva kisa auri idiva ruta, hodu nagate auna hosagei tina tina.' 28 Da di Mame seni mane nagate, dana vagutu bao ragare hisiu va moimisa. 29 Ihikote koitava, ihe otadovanu Horu roma dubu yau. "

### 3

<sup>1</sup>"Sadis dubu Aneru va onaki toreva, ' Ga kamuvare koitava renu Dirava suave ya aubougi iatiriaga va kamuare renu hisiu iatiriaga kamugevare. " Daka ai meve dibanara. Ai ihera magurivera, eduge aka hoekera. <sup>2</sup>Urima otadovanu enu herogaha eduge auka hoge ragiravara, badivara ai mevera beta uhubagera di Dirava ve niehe.<sup>3</sup>Anava, ana otadovanu a manu renu ihinu. Gava riaga gaha, renu ai maguri emene ve garema. A uriru veitege goiege, daka vaho koita nagate ororo vara, aka beta dibana goigovara dana otado vani iagavage da orogima ai. <sup>4</sup> Eduge Sadis uhura ihi be yaberamu enu,

yau ogonave yabera miro veitera, yauka da ruta ogigi vara, yau ogona ruga, badivara yauka magera.<sup>5</sup> Herote koita vara ogona kae kikivara, daka beta au ihe maguri bukava kokivara, renu daka au daureve di Mame renu au aneru yau ihehe.<sup>6</sup> Thi kokete koitava, sua ya dubu gahare ihi yahe.<sup>7</sup> Piladelpia dubu aneru va, onaki torei ro: ' Gara au era auka aena renu riagavara-- Davida ki vera au gera, auka aboaba vara bera beta kouko vara, auka kouko vara bera beta baoba vara.<sup>8</sup> Daka ai meve dibanara. Eraga, dakamu o ai vagotenehe udua be baoanu bera beta kouko vara. Daka dibana ai herovera avira, eduge amu di gare ihare renu di ihe vague gahiga veite.<sup>9</sup> A ihi iauka Satani oreave koitava iabera, tarata ta-te irea, beta Iudea iabera. Dakene iau komukone, ai vasi gāikehe goruhi. Iau-bada (dibana) gāhisa. Daka a lalokau gāhima.<sup>10</sup> Badivara aka di (Haheauka) garea uhuraehe uma, mati daka a iaheisa, daure uhuraehe, au vata oi orogi koita iaubada toho gevarehe.<sup>11</sup> Daka me orogima inono veite. Otado bene aiea, ege koita bera beta a vaho gāhi ai kwalimu gāhue.<sup>12</sup> Kwalimu koita vara di Dirava te Dubu gāvava vera, renu auka beta gāre miavara. Daka au torei di Dirava te ihe, renu di Dirava te oge ihiva Ieruselema isage, era vava sena uguhi orogi Dirava gāsina. Daka di ihi isageve au tore via-vara.<sup>13</sup> Ihikote koitava ra sua gare Ekalesia oreava va iau ihivi-vara! GA ORA OTI LAODIKEA EKALEZIA OREAVA IAUE.<sup>14</sup> Ora oti Laodikea Ekalesia oreava va torei: ora besube gava orogi Amene isena, gābidadama renu ga riaga, auka hama gāmi Dirava iaaga iaubada kiogevene vaagehe.<sup>15</sup> Daka dibana otado bene a kinu; Daka dibana ana ribike se hedoka tenu!<sup>16</sup> Uduke badiva tiahue dainehe, beta hedoka se ribike, a daka di avagehe a kakai haki-ra.<sup>17</sup> Aka roma, Daka magera; Dakamu mage manu. Eduge aka dibana veitera, akamu korikorera, vagahutera, ni veitera ren bututa gera.<sup>18</sup> Daka a ugoro gāhima golo dai haeva, vene reguane iağava, ege ama tağa koita goisa, mati dabua kae haevi gotoma, renu ai variva renu, bututa ve (koua), renu mati gi gadiki haevi maema, ege ama ni-gāhisa.<sup>19</sup> Daka a ugoro gāhima renu, kodivima, iai-bada ogorea da ia (lalokau) gāhigeima, iai uhure tiahua, iama iai daureve anai goi rağohisa.<sup>20</sup> Ihi! Daka idua va-rami kokokoima; ege koita be di enoge ihi idua baoare, daka oroi au iagehe auğore tamuta, renu auka dağore tamuta vara.<sup>21</sup> Kwalimu koitava, daka riaga gāhi da ruta di terona ve guraguara, di nağate kwalimu, di mame gōre au terona-ve guraha.<sup>22</sup> Ihikote koita vane sua gare Ekalesia oreava va iau ihisa.

**4** GORUHI IMIGARE / TOMADIHO VAVA1 Iağa oiava itahe, daka mati iağovi niğahi vava idua bera baobare renu, enoga be daki ihi-nera biti vaka enoga nağate da ga-gāhige roma, "Gadimi ikoho orogo, renu daka a gāiho nemi otado bene vara o itahe." 2 Inono veite sua da roheige. Ikehe vava gera (terona) bera, augera koita beraki guramanu. 3 Au erava vağe ra iaspi renu sadio muniva na goigore, renu kevau ara ki terona e origanu, au erava vağe ra samarağo muniva na goigore. 4 Terona e origane ra uta-abu hakira aba-abu; au gurahane ra erağa re koitavaia gāina gera, uta-abu hakira aba-abu dabua kae kirogei, omo badu tea golo iabera. 5 Terona vagera va siasia enoga renu va dudu hakivige, renu terona vağotone lampa abugu veite raği abaga-abaga ruğa, eiabera Dirava sua rea abugu veitea. 6 Renu terona vairanehe gera, eve uhurava eragare nağate muni abagare ra .Renu terona uhurae renu origane ra, mağuri iağa aba-abu iau nie vairava renu itahe. 7 Mağuri iağa uri-goigoara, erava vağa vara lion, abu gāhiga, erava vağa vara boromakau gāmika hairanite; abigağa gāhiga vairane koita vairane na goigore enu aba-abu gāhiga, erava vağava borogi huragare nağate ra. 8 Iau aba-abu ruğa gera ahakani-vaia bera, agorokiva gera, itaheraehe ge renu, uhuraehe nikavaia bera dadağavara. Vani renu vahi iauka vağa roro veite noğovi ruğa; ona roia: "Aena, aena, aena ra Rohira, tiahua iaubada gera Dirava ra, auka guramige, auka guramima renu, auka so orogisa!" 9 Renu mağuri iağa aba-abu ruğa noğovi rağohi Dirava moteahi renu, au hairave mağe gāhi terona ve guramare. Auka gurami behu-behu nega ehe. 10 Ege erağare koitavaia uta-abu hakira aba-abu, goruhi au vağotonehe terona va guramege, Dirava va roia, mağuri behu-behu. Dirava va goruhi (toma diho) gāhige, iau omo bakue terona vağotonehe kiragei ugu rağohi roia: 1 "Ni Rohi rahoe, ni Dirava te-e! Mağe-vara onuhairava renu, matau renu, tiahua mi. Badiva akaki iağa iau bada kiogevenu, ai urae kirogei iauka guraha."

**5** <sup>1</sup> Ege da erağane, koitava terona va au ada vamağa ehe gera buka bera, uhuraehe renu, itaheraehe gera ihi tea-bera, buka ora bakui berebe herea-vara, kasiva-kasiva gera bere g;ahi abugu veite. <sup>2</sup> Ege daki aneru hero te be eraği, auki bara rahoi, "unuhune geregereve, buka o baovisa renu bakuane kohua turugeisa?"<sup>3</sup> Uduke koita be vava se vata renu, vata o derikae beta buka o baovi uhuraehe erava vara. <sup>4</sup> Ege daki nina hereai badiva ra koita bera beta herote bao baovisa renu uhurava erava. <sup>5</sup> Ege erağare koita va beraki da gağahi roma, "Nivisa gāre. Erağa! Leona Iudea iduhua, David rumukehe sena (kwalimu) aukene, buka o baovisa renu, bakuane (toavaia) abugu veite gene turuhisa. <sup>6</sup> Ege daki mamoe eraği rami rame terona nomuakaehe, mağuri iağa aba-abu erai gurahare koitavaia iau oroganu. Mamoe gāmika rami rame eraği, mimene gāmi hoekare nağate. Au kokai vera abugu veite, renu nikava tagera abugu veite e iabera Dirava sua ruhea abugu veite, e besu gei vata o uhuğati iau. <sup>7</sup> Ege mamoe gamika oti buka e terona-va guramane ada vamağae manu<sup>8</sup> Au buka e mane, mağuri iağa aba-abu renu, gurahane koitavaia uta-abu hakira aba-abu goruhi mamoe vağotonehe. Iau koba-koba gera gita tea mati, iauka golo hodu gadiki toboga gei Aena Koitava iau gurigurivea.<sup>9</sup> Iauka noğovi isage mi roege: "Aka aena buka o misarenu, bakuane kohua hosa-gei baovisa. Iauka a gāmi hoeki, renu ai hoge vera boubou iağa, Dirava gāsinakoita ia Iduhu iaubada, ga iaubada, ogo renu, bese iau bada sena. <sup>10</sup> Akaki Rohi renu, Aena Koitava iauğa ki, ni Dirava te meve kisa. Ege iauka vata o Rohi gāhisa. <sup>11</sup> Daki gaitana niğahi renu, daka aneru iau enoge ihi daha-daha renu, gerebu-gerebu uara! Iauka terona rahi origi, mağuri iağa aba-abu renu, eraği gurahare koita-vaia, <sup>12</sup> renu noğovi rağohi enoga rahoa: "mamoe gāmika gāmi hoekaneaukaki mağe, tiahumi, tağa, aonega renu hero, matau, haira renu heğiri!"<sup>13</sup> Ege daki ihi iağa iaubada vava, vata oi renu, vata uhuraehe, derikae renu eve - uhura iağava iaubada - renu iauki noğovi rağohi: "Au terona va gurama nei, renu mamoe gāmikai, moteahisa, renu matau haira renu, tiahua iaune

misa, negu oti behu-behu!”<sup>14</sup> Ege maḡuri iaḡa aba-abu geraki roia, “Amen!” Renu eraḡi guraharen koitavaia beraki goruhi au (toma diho) ḡahanu.

6 PEPA KUMUKU / ḠODO<sup>1</sup> Ege daki mamoe ḡamika eraḡi auki bakuane (toava) uriḡatuḡa va hosai baoanu, ege daki maḡuri iaḡa be enoḡe ihinu, enoḡa era va duare naḡate roma, “Oroḡo!”<sup>2</sup> Daki niḡahi hosi kae eraḡanu, au guramane koita vara peva tera, omo baku (moimi) ege auki tياهو gore otinu. Auka guivi oti (kwalimu) ḡahara.<sup>3</sup> Au bakue (toava) abu ḡahigave turuhi, ege maḡuri iaḡa abu ḡahigave enoḡe daki ihi roma, “Oroḡo!”<sup>4</sup> Ege hosi kerekare be raki hakivi, au gura mane ra tياهو moimi (maino) vata oi misa. Koita iabera ḡahi-geisa dainehe. Ege auki kaia ketake be moimanu.<sup>5</sup> Au bakuane (toava) abigaḡa e turuhi, ege maḡuri iaḡa abigaḡa ḡahigave enoḡe daki ihi roma, “Oroḡo!” Ege hosi dubu herea be daki eraḡanu, au guramane ra isuka toho-toho kohua be mi au adehe.<sup>6</sup> Daka ihi enoḡa bera maḡuri iaḡa aba-abu iau vageahe sena roma, “uit be damua ra silver moni be, renu bali gogoare abigaḡa damuara, silver moni kobabe vani be. Uduke a enaki olive idia renu vine ḡeḡe daure ḡahima!”<sup>7</sup> Au bakue toava aba-abu ḡahigave turuhi, ege maḡuri iaḡa aba-abu ḡahigave enoḡe daki ihi roma, “Oroḡo!”<sup>8</sup> Daki niḡahi hosi bera (pale colored) eraḡi. Au guramane atava ihiva ra, Hoḡe renu Hoḡe Rohiva, au itahe oronu. Tياهو-ara iau abu moigei, vata o (inoḡove) aba-abu (inoḡo) be biava gahi, (ga ki) tuariva, doe, tamuta veite, renu ura ohoia (or) iaḡavaia iau ga kohuḡe au koita ḡahigei hoekiogeisa.<sup>9</sup> Ege mamoe ḡamika bakuare toava adakasi ḡahigave turuhi. Daki pata aena derikae ahata be eragei, badiva Dirava hari maḡeve haroro ḡahigeve dainehe ḡahigevene (or) ḡahigei hoe kiogevene.<sup>10</sup> Iauka bara ketake raḡohi roia, “Ni biage o aena renu riaḡa! Ana nega orei vata o kotavaia daure damue moigeige, ni taokeau dainehe.<sup>11</sup> Ege iau koba-koba dabua kae moigei, auki kirogei ro nega tinabe so vaḡa roro oit iau bamoduhea renu oḡo nanuheha besube ruḡa ḡahigei hoekiogei iau ḡahigevene naḡate, aune ḡereḡereisa.<sup>12</sup> Renu daki mamoe ḡamika eraige auki, bakuane toava agoroki ḡahigave turuhi, ege daki niḡahi otige, vata (marere/iahuia) ketake, renu van i tage vadibu ḡoi, dabua dubu naḡate renu bata ra au sivai kereka herea taḡo naḡate.<sup>13</sup> Hisiu iabera moru raḡohi vata erara vaḡava nono vava sena oroḡi suke maka isage ruse vare naḡate.<sup>14</sup> Va tage pukivi, buka kuivare naḡate, nimu iau bada renu, motumotu iau vataehe raka gevare<sup>15</sup> Ege vata o rohivaia renu, uriḡatuare, renu ḡa rohia/biavaia, taḡa renu hero kota vaia renu besube ḡahavaia renu (ura kwalimu) koitavaia iau bada kovio uhure, nimu hara-haḡa/derikae hata raḡoha.<sup>16</sup> Iauki to raḡohi nimuia renu munia, no duha ge renu baku gei iaehe, terona va guramare niehe renu mamoe horehe no huni-geve.<sup>17</sup> Badiva iau hore vani-va rahoa ra bina horivanu, unuhune negu rami haese ḡahi ḡavanu.

7 ISARAELA KOITA VAIA Daha Tinahu Utu Ababu hakirava ababu.1 Oi iau itahera-ehe, daki aneru aba-abu eragei rahirahe daiguni aba abu vata oi, kona aba-abu kougei, ege nono bera beta ḡugu ḡu vata se eve se beta idi ve huroro ḡahigave vara. 2 Ege daki aneru be eraḡi mairivena kasiva ḡadimi roḡige, au bakuane toava maḡuri Dirava ieha. Auki barai enoḡa ketake va oti aneru aba-abu oḡorea iabena Dirava tياهو moigei vata renu eve hadika or daure ḡahigave. 3 Aneru araki roma, “A enaki vata o renu eve se idi daure ḡahigeima, oti-oti da Dirava koita tuheau iau varikehe au ikorove maegeima.4 Renu da kirone numera vara oḡoreau varikehe gene iau ikoro maemanu gera 144, 000. Iauka utube hakira abu Isaraela Iduhua sena.5 Iuda Iduhua sena gerebu be daha-abu, Rubeni iduhua sena gerebu be daha-abu, Gada iduhua sena gerebu be daha-abu. 6 Asere Iduhua sena gerebu be, daha abu, Napatali Iduhua sena gerebu be daha-abu, Manase Iduhua sena gerebu be daha-abu.7 Simeona Iduhua sena gerebu be daha abu, Levi Iduhue sena gerebu be daha abu, Isakara Iduhue sena, gerebu be daha abu. 8 Sebuluni Iduhue sena, gerebu be daha abu, Ioseha Iduhue sena, gerebu be daha abu, Beniamina Iduhue sena, gerebu be daha abu.KOITA HUTUMA HEREA RAHI RAHE VAVA9 Oiau itheraehe daki niḡahi koita era hutuma herea, koita bera beta uhuḡati da geige vara. Iauka bese ḡaita ḡaita renu, Iduhu ḡaita ḡaita ehe renu Oḡo ḡaita ḡaita sena renu iau bada rahi-rahe terona vaḡotonehe renu, mamoe ḡamika vaḡotonehe rahirahe, iau dabuade iabera kae herea renu, adaka vaia bera reta tea. 10 Iauki toraḡohi hakirai enoḡa ketake ruta roia: Maḡuri vara ni Diravate ie, terona va guramare Dirava va renu, mamoe ḡamika iau.” 11 Ege Aneru iau bada rahi origi terona va (heitatao) koitavaia renu, maḡuri iaḡa aba-abu. Ege iauka ḡoruhi iau vairea terona beiami vata sena Dirava (toma-diho) ḡahige. 12 ronu, “Amen! maḡe haira renu uhu vaka renu heḡiri renu matau, tياهو renu, hero ra ni Dirava te ne misa, negu oti behu-behu! Amen!”<sup>13</sup> Ege (heita tao) koita beraki da beraḡi, “Oḡorea bene koita oia dabua kae ḡote-gevenu renu, ikorehe sena gene iau oronu?<sup>14</sup> “Daka dibana veite, Rohi raho e. Akaki (dibana),” Daki ronu. Auki da ki-roma, “Koita oiabera huhuherea va sena iauki oronu, iau dabua ve mamoe ḡamika taokehe eto gevenu, kae ḡahigevenu.<sup>15</sup> E dainehe iauka Dirava terona ve vaḡotone rahi-rahe, renu terona va guramare Dirava vara, iau taruḡehe otiti vara. 16 Iauka beta rauta se eia iroro renu, vani se, tياهو ara beta (rara-geige vara). 17 Badivara mamoe ḡamika vara reḡu geige vara, au (lohivare) eva iabera iau maḡuri ḡaikera. Auka uriḡatu gei renu Dirava ne iau ni nemote iau bada iau niehe sena koriko ḡahi-geisa.

8<sup>1</sup> Ege mamoe ḡamika bakuane abugu veite vaheḡane, vava gera enoḡa veite (hour hakira) be.<sup>2</sup> Ege daki niḡahi aneru abugu veite era gevenu, iauka rahi Dirava vaḡotonehe.<sup>3</sup> Renu aneru beraki oroḡi (alter) vaḡotonehe rami (golden censer) ruta, renu auka (incense) auhe moimi au ḡuriḡuri ve-iau oti saints (golden alter) terona vaḡotonehe.<sup>4</sup> Renu incense duka va ḡadimi ḡuriḡuri ruta oti aneru iau adehe uriḡatu Dirava vaḡotonehe rahige iau.<sup>5</sup> Ege aneru araki (censer) e mi vene-va tobogahanu (alter) ei, renu vata-ada kira vanu, eraki (peals oh thunder) enoḡa (flashes) oh lightning renu, vata marere.BITI VAKA IATIRIḠAVA<sup>6</sup> Ege Aneru iatiriḡava iabera biti vaka abugu veite (hegaeḡae) ḡahigei uhu geige.<sup>7</sup> Aneru uriḡatuḡa, au biti vaka ve uhui, veni raho renu vene, taḡo ruta oroḡi bohuraḡi uguhi vata oi. Inoḡo abigaḡa vata oi

gera raġo hanu renu idi abigaġa renu ġati iaubada.<sup>8</sup> Ege aneru abu ġahiġa au biti vaka ve uhui. Iaġa be erara vaġava nimu vene raġare kirai eve. Eve hosai inoġo abu-geraki taġo ġoinu.<sup>9</sup> Renu eve abigaġa ġahiġava oroġi taġo ġoinu, a abigaġa ġahiġa maġuri kohua ia, eve budaraġohanu renu abigaġa e (kada) va ia daure ġahanu.<sup>10</sup> A Aneru abigaġa ġahiġa-va au biti vakave uhune, hesiu raho, vava sena moru ġohi, bubunaġi (tosi) naġate, auka tinavai abigaġa ġahiġae moru ġohonu, renu kubobo eve vaia koba koba iau ada moru raġohiġe.<sup>11</sup> Hisiu e ihivara "Iditave". ege eve abigaġa ġahiġava raki ageve ġahi ge koita hutuma varaki buda raġohanu, eia dainehe badiva auka agevera.<sup>12</sup> Aneru aba-abu ġahiġa va, au biti vakave uhuige, ege vani vakera abigaġa ġahiġava hakira ġamige, auki vadibuanu renu, bata abigaġa ġahiġa hakira ġamige autage, vadibu ġoinu, renu hesiu abigaġa, abigaġa hodigeige iau ġaita geraki vadibu ġahanu, ege abigaġa oiau abage raki vadibu ġahanu, e dainehe hakira abigaġa ġahiġa vani-vaia, abaga veitera renu vahiva tage.<sup>13</sup> Ege daki niġahi, renu daki ihi borogi varaki nivni enoġa raho ġore, huragi va nomua-kae roma, "Daure o! daure! Vata oi guraharea, aneru abigaġa ġahiġa va iau beti vakave bina uhu geige dainehe, or (negu butu uhu geige dainehe).

**9 BITIVAKA ADAKASI ĠAHIGĠA UHUNE<sup>1</sup>** Aneru adakasi ġahiġava au biti vake uhunei. Daki Hisiu eraġi vava moru ġohi uguhi vata, renu aba dobukeherea (key) va au moimanu<sup>2</sup> Auka aba dobuke derika veite be baovi, renu uhuraehe du-raki ġadimege erara vara-mu duka naġate ra, ege vani renu (nono) vadibu raġohanu, aba duka hisua.<sup>3</sup> Ege du eisena iso-iso iaberaki vata oi, sena oroġige, renu iauka hero moigei (scorpions) tiahue naġate vata oi.<sup>4</sup> Uduke iauka kirogei roia, ġati vata oi vara rai-gevare, se idia beta daure ġahi geisa, a Dirava ikoro ve mimi veite iau varikehe ġu-gera.<sup>5</sup> Iauka tiahue moigei beta ġahigeisa, bata adakasiva huhu moigeisa, huhu era (doadoa) mato gevare huhua naġate ra.<sup>6</sup> Vani e iau koita iabera hoġe iaġoisa, renu beta behuisa, iauka ura herea hoġe, uduke hoġe ra iau huragi ġaise.<sup>7</sup> Negu, iso-iso e iau erara vaġera (ġoġai) hosiva iau na ġoġorea, iau omotea erara vaġava iabera golo baku naġate se, omo baku golo naġate, iau vairane koita na ġoġore.<sup>8</sup> Iau homoke iabera maġiau omo hanake no ġoġore, eġiavaia bera Laioni eġia na ġoġore.<sup>9</sup> Dokani-vaia bera iaġa tea, auri na ġoġorea, iau ahakanea, iau enoġe iabera (kariota) enoġa naġate-ra, hosa butugei ġoġai uhurae siri raġare (enoġava haira nitea).<sup>10</sup> Iauka (doa-doa) teteka haira nitea, iauka ginisa teabera, renu iau tiahue koita iabera bata adakasiva huhua raġo hia vara, iau teteke gera.<sup>11</sup> Iauka Rohi tea, derika veite abava anerua au ihe Heberu gava-gera Abadon renu, Heleni gava auka (Apoluonu).<sup>12</sup> Daure urogoigo a kosaige, abu gera uera, iauka so ororoa-ra. **BITI VAKA AGOROKI GAHIGA VA<sup>13</sup>** Iauka (doa-doa) teteka haira nitea, iauka ginisa teabera, renu iau tiahue koita iabera bata adakasiva huhua raġo hia vara, iau teteke gera.<sup>14</sup> Iauka Rohi tea, derika veite abava anerua au ihe Heberu gava-gera Abadon renu, Heleni gava auka (Apoluonu).<sup>15</sup> Daure urogoigo a kosaige, abu gera uera, iauka so ororoa-ra.<sup>16</sup> Tuari gahavaia dagei numera vara million, tinahu abu, daki oti iau numera ve.<sup>17</sup> Renu ora da eraġi hosi ia di iaġoehe au gui raġohane dokaniva ia-bera auria erara vaġa, vene renu (huakina) enu tero naġate avaġaehe, renu hosi eiau omotea iabera (lion) naġate ra omotodivaia renu vene dukava teio a hakivima.<sup>18</sup> Daure abigaġa oiau dainehe, koita abigaġa uhuraehe koba-koba gera ki buda raġo hige: Negu vene renu du renu teio, avaġaehe haki raġohige iabera ki hoekio gevenu.<sup>19</sup> Badiva iau tiahuea iabera iau avaġaehe renu tetekehe, iau teteke ra ġuti naġate ra, omoto te-aber, ei ge iauki koita ġahigeva.<sup>20</sup> Daure abigaġa oiau dainehe, koita abigaġa uhuraehe koba-koba gera ki buda raġo hige: Negu vene renu du renu teio, avaġaehe haki raġohige iabera ki hoekio gevenu.<sup>21</sup> Badiva iau tiahuea iabera iau avaġaehe renu tetekehe, iau teteke ra ġuti naġate ra, omoto te-aber, ei ge iauki koita ġahigeva.

**10 ANERU ARENU BUKA AENA AVIE<sup>1</sup>** Ege daki aneru hero te be eraġi vava sena uguhi, oroġanu, oriva ġodomi mati kevaua omotoe ada, renu au vairane ra vani naġate, renu au vase a iabera (ga vara) bubuke vene naġate.<sup>2</sup> Auka buka aena avie bera, au adehe baobare, renu au vasi vamaġe ra eve rami, a au vasi vage ra vata.<sup>3</sup> Renu, to hakivi enoġa ketake ġore erara vaġava Lion kanana vare naġate, au to nei va du-du enoga iatiriġava ġadimanu.<sup>4</sup> Ege dudu iatiriġava itaherae, di urae toretore, uduke daka enoġa be vava ihi roma, va dudu abuġu veite enoġa va bakua, torei sa ġare.<sup>5</sup> Renu aneru da eraġi au vase rami eve, renu vata, au ada vamaġe iagemi oti vava.<sup>6</sup> Renu gwauhamata behu-behu, unuhune va kinu otado bene uhuraehe, renu vata o kohua ruta, renu eve o kohua ia, era beta isusu kiki-vara.<sup>7</sup> Uduke vani era riaġa ġahi biti vaka enoġa aneru abuġu veite e iau sena, Dirava huni ġare au toto ġahi besu beve ia, peroveta ia kirogei rone, riaġa ġahiġa vara.<sup>8</sup> Ege da enoġa ihine ra vava sena ġaitana daki-roma, "Oti buka aena baobare aneru adehe mi unuhu vase ne rami-rame eve renu vata."<sup>9</sup> Ege daki oti aneru kiroma, buka aena avie da doima, auki da kiroma, "Mi bai; auka iditave ġoi ai vaġatanehe, uduke heiġa te uamo ai avaġehe."<sup>10</sup> Renu daki aneru adehe buka aena mi renu, i au heiġe uamo di avaġehe, uduke da ine itahe di vaġatane iditave ra.<sup>11</sup> Renu daka a kiroma, "Ama ġaitana perovetai sa - koitaia, renu mei ġaita-ġaita iau, renu rohi iau."

**11** 1 Ege auka maka ġote be da moimi, idi naġate, auki da kiroima, Urimi Dirava dubu e makava, terona renu oġorea ne ikehe (toma-diho) raġoha. 2 Uduke a enaki kota dubu itaherae makaima, e ġarema, era mata ora iauki moimi, iauka duhai city aena ada (bata 42) or bata (uta aba-abu hakira abu)3 Renu di harike roroa abu tiahue moigevege iauka perovetea raġohi daha be tinahu abu renu, vani utube hakira agorokiva puse dabua ġotegeige vara. 4 Ora olive idi-abu renu lamepa rahira abu iabera, rahi vata o rohiva vaġotonehe. 5 Renu koita be, daure ġahi-gevare ra vene ra, iau avaġe bohugei, iauka bubu raġohia, a koita be daure ġahi gevare iauka ġami hoekia vara.3 Renu di harike roroa abu tiahue moigevege iauka perovetea raġohi daha be tinahu abu renu, vani utube hakira agorokiva puse dabua ġotegeige vara. 4 Ora olive idi-abu renu lamepa rahira abu iabera, rahi vata o rohiva vaġotonehe. 5 Renu koita be, daure ġahi-gevare ra

vene ra, iau avāge bohugei, iauka bubu raġohia, a koita be daure ġahi gevare iauka ġami hoekia vara.<sup>8</sup> Renu iau hoġe ahatave iabera city raho, orogo tanagaga vara, a huni gava iau ihe toto ġahi Sodoma renu Aigupito ikorehe gene iau ai Rohite Satauro ġahanu. <sup>9</sup> A vani abigaġa renu hakira koitavaia au koitavea iduhu nune, mei nunea renu bese nunea, iau hoġe ahata ve abate geige besibe raġo hia vara.<sup>10</sup> Renu irea no oġorea iabenu vata guraha, iau ada heġiri raġohia renu headava raġohisa renu bebe hari-hari ġahigeisa badiva peroveta e abu ruġa, vata oi gura hare huhu moigeima. <sup>11</sup> Uduke vani abigaġa kosavare itahe ege maġuri sorua Dirava sena iau abu iau uhurehe ġadimige iauki urihi rahanu renu, oġorea iabene eragevenu siġo herea varaki idi-gevenu. <sup>12</sup> Ege iauki enoġa raho be ihi vava sena kirogei roma, IKOHO OROġIAHE, ege iau abu betia ġahigevare iau niehe ori uhura vava ġadihanu.<sup>13</sup> Va ei, era vata marere ketake bera hori vani, ege city vata hakirava raki desuanu, koita daha iatiriġava ġahigevenu, vata marere ei koita soko siġo herea raġohi va Dirava mote-ahanu. <sup>14</sup> Daure abu-ġahiġa vara kosa vanu, uduke daure abigaġa ġahiġa ororoa ra hugure ra.ANERU IATIRIġAVA IAU BITI VAKE UHUNU<sup>15</sup> uge uta-abu hakira aba-abu iau terona vehe gurahare, Dirava vagotone iau vairanehe ġoruhi Dirava tomadiho ġahige.<sup>16</sup> Eige twenty-four koita bauge, yau teronave yau gurahi Dirava vairanehe, eden raġohi Dirava mage gahege.<sup>17</sup> Onaki roege, Akera noki a mage gaha, Ni Rohi Baugeve, era aukaki negu renu aka era subuta, badivara akamu ai herove manu renu aka ai meve kikivara.<sup>18</sup> Bese nune-nune koitavaia ho-raġa,A ai hore ra horivanu,ai hari-harive, renu besube koitavaia, peroveta renu aena koitavaia,oġorea iabene au ihe siġama avie renu baugearenu vata o daure ġahare renu daure kiarea.”<sup>19</sup> Ege Dirava dubu e vava baora-hanu, renu au taravatu maua ve eraġi dubu aena uhurae; va sia-sia abaga va enoġa ren va dudu renu vata marere renu, veni orota raho isukate.

**12** MAGI BE RENU SATANI<sup>1</sup> Ege geuso ġoreġo iaġa beraki vava sena dina-vanu, auġore bata ra vasi deirkehe omoto ehe (crown) hesiu uta-abu. <sup>2</sup> Auka ġami ġore renu mara huhu dainehe-auki nivinu.<sup>3</sup> Renu iaġa betage vava sena mati dina vanu, dragon kerekare raho be omo abuġu veite ruta renu kokai utube, au omo ġodove abuġu veite koba-koba iau. <sup>4</sup> Au teteke raki va hisiua abigaġa darogei vata, ege dragon maġi e vaġotone rama nu, maġi e ġami, memi vera hugure ra, era auka mina i au haki varehe.<sup>5</sup> Auka marai ġami be (manu), koita urigatu gei gevare, auri bisoa, uduke ġami era horivi ġadimi oti Dirava renu au teronavehe. <sup>6</sup> Renu maġi era oti mata ġaġaeheva Dirava rinate ne mataehe, ikehe vani dahabe tinahu be hakira uta agorokiva vanivaia.<sup>7</sup> Negu vava goġai vara ki urimanu, Michael renu au aneru-e ia bera satani ruta goġai raġoha renu satani renu au aneru tuhea bera goġai raġa. <sup>8</sup> Uduke iauka kwalimu veite renu iau matave be behu-behu veite vava. <sup>9</sup> Renu satani ketake e vata kira vanu, subuta inuhu, unuhu ihiva be roia satani, vata o inuġati taraġare - auka, iauka kiraġi vata, au aneruea ġaina ge auruta kira gevenu.<sup>10</sup> Renu daka enoga ketake be ihi vava sena roma, “Negu hahemauro renu hero e renu ni Diravate basileia renu tiahue au Keriso ra oroġanu ni sokuhea iau ihikoke biare, iabera vata kira gevenu iauka ihko bibi raġohi vani renu vahi, ni Dirava te vagotonehe.<sup>11</sup> Renu iauka au soiġi mamoe ġamika taoke dainehe, au harike roiare, renu iau maġurive lalokau ġahiġa veite oti iau hoġevehe. <sup>12</sup> Heġiri raġohi renu o va renu ia gurahi au, ia madi-ia, vata renu eve, badiva diabolio ara uguhi otima iai, auka ho hereai mauki, badiva auka (dibana) au negaera tuakera.<sup>13</sup> Ege satani eraġi auka iauki kirai uguhi vata, ege auka maġi ġami mane betia ġahige. <sup>14</sup> Uduke maġi era borogi raho e ahakane abu moimanu, ege auka huraiġi satani soiġi, oti mata orei, gurami. (hor a time, and times and halh a time)<sup>15</sup> Negu serpent eia e bohui, tinavai naġate au avāgehe sena maġi ei, itahehe, ege etaġo hurei otisa. <sup>16</sup> Uduke vata ra oroġi maġi o iahe-ve goi, ege vatara au avāge baovi negu (dragon) e tina-vai eia au avāgehe bohuane sone vanu. <sup>17</sup> Ege (dragon) era hoġoi maġi ei, auki oti maġi e ġame, sokuhea ruġa (tuari) viege oġorea iabene Dirava (taravatu e) uhuamige renu Iesu (hahediba) gare. <sup>18</sup> Renu auka rami “boe va-renu eve.eve.

**13** ĠANI IAġA ABU EVE OROġANU<sup>1</sup> Renu daki ġani iaġa be eraġi eve sena ġadimi oroġanu, kokai utube, renu omo abuġu veite negu kokai utube hakira abu eigeru geuso ġoreġo ihi au omote iau. <sup>2</sup> Da ġani iaġa e eraġane Leopard naġate ra, au vasea ia bera (bear) na goi ġorea, renu du avāge ra (Laiona) na goiġore. Au gera ġani iaġa eraki au heroe moimi renu au terona renu tiahue.<sup>3</sup> Au omote be erara vagava iauka make bero ġahanu, hoġe beroa no goiġore make maġa raġanu, mata o uhuġati ġani iaġa e itahe otinu. <sup>4</sup> Koita iaberaki (tomadiho ġahi negu ġani iaġa e, ege auki tiahu moimi negu (beast) e renu iauki (beast) e (tomadiho) ġahanu, roege renu “unuhunu auna goġai ġahiġa?” Renu ġani iaġa moimi, ege auki Dirava daure ġahiġa gava roege renu geuso ġoro o gavaia renu tiahu moimi bata aba-abu hakira abu.<sup>6</sup> Au avāge baovi Dirava ga daure ġahige renu, au ihe renu, au gurahige era, oġorea bene vava guraha.<sup>7</sup> Renu tiahu moige aena koitavaia goġai ġahi geisa, renu vata kiogeisa tiahu ora iduhu iaubougei renu koitaia renu, mei nune-nune ia bese nunea. <sup>8</sup> Renu iau-bada vata oi gurahare iabera au (tomadiho) ġahisa, koita iaubada unuhu ihe ne toretore veite, ġaika va vairanehe vata oi au ihe maġuri bukava uhura moime ġamika ġama nei.<sup>9</sup> Koita be ihikote goiare, ġarema au ihe. <sup>10</sup> Koita be iau maġuri ġahare, auka ena oti maġuri vara. Iau koita be kaia va ġamare, iauka ena ġami hoekia vara kaia va, aena koitavaia ia bera heroraġohi iau ġabidadama-vehe.<sup>11</sup> Eige daki mati iaga daure be eraganu vata uhurahe hakivanu. Au omote hegera kokai abugera mamoe be nagate, renu dragon be nagate gavege. <sup>12</sup>Urugoi iaga daure orogane hedoke au aubougi gera auki kinu au ihehe, auki mata kinu adahe gahavaya aubougi tage urugoi iaga daure mage gahanu-au kuhive ramu mage goinu.<sup>13</sup> Geuso ġoreġo meva rahoia, renu vene kiego auka vava sena, uguhi koita iau vairanehe. <sup>14</sup> Ege negu geuso ġoreġo me eia ġani iaġa e vairanehe au me ġahige tiahudivaia iau vata koita o tara geige, iauka ġani iaġa kaia bero te maġe goine au (laulau) e ki, uduke guragu veite.<sup>15</sup> Auka tiahu te negu ġani iaġa e nono moi-mia vara ege au suare ra gera, mati tiahu te sua eiabera beta au (toma-diho) veite ġahigei hoekio geisa. <sup>16</sup> Renu auka koita iaubada, avie renu bauge, (taġa renu ogoġami koita vaia, ura raġohare, renu raro gevare ġahavaia, ikoro be iau vamaġa adehe se vari

kokehe.<sup>17</sup> E dainehe bera beta hae visa, hae kisa, oti oti au ikoro o te goiare, era gani iağa o ihera, se au numera ve oti au ihehe goiare.<sup>18</sup> Ora diba toto gahima, unuhu uhure ne bao-rahui ma gani iağa o numera ve, badiva ra auka koita numera vera, au numera vera tinahu agorokiva renu uta agorokiva hakira agorokiva.

**14** <sup>1</sup> Ni gahime daki Mamoe Zion Nimuva ada ramege eraganu. Au ruta gera 144,000 koitava ya au ihe renu au Mame ihe yau varike ada tore gevenu.<sup>2</sup> Vava senigera daki dudu be ihinu eia mudago duduva nagate yarenu va du vege nagate. Da dudu va ihinera meta harp rokoro gahare koitava be sharp rokoro gahege nagate.<sup>3</sup> Terona isage e varenehege yauki nogo roege iağa daure ababu renu koita bauge ya yau varenehe. Koita 144,000 yavahu nogo e dibana matava seni orogone ya.<sup>4</sup> Yauka magi tara geige veite koitava yabera, Guma daure era yauka dibana veitera. Yauka rogevene gahavabera, karuka demaka isage nagatera Dirava renu Mamoe dainehe.<sup>5</sup> Yau avagehegera avanage be veitera; daure bera veite.<sup>6</sup> Ni gahime daki aneru be eraganu vava gurage ge, auka Hari magevara auna rosa mata ada koitava yau-iduhuva, gava, renu koita yau.<sup>7</sup> Baraime auki roege, "Dirava sigamare renu mote gahiahe. Berabe vani varamu o orogima, mage gahiahe, suki va kinu, maya kinu, eve kinu, renu tinavai ruruvare kinu."<sup>8</sup> Aneru be- anu gahigava-itahe orogi roeg, " Dedevanu, dedevanu Babylon bagevara, mata o ada ogo Baugeve ya tarageve ge yauki yau uhu anana daureve gadiki nagate inu.<sup>9</sup> Aneru be- Abiga ga gahigava-itahe orogi, eno raho ruta roege, " Koitabe iağa daure be se au erara vagate nagate riaga gahare renu au ihi nagate au varikehe se au adehe, <sup>10</sup> au gadiki daure iare era Dirava daure mi orogare nagatera, gadiki daure era beta magera era au hore uhu rahege. Unuhuna gadiki daure e ima auka daure uhura sirisi vara vene renu vata hedoka uhurahe gera Dirava aena aneruve renu Mamoe vairanehe gera.<sup>11</sup> Vene dukavara huhu uhura gahdimi ahue ori basubasu veitera, renu vani mi vahi Vega rorovara veitera-iağa daure riaga gahare gahava ya renu au erara vagate nagate au ihe miare gahava ya.<sup>12</sup> Oi gera uhu berebe gahava ya Dirava aena koitatuhe ya yau totovera, Dirava ga baugeve kamuvare gahava yau gabidadamave Iesu maemare gahava ya.<sup>13</sup> Ga beraki vava seni ronu, " onaki maema ro: Hoge ragohare gahava yauka mage mimivara badivara yauka Iesu rutagera."" Dodihegera, " Horu aena varaki roma " yau me mageve dainehe, yau me mage line dainehe.<sup>14</sup> Ni gahime daki ori kae be eraganu, adahegera koita Gamika nagate beraki guramanu. Au omote avagera goldkorona bera renu au adehegera egi bera.<sup>15</sup> Aneru beraki dubu uhura seni hakivi origi ori ada guramane koitava barai kironu: "Egi e meva ki. Demaka ie vaniva ramu o kauanu, mata ada demaka vara magera."<sup>16</sup> Ori ada guramane koitava raki au adehe egi e mime auki paivanu vata ada demakava mi oroganu.<sup>17</sup> Aneru beraki mati va uhura dubu va seni; autage mati egi ganono be au adehe.<sup>18</sup> Dagedage aneru beraki mati terona uhurahe seni hakivi oroganu, auka vene hedokavara au era. Auki barai aneru egi ganono te kamuane kironu, "Ai egi ganono ve miare grapes gotekava seni dodogeve, grapes yabera magera.<sup>19</sup> Aneru eraki egi mi vata ada paivi grapes e dodgei bougevenu. Mi kirai grapes kiare kohuva uhurahe kiravanu, Dirava huhuve nagate uhurahe.<sup>20</sup> Vine kiki kohuvara ogo itaharahe gera, eige tago rami hakivege gadimi oti horse avage manu, 1,600 oti gamanava.

**15** <sup>1</sup> Dana mati iagabe vava eragisa, mage renu hairadiva: Aneru aubougi yatiriga daure yatiriga ruta, daure dokonava yabera, yauseni ge Dirava horena uhubage goisa.<sup>2</sup> Ni gahime daki eve glass nagate eraganu vene ruta. Eve gaika hegera koita abu, gogaiva iağa daure renu erara vaga kobugate yau gahigevene renu au ihe dahidave ada. Dirava moigevene hegiri kohuva yabera yauki kamu gevenu.<sup>3</sup> Mose nogera yauki miege, Dirava me koitave, renu Mamoe noge roege: " Mage renu hairavadiava yabera ai mevera, Rohi Dirava va, Baugeva. Yeririva renu riagava yabera ai gumage ra, ogo aubougi yau King ve.<sup>4</sup> Unuhuna a sigamiga veite goisa, renu ai ihe mage gahisa? Aki avahu aena, ogo aubougi beraki rogi ai vagotonehe a mage gahisa badivara ai guma mageve yaberamu riaga gahanu."<sup>5</sup> E itaharahe ge daki ni gahege, ga riaga gahiga gahava ya, yau dubuve raki baoraganu va uhura.<sup>6</sup> Aena aubougi aena gabuvaraha ge aneru yatiriaga hakiragihini orogi daure yatiriaga va yau adehe. Yau ogona kine yabera isage, abagave ya renu yau enokehe gera gold ogona ra.<sup>7</sup> Hoge veite iağa daureva beraki aneru yatiriaga gold hodu avie aneru yatiriaga e mohigevenu Dirava behibehi maguri vare hore ruta.<sup>8</sup> Dubu uhura vara vene duka varaki tobo gahanu era Dirava haire renu hedokera. Bera beta sirisi vara ate aneru yatiriaga daure iağa yatiriaga oroge ge.

## 16

<sup>1</sup> Eno rahobera daki dubu uhurahe seni ihege auki onaki ronu aneru yatiriaga yau, " Oti Dirava hore hodu avie yatiriaga uhurahe mata ada bohugiahe.<sup>2</sup> Urugoi aneru varaki ti au hodu avie mata ada bohuganu; huhu renu kuhi daure vararaki koita yau ahatane hakivanu yauki iağa daure e toage mane gahava yabera, au toage riaga gahare gahava yabera.<sup>3</sup> Aneru abu gahiga varaki au hodo avieve eve ada bohuganu. Eraki tago goinu, koita taoke nagate, maguri iagavani aubougi ge raki eve uhura hoge raganu.<sup>4</sup> Aneru Abiga ga gahiga raki va au hodu avie be bohu ganu, tinavai renu eia bouragohane uhurahe, eraki tago goinu. <sup>5</sup> Eia aneru varaki ronu, " Aka riagavara-ana unuhunu renu renu era akaki, Aena koitavara--badivara aki iağa o berabe vanu.<sup>6</sup> Badivara yauki Dirava koitatuhe renu peroveta gaha yau taoke aki mohigevenu yauka noguisa; era yau gahara ragohane era."<sup>7</sup> Terona varaki gavi ronu, " Dodihegera, Dirava ni Rohi Baugeve, Ai berabeva yabera riagavara renu dodihegera."<sup>8</sup> Aneru Ababu gahigavaraki au hodu avieve bohuganu, era yaukamu riaga gahanu koita yabera vene e hedokava misa.<sup>9</sup> Vene hedoka hereavera gone gevenu, eige yauki Dirava ihe daure gahanu, daure orogare hedokava yabera au senigera. Yauka yau uhure isage gahiga veitera se mage gahiga veitera.<sup>10</sup> Aneru Adakasiva raki au hodu avieve bohuganu iağa daure kemenehe, eige vadibu varaki yau ogo baugeve bakuvanu. Yavahu yau meine matoge i huhuva idiganu.<sup>11</sup> Va Dirava ihe daure gahege yau huhuve renu kuhive dainehe, yauka dagedage maguri isage

mimiva besebeva ragohanu, yau kine meva dainehe<sup>12</sup>Aneru Agorokiva raki au hodu avieve bohuganu tinavai bauge, ihiva Euphrates. Eia varamu koriko goinu badivara koita bauge ya east va dainehe.<sup>13</sup>Sua daure abiga ga gera daki era gevenu, Maradona nagate ya dragon avagehe hakiragohi oroge ge, iaga daurehe seni, renu peroveta avanage gahava yau.<sup>14</sup>Yauka sua daure yabera, avanage gumava yabera yauki kia. Mata bauge o Koita bauge yau gasinagera yauki oti, yauka bougei vani bauge orogare dainehe yauka garahisa.<sup>15</sup>(" Eragiahe! Dakamu e orogima vaho koita nagate! Mage miare koitavara ni tabata vare koitavara, auka au ogonava kokiko veitera koitavara, auka beta bututa hakikavara Anegu variva vime.")<sup>16</sup>Koitava yabera yauki bou gevenu mata be ihiva Armageddon Hebrew gava.<sup>17</sup>Aneru yatiriaga vageraki au hodu avieve bohuganu vava. Dubu uhurahe senige eno raho beraki barai ronu teronava seni, roege, "Netuime auki!"<sup>18</sup>Va uhura varaki duvege abagave ruta, vagava va, duduhaha ruta, renu vata baoragi--vata baoraganera bera subuta so erara veitera mata o varavane orogi negu, vata baoraganera nune hereavera.<sup>19</sup>Ogo bauge era hosaragime auki abiga ga goinu, ogova gaitage dede ragohanu. Dirava raki Babylon au uhurehe anavanu, eige auki ogo e au hore kebeva moimanu.<sup>20</sup>Eve ada matava au bougi dauragohi, nimu yabera davari gahigei ge veite.<sup>21</sup>Veni raho, uhuvaka raho nagate, vavaseni uguhi orogi koita yau ada. Dirava yauki ho gahanu veni raho orogane dainehe badivara veni era daurevara auki moroganu.

**17** <sup>1</sup> Ege aneru iatirigava be oğorea iabene kebe tea, oroği daki kiroia "Oroğo, Da a ġaihonomi, Dirava hahemaoro ve oro maği au ahatane hae-vare, eia dadağā ada guramare erağā. <sup>2</sup> Au ruta Rohi-Rohi ia vata ni-muduka rağoha, renu au ni mudukaia ġadiki e bina i kava ġaha. <sup>3</sup> Renu auki sua va da mi-oti mata (ğāğaeheva) renu daki maği be erağanu mağuri iağā kerekare be ada gurami, era Dirava daure ġahiğā toboru roğanu, au omote ra abuğū veite renu kokai utube. <sup>4</sup> Maği era dabua kerekare renu tinabe kerekare nağate ġo temanu bubuke-bubuke renu, ağeva haira tea iau hera vanu au adera ra golo kebe be iağā daure herea renu, au ni-mudukave tobo roğonu. <sup>5</sup> Renu au varikehe ada torei, maka-va hunive iağā-va, onaki torei roma, Babulono raho, oro mağia renu vata o (kara or me miro tevaia iaubada nena kavaia. <sup>6</sup> Renu daki maği e eraği aena koita vaia renu, Iesu daine ġahigei hoekio-gevenu koitavaia iau taoke i kava rağoha. Da erağane, negaehe daka geuso ġoreğo herea vanu. <sup>7</sup> Uduke aneru da kiroma, ana otado be geuso ġore-ğoa na-a vima? Daka a kiroa maği o huni badine renu mağuri iağā, ada guramare iağā va. Omoto-aia iatirigavaia renu kokai utube eraki me otinu. <sup>8</sup> Negu mağuri iağā a erağane ra guramige, uduke negu-butu auka veite-ra, inono veite, auka aba dobuke herea so ġadimīa vara hoğe gabu ehe otiti-vara, renu vata oi gurahare, renu vata isageva iau ihera mağuri buka uhura tore-tore veite koitavaia bera negu mağuri iağā gurami ge ra veitera renu orogare iağava, iauka era-geige, ege iauka geuso ra. <sup>9</sup> Uhu vaka ġaha vaia iabera or dibana ġahisa, omo iatirigava, au gera maği eraki guramima. <sup>10</sup> Iau ġaita gera Rohia abuğū veite ada kasiva gera (moru rağo-hanu) kobabe ra, a be iabera so ororo veitera, renu au orogare auka ena guragu tina kibe vivi-va. <sup>11</sup> A negu mağuri iağā era gurami gera veitera a (abuğū veite) auka iatirigā va iau soke ra, au tage ra hoğe mata ehe otitiva ra. <sup>12</sup> Renu kokai ubube a erağane ra Rohi utube, oğorea iabene so iau tiahue mimi veitera, aoa kobabe, renu mağuri iağā eia. <sup>13</sup> Iaubada uhura vaia kobabe iau heroe renu tiahue e negu mağuri iağā e moi mia vara iauki roia. <sup>14</sup> Iauka mamoe ġamika (tuari) ġahiğā-va. Uduke mamoe ġamika vara kwalimu ara. Auka Rohi iau Rohi tera renu (Pava-pava) iau Pava-pava) te renu au ruta koita vaia auka ihiro gei renu (abihidi) ġahige ġabidadama tea. <sup>15</sup> Renu auki da kiroma, a erağane eiava ia oro-maği vara ki adaehe guramanu eia-va, ra vata nune-nunea, bese nune-nune ia, mei nune-nunea. <sup>16</sup> Renu kokai utube a erağane, iauka oro maği e betia ġahisa, iauka (haura) ġahisa, auka bututa gura misa, iauka misika va isa, vene raği kosaisa. <sup>17</sup> Badivara Dirava ra (ha-ura) ġahi geisa au anana ve (ğūğuru) ġahiğā dainehe, ege iau uhure ra kobabe, iauka moimisa oti-oti Dirava gare ġūğuru rehe. <sup>18</sup> Renu a maği era ġare ra City rahoa, oğo be, oğo bea iau rohi ġahare oğoa ra.

**18** BABULONIA ROKO RAĞANU1 O itahe, daki mati aneru be erağanu vava sena uguhi oroğanu, tiahue raho ruta, au mağeve raki vata o abaga ġahanu. 2 Renu auki toi enoğā ketake ġore, "desuanu, Babulonia raho desuanu! Auka bina oroği sua daureau matame goinu! sua daure kovio vehe otinu, uguha daurea renu uguha ġanitea iau ogehe otinu; 3 Badivara besu iaubada gera au ni muduka hoa vine-eia bina inu. Renu oğo be oğo bea iau rohitea au ruta ni-muduka rağoha, renu oğo be oğo bea iau hae kiki koita-vea iaberaki au (lebu-lebu) tağā-veau iau tağae raho ġaha. 4 Ege daki enoğā be mati ihi vava sena roma, "au sena haki rağohi oroiaehe, di koita tuhea, ia negu auruta daure kia siğoa ra; ia auruta huhu kobabe siğoa. 5 Badivara au daure vera senui ġadimi oti vava, renu Dirava au (dağe-dağe) meve anai gura mima. 6 Bea moimare nağate moima, au karave damua nega abu moimisa; Beau e iare iağā va bulo are kebeva aue buloi nega abu. 7 Auvağū motea motea vare renu lebu-lebu viğe nağante, huhu renu nina moimisa. Badiva au uhure vatai roma, Daka Rohi nağate daki guramima, Daka beta ġobu ra, nina ġaika vara beta dai ororoa ra, 8 E dainehe au huhu nune-nune vea vani koba bei ororoa, hoğe renu nina renu (doe), vene ne gabu gei kosaisa; Badiva ra Rohi raho e (hahemaoro) moimare Dirava-va ra tiahue tera. 9 Renu oğobe oğobe a iau Rohi tea ruğā ni muduka rağoha renu (lebu-lebu) rağoha koitavaia au gabuare dua eraisa negaehe iauka au ninave raisa, nina bara rağohisa; 10 Iauka gaise rahi au huhue siğoa iau siğo rağare renu rosa, "Madi o! madi o! Babulonia o! oğo raho herea, hero oğoa, Hora kobabe, ei iauki (hahemaoro) moimanu." 11 Renu oğo be oğobe iau hae kiki koita ve ġaina gera au nina ve rağohisa, iauka nina herea rağo hisa badiva iau hae kohu e koita bera beta haeha vara, 12 golo renu silver, muni bubuke-bubuke, renu ağeva hairatea, dabua bereberea renu dabua tinabe kerekare, silk dabua vaia, renu elepani kokaidivaia iau kine iağā-vaia, idi mağea renu auri bubuke- bubuke va kiogevene iağā vaia, auri renu muni-va iau kioge-vene iağā nivaia, 13 ġadiki nune-nune tage, kinamono renu amono renu tumiamata renu muro renu libano, vine eia ruta, renu dehoru, hlour renu uiti, boromakau renu mamoe, hosi renu kariota, koitai iau ahatane, <sup>14</sup> Ai uhure aubougi a gahara vane iditahaka vara aigera veitera. Ai hegirive renu ai haire

ramu dauraganu beta gaitana erara vara.<sup>15</sup> Iağa e haegevege, iau (tağa) behuige koita-vaia iau huhue sigoa rağo hisa ġaise ena siğoraisa, iauka nina herea raisa, iauka niğo rağohi bara raisa, rosa,<sup>16</sup> “Madi o, madi o or a madi, oğo raho adabua bere-berea renu tinabe kerekarea renu kerekarea iaki ġote gevege, golo renu muni bubuke-bubuke renu aġeva maġea aki au herai-ge.<sup>17</sup> Hora kobabe ai tağave ra kosa vanu renu iaga-toi biavaia, iabera ġami-tea bera, renu hiri koita-vaia renu eve me nune-nune kiogevare koit vaia, ġaise eraġi-ge.<sup>18</sup> Renu nivi iauka au rağare duka-va eraġi, “Otado City au nağate be city bauge va?”<sup>19</sup> Renu iauka vata sou iau omote kira-gei, nivi, nivi barai, roma, “Madi o, madi o, oğo rahoau tağa ra iagatoi koita-vaia tağa ġahi, geima! Hora kobabei, auka veite goinu.<sup>20</sup> Heğiri rağohi au dainehe va e, aena koita-vaia renu apostolo koita vaia, renu peroveta koita vaia iama heğiri rağohisa, “badiva iai dainehe Dirava raki damua moimanu!”<sup>21</sup> Ege aneru herote beraki muni raho be mi eve kirai roma, Babulonia oğo raho enaki mene iaune kiraisa, renu auka beta dinai ġoiraiavara. <sup>22</sup> renu gita enoğa-vaia renu noğo iage mare koita-vaia, ivili-kou nina ġahare renu biti vaka uhu-are koita-vaia, ananavare iabera akabeta ihi-gei ġoi rağira-vara; me maġe diba-vaia koita-vaia iahuhurehe iauka beta gurahi ġoi rağohia vara; Uiti bedi-vare muniva enoğa vaai uhurehe aka beta ihi ġoi-rağira vara; <sup>23</sup> Renu lamepa abaga varaai uhurehe beta bubunaġi ġoi-rağira vara; renu headava isage koitavaia renu maġi vaai uhurehe enoğa diva aka beta ihi ġoi-rağira vara; badivara ai haeve koita vaia vata o rohivaia iau otinu, ai heive kara-vaia iabera beses iaubada baku-gevenu.<sup>24</sup> Renu au-gera peroveta koita-vaia iau taokea, renu aena koita vaia iau taokea, renu vata oi ġahi gei hoekio-gevene koita-vaia iaubada taoka-vaia au uhurehe behu-anu.

## 19 BABULONIA ROKO RAĠANU<sup>1</sup> O itahe daka enoğa be mimene koita hutuma iau bara enoġe vava sena

roma, “Haleluiah! (Hahemauro) renu Haira renu tياهو-ara ni Dirava tei guramima,<sup>2</sup> Badivara au (hahemauro) vea ra riağa renu ieriri-ieriri ve, aukaki oro maġi bauge e hahemauro moimanu, au ni mudukavehe, vata o daure ġahanu, maġi-va enu, Dirava besu-besu e koitavaia iau taoke damua auka moimanu.”<sup>3</sup> Ġaitana iauki bara rağohi, “Hallelujah! Ege au duke oti ġadimi oti behu-behu.”<sup>4</sup> Renu ata bauge uta-abu hakira aba-abu renu mağuri iağa aba-abu ġoruhi vata Dirava vağotone (tomadiho) ġahanu, au terona ada gurami-gehe, roia, “Amen. Hallelujah!” MAMOE GAMIKA (HEADAVA) RIGIVI<sup>5</sup> Terona va sena enoğa beraki oroġi barai roma, “Ni Dirava te (moteahisa) or au besu beve iau-bada, au siğore rağare, avie renu baugea.”<sup>6</sup> Ege daki enoğa be nağate, hutuma iau enoġe nağate ihinu, tinavai dadağa enoğava, vava dudu enoğa va nağate barai roma, “Hallelujah! Ni Rohite Dirava ra, tياهو iaubada Dirava-vara.<sup>7</sup> No heğiri rağoha, auġu au moteaha, Badiva mamore ġamika au (headava) vae ra hore-vanu, renu moboa ra herai dokoanu,<sup>8</sup> Dabua berebere maġe au ġotemi kae hereaia”-kae era Dirava kara maġe koitaveabera. HOSI KAEVA GURAMANE<sup>9</sup> Ege aneru araki da kiroma, “Toreva: Ihiro gevene iabera maġe ġahigei, mamoe ġamika headava o bouġaehe, renu mati da kiroma, “Ora Dirava gare riağa vara.”<sup>10</sup> Ege daki au vasi ġaika ġorumi toma-diho ġahisa roege, auki da kiroma, “Ena kisa ġare! Daka ai vasire Dirava besu-besuehe, unuhune au harike ro Iesui. Dirava ġu (toma-diho) ġaha, badiva Iesu haika ra peroveta sua-vara. HOSI KAEVA GURAMANE<sup>11</sup> Daki va eraige auki bao rahunu, ege hosi kae beraki dinavanu! Au ada guramane ihiva Ġabidadama renu Riağa, auka me riağa va (hahemauro) ġa kima. <sup>12</sup> Au nie ra vene bubuke nağate, au omote ra hera dadağa renu augera ihite iabera koita bera (dibana) veite, uduke auġu gera. <sup>13</sup> Auka tağa subuane dabua renu ihi au rone ra Dirava ga-rera.<sup>14</sup> Renu va ġa (orea-divaia) dabua berebere kae maġe ġote-gei, hosi kae, iau gurahi au itahe otinu. <sup>15</sup> Au avaġe sena (kaia ilapa) ganona te hakivi bese nune-nune, ahi geige daine renu auka auri besoa urigatu geige dainehe, mati auka vine gabuehe duha geige vara Dirava hore iditaveahe. <sup>16</sup> Au dabua-de renu behadehegera ihibe torei, (Pavapava iau Pavapava te, Rohi iau Rohi te.<sup>17</sup> Ege daki aneru be vani rami ramehe eraġanu, bara enoğa raho ruta auki to uguhaia va nomuakae, “Huraġohiae oroġiae, bouraġohi Dirava bouġa rahoe bou rağohi rağohiae. <sup>18</sup> Pavapava iau misike iaehe, renu ġa-urigatu gevare iau misike, mati hero koita va iau misike, renu hosi iau misike, iau gurahare iau misike, renu koita iaubada, iau itahe otare ġahavaia, iau mata gevare koita vaia, avie renu baugevaia iaubada.”<sup>19</sup> Ege daki ġani iağa be renu oğo nune-nune pavapava iau ġa koita tuhea ruġa bouraġohane eragei, negu hosi va guramane koita va oreave ruta ġa dainehe. <sup>20</sup> Renu ġani iağa e mi mağuri ġahanu, renu au peroveta tarata ve, geuso ġoreġo me ġani iaġae vağotone me ġahige daine gani iağa ikorove mine, renu suava toma-diho ġahige koita-va, tage mi mağuri ġahanu. Iau abu-gera mağuri iehe vene gohue, rağira behu-behu uhura kira gevenu.<sup>21</sup> Dokonahe gahava yabera horse siva oroge eraki, egi bauge au avagehe hakivane eige yauki gahigevenu. Uguha aubougi geraki yau hoge misike iege.

20 Aneru bera daki erage ge auki vava seni uhuhi oroge ge. Aba do buke veite ki vara au gasina gera, au ade hegera seini ketake bera.<sup>2</sup> Dragon va auki kamuvanu era inuhu emene era, diabolose Satani vara, raroisa tau daha be uhura. <sup>3</sup> Mi are, auki aba do buke veite e uhura kira vanu, hedoka gahare auki bakuvanu bera beta baoba visa. Auka beta gaitana, mata daure gahi geisa oti tau daha bera kosaisa. E itaharaha, auka hakivisa nega tina kibegu.<sup>4</sup> Ege daki terona be eragei, au gurahige koitavaia tage eragei (hahemauro) tياهو tage iau adehe maiemi, renu iau harike Iesu roiare renu Dirava gare roiare daine enoka-diva dodogeituru geiare koita-vaia renu ġani iağa au suare ruta ( toma-diho) ġahiga veite renu au (toage) iau varikehe se iau adehe mimi veite koitavaia, iau suaruhea daki era gevenu. Iuka mağuri rağohi ġoiragohanu Keriso ruta Rohi ġahigei oti-oti laġani daha be.<sup>5</sup> A hoġe sokoia-bera mağuri veite ra, oti-oti laġani daha be notuare or kosa vare. Ora urimi ġoiragira urigo-ġoara hoġeva. <sup>6</sup> Hari-hari renu aena vaia urigatu hoġeva mağurivi ġoiragane koita-va au ġahue mane-ra maġe-ra, ege hoġe abu-ġahiga-vara tياهو veitera koita ena kiki ve-iabera Dirava Aena koitave iabera, renu Keriso iea, iauka au ruta rohi ġahi geisa, oti-oti laġani dahabe.<sup>7</sup> A negu laġani daha be kosa-vare itahe, satani ra au mata vane ġote-va vahegei <sup>8</sup> renu auka itahe hakivi oroġi, vata bauge o koakava aba abu ruġa gurahare besevaia iau

ihēa Gog renu Magog, ǵa daine bougeiisa, dahare ra boe vateta naǵate-ra.<sup>9</sup> Ege vata bauge au bauke e oǵi soǵi, aena ǵahavaia iau taruǵe renu Dirava (lalokau) ǵahare oǵoia rahi kouvi, a vene ra vava sena uguhi oroǵi iaubada raǵohi kosa raǵanu<sup>10</sup> renu diabolo tara-gevene koita va vene renu (teio gohua) uhura kira-vanu (ǵani iaǵa renu Peroveta tarata uriǵatu huhu naǵohi vahi renu vani oti-oti behu-behu.<sup>11</sup> Ege daki terona kae raho be eraǵanu, au guramane Dirava-va tage, ege da vata-bauge e renu va eraǵane ra, au vaǵotone rurui oti veite ǵoinu, uduke iauka iau matame be behubehu veitera.<sup>12</sup> Renu daki hoǵea, raho-ia renu avie-a eragei rahi rahe terona vaǵotonehe, renu buka be baovi, mati buka be baovi maǵuri buka vara, ege hoǵe kota-vaia moigeva iau (kara) ve buka va tore vane naǵate va iau.<sup>13</sup> Renu e-ve buda raǵohane koita-vaia iabera eve raki moigevenu, renu hoǵe renu hoǵe vata va tegera uhura vaia kou-kore koita-vaia moige-venu, iau ǵaita ge iau (kara) ve naǵate ge iauki (hahemaoro moi-geva).<sup>14</sup> Ege hoǵe renu hoǵe mata-va ra vene gohua uhura kira gevenu. Ora hoǵe abu ǵahiǵa vene gohua.<sup>15</sup> Ege koita be ihe veite maǵuri buka e uhura tore-to veitge, auka, vene gohua, kira-kira vara.

**21** VA RENU VATA RAHO ISAGE<sup>1</sup> Ege da va isage renu vata raho isage eraǵanu, badiva va emene renu vata raho emen vara puki vara, eve tage veite ǵoinu.<sup>2</sup> Renu daki oǵo aena Ierusalemā isage eraǵanu vava Dirava ǵasina uguhanu, (headava) mabi-va naǵate, herati ǵahi au mobore ie.<sup>3</sup> Renu daka ihi enoǵa rahoa be terona va sena, ga rahoa roma, “Dirava guragu matame ra koita iau ǵasina gera. Auka iau (nomuakae) auki guramima, renu iauka au koita tuhea renu Dirava avaǵu gera iau ruǵa gera.<sup>4</sup> Auka nemota iaubada dahugeisa iau niehe, hoǵe ra veite-ra renu uhu huhu are kosaisa, nina tage, se huhu ra veite, uriǵatu kine kohu-aia iabera mu veite ǵahanu.<sup>5</sup> Renu terona va guramane raki roma, “Eraǵa, daka iaǵa iaubada ge daki isage ǵahanu.” Mati auka roma, “Write this, ga oi-iabera riaǵa herea renu riaǵa vara.”<sup>6</sup> Auki da kiroma, “Auka notuanu! Daka Aleha renu Omega, uriǵoiǵo renu notu-notu. Eia i-roro raǵare, dka maǵuri eia ǵutuare, damu veite moimia vara.<sup>7</sup> Hero koita ǵahue-ra, daka au Dirava-ve ǵoisa, auka di moe ǵoisa.<sup>8</sup> Eduke, siǵo kotaia, ǵabidadama veite, me miro te koita-vaia, mati ǵa koita-vaia, hei koita-vaia, tarata koitaia iaubada ǵahuaia-bera vene renu teio gohu hoǵe abu ǵahiǵa varamu enu.” IERUSALEMA ENA ISAGE<sup>9</sup> Ege aneru iatiriǵa be oroǵi, auka kebe iatiriǵava tobokea huhu kiki ihihe kebevaia, da kiroma, “Oroǵo, Dakena (headava) isage maǵiva, mamoe ǵamika mabare a ǵaiho-nemisa.”<sup>10</sup> Renu suava da mi-oti, nimu va-vare be ada, da ǵaiho-nemi, oǵo aena Ierusalemā vava Dirava sena uguhi oroǵima,<sup>11</sup> Au haira Dirava sena renu abagava ra, abaga-abaga, damu raho te iaǵava renu isapi muniva naǵate negake herea.<sup>12</sup> Au maǵue rada rade, raho, habava vavare, maǵu idua vara utube hakira abu, idua eigerā aneru utube hakira abu gera, ege idua ie ihiva, Isaraela ǵamika iduhu utube hakira abu, ihiva tore gevenu;<sup>13</sup> Raurabada kasiva idua abigaǵa, mati mirigini kasiva idua abigaǵa, Diho kasiva idua abigaǵa renu iaaha kasiva idua abigaǵa.<sup>14</sup> Renu oǵo raho e habava ǵavarava ra utube hakira abu, iau ihera mamoe ǵamika Apostala vea utube hakira abu iau ihēa iabera.<sup>15</sup> Ege negu da ga ǵahane aneru adehe gera, roha mimi iaǵa iabera goloa kine bera, oǵo renu idua mati maǵu e roha-geisa.<sup>16</sup> Oǵo era vatai kasiva aba-abu naǵate rohai ieririva renu baukava ra bebe iau naǵate-ra, ege auki negu roha-roha iaǵa e mi oǵo e rohai daha utube hakira abu, au egeve renu bauke renu vava vara iabera (heǵereǵereve)<sup>17</sup> Auka habava ta rohai tinahu kobabe uta-aba-abu hakira aba-abu, koita roha-roha ehe ra, aneru ie naǵate ra.<sup>18</sup> Maǵu era iashi muniva ge iauki ǵonu, oǵo e uhuǵati gera golo nubaǵa-vara, abaga vara galasi vara.<sup>19</sup> Oǵo e (maǵua) ǵaika munivaia bera muni abaga-abaga va herati ǵahanu; uriǵatu iasahi muniva, abu-ǵahiǵava sahairo, abigaǵa ǵahiǵa vara kalakedo, aba-abu ǵahiǵava samaraǵo,<sup>20</sup> adakasi ǵahiǵa vara sadonu, agorokiva ǵahiǵa vara sadio, iatiriǵava ǵahiǵa vara krusolito, abugu veite ǵahiǵa vara berulio, iǵaǵu veite ǵahiǵa vara tapasio, utube ǵahiǵavara krusoparaso, utube hakira kobabe ǵahiǵa vara huakinto, utube hakira abu ǵahiǵavara ametuso.<sup>21</sup> Maǵue e iduavaia utube hakira abu, aǵeva haira herea utube hakira abu idua be aǵeva haira herea be, a oroa ra golo nubaǵa, abaga herea galasi.<sup>22</sup> Oǵo uhura dubu aena veite, au dubu e ra, Rohi raho Dirava renu mamoe ǵamika.<sup>23</sup> Oǵo raho era vani renu bata abaga veite ra, badiva Dirava (haire) raki abaga ǵahima, renu au lamēpa vera mamoe ǵamika vara.<sup>24</sup> Au abage bese nune-nune iabene o raǵohisa renu (pava-pava) au hairehe siri raǵohisa,<sup>25</sup> Au iduave ra beta kou raisa, vani renu vahi ra veite ikehe.<sup>26</sup> Bese nune-nune vaia iabera iau hairea, renu matauea idiǵi oraǵohi siri raǵohisa.<sup>27</sup> Eduke iaǵa miro bera beta siri-ra, lebu-lebu se tarata koita bera beta siri ikehe, a mamoe ǵamika maǵuri bukae ihiva tore gevenu iauǵu gera.

## 22

<sup>1</sup> Ege auki maǵuri tinavai negake herea da ǵaiho-nemenu. Auka Dirava renu mamoe ǵamika terona-vehe sena hakiva nu.

<sup>2</sup> Oǵo e oro nomuakaēge, auki hakivi tinavai e kasiva-kasiva maǵuri idi, augera makava muni-muni utube hakira abu, auka bata iaubada maka kima renu idi hanakava ra bese nune-nune maǵuri moi geima.<sup>3</sup> Iaǵa bera beta Dirava (hahemaoro) oǵo raho e uhura behu-behu ara. Eduke |Dirava renu mamoe ǵamika iau teronave ra ikehe, au besube koita vea iabera toma-diho ǵahiǵa vara.<sup>4</sup> Iauka so au vairane eraǵi, renu au ihera so iau varikehe.<sup>5</sup> Renu vahi ra veite, iauka lamēpa abaga se vani, a Rohi raho Dirava ra iau abage renu auka Rohi ǵoisa behu-behu. Ororo Ve - Inono Veite<sup>6</sup> Aneru da kiroma, ǵa oiabera riaǵa-herea renu riaǵa renu Rohi raho, Dirava renu Peroveta iau sua ruhea, ra au aneru e besui au besube koita ve ǵaiho nemi, otado bena inono veite mata mimi vanu.<sup>7</sup> Ama eraisa, daka inono veite oroǵia vara.” Buka aena oi tore vane peroveta ga-vaia (matau) ǵahare ra maǵe- ra.<sup>8</sup> Da Ioane-ra, iaǵa o ihigei renu eraǵane, renu da ihi renu eraǵane daki ǵorumi aneru vasi ǵaika (tomadiho) ǵahiǵa dainehe, au iaǵa o da ǵaiho ne gevene;<sup>9</sup> eduke auki da kiroma, “A enaki kisa ǵare! Daka ai vasire besu- besu oi renu ai sodea peroveta ia, renu oǵorea iabene Buka aena o gava badina ǵahi Dirava (toma-diho) ǵaha.”<sup>10</sup> Auki da kiroma, “A enaki peroveta ga o (bakuima or hunivima), badiva (nega) ra hugure-

ra. <sup>11</sup> Ena daure koita vaġu daure kie, (lebu-lebu) koita vaġu ena lebu- lebue, me ieriri-ve koita vaġu me ieriri-ve kie, aena koita vaġu aena vie.”<sup>12</sup> “Ama eraisa, daka mu oroġima damua ra di-adehe koita iaubada iau kara e naġate, damua moi-geige vara. <sup>13</sup> Daka Aleha renu Omega, uriġoiġo renu ihihe, sina-sina renu notu- notue.”<sup>14</sup> Iau dabua de etogei kae ġahigevene iabera maġe, iauka (maoro te or ieriri-ve) maġuri idiehe, iauka oġo raho e iduani va siri raġo hia- vara. <sup>15</sup> Itahe gera to-ia renu hei koitaia, renu ni muduka koita-vaia, mati ġa ġahavaia renu sua daure (toma-diho) ġahare koita-vaia, renu tarata koita ia, iau roiare heġiri ġahare koita-vaia.<sup>16</sup> Da Iesu ra di Aneru e besui oti ai, hari o ruta Ekalesia orea-va iau. Daka Davida rumuke renu koboke, daka hesiu raho abaga tera.<sup>17</sup> Sua renu (headava) isage ra-roma, “Oroġo.” Renu ena ihare koita vaġu roie, “Oroġo.” Renu unuhune eia iroroima oroġo, eia iroro koita vaġu maġuri eia iehe, damu veitera. <sup>18</sup> Daki koita iaubada ge daki ugoro ġahi-geima, oġorea iabene peroveta ga o iha Buka aena oi: Koita be ada-ehe oiau maimare, Dirava ra Aena oi, tore vane huhua au ada mae mia-vara, <sup>19</sup> ga o, buka aena oi peroveta renu koita be peroveta ga buka aena oi (abia oho) se mi ġaise, Dirava ra au ġahue maġuri idie renu oġo aena uhura, buka aena oi hariva tore-va ne au ġahue ra au koki- koki vara.<sup>20</sup> Iaġa o hariva (hahedinarai) ġahane koita vara roma, “Ege daka otima.” Amen. Rohi raho Iesu e, oroġo!<sup>21</sup> Rohi raho, Iesu Keriso au hari-hari - rahove ne, ia aena koita-vaia iai-bada iai guramisa. Amen.